





John Carter Brown.

Jo: Bapt: Maria Jos: P. b.
de Luana vol. 1. Gracis
Vienna 1721 - - - 17.

Don Juan Antonio de S. J.
S. J.

O. 119.

2211

HIERONYMI
OSORII LVSITANI,
SILVENSIS IN ALGAR-
BIIS EPISCOPI;

DE REBVS; EMMANVE-
LIS REGIS LVSITANIAE INVI-
CTISSIMI VIRTUTE ET AVSPICIO,
annis sex, ac viginti, domi forisq; ge-
stis; libri duodecim.

*Quibus; potissimum ea, quæ in AFRICA & INDIA bel-
la confecit, explicantur.*

Adiectus est rerum, ac verborum, index.



COLONIAE AGRIPPINAE,
Apud Hæredes Arnoldi Birckmanni.
CL. IC. LXXIV.

THE ROYAL

MAINTENANCE

OF THE

NAVY

AND

ARMY

OF GREAT BRITAIN

AND IRELAND

IN THE YEAR

1781

BY

JOHN

WILKINS

ESQ.

OF THE

BAR

AT

THE

INNER

TEMPLE

IN

THE

CITY

OF

LONDON

IO. METELLVS SEQVA-
NVS, I. C. ANTONIO AVGV-
STINO, EPISCOPO ILER-
DENS. S. P. D.

JOHN CARTER BROWN



ECIMVS nunc annus agi-
tur; Augustine: ex quo, tu
Tridēto in Hispaniā pro-
fectus; ego verò in Vbijs
agens: tu, neq; litteras ad
me dedisti: neque vllas
ego ad te misi. Non quòd
sæpè non optārim; te, meis
de rebus, ac vitæ statu, certio-
rem facere: aut tu
certè, ni fallor, ad me scribere
nolueris. Sed
quod, mihi tam longinquis
itineribus à vobis
disiuncto; certorū hominum,
quibus tuto red-
dendas traderem, facultas
defuit. Et ego occa-
sionem mihi præbitum iri
sperabam: me, istuc,
Hispaniæ saltem videndæ
caussa, conferendi; te-
cumque corā colloquendi.
Minimè tamen dis-
fiteor; æquum fuisse; te, à
me, expleri frequenti-
bus epistolis debuisse: quem
omni beneuolen-
tiæ genere, id quod perpetuò
testabor, cumula-
ueris. Ac porrò, sic adfectæ
res meæ fuerunt: vt
iacentes, cōsilijs erigi tuis
valdè potuerint. Sed,
si hoc silentij peccatum
excusari potest: ego ita
tui memoriam animo defixi:
vt mihi tu absens,
non secus ac præsens, ob
oculos verferis. Nec
enim, tot merita in me tua;
nisi planè, quod abho-
minor, sim ingratus; vlla
apud me temporū in-

EPISTOLA

iuria delebit. Illustris autem tuæ virtutis, egregiæ pietatis, & reconditæ doctrinæ tuæ percelebris; num ego, etiam si maximè velim, obliuisci queam? Qui meus in te amor, & obseruantia; eo firmiores radices, vt scis, egit: quod; ab eo tempore, quo primùm in Italiam peradolescens, ad Alciatum, iuris ciuilis perdiscendi causa, veni: ego; Bononiæ, suauissima illa cõsuetudine tua, integros annos quinque sum vfus. & alteris decē, apud te; vbi tu, Romæ, in Duodecimvirum, sacris litibus iudicandis, collegium; auctoritate Caroli Quinti Cæsaris, cooptatus esses; cõiunctissimè vixi. Vnà porrò Florentiæ fuimus, ac Venetijs, cùm tu libros Emendationum tuos, ex vetustis Iustiniani Pandectis illis, conficeres; & ederes. Vrbe Roma demùm, ad Philippum Regem missus es in Britanniam Legatus. & tũ, ego tecum fui. Aberam; dum ad Ferdinandum Romanorum Regem; quod ab Imperij Septemviris eligendus Imperator, Ordinum cõsensu, foret; legationem obires. Te enim in Urbē reuerso; apud Belgas, in Aula Philippi Regis, hæsi. Iure igitur; totius eius temporis, quo vnà tot annis fuimus; & communium nostrorum illorum studiorum crebra recordatio; longè mihi semper gratissima contingit. eamq; , vt animũ subit meum, ægrè, amore tui, depono. Cùm verò, eos tu, quos propter singularem virtutem, Bononię diligebas, mihi quoque familiares reddere cõsueuisses: vnum te; ex omni nobilitate, quem vt plurimi facerè, hortabare, Hieronymum Oso-
rium Lu-

DEDICATORIA.

rium Lusitanum, mihi vehementer commen-
dasse memini. Erat enim, artibus Eloquentiæ,
quibus etiam deditus eras; tum Philosophiæ,
Theologiæq; studijs; cum primis excultus. im-
mo quidem; ijs doctrinis, iam tum excellebat.
Hunc virum, vt tum non modò totos duos an-
nos ego nossem, effecisti: sed etiam; vt ego; Cal-
cenaque noster Hieronymus, vir moribus, inge-
nio, & humanitate, præclaris; cū eo viueremus.
Itaque; Oforij conuictu, eximias eius illas vir-
tutes, à quibus hominem prædicabas, coram in-
tueri, & magis atque magis amare; cœpi. At ve-
rò, qualis, quantaque sit eius eruditio, & elegan-
tia dicendi; libri de Ciuili, quos tum poliebat,
Christianaque nobilitate, sunt testes. Hos dein-
de secuti sunt; postquam in Lusitaniam, ex Ita-
lia rediisset; Dialogi de Gloria. quos; edēdos,
ad te & ad me; nam vnà eramus; Romam mi-
sit. Adcessere & decem illi, de Iustitia cælesti.
Quos, Reginaldo Polo Cardinali; ipsum ex ho-
minum vita tum sublatū nesciens; inscripsit. Te
verò non fugit: Polū; ne ceteros multos, ex alijs
nationibus enumerē; Oforij libris, tū vel maxi-
mè, cū tu legationis illi⁹ tuæ apud Philippū Re-
gē munere Lōdini fungereris, tecumq; apud eū
essem; sic fuisse delectatum; eosque tantoperè
probasse: vt eos, q de Nobilitate, & Gloria scri-
pti erant, quiq; tum soli exstabant; in Anglicam
linguā; à sibi cognationis stirpe proximo, ado-
lescente natalium splendore, & corporis animi-
que dotibus, perquam insigni; conuerti; nenon

EPISTOLA

sermonis ex ijs copiā, elegantia, grauitatēque; necnon vna morum simplicitatem, atque castitatem, hauriret; serio iusserit, & curarit. Fuit autem Polus, id quod te minimè latet, vir acerrimi iudicij, idemque doctissimus, prudentissimus, eloquentissimus. Optimum etiam ab omnibus habitū perpetuo fuisse; nemo est, qui nesciat. Quoties is ergo mecum de Otorio, tū Romæ, tum in Britannia, collocutus est: de eo, vel minutissima quæque; percontabatur. tanto est ipsum amore, licet nunquam à se visum, cōplexus. Quid de Regina quoque ipsa dicam: quæ Latinæ linguæ peritia præstans, adeo librorum Otorij studiosa fuit; vt eos, non semel euolueret? Quamobrem: cum iam postremo duodecim hi libri; de rebus, quas Lusitani, Emmanuele Rege, in Africa & Indijs gesserunt, ad me perlati essent: continere me non potui; Augustine: quin statim eos, auideque, perlegerem; vel totos potius, quod aiūt, euestigio vorarem. Iamdiu enim summa, vt & alij multi, cupiditate tenebar: ea, quæ de Indicis illis bellis, fama toto terrarum orbe sparserat; Latinis literis explicata cognoscere. Nam; omnia, Regē illum per Legatos; non sine magna sanè Dei Opt. Max. prouidentia, incredibiliq; felicitate; terra mariq; confecisse, sciebam. Id quod; meum illud desiderium magis adcendebat. Vehementer igitur, mihi hi libri; multa rerum varitate, crebraque fortunæ vicissitudine; tum quod piè, prudēter, eleganterque scriptos esse videam; placuerunt.

Sed si

DEDICATORIA.

SED, si quis vero; primas horum Indiæ bellorū
origines; vnde, huic historiæ lucis aliquid, ijs
qui res Hispanicas perspectas haud habent, ad-
feratur; curiosè perscrutari velit: duas necesse
est intelligat, vno propemodum eodemque tē-
pore, ex Europa, nauigationes fuisse susceptas:
quæ proculdubio, non solū veteribus Roma-
norum, sed ceterorum etiam omnium; gestis; ac
gloriæ merito comparari, vel fortassis antepo-
ni posse, videantur. Vnam; Ferdinandus Hispa-
niæ Rex versus occiduum solē; ad regiones nul-
li vnquā notas: alterā; Emmanuel Rex Lusita-
niæ; versus Orientē, in Indiā; instituit. De vtraq;
non nihil. at paucis. Hispanica, sic habet. Chri-
stophorus Columbus, patria Genuensis: firmis
Geographiæ, peregrinationum item, atque na-
uigationum, prædicijs edoctus; erat enim harū
artium peritissimus; certa coniectura depræhē-
dit: quasdam Insulas, & Orbis regiones incolī;
quæ nobis, tum veteribus omnibus, essent inco-
gnitæ. Has autem gentes: se; si necessarijs rebus,
iuuaretur; aliqua comparata classe detecturū,
promittebat. Quas cogitationes; primum serio
ac supplex, Ferdinando Regi non semel expo-
suit. Postquam fidem non faceret: eas cum Ioan-
ne Lusitaniæ Rege, cui Emmanuel successit, fer-
tur communicasse. deinde; cum Rege Britaniæ,
atque Galliæ. Cum cæteris deniq; principibus
viris; quos vel auctoritate, vel potentia, prære-
liquis inclaruisse putauit. Nemini omnium ta-
men sic persuasisse dicitur: vt opem aliquis, quā

EPISTOLA

ad eam nauigationem poscebat; quod rem non caperent; adferret. Quare: tam alta eius cōsilia, diu iacuerē. Tandem: Ferdinandus Rex, nouarum rerum laude, tum studijs, excitatus; & Columbi constantia prope victus; octennio pōst; per benignē, ea quæ ad nauigationem illam, explorandis ijs locis faciendam, petebāt; suppeditauit. Ille igitur; à Gadibus; in Occidentem, per Insulas fortunatas, quæ vulgo Canariæ dicuntur, nauigans; in Insulam quandam incognitam, adpulit. vltra dein progressus, in alteras. Priorē enim hāc nauigationē bis repetens: ignota quæcunque loca potuit; etiam eas, quæ Torridę Zonæ subiacent, prouincias, non tamē sine vitę periculo; perlustrauit. Vbi verò res tētata successisse visa est: Pinzonus, vti scribitur, inter rei maritimæ Duces haud infimus, Colūbiq; socius; nouas etiam terras perscrutari cōepit; ac repperit. Americus item Vesputius, ac Petrus Alfonso. Mexicanum regnum Cortesius, magnis gestis bellis percelebris, adiecit. Pizarrus demum; cui vitæ fuit exit⁹ infelix; Carolo Quinto, hoc nouum orbis imperiū, Peruanis regionibus ampliauit. Erant verò gētes illæ omnes; natura, moribus, dictis, ac factis, barbaræ. Idolorū in primis, ac Dæmonum; insanis, mirificis, nefandissimisq; cultibus, totæ deditæ. Nullus ipsis linearum, lanearūue, vel sericearum vestium, vsus fuit. sed gossipio, aut pellibus animalium, aut plumis auium, tegebantur. Neque litterarum vtillos characteres norant, omnia memoriter gerentes.

DEDICATORIA.

rentes. Moneta porro, pecuniaque, pōderibus;
& innumeris alijs, sine quibus vix humana vita
constare potest; carebant. Tantum autem inge-
nio, industria, labore, viribus, & animi fortitu-
dine, Hispani præstiterunt: vt diuina ope fulti,
multas huius barbaræ gētis nationes subigerēt.
Erāt enim armorum, præsertim nostrorū; pror-
sus imperitæ. Et quia se quàm latissimè porri-
gunt: multæ sunt, ac variæ; nec vnus omnes in-
genij. Nam; cū diuersis cæli partibus subditæ
sint: non vna ipsis, & eadem omnibus locis, cor-
porum ac cæli temperies esse potest. Quo fit: vt
lingua, ritibus, legibus, & institutis, inter se dif-
ferant. Vulgus; Occidentis Indias, & nouas In-
dias; tamquam fortè reliquo Orbi numquam
antea cognitæ; & ab Hispanis tam procul dissi-
tas; adpellat. Peritiores verò, Nouum Orbem.
Quartam enim Orbis partem; cū nec Europæ,
nec Africæ, nec Asiæ sint; constituunt. Quā par-
tē; Americæ nomine, ab Americo Vesputio, qui
multas eius partes detexit; nonnulli, Geogra-
phi præsertim, inscruunt. Quemadmodum &
nonnullis eius Orbis prouincijs; nauigationum
Duces, vel suum nomen, vel cælitum cuiuspiā,
indidere. Vt verò Indiæ nomen obtineant hæ-
gentes, causam nō video. Nam India, veteribus
omnibus, nobisq̃ue, fuit perquam cognita; Asiæ-
que semper attributa, non contemnendam eius
partem efficit. Hui⁹ Orbis Noui nationibus sub-
iugum actis; nec enim totus adhuc vinci, perlus-
trariq̃ue potuit; Hispani, leges imposuere de-
deruntque

EPISTOLA

deruntq; Magistratus: quibus ille, ad humanio-
rem, ciuilemque vitam, & ad Christianæ Reli-
gionis nostræ regulam, reformatur; Hispaniæ-
que Regi, cui vectigal & annuum tributum pē-
dent, sine seditione pareāt. Nam; & Christiano-
rū ritus, & sacra, in Episcopatus distributæ; Hi-
spanicamq; linguā, ac mores; erectis in id quoq;
Scholis, litterarijsq; ludis; edocentur. Ex ijs; ar-
gēti multum, auri plurimum, eruitur. ferro ca-
rent. Margaritis aut, & gemmis, abundant. Stir-
pes huius nostri orbis, defunt. Animalia etiam;
præter fera. Quod si quæ habēt; ea, sunt à nostris
multo diuersa. Plurima iam tamen, à nobis ad-
cepere: quibus, ipse paulatim, aliquam barbariē
exuant. Radices habent; vti quidam adferunt,
quibus panis vice vescuntur. Sed frugum, arbo-
rumque natura; ijs planè, quam nobis, alia. Ad
faciendam optimam medicinam: nobilia quæ-
dam eius solum gignit. Nā; lignum, quod San-
ctū vocant, hodie nobis per frequens, procreat.
Ad colores, id, quod vulgo Briliū dicitur; præ-
bet. Cocciq; speciem; quam Coxiniliam nomi-
nant, maximi prouentus mercem. Incesti quod-
dam genus ea est, culici non admodū dissimile.
Hæc; de reperto Orbe nouo. Nunc; de Lusita-
norum nauigatione. Annis ante aliquot; quam
Rex Hispaniæ Ferdinandus, nouum illum Or-
bem lustraret: Henricus Lusitaniæ Rex, bellum
in Africa mouerat. Actum, ea ex belli occasio-
ne; quod animo res ingentes concepit; aditum
sibi, ad remotissimas terras, & eas quidem inco-
gnitas,

DEDICATORIA.

gnitas, patefacere cogitabat. Classē ergo, quæ tentaret, Orientem versus expediuit. Quam nauigationem Alfonsus, qui ei successit, intermisit; multis alijs arduis negotijs oppressus. Sed Ioannes Filius; eam, mortuo patre, ita renouauit: vt, instructa classe, maximam Aethiopie partem explorauerit: neq; destiterit: donec, in Bonæ spei promontorium; sic ab eius classis ductoribus, quod ipsis inde in Indiam nauigatio, certa quasi, promitteretur; dictum: peruenisset. Illam & ultra progredi iusserat. Emanuel igitur; Ioanne hæc agitante sublato, continuandam expeditionem ratus: sub id tempus; quo Rex Ferdinandus, noua per Columbum nauigatione, sibi viam, ad nouum illum Orbem, adpariebat; Vascum Gamam, nouę classi præfecit. Hic itaq; repetita Ioannis nauigatione; primus in Calecutium, quod est Indiæ regnum, penetrauit. Nam; Regis omne studium, in Indiam vertebatur. Et si enim, ob id eam nauigationem suscepit: quæ Religioni Christianæ propagandæ cum primis operam daret: huic tamen proposito hanc vtilitatis causam simul & coniunctam, & indiuulsam hærrere oportuit: quod vnius hac Oceani maris nauigatione; si portus aliquot, quemadmodum firmandis viribus ei necesse quidem erat, occuparet: Venetis certè, ac reliquis Christianis, Indiæ commercia præripiebat; & ea ipse sibi tota, omnibus interclusis; id, quod contigit; adferebat. Nam Veneti soliti tum erant; aromata, lucrosissimasque merces, ex India; per Arabicum sinum,

EPISTOLA

sinum, cui Mare rubrum nomen est; in Alexandriā, nobilissimum Aegypti totius emporium, adsportare. inde, Venetias. qua ex vrbe; in omnes demum Orbis totius Christiani partes, distributim mittebantur. Venetorumque nauigatio, breuior erat; Lusitanorū, lōgior est. Quāobré: Indicę Venetorum merces, viliori, quā Lusitanicę, pretio; incorruptioresque; venibāt. Lusitani enim, oram Africę præterlegunt; ac lōga dein via, versus Orientem nauigant; sexque, itineri conficiundo, mēses insumunt. India, Orientis regio est; & Asię terminus. Olim; etiam Alexandri in ea bellis, deuictōque Poro Rege, fuit longē nobilissima. Tantum littoris, secundum Melam, occupat; quantum, velis, per sexaginta dies ac noctes, cursus sit. Quidam; esse etiam omnium Orbis terrarū partem, aiunt. Multitudine gentium, regnorum, prouinciarum, & vrbiū; est illustris. Porro; aquis irrigua. Lenēs in ea aurę magna cęli temperies, vbertasque; soli. Necessario ergo fit: vt, Plinij quoque testimonio; maiora, quā cęterę regiones, producat; nimirum homines, vnde ijs vita multo longior; animalia; & arbores. Inter cętera autem; quę passim India fert, sed huic nostro Orbi non cognita; vel quę, illa, certis saltē locis, gignit; hęc, potissimum numerātur. Ex hominibus; gygantes, & pygmæi. Ex quadrupedibus; leo, rhinoceros, gryphes, q& alati sunt; elephanti innumeri, aratro & armis apti, maiores Africanis; quorū dentes sunt ebur, capricanes, simiæ. Reptilium:

DEDICATORIA.

lium: dracones, aspidēs; ceteriq; generis imma-
nēs, horrendiq; serpentes, scorpiones etiam a-
lati. Aquatiliū ἀμφίβια: hippopotamus, Gā-
gis ac Nili; & Crocodilus. Aues non paucas ha-
bet, nostris dissimiles. & alias, quę nobis defunt.
veluti: varię speciei psittacos, quibus referta
est. Fruges, bis in ea feruntur maturefcere. Fru-
ctus, à nostris differunt. myrabolano, & cassia
præstat. Arbores generat, semper fröndentes, &
admodum proceras. arundinem præcipuè. est
& arbor, quam sola creat, Ebenus. Ex plantis;
præter illas veteribus notas; chinā edit, sarsam-
que parriliam, medicatas radices. Illius est nar-
dus, muscus, castoreumque. inter odorata refe-
runtur. thus item, & myrrha. Ad aromata perti-
nent; saccarus, cinnamomum, piper longum, pi-
per, calamus aromaticus, gariophyllum, nux
myristica, & eius flos, zingiber, aloë, camphora,
cardamomū maius, laserpitium. Auri etiam fo-
dinis, & argēti, nō caret. Margaritarum aut, gem-
marumq; & vnionum, plena est. Adamātes ha-
bet, carbunculos, pyropos, hyacinthos, sapphi-
ros; & quos adpellāt topazios, berillos, chryso-
prasos. Quamobrē: à Poetis, sæpè Diues adpella-
tur. Itaque: Lusitani, cognitis tot ac tantis In-
dię opibus: nihil potius habuère: quàm, vt, por-
tubus, vrbibus, ac locis suę nauigationi; quo eā
securam redderent; oportunis; cū primū pō-
tirentur. In quam rem; sedulo neruos intende-
runt. Oppidis, ac locis ergo, à se captis, præsidia
statim, & præcipuis etiam arces, veluti Cam-
baix vr-

EPISTOLA

baïæ vrbi, imposuere. à qua Turcâ, eam expugnare conantem, reppulerunt. Calecutij; & in Aurea Chersoneso, quam Malacam vulgo nominant; multa sunt Indiæ commercia. In hanc Chersonesum; ex insulis Molucis non procul disitis, aromata omnia importantur. In ijs enim Insulis nascuntur. Quæ igitur oppida, portus, ac loca, Lusitani cepere: ea oppida, portus, ac loca; præliis, & opere, diligenter munierunt. Cû vicinis vero; atque alijs potetioribus Regibus, ac Principibus; ijs regionibus; amicitia, ac mutua pacis, & commerciorum, fœdera iunxerunt. His artibus; bello quaesita, retinent. tum quod; legum, quas victis dedere; Magistratuûque, ac tributorum; vinculis: necnon, constituta, qualicuit vbique, Christiana Religione; ea quoque sibi confirmarunt. Hispani; cû publici etiam commodi sui non immemores; ex Molucis Insulis, in Auream Chersonesum, tot aromata aduehi cognouissent: omni studio contenderunt: vt, noua reperta via, in eas ferri possent. Quam; Carolus Quintus Cæsar, Magallano peritissimo rei naualis Duci, explorandâ comisit. Hic; per Occidentem, sub inferius hemisphærium, in Orientem, ad varias insulas delatus; tandem ad eas Molucas peruenit. De hisce quidem insulis Molucis; inter hosce duos Reges, magna coorta fuit disputatio: vtri nimirum; diuisionis Orbis iure; Alexandri Sexti summi Pontificis decreto sancitæ; deberentur. Quoniam enim; duabus hisce, Hispani in Orbem nouum, & Lusi-

DEDICATORIA.

& Lusitani in Indiam, detectis nauigationibus; fiebat: vt, vterque, vltcrius progrediendi cupidus; alias porro Insulas, & regiones indagaret: nauium præfecti, ipsique adeo classium duces, in eam cogitationem & expeditionem, acriter incitabantur. Inuentorem quippe gloria manebat, idoneus ad audendum omnia stimulus: ad hæc adcedebat Regis fauor. & præmij magni fixa spes. Quare: cõtẽptis periculis vniuersis; eo quisq; labores suos conferebat: vt Regi suo, recens repertis terris, aliquam recẽtiorẽ adiungeret. Sic, eueniebat; vt omnia vtriq; perlustrarent, ac tentarent. Hinc vero, periculum præuidebant fore: ne, dum tanto hæc studio procurarentur; Hispanus Lusitani, & Lusitanus Hispani, nauigationes institutas, impediret. Ergo: locum aliquando controueris; & inter amicos Reges, eorumq; clientes; bellorum, aut odiorum occasiones; præberi. Ne hoc accideret, duo hi Reges sibi magnoperè cauendum ducebant. Tandem: ex ea, quam dixi, auctoritate Alexandri Sexti Maximi Põtificis; vniuersum Orbem, in duas equales partes; factõ vtriusque ab Insulis Hesperidum, quas Caput viride nuncupant, initio; diuiserunt. Ergo; quidquid, ab Hesperidibus recta in Orientem nauigantibus Lusitanis, incognitæ terræ detegeretur; id omne, ijs cederet: quidquid autem in Occidente, Hispanis. Quamobrem: Hispani; cursum in Occidentem, ad nouum Orbem nauigantes; his pactis adstricti, tenuère. Lusitani autem: per Meridiem

EPISTOLA

Meridiem, & Hesperidum littora, & Aequatorem, Tropicumq; Capricorni, transeuntes: deum; per Arabicum Persicumq; sinum: ad Indiae littora, intra Gangem; vbi Calecutium: deferuntur. Inde; Taprobanam; & in Auream Chersonesum. tandem; ad Sinas vsq; populos. At: licet duo illi Reges, frequentibus, & toties iteratis nauigationibus, vndique maria sint emensis: nondum tamen, haecenus; eo hominum diligentia solertiaque penetrauit: vt; num Occidēs, Orienti, vlla continente terra coniungatur; quae, in Orientem, pedibus; id quod quaeritur, & optatur; iter esse possit: inuentum sit. Sed; de his, nimis multa: ad Osorij historiam modò redeamus. **PRINCIPIO:** quod ad pietatem spectat: nulla bella; vel ex auditione, vel scriptorum, è lectione; ego, hac ætate, terra, mariue facta memini: quæ sanctiore, istis Lusitanorū bellis, proposito; suscepta videri possint. Emmanuel enim Rex, non minus singulari Religionis studio incensus, quàm animi celsitudine præditus; ea potissimum eò instituit, & expediuit: quò Christi gloriam, eiusque numen ac nomen, ijs locis illustraret; & id in illas Barbarorum nationes, Idolorum, Dæmonumque, cultibus infames, extenderet. Quo nomine; iusta hæc fuisse bella, meritò creditur. Nec me fugit: nonnullos esse; qui, num iurè potuerint moueri, dubitarunt. Quorum opinioni; optimi grauissimique viri, ob vrgentissimas causas, restiterunt. & liquet: tam barbaras ac feras gentes, nulla humanitatis

DEDICATORIA.

nitatis ingenitæ ratione, ad verū Deum cognoscendum perducī posse; nisi primum expugnentur. Ipsas Deum adficere, maximis & horrendis iniurijs atq; contumelijs, quas Christiani, minime omnium ferre debeant: cū ipsos, omnibus in locis, & apud omnes omnis generis homines, Dei gloriam semper præ oculis & habere necesse sit; & ipsum Deum coram palamq; confiteri. Negāt, verò; qui sese, cū possint; ijs, qui eum adeò crudeliter impetunt, atq; dilacerant; totis viribus, ac nervis, tamquam iniuriæ illatæ iusti vindices, non opponunt. Si enim, amicus amico iniuriam ab altero, quam queat auertere, non finit fieri; nisi iure meritoq; repræhendi velit: quanto magis, ne Christo; nobis laborandum est? Ac bellum; non priuata, sed publica, Dei quæ vindicta, censetur. Itaque: Lusitani; totis ijs prouincijs, in quibus trophæa fixerunt; nihil antiquius sibi duxere: quàm; vt, Deo duce, Christianam Religionem, in ijs multo suo sanguine sancitam, fundarent. Hoc autē, quàm arduū, difficileq; fuerit, satis ostenditur: quòd; nulla bella maiore contentione, ardoreque animi vehementiore, gesta fuerint. nulla; in quibus, militaris fortitudo magis eluxerit. Magnūne, cedere, fuit: tam procul à suis, quicū manus cominus consereres, quoque eos debellares; quærere? Tot ergo littoribus emensis, tot perlustratis incognitis horridisque terris; potentissimos Reges, ac Populos, prælijs; quotq; & qualibus, obsecro? laceffere? Nec spes, inclinatis desperatisue rebus, vlla quidem prom-

EPISTOLA.

pti subsidij, potuit ipsis adfulgere. Quamobrè;
 necesse habuerunt; omnem suam salutem; in v-
 na, post Deum, sua virtute, ponere. Maximum
 ergo fuit; subigere tantam, talemque gentem.
 Et quot, interim, obiecta militi pericula? qui
 terrores superati? Quanta constantia; tot negle-
 ctæ contemptæque, æstuosissimi maris tempe-
 states? quanta fames etiam? Quanto itaque ani-
 mi robore varietas euētuum deuicta? Quoties
 item, & quàm sæpè? Nam certe, non rarò adci-
 dit: nenon ipsi Lusitani profligarentur, vel etiā
 caderēt. Victores tandē tamen, singulari Chri-
 sti beneficio; vel tum maximè, cū omnia pro-
 pe deplorata crederētur; euaserunt. Errant au-
 tem toto cælo; qui opinantur, vel disputant: eos
 Populos, cum quibus Lusitani dimicârunt, iner-
 mes & imbelles fuisse. Ab omnibus siquidem
 rebus; & instrumentis, tormentis, & armis; qui-
 bus bellū ducitur, committiturq; : non secus ac
 nos, erāt instructi. Neque; forti, exercitato, ve-
 teranoque milite, caruerunt. Sed tales verò cō-
 secuti victorias fuere sæpè, Lusitani: vt illæ;
 quem ad modum omnibus, multisque nomini-
 bus ac rebus, videntur admirabiles: ita; multis,
 qui aliorum, ex sua tantum, virtutem impru-
 denter æstimant; aut Maximi illius Dei opem
 in ijs non agnoscunt; incredibiles sint futuræ.
 Sic ergo iudico, ac sentio: tantam gestarum re-
 rum illarum varietatem, tantā magnitudinem;
 quia vix præsidij humanis prestari quiuit; fuisse
 præsentia diuini numinis administratam. Id-
 que, proculdubio fatendum est. Quis etenim:
 infini-

DEDICATORIA.

infinitam armatorum exercituum multitudinem; à quampaucissimis Lusitanis, iniquo plerunque loco, ac rerum statu pugnantis; haud semel fusam, & ad internecionem cæsam, ac delictam esse; supra quam dici potest, nō miretur? Ergo; quod ad Oforium historiæ auctore spectat; non statim fides narrationi detrahenda: quā quis fortè dubitandum esse, putet. Virum enim grauiorem semper eum fuisse nō ignoras; quā, vt quidquam falsis rumoribus tribuerit. Quare; mihi ego pro certo persuasi: etiamsi gestis, quæ describit, non interfuit: nihil tamen ipsum; nisi quod à testibus egregia fide multò grauissimis compertum habuit; & quod magno cum iudicio; tum labore, ex eorum Annalibus & cōmentarijs, qui res ipsas gessere; aut ab ijs, qui gesserunt, eas adcepere, scripsere; coram uē ei narrauerē: decerpserit, & expēdit: adtulisse. Cū enim; oīs omne historiæ fundamentū sit, ipsa veritas: in eam vnā proculdubio; contemptis etiam ijs, qui, inanis gloriæ stimulis perciti; se, vel gentiles suos, cumulatoribus laudibus extolendos, esse vociferantur; vel maculam inuri sibi; vel aliquod, egregium scilicet, suum suorum uē facinus omitti, nimis ambitiosè conquirentur: incubuisse ne; si vera de ijs viris, ac rebus nō dixisset; in multorum hominum reprehensionem; id quod alioqui sibi necessariò relinqui vidit, incurreret. Quis autem: nisi planē vecors, amens, aut scurra: se vltro, infamiæ publicæ periculis iaculis uē, tentet obijcere? Neque, posteritatem fallere vir optimus; adeò di-

EPISTOLA

minis litteris, & in ijs tractandis, & explican-
 dis, intētus; voluisse, credendus est. maximè;
 quod est ætate prouectiore: tum quod, Episco-
 pi munere fungitur. In quo personæ, quam ge-
 rit, statu, & ætatis gradu; quem ad modum vite,
 morum, ac fidei grauitas, & integritas, magno-
 perè laudatur: sic etiam; excellentior, quàm in
 ceteris, maiorque, expeti ac meritò requiri so-
 let. Facta, is, gestasque res; breuiter, perspicuè,
 libereq; narrat: earum initia, progressus, & fi-
 nes, ostendens. Deliberationes autem gerenda-
 rum earum rerum, sic explicat: vt consiliorum
 rationes; tam Lusitanorū, quàm hostium; quo-
 ad licet, perscrutetur. Primū: quòd ex ijs, res
 gestæ manant; originemque suam trahunt. De-
 inde: quòd, ijs expositis, ob oculos quasi poni-
 tur: quid sapienter ac rectè susceptum sit; quid
 animosè ac fortiter gestum: quid ecōtrariò; re-
 missè, temerè, vel confidenter: & vbinam, qua-
 que ex causa, peccatum fuerit. Et quia non ra-
 rò contingit: nenon, in capiendis consilijs, non-
 nulli inter se, vna eademque de re, sententijs
 dissideant: contrariarum opinionum varieta-
 tem; quā prudentibus argumentis nititur; vix
 prætermitit. Nam; non ex rerum exitu; sed, ex
 consilio, quo res institutæ fuerint; de ducis sa-
 pientia, aut temeritate, iudicandum est. Quare;
 hæc consilia, nonnumquam insuper examinat;
 seduloque discuit. & suam ijs quoque; sed so-
 lum grauioribus in rebus; at paucis; sententiam
 adiicit. Ex cursu etiam; si datur; atq; digressiun-
 cula, perquàm breui; quid in factis, consilijsque
 probet,

DEDICATORIA.

probet, interferit aliquando: & cur, quid improbet. Porro: cū oportunitas rerū bella, quęcumque moderetur; neque vlla alia benē ea gerendi, facultas, hac maior, dari possit: eam suis locis indicat. Nec ea facillē percipitur: nisi hostis rebus cognitis; atque, quod caput est, eius studijs, diligenter per exploratores perspectis. Quare; Oforius, hac quoque parte, diligentiam suam testatur. His ergo rebus fit: nenon posteritatem; & eos, qui nūc hosce libros legent; ille, & rerum gerendarū prudētia instruat; quo sibi, rectis consilijs, in huiusmodi, vel nō dissimilibus factis, cauere possint. & eos ad virtutē; eius pulchritudine, per communes nonnunquam locos, & sentētijs grauitate quadam insignes, præ oculis exhibita; prorsus amplectēdam, inflammet. nenon; exemplis, quomodo quędam Reipub. vulnera, & hominum vitia, corrigi ac sanari possint; edoceat. Quę triplex prudentiæ, virtutis, & emendationis, vtilitas; ex historijs potissimū hauriri debet. Cuilibet autem scriptori propositum esse oportet: vt, siquid valet, hominum vitę in vniuersum consulat. Eximia denique, ac multiplici; personarum, rerum, locorum; & euētuum, ab læto, vel infelici exitu; varietate; hęc historia, perquam est illustris, & iucunda. eoque; & multis alijs nominibus; omnium animos capit, mirificeq; delectat. Quid enim: quod ritus ac mores, ingeniaque diuersarum gentium ac leges, & instituta; declarat? Quęnam in ijs insulæ, prouinciæ, vrbes, portus, loca, arces. Quis earum situs, ambitus, munificētia.

EPISTOLA

nitio·qui fines·qui in ijs exteri·quæ commer-
cia·& eorum studia, ædificia·quis eorum prin-
ceps; quis magistratus; quale imperiū·qui du-
ces, qualis militia; qui hostes: quæ vires, poten-
tia, & opes·quæ soli fertilitas, aquæ, fruges, ar-
bores, herbæ·qui cibus·cæli salubritas·religio,
templa, sacerdotes·eorum cantus·fides, magni-
ficentia·qui cultus, ac vestitus·& similia huius-
modi; describit. Nec nō castra, & eorū metatio-
nes. Bellorū quoq; dissensionū, offensionum,
odiorumque causas; adfert. Eorum denique
bellorum adparatus, stratagemata, velitatio-
nes, pugnas, cōmeatus, obliationes, oppugnatio-
nes, expugnationes. Neque coniurationes, insi-
dias, proditiones, simulationes, suspensionesq;
ac rumores, filet. Legationes quoque, vario-
rum Principum, ac Populorum; & eorum missa
dona, ac munera; inducias bellorum; ac pacis, a-
micitia, concordiaq; sancitæ, fœdera, pactaq;
proponit. Quid ego referam; de frequenter in-
teriectis, toto historiarū opere, orationibus; sa-
pientia, pro rerum diuerlitate, plenis? Quid de
ijs, maximè, quæ cohortatiōem ad præliū cōmit-
tendum, ineundamq; pugnam, cōtinent? Quo-
niam verò; omne suum studium, ac neruos, ad
excolendam pietatem, re ipsa contulit: & expe-
ditiones illas Emmanuel Rex præcipuè, Reli-
gioni Christianæ propagandæ, ingenti quidem
spiritu, suscepit: nullam, in illis narrationibus,
occasionem, locumque, consulto prætermisit;
in qua, vrgentes effusæ pietatis; & ad eam tuen-
dam & exercendam, cohortationis; aculeos, nō
relique-

DEDICATORIA.

reliquerit. Rerum omnium successus; siue læti,
siue tristes ij adciderunt; totos, ad vnum, tam-
quam eorum auctorem, Deum; eiusque gloriã;
& eodem clarorum hominum laudes; rettulit.
quasi; vnà, diuinas res, & humanas, explicet.
Quidquid namque facimus, loquimur, differi-
mus, consultamus, legimus, scribimus, addisci-
mus, aut etiam cogitamus: eo rectà; si pij, viriq;
probi essere ipsa volumus; studia in his nostra
colliment, necesse est: vt, inde & nos fiamus me-
liores; & alij quoque, tales vt à nobis reddan-
tur; efficiamus. Qui vnus nobis, omnibus in re-
bus, finis; & artium ingenuarum omnium, quæ
docentur; historiæ in primis; scopus esse præci-
puus debet. Minimè verò prætereundum est;
bella illa, quæ dixi; nõ solùm Emmanuelis Re-
gis erarium, nouis indictis tributis, auxisse; atq;
Lusitanis nouas opes adtulisse: sed toti nostro
Orbi; fuisse perquàm vtilia; & etiamnum exi-
stere. Præterquam enim: quòd Christianis, no-
uum iter, ad Orientis & Indiæ, quàm amplissi-
mas, atque ditissimas regiones; antea nunquam
tentatum; adperuerunt; vnde à multis, lucrosa
commercia institui possint: Christus etiam; per
ea, rudibus illis populis, hætenus haud obscu-
rè prædicatur: atque; funditus, euersis Dæmo-
num, quos solos ij colebant, Idolis; liberrimè,
magnoque cum fructu, docetur. Quo gloriæ
fructu, ac laude; nullus, à Christianis, excellen-
tior excogitari; nullus Deo quoque gratior cõ-
tingere à nobis; potuit. At verò: cùm ea, quæ ad
hominum actiones pertinent; Varro, omnium

EPISTOLA

Romanorum eruditissimus; initia naturæ secutus; in homines, in loca, in tēpora, & in res, par-
 tiatur: quidquid enim agitur; & personis, & lo-
 co, & tempore, & ipso agendi genere, continetur: hinc igitur; quattuor historiæ tractandæ for-
 mas; siue rerum, in ijs, ordines, oriri, duciq; cō-
 stet: vnam; quæ hominum vitas; singulorū prio-
 ribus succedentium ordine, seorsim descriptas;
 complectitur. alteram; quæ locorum: tertiam;
 quæ temporum seriem, sequitur: postremam;
 quæ similia facta, ac dicta; in quædam, à vitis ac
 virtutibus inscripta, distinctaque, capita; com-
 præhendit: mihi prior illa quidem forma; quæ
 Principum virorum; maximè Cæsarum, ac Re-
 gum, vitas explicat: eò digna semper visa est,
 summa egregiaque laude: quòd; ad eos, pruden-
 tia & moribus informādos, qui Remp. vniuer-
 sam administrāt; vel eius Principes futuri sunt:
 cæteris vtilior, & ad cōmodatior, haud leuibus
 ex causis, esse; multorumq; iudicio; videatur.
 Nec enim magis; quid Principi cuiquam viro sit
 imitandum, quid uē fugiendum; adparet, lique-
 reūe, ad omnium vsum, vtilitatemque po-
 test: quam; eius exemplo, qui tale quidquam pa-
 trauerit; quod vel homines fugere oporteat,
 vel æmulari. Quoniam exempla: si quis animo
 ea verſet; fortius penetrant; & herent memorię:
 atq; diligenter narrata, vel expōſita; quia, quod
 exemplo fit, iure etiam quodam fieri plerique
 iudicant; præceptorum vicem ſubeunt. Duplex
 autem viri Principis vita est, ac persona priuata
 nimirum, & publica. Priuata; Corporis, Animi,

ac

DEDICATORIA.

ac Fortunæ bonis, æstimatur. In corpore; temperamentū. & constitutio, spectatur. à qua: robur, valetudo; vitæ lōgītudo, morbi, pericula; mors. Ad animum referūtur; & virtutes, & vitia. nec non, ad eas propensio. Mens item, ingenium, ac mores. Fortuna; omnis generis opibus cēsētur. Hic ergo; felicitas infelicitasque, locum obtinet. Eoque pertinent; coniugium, liberi, cōsanguinitas, adfinitates, amicitia, familiares, clientelæ, & Principi subditi. Hostes præterea, expeditiones, victoriæ, triumphī, honores, atque peregrinationes. Quid horum sit in Principe, tum quale; historia persequitur. At; publica Principum vita, latius patet. Nam; quid, eam personam ille gerens; tum domi, tum foris; & constituta pace, & bello suscepto; gesserit: ipsa continet. Tria verò, in constituenda, gubernandaq; Republica; Principi viro, præcæteris, incumbunt. Nempè: Religionis procuratio; Ciuiliū rerum, ac Iustitiæ, cura; & Armorum, terra mariq;, expeditio. Ad hæc; ni fallor; reliqua Reip. munia tota, reuocantur. Quæ omnia, vtriusque vitæ, capita; Oforius, in hac Emmanuelis Regis historia, suo quæque loco: sed Annorum in ea ordine seruato; perstringit. Regnum autem Emmanuel administrauit, annos sex integros, ac viginti. Non solū igitur; quæ bella in Africa, & India; terra marique, per legatos Rex gessit; & quid illos, & quibus ex causis; per literas, ad eos cum mandatis datas; exequi voluerit; explicat: verū etiam; quomodo domi, pacis artibus excellens, regnum gubernārit: quid

EPISTOLA

egregiè, acutè, scitè, prudenter, piè, sapièterq; dixerit: quas legationes, quibus de rebus; & quàm grauibus, & à quibus, ad se missas; audiuerit: ijsque responderit: quas item; ad alios summos Principes, ac Reges, instituerit. Veluti, inter ceteras; illa est, ad Alexádrú Sextú Romanú Pontificem: qua; Princeps religiosissimus, Ecclesiæ rebus prospici: & Sacerdotes; à vitæ luxu, morumque licentia; ad continentia, sanctimoniamque disciplinam, reuocandos; postulauit. & altera; ad Leonem Decimum; cum muneribus, & Elephâte. Mihi igitur; vel hoc solo nomine, nō vulgari laude digna, hæc Oforij historia videtur: quòd omnes Emmanuelis Regis; tā priuatas, quàm publicas; actiones, adeò diligenter exposuit. Fuit enim is Rex, omni virtutum genere cumulatus. Vltrò autem nobilitas, vbique ferè gentium, eò contendit: vt Principis sui mores; vel ex consuetudine, vel amore virtutis, vel occulta quadam vi, ingenijq; similitudine, vel adulandi studio; sequi soleat. Vni verò omniū hominum maximè, Lusitani; & Regem suū admirantur, & amant vehemèter. Quare; minimè dubito: quin, perquā multi, hac historia, ad res præclaras; saltem memoria proximi superioris tēporis; excitentur. At; præter rerū magnitudinem, quæ omnes ad eā legendam inuitat; ij, qui Latinis litteris sunt exculti; in ea, eloquētia neruos, ac robur, adgnosçēt. Si enim eloquētia definitur prudentia dicēdi: eā nullos in his libris desideraturos esse, cōfido. Ita siquidē, tantoq; artificio historiā cōtexuit: vt, ex gestarū rerum causis,

DEDICATORIA.

causis, & circumstantijs; quas studiosè, narrationib. ubi licet, vel aliud agēs, inferit; haud obscure significet: nū aliquod à nobis imperiū; tū quales; & quā longè ab hoc Orbe, remotis in prouincijs, dissitū; atq; quib. è seminib. procreare possumus: deinde; quib. id artib. & institutis, adolefcit: ac postremo; quib. nā rationib. cōseruetur. Quæ sapiētiae lumina; attētē legentib. sese; quātum sentio; in omnib. huius historiæ partib. clara quadā luce, prodūt. Quantū autē ad elegantiam styli pertinet: verborum delectus, proprietas, splendor, copia: sententiarum verò; grauitas, varietas: orationis denique totius, qui aures implent, numeri: qualis ea, quantaque sit; satis, superque, testantur. Quam ob rem: nihil amplius, de his, dicam. Neque referam: quanto perē sit vtilis, tum necessaria historiæ omnis cognitio, ijs, qui Rempublicam administrāt. Hoc enim; apud omnes homines; ac gentes, quę moribus, ac legibus reguntur; in confesso est. Neq; eius laudes ex cæterarum artium, cū ea, comparatione; copiosè, ambitioseūe, proponā. Paucis; hęc tantū. Hominem; esse ad res duas natum: ad intelligēdum videlicet, & ad agendum. At; historia, præstantissimorum hominū consilia, tū facta, ac dicta; quibus omnis Reipu. forma sese nobis exhibet, & quibus illa gubernatur; cōmemorat. Itaq; constat: Alexandrum; vt infinitos omittam; ita Cyri disciplina, quā ex historia cognouerat, fuisse informatū: vt, vitę actiōes suæ, ad eā componens; à rebus gestis, Magnus euaserit. Nam certè; plurimū interest: ex historia; clarorum

EPISTOLA

rorum virorum volūtares, curas, cogitationes,
 vitæ splendorē, laudis cupiditatē, virtutis ardē-
 tissimos amores, perdiscere. Eadem porrò; to-
 tius antiquitatis memoriam, vna continet: nec-
 non eam vniuersis; tanquam in speculo; ad imi-
 tandū conspiciendā, præbet. Per hanc ergo; Po-
 pulorū omnium, res gestas cernimus. & ex ijs,
 oēs rectè gerendæ Reip. rationes nobis quæri-
 mus. non equidē Philosophorum cōmenticijs
 præceptis delineatas; sed, verissimis colorib. &
 imaginibus expressas, & exemplis. Quā si care-
 remus: tenebris obruta nobis omnia, proculdu-
 bio iacerēt. immo; pueri, vt ille ait, omnes esse-
 mus. Quid; quod inuictissimorū Imperatorū,
 ac Regū, ceterorumq; Principū sanctissimorū
 quoq; Christianæ nostræ Religionis, Martyrū;
 acta, resq; gestas; obliuio consumeret? Deniq;
 nulla laus, nulla gloria; qua homines, ad præcla-
 re qd audendū, vel quidquā fortiter & magna-
 nime gerendū, inflāmarētur; extaret. Itaq; hæc
 sublata; nō viuerent vel Maximi illi viri, mor-
 tui: at; ea sola, modò viui: nō Reges; nō Duces;
 non reliqui vlli; à virtute longè memorabiles;
 in ore posteritatis personarent. Quare: cōmuni
 oīum cōsensu; meritò magistra vitæ, nuncia ve-
 ritatis, ac lux virtutū omniū; vt est, sic etiā esse
 creditur, & adpellatur. SED; vt ad te, ex tā lōgo
 interuallo, redeam; Augustine: cum hæc Oforij
 historia, tot ornamētis excellat: nolui; nostros
 hoīes, ea diutius; ppter magnas vtilitates, quas,
 vt arbitror, ip̄is adferet; carere. Atq; etiā; vna cu-
 piebam: eisdē; tot res admirandas, quibus Lusi-
 tanorum

DEDICATORIA.

tanorū gloria clarescit, reddere notiores. quo;
qui legent; illorum ij virtutē, clarē perspiciant;
&; qua decet; probent, colāt, amplectantur. Nā:
quoniā eē res, haētē⁹ Lusitanica tantū, vel Hi-
spanica, nostris peregrina, lingua; scriptæ fue-
rint: vix intelligi; prāterquā à paucis; potuerūt.
Existimo quidē; hoc meū factum, Illustrissimo
Principi, Hērico Cardinali, haud ingratū fore.
Cū enim; oēs, ei clementiā, ac prudentiā; &; in
administrando Lusitaniæ regno, summā iusti-
tiam, æquitatemq; tribuant: ægrē non feret; tot
Emmanuelis patris trophæos; quorū, vti filius,
legitimus est hæres; apud nostros, hāc historia
celebrari. Non enim; vñs solis; hāc historia; de
tot fortibus gestis; qā ad sempiternā toti⁹ Chri-
stiani nominis laudem pertineant; scribitur: sed
quāplurimis; vel potius, vniuersis. Oforiū autē
credo nō improbaturū. cū is eā scripserit; vt
omnib. prodesse possit. Porro: ex hoc meo stu-
dio, intelliget; me; amorē, quō eū ego sum sem-
per prosequutus, cōstanter retinere. Quā ob rē:
ne tu mihi vitio vertas; abs te, iure peto: quōd
hanc epistolā, ad te scriptā, eius historiē prēfixi.
Me siquidē, semel oportuit; longissimas ad te
scribēdi moras; inita aliqua, noui litterarum ini-
tij ratione, rumpere. Quōd; si me tamen repræ-
hendes: Oforius certē, caussa cui⁹ agitur, se tue-
bitur. esseq; mihi poterit, optimus oīum patro-
n⁹. Quod vnum, postremo superest; ego quidē;
Augustine: à nōnullis grauib⁹ viris; q̄ istinc, ad
nos redeūt; pro certo intelligo: & te, & Oforiū
in Episcopi munus atq; dignitatē, sic incumbē-
re; vt

EPISTOLA

re; vt vos; cōmuni totius populi voce, præclarā egregiē pietatis laudē ferre, valdē predicēt. Qui nuntius; quanta me lētitia perfuderit; ex mea in te obseruantia, iudicabis. Sica autē referunt. Te; apud tuos Ilerdenses: Oforium; apud suos Siluenses: sacrarum litterarum lectioni, totum esse deditum. Vos itaque, sanctis ad Deum orationibus fundendis, ac precibus, defixos. Diligenter item; populum, de sacris rebus docere frequētib. ac pijs concionib. habitis. Postremò: vos de plurimis multis Christiane charitatis officijs, per quā benē mereri. Quo nomine: vobis supra modū gratulor. mihiq; gaudeo; ac lētor. Nam; nemo est, qui nesciat: officiū omne Episcopi; in scripturæ sacre lectione, oratione, concionibus, exercendaq; in vniuersos charitate Christiana, planē cōsistere. Quidquid tibi præterea, Augustine; temporis, & otij, cōceditur: id totū; in antiquitatis, veteribus illis tuis studijs, aiunt, cōsumis. & ex instructissima tua bibliotheca; præstātissimorū auctorum libros; inter quos, & à te prudēter, eleganter, ornatè, docteq; scripti; merito referuntur: ad communē omniū studiorum vtilitatem; non solū multis suppeditas; verū etiam, tuis quoq; sumptibus nonnumquā; edicuras. Oforius etiam; non cessat; scribēdo testari: nō minus otij sibi, quā negotij, habendā esse rationem. vir certē dignus; cuius egregio stylo, & calamo; sapiētissimi Regis, atq; fortissimorū Ducum, res geste; conscribantur. Vale. VIII. Kal. April. cId. Id. Lxxiv. Ex Vbijs.

CL A.

CLARISSIMO, ET SANCTISSIMO
PRINCIPI HENRICO, SANCTAE
Romanæ Ecclesiæ Cardinali Hieronymus
Oforius Episcopus Syluensis,
S. D.

ETSI ea mente sum, ut vix quidquā arbiurer esse historia vel ad prudentiam comparandā vtilius, vel ad virtutē excitandā vehementius, vel ad sananda reip. vulnera salutaris, vel ad oblectamentū vitæ iucundius: et ab amicis meis sepius admonerer, ut res nostrorum hominū liueris Latinis illustrare, ab eo tamen studio vehementer abhorrebam. Nā cū alia multa me ab eo deducere, tū duo præcipuè deterrebant. Vnū erat fidei faciendæ difficultas, alterū offensionis concitandæ periculum. Si enim fidē non facerē, erat mihi vanitatis infamia subeunda: si verò quorundā ambitioni minime satisfacere, odium in me acerbum & immane concitandū. At, ut est capitis hominum, id plerumq; euenire cernimus, ut tantum quisq; credat, quantum se viribus aut ingenio præstare posse confidit. Quidquid verò contra nem vsitatæ virtutis & industriæ modum superat, id nullo modo prorsus admittit. Contra verò qui nullum modum ambitioni statuunt, ægerrimè patiuntur, si eorum gentiles minimè fuerant immodicus laudibus illustrati. Quod cū apud alias nationes fieri solitū sit, tū apud Lusitanos tantū plerumque offensionē historia scribendæ munus affert, ut omniū tela in eū, qui tantū facinus audet, adherescant. Id quidē non ita pridē satis experti sumus in historia, qua, Damianus Godesius res virtute & auspicio, et incredibili felicitate Emmanuelis Regis, inuictissimi Patris tui, gestas patrio sermone complexus est. Res, inquit ille, maiorum meorum non perinde, atq; illorum merita postulabant, exornauit. Alius verò, labem generi nostro, & antiquo splendori nobilitatis aspersit. Alius postremò, hoc aut illud, quod erat ad laudem nostri nominis insigne, prætermisit. Quod si hominis prudentis est, alienis periculis admoneri, hoc vno certè ex iplo potuissē ancipitē scribendi euentū perhorrescere. Aliud etiā incōm. o. dū accebat, quòd erā ipse, ut officiū meum me facere admonerat, rebus diuinis pro mea parte tractandis & explicandis intemus: neq; conuenire arbitrabar, ut à cælo deductus, terras nimis intuerer, hoc est, ut diuina, dum res humanas illustrare conor, intermitterē. Sed quòd plura me impediēbāt, nē scribendæ historiæ munus attingerem, id clarius cerni poterit animus meus studio ardētissimo tui nominis & amplitudinis inflāmat. Nā cū tu me per literas, nō quidē imperio cogerēs (quod facere pro nure tuo potuissēs) sed, q̄ tua excellēs atq; planè diuina benignitas est, amice rogares, & moneres, ut Regis patris tui historiā scriberē, illūq; nomen apud exteras nationes Latinis liueris ab obliuioē vindicare me cōtinere non potui, quin id munus cōtinuò suscipere. Vt aut id facerē, multa me simul inuitabant. Primū, n. voluntatē tuā nullo modo poterā sine crimine impietatis

EPIST. DEDICAT.

aspernari. Deinde, indignissimū arbitrabar Emmanuelis nomē apud Lusitanos tantū, & non per oēs reip. Christianae nationes cū omnium admiratione vagari. Tū etiā id mihi acres stimulos admonebat, quod in hoc opere nō tā res humanas, quā diuinas explicādas suscipiebam. Vt n. Emmanuel diuino consilio ad regiā amplitudinē euectus fuit, ita q̄ designauit, q̄ motius est, q̄ imperio illius gesta sunt, ad Dei benignitatem referēda sunt, multaq; res admirabiles presentis numinis virib. administratae, ita ut ei, qui fidē illis habere noluerit perfidiae & impietatis suspicio recipienda sit. Vt aut id facilius exequi posset, Damianus Goes praestitit. Is n. magno labore, vigilātia, & industria ea ex quā plurimis epistolis & cōmentarijs eruit, et monumētis suis memoriae cōmēdauit, q̄ ego minimē potuisse sine sūmo otio perscrutari. Multa etiā ex aliorū scriptis & sermonib. accepta memoria cōtinebā, quae minimē sūlō io praetereunda iudicauit. Sed quia in his libris nostros homines aliquādo Lusitanos, aliquando verō Portugallenses appellare solemus, huius varietatis breuiter reddenda ratio est. Portugalliae nomē, ut Andreas Resendius, vir doctissimus aperitē demonstrat, à portu Cale (sic n. appellabatur olim oppidū ignobile, quod Durio fluminis imminebat) ductū fuit. Cale namq; erat in colle sitū. Portus autē piscationis gratia frequētari cepit. Eā verō cōmoditatē hominū multiitudo sequuta, vndiq; confluxit, vsq; eō, dū ciuitas opulentissima fieret, quae Portugallia deinde nominari cepit. Inde verō totū regnum nomen obtinuit. Continet autē Portugalliae regnum non exiguā, ut Paulus Iouius parū consideratē dixit, antiquae Lusitaniae partē, sed valde magnā. Pars enim Lusitaniae, quae ad regnū Portugalliae pertinet, & fluiijs. Ana atq; Durio cōtinetur, plus trecentis et viginti passuum millib. in longitudinē patet. Adijcitur deinde Callaecia Bracarēsis à Septentrione, quae Durio & Minio desinitur. Ad ortū verō Solis sunt aliquot etiā ciuitates trās Anā, q̄ Portugalliae regno cōtinentur, ita ut sit non minus ē Callaecia & Batia Portugalliae finib. adiectū, quā ex antiqua Lusitania detractū. Quod si Portugalliae nomē ex vno oppido fuit tēporis progressu in totū regnū derivatū, simili ratione consentaneū fuit, ut ex tā magna Lusitaniae parte, Lusitaniae nomen in totū regnū duceretur. Quò minus igitur vtroq; nomine viamur, interdictū nobis minimē putō. Sed hoc nō magni refert. Illud, quod est praesētis operis, hortor et admoneo oēs, qui hos libros euoluerint, ut animis secū reputēt, quā variae res et vehemēter admirandae sint à nostris hominib. intra sex & viginti annos (tot n. aut paulo plus haec historia cōtinet) effectae: q̄ maria, q̄ littora, q̄ regiōes exploratae, q̄ bella cōtra Reges potētissimos inuicta virtute gesta, qui terrores neglecti et cōtēpti, ut intelligāt, nō esse tātarū rerū laudē hominib., sed Deo, qui p̄sentia suā nostris saepe declarabat, sūma ratioe tribuendā. Quod tū multo clari⁹ apparebat, cū interdū sic eueniebat, ut ipsi Lusitani sibi nimis p̄fidēs ab hostib. eisde vincerētur, ut intelligerēt, inanes hominū conat⁹ fore, qui nō fuerint celesti p̄sidio suffulti



HIERONYMI
OSORII SILVENSIS
ALGARBIORVM IN LV-
SITANIA EPI-
SCOPI,

DE REBVS EMMAN-
VELIS, LVSITANORVM RE-
GIS INVICTISSIMI VIR-
tute & auspicio gestis,
LIBER PRIMVS.



IOANNES, HOC NOMINE
secūdus, Portugallia Rex, cū lē-
to atq; diuturno morbo langue-
sceret, cōtulit se in extremam Lu-
sitania partem, ad Austrū perti-
nētem, Oceāno ex ea parte defini-
tam, quam nūc Algarbium appel-
lant, vt aquis calidis admodū sa-

lubribus morbum depelleret. Erumpunt autem aqua illa in
conualle, non amplius sex aut septem miliarijs à mari dis-
iuncta, è silice, & reliquis balneis, quæ sunt in Lusitania,
summo omnium consensu præferuntur. Eo tamen remedio
frustrà tentato, factum est, vt morbus indies ingrauesce-
ret. Nec abfuit suspicio, Ioannem lento veneno, quod im-
prudens hauserat, paulatim intabuisse. Itaque cū mortem

A appro-

L I B E R

appropinquare sentiret, in Algarbij oppido, quod Aluor ap-
 pellant, & multi portū Hannibalis esse putant, testamentū
 fecit, quo Emmanuelē, qui illi frater patruelis erat, here-
 dem instituit: ad quem regnum, quamuis Ioannes intesta-
 tus obisset, erat iure perueniendum. Erat enim Emmanuel
 Fernandi filius. Fernandus verò erat germanus frater Re-
 gis Alfonsi, cuius Alfonsi Ioannes filius extitit. Cum igitur
 Ioannes nullum filium ex vxore legitima susceptum habe-
 ret (Alfonsus namque vnicus illius ex vxore Leonora filius
 in adolescentiæ flore Scalabi, quæ ciuitas nunc appellatur
 Sanctarena, ex equo incitato proiectus, mortem obierat)
 necesse erat, vt Emmanuel regni hereditatem cerneret.
 Georgius namque Ioannis filius, propterea quòd nothus es-
 set, quamuis illius mater fuisset valde nobilis, legibus & in-
 stitutis regni heres esse non poterat, Hoc tamen quod erat
 Emmanueli iure debitum, fuit summa Ioannis ipsius vo-
 luntate comprobatum. Emmanuelē enim non tam pro-
 pter sanguinis propinquitatem, quàm propter Regiæ vir-
 tutis indolem, quam in illo cernebat, egregiè carum habe-
 bat, & quibuscunque poterat ornamentis, illius dignita-
 tem amplificabat. Accedebat, quòd vxor illius Leonora,
 singulari virtute, pietate, atque religione fœmina, Emma-
 nuelis soror erat, fratremque amore singulari prosequēba-
 tur. Testamento factò, et sacris omnibus, quæ ad animū ex-
 piandum pertinebant, ritè procuratis, ita excessit è corpo-
 re Ioannes, vt in illa extrema vita perfunctione, insitæ vir-
 tutis & pietatis insignem significationem daret. Fuit e-
 nim vir ille clarus & excelsus, infestus improbis, bonis pro-
 pitius, iustitiæ cupidus, & in omni genere virtutis admi-
 randus. Erat præterea acer & strenuus, & in re militari nō
 pauca dederat egregiæ fortitudinis & industriæ documē-
 ta. Tan-

P R I M V S.

ta. Tantaque erat illius animi magnitudo, ut quamvis corpore in patria consisteret, mente tamen orbem terrarum peragraret, multa que animo frequenter agitaret, ea que moliretur, quae si non fuisset immatura morte sublatum, nomine illius clarissimum reddere potuissent. Fortes viros amabat, usque adeo, ut quidam reliquas vitae maculas nomine virtutis militaris eluerent. Ignavos autem atque desides ita contemnebat, ut homines non duceret. Perfecit autem, ut qui magnis opibus insolentius efferebantur, illius in vindicando seueritatem pertimescerent: & qui propter humilitatem obnoxij erant iniuriae, praesidio illius vitam securè traducerent. Attulit ille quidem multis viris nobilibus necem, & Principes etiam sibi coniunctos interfecit, quos animaduvertebat aut parum obsequentes esse, aut perniciem in illum machinari: sed id nisi fecisset, neque Regiam dignitatem tueri, neque vitam conservare potuisset. Valebat multum ingenio, plurimaque ab illo argutissime dicta referuntur, ex quibus intelligitur, quantum illius acumen extiterit. In Regum consilijs, de quorum fide dubitabat, explorandis, erat mira quadam sagacitate praeditus: multosque viros primarios multis in locis beneficijs sibi arctissime deinctos habebat, per quos omnia, quae Reges in illum moliebantur, multo ante, quam ei nocere possent, cognoscebat, ut eorum consilijs obfisteret. Populi non tam illum ut Regem verebantur, quam ut parentem amabant. Eorum enim commodis animo patrio consulebat. Hac autem illius sententia merito laudari solet, cum diceret, sibi non tam propositum esse, ut operis hominum ad aurum quarendum abuteretur, quam ut aurum quareret, ut opibus suis hominum inopiam subleuaret. Cum accepisset, esse volucrem, quae rostro pectus dilacerat, ut pullos ser-

L I B E R

pentum morfibus exanimatos sanguine suo profuso in vitam reuocet, eiusdē volucris imaginem suis insignibus adiungendam curauit, vt ostenderet, se esse paratum pro suorum salute sanguinem suum profundere. Ex omnibus tamen virtutibus, quibus illum praditum fuisse commemorant, nulla fuit admirabilior singulari quodam pietatis & religionis studio, quo mirificè flagrabat. Nunquam enim eum neque turbulenta negotia, neque coniurationes contra illum facta, neque malorum omnium tempestates à rebus diuinis summa cum religione procurandis abstraxerunt. Is denique Princeps fuit, vt meritò videatur illius nomen sempiterna memoria celebrandum. ILLO mortuo, fuit summa cum celeritate ad Emmanuelem nuncius allatus: quem cum tam multis lachrymis accepit, vt satis appareret, eum non tam regni hereditate latari: quàm ex morte Principis optimi, & sibi coniunctissimi dolorem excipere. Erat autem Emmanuel eo tempore annos natus viginti & sex, & Salatia se continebat, in quo tunc oppido Regina Leonora soror illius, atque Ioannis vxor, morabatur. Ibi igitur more & instituto maiorum fuit Emmanuel Rex solenni ritu omnium consensione declaratus. Quod quidem munus sibi non segniter obeundum existimauit. Erat enim & ingenio, & studio, & disciplina vigilantissimus. Itaque cum multa confestim regno salutaria instituisset, tum nihil sibi maiore cura faciendum arbitratus est, quàm vt omnium ordinum conuentum ageret. Salatia igitur discedens, Montem maiorem profectus est, quæ ciuitas est in colle edito sita trans Tagum, & Eborā circiter viginti millia passuum distat. Eò igitur regni Procures, & Antistites, & ciuitatum Legatos per literas euocauit. Eò fuit ad illū deductus Georgius Ioannis Regis filius, cuius paulò ante feci-

P R I M V S.

fecimus mentionem, qui tunc decimum & quartum annum agebat: quem Rex tam amanter atque cum tanto fletu complexus est, ut facillimè, quanta fide & amore Ioannem fuisset in vita prosequutus, cerni posset. In illo autem comitatu, qui Georgium stipabat, facile reliquis & militari gloria, & vrbantate Iacobus Almeida, qui in Portugallia pro Magistro Hospitalis ordinis eidem religioni praeerat, excellabat, multumq; apud Ioannem gratia & auctoritate potuerat. Eum verò Ioannes moribus eiusdem filij regendis praefecerat, ut is sub tali paedagogo artes illo loco dignas perdisceret. Hic igitur cum Georgio, quem dextera tenebat flexis de more genibus, cum esset vterq; habitu lugubri deformatus, hanc orationem habuit. REX Ioannes, qui tibi patruelis frater natura fuit, amore autem germanus, mihi significauit moriens, se, cum animo aequissimo è vita discederet, vnà tantum cura sollicitari, quod hunc filium in solitudine & orbitate relinqueret. Eam tamen solitudinem eo solatio, quo utebatur, alleuari, quod veniret illi in mentem, quàm singularis esset benignitas tua, quàm gratus animus, & quàm ad omnes regiae virtutis laudes studio & voluntate propensus. Praecepit deinde mihi, ut suo nomine te rogarem, & obsecrarem, si iste in filij loco dilexisset, si maneribus omnibus, quibus potuit, affecisset, si nullum tui ornandi locum pratermisisset, ut tam egregiae in te voluntatis memoriam retineres, & parem voluntatem huic suo vnico filio, quem omni reliquo vitae praesidio destitutum relinquebat, redderes, & cogitares, quid ille, si tibi fuissent nati filij, eis facturus fuisset, si ita accidisset, ut tu ante illius obitum è vita migrares. Præterea hoc etiam mihi in mandatis dedit, ut hunc illius filium frequenter admonerem, ut te semper vnice coleret, & obseruaret.

LIBER

tibi quæ in omnibus rebus obtemperaret, in eo quæ pugnaret, ut à nemine fide, amore, studio erga te superari posset. Quod enim te propius sanguine attingebat, eò magis conuenire, ut obseruantia & pietate erga te omnibus antecelleret, nec in vllò in amplitudinem tuæ dignitatis officio se vinci pateretur. Hac quidem ille mihi, ut facerem, imperauit. Ego ut officio meo fungar, illius filium in hac tam tenera, ut vides, ætate, taliparente orbatum sibi nomine illustrado, natura & genere propinquum, casus acerbitate pupillum, voluntate supplicem, conditione famulum, ut eum in fidem tuam recipias, & ornes, & augeas: ut sic tandem cognosci ab omnibus possit. Regius iste animus, in referenda gratia, & beneficiorum memoria conseruanda diligentissimus. Quod si, ut confidimus, feceris, ab omnibus laudem admodum grati atque magnifici Principis consequeris: multo quæ arctius tibi tuorum omnium voluntates hac tam insigni probitatis significatione deuincies. Hac Almeida oratione aded fuit Emmanuelis mœror excitatus, ut cum dare responsum vellet, lachrymis & singultu spiritus illius impediretur. Itaque breuissima oratione declarauit, se Georgium in loco filij habiturum, tantis quæ illum beneficijs ornaturum, ut intelligi posset, quantum Ioannis nomen & memoriam conseruari, atque propagari cuperet. Hac Regis oratione omnes Proceres, qui aderant, non mediocriter letati, ad illum adeuntes: gratias egerunt, illius quæ manus osculati sunt. Hac autem non indigna commemoratione arbitrati sumus, ut posset & Ioannis probitas cognosci, quæ tanta fuit, ut neque imperij magnitudine potuerit hæres illius adduci, ut facile desiderium illius leniret: & simul Emmanuelis natura perspiceretur, quæ tam excel-

excellens extitit , vt neque tantis opibus improuiso oblatis offerri, aut humanitatis obliuisci potuerit. Facit enim insita in plerisque cupiditas , vt etiam in minimè dubia hereditatis possessione , quam mortuis parentibus assequuntur, animi lætitiā , in cerore ad tempus simulato, tegere vix possint. Quod eò intemperantiùs in regni hereditate sit, quò regie opes maiores & ampliores sunt, & ad animum de statu mentis deijciendum , si virtutis præsidium non adsit, magis efficaces. Cum verò regie dignitatis amplitudo præter opinionem alicui defertur, tantavi plerunque iactatur animus , vt à mente & ratione deferatur . At Emmanuel se regni heredem fore minimè suspicari poterat, cum & fratres illius viuerent, qui eum ætate anteece debant, & Alfonso Ioannis Regis filius in vita maneret, & ipse Ioannes filios gignere per ætatem posset: erat enim annos natus quadraginta, cū mortuus est. Qui tamē oēs diuino consilio, vt multi iudicabant, morte sublati sunt, vt Emmanuel regnaret. POSTQVAM verò omnes regni Ordines conuēnere , instituit Rex quædam de sententia omnium , qui aderant , ad regni stabilimentum necessaria. Inde etiam misit , qui Regi Fernando & Isabela Regina, qui tunc in Castellæ & Aragoniæ regnis cum summa dignitate & existimatione regnabant , de sua successione nunciaret. Per id tempus Aluarus , Fernandi Ducis Brigantini , qui propter perfidiæ suspicionem fuerat capitali supplicio affectus, frater , in Castellæ regno versabatur, & summum apud Reges locum obtinebat. Aluarus autem is erat , ad quem nulla facinoris suspicio pertineret. Sed cū fratrem supplicio mactatum animaduerneret , integris rebus è Lusitaniæ sinibus excessit . Rex autem Ioannes illi præscripserat, nè in Castellâ sedē vllo pacto colloca-

L I B E R

ret. At is Fernandi & Isabela vxoris probitate & magnificencia deuinctus , qui multum illius virtuti atque prudentia tribuebant , in eorum Regnis locum exilio voluntario delegit . Et nè Regis Ioannis præscripto parere cogeretur , omnes res suas , quas in Lusitania possederat , voluntati illius permisit . Hunc verò Aluarum , & filios Ducis , qui post patris necem in exilium se voluntate sua contulerant , Rex Emmanuel per eundem Legatum benignè inuitauit , vt in patriam redirent . Fore , si id facerent , vt eos quibuscunque rebus commodè posset , ornaret . Alterum deinde Legatum Romam misit , qui Alexandro Pontifici Maximo , qui tunc fuerat ad illud summum fastigium dignitatis euectus , nomine illius fidem obligaret , totumque Portugallia regnum , vt Christianum Principem facere oportebat , voluntati Pontificis ipsius addiceret . Quod vt cum maiore dignitate fieret , Georgium Costam Lusitanum Cardinalem , hominem autoritate summa præditum , per literas rogauit , vt nomine illius hoc officium exequeretur . Cardinalis igitur Emmanuelis nomine Romæ fidem publicè dedit , Emmanuelem semper in Pontificis obsequio futurum , & fidem per omne vitæ spatium erga sanctam Romanam Ecclesiam summo studio retenturum , & pro illius sanctitate , quoties opus ita fuisset , pugnaturum . Fuit hac fidei testificatio Pontifici valdè grata , literasque Regi satis amanter scriptas dedit , eiq; de regni successione gratulatus est . At Emmanuel interim in regni negotijs expediendis vigilabat . In primis autem donationes omnium rerum , quas Ioannes moriens multis donauerat , benignè confirmauit : quamuis multi ex illis , qui tunc ab illo fuerant affecti beneficijs , magis digni supplicio , quàm beneficio viderentur .

tis enim apparet, eos, qui, dum Princeps extremum spiritum edit, ab eo summo studio contendunt, ut sibi aliquid largiatur, quod, dum ille sanus atque valens erat, impetrare non poterant, nunquam se quidquam de fide Principi debita, sed de sua ipsorum utilitate cogitasse. Quid autem prater ea tam insidiosum, quàm eo tempore, quo propter mortis acerbiter mens Principis oppressa est, captare tunc illius imbecillitatis occasionem, ut ab eo, à quo iam fuerant multis cumulatibeneficijs, id extorqueant, quod non est auaritia, sed fidelitati debitum? Quid verò tam inhumanum, quàm in ipsius Regis morientis aspectu, nec ipsius iustissimi doloris sensu, nec vlla humanitatis ratione ab immanis cupiditatis studio reuocari? Accedit præterea, quòd eo tempore Rex qui hominum postulata, quanuis iniusta sint, minimè repudiat, non de suo quidquam, sed de alieno videtur elargiri. Ea namquè donat, quibus iam uti non potest. Reddit deinde successorì multò difficiliorem administrandi Regij muneris rationem. Regiam enim Gazam, quæ est fons Regiæ benignitatis, exhaurit. Ea postremò concedit, cùm neque hominum merita, neque vllam iuris vsitati rationem expendere potest. Quotus enim quisque est, qui in oculorum tetra caligine, in crebro anhelitu atque singultu, in totius corporis sudore, in interclusi spiritus angustijs possit cuiusq; dignitatem exactè perpendere? Illi igitur, qui eo tempore, quo Principis animus est oratione confirmandus, ei tam grauem molestiam exhibent, & instant, & urgent, & quodammodo vim adhibent, ut interruptis atq; morientibus vocibus regni opes effundat, odio certè digni sunt, & nō eiusmodi beneficijs. Emmanuel tamen, nè videretur optimi Principis acta rescindere, non modò reliqua Ioannis beneficia, quæ fuerant iudicio tri-

LIBER

buta, sed etiā fraudulenter erepta confirmavit. Totū deinde animū ad ius administrandum applicuit. In eos magistratus, q̄ perperā corrupti pecunia iudicabāt, acriter animaduertit. Iis, qui leuioribus criminibus erāt alligati, leuiiores etiā p̄nas imposuit. Illos verò, qui benè & incorruptè iudicia faciebant, pro dignitate cuiusq̄ remuneravit. Iudiciū deinde numerum auxit, vt omnes cōtrouersie facilius dijudicari possent. Ipsosq̄ maioribus stipēdijs affecit, nē inopia cogerētur ab equitate discedere. Tum in omnes regni partes, viros iustitiae opinione praestantes cum summa authoritate misit, qui scelera vindicarent, & flagitiorum omnium, quoad fieri posset, stirpes euellerēt. Vētigaliū deinde rationem diligēter habuit. Videbat enim vbi regni opes ministrorum negligentia dilabuntur, aut quastorū auaritia diripiuntur, aut sumptibus minimè necessarijs exhauriuntur, ibi regni statum constitui nō posse. Nec enim bellum geri, neque pacem constitui, neq̄ ius administrari commodè licet, vbi Regis pecunia, quae debet esse publica salutis instrumētū, aut à priuatis auertitur, aut ab ipso Rege sine vllō fructu consumitur. Vt autem humanitas illius in omnes constaret, Iudaos in libertatem asseruit. Quod vt intelligi possit, quae ratione illi seruitute oppressi fuissent, non erit alienum, rem, quemadmodum gesta fuerit, explicare. FERNANDVS & Isabela Castellae Reges cū exploratum habuissent, per Iudaos, qui in illorum dititione erant, scelera nefaria contra religionis nostrae sanctitatem conflare, omnes illos in exilium eiecerūt. Hoc autem factum fuit Anno à Christo nato. M. cccc. lxxxij. quidam verò ex illis numine diuini Spiritus illustrati, ad Christi se cultum & fidem contulerūt. Alij autem nē fundos, & ades, & reliqua bona relinquere, vel tempore alieno

lieno vendere cogerentur, se Christi religionem profiteri simulârunt. Reliqui omnes in exilium pulsi sunt. Cum verò alij in alias partes disiecti fuissent, maxima eorum pars à Ioanne Rege sub certis conditionibus impetrauit, vt in Portugallia tempore aliquo desinito consisteret. Conditiones autem potissimæ fuerunt, vt octonos aureos singuli Regi persoluerent, & intra certum tempus e Portugalliæ finibus emigrarent: quòd si post tempus illud assignatum visi in Portugallia fuissent, libertatem amitterent: Rex autem tutam nauigandi facultatem volentibus abire præberet. Hac autem ratione Ioannes grandem sibi pecuniam comparauit, quā asseruari diligentissimè faciebat, vt posset in Africā transire. Cupiebat enim bellū acerrimū Mauris inferre: nec id tam gloria studio, quàm vt Christi religionem & gloriam propagaret. Quod nè faceret, primū quidem casus acerbi, quibus diu confictatus est, impedimēto fuere: postremò autem mors omnes illius huiusmodi conatus compressit. Quandiu tamē vixit, sedulò curauit, vt Iudæis fidem præstaret, quam dederat. Itaq; eis, qui in portibus illi operas nauabant, imperauit, vt agerent cum nauicularijs, vt tolerabili quadam vectura Iudæos in regiones, quas sibi vellent, transportarent. Sanxit præterea, nè quisquam iniuriam illis inferret. Quod longè secus factum est. Mercatores enim, & nauicularij, qui Iudæos in naues suas recipiebant, eos in mari multis iniurijs admodum acerbè diuexabant. Vectura enim pretio, quo de pacti fuerant, minimè contenti, quacung; ratione poterant, multò maiorem pecuniam ab inuitis exprimebant: & de industria diutius, quàm opus erat, vagabantur, multisq; erroribus homines miseros ludificabant, vt consumpto omni commeatu, cogerentur ab eis victum emere.

Pre-

LIBER

Pretium verò, quod rebus suis constituebant, erat eiusmodi, ut eo persoluto, Iudæi nudi & inanes relinquerentur. Accedebat, quod nuptis mulieribus atque virginibus vitium per vim inferebant, & viros intolerandis contumelijs afficiebant; Christianique nominis, quod usurpabant, obliti, in omni genere immanitatis atque perfidia versabantur. Iudæi, qui in Portugallia remanserant, partim tam atrocis iniuriæ metu perturbati (nec enim id tam obscurum esse poterat, ut non aliqua ex parte fama tantarum cladum ad aures eorum perueniret) partim quod inopia impediti, minimè potuissent ea, quæ erant ad nauigandum necessaria, intra tempus illud emere, cum tempus interim illis constitutum elaberetur, libertatem amisere. Qui igitur seruum Iudaum habere cupiebat, eum à Rege postulabat. Rex autem eorum precibus cedebat, quos animaduvertebat esse miti clementique natura præditos, nè Iudæi duriore, quam par esset, dominatu premerentur. Hoc autem accidit paulò ante Ioannis mortem. Ea tamen apud omnes, qui sensus illius nouerant, suspicio consistebat, ut crederetur, si ille diutius vixisset, omnes eos fuisse benignitate illius sub aliqua cõditione liberandos. Hæc erat Iudeorum, qui in Portugallia morabantur, conditio, cum Emmanuel regnare cœpit. Qui videns illos non sponte sua contra fœdus in Portugallia post tempus à Ioanne præstitum remansisse, omnes liberos esse iussit. Hoc illi beneficio permoti, ei magnum argenti pondus obtulere: quod accipere noluit. Statuerat enim gentem illam beneficijs paulatim ad studium Christianæ pietatis allicere. His, & alijs multis negotijs cõmodè atque sapienter expeditis, mentem cõtinuò ad bellum Africanum contulit. Ex quo enim tempore Ioannes, hoc nomine primus, Septam urbem Mauritania munif-

nitissimam, in ora maritima freti Gaditani sitam, virtute
& opibus oppugnauit, nunquam Reges, qui deinceps suc-
cessere, passi sunt, bellum contra Mauros susceptum diu
intermitti. Rex Alsonsus, Ioannis primi nepos, atque Ioan-
nis secundi pater, Tingi ciuitatem cum Arzila, qua nō p-
cul Tingi aberat, similiter bello cepit. Ioannes autem post
patris obitum, quanuis fuisset durior fortuna conflictat-
us, & multis & varijs curis implicitus, semper tamen in-
uicto animo in illius belli administratione permansit. Em-
manuel horum vestigijs ingressus, eodem animo belli cu-
ram suscepit. Itaque vrbes Mauritania, quæ erant nostris
præsidijs munita, maioribus opibus firmavit, firmioribusq;
præsidijs cinxit, maximum commeatum & plurima in-
strumenta bellica in eas importari præcepit. Auxit præter-
ea militibus stipendium, & duces item muneribus am-
plioribus ornauit, vt his beneficijs excitati, confidentius &
acrius dimicarent. Quia verò cernebat, caput belli feliciter
administrandi in vera religione consistere (Deus enim
est, qui robur & mentem, qua victoria paratur, donat, &
qui mentem & vires eripit illis, quos peruertere statuit)
præter alia præmia, quibus sacerdotes, qui sacra militibus
in Africa ministrabant, affecerat, statuit, vt decumam om-
nium tributorum, quæ Mauri vectigales ei ex fœdere
persoluebant, quotannis acciperent. Dum hac ab illo gerū-
tur, Fernandus & Isabela Reges Legatos ad illum mit-
tunt, qui illorum nomine ei gratulationem de regni hære-
ditate significarent: Et postularent præterea, vellet
cum eorum filia, nomine Maria, matrimonio copulari.
Postremò ab illo enixè contenderent, vt filios Fernandi
Ducis Brigantini, qui adhuc in exilio viuebant, in patriam
& in omnes amissas opes restitueret. Hanc legationem

Em-

LIBER

Emmanuel sibi admodum iucundam accidisse demonstra-
uit, Legatisq; dixit, sibi nihil gratius esse posse, Regum cla-
rissimorum in se tam propensa voluntate. Quod verò ad
matrimonium attinebat, non esse sibi in animo prius vxo-
rem ducere, quàm regni statum constitueret. Hoc autem
dicebat, non quòd illorum Regum affinitatem sibi parum
commodam arbitraretur, sed quòd Isabelam eorum filiã
natu maiorem, quã fuerat Alfonso Ioannis filio nupta, v-
xorem habere mallet: quanuis mentem suam tunc mini-
mè aperiret. De Fernandi verò filijs sibi curã futurũ af-
firmavit, vt Regibus satisfaceret. Hoc eodem tempore fuit
certior factus, Ioannem Menesium, qui Arzila præerat;
fuisse de Mauris insignem victoriam cõsequutum. Res au-
tem ad hunc modum gesta fuit. VASCVS Coutinus Dy-
nasta Borbensis, Arzila præfectus erat, cuius nomẽ cum ad
Ioannẽ delatum fuisset, coactus fuit in Portugalliam redi-
re, vt Regi se purgaret. Præposuit interim Arzila Roderi-
cum Coutinũ, qui, dũ ille abesset, ducis officio fungeretur.
Fecerat autem Rex Ioannes inducias cum Rege Fessensi.
Barraxa verò & Almandarinus, qui multum inter Mau-
ros potentia & opibus excellebant, hoc induciarum fœde-
re minimè astricti fuerant, eò quòd nõdum essent sub Fes-
sensis Regis imperio. Itaq; maxima manu cõparata, in Ar-
zila fines inuadũt, neq; mediocrẽ vastitatem efficiũt. Ro-
dericus Coutinus cũ ijs copijs, quas habebat, illis occurrit.
Fuit acriter vring; dimicatum. Præliũ tamen hunc exitũ
habuit, vt Coutinus hostiũ multitudinem oppressus, cũ multis
occuberet. Hac strage nunciata, Ioannes Rex misit conti-
nuò Arzilam Ioannem Menesium, virum singulari vir-
tute præditũ, cum imperio, vt nostrorum animos aduentu
suo cõfirmaret. Cũ aut quidam Mauri stipendiarij pro-
pter

pter hoc incommodum nostris illatum rebellaret, neque tributum, quod ex federe Ioanni Regi debebant, soluere vel-
lent, nihil sibi Menesius prius faciendum ratus est, quam ut
illorum ferociam armis atque virtute comprimeret. Quod
ut commodius faceret, postulauit per literas à Lupo Aze-
uedio, qui tunc Tingitana ciuitati praeerat, ut sibi aliquot
equites in auxilium mitteret. Misit ille equites quinquaginta, quibus praefecit Petrum Leitenum, qui Tingi ductor
antesignans erat, qui nocte in locum, quem Menesius di-
xerat, ire maturauit. Menesius Arzila centum & quin-
quaginta equites eduxit. Coniunctis in eodem loco cum Lei-
tano copijs, in pagum, qui praecipue fidem fregerat, iter
suscepit. Nè autem praesentiri illius aduentus posset, sic equi-
tes instruxit, ut agmine tenuissimo, eaque de causa longissi-
mo progredierentur. Vno namque filo (sic enim appellant) v-
nus alium ex intervallo sequebatur, ita tamen, ut ordo in-
curia hominum interrumpi non posset. Magno autem silen-
tio, cum dilucesceret, pago appropinquauit, ut improviso
hostes adoriretur. Sed accidit, ut eodem tempore, Barra-
xa & Almandarinus cum Muzza & Acobo, qui multum
etiam viribus pollebant, eos Maurorum pagos, qui nostra-
rum partium erant, armis aggredi constituerunt. Habe-
bat autem sub signis duo millia equitum, & pedites octin-
gentos. Cum autem hoc Menesius accepisset, ut certior esse
de hostium consilio posset, dedit hoc negotium Mauris qui-
busdam, quibus in bello ad has artes uti consueuerat, ut ex
insidijs aliquem ex exercitu hostium interciperent, ex quo ve-
rum exploratè cognosceret. Illi satis impigre imperata con-
ficiunt, atque tres Mauros ad Menesium pertrahunt, ex quibus cog-
noscit, omnia vera esse, quae audierat. Quauis autem quidam valde
illius consilio repugnarèt, in hostes tamen incurrere statuit.

LIBER

Eo namq, loci res illius erant, vt nostri non sine magno salutis discrimine, & dignitatis imminutione regredi possent. Ita multò præclarius esse iudicauit, hostes nihil tale suspicantes inuadere, quàm ferociter insequentes arcere. Illud enim hostium animos perterret: hoc autem acriores & infestiores efficit. Triplicem igitur aciem confestim instruxit. Prima Leitanum præfecit, cui quinquaginta illos equites, quos adduxerat, assignauit. Secunda Ioannem Menesium, Petri Menesij fratris sui & Cantagnediensis Dynaste filium. Huic triginta tantum equites attribuit, reliquos omnes sibi in acie tertia reseruauit. Postquam verò illos cohortatus est, & quid ab illis fieri vellet, admonuit, in hostes ire perrexit. Hostes nostrorum audaciam admirabantur, & paucitatem contemnebant. Atque primum triplicem aciem ordinare constituunt. Deinde consilio mutato, vt nostros obruerent, vna tantum acie facta propius accedunt. Prima nostrorum acies vbi tantum agri spatium interiectum vidit, quantum ad concurrendum satis esset, in hostes infestis hastis incitatur. Idem Mauri faciunt. Nostri in principio acriter pugnant: multitudine tamen oppressi, cedere paulatim incipiunt, cum Menesius Iunior ex vno latere in Mauros incurrit: quo facto, animus nostris additus est, summaq, vi resistere contendunt. Hic Ioannes Menesius diutius minimè cunctandum ratus, signa inferre iubet, & cum omnibus copijs, quas secum habebat, impetum in Mauros fecit: quem illi primum agrè sustinent, deinde pedem referunt, atque tandem se precipiti fuga proripiunt. Nostri eos insequuntur, octoque milia passuum progressi, magnam cadem faciunt: deinde ad hostium castra diripienda reuertuntur. Fuerunt in eo prælio multi ex hostibus capti, multò plures occisi, magnaque
præda

prada parta: ex nostris nemo desideratus. Deinde Mineſius in rebelles pagos exercitum duxit, qui ſuppliciter abiecti, veniã poſtularunt, & omnia, qua debebat ex fœdere, perſoluerunt. Itaque re benè geſta, Arzilã redijt, Leitannum- quẽ cum parte prada remiſit. Cum hoc pralium cõmiſſum fuit, iam Emmanuel regnabat: & accidit, vt quo tempore ille decumam ſacerdotibus Africæ donare conſtituit, eo fuiſſet Mineſius hanc victoriam conſequutus, adẽd, vt mul- ti ſuſpicarentur, eam magis Emmanuelis religione, quàm militum viribus partam fuiſſe. Nondum Emmanuel conſi- lium dimiſerat, cùm grauis peſtilentia urbem illam, in qua commorabatur, inuaſit, qua coactus fuit inde diſcedere, & multa, qua ad regni ſtabilimentum pertinebant, in a- liud tempus reſeruare. ANNO inſequenti, qui fuit à Chriſto nato. M.CCCC.XCVI. cùm appropinquaret tempus ſolenni ieiunio conſecratum, Setualem ſe cõtulit. Ibi eũ ſorores illius, nempè Leonora Ioannis vxor, & Isabela, qua matrimonium Fernandi Ducis tenuerat, opperiebantur. Rebus autem ſacris illo tẽpore de more procuratis, & diei illius memoria, quo Chriſtus ſe à mortuis excitauit, ritè ce- lebrata, ad regni negotia cõficienda ſe rurus accinxit. In primis tamen Iacobum Fernandi filium, qui poſt illatam patri necem, ſe in exilium, vt dictum eſt, ſponte ſua contu- lerat, et fratrem illius Dionyſium ſimiliter, & Aluarum e- iusdem Fernandi fratrem, & Sancium Iacobi fratrem pa- truem, Alonſi Faronenſis Dynaſte filium, in patriam & honores amiſſos reſtituit. Fuerat autem Alonſus Sancij pater, frater Fernandi. Hunc autem Sancium voluit Rex vt, pro Faronẽſis Comitatus titulo, Comes Demiren- ſis appellaretur. Alios præterea, qui fuerant, Ioannis tẽ- pore, proditiõis inſimulati, ab exilio reuocauit: præcipuè

LIBER

tamen in eos, quos memoravi, illius liberalitas illustris admodum fuit. Et quia Ioannes quaedam illorum bona certis hominibus bene de repu. meritis donauerat, Emmanuel, nē, qui ea possidebant, de illata sibi iniuria cōqueri possent, tantis donis & muneribus eos affecit, vt aequo animo paterentur, se bonorum illorum possessione depelli. Quae quidē magnificentia à multis variè reprehensa fuit. Non deerāt enim, qui dicerent, indignum esse, filios eorum, qui fuerāt produtionis infamia maculati, tantis beneficijs ornari, & in integrum inconsideratè restitui. Alij verò non Regis liberalitatem vituperabant, sed in liberalitate modum requiebant. Non enim esse Reip. commodum dicebant, regium patrimonium, quod est Reip. firmamentum, immodicè largitione vno momento temporis exhauriri. Hæc tamen, quæ vulgò iactabantur, nullo modo potuere Regem ab instituta beneficentia reuocare. Cogitabat enim, aliquos eorum, qui fuerant damnati, non fuisse ita multis criminibus euictos, vt ea de causa nomen eorum in hominum odio sempiterno versari deberet. Præterea verum non esse, vt filij parētum scelera luerent. Deinde sororis Isabelæ mœror assiduum eā magis ad benignitatem inuitabat. Videbat enim, nihil optimæ atque præstantissimæ fœminæ post viri necem & filiorum exilium accidisse, quo mœstitia & angore leuaretur. Instabat præterea Beatrix illius mater, quæ precib. vt Regem obsecrabat, et autoritate vt filiam admonebat, vt homines sibi coniunctissimos saluos & ornatos esse vellet: quod fieri non poterat, nisi eò, vndè deciderant, reducerentur. Non tibi, inquit illa, solum regni hereditas obuenit, sed etiā matri, & sororibus, & propinquis, & omnibus deniq., qui in te spem rerum suarum collocatam habent. Quæ spes si nos frustrata fuerit, ad quem ibimus? Cuius opem flagitabimus?

tabimus? Si nos non, vt speramus, respexeris, necesse erit, vt moleste feramus, te in tam excelso gradu locatum cernere. Cum enim priuatus eras, de aduerso tantum casu nobis lamentari licebat. Nunc verò ad illius acerbitalis querimoniam, hac etiam de graui iniuria illata matri, omnibus, quæ tuis propinquis accedet. Quare si vlla tibi pietatis cura est, si illius, quæ te peperit, & enutrit, maximoq; semper fuit amore prosequuta, memoriam conseruas, consule nobis omnibus: redde matri filiam, sorori liberos, auie nepotes, & memet deniq; mihi totam restitue. Sic enim auaritia suspicionem fugies, & pietatis atq; magnificentie fructum singularem percipies. Hac quidē, & alia multa mater in eandem sententiā dicebat: hac eadem soror cum lachrymis assidue flagitabat: hac Castellæ Reges per literas atq; nuncios enixe precabantur. Itaq; non potuit Rex natura benignus matris voluntatē negligere, aut sororis postulata cōtemnere, aut optimorum Regum preces aspernari. Multos deinde homines nobiles muneribus et ornamentis auxit, in quibus fuit Iacobus Syluius, vir singulari prudentia, qui pædagogus illius extiterat. Misit deinde Petrum Correā, hominem prudentie opinione præstantem, ad Alexandrū Pontificem, vt apud illum quadam negotia, ad regni statū pertinentia, procuraret, & simul Georgium Cardinalem in Portugalliam reduceret. Erat autem is Georgius humiliter quidem genere natus, sed ingenio præclaro, & magno animo præditus. Valuit aut multū apud Caterinā Odoardi Regis filiā, summa virtute sceminam, quæ nemini vnquam nubere voluit. Fuit autem casu in eiusdem Caterinæ familiam ascitus: illa capta hominis probitate et sapientia, eū sacerdotijs valde opulētis augendum curauit: in quibus omnibus ille egregium specimen virtutis exhibuit. Pontifex

L I B E R

deinde creatus est, & gradibus deinde ad alios honores ascendit, donec tandem à Pontifice Maximo, summo Cardinalium consensu, in eorum collegium cooptatus fuit. Quā dignitatē singulari sapientia tuebatur, plurimumq; apud Pontifices Maximos autoritate & gratia poterat. Fuit illi in regni principio Ioānes infestus propter aliquot illius acta, quæ suis rationibus aduersari suspicabatur: nihilominus tamen Georgius, inuito etiam Rege, dignitatem summa cum autoritate retinuit. Ioāne autem mortuo, petijt ab illo Rex Emmanuel per literas, vt in Lusitaniam remigraret. Sibi namquē valdē opus esse ad regnum feliciter administrandum illius consilio, quem sapientia præstantem indicabat. Quod Georgius ostendit se facturum. At postquam Corra urbem attigit, mutauit cōsiliū, & atatem & imbecillitatem excusauit. Dixitquē præterea, sibi itineris illius faciendī à Pontifice Maximo minimē potestatem fieri. Regis tamen negotia summa diligentia atq; fide confecit. Interea regnum graui pestilētia laborabat, quæ Regem domicilium mutare compellebat. Cū autem in oppido, quod Turres Veteres appellant, consideret, venit ad eū Legatus Venetus, qui illi Reip. suæ nomine de regno, quod illi obuenerat, gratulatus, senatum populumquē Venetum dixit, omnia, quæ is ab illo postularet, libentiſsimē facturū. Fuit Legatus admodum liberaliter acceptus, & insignibus equestris ordinis manu ipsius Regis ornatus, & cum tantis muneribus dimissus, vt Venetorum ciuitas partim Legati prædicatione, partim Regis literis valdē amanter scriptis, multo magis in studium illius incitaretur. Aliam deinde actionem suscepit Emmanuel, quam Reges nonnulli ante illum frustra sēpētētârunt. Eo tempore, quo Hispania, maxima ex parte, erat sub Arabum potestate & imperio

constituta, cùm esset perpetuum inter illos & Christianos bellum sine vlllo firmo & stabili induciarum fœdere concitatum, fuere quidam viri nobiles, non magis virtute, quàm religione præcellentes, qui vouebant, se pro Christi gloria, quandiu vires suppetere, summa contentione pugnatu-ros. Quod vt multò alacrius facerent, & vt commodius ad cælum viam munirent, à nuptijs abstinebant. Horum vita partim in religiōis studio, partim in armorū exercitatio- ne consumebatur. Tantusquē erat in illis ardor animorum, vt eos beatissimos iudicarent, qui in bellis pro defensione Reip. et Christi sanctissimæ religionis susceptis occumberet. Horum exemplum cùm multi sequerentur, fuerunt varij militarium religionum ordines instituti, à Regibus multis beneficijs ornati, & à Pontificibus Maximis approbati: ex quibus multi viri prodiere, quorum virtute Mauri sæpi- sime cum magna Christiani nominis gloria fusi fugatique- unt. Erāt autem omnes imagine Crucis ex panno partim rubro, partim viridi facta, & vestibus assuta, secundū pe- tus insigniti. Florebat etiam in Hispania ordo Templario- rum, & Hospitalensium, qui Ierosolymis eadem fundamē- ta, post captam à Christianis ciuitatem illam habuerant. Quauis aut varia essent horum ordinum instituta, & in- ignia, quibus distingui alij ab alijs possent, in hoc tamen conueniebant, quòd omnes votis solenni ritu emissis fidem Christo publicè dabant, fore, vt nulla vnquam libidine se commacularent, nec magistri militiæ imperium detrecta- rent, nec se vllis auaritiæ sordibus illini paterentur. In Por- tugallia verò, præter reliquos militum religiosorum ordi- nes, alius à Dionysio Rege constitutus est, postquam opera Philippi Francorum Regis, qui pulcher appellatus est, Templariorum ordo euersus fuit. Inuit enim Dionysius ra-

LIBER

tionem, quemadmodum Templarij Lusitani (ex omnibus enim Christiana Reip. partibus aditus fortibus & spectatis hominibus ad illum ordinem patebat) neque bona, neque dignitatem amitterent. Itaque statuit, vt vectigalia, quæ erāt in Portugallia, Templariorum ordini dicata, ij de m. ipsi Templarij, qui ea possederant, noua cuiusdam militiæ nomine retinerent. Hanc autem Christi militiam appellauit, & huius religionis milites statuit, vt imaginem Crucis colore candido inclusam in aliam Crucis imaginem colore rubrâ gestarent, vt à reliquis religiosis militibus internosci possent. Postulauit deinde à Pontifice Maximo, vt eam auctoritate sua confirmaret. Creuit hic ordo, multiq; bonis auctus & amplificatus est. Emmanuel autem cum videret, quod discrimen impenderet tam militibus huius ordinis, quàm reliquorum omnium (si enim contra fidem Christo obligatam libidinem minimè refranarent, necesse erat, vt scelus nefarium susciperent, & simul nè illis, qui ex religiosis militibus nascerentur, esset illa macula generis iniusta, quæ nobis omnibus, quanuis sint nobilissimis parentib. procreati, subeunda est) postulauit ab Alexandro Pontifice Maximo, vt solueret ea perpetuæ castitatis religione omnes equites Lusitanos, qui deinceps alicuius religiosæ militiæ sacramento tenerentur. Illi namq; qui iam erant solennis voti religione constricti, fieri non poterat, vt salua ipsius religionis fide eandem licentiam impetrarent. Concessit id Regi Pontifex, atque deinceps licuit omnibus, qui in aliquam religiosam militiam ascriberentur, vxores ducere, exceptis solum Hospitalensis ordinis equitibus, qui in quibuscunq; partibus sint, eadem perpetuæ castitatis religione constringuntur. Hac autem Regis prouidentia, qua, vt videbatur, sceleribus occurrebat, & suos magno incontinen-

tia

tia periculo liberabat, à multis laudari solet. Ego verò sta-
 tuere non possum, vtrum sic multò maiorem peccandi ma-
 teriã suis attulerit illa ipsa, quã subtrahere summo studio
 concupiuit. Primùm enim nunquam vllius discipline laxa-
 mentũ potuit esse salutare. Quocirca ea, quæ fluunt, seue-
 rè deuincienda sunt, & eò, vndè deciderant, reducenda, si
 volumus, vt quæ laudabiliter instituta sunt, eadem semper
 fructum & vtilitatem retineant. Deinde propter nuptiarũ
 curas, cernimus, illum antiquum ardorem, qui erat in re-
 ligiosis militibus ad dimicandum, esse iam magna ex parte
 restinctum. Minus enim expediti, & minus alacres sunt, et
 cùm breue aliquod tempus bellicis in rebus insumperint,
 citiùs & libentiùs, quàm decet, otium amplectuntur. De-
 inde tunc, cùm erat illis matrimonium interdictum, credi-
 bile est, multos fuisse, qui non tam vtilitatis & emolumen-
 ti cupiditate, quàm pietatis studio religiõem aliquam sus-
 ciperent. Nunc verò postquam de religione detractum est,
 quodd nimis asperum multis esse videbatur. suspicari non
 absque ratione possumus, omnes, qui, vt in aliquam eius-
 modi militiam ascribantur, elaborant, cupiditate tantum
 & ambitione ad studium militiæ illius impelli. Postremò
 hoc cupiditatis introitu multò latiùs, quàm antea, patefa-
 cto, paulatim eò deuentum est, vt quæ erant optimè funda-
 ta, laberentur et ruerent. Cernimus enim fidẽ datã Christo
 contemni, res sacrosanctas violari, sacra vectigalia ab ho-
 minibus audacibus & flagitiosis occupari: eos, qui nunquã
 hostis vultum aspexerunt, opibus ad sanctos vsus destinatis
 affluere, illisq; ad luxũ et vitæ lasciuia intemperanter ab-
 uti. Sed hæc, quæ curare nõ possumus, lamentari desinamus.
 SUSCEPIT deinde Emmanuel rei, quæ tunc in omnium o-
 re versabatur, deliberationẽ, de qua fuit à multis in cõsilio

LIBER

in contrarias partes disputatum. Veniebat enim in consultationem, vtrum Iudæi, qui fuerant à Castellæ Regibus expulsi, et in Portugallia morabantur, essent expellendi continuò, vt fuerat Ioannis tempore constitutum: an potius, vt in sedibus, in quibus hoc in regno confidebant, habitarent, benignitate Regia permittēdi. Castellæ Reges Emmanuel per literas admonebant, nè gentem sceleratā, & Deo, et hominib. inuisam, consistere in Portugallia sineret. Emmanuel rem maxima consideratione dignam esse statuit. Fuere qui dicerent in consilio, non esse gentem illam eiciendam, quam Pontifex Maximus in Romana Ecclesia ciuitatib. habitare permetteret. Quo exemplo etiam dicebant à multis Italia ciuitatib., à multis p̄tereà Christianis Principibus, non solum in Italia, sed in Germania, & in Pannonijs, & quibusdā alijs Europæ regionibus, esse Iudæis habitandi & negotiandi facultatem tributam. Præterea illis expulsis, non continuò perfidiam ex eorum animis expelli: vbicunq; enim impia gens pedem poneret, eadem sceleris vestigia relinqui. Non esse autem hominis sapientis, magis scelere vno in loco, quā in alio conflato permoueri. Deinde, si Iudæi in Africam (quod futurum nemo dubitabat, si fuissent è nostris sinibus eiectionis) traicerent, omnem spem, quæ de eorum salute haberi potuisset, incidi. Inter Christianos enim, multi ex illis Christianorum familiaritate & exemplo atque disciplina allekti, sese ad Christi nomen adiungebant: quod inter homines Mahumetana superstitione contaminatos fieri haudquaquam poterat. Non esse præterea vtile Reipub. vt hæc gens pecuniam, qua multi ex illis abundabant, ad Mauros asportaret: & artib. quas à nostris acceperat, hostes nostros instrueret, quib. possent nostris nō mediocre damnum inferre. Alij contrā differebant, non
sine

sine causa fuisse gentem illam expulsam è Gallia, & è multis Germania locis, & ex Aragonia & Castella regnis: sed quia fuisset à Principibus, qui non pluris vectigalium amplificationem, quam religionis integritatem faciebant, exploratè cognitum, tentari ab ea simplicium hominum fidem, Christiꝫ nomen sanctissimum indignissimo conuictio maculari, multorumꝫ animos ex eorum consuetudine pestiferis erroribus contaminari, luemꝫ, ad rusticorum hominum perniciem serpere. Præterea non esse sapientis, quidquam illis credere, qui hostes Christiani nominis sunt, nullaꝫ religione impediri queunt, quò minus omnia arcana, quæ inuestigare possent, hostibus nostris indicent, salutemꝫ, nostram pecunia prodant. Quòd si de commodis agendum esset, multò certè commodius esse, gentem ad fraudem natam, antequam manus vectigalium visceribus afferret, cum illis tantum bonis, quæ tunc habebat, expelli, quàm postquàm omnes regni opes in potestatem suam redigeret, tanta præda locupletatam dimitti. Tunc enim ea tantum asportaturos, quæ aliundè conuexerant. At si diutius in regno manerent, fore, vt multos mortales bonis omnibus, fraudibus et dolis, quibus multum valebant, euerterent. Hanc sententiam sequutus Emmanuel, statuit, vt omnes Iudæi atq; Mauri, qui CHRISTI religionem profiteri nollent, e regni finibus excederent: diemꝫ dixit, intra quam omnes, qui in illius regno fuissent inuenti, libertatem amitterent. INITIO sequentis anni, qui fuit à CHRISTO nato, M.CCCC.XCVII. Rex Fernādus & Isabela, cū esset inter illos & Carolum Gallia Regem bellum acerrimum, legatos in Portugalliam mittunt, qui fœdera cum Ioanne facta, cum Emmanuele confirment, et amicè postulent ab illo contra Carolū auxiliū. Fœdera q-

L I B E R

dem summa Regis & omnium, qui in consilio aderant, voluntate confirmata fuerunt. Quod verò ad postulatum adtinebat, respondit Emmanuel, sibi esse cum Carolo pacem, foreq; sibi turpissimum, cum nullam à Gallis iniuriā accepisset, fœdus ictum violare, maximè cum bellum esset adeò longinquū, nec Hispania Gallorū armis peteretur. Quòd si Gallus in Hispaniam signa conuerteret, tunc se pro cōiunctione, quæ sibi cum illis erat, auxilio futurum, & pro parte sua Gallorū impetum omni cōtentione repressurum. Fuit ab illo Castelle Regibus, vt præ se tulerunt, egregiè hac responsione satisfactum. Instabat interim dies, quo Iudæi, & Christiani fieri nollent, erant in exilium ituri. Omnes igitur se ad nauigandum summa ope comparabant, cum Rex Emmanuel indignissimè ferens, tot hominū millia in sempiternum exitium detrudi, vt saltem filiorum saluti prospiceret, rem excogitat, factò quidem iniquam & iniustā, animo tamen & proposito sine laudabilem. Iussit enim, vt Iudæorum filij, qui nondum decimum & quartum annum ætatis excederent, à parentibus abstracti, & ab illorū conspectu remoti, in religionis Christianæ disciplinam traderentur. Quod non sine magnis animorum motibus fieri potuit. Erat enim res visu mirabilis, à complexu matrum filios auelli: patres liberis affixos raptari, & fustibus etiam contundi: clamores ingentes ubiq; tolli, omniq; mulierū plangore & euulatu compleri. Fuere, qui rei indignitate perturbati, filios in puteos abicerent. Multi etiam eo progressi sunt amentie, vt sibi mortem propria manu consciscerent. Accedebat ad grauiorem gentis misera calamitatem, quòd illis, qui tantis iniurijs affecti, in Africam transmittere cupiebant, facultas minimè præbebatur. Rex enim adeò flagrabat cupiditate gentis illius ad CHRISTI religio-

religionem perducenda, vt partim præmijs alliciendam, partim malo cogendam esse iudicaret. Quauis igitur nauigandi potestas esset Iudæis ex pactione facienda, id tamen de die in diē differebat, vt mutandi consilij spacium intercederet. Itaq; cū in principio fuissent illis tres in Portugallia portus assignati, vnde conscenderent, interdixit, nè quisquam ex illis aliundè, quàm ex Olyssipponensi portu solueret. Quo factum est, vt innumerabilis Iudæorum multitudo Olyssipponem conflueret. Interim verò dies dicta præterfluxit, ita, vt esset illis necesse, qui nondum emigrare potuerant, libertate spoliari. His tandem malis pleriq; victi, Christianam religionem aut ex animo profiteri, aut saltem callidè simulare maluerūt, quàm vitam in tāta acerbitate traducere. Cum fidei igitur Christiana confessione, fontibus sacris abluti, & filios, & libertatem recuperarunt, multisq; à Rege præmijs clementer inuitati, in Portugallia regnis satis commodè vitam exegerunt. Fuit quidem hoc nec ex lege, nec ex religione factum. Quid enim? Tu rebelles animos, nullaq; ad id susceptā religionem constrictos, adigas ad credendum ea, quæ summa contentione aspernantur & respuunt? Idq; tibi assumas, vt libertatem voluntatis impediās, & vincula mentibus effrenatis iniicias? At id neq; fieri potest, neq; CHRISTI sanctissimum numen approbat. Voluntarium enim sacrificium, nō vi malo coactum ab hominibus expetit: neq; vim mentibus inferri, sed voluntates ad studiū veræ religionis allici et inuitari iubet. Porrò autem quis sibi id arrogare potest, quod solus diuinus spiritus efficit in eorum animus, qui non ad extremum vitæ spiritum illius benignitati repugnare contendunt? Ille namq; solus est, qui mentes illustrat, & allicit, & inuitat: & eos, qui tantum munus non
animo

LIBER

*animo pertinaci & ingrato repudiant, ad CHRISTI
 confessionem & societatem perducit. Postremò quis non
 videt, quàm indignum sit, hominibus in religionis studio
 suspectis tot mysteria, tot res sacrosanctas, tantam rerum
 diuinarum rationem committere? Et sceleris occasionem
 ijs, qui Christi disciplinam ludibrio habent, inconsideratè
 præbere? Et ita religionem per religionis simulationem in-
 dignissimè violari? Regis tamen animus multis meritò lau-
 dandus esse videtur, quòd id religionis studio, vt ea ratio-
 ne gentis Hebrææ salus constitui aliquando posset, efficeret,
 maximè cum virī religionis et doctrinæ opinione præstātes
 id licere dicerent, & fuisse iam à principibus Christianis
 olim factitatum. Nunquam enim defuere, nec vnquam
 deerunt, qui ad Principum gratiam aucupandam oratio-
 nes accomodent. Fructus tamen eximios ex hac Regis a-
 ctione, quamuis parum iusta, efferri quotidie videmus. Eo-
 rum namq; filij, qui, vt suspicio erat multis iniecta, fidem
 nefarie simulabant, vsu, consuetudine, & disciplina, pa-
 terniq; sceleris obliuione, CHRISTI religionem sanctè
 colunt, & vitam ad disciplinam illius instituunt. Hac ra-
 tione Iudæi partim in exilium migrarunt, partim Iudæo-
 runt nomen amiserunt. Mauri verò omnes, qui noluerunt
 à Mahumetis pestifera secta discedere, in Africam se con-
 tulerunt. Neque fuit eis aliquod incommodum illatum,
 quemadmodum Iudæis: nè Christiani, qui in Africa, vel A-
 sia sub Saracenorum ditione vivebant, aliquod ob eam
 causam malum paterentur. Hoc eodem anno Rex de
 nuptijs, quas appetebat, agere cœpit. Cupiebat enim, vt di-
 ctum est, Isabela, quæ fuerat Alfonso Ioannis filio nupta,
 matrimonio coniungi, eò, quòd mores illius atque pruden-
 tiam adamaret. Id autem cum Aluaro Fernandi Ducis
 fratre*

fratre, qui plurimum apud Castellæ Reges poterat, communicauit. Qui cum operam suam esset Emmanueli ad eam rem pollicitus, in Castellam redijt, & inde literas ad Emmanuelem dedit, quibus significauit, Regum voluntatem minimè ab eo matrimonij fœdere, quod ipse appetebat, alienam. His literis excitatus Rex, Ioannem Emmanuelem Regio cubiculo præfectum, virum singulari prudentia, ad Reges Castellæ legauit. Fuit hæc legatio Regibus admodum grata, matrimoniumq; pactioibus ritè cõfirmatum. Isabela iunior solum summa vi matrimonio resistebat. Partim namq; ex dolore, quem ex obitu Alfonsi perceperat, in ea ægritudine versabatur, vt sanari vix posset: partim quodd bis nubere, parum honestum indicabat, adduci non poterat, vt in hoc matrimonio parentibus morem gereret. Sed tandem parentum monitis & precibus victa, & hominum religiosorum orationibus inducta, qui illam admonebant, eo coniugio pacem & otium totius Hispaniæ confirmari, parentibus obsecuta est. Interim dum ea, quæ ad Isabelæ in Portugalliam aduentum erant necessaria, parabantur, Emmanuel negotium magnitudine clarum, sempiternaq; gloria dignum suscepit. Quod vt rectius explicari possit, est totius rei initium altius repetendum.

IOANNES hoc nomine primus, Portugalliæ Rex, q̃ regnũ, magna cū gloria, hostium incurssione liberauit, & clarissimas victorias consequutus est, nè in senectute quidem quidquam de studio gloriæ remisit. Itaq; maximam classem instruxit, qua Septam vrbem, Mauritaniæ maximã, & opulentissimam, atque munitissimam, in ora maritima Gaditani freti sitam expugnauit. Inde fuit oblata occasio Lusitanis, qui in illius vrbs præsidio constituti fuerant, armis latius euagandi. Henricus deinde Ioannis filius, cuius

LIBER

in expugnatione Septa virtus admodum clara fuerat, hoc institutum longius persequi voluit. Classes igitur edificauit, quibus Africa littora, & eas Mauritania regiones, quæ extra fretum ad Austrum pertinent, infestas redderet. Deinde, cupiditate incensus terras ignotas explorandi, dedit operam, ut ij, quos clasibus præficiebat, multo longius progredierentur. Quo studio factum est, ut partim hominum fortium industria, partim varia tempestatis euentu, non solum bona pars Africa, quæ ad Aethiopiam pertinebat, verum & insula permulta in Oceano sub Imperium Lusitania subiungerentur. Quod autem terræ, ad quas nostræ nauæ appellebant, erant magis longinquæ, maioræq; in illis monstra versari dicebantur, eò magis animus Principis optimi flagrabat studio remotiora peruestigandi. Fuit enim Henricus, vir animi maximi, & religionis sanctitate clarissimi. Neq; tantum elaborabat, ut nomen suum clarum redderet, quam, ut CHRISTI religionem propagaret: ad quod nihil magis vtile putabat hac nauigatione, ut posset CHRISTI nomen apud Barbaras nationes à situ nostro disiectissimas, ad omnium salutem prodi. Ut autem id commodius efficeret, in ea Lusitania parte, quam Algarbium appellat, in oppido Sagres nomine, quod abest à promontorio sacro passuum quatuor millia, confedit, ut inde classes mitteret, quæ viam in oras ad Solem orientem sitas aperirent. Ne autem, quod intendebat animus, omnino perueniret, fuit morte prohibitus. Obijt autem anno à CHRISTO nato M. cccc. lx. cum esset natus annos septem & sexaginta. Nullum autem filium reliquit. Nec enim vxorẽ habuit, imò per omne vitæ spatium totius libidinis expertus fuit. Illo mortuo, Rex Alfonsus Odoardi Regis, qui fuerat Henrici frater, filius, non potuit propter bella grauissima, quibus

quibus fuit exercitus, vltra id, quod fuerat Henrici opera
lustratum, classibus explorare. Peruenit tandem regnum
ad Ioannem Alfonsi filium, qui tanto studio, tantisq; sum-
ptibus huic negotio institit, vt nostræ classes illius auspicio
maximam partem Aethiopiæ perlustrarent, eoq; perue-
nirent, quò viri doctissimi olim suspicati sunt, fieri non
posse, vt quisquam penetraret. Neque fuit contentus il-
lius regionis cognitione, quæ æquinoctiali circulo subiecta
est (sic enim appellant Astrologi illum caelestis plagæ ter-
minum, qui signiferum orbem in partes æquales diuidit:
eò, quòd vbi Sol eam calii partem attingit, æquinoctium
fiat) sed effecit, vt nostri longius prouecti, vltra illam re-
gionem, in qua ab extremo ex Australi parte Solis con-
uersio fit, incognitas terras latissimè perlustrarent. Itaque
fuit illis necesse, cùm essent à conspectu Septentrionis re-
motissimi, vt alia sydera in calo notarent Septentrioni
contraria, ad quæ cursum dirigerent. Sic autem cùm il-
lud certamen fuisset institutum, vt quilibet alium nau-
igationis longitudine superaret, vt vltra terminum, quem
reliqui attigerant, perueniret, factum est, vt inciderent in
promontorium, quo nullum vnquam manus in terris appa-
ruit. A parte namq; quæ spectat ad occasum solis, latus
illius incipiens, in Austrum adeò longo tractu procurrit, vt
vltimus illius terminus ab æquinoctiali plaga gradus cir-
citer triginta quinque distet. Gradum appellant Astrolo-
gi Latini trecentesimam & sexagesimam quamque
partem earum, in quas omnes cali atque terrarum
plagas tribuunt. Ab æquinoctiali verò regione ad
finem, ex quo promontorium inchoatur, Septen-
trionem

LIBER

trionem versus, quatuor circiter gradus intersunt. Hi triginta & nouem gradus efficiunt supra duo millia & septingenta milliaria. Hac est illius terra, quæ promontorium efficit, longitudo. Ab Ortū verò latus illius multò longius est. In eo verò flectendo, nostri eiusmodi tempestatibus iactati & afflictati sunt, vt sapenumero omnem spem salutis abijcerent. Quo factum est, vt Tormentosum illud promontorium appellarent. Tormenta enim apud nos, est idem, quod tempestas aduersa. Flexu promontoriij huius explorato reuersi sunt. Cùm autem Ioanni huius promontoriij situm & longitudinem demonstrarent, tanta letitia affectus est, vt existimaret esse sibi iam aditum in Indiã patefactum: & quasi felicitis euentus augurio commotus, promontorium illud, Bonæ spei, nominare iussit. Homines interim partim Hebræos, partim Christianos, quos industrios & sagaces esse cognouerat, Alexandriam misit, qui inde in Aethiopiam, quæ supra Aegyptum est, se conferrent, inde in Indiam nauigarent, vt qua ratione commodius ille cursus, post illum promontoriij flexum, in Indiam confici posset, ab hominibus peritis intelligerent. Classẽ præterea parare iussit, qua posset iter illud, quod tanto opere explorare cupiebat, haberi. Hos interim tantos Ioannis conatus mors oppressit: qui tamen cum Regni patrimonio, hanc etiam nauigationis explorandæ, imperijq; propagandi curã Emmanueli quasi hereditariam reliquit. Multi fuere ex illis, quos Emmanuel in consiliũ adhibere consueuerat, qui eum ab ea cogitatione conarentur abducere. Dicebant enim, spem incertam esse, pericula certa & ingentia: nauigationem fore difficillimam, Indiamq; esse à nostris sedibus maxima regionum longinquitate distantem: fieriq; non posse, vt tam immensi laboris fructus damna, quæ erant

in tam

in tam periculoso itinere faciēda, compensaret. Cogitaret
 praterea, sibi cum Aegypti Imperatore, quem Sultatum
 appellabant, qui plurimum in Oriente poterat, esse dimicā
 dum. Deinde si res ex animi sententia procederet, esse illi
 grauem inuidiam apud Christianos principes cum magno
 discrimine subeundam. Si gloriam quæreretur, satis magnā
 gloriā ex Africano bello, si in id totis viribus incubere vel
 let, paratam esse. Si vtilitatem sequeretur, vtilitates innu
 merabiles ex illis Aethiopiae partibus, quas partim impe
 rio subiectas, partim fœdere deuinctas habebat, percipi pos
 se. Hac & alia multa dicebantur à Consiliarijs, quae tamē
 Regem ab instituto auertere minimè potuerunt. Videbat
 enim eiusmodi cōsilijs nunquam Henrici aut Ioannis mē
 tē, phiberi potuisse, quò minus iter illud in fluctib. aperirēt,
 ex quo tā multa Lusitaniae rebus vtilitates illatae fuerant.
 Intelligebat praterea, dissidentiā esse comitē animi pusilli
 & angusti: spem verò maximā perpetuā cū animi ingentis
 altitudine atque singulari virtute coniunctā. Itaq; maluit
 fortitū Principū exēpla, quibus erat coniunctissimus, imita
 ri, q̄ hominib. nimis cautus, omniaq; pericula metuētib. asē
 tiri. Mouebatur praterea augurio quodā à Ioannis mente
 & consilio ducto, quo illū viuenē admonuerat, vt pro virtu
 tis insigni, quod regis insignib. adiungeret, spherā, in qua
 sunt caelestis regis circuli descripti, gestaret. In quo qui
 dē portendebat futurū, vt Emmanuel, quē iam vt heredē
 intuebatur, opera incognita sydera, vltimāq; Solis orientis
 & occidentis regiones ad nostrorum hominum cognitionē
 cum maximo fructu & nominis sempiterni gloria perue
 nirent. Postremò ardens studium, quo tenebatur Christia
 nae religionis amplificandae, eum hominibus timidis auscul
 tare nullo modo sinebat. Fernandum igitur Laurentium,

LIBER

virum impigrum, & autoritate non mediocri praditum, accersit, eiq³ vt classem, quàm celerrimè possit, ornet, & omnibus rebus instruat, præscribit. Vascum præterea Ganam, hominem nobilem, & singulari animi robore praditum, cui multum fidebat, euocari iubet, eiq³ clas̃is imperium tradit, & quid ab illo fieri vellet, demonstrat, multisq³ verbis illum ad rem strenuè atque prudenter agendã adhortatur. Suscipit Gama prouinciam, summasq³ Regi gratias agit, atque postulat, vt illius frater Paulus Gama, què propter insitam virtutem vnicè diligebat, illi socius ascribatur: quod Rex facillimè concessit. Fuit clas̃is intra breue tempus ornata & instructa rebus omnibus ad tã longam nauigationem necessarijs. Erat illa quidem exiguo numero hominum, propterea quòd magis Orientis explorandi, quã expugnandi gratia tunc adornaretur. Quatuor enim naues fuerunt, è quibus vna cõmeatu tantũ erat onusta. Naui p̃toria Vascus Gama p̃fectus erat, alteri verò Paulus Gama, tertie Nicolaus Coelius: quartæ verò, quæ cõmeatus supplementum conuehebat, Gundissalvum Nonium præsunt. Aberat Olyssipone prope littus quatuor passuum millia templum sanè religiosum & sanctum ab Henrico in honorem sanctissimæ virginis adificatum: quod postea alterius amplitudine & magnificentia, quod Emmanuel illi coniunctum in honorem eiusdem diuinæ virginis à fundamentis extruxit, nomẽ amisit. In id Gama pridie illius diei, quo erat nauem conscensurus, se recepit, vt noctem cum religiosi hominibus, qui in adibus templo coniunctis habitabant, in precibus & votis consumeret. Sequenti die cū multi non illius tantum gratia, sed aliorum etiam, qui illi comites erant, conuenissent, fuit ab omnibus in scaphas deductus. Neque solum homines religiosi, sed reliqui omnes vo-

ce maxima cum lacrymis à Deo precabantur, vt benè & prosperè illa tam periculosa nauigatio omnibus eueniret, & vniuersi re benè gesta incolumes in patriam redirent. A multis tamen interim is fletus atque lamentatio fiebat, vt funus efferre viderentur. Sic enim dicebant: En quò miseròs mortales prouexit cupiditas & ambitio? Potuit ne grauius supplicium hominibus istis constitui, si in se scelestū aliquod facinus admisissent? Est enim illis immensū maris longitudo peragrandā, fluctus immanes difficillima nauigatione superandi, vitæ discrimen in locis infinitis obeundum. Non fuit multò tolerabilius, in terra quouis genere mortis absumi, quàm tam procul à patria marinis fluctibus sepeliri? Hæc & alia multa in hanc sententiam dicebant, cum omnia multò tristiora fingere præ metu cogerentur. Gamatamen quamuis lacrymas suorum desiderio funderet, rei tamen benè gerendæ fiducia confirmatus, alacriter in naucm faustis omnibus conscendit, vij. Id. Iulij, anno à Christo nato. M. cccc. xcviij. Qui in littore consistebant, non prius abscedere voluerunt, quàm naues vento secundo plenissimis velis ab omnium conspectu remote sunt. DVM HAEC geruntur, assertur Emmanueli nuncius, omnia, quæ ad Isabelæ matrimonium pertinebant, esse iam à Regibus Castelle pro dignitate comparata. Itaque Sintra, quod oppidum est ad radices Montis Lunæ situm, vbi tunc se continebat, Eboram proficisci contendit, eoquē multos homines primarios conuenire iubet. Isabelæ maior cum Isabelæ iuniore illius filia Valentiam Alcantaræ, quæ est prope Portugallia confinia, similiter venit. Fernandus Rex adesse nō potuit, inuāletudine filij Ioānis impeditus, à quo tunc abesse inhumanū reputabat. Sic enim erant inter virum et vxorē officia dissipata, vt illa filiā deduceret, ille

LIBER

verò cum agrotò filio Salmantica remaneret. Sic tamen erat inter eos constitutum, ut cum primum Ioanni meliusculè fuisset, Fernandus ad filiam cohonestandam se Valentiam conferret. Cum tamen nuptiarum dilatio maior esset, quàm Emmanuelis desiderium pati facile posset, scripsit ad Isabelam Reginam, se libentissime si ei commodum videretur, Valentiam profecturum, ut ibi uxorem acciperet. Consuluit Regina virum per literas. Qui respondit se eo tempore non posse à filio diuelli, eò, quòd vita illius esset propter morbi grauitatem ad extremum discrimen adducta. Quòd si vellet Emmanuel Valentiam ire, illius uoluntati minime repugnaret. Illum tamen admoneret, ut magnum comitatum vitaret, omniaquè maioris latitie signa in aliud tempus differret. Regina continuò Emmanueli scripsit, ut, cum illi videretur, eò contenderet. Is nullam moram interposuit, quin Valentiam peteret. Hic fuit Regina de morte filij nuncius allatus, quem illa taciturnitate compressum tenuit, nè generum mœstitia sua participem efficeret. Id tamen diu Emmanuelem latere non potuit. Itaque postulauit à socru, ut antè, quàm ea fama ad aures Isabela uxoris suae perueniret, liceret sibi illam in Portugalliam secum ducere. Sic igitur Eboram se contulit: ubi tandem uxori mortem Ioannis indicauit. Quòd illa tulit molestissimè. Ob huius Principis mortem omnis Hispania in luctu & squalore versata est, Castella praesertim & Aragonia populi, eò, quòd viderent, omnem masculae prolis spem Regibus esse sublatam. Non enim alium filium marem habebant praeter Ioannem. Is autem uxorem duxerat Margaritam, Maximiliani Imperatoris filiam, qui superiorem Pannoniam, quam nunc Austriam appellant, imperio continebat. Ea verò quo tempore Ioannes obiit, v-

terum

terū ferebat. Illa tamen tenuis spes, quā homines habere poterant de Margaritæ partu, nè regnū ad principes externos pueniret, fuit intra paucos dies abortu illius incisa. Sic factum est, vt ius hereditatis, quod Ioannes habebat, ad Isabelā sororē perueniret. Omnes enim illa sorores etate antecedeat. Emmanuel interim nullo modo regni vigilanter administrandi studium intermittebat. Operam igitur eo tempore dedit, vt iura possessionum, & immunitates populis sub certis conditionibus attributæ, & prouinciarum, & vrbium, & oppidorum confinia perscriberentur, vt lites dirimi, & ciuitatum iura constitui, & terminorum ratio constare posset. Huius anni sine cū Regina iam grauida esset facta, Reges Olyssipponem se contulere: ibi à Castellæ Regibus literas accepere, quibus nurus abortionē significabant, & admonebant, vt in Castellam iter haberent, vt tãquam legitimi regnorum heredes à populis fidem acciperent. His literis Rex cū videret illud iter sibi necessariū suscipiendum, concilium rursus indixit, in quo multas leges, quæ videbantur esse salutare, instituit. Anno autem sequenti, qui fuit à Christo nato. M. cccc. xcviij. kalen. Aprilis Olyssipponē profiscuntur, trecentis tantū equitibus comitati. Id enim Reges Castellæ ab eis postulānt, nè secū maximam turbam ducerent, vt vitaretur dissidia, quæ inter Castellanos & Portugallenses in huiusmodi Regū congressibus, leuissimis de causis excitari plerunque solent. In hoc tamen comitatu erant viri nobilissimi, inter quos fuit Georgius Ioannis Regis filius, in quem tunc, quamuis puer esset, oculos oēs vbiq; conieciabant, & specie filij commoti, patris nomen grata prædicatione celebrabant. Ibant autem omnes atrati, vt mœstitiā, quæ animos omni propter obitū principis Ioannis occuparat, habitu lugubri de-

LIBER

monstrarent. Regibus Castelle fines ingressis obuiam prodijt Metimnae Sidonia dux, atra veste similiter indutus: qui, vbi primū illis approquinquauit, ex equo desiliuit, eorumq; manus osculatus est. Idem faciebant reliqui principes, & omnes, qui erant vel nobilitate, vel dignitate praclari. In omnibus autem ciuitatibus & oppidis, admirabilis hominum frequentia & celebritas illis occurrebat, & faustis acclamationibus insitam ex eorum aduentu letitiam significabant, magniq; sumptus ab hominibus, qui opibus & potentia praestabant, vbiq; eorum gratia fiebant. Cū Toletum appropinquarent, Fernādus vrbe egressus, illis obuiam processit, et vtrumq; valdè amanter, vt tanta necessitudinis ratio postulabat, amplexus est. Ad portam Principes ciuitatis illos expectabant, vt se illorum subditos, et verbis & deimisso corporis habitu, et reliquis signis in Hispania vsitatis indicarent. Indè, cū iam ad uespera sceret, sub aurea umbella in templum deducuntur: factaque precatione, discedunt, & in Regiam intendunt, in qua tanta letitia luerunt ab Isabela excepti, vt videretur omnem ex animo dolorem, quem ex morte filij acceperat, eorum aduentu depulisse. Deinde cū Rex omnes nostros satis benignè alnoqueretur, Georgium tamen multò honorificentius accepit. Non autem passi sunt Castelle Reges, multos dies intermitteri: operamq; dederunt, vt id sine cunctatione fieret, cuius gratia concilium Regni totius indixerant, & generum atque filiam euocarent. Die dominica, quae sequuta est, Emmanuel & Isabela in templum deducti sunt. Dux Metimnensis, cuius paulò antè mentio facta est, pedibus ad Emmanuelis latus incedens. Libenam equi illius manu tenebat: à leua verò Friensis Dynasta simile officium Isabele iuniori praestabat. Hoc etiam modo magnus equitum

Magi-

Magister à dextera, Dux Albanus à laeva Fernandum & maiorem Isabelam deducebant. Archiepiscopus Toletanus rem diuinam singulari cerimonia atque sanctitate peregrit. Religione ritè procurata, Fernandus & vxor assurgunt, ille generum, illa verò filiam manu apprehendit, & vtrunque in sellis in sublimi positis, & pulcherrimè instratis collocant, ipsique in alijs sellis ad eorum latera considunt. Ciuitatum procuratores in subsellijs ordine iam à multis etatibus in Hispania recepto disponuntur. Principes, vt fortè cuique locus obuenerat, ita eum sine offensione cuiusquam occupant. Amicè namque Fernandus illos admonuerat, nè inter se de locorum dignitate contenderent. Se enim molestissimè laturum, si id, quod summa animorum consensione geri cupiebat, intempestiua dissensione turbaretur. Silentio deinde facto, vir quidam Iuris ciuilis eruditione præstans, qui dicendi peritus habebatur, assurgit, orationemque luculentam habuit, qua pacis commoda, Hispania totius otium & tranquillitatem, incrementum imperij, & reliquas utilitates, quæ ex ea Regnorum coniunctione sequi videbantur, exposuit. Hortatus est deinde principes & ciuitates, vt Emmanuelem & Isabelam, quos Regum suorum hæredes esse videbant, certatim amarent, & colerent, summaque illis fide rebus in omnibus inseruirent, sperarentque, eos, quos iam sciebant esse regijs virtutibus ornatissimos, similes futuros eorum Regum, quibus erant tempore à Deo constituto successuri. Deinde ad Emmanuelem & Isabelam conuersus, eos admonuit, vt cernerent animo, quod eis munus imponeretur. Eorum namque officium esse, consulere populis, tueri innocentiam, coercere improbitatem, dare salutem, propulsare pericula, conseruare, & bonis omni-

LIBER

bus amplificare Remp. Hac vbi perorauit, quidam sacrorū Antistes assurrexit, & librum, qui Euangelia & sacrorū retionem continebat, explicuit, & in medio illius Crucem auream imposuit, deinde cum libro ad Principes heredes accessit, eisq; dixit, vt manibus Crucem tangerent. Cum deinde is verbis praret, ipsi sese sanctissimo iureiurādo cōstrinxerunt, fore, vt iura populis administrarent, libertatē Reip. conseruarent, omniumq; saluti summa contentione prospicerent. Hoc factō, magnus equitū Magister librum ē Patriarchæ manibus assumit, illumq; tenens iurat, se Emanuele & Isabelam pro veris & legitimis suorū Regū heredibus habiturum, eorumq; imperio semper obedientē futurū, summaq; fide pro eorum amplitudine et dignitate pugnaturū. Deinde reliquos principes & ciuitatum legatos eodem iureiurando constrinxit. Tum omnes ordine ad Principes, quibus fidē dederant, accedit, eorumq; manus osculantur. Quod tamē Toletani ciues eo in loco facere noluerunt. Non erit autem abs re, explicare rationem, quāobrem Toletani officium illud tunc obire noluerint, vt intelligi possit, quā leuibus de causis plerunque soleant in populis, nisi malo nascenti prudenter fuerit occursum, turbulenta disidia concitari. FVIT OLIM in Hispania inter Burgensem & Toletanam ciuitatem, quæ reliquis anteire videbantur, de dignitate summa contentio, cū Burgenses ciuitatē suam esse Castellæ metropolim constanter assererent, Toletani verō Hispaniæ principatum ad ciuitatem suam reuocarent. Neque lis vnquam dirimi potuit, nec vlla conditione fieri, vt vna ciuitas alteri quidquam de iure suo remitteret. Itaq; periculū erat, nē, quoties Reges concilium euocarent, ij, qui ciuitatis vtriusque nomine conuenerant, ad manus venirent. Alfonsus igitur

boc

hoc nomine vndecimus, cum Compluti indictum conciliū haberet, vt hanc controuersiam aliqua ratione tolleret, in omnium conuentu, antequam litis vlla mentio fieret, inq̃t: Toletanos scio imperata libentissimè facturos, loquantur Burgenses. Hac Regis oratione conquieuere, cum vtrique se prelatos existimarent. Toletani quidem, quòd Rex ante omnes eorum nomine locutus esset: Burgenses verò, quòd primi omnium per se sententiam dixissent. Hanc deinde consuetudinem Reges omnes Castella sequuti sunt, quoties concilium est ab illis indictum. Alicuius tamen contentio- nis vitanda gratia, noluere Toletani in illo conuentu illud officium facere: sed postquam à templo discessum est, antequam Reges in ades Archiepiscopi, vbi paratum & instructum erat conuiuium, peruenirent, in ipsa via, ad Emmanuelem & Isabelam suppliciter adeuntes, eorum manus osculati sunt. Dimisso concilio, Fernandus Aragoniam cum vxore & genere atque filia petere contendit, vt similiter atque in regno Castella fecerat, illius regni fidem principibus obligaret. Iter autem ita fecerunt, vt quacunque pergerent, effusa multitudo illis obuiam cum incredibili voluptatis significatione prodiret, multiq; Dynastæ, & ciuitates etiam per multa omnia, quæ ad victum & regiū luxum erant necessaria, abundè subministrarent. Casaream tandem Augustam peruenere kalendis Iunij. Fugerunt autem ab ea ciuitate cum admodum solenni pompa, immodicisq; ceremonijs de more gentis illius excepti. Paucis deinde diebus ad quietem sumptis, statuit Fernandus, vt Casaraugustani, perinde atque fecerant Castellani, sine vlla mora si dem Emmanueli & Isabelæ verbis conceptis obligarent. Negârunt Casaraugustani, id sibi licere, antequam ciues Valentini, & Barchinonenses, qui suarū

LIBER

ciuitatum iura tuerentur, eò cōuenirent. Inſtitit nihilo ſecius Fernandus, non eſſe cur illos expectarent, quos ſciebant idem officium ſuo tempore atque loco præſtituros. Neque eſſe illis in re minimè dubia cunctandum. Reſpondent, non eſſe rem adeò facilem, vt non magnam conſultationem requireret. Se de fide danda minimè dubitare, ſed de modo & conditione, qua erant fidem daturi. Ad eam autem deliberationem commodius habendam, opus eſſe ſociorum aduentu, vt communis cauſa communi etiam conſilio ſuſtineri poſſet. Quod ſi vellet, vt ipſi ſtatim fidem ſuam aſtringerent, ſe id libenter facturos, ea tamen conditione, vt prius Emmanuel & Ifabela iurarent, fore, cū primū venirent in regni poſſeſſionem, vt iura & immunitates, quæ Fernandus ipſe Aragoniæ populis abſtulerat, ſine vlla cunctatione reſtituerent. Reſpondet Fernandus, ſe nulla conditione paſſurum, vt ea, quæ propter ſummam iniquitatem ſublata fuerant, populis, qui illis abutebantur ad innumerabiles iniurias, redderentur. In his altercationibus fuere tres menſes cum non mediocri Regum offenſione conſumpti. Cū verò multa cauſa diſſenſionis intercederent, illa tamen potiſſimū Regum animos perculit, quòd dicerent Cæſarauguſtani, hoc iure ſemper Aragoniæ regnum fuiſſe, vt nunquam imperium ſceminæ ullius acciperet. Quòd ſi Rex ſine prole virili decederet, eſſe populis liberum, euocato concilio eum Regem eligere, quem regno propter virtutem dignum iudicaret. Interim verò Cæſarauguſtani de libertate ſoliciti, clanculum arma in certas domos comportare, vndique præſidia comparare, colloquia inter ſe de communibus rebus habere: nihilquē omnino prætermittere, quo ius ſuum modis omnibus retinerent. Sed omnes hos motus ſedauit Ifabela

belæ iunioris partus. Octauo enim kalen. Septembris peperit filium, cui fuit inditum nomen Michael. Huius nepotis exortu tanta fuit affectus lætitia Fernandus, vt contineri non posset, quin voce maxima omnibus de nato Principe, Hispania totius hærede, gratularetur. Sed vt sunt res humane fluxæ & instabiles, summaquæ lætitia exitu tristissimo sæpenumerò concluduntur, illa summa Regum voluptas, ille principum gratulationes, & ciuium plausus in acerbissimum mœrorem subitò conuersi sunt. Isabela namquæ, antequam pareret, agrotabat, & quò magis appropinquabat partus, eò maiora signa imbecillitatis ostendebat. Cùm verò filium enixa fuisset, tanta vis sanguinis ex illa profluxit, vt vires eam omninò deficerent, vsque eo, dum extremum spiritum in complexu patris ederet. Eluxit autem in illa singulare pudoris, & probitatis, & prudentiæ, & religionis specimen, quarum etiam virtutum in illo vltimo vitæ actû claram significationem dedit, cùm ea diceret et testificaretur, quibus posset intelligi, eam parùm de hac misera vita, multum verò de illa sempiterna cogitare. Funus fuit cum multis omnium lacrymis inductum. Emmanuel vbi funeri iusta persoluit, & ea, quæ fuerant testamento legata, distribuit, à Fernando & Isabela magno cum dolore, vt in Portugalliam rediret, diuulsus est. Non potuit enim discessus ille absque fletu acerbiori renouatione fieri, cùm veniret illis in mentem, quali filia fuissent orbatæ, & Emmanuel in memoriam reuocaret, se vxorem omnibus virtutibus ornatissimam amisisse. Fuit autem à multis principibus in Portugalliam usq; deductus. SED CVM esset in itinere, in oppido nomine Aranda, quod Durius alluit, misit ad Alexandrum legatos, qui eum admonerent, vt rebus ECCLESIAE pro-

LIBER

prospiceret. Nam mores esse profligatos, pietatis studium
 restinctum, flagitiorum licetiam solutam, res sanctissimas
 pretio indignissimis addici. In vrbe, quæ fuerat pietatis &
 sanctimonia domicilium, officinam impudentiæ atq; sce-
 leris institui, Ecclesiamquæ Romanam insigni infamia fla-
 grare, remquæ esse in extremum penè discrimen adductã.
 Proinde se illum orare & obsecrare, & per CHRISTI
 sanguinem obtestari, vt iret obuiam sceleri, rescaret li-
 bidinem, coerceret auaritiam, moresquæ laxos disciplina
 seueriore deuinciret, tantumq; manus pro dignitate tue-
 retur, & Rempub. Christianam, quæ tantis vitiorum exē-
 plis erat à studio pietatis auersa, pietatis exemplis ad offi-
 cium reduceret. Legati fuere Rodericus Castrensis, Enri-
 cus Coutinus, & Fernandus Coutinus, viri claris natalibus
 orti, & prudentia non vulgari præditi. His autem manda-
 uit, vt hanc legationem cum Fernandi Regis legato com-
 municarent, quem Fernandus, vt cum Emmanuele Cæ-
 sar augustæ constituerat, ea etiam de causa erat Romam
 missurus. Vbi legatos misit, iustis itineribus in Portugalliã
 redijt, & Olyssipponem peruenit, tertio idus Octobris. Ibi
 per literas Fernandi et Isabelæ certior factus est, Michae-
 lem filium suum summa Castella & Aragoniæ consensio-
 ne fuisse legitimum Principem, & regnorum illorum hæ-
 redem declaratum, fidemquæ illi ab omnibus publicè da-
 tam. Rogabant autem, vt idem in Portugallia fieret: id e-
 nim valdè ad regnorum tranquillitatem pertinere. Em-
 manuel igitur anno sequenti, qui fuit à CHRISTO na-
 to M. cccc. xcix. ad eam rem sine vlla mora peragen-
 dam, concilium indixit. Omnes sine vlla recusatione con-
 ueniunt. Is ab omnibus postulat, vt fidem dent, se Michae-
 li ipsius vnico filio, tanquam successori legitimo fore sem-
 per

per, postquam ille ad regnum perueniret, obsequentes. Illi priusquam fidem darent, ab eo postulârunt, ut nomine filij promitteret, idque iuramento confirmaret, ut nunquam neque iurisdictiones, neque vectigalium administrationes, neque artium præfecturæ ad Portugallia ditionem pertinentes, siue citra, siue vltro mare, alicui, qui non esset natura Portugallensis, vlllo tempore, aut conditione mandarētur. Quod Emmanuel facile concessit. Illi igitur fidem publice absenti Michaeli dederunt: & Emmanuel promissionis suæ fœdus propria ipsius manu consignatum iussit, ut publico testimonio ad memoriam sempiternam confirmaretur. Et hæc quidem eo anno in Lusitania gesta sunt. At legati, qui ab Emmanuele Romam missi fuerant, cum primum Romam peruenire, omnem legationis rationem cum Garzia Lasso Fernandi Regis legato, uti fuerant iussi, communicant. Re itaque deliberata, omnes ad Pontificem ad-eunt, eumque Regum nomine suppliciter orant, obsecrant, & obtestantur, ut velit flagitiorum incendiū pietatis studio & iudiciorum seueritate restinguere. Neque semel hoc ab illo libera voce contendunt, sed sæpius instant & urgent, & publico etiam testimonio postulata consignant, ut esset omnibus testatū, nihil ab Hispaniæ Regibus omissum fuisse, quod ad labentis Ecclesiæ instaurationem pertineret. Quæ quidem admonitio hunc fructum habuit, ut Pontifex deinceps non ita dissolutè Rempub. gerere videretur. Præse autem tulit, admonitionem illam sibi non ingratam accidisse. Non post multos dies nuncium ad Emmanuelē misit, cum donis ab illo solenni precatione consecratis. Dona autem fuerunt ensis & pileus. Ea dona Emmanuel grata voluntate prosequutus fuit, nunciumque muneribus ornatum dimisit, Pontificique per literas declarauit, se fore semper, ut

LIBER

per, ut eum religio facere admonebat, studio illius incensum. Hoc eodem anno, quinto Idus Iulij Emmanuel primum nuncium de rebus Indicis auspicio suo exploratis accepit. Quod quemadmodum gestum fuit, est ab initio repetendum. GAMA ubi primum soluit Olyssipone, cursum ad Fortunatas insulas direxit: deinde Insulam, quam appellant Sancti Iacobi, quæ respicit Aethiopiam, lustravit. Inde verò, ut in mandatis habebat navigationem Solis ortum versus instituit, donec terram conspiciatus est, & ad eam continuo naues appellere iussit: in magnumq; sinum ingressus, vela contrahere, anchorasq; dimittere præcepit. Nicolaum deinde Coelium misit, ut ad oram illam propius accedens, exploraret, an esset aliquis fluuius, ad quæ se aquandi gratia conferrent. Tres enim menses aduersis tēpestatibus agitati, in illius oræ nauigatione cōsumpserant, & aquæ inopia laborabant. Coelius ut fuerat iussus, littora illa perlustrās, in fauces fluminis incidit, cuius aquæ erant dulces, & riparum vestitus viridissimi. Quod cum Coelius Gama nunciasset, is ad eam partem vela cōtinuò fieri iussit, ut omnes aquari atq; lignari possent. Ibi Phocas ingētes, quarū magna copia erat, ceperunt, & earum carnibus refecti sunt. Hoc autem erat Gama institutum, ut quibuscunq; terris insisteret, mores gentis & instituta perdisceret. Itaq; dedit negotiū certis hominibus, ut aliquē ex illis, q̃ regionē eam colebāt, vel astu, vel vi caperēt, ex quo posset id, quod volebat, cognoscere. Fuerūt autē ad illū perducti homines colorati, breui & crispo capillo, quorū tamē linguā nemo ex illius comitatu, qui multas Aethiopia linguas nouerant, intellexit. Fuēre tamen à Gama benignè accepti, atq; vestiti, & muneribus, quibus capiebātur, allecti, ut alios ad nostros pducerent. Munera fuēre tintinabula,

bula, & vitrei globuli, & alia eiusmodi. Fuit deinde nostris cum illa gente familiaritas instituta, cum Aethiopes illi multa supportarent ex illis fructibus, & carnibus, quas tellus suppeditabat, quæ ad victum erant valdè necessaria: & illos nostri vestibus minimi pretij, & rebus leuissimis, quas illi tamen plurimi faciebant, ornarent. Signis autem & nutibus, quid alterutri ab alteris fieri vellent, significabant. Sed hanc consuetudinem vnus hominis amentia diremit. Qui cum in eorum familiaritatem se penitus immersisset, petijt à Gama, vt liceret sibi in illorum intimas sedes penetrare. Deductus igitur ab eis, cum illi in via Phocam ingentem interfecissent, fuit illius carnibus satis opiparè & apparatè, vt illi quidem suspicabantur, acceptus. Is cum dapes appositas, quod non essent sui stomachi, fastidiret, se cōtinuò in naues recipere voluit. Illi eū humanissimè psequuntur. At is certus esse non poterat, an truderetur ad supplicium, an potius honoris gratia tanto comitatu septus duceretur. Metus tamē omnia tristiora fingere cogebat. Itaq; vbi littori appropinquârūt, quasi vinctus traheretur, opem magnis vocibus implorauit: nostri subsidio occurrerunt. Illi fugæ se repenti mādârunt. Gama cū reliquis ducibus in terrā descēdit, vt facilius posset solis ab æquinoctiali plagæ discriminē in Astrolabio contēplari. At illi, q̄ fugerāt, in sylua, vbi arma reposuerant (ignorabant enim quali animo nostri ad eas oras accederent) se occultabant. Arma verò, quibus plurimum utebātur, erant cornua quædā acutissima hastis p̄fixa, q̄bus summa vi cōtortis, non leuius vulnus infligebant, q̄ si præacuta iacula cōiecissent. Ibi igitur cum nostri in littore sine vlla piculi suspitione versarētur, illi ex latebris emersi prouolāt, & in nostros impetū faciunt, & multos cōuulnerāt, inter quos Gama in pede vuln⁹ accepit.

Nostri

LIBER

Nostri se multò celerius, quàm fuerant opinati, recipiunt. Ita factum est, ut vnius hominis vesani temeritas aquationem illam infestam redderet. Sinum illum nostri sanctæ Helenæ sinum nominant: fluiuiū verò eadem ratione Sancti Iacobi nomine notandum existimârunt. Ut enim solennes dies cadebant, qui erant Diuorum memoriæ consecrati, ita nostri nomina terris, & insulis, & fluminibus incognitis, quæ diebus illis primùm viderant, imponebant. Anchoris indè solutis, iter Austrum versus instituunt, promotoriumq; Bonæ spei superare contendunt. In illo autē cursu valde Gamæ virtus enituit. Fluctus erant immansissimi, tempestates perfrigida & aduersa: tenebræ verò asiduæ quæ procellæ, cum semper in illa regione statis temporibus, quibus sol Septentrionalem plagam lustrat, valde horribiles sint, atque pertimescendæ, tum illis, qui nondum fuerant eos fluctus experti, tantum terroris inijciebant, ut omnem spem salutis abijcerent. Naues enim ita iactabantur, ut modò nubes contingere, rursus in imas profundivirgines detrudi viderentur. Ad hoc malum accedebat, quòd vltra progredi nequibant. Demissis igitur velis, ventis obsequi cogeantur, ita tamen, ut varios flexus atque reflexus inirent, ne retrò cederent, sed tempestatis aduersæ finem in fluctibus expectarent. Quoties verò aliquid laxamenti dabatur, homines exanimati metu Gamam circumsistebant, illumq; orabant & obsecrabant, nè vellet se hominesq; illius fidei commissos tam horrendo genere mortis extinguere. Fluctibus diu repugnari non posse: cederet tempestati, & classem, antequam fluctibus mergeretur, in patriam reduci permetteret. Cum is constanti animo postulata reijceret, multi de nece illius coniurationem habuerunt. Id cum Gama Pauli fratris indicio cognouisset, insidias

summa

summa vigilantia declinavit, & vincula magistris iniecit, ipseque per se summi magistri manus obiuit. Tandem cum multis diebus hanc tempestatis, atque perfidie molem inuicto animo pertulisset, tempestas commutata est. & ipse cum reliquis ducibus ad finem promontorii peruenit, quod omnes. xx. die Nouembris cum incredibili letitia flectere incaperunt. Arbitrabantur enim eo superato, nihil sibi impedimento futurum, quod minus eò, quod tendebant, felicissimè peruenirent. Ita verò nauigabant, vt nunquam à terra procul abcederent, & illius situm & fertilitatem cum iucunditate perciperent. Videbant enim ingentes sylvas, & densa nemora, & pecudum & armentorum greges innumerabiles, & hominum etiam multitudinem, qui passim vagabantur. Sunt autem homines, colore & specie illis simillimi, qui in sinu sanctæ Helene visi fuerant. Cum loquuntur singultire videntur: nudi ambulant, pudenda ligneis vaginis includunt: fistulis vtuntur, quas non admodum absurde modulantur. Tuguria sibi ex lateribus sole adustis, aut è terra faciunt, quæ culmis deinde atque congestis glebis contegunt. In promontorii illius latitudine superanda nostri quinq; dies posuerunt. xxv. die Nouembris promontorium superant, atque ad Septentriones cursum inflectunt. Ab ultimo promontorii flexu, qui ad orientem spectat, abest sinus, quem nostri Sancti Blasij aquaticum appellant. cc. & xx. passuum millia. Tellus est fertilis: nutrit elephantos ingentes, & quamplurimos boues valde opimos, quibus incola clitellas imponunt, eisque pro iumentis vtuntur. In intimo sinu est parua quadam insula, ad quam nostri aquandi gratia naues appulerunt. Ibi phocarum armenta cõspexere admiranda quadam multitudine. In quibus inerat tanta feritas & truculentia, vt in ho-

D

mines

L I B E R

mines irruerent. Aues etiam eo in loco visa sunt, quas incolae appellant Sotilicarios, pares anseribus magnitudine: plumis minimè vestiuntur, alas habent similes alis vesperilionum: volare nequeunt, sed explicatis alarum membranis, cursum celeritate summa consiciunt. Indè, carnibus emptis, & aquatione facta, nostri profecti sunt. Octauo die Decembris subita quadam tempestas illos vehementer exterruit, & à terra conspectu procul abstraxit. Sedata verò tempestate, rursus ad terram propius accedunt. Cum enim nondum esset nostris in illis regionibus nauigandi ratio penitus explorata, minimè tutum videbatur, à terra longius abduci. Vident autem paruas insulas, quae paulò longius. cc. xxx. passuum millibus aberant ab eo loco, vbi ultimam aquationem fecerant. Erant autè amoenissima, arbores altissima, prata viridissima, pecora innumerabilia, quae passim vagabātur. Erat summa tranquillitas, pelagus profundū, ita, vt sine periculo possent ad terram accedere, & qualis esset cū iucunditate perspicere. Sic omnem illam oram legentes, decimo Ianuarij die insequentis anni, magnam hominū & mulierum multitudinē in terra inambulare conspiciunt. Erant omnes colore subnigro, vt reliqui, quos in oris illis viderant, corpore procero, et specie liberali. Hic Gama proras ad terram flectere iubet. Misit demum de virum linguarum peritissimum, qui nomine, illius gentis Rectore honorificè salutaret, eiq; munera deferret. Fuit nuncius libenter acceptus, & cum muneribus illis, quae telus ferebat, dimissus. Hac gens erat reliquis humanior, & lautius vitam instituebat: brachia armillis aeneis ornabat, et capita similiter aeneo cultu amiciebat. Viri pugiones gestabant cum manubrijs stanneis non admodum inscite fabrefactis: vagina autè erant ex ebore. Hic reliquit Gama duos exules,

exules, qui mores & cultum gentis exactè perdicerent. Erant enim in ea classe decem homines capite dānati, quibus fuerat ea lege vita concessa, vt quibuscunque in locis à Gama relictī fuissent, regiones lustrarent, hominumq; mores & instituta cognoscerent. Indè profecti, decima quinta die Ianuarij ad fauces ingentis fluij peruenēre, cuius ripas vndiq; arbores fructibus onusta diffusis latè frondib; opacabam. tellus erat herbida, & amœna. Hic iactis anchoris consistēre, vt sequenti die (Sol enim iam precipitabat) terra culta diligenter inspicerent. Manè verò conspiciunt multos homines eiusdem propè coloris & cultus, litribus inuectos ad naues tendere. Qui simul atq; ad eas accesserunt, sine vlla fraudis suspitione conscenderūt, fueruntq; à nostris cibo atq; potu liberaliter accepti. Lingua tamē eorum nemo ex nostris quīuit intelligere. Nutib; tantū, quidquid exprimere volebant, significabant. Post tres dies venēre quatuor viri regionis illius principes, vt Gamā salutarerent, & classē nostrā viderent. Erant autē hi paulò elegantius culti: quos Gama appositis epulis inuitauit, & vestibus sericis ornauit: quibus illi non mediocri latitia se affectos esse demonstrarunt. Sed nec ab illis intelligi quidquā potuit, per quod nostri possent, quā longo ab India, aut quā prope essent, aliqua ratione suspicari. Vnus tamen malè Arabicè dixit, ad regionem, vndè paucis illis diebus venerat, naues eiusmodi formæ atq; magnitudinis, quā nostras esse conspiciebat, frequenter appellī, quæ quidem non erat à magno intervallo ab eo portu disuncta. Nostri cum id audirent, in spem venerunt, fore, vt intra breue temporis spatium Indiam aspicerent. Id monuit Gamam, vt illi fluuij, fluminum signorum nomen imponeret. Hic autem columinā lapideam in ipsius fluminis ripa collocauit, in qua erat

LIBER

Crux cum Emmanuelis insignibus incisa. Hoc autem faciebat in portubus, quos ad Christiani nominis gloriam, & ad Regis clarissimi monumenta diutius conseruanda, magis opportunos iudicabat: & ad eam rem multæ columnæ eiusmodi fuerant nauibus illis impositæ. Terra verò illa, statuit, vt nomine Sancti Raphaelis insignis esset. Hic duos reliquit ex illis, quos diximus vitam exilio redemisse. Hic postquam naues refecit, & infirmos curauit, sexto kalen. Martij anchoras moliri, antennæ erigi, velaquæ fieri iubet. Kalendis autem Martij conspiciuntur à nostris quatuor insulæ, non ita lato mari à se inuicem distantes. Ex vna illarum Coelius septem nauigia plenis velis inuecta ad nostros accedere conspiciatus est. Qui illis rehebantur, cū p̄toriam nauem ex vexillo, quod erat in summo malo alligatum, cognoscerent, ad eam proras detorquent, propiusq; facili, magno clamore sublato nostros Arabicè salutant. Ibi Gama Coelium, quod nauis illius esset aliarum minima, præcedere iubet, & ad eam insulam cursum dirigere, vnde nauigia soluisse conspexerat. Præit sensim Coelius, & fundo prius diligenter explorato, reliquæ paulatim subsequuntur. Nauigia interim nostras naues circumsistunt, et tibiarum concentu & alijs musicis instrumentis nostros oblectant, eisq; de aduentu in illas oras maxima voce gratulantur. Homines autem erant colorati specie liberali præditi, vestib. bombycinis ornati: longissimis linteis auro intertextis & arcu compressis, vt spiris multifariam circumductis caput obtegerent, ornabantur. Erant præterea aduncis gladijs accincti, parmasq; brachijs insertas gestabant. Nostras naues ingressi, nostros Arabicè salutant. Qui linguam probè tenebant, benignè respondent. Gama dapes apponi iubet. Illi conuiuium non aspernantur. Dū comedunt et bibunt, sciscitantur

tur

tur de illis Gama, quod esset illius insulae nomē, quae gentis ratio & cultus, & quod iter inde in Indiam esset habendū. Respondet insulae nomen esse Mozambique: gentē esse simulachris deditam, magnam tamen insulae partem à mercatoribus Saracenis habitari: esse verò illam sub imperio Regis Quiloae, qui illi rectorem praefecerat hominem auctoritate insigni praeclitum: emporium vix aliud celebrius in regionibus illis reperiri. Inde enim naues in Arabiam, in Indiam, in multas praeterea orbis terrarum partes nauigare, & ex omnibus illis merces innumerabiles in eam conuehi. Praeterea dicunt esse quandam in ea ora regionem, quam nostri fuerāt praeuecti, quae Zofala nominabatur, et auro plurimum abundaret. Postremo quantum ab ea insula Calecutium distaret, exponunt. Hoc audito nostri manus in caelum tendere, summas Deo gratias agere, sequē maximam ex parte laboribus persuctos arbitrari. Insula est illa in regione, quam appellabant olim Aegesimbam. Distat enim ab aequinoctiali plaga decem & sex gradibus, Austrum versus. Incolae sunt nigri: tellus propter paludes est parum salubris. Domos extruunt è terra, quas congestis paleis integunt. Propter tamen opportunitatem commercij, naues undique ad illam rei gerendae gratia commeabant. Arabes tunc plurimum in ea opibus & potentia florebant. Hi myoparonibus paruis viebantur, eisquē ferreis clavis minimè reuinctis, sed palis teretibus perforamina vice clauorum adactis. Compages verò nauium funibus è palmarum folijs factis obturabāt. Palmas autem appellant arbores altissimas, folijs longissimis & acutissimis hirsutas, patulis frondibus circumquaque diffusis umbram gratissimam efficientes. nuces ferunt ingentis magnitudinis, quas nostri Cocos nominant. Vtebantur in

D 3 nauigan-

LIBER

nauigando normis nauicularijs, quas nautæ Acus appellât.
 Quarū formam propter eos, qui à maritimis regionib. se-
 moti sunt, haud alienū arbitror explicare. VASCVLVM
 est è ligno factum, planum atq; rotundum, altitudine duo-
 rum aut trium digitorū. In medio habet stylam præfixū, in
 summo præacutum, aliquantū breuiorem, quā sit vasculi
 ipsius altitudo. Regula deinde è ferro solertissimè facta, te-
 nuis & angusta ad vasculi modum dimensa, ita tamen, vt
 diametri ipsius vasculi longitudinem non exæquet, induci-
 tur. Styli verò cuspis per medium huius regulæ, quod est in-
 ferius excauatum, & fastigiatum superius immissa, ita eā
 suspensam, paribusq; momentis librata continet, vt vtrinq;
 angulos pares efficit. Operculo deinde vitreo aenea virgula
 circundata firmato, nè possit regula excuti, & aliqua ex
 parte labare, contegitur. Cum verò magnetis ea natura
 sit, vt non modò ferrum ad se trahat, verū etiam vna il-
 lius pars ad Septentriones aspiret, altera in Austrum pro-
 pendeat, naturamq; suam cum ferro communicet, effici-
 tur, vt cum regulæ huius caput ad eam magnetis partē, quæ
 spectat ad Septentriones, applicatum, attrituq; illius ex-
 tersum fuerit, eandem in se vim concipiat: & cum ita su-
 spensa extiterit, vt mobiliter in varias partes impelli possit,
 semper in Septentriones insita propensione referatur. Sic
 autē fiebat, vt nautæ hoc instrumēto moniti, quāuis in pro-
 fundo pelago versarentur, et calū esset nubila & caligino-
 sum, possent tamē ad Septentrionis rationē cursū dirigere.
 Hæc autem regulam quia ad acus similitudinem proximè
 accedebat, acum nauiculariam appellabant. Deinde cum
 facillimum sit, humanis ingenijs addere semper aliquid ad
 ea, quæ sunt solerter inuenta, aliam normæ rationem exco-
 gitârunt, qua possent exactius, quem cursum in nauigando

tene-

tenerent, ratione perspicere. E virgulis enim ferreis figuræ efficiunt lateribus paribus, angulis imparibus, in rhombi speciem deformatam. Huic unam ex parte superiore, alteram ex inferiore chartam orbiculatam adglutināt. Magnetis autem adiuncta vi, sic figuram hanc temperant, ut unus ex acutis angulis Septentrionem, alter Austrum respiciat: ex obtusis verò unus ad ortū Solis, alter ad Occasum spectet. Diametri autem orbis huius longitudo figuræ longitudinem non excedit. Habet autem orbis hic in medio aneum umbilicum affixum ad eam formam factum, quæ diximus regulæ medium fabricatum fuisse. Per umbilicū illud igitur styli cuspidis immissa, orbem hunc suspensum continet, qui non modo regulæ illius, de qua diximus, vice fungitur, sed omnes ventorum regiones, quorum flatibus navis impellitur, in conspectu proponit. In charta namq; superiore Septentrio, & Aufter, & Oriens, & Occidens, & interiecta inter hos terminos regiones exactissimè describuntur. Norma ad hunc modum constituta, hoc restabat incōmodi, quod opus erat, quoties navis fluctibus agitata, ut fieri necesse est, in puppim, aut proram, aut in alterutrū latius inclinaret, ut illa in profundo subsidens adhæresceret, neque motu libero in Septentriones dirigi posset. Nè autem hoc eueniret, fuit solertissimè excogitatum. Nam vas ipsū paulò infra labrum circulo aneo arcuè constringitur. Vtrinque autem ab eo circulo virgula calybea ducta, in foramen alterius circuli maioris et exterioris, modico intervallo ab interiore distantis, immittitur. Virgula verò binæ ita sunt æquales & oppositæ, ut si ex utraq; una & perpetua fieret, circularis illius spatij diametrum contineret. Exterior autem circulus circa duas illas virgulas quasi circum axē versatur. Rursus ab exteriori circulo aliæ binæ virgule pari in-

L I B E R

teruallo ad ambitum alueoli cuiusdam orbiculati, intra quem hac machinatio continetur, simili ratione perducitur. Ita sunt autem hæ virgulæ exteriores interioribus ex aduerso constitutæ, ut si due tantum ex illis quatuor directæ fierent, sese ad angulos rectos interfecarent. Cum verò machinatio ex inferiore parte anea & ponderosa sit, neque fundum attingat ullum, ita vndique pellitur, ut medium locum teneat. Et cum pensilis & mobilis existat, pondere suo nixa ea ratione consistit, ut quanuis maximi fluctus nauem iactent, ipsa semper ad libellam directæ permaneat. Sic autem fit, ut nihil interueniat, quod normam ab eo motu, quo in Septentriones fertur, impedire queat. His normis solebant uti iam illo tempore Arabes illi, & chartis præterea, quibus maritimarum regionum situs, secundum descriptas in illis lineas, exploratè cognoscerent. Quadrantibus etiam, Solis varias conuersiones, & quantum quaque regio ab æquinoctiali circulo distaret, obseruabant. Tam multis denique erant ad nauigandum artibus instructi, ut non multum Lusitanis nautis de rerum maritimarum scientiâ & usu concederent. Cum nostris autem idè iucundè fabulabantur, quod crederent eos esse Mahumetanos ex illis, qui Mauritaniam tenebant. Illos autem Gama muneribus affectos, cum donis, quæ ad insulæ rectorem illius nomine ferrent, dimisit. Nomen autem rectoris erat Zacoeia. Hic cum à suis intellexisset, quæ humanitate fuerant à nostris accepti, muneraque sibi missa conspexit, ad officium suum pertinere existimauit, nostros inuisere. Itaque se continuo vestibibus ornauit, quæ erant aureis distinctæ floribus, gladiumque accinxit gemmis fulgentem, & eodè etiâ gemmarum splendore cultum pugionem. Armatorum præterea hominum caterua cinctus, in naues ire perrexit. Interim verò tibiarum & tym-

panorum concentib. omnia perstrepebant. Gama antequā ille nauibus appropinquaret, egrotos ab omnium conspectu remoueri, et sanos atq; valentes armari more nostro iubet & in summo nauis tabulato cōsistere. Is enim erat, qui nullam fidem Saracenis habendam censeret, sed dissimulante omnes insidias, quæ fieri ab illis possent, precauēdas existimaret. Ad latus deinde nauis accessit, vt Zacoeiam venientem exciperet. Conscendit ille cum suis: Gamam salutat. Ille vicissim eum perbenignè complectitur. Asidunt omnes, & incundissimè sermocinantur. Gama dapes apponi, & vinum infundi iubet. Illi verò satis hilari fronte comedunt, ne c vlla Mahumetis superstitione impediuntur, quò minus pocula libenter exhauriāt. Quærit deinde Zacoeia de nostris, an essent Mauri, an Turcæ. non enim dubitabat, quin Mahumetis sectam sequerentur. Deinde, quibus armis in prælijs vti solerent. Postremò, an haberent aliquot legis Mahumetanae libros. Se namq; illos libenter esse visurum. Gama respondit, se ex vltima Solis occidentis regione ad eas oras accessisse: nostros armis illis vti, quibus homines, qui eum sepiebant, tectos animaduertebat. Vti præterea tormentis illis, quæ videbat, quibus non hominum tantum acies profligari, verū & arces munitissimæ disturbari atq; disijci possent. Libros autem legis, quam obseruabant, se libenter ostensurum, postquam aliquot dies à labore cōquiesceret. Sibi esse iter in Indiam. Promde illum orare, vt sibi daret aliquot homines nauigandi peritos, quorum ductu posset Calecutium peruenire. Quod si faceret, operā se daturum, nè vnquam illum collati beneficij pæniteret. Id Zacoeia se facturum pollicetur. Postridiè verò Gamam inuisit, duosq; magistros adduxit, cum quibus Gama certo auri pondere depactus est, vt eum Calecutium perducerent.

LIBER

cerent. Hoc interim tempore donis vltro citroq³ missis, sic videbatur esse familiaritas constituta, vt nihil interuenire posse crederetur, quod eam turbaret. Sed accidit, vt Zacoeia perciperet, Gamam & comites illius Christianos esse. Quo audito, omnis illa amicitia fuit in acerbū odium conuersa. Cœpit igitur continuò insidias machinari, exitiumq³ moliri, omnibusq^{ue} modis excogitare, qua ratione posset naues aut capere, aut incendere. Nostros interim omnia malignè præberi, pretium augeri, seditiones præterea ab incolis contra nostros temerè concitari. Postremò vnus ex magistris, quos Zacoeia adduxerat, Gama insidias à Zacoeia comparatas indicauit. Alter enim in terrā reuersus, nunquā se rursus in nostrorū conspectū dare voluerat. Accessit, quòd cū aliqui ex nostris aequatum atq³ lignatū abfuisset, septē nauigia in illos inuecta sunt, quibus vt subsidio occurrerent nostri, impetum in illa faciunt, eaq³ frequentibus pilis disijciunt. Quo factò nostri se cōfessim in Insulam, quæ indè aberat quatuor passuum millia, conferunt. Indè aliam Insulam nomine Quiloam petunt. Sed cū vento deficiente progredi non possent, aduersa quadam tempestas eos retrocedere compulit. Eandemq^{ue} igitur Insulam rursus petunt, in quam se insidiarum metu contulerant. Illuc accurrit Arabs quidam cum paruo filio, Gamamq^{ue} obsecrauit, vt illos in nauem reciperet, vt possent in aliquem locum descendere, vnde facilius Mecham, quæ erat illius patria, reuerteretur. Quæsiuit ab illo Gama, quam artem coleret. Nauticam respondit. Hoc audito, illū libentissimè recepit, duobusq³ illis magistris se cursum posse cōficere putauit. Abduxerat præterea per vim in seditione quadam, quæ fuerat à Mozābiquensibus contra nostros excitata, Paulus Gama hominē, vt videbatur, mini-

minimè nauticæ artis imperitum. Eo verò tempore nostris non erant nisi tantum tres naues. Quarta enim, consumptio iam omni cōmeatu, fuerat iussu Gama multis antè diebus incensa. Indè igitur cū primū secundus vêtus flare cœpit, anchoris solutis vela faciunt, & Quiloam contendunt: eò tamen naues appellere non potuerunt, vel ventis ab Insula repulsi, vel cursus errore decepti, vel Mozambiquensis magistri, qui de eorum interitu cogitare cœpit, fraudibus in alium cursum deducti. Ab eodem autem magistro moniti sunt, vt Mombazam se conferrent. Quod vt facilius persuaderet, fingeat magnam illius ciuitatis pariem à Christianis habitari, nec vllum locum magis opportunū curandis atq; resciciendis agrotis posse reperiri. Iam eo tempore bona pars eorum, qui cum Gama conscenderant, varijs morbis consumpta fuerat, & qui euaserant, erant graui inualetudine debilitati. Est autem vrbs illa sita intra sinum quendā in rupe præcelsa & edita. Fluctus cū se ab introitu sinus incitant, in aduersam frōtem vrbs incurrūt. Indè deducti, introrsus penetrant, & vtrumq; latus vrbs alluunt, ita, vt peninsulā efficiant. Habebat autem in portu vrbs arcem munitissimam, armis & telis, varijsq; tormentis refertam, firmissimisq; præsidijs, atq; singulari vigilantia defensam. Tellus abundat fructibus, & oleribus, et frugibus, & pecorum & armentorum gregibus, & aquis dulcibus. Vtitur præterea mira calitēperie. Homines viuunt admodū lautè, & domos more nostro edificant, tetoriaq; varijs coloribus depicta parietibus inducunt. Huc igitur Gama se ea mēte contulit, vt aliquot diebus in portu consisteret, vsque eò, dum agrotos recentibus terræ fructibus recrearet. Vix anchoras nautæ demiserāt, cū cernūt actuariā ad prætoriā nauē accedere. In ea vehebatur cētū homi-

LIBER

homines Turcarum more vestiti, & gladijs & scutis armati, inter quos, quatuor specie dignitatis, et cultu corporis excellere videbantur. Cum omnes vellent in nauem ascendere, Gama omnes ascensu prohibuit, præter illos quatuor, quos tamen arma prius deponere iussit. Illi naue ingressi, Ducis prudentiam laudant, quod non sineret homines ignotos ad se cum armis venire. Cum eos Gama liberaliter inuitaret, epulati sunt, multisq; amoris signis nostros ad se allicere contendunt. Aiunt postremò, Mombaza Regem factum fuisse illis proximis diebus de illorū aduentu certiozem, esseq; amicitia cum illis iungenda cupidissimum. Gama similiter responsum dedit egregia voluntatis & officij plenissimum. Postridie misit Rex nuncios, qui Gamam nomine illius salutarerent, muneraq; deferrent, ad reficiendos ex iactatione milites accommodata. Aiunt deinde regionem illam esse opulentissimam, earumq; rerum omnium plenissimam, quarum gratia multi in Indiam nauigabant. Regem aded esse in illos voluntate propensum, ut nihil esset tam difficile, quod non se eorum gratia facturū polliceretur. Proinde Gamam orare, ut propius urbem accederet, & in intimum portus sinum penetraret, ut posset à Rege, qui eum inuisere cupiebat, facilius conueniri. Quod se Gama facturum ostendit, & quasi voluntatis suæ obsequia, duos ex illis exulibus, de quibus supra dictū est, ad Regem misit. Rex lata & hilari fronte exules accepit, imperauitq; domesticis suis, ut illis vrbs situm & pulchritudinem demonstrarent. Vbi verò reuersi sunt. Rex multa aromatum genera, quæ ex India deportari solent, illis ostentat, & quantulum visum est donat, ut Gama monstrare possent, et admonere, quantò esset vtilius apud Regem amicū rem gerere, quàm vitam tam periculosa nauigationi

com-

committere. Cum his mandatis redeunt exules in classē.
Gama miris modo latatus est, & postridie anchoras tolli iubet, & naues prope urbem constitui. Cum verò illius navis astus incitati vi celerius, quàm commodum esset, inueheretur, timens ille, nè in vadum incideret, in quo posset afflicta ri, vela contrahere, & anchoras demittere confestim iussit, idemq; ut in reliquis nauibus sine vlla mora fieret imperavit. Quo facto, Mozambiquenses gubernatores metu repentino perculsi, se precipites in mare deiciunt, & ad lintrēs quasdam, quæ non procul aberant, nando confugiunt. Cum enim viderent tam præter eorum opinionem anchoras iaci, suspicati sunt, esse iam factum proditiōis indicium. Ut enim statim cōpertum est, Mombazæ Rex per eos, quos tanquam nuncios frequenter in naues mittebat, cum illis pactus fuerat, ut nostros in locum inducerent, ubi naues vel allidi, vel capi facillimè possent. At Gama magnis vocibus ad eos, qui in lintribus erant, inclamavit, ut sibi suos gubernatores redderent: at illi clamores illius aspernati, gubernatores in terram exposuerunt. Hic Gama cum & coniectura, & aliquo etiam Arabis gubernatoris indicio, & multis præterea signis perspexisset, è quanto periculo fuisset auxilio diuino liberatus, manus in calū sustulit. Rex deinde homines magno cum silentio scaphis & lintribus submittebat, qui securibus anchoralia nocte præciderent. Quod nisi fuisset à nostris singulari Gama industria vigilatum, & insidijs scelerati illius Regis occursum, nostri in summum vitæ discrimen incidissent. Indè post duos dies citius enim se expedire nō potuerunt) vela faciunt, & cursum Melindem versus instituant. In via nauem Saracenorum capiunt, ex quibus Gama quatuordecim tantum viros habere voluit, reliquos autem missos fecit. Cum verò intel-

LIBER

intellexisset, vnum ex illis esse illorum patronum, qui præ se hominis auctoritate grauis speciem ferebat, multa de illo quaesivit: ad quæ omnia, vt vir prudens, verè & consideratè respondit, & de institutæ nauigationis ratione sapienter admonuit. NAVES ad hunc modum nauigantes, die, quæ exsurrectio CHRISTI in omni Christiana Republicum ingenti latitia celebratur, Melindem appulsæ sunt. Vrbs est in planitie sita. Cingitur autem vndique multiplici hortorum viriditate. Abundat multis arboribus, in primis autem citreis malis, è quarum floribus odores suauissimi admodum longè diffunduntur. Regio est fertilis & optima, neque gregibus tantum, sed omni genere animantium, quæ venatu & aucupio ad cibum capi solent, abundat. Aedes sunt è quadro lapide constructæ, tectorijs, & cœnaculis, & laquearibus eleganter ornatae. Gens colit simulacra deorum, quos peculiari superstitione sanctos habet. homines sunt atro colore, capillo crisso, habitu tamen corporis non deformi. Capita gestant spiris linte arum vestium multiplicibus inuoluta. Reliquum corpus vmbilico tenus nudum relinquunt. Indè verò vestes quasdam sericas, aut bombycinas ad media crura demittunt. Utuntur in bello gladijs aduncis, & parmis, & hastis, & arcubus, & sagittis. Opinio virtutis militaris incredibiliter efferuntur. Statio naualis non est vrbi propinqua. est enim ora rupibus cincta, & procellis atq; tempestatibus frequenter obnoxia. Id coegit Gamam in anchoris paulò longiùs ab vrbe consistere. Cum verò Saracenus, quem Gama ceperat, intellexisset illum propter Mombazæ periculum Regi Melindensi diffidere, vt se ad Regem mitteret, animumquæ illius exploraret, hortatus est. Dixit præterea esse in illo portu quatuor naues ex India, vectores autem Christianos esse ex illis, qui Indiam incolunt,

incolunt, qui fortasse, rebus iam ex animi sententia gestis, domum redire properarent. Horum autem comitatu navigationem fore multò faciliorem. Gama etsi fidem illi non habebat, animaduertens tamen quàm paruo periculo illa salutis via tentaretur, hominem in paruula quadam insula vrbi opposita constitui iubet, qui inde lintre sibi ex vrbe missa transuectus, ad regem deducitur, eiqúe mores nostræ gentis laudat, humanitatem atque fidem extollit: ducem cum reliquis omnibus amicitiam illius vehementer expetere: valdeqúe ad dignitatem suam pertinere confirmat, hominibus nostris amicitia fœdere coniungi. Rex erat grandis admodum natu, & miti clementiqúe natura præditus. Misit igitur ex suis domesticis, qui Gamam nomine illius salutarent, muneraqúe deferrent ex ijs, quæ ad victum erant necessaria, aricies nempe, & fructuum variæ genera. Gama vicissim eum donis alijs remuneravit, & in eo pugnauit, nè vllò humanitatis officio ab eo vinceretur. Deinde naues propius terram constitui iubet, & Christianos Indos appellat, qui ex nostrorum aspectu voluptatem incredibilem perceperunt, eosqúe de multis rebus admonuerunt, quæ valde ad salutis custodiam & navigationis securitatem pertinebant. Rex cum valdè cuperet naues nostras aspicere, id morbo atque senio præpeditus assequi non potuit. Filius, qui iam vice illius imperium administrabat, ad naues magna hominum nobilium caterua stipatus accessit. Erat autem regio cultu satis eleganter indutus. Omnia verò in illius comitatu tibiarum concentu, & tympanorum vocibus personabant. Gama vt illum honorificentius exciperet, in scapham descendit. At is vix ad scapham peruenerat, cum saltu se in illam coniecit, & arctissime Gamam, quasi
hemi-

LIBER

hominem vetusta consuetudine, & familiaritate coniunctum, amplexatus est. Sedentes deinde iucundissimè fabulantur. In omni autem sermone Princeps ille non hominis barbari specimen dabat, sed ingenium & prudentiam eo loco dignam præ se ferebat. Gamam autem cum admiratione quadam intuebatur, & nauium formam considerabat, & multis signis, quàm benè esset in nostros animatus, ostendebat. Tum Gama Saracenos omnes, quos ceperat, illi donauit: quod quidem ille in loco beneficij ingentis accepit. A Gama deinde postulauit, vt patrem illius inuisere dignaretur, se interim filios suos obsides in nauibus relicturum. Negauit Gama id sibi licere. Flagitauit deinde, vt saltem duos ex suo comitatu secum abire permitteret. Quod facile impetrauit. Postridie Gama propius urbem, scapha inuectus, accessit, vt urbis pulchritudinem perspiceret. Vbi rursus illum Princeps inuisit, nullumq; officium pratermisit, quo posset voluntatem in nostros egregiam significare. Postremò optimū gubernatorem illi concessit, qui erat ex ea India parte quam fluius Indus interfuit, oriundus. Accepit deinde à Gama fidem, vt cūm rediret in Portugalliam, eò transiret. Velle namq; se legatum in Portugalliā mittere, vt amicitiam cum Rege clarissimo fœdere sanctissimo confirmaret. SOLVIT inde Gama. x. kalend. Maij. Quanquam autem nostri Orientem versus nauigarent, cursum tamen ad Septentrionem inflectebant. Intra paucos autem dies, regionem circulo æquinoctiali subiectam peragrant, atque rursus sydera, quæ tam multos menses latuerant, cum voluptate conspiciunt. Vrsam maiorem & minorem, & Oriona, & reliqua, quæ circa polum Arcticum exiguum orbem conficiunt, oculis vsurpant. Pelagus deinde maximum, cuius intimo recessu

Septen-

Septentrionem versus multa Aethiopia, & Arabia, & Carmania partes alluuntur, tempestate admodum secunda transmittunt. Tandem. XII. kalen. Iunii terram editam & excelsam contuentur, quam gubernator propter offusam caliginem non agnouit. Post duos autem dies, montes Calcutio vicinos aspexit. Itaque ad Gamā accurrens, tam fausti nuncij premium flagitauit. Quod ille non modo cumulātē praeiuit, verum DEO summas gratias egit, & vinclos & vinculis expeditos in gratiam recepit: tantaque latitia affectus est, ut videretur iam fructus laborū omnium, quos in tam longa & difficili navigatione pertulerat, excepisse. Eodem die nostri in loco, qui aberat Calcutio duo passuum millia, consistere. Eos multi continuo lembi circumsistunt. Multa querunt, multa etiam respondere coguntur. In primis percontatur ab illis Gama per interpretes, ubi Rex eo se tempore contineret. Deinde vnum exulem in urbem misit. Vix exul terram attigerat, cum innumerabilis turba confluit, ut hominē habitu & cultu prorsus ignoto conspiciat, & interroget, unde venerit, quae illi patria sit, quid querat, aut qua tempestate delatus ad eas oras accesserit. Sed nec is eos intelligebat, nec illi linguā illius nouerant. Is autem circumfusa multitudine oppressus, quasi in salo fluctuabat, & modò in hanc, modò in illam partem iactabatur, donec casu in duos mercatores Tunete oriundos impulsus fuit. Hi cum ex habitu Hispanum esse cognouissent, admirati sunt. Vnus ex illis, Monzaida nomine. eū Hispanis verbis interrogat, ex qua Hispania regione esset. E Portugallia respondit. Quo audito, Monzaida domum illū inuitat, & cibo potuque reficit: docetque sibi fuisse magnum cum Portugallē sibus vsum eo tempore, quo Ioannes Rex Tunetem suos mittebat, ut inde asportarent multa, quae erant ad arma mentaria illius

E valdē

valdè necessaria: in quibus rebus comparandis se egregiā
 illis operā dedisse. Postulatq; , vt se ad Nauarchū deducat.
 Itaq; pergunt ambo cominuō in nauim. Monzaida Gamā
 Hispanicè salutat: Gama vicissim illum benignè accipit.
 Multis indè verbis vltro citroq; habitis, Gamam de multis
 rebus admonuit, & ad omnia, q̄ ille quarebat, ita respōdit,
 vt facile posset intelligi, illū & prudētem et curiosum esse.
 Postremò dixit, si qd esset, in quo opera sua vti Gama vel-
 let, se officio probi viri minimè defuturū. Ostēdit p̄terea fo-
 re, vt aduētus nostrorum esset Calecutij Regi gratissimus.
 Illum namq; valdè gentium externarum commercio de-
 lectari. Nam quāuis imperiū illius esset latū, & multi Re-
 ges illi parerent, opes tamen illius magis portorij, quā fru-
 ctuum vectigalibus continere. Postridie Gama duos ex suo
 comitatu cum Monzaida ad Regem misit, qui quidem eo
 tempore in oppido nomine Pandarane, quod indè habebat
 duo passuū millia, confidebat. Illi postquā admissi fuēre, di-
 cunt Portugallie Regē fama dignitatis & amplitudinis il-
 lius, quæ per orbem terrarū latè vagabatur, commotū, ed-
 vñū ex suis ducib. misisse, q̄ cū illo sempiternū amicitia fœ-
 dus nomine illius percuteret, fidemq; daret, se gratia illius
 omnia, quæ is vellet, libentissimè facturum. Ipsumq; ducem
 à Rege petere, vt faciat sibi potestatem ad illum adeundū.
 Respondit Rex, sibi valdè gratum esse Lusitani ducis aduē-
 tum, neq; se vllō modo commissuram, vt voluntatem in se
 clarissimū Regis asperneretur. Sequē operam daturum, vs
 breui à Duce nostro conueniri posset. Interim verò illū ad-
 monebat, vt Pandaranem versus classem deduci iuberet.
 Portum enim illum, in quo consistebat, esse eo anni tempo-
 re valdè periculosum et infestum. Vt autem id commodius
 fieri posset, ad illum gubernatorem maris illius valdè peri-
 rum

tum misit. Deinde post aliquot dies venit ad Gamā vir quidam primarius, qui ius illi genti dicebat. Appellant illi hūc magistratum, Catualē. Hunc autem miserat Rex, ut ad se Gamam honorificentissimē deduceret. Gama clāsi Paulum Gamam fratrem suum interim præsedit, eidem quē & Nicolao Coelio imperavit, ut si quid sibi secus eueniret, q̄ commodum esset, de illo curam abicerent, & in patriam cominud cum nauigationis exploratæ nuncio remearent. Nec enim cōuenire, ut dum ei frustra opem asferre contenderent, omnes occumberent, & tanti laboris fructus interiret: se non posse Regis illius congressum vitare, si facere vellet id, quod sibi ab Emmanuele præscriptum fuerat. Nec se periculum vitæ defugere, dum modò morte sua posset eam, quam debebat, operam & Regi & Reipu. nauare. Nē autē naues sine præsidio necessario remanerent, duodecim tantum homines sibi comites adiunxit. Cum verò primum terrā attigit, fuit Catualis iussu lectica sublatu: Catualis alia lectica ferebatur, reliqui pedibus iter faciebant. Magna turba nobilium hominum, quos illi Naires appellant, eos vndiq; sepiebant. Deinde peruentum est ad oppidum, vnde postquam commodè pransi sunt, lembos ad eam rem paratos ingrediuntur, secundo quē flumine nauigantes, ad locum perueniunt, in quo magna hominum multitudo eos cum alijs lecticis expectabat. Indē fuerant nostri à Catuale in templum apud illos sanctissimum deducti: quod quidem Gama, ed quòd audierat, bonam partem regionis illius ab hominibus Christianis habitari, esse Christianorum arbitratus est. Confirmauit autem magis illam opinionem, & templi magnificentia, & adium amplitudo, multa quē signa rerum, quæ non multum à nostrorum templorum religione abhorrere in principio videbātur. Per-

L I B E R

templi ostium ingressis occurrunt quatuor viri à capite ad
 vmbilicū nudi, deinde ad genua vestib. bombycinis accin-
 ti. Quilibet eorū terna fila à dextro humero ad sinistrū la-
 tus demissa, & sub brachio sinistro complicata gestabat. Hi
 nostros aquis lustralib. aspergunt: porrigunt deinde cuilibet
 pulveres è ligno optimi odoris contuso, quibus frontes con-
 signarent. Templi parietes erant multis imaginib. depictis
 ornati. In medio templi erat sacellu editum, forma rotun-
 dum, ad quod per multos gradus ascendebatur. Ostiū erat
 ex ere factu, & valde angustū. Intra sacellum erat signum
 in aduerso pariete locatū, cuius formā nostri propter loci
 obscuritatem aspicere nequiverunt. Erat enim locus ita ab
 omni solis radio seclusus, vt vix aliquis maligna lucis splen-
 dor in eum penetraret. Nostri aut aditus in illud minimè
 cōcessus fuit: solis enim aditus atq; sacerdotib. patebat. At
 illi quatuor aditui propius accedentes, digito in imaginem
 intento, bis Mariam inclamant. Catualis cū reliquis, qui eū
 sequebantur, se repente in terrā proni manib. extensis abij-
 ciunt. Deinde surgunt, & more suo precationem peragunt.
 Nostri suspicati sunt, opem sanctissimæ Virginis implorari,
 genibusq; flexis, pacem à Deo exposcunt, Virginemq; æ
 Dei matrem more nostris vſitato venerantur. Indè profe-
 cti, aliud eadem magnificentia templum adeunt, atq; tan-
 dem in Regias ades tendunt. Tanta porro hominum multi-
 tudo conueniebat, vt nisi Naires, qui nostros armati & in-
 structi precedebant et sequebantur, viam districtis gladijs
 aperuisset, nostris aditus ad Regē patere minimè potuisset.
 Interim omnia tibiæ sonitu, et tubarum clangore per-
 strepebant. Postquam ad Regiæ vestibulum peruentum
 est, Dynastæ, quos illi Caimaes appellant, Gamæ obuiā pro-
 diere. At vbi domui, in qua Rex eum expectabat, appropin-
 qua-

quauit, homo grādis natu, bombycina veste ab humeris ad talos vsque demissa cultus, ex ea domo egressus, Gamam complexus est. Is erat Brachmanarum magister, plurimū- que apud Regem autoritate poterat. Reliquis autem primum intromissis, ipse postremo cum Gama, quem dextera tenebat, subsequutus fuit. Domus erat satis ampla, sellas cōplures è ligno singulari opere factas, parietib. cōiunctas habebat, ita tamen, vt aliæ super alias ad theatri similitudinem extarent & eminere. Pauimentum erat sericis vestibus instratum: similiter et parietes aulæ sericis auro intertextis obducti. Rex in lecto pulcherrimè ornato & instrato decumbebat, & pileum bombycinum auro atq; gemmis distinctum capite gestabat: vesteque bombycina, multis aureis fibulis secundū pectus stricta, tegebatur. Ex auribus ingentis pretij monilia pendebant. Ex annulis manuū atq; pedum eximius gemmarum fulgor emicabat. Rex erat, pro corpore, & facie liberali, & qui facile maiestatem Regiam specie repræsentaret. Gama illum more nostro vt Regem salutauit. Ille Gamam ad se propius accedere iussit, atque vt in sella proxima sederet præcepit. Reliquis deinde iussit, vt sederent, imperauit. Aquam deinde ad lauandas & refrigerandas manus afferri, variosque fructus importari iussit, vt nostri possent à labore atq; lassitudine reuari. Postremo Gamam de legatione, quam ad illum nomine Regis Emmanuelis afferebat, diligēter inquirat. Nesciuit Gama moris esse Lusitanorum, Regis sui mandata, uel erant solis Regibus exponenda, in hominum turba proferre. Proinde si vellet, vt is officio suo fungeretur, conueniētiū vitaret, et cū paucis, quibus arcana sua credere solebat, eū audiret. Rex vt postulato satisfacere, illum in aliud biculū multo pulchrius ornatū secedere iussit, et eū con-

LIBER

tinuò cum magistro Brachmanarū, et paucis admodū prætere a sequutus est. Tunc Gama orationē habuit, cuius hæc summa fuit. Emmanuelē Portugaliæ Regē esse principem virtute & dignitate præcellentē, rerumq; maximarū cupidū, & studio multa cognoscendi flagrantem. Sic autē esse animatū, ut arbiuraretur, esse se cū Regibus, qui dignitate & amplitudine multum excellere, fœdere coniunctū. Nihil enim esse ad voluntates conglutinandas similitudine virtutis efficacius: maximè verò id in Regib. apparere, quorum dignitas proximè ad diuinā accederet. Proinde cū sapius accepisset de India magnitudine, & simul ex fama, quæ per orbem terrarū summa cum admiratione hominū volitaret, intellexisset, imperiū Calecutij esse latissimū, Regemq; illius non magis opibus & imperio, quā Regiæ dignitatis amplitudine florentē, desiderio amicitie illius flagrare cœpisse. Ea verò cupiditate ductū, misisse, qui nomine illius à Calecutij Rege postularet, ut fœdus & amicitia illius tanti faceret, quanti ille voluntatē ipsius esset factururus, si cum illo amicitia firmare vellet. Prætere a se non dubitare, præter dignitatē fœderis illius, fore, ut multiplex utilitas ex ea coniunctione vtriusq; regno & imperio proueniret. Habere autē se literas Emmanuelis, quibus certus esse posset, ea, quæ ab illo dicebantur, esse verissima. Ad hæc Rex paucis respondit, sibi tam excellentis principis coniunctionē fore gratissimam, omniaq; se libenter esse facturū, quibus posset intelligi, se Regem Emmanuelē in loco fratris habiturū. Hæc ubi dixit, Catuali negotiū dedit, ut Gamā domū, in qua erat diuersaturus, statim deduceret, et reliquos etiā apud hospites collocaret. Gama triduo se domi continuit. Sed anteq̃ ea, q̃ sequuta deinde sunt, exponā, nō erit alienū, de regiōis illius situ, & de gentiū morib. & institutis pauca dicere.

HIERONYMI
OSORII SILVENSIS
ALGARBIORVM IN LV-

SITANIA EPI-
SCOPI,

DE REBVS EMMAN-
VELIS, LVSITANORVM RE-
GIS INVICTISSIMI VIR-
tute & auspicio gestis,

LIBER SECVNDVS.



NDIA EST omnis regio, quæ ab
Occasu, Paropamisadarum, &
Arachosia, & Gedrosia finibus ter-
minatur: ab Ortū verò cum Sina-
rum extremis limitibus coniūgi-
tur. A Septentrione autem Imao
monte, qui est pars Caucaſi, defi-
nitur: ab Austro, Oceano Indico

alluitur. Ea tamen in duas partes diuiditur. Vna est intra
Gangem, quæ ijs ex occasu finibus, qui dicti sunt, incipiens,
ad Gangem vsque protenditur. Altera, quæ vltra Gangem
ad Sinarum fines excurrit. Nostri tamen angustius inter-
dum India nomen vsurpant. Appellant enim Indiam, om-
nem regionem, quæ duobus maximis flumijs, Indo atq; Gā-
ge, cōtinetur. Hac autem vniuersa regio, Indostam ab ac-
colis appellatur. Indus ab Occasu, Ganges ab Ortū fluit: v-
terque pari propemodum à Septentrione interuallo ab I-
nao exoritur. Indè autem præcipites magno impetu ferū-

LIBER

tur, varijs quē flexibus multas regiones interfluunt, multisquē fluminibus vndique in illos influentibus augentur, vsque aded. vt cum prope Oceanū sunt, naues valde magnas alvei profunditate sustineant. Vterque autē cum in Oceanū insluit, ingētem sinum efficit. Inde terra in Austrū magna spatij longinquitate procurrit, ita tamē, vt aliquādo finibus arctius angustetur, aliquando rursus laxata liberius dilatetur. In promontorium tandem, quem Indi appellant Comorin, desinit: in cuius fine angulus acutus efficitur. Patet autem hac regio ab ostio Indi fluminis vsque ad dicti promontorij finem in longitudinem circiter. D. CCCC. passuum millia. Latitudo inter ostia horum fluminum duorum, est circiter. D. CC. millia passuum, quæ deinde paulatim angustatur. Promontorij angulus extremus, qui, vt dictum est, ad Austrum spectat, ex Septentrionali parte ab æquinoctiali regione circiter septem distat: quod spatium quadraginta & nonaginta passuum millia conficit. Oras autē maritimas huius regionis, siue quæ ad Occasum, siue quæ ad Ortum pertinent, quas Oceanus alluit, multæ & variæ nationes incolunt. Illam tamē regionem, quæ ad occasum Solis spectat, eo tempore, quo nostri in illas oras appulsi sunt, maxima ex parte gens, quam Malabares appellant, occupabat. Eam verò multi Reguli possidebant: quibus tamen omnibus fermè Calecutij Rex imperitabat, & tributa ab omnibus exigebat. Neque tamen tantum regionis amplitudine, quantum portorij opes suas auxerat. Erat enim tunc illud emporium India celeberrimum, ad quod mercatores vndique confluebant. Abundabat regio multis mercibus, partim natiuis, partim ex varijs regionibus importatis. Gens est falsorum deorum superstitione miserimè confictata. Templā habent quamplurima. Maximo

ximo in honore habent sacerdotes, quos appellant Brachmanas, penes quos arbitrantur esse rerum diuinarum & humanarum scientiam. Reges nulli sunt, qui non sint prius eorum disciplinis imbuti. Tempore belli securè possunt Brachmanæ virò citroq; cōmorare. Inexpiabile namque scelus existimatur, illos secus, quàm postulat opinio sanctitatis, attingere. Terna fila ab humero dextero in latus sinistrum gerunt, vt designent trinam in natura diuina rationem. Credunt Deam in specie humana latentem terras lustrauisse, vt humanū genus à peste sempiterna redimeret. Hæc quidem, vt verisimile est, à Christianis antiquissimis acceperunt. Artes Mathematicas et Philosophiā colunt. Religionem singulari artificio simulant, & in specie fidei pietatis fraudes insignes in omni vita suscipiunt. Reliqui Malabares, eorum doctrinis instituti, portenta venerantur. Vndecimo kalend. Septembris sacrum solenne fit, in quo pueri arcubus armati, in sodales per ludum sagittas leuissimas emittunt. Deinde ij, qui ætate magis prouecti sunt, similiter tela coniiciunt, quibus multi grauissimè sauciati moriuntur. Cum ijs, qui ad hunc modum è vita discedunt, præclarè actum putant. Hos enim censent in cælum, vt cum dijs æuum exigant, immigrare. Multa sunt apud illos anniuersaria sacra, in quibus quidam varijs sibi modis in maximo hominum conuentu & celebritate vitam exhauriunt. Annum à Septembri mense inchoant, sed diem certum, vnde mensem incipiant, non habent. Astrologos & augures primùm consulunt, & ab hora, quam illi faustam atq; felicem fore prænunciant, anni principium auspiciantur. Qui iam decimum quintum annum excessere, faciem eo die inuoluunt, & oculos obtegunt, nè quidquam aspiciant. Deindè à pueris in fana deducuntur, in

LIBER

quibus varia deorum signa sunt. Ibi detractis oculorū in-
 euolucris, aspectum in res oppositas repente cōiiciunt. Quod
 si simulachrum dei illius, quem precipuē colūt, ante res a-
 lias contuentur, illum annum sibi faustum fore confidunt.
 Nobilibus sunt interdicta matrimonia, nè quidquā sit illis
 impedimento, quò minus perpetuò se in armis exerceant.
 Habet autem quilibet eorum amicas ordinis eiusdem cō-
 plures. Nefas enim est illis, mulieri, quæ non fuerit nobilis,
 commisceri. Similiter & illæ tot amatores habēt, quot ha-
 bere volunt, dummodo nobiles sint. Nulla est inter illos æ-
 mulatio: sed alij alijs per vices sine vllō disidio aut obtre-
 ctatione succedunt. Si verò aliquis mulieri coniungitur,
 quæ nobilis non sit, aliorum nobilium gladijs cōciditur. Si-
 militer & mulieres, quæ eam legem transiliunt, idem sup-
 plicium subeunt. Testamento filios hæredes non instituunt,
 eò, quòd ignorent, an sint ab illis progeniti. Eorum autem
 loco sororum filios sibi hæredes asciscunt. Regum stipendio
 nutriuntur, & pro eorū statu intrepidè sese in quoduis vi-
 tæ discrimen injiciunt. Umbilico tenus nudi ambulant. In-
 dè vsq; ad tibias demissis vestibus integuntur. Armis in bel-
 lo vti non possunt, antequam Reges, apud quos sacramen-
 to dicunt, eos militaribus ornamentis afficiant. A pueris ar-
 ma tractare discunt: magistros, à quibus militarem
 disciplinam accepere, summa obseruantia colunt atq; ve-
 nerantur. Sunt in armis strenui, plurimumquæ celeritate
 valent. Si vir ignobilis eos attingit, nobilitatem contami-
 nari, genusquæ pollui censent, & tam insignem iniuriā illa-
 ta eadē miseris hominibus, qui in eos inciderunt, vlciſcun-
 tur. Idcirco qui nobiles non sunt, quoties iter faciunt, vo-
 ces edere coguntur. Nobiles verò cū eos aduentare ex
 vocibus illorum præsentiant, eos deſectere de via iubent:

& sic

& sic fit, vt ignobiles mortis, nobiles macula sempiterna
 periculum depellant. Illic neque nobilitatem obscurari fla-
 gitijs, neque generis obscuritatem illustrari virtutibus
 concessum est: sed omnibus est illa conditio necessario sub-
 eunda, in qua maiores illorum versati sunt. Artificum ge-
 nera ita sunt distincta, vt non sit inter dissimiles vllum ius
 connubij. Nec enim licet sartoris filijs sutoris filias ducere,
 neque aliam artem, nisi eam, qua pater illius victum com-
 parauit, addiscere: & sic in reliquis artibus summo studio
 retinendis, eadem à maioribus tradita disciplina conser-
 uatur. Est genus deuotionis, quo inter se alij alijs interdum
 fœdere coniunguntur, quo se execratione deuinciunt, si v-
 no per iniuriam occiso, reliqui omnes non in illo vindican-
 do mortem oppetierint. Hac ratione fit, vt non modo cùm
 Reges interimuntur, sed cùm socij vita priuantur, ij, qui
 superstites sunt, humanitatis obliti, in gladios irruant, per
 omnes flammæ currant, nullisque armatorum præsidijs
 exterreri possint, quò minus necem ijs, qui socios interfe-
 cerunt, afferre conentur, vsque eò, dum ipsi varijs cedibus
 absumantur. In scribendo neque charta vtuntur, neque
 papyro, sed stylo in folijs arborum syluestrium, quas pro-
 pter nonnullam similitudinē palmas appellant, literas exa-
 rant. Multorum verò seculorum memoriam libris ad hūc
 modū factis diutissimè conseruant. Multa eiusmodi folia
 ita præcidunt, vt omnia longitudine paria sint: in quibus
 annales & res historia dignas literis mādant. Foliorū verò
 extremitates perforāt: ijs aut cōpingendis duo ligna com-
 planata, & ad eū modū perforata coniūgunt. Cum folijs
 ordine compositis, et lingnis intrinsecus adiectis, vtrinque
 foramina funiculos immittunt, & omnia complicant, &
 arctè deuinciunt: & quod, post ita compactum volumen,
 funi-

LIBER

funiculorum vtrunque superfluit, circa illud inuoluunt, & illud nodis astringunt. Quoties autem legere volunt, nodos laxant, & folia rursus explicant. Multa dici præterea possunt de eorum moribus, quæ tamen ad alia necessario properantibus omittenda sunt. Calecutiū est in medio ferme illius oræ, quam paulò antè descripsimus, non procul à mari situm. Portus, vbi naues tuto possint consistere, non est vrbi coniunctus. Vrbs ipsa ingens est. Aedes non sunt continuæ, sed discretæ, magnisq; hortis & viridarijs latissimū spaciū occupant. Aedes Regiæ solū ex lapide structæ sunt: reliquis per leges minimè licet edificare magnificè, quanuis ditissimi sunt. Tellus est fertilis & abundans rebus omnibus, quæ ad victum requiruntur. Rex eo tempore omnibus illius regionis regibus & potentia & opibus antecellebat. Hic erat Calecutij status eo tempore, quo nostri edo peruenerunt. Gama post triduum ad Regem deductus à Catuale fuit: literasq; dedit, quas afferebat cum muneribus. Rex munera contemnere visus est. Gama dixit, non esse mirandum, illa munera non esse maiestate illius dignissima, propterea quòd Emmanueli exploratum esse minimè potuisset, nauigationem illam adeò felicem fore. Præterea nullum se munus ad illum clarius & amplius deferre potuisse tanti Regis amicitia. Si verò vtilitatem spectaret, reputaret animo, quanta posset vtilitas ab eo percipi, si singulis annis ingentes è Portugallia naues in regnum illius mercibus valdè preciosis onustæ peruenirèt. Petijt deinde, nè literas, quas à Rege Emmanuele deferabat, cum Saracenis communicaret, sed alijs interpretibus vteretur. Iam enim indicio Monzaidæ compertum habebat, eos illi pestē atque perniciem machinari. Lectis & explicatis à Monzaida literis, Rex Gamam dimisit, illumq; admonuit, vt

contra

contra Saracenorum fraudes se summa vigilantia muni-
ret. Gama summas illi gratias ob consilium dedit: ab eoq;
digressus domum redijt eo animo, vt, cum primum posset,
se in naues reciperet. Saraceni interim colloqui inter se:
de nostrorum pernicie coniurare: domesticos & familia-
res Regis adire, fatigare precibus, corrumpere donis, & ob-
testari, nè fidem maleficis hominibus adhiberent. Gamam
esse piratam immanem & truculentum, & in omnibus o-
ris, in quas hospitaliter admissus fuisset, impressa latrocinij
sui vestigia reliquisse. Per mercatura speciem, regionem
exploratum venisse, vt postea eam posset damnis quāplu-
rimis afficere. Paruum illum ignem esse, qui si non statim
extingueretur, fieri posse, vt illius incendio regnū illud con-
flagraret. Hac & alia eiusmodi Regis auribus inculca-
bant. Partim enim Christiani nominis odio, partim metu,
nè nostrorum in illas regiones aduentu illi pellerentur, vel
saltem non ita magnos quæstus facerent, omnia tentabant,
quibus illi exitium compararent. Catualem verò donis ad
se pelliciebant, vt per calumniam et malitiam nostros qui-
buscunque rebus posset, euerteret. Rex cum esset ingenio
vario atque mutabili, astuabat, & modò in hanc, modò in
illam sententiam trahebatur. Si enim nostros de medio
tolleret, vel saltem vt Saracenis aliquo modo satisfaceret,
in custodiam tradi iuberet, perfidia maculam formida-
bat: si eos abire permetteret, nè Arabes illos, quorum ope-
ra vectigalia sua amplificata cernebat, ab se abalienaret,
metuebat. Illi postremò vt nihil omninò prætermitteret, ad
Regem siquentes adeunt: è quibus vnum, qui inter eos &
audacia, & dicendi artificio praecebat, ad hunc modum
loquutum fuisse, multi perhibent. ITA sumus de te, Rex
inuietissime, meriti, vt humanitatem tuam iure atq; meri-

LIBER

to obtinere debeamus. Quantus enim cumulus ad vectigalia tua nostris mercibus & operis allatus sit, adeò perspicuū est, vt nullius commemoratione indigeat. Publicanos consule: scripturae magistros interroga: rationes puta, & exploratè cognosces, nos huic regno tuo nunquam inutiles extitisse. Adde, quòd hoc studium à maioribus nostris ingenitum habemus, qui multis ab hinc seculis hanc terram, vt patrum atque natale solum, coluere, & Calecutij Reges summa semper fide & pietate venerati sunt. Hanc animorū concordia cum tuis antiqua officiorū consuetudine conglutinata, & has tantas vtilitates vt dissoluant, & funditus euertant homines isti profligati atque perditi, qui modò huc appulsi sunt, nisi tu eorum consilijs occurreris, summa contentione perficient. Quod si tu id nondum suspitione consequeris, mirandum non est. Animus enim verè regius, cum ex fide & animi sui candore de alijs coniecturam faciat, non faciliè adduci potest, vt credat, quēpiam in se pestem machinari. Præterea non sunt tibi mores istorum hominum cogniti, quos nos multis nostrorum experimentis exploratos et cognitos habemus. Multis enim nationibus, à quibus nunquam lēsi sunt, ambitione tantū atque multa possidendi libidine stimulatī, vastitatem & exitium intulerunt. An tu credis, illos, vt commercium cum tuis habeant, è tam longinquis regionibus, cum tantis vitæ periculis huc peruenisse? Credibile non est. Sed aut piratae sunt, clementiaque tua abuti volunt ad multorum perniciem, & ea de causa fictas tibi literas attulerunt: aut Rex q̄ eos huc misit, nimis ambitiosus est: nec eos misit, vt tecū fœdus ferirēt, sed vt vr̄bis huius situ diligēter explorarent. An nō hac eadē arte Lusitani Reges in vr̄bes Africæ cōplures inuaserūt? An nō bonā Aethiopia partē his fraudibus

dibus occupauerunt? An parū liquet, quā multis gētibus isti latrones in hoc cursu graues iniurias intulerint? Mozambiquem arinis aggressi sunt: Mombazæ portum sanguine repleuerunt: naues cum multis hominibus in via ceperunt. Qui modò cum tam tenues opes illis sint, contineri non possunt, quin immanem importunamque naturam factis indicent: quid facient, cum multò maiores vires collegerint? Quare si Regni opes tueri vis, homines sceleratos extingue. Si piratæ sunt, tanti sceleris meritas pœnas luant: si à Rege potentissimo missi, vt horum interitu reliquis Lusitanis spem huius tentandæ nauigationis incidas, hos, quos in potestate nunc habes, interime. Facile malum nascens refecatur: at robustum & inueteratum, non nisi cum maximo labore comprimitur. Nūc igitur, dum tempus est, occurre sceleri, refeca dominandi libidinem, statumque tuum praesidio confirma. Vt autem nihil est creditate regnis infestius: ita nullum propugnaculum poterit esse ad depellenda pericula sagacitate & dissidentia salutarimunitus. At quas merces aduexere? Aded tenues, vt rumor est, vt ex illis possit intelligi, eos valde egentes esse. Quomodo igitur sperandū est, vt qui rei familiaris angustia laborant, regnum tuum mercibus ingentis pretij locupletent? Quid dicam de muneribus tibi nomine sui Regis oblati? Iudicare profecto nō possum, vtrū nobis maiorē risum an grauiorem offensionem attulerint. Putabātne Rex ille, cuius potentiam isti in calumfiētis laudibus efferūt, se dona Aethiopiæ regulo cuidam mittere, qui erat propter inopiā & stultitiam leuissimis rebus in fraudem alliciendus? Itane vero? ludibrio habitam fuisse potentissimi Regis amplitudinem? Tentari mansuetudinem? Contemni sapientiam? sed dices fortasse, hanc à nobis criminationem, propter odium

LIBER

dium, quod nobis cum gente Christiana est, confictam fuisset. Fateor esse nobis perpetuum cum gente nostris rebus infesta dissidium. Sed in hoc rerum discrimine, arbitramur non esse tam nobis de nostro statu, quàm de tuo laborandū. Nobis enim, si Christianos ad tuam amicitiam aggregaueris, erit hinc necessario semigradum, ut alias sedes queramus, in quibus non incommode negotiari possimus. Illa interim uti querimonia poterimus apud Reges alios, quibus non erit ingratus noster aduentus, quod ignotos homines notis, alienos domesticis, suspectos spectatis antetuleris. Quod tamen ad rem augendam attinet, ubicunque fuerimus, non cum minore fortasse lucro & compendio negotium geremus. Tibi verò, nisi maturè opem rebus tuis attuleris, valdè vereor (quod DEVS omen auertat) nè sit intra paucos annos non modò de statu regni & imperio, sed etià de salute cum gente nimis auara & ambitiosa, & bellicis in rebus acerrima, maximo cum periculo dimicandum. His & alijs eiusmodi orationibus Arabes illi pugnabant. & à Rege contendebant, ut nostros perderet, & naues, si posset, interciperet. At Gama interim, cum hæc & alia multa contra vitam suam scelera patrari animaduertisset, & Catualis fraudes et calliditates, quibus eum circumuenebat, perspexisset, diutius minimè cunctandum ratus est, & ante lucem Pandaranen versus iter suscepit, & tantum quantum potuit accelerauit, nè à Catuale posset iter illius impediri. Præceperat autem antequam in terram descenderet, ut quotidie sibi præstò scaphæ ad littus essent, ut posset sibi aliquod periculum à Saracenis intentum subterfugere. Illi interim nihilo secius instare, & arma etiam comparare, & omnes, apud quos aliquid gratia poterant, in nostros incendere. Tantoq; odio flagrabant, ut cogitaren

nostro

nostros armis adoriri. Cum verò intellexissent, Gamā abesse, id molestissimè tulerunt, & cum Rege egerunt, ut eum ab illa fuga retrahēdum curaret. Rex igitur eorum sermonebus inductus, Catualē misit, qui Gamā remoraretur. Catualis igitur ut imperata conficeret, Pandarā summa celeritate contendit, Gamāq; summa vi retinere cœpit, & per simulationē officij, ut illū omni præsidio spoliaret, laborabat. Dicebat enim, sibi summa cura esse, ut is omnia à Rege, quæ vellet, impetraret. Id autem fieri non posse, nisi is Regis animum sinistris opinionib. exulceratum sanaret, ut intelligeret, quo animo nostri in eas oras accessissēt. Proinde iuberet classem propius terram constituere, sibiq; et vela & gubernacula traderet, ut illis pignorib. posset Rex certus esse, illum in fide mansurum. Quod quidem Gama nulla se conditione facturū ostendit, quamvis esset sibi ob id acerrimum supplicium cum interitu vitæ subeundum. Inde porro ad fratrem literas misit, quibus, ut antè præceperat, eum admonebat, ut si videret, eum diutius à gente perfida detineri, vela faceret, & in Lusitaniā reuerteretur, atq; Regi, quomodo via in Indiam aperta fuisset, indicaret. Se de vitā minimè sollicitū esse: nè autem fructus tanti laboris interiret, anxie formidare. Interim verò summa cōtentiōe Catuali repugnabat, omnesq; illius fraudes constanter eludebat. Varijs altercationibus duo dies fuere sine vllō fructu consumpti. Tandem fit pactio inter eos, ut merces, quæ erant in nauibus, in terram exponerentur cum hominibus, qui eas venderent. Mercibus traditis, Gama dimissus à Catuale se in nauem contulit. Inde nuncium Regi misit, qui Catualis in se perfidiā criminaretur, et doceret, se fraudib. illius coactū fuisse ita discedere. Ad hæc Rex se de causa cogniturum promisit, & si Catualē aliquo eiusmodi crimine

I. I B E R

alligatum deprehenderet, eum ita puniturum, ut deinceps fidem seruare disceret. Quod verò ad merces adtineret, se eum admonere, ut Calecutium conuehendas curaret, ubi pluris venire possent. Assensit Gama, mercesq; Regis ipsius sumptu Calecutium importata sunt. Interim Gama nauibus propius urbem deductis, singulis prope diebus binos aut ternos homines in urbem mittebat, ut sic tandem posset ab omnibus situs animaduerti. Nostri nullam iniuriam ab incolis interim accipiebant. Gama verò se, quoad fieri poterat, pacis & amicitia cupidissimum esse demonstrabat. Postulauit deinde à Rege per nuncios, ut liceret sibi ad maius fœderis vinculum, relinquere hominem Lusitanum Calecutij, qui Regis Emmanuelis negotia procuraret. Rex siue quòd non intelligebat, quorsum illa procuratoris in urbe permansio pertineret, siue quòd suspicaretur, Gamam sine portorij solutione discedere velle, non mediocriter offensus est: responsumque dedit stomachi plenum. Gama cum cerneret, responsum longe secus, quàm postulatum flagitabat, datum esse, nè verbum quidem vllum, quod in rem esset, cum Rege leuissimo commutandum existimauit. Rex hoc Gamæ silentio multò acrius irritatus, duos homines Lusitanos, quos Gama cum mercibus Calecutium miserat, in custodiam dedit, mercesque diligenter asseruari iussit. Gama à Rege flagitabat, ut sibi homines cum mercibus redderentur. Rex in iniuria nihilominus perseuerabat. Hoc animaduerso Gama, ut ius suum obtineret, viribus utendum putauit. Primam igitur nauem, quam in portum intrare perspexit, armis expugnat: inde sex viros primarios, cum famulis vnde viginti, victos abduxit, reliquam autem turbam dimisit. Deinde vela fieri iubet ita tamen, ut à conspectu terræ non procul abscederet. Sperabat enim, Regem, ut suos

suos reciperet, Lusitanos cum mercibus continuò redditurum. At Rex misit ad illum nuncium, qui diceret, se factū illius vehementer admirari, quòd homines nobiles ex suis domesticis sine vlla causa in vinculis detineret, cum ab illis nullam iniuriam accepisset. Lusitanos enim, quos secum habebat, se non prius dimittere voluisse, quàm ad Regem fratrem suum literas daret: seq³ illos cōfestim cum bonis atq³ literis dimissurum. Hoc promisso inductus Gama, rursus ad urbem propius accessit. Postridie veniunt Lusitani cum literis ad Emmanuelem scriptis. Misit præterea, qui Gamæ diceret, si vellet aliquem in ea vrbe relinquere, qui Emmanuelis negocia procuraret, se operam daturum, vt id cum magno illius commodò fieret. Merces verò se ideo non remittere, quòd speraret fore, vt per manū illius, quē Gama ei negotio præsiceret, venditari cum maiore lucro possent. Respondit Gama, se mutasse consilium, neque velle quenquam in ea vrbe relinquere. Proinde si vellet, vt is illius domesticos missos faceret, merces cōfestim restitueret. Sequenti die venit in nauem Monzaida animo perturbato, narratq³ Saracenos tumultuari, insidias cōparare, varijs calumnijs animū Regis in nostros incendere, seq³ fuisse propter illorum dierū vsum, qui sibi cum nostris fuerat, in maximū vitæ discrimen adductum, vixquē eorum manus effugisse. Se nullo modo posse, quandiu Calecutij maneret, vitam ab hominum perditorum insidijs defendere. Proinde illum orare & obtestari, vt se in Portugalliā ducat. De rebus suis, quas Calecutij relinquebat, parū esse sollicitum: vitam solum cōseruare velle. Recepit illum in fidem Gama libētissimè, in Portugalliamq³ perduxit: vbi ad CHRISTI nomen adiunctus, in omni vitæ ratione boni viri atque verè Christiani officio perfunctus est. Eadem die Rex septem

LIBER

lebos misit, in quibus merces, quas Gama requirebat, erant impositæ. Gama cum mallet vinctos in Portugalliam ducere, quam merces recuperare, ait se, cum tot mendacijs ad illum diem illusus fuisset, nemini iam fidem habere. Sibi exploratum esse, non omnia, quæ fuerant Calecutium inuenta, reportari. Otium verò sibi non esse, ad ea, quæ deerant, inquirenda. Idcirco se Malabares illos minime dimissurum, sed in Portugalliam ducturum, ut illorum testimonijs apud Emmanuele vteretur, ut posset intelligere Rex clarissimus, quibus iniurijs illius dux atque legatus fuisset à Calecutij Rege, propter Arabes, homines scelestissimos, affectus. Hæc ~~ubi dixit~~ ignem tormentis applicari iussit, ut eo terrore omnes sese in fugam daret. Rex hanc contumeliã indignissimè tulit, sed eã vlisci non potuit, eò quòd omnis illius classis esset propter anni tempus in terram subducta. Veruntamen cum venti Gamam deficerent, neque posset ea celeritate, qua volebat, ex illis regionibus abduci, Rex sexaginta naues actuarias instruxit, et armatis hominibus compleuit, ut in nostras naues incurrerent. Sed excitata subito tempestas classem hostium disiecit. Et vento minimè nostris aduerso naues nostras à Calecutiensium conspectu celeriter abstraxit. Gama tamen ex eo portu, quem primum subire potuit, literas ad Calecutij Regem dedit, in quibus, quot insidijs appetitus à Mahumetanis, quot dolis proditus à Catua le fuerat, enarrabat. Eamque rationem fuisse dicebat, cur eum minimè ante suum discessum salutasset, Attamen se fore semper illius studiosissimum, operamque daturum, ut Rex Emmanuel omnia, quæ ad dignitatem illius pertinere videret, studiosè atque libenter efficeret. De viris autem illius domesticis, quos ceperat, non esse cur sollicitaretur: fidem namque dabat, se curaturum, ut salui & ornati in patriam

triam redirent. Has literas per vnum ex captiuorum famulis, quē in littore constitui iussit. perferēdas misit. INDE verò digressus, ad paruas quasdam insulas delatus est. Sed antequam ad eas accederet, octo naues longae in illius naues inuehuntur: quarū septem fugauit, & vnā cepit multiplici commeatu, varijsq; fructibus onustam. Erat autem classis illa pirata cuiusdam, cui nomen erat Timoria, hominis acris, quem omnes, qui mare illud nauigabant, valdē metuebant. Ex insulis illis in insulam, Anchediuam nomine, quae aberat à continente circiter quatuor passuum milia, cursum direxit, vt in ea quomodocunque posset, naues diuturnā iactatione quassatas reficeret. Ibi cum vndique multi illius videndi gratia confluerēt, venit inter alios vir familiaris atq; domesticus Dynastae cuiusdam, qui insulam non longē ab ea regione sitā, dominatu premebat. Insulam appellant Goam, Dynastam Zabaium nominabant. Erat autem Zabaius vir animo magno praeditus, militaribus & imperatorijs artibus instructus, multosq; milites alebat, & omnes, quos acres in armis cognouerat, ad se magnis stipendijs inuitatos aggregabat. Illius verò familiaris, quem diximus, ad Gamam adiit, eumq; Italo sermone nomine Zabaij honorificē admodum salutauit. Dixitq; praeterea, Zabaium illius fama commotum, omnia curaturum, quibus illum indigere perspiceret. Proinde siue illi commeatu, siue armis, siue pecunijs opus esset, omnia sine vlla dubitatione postularet. Illum namq; minimē boni principis & amici officio defuturum. Admiratur Gama et viri speciem, & orationis Italae venustatem, & ingenium, quo ad omnia, de quibus illum percunctabatur, acutissimē respondebat. Quaesuit vnde esset oriundus. Narrat se in Italia natū. Cum tamen Graciā versus cum parentib. nauigasset, in pi

LIBER

ratas incidisse. & varijs casibus in tantam miseriam deue-
 nisse, vt sine vlla spe reditus principi Mahumetano seruire
 cogeretur. Cùm deinde multa solerter inquireret, & cu-
 riosius, quàm par erat, indagaret, & quasi res alias agere
 videretur, à proposito sapè defleëteret, et rursus ad institu-
 tum sermonem rediret, Gama suspicatus est esse proditorē,
 neque salutandi sed speculandi gratia eò se contulisse. Ita-
 que ea suspicione tactus, hominem corripit, & vehementis-
 sime torqueri iubet. Is doloris magnitudine coactus, se na-
 tione Sarmatam, religione verò Iudæum esse confitetur, in
 Zabaij^q, famulatu versari, ab eo^q, missum, vt nostras na-
 ues specularetur: & quot milites in illis essent, & quibus
 armis vterentur, inspiceret. Illum nam^q, in animo habere,
 comparata classe, nostras naues opprimere. Hac re intelle-
 cta, Gama cùm primū potuit, indè profectus est. Iudæum
 tamē missum facere noluit. Hic postea Christianus effectus,
 Gasparis nomen obtinuit, Regi^q, Emmanueli egregiam o-
 peram multis in rebus nauauit. Ex ea insula digressus Ga-
 ma, instituti cursum tenuit, ita tamen, vt propter ventorū
 nimiam lenitatem tardè & incommodè nauigaret. Pelago
 illo ingēte transmissō in Aethiopia, quæ supra Aegyptum
 est, oras ad Austrum pertinentes delatus, ad ciuitatem no-
 mine Magadaxum peruenit: quam cùm accepisset à Sara-
 cenis possideri, tormentis acerrimè verberauit, maximam^q,
 incenium partem disturbauit, et naues, quæ erant in portu,
 aut depresit, aut crebris ictibus, quò minus citò nauigare
 possent, impediuit. Indè profectus, in oçto Saracenorum na-
 uigia incidit, quæ in illu impetū tulerunt. In ea Gama con-
 festim inuectus est, paruō^q, certamine omnem illam clas-
 sem fugere compulit: quam tamen insequi non potuit, eò
 quodd ventus deficeret. Tandem in Melindensem portū in-
 gressus,

gressus, fuit ab amico principe satis amanter exceptus, multisq; rebus ad milites ex labore & morbo gravissimo reficiendos adiutus. Ibi quinque tantum dies comoratus (verebatur enim, ne tempus flectendi promontorii propter hyemem, quae aduentabat, efflueret) vela pandere statim iussit. In naues tamen prius legatum Melindensis principis accepit, quem is ad Emmanuelem mittebat. Et quia navis Pauli Gamae ex vetustate nimia laborabat, & dissolutis aliquot in locis compagibus, aquam immodicam accipiebat, & nauta atq; milites ad tres naues dirigendus atq; tuendus desiciebant, incendere eam iussit, fratremq; in navem suam recepit. Milites vero atq; nautas cum Nicolao Coelio ita diuisit, ut illi partem attribueret, partem ipse retineret. Tertio kalen. Martij peruenit in insulam nomine Zamzibatum, fertilem & opimam, fontibus crebris, & densis nemoribus amoenam, multisq; gregibus abundantem, à continente circiter passuum viginti quatuor millibus disiectam: in qua, praeter alias arbores, altissima Mali medica in sylvis sponte nascuntur, è quarum floribus cum ventus leniter spirat, in loca etiam longinqua suavisissimi odores afflari dicuntur. In insula Princeps quamvis sectam Mahumeti sequeretur, Gamam tamen benignè complexus est, illumq; commeatu & fructibus oneravit. Mozambiquen deinde praeuectus, ad aquationem Sancti Blasii naues appulit, quo in loco aquationi, & ligationi, & venationi operam dedit. Ventis exclusus, eos portus, in quibus exales remanebant, subire non potuit. Promontorium Bonae spei sexto kalen. Maij superavit. Inde ad insulam S. Iacobi ventis secundis naues appulit. Inde vero duces aduersa tempestate dispulsi sunt. Nicolaus Coelius Olysi ponè recta contendit. Gama in insulam, quam appellat Tertiā, nauigavit. Erat enim frater illius Paulus Gama diuturno

morbo oppressus, atq; tunc propemodum consumptus, ita,
 ut maris iactationem ferre nullo modo posset. Itaq; ibi vita
 functus est. Vascus Gama exequijs rite persolutis, ut quod
 reliquum erat itineris conficeret, inde proficisci maturavit,
 Olyssipponisq; portum subiit Anno à CHRISTO nato. M.
 CCCC.XC.IX. Quo quidem tempore iam Rex omnia, quæ
 eis in nauigatione, & in India, & reliquis partibus accide-
 rant, è Coelio cognouerat. Homines interim admiratione
 quadam defixi, eos, qui ex India redierant, quasi ab inferis
 excitatos intuebantur. Multi tamen desiderati sunt mor-
 bis grauissimis absumpti. Centum & quadraginta & octo p-
 fecti c. Gama fuerat: quinq; et quinquaginta tantum reuer-
 si sunt, & hi maxima ex parte labore & inuacitudine de-
 bilitati. Gama fuit à Rege cum multis laudibus acceptus, &
 titulis, & ornamentis, & muneribus ob tam præclarum facinus,
 perinde atq; meritis erat, illustratus. Et Coelius item fuit
 auctus honoribus, et reliqui deinde omnes pro cuiusq; meritis
 et dignitate remunerati. Hoc autem tempore Emmanueli
 visum est, ossa Ioannis Regis, quæ erant Syluijs Algarbij ci-
 uitate, in templo maximo eiusdem ciuitatis condita, in op-
 pidum, quod Bataglia nominatur, transferre. Obtinuit au-
 tem oppidum id nomen, propter prælium illud acerrimum,
 quo Ioannes Portugalliae Rex, hoc nomine primus, Ioannem
 Castellæ Regem, Henrici Regis filium, non longè ab eo loco su-
 perauit. Perspicuum est enim, Bataglia nomine prælium si-
 gnificari. Extruxit autem Ioannes primus eo in loco templum
 in honorem Sanctissimæ VIRGINIS amplissimum: statuitq;
 ut in edibus, quas in eum finem edificauit, templo coniun-
 ctis, religiosi viri, qui diui DOMINICI institutum sequerentur,
 habitarent, ut sacra conficerent, & vicinos populos san-
 ctis disciplinis instruerent. Eum autem locum sepultura
 sua

sua delegit. Nec ille solum, sed illius filij, & Rex Alfonsus, & Alfonsus Ioannis secundi filius, multiq; praterea Lusitani principes eodem in templo sepulti sunt. Emmanuel igitur vt eodem etiam in loco Ioannis reliquiae conderentur, in Algarbium cum Georgio Ioānis filio, & multis praterea viris nobilitate & virtute praestantibus profectus est. Aperto autem sepulchro, Ioannis corpus integrum inuentum est, ex quo suauissimum odorem diffusum fuisse memorant, cum ingenti omnium admiratione. Nam supra quatuor annos in eo sepulchro constitutum iacuerat. Addebant permulti, fuisse illi, editis in eo loco miraculis, egregiae sanctitatis testimonium à D E O tributum. Fuit autem tam solenni pompa delatum, & tanta hominum frequentia & celebritate, quae illud prosequeretur, ornatum vsq; eod, dum in sepulchro conderetur, vt nihil omnino fuerit ab Emmanuele pratermissum, quo posset, quanta fide Ioannis memoriam coleret, aperte significari. Qui tamen interim Indiae studium non intermittebat, & classem, quam rursus in orientis Solis regiones immitteret, adificabat. Sed cum esset ea mente, vt nihil vnquam agitare animo, quod non castissimae religionis auspicio instituendum arbitraretur, in eo loco, vbi Henricus templum in honorem Sanctissimae VIRGINIS adificarat, vt dictum est, aliud templum multò amplius, & magnificentius adificare instituit: cuius statim fundamenta iecit eiusdemq; diuinæ VIRGINIS, quam singulari pietate colebat, memoriae consecrauit. Locum illum Betlehem appellari voluit, nomine ab ea ciuitate sumpto, in qua CHRISTVS ad humani generis salutem natus est. Asciiuit autem homines singulari religione, qui se diui HIERONYMI institutum sequi profitebantur: quos in illius templi custodia poneret, qui sacra conficerent,

L I B E R :

cerent, & numen diuinum religione placarent: & omnes
nautas atq; vectores, qui ex varijs partibus eò commeare
solerent, sanctis disciplinis erudirent. Eum verò locū sepultu-
ra sua delegit. Arcem deinde in rupe, quam marini flu-
ctus circumfluunt, non longè à templo Occasum solis versus,
instituit munitissimā, quæ prohiberet portus Olyssipponen-
sis aditu naues omnes, quæ nō se pacificas esse, signo nautis
vfitato significarent. Classis aut, quam misit, erat tredecim
navium. Mille & quingētos milites habebat, erat præter-
ea bellicis munitiōibus egregiè instructa & armata. Illi
verò Petrū Aluarū Capralem, cuius virtuti plurimū fide-
bat, præfecit. Caprali aut præcepit, vt quoad fieri posset, a-
micitiā cū Calecutij Rege firmaret, ab eoq; peteret fa-
cultatem arcis prope vrbe edificandæ, qua Lusitani possent
vitā ab hostiū immanitate tueri, & sine vllō periculo nego-
tiari. Quòd si videret Regis animū ad eò à nostris alienatū,
vt omnē fœderis rationē aspernaretur, illi bellū inferre mi-
nimè dubitaret. Iussit præterea, vt si posset Melinden acce-
dere, Regi significaret, sibi gratissimam illius legationem
fuisse, eiusq; causa omnia, quæ postularet, libentissimè fa-
cturū. Misit aut in hac classe quinq; monachos religionis o-
pinione præstantes, ex his, qui FRANCISCI viri sanctis-
simi mores & instituta sequuntur, qui Calecutij, si fœdus
ritè fieret, remanerent, vt Lusitanis, qui erant in ea vrbe
negotianti causa mansuri, sacra ministrarent: & si qui ex
alienis gentibus ad CHRISTI nomen adiungi vellent,
eos sanctis disciplinis instituerent. His autem erat præ-
fectus Henricus vir singulari religione & pietate, qui po-
stea ob vitæ sanctimoniam Septēsis Pōtifex effectus est. Sol-
uit aut Capralis cū omni classe octauo idus Martij, Anno à
CHRISTO nato. M.D. Post hac Emmanuel Georgiū
Iohannis Regis filiū nouis titulis honestauit, vxorēq; illi dedit

Beatricē, Aluari, cuius sapē mētio facta est, Brigāini Ducis fratris filiā, singulari pbitate fēminā. Alfonso verò, filiū Iacobi fratris ipsius Emmanuelis cui Ioānes ppria manu necē inulerat, magistrū equitū effecit. Erat aut Alfonso nothus: mater tamē illius fuit mulier summa nobilitate, qua Iacobi eximia pulchritudine, tēpore, quo is in Castella versabatur, accēsa, operā summo studio dedit, ut illius cōplexu potiretur. Hoc eodem anno, qui fuit à CHRISTO nato. M. D. princeps Michael, Emmanuelis & Isabela filius, cum iam duos fermē annos natus esset, morbo sublatu est. Fernādu verò & Isabela rursus, ut noua affinitate sibi Emmanuelē deuincirent, elaborārūt. Mirē enim cupiebant filiā suam Mariā illi collocare. Emmanuel ubi id intellexit, summa volūtate eorū desiderijs assensus est. Nec enim aliud poterat esse matrimoniū vel generis amplitudine, vel dotis magnitudine, vel virtutis egregia significatione clarius, & eorum vtriq; cōuenientius. Eluxu enim in Maria summū modestia, et māsuetudinis, & probitatis exemplum. Sed quia matrimoniū propter affinitatem in matrimonio Isabela contractam, per Pōtificij iuris sanctiones iūgi minimē licebat, à Pōtifice maximo postulārūt, ut eos solueret legibus, nē religione aliqua posset impediri cōiunctio, q̄ tā multas vtilitates erat omnibus Hispania regnis allatura. Hac impetrata à R. Pōtifice facultate, nuptia celebrata sūt. Quāuis aut noua nupta illi ppter insignē virtutē maximē cordi esset, nō illi tamē amor eū poterat ab ea cupiditate deducere, qua tenebatur. Cupiebat enim, ut Maiorū suorū vestigijs insisteret, in Africā trāsire, ut Mauros bello premeret. Multi fuerunt in consilio, qui eum ab ea cogitatione conarentur auertere. Dicebant enim, non esse regiū munus, exercitū ducere: sed ijs, qui exercitū ducerēt.

LIBER

imperare. Præterea ad Mauritaniam omnem debellandā, copias minimè suppetere: ad bellum commodè ducendum eas sufficere, quæ erant strenuis ducibus assignatæ. Minimè autem pertinere ad illius dignitatem in Africam trajcere, nisi cum illis copijs, quibus posset omnem illam regionem sub imperium subiungere. Accedebat, quòd nondum filiū habebat, quem posset, si illum casus aduersus belli sustulisset, heredem relinquere. Nè vellet igitur gloria causa Regnum in tantum discrimen inijcere. Regis enim gloriam sempiternam patria caritate contineri, non in bello sine vlla publica vtilitate suscepto consistere. Adhac vxor cum lacrymis illum obsecrabat, nè vellet tam subito discessu dare sermonem multis, qui interpretarentur, illud consilium non tam bellandi studio, quàm illius deferenda cupiditate susceptum. Multò sibi tolerabilius fuisse, nunquam domū ab illo ductam esse, quàm ductam repentè relinqui. Illud enim consilij, hoc acerbitalis argumentum continere. Adhac per literas cum parentibus agebat, vt Emmanuelem ab eo consilio reuocarent. Neq; se, quò minus bellum à viro fieret, recusare, sed nè eo tempore fieret, enixè contendere. His quidem argumentis & consiliarij, & vxor eum ab instituto nitebantur abducere. Ille tamen nihilominus in eo persistebat, & bellum summo studio comparabat. Exercitum summa celeritate cōscribi, & classē instruere iussit. Exercitus viginti sex millia peditum continebat, & sex millia equitum, & equites præterea cataphractos octingētos. Cum his copijs se, quod animo designabat, confecturū facile confidebat. SED in hoc suscepti atq; propemodum instituti belli apparatu, crebri ad eum rumores allati sunt, Baiazetum Turcarum imperatorem ingētem classē instruxisse, quæ omnes insulas & ciuitates Græciæ, quæ ad

Veneto-

Venetorum imperium & ditionem pertinebant, euerteret. Veneti cum id exploratum habuissent, & quantus contra illos scriberetur exercitus, acceperint, neq; tantā belli molem se solos sustinere posse confiderent, cum ab alijs Regibus Christianis, tum ab Emmanuele auxilium per legatos petierunt. A Pontifice Maximo praterea flagitârunt, ut ab Emmanuele postularet, ut ea classe, quæ iam erat rebus omnibus instructa, Remp. illam iuuare vellet. Itaq; Pontifex legatis Venetis, qui cum his postulatis ad Emmanuelē reip. suæ nomine mittebantur, literas ad eum dedit, quibus admonebat, nè Venetorū postulata negligeret. Commune namq; reip. Christiana discrimen coniunctis omniū Christianorum viribus esse depellendū. Cogitaret enim, si sempiternus Christiani nominis hostis, quod animo designabat, efficeret, quanta cum superbia esset in Italiam, deindē in Galliam, & Hispaniam inuasurus. Bellum Africanū intermitteri commodē posse: at occasionem tantæ calamitatis arcendæ pratermissam reuocari non posse. Multo deindē esse ad laudem illustrius, ab amicis propulsare, quàm inimicis inferre periculum. Multos Italiæ principes esse ad auxilium Venetis afferendum incitados. Sed eos non tam citò posse opem afferre, quàm periculi magnitudo postulabat. At Emmanueli, cum iam classē omnibus rebus ornata haberet, nihil impedimento fore, quò minus, si vellet, ad se omnem gloriam illius reip. conseruata reuocaret. Celeritate opus esse, quam reliqui propter rerum suarū difficultatem adhibere non poterant. Videret autem quanta gloria illius esset futura, si resp. Veneta à vicinis deserta, ab eo, cuius regnum tanto locorum interuallo dissidebat, in tanto discrimine sustentaretur. Postremò in illius belli societate non solum humanitatis atq; virtutis, sed etiā Christiana

LIBER

*stiana pietatis specimen clarissimum, sempiterna memoria
 consecrandum, dari ab illo posse. His rationibus inductus
 Emmanuel, & Pontificis etiam literis ad misericordiam
 inflexus, legatis benignè respondet, seq³ officio suo minimè
 defuturum pollicetur. Statuit igitur, vt ex tota classe tri-
 ginta naues, quanta maxima celeritate fieri posset, re fru-
 mentaria & omni cōmeatu ad tam longinquam nauiga-
 tionem necessario instruerentur. Et quia classe diminuta,
 non poterat ille pro dignitate bellum per se Mauris, vt co-
 gitauerat, inferre, illud in aliud tempus distulit, & toto a-
 nimo in opem, quam erat Venetis allaturus, incubuit. IN-
 TERIM dum hæc summo studio geruntur, in Maurita-
 nia hæc euenerunt. Ioannes Menesius post illam victoriam,
 quam de Barraxa & Almandarino consequutus est, iussu
 Regis in Portugalliam redijt. Deindè anno. M. D. I. fuit
 Arzilam remissus cum supplemento centum & quinqu-
 ginta equitum. Sic enim bellum à nostris gerebatur in A-
 frica, vt rarò pedites depugnarent: & ideo omnes fermè
 copie, quas Reges summittebant, erant ex equitibus. Eo tē-
 pore Rodericus Castrensis Tingitane ciuitati præerat. Me-
 nesius cū primū Arzilam attigit, contineri diu non po-
 tuit, quin Mauros aliqua clade afficeret. Quia verò tantas
 copias nō habebat, quātis erat opus ad rem, quā cogitabat,
 cōmodè gerendā, Castrēsem per literas ad facti societate
 inuitauit. Cōiunctis hac ratione copijs, in maximos pagos
 intēdunt, inopinatoq³ Mauros aggrediūtur. Maxima eo-
 rū pars formidine perterrita se in fugā dedit. Multi tamē
 vt in extremo vitæ casu dignitatē retinerent, acerrimè di-
 micarunt. E quibus multi occisi, centum verò & octoginta
 capti fuere. Cū verò ex nostris equites quinq³ septē Mau-
 ros cōspicati fuissent, q³ cū quinq³ mulieribus latenter fu-
 giebant,*

giebāt, eos insequūtur. Mauri quāuis equos nō habebāt, eos enim amiserant, pedibus tamē, vt summa cōtentione resisterent, se parabant. Fuit atrox inter illos atq; nostros pugna cōmissa & diutius vtring, quā pro numero dimicatum. Mauri tres equos confodiunt, & omnes nostros conuulnerant. Nostri verò omnes eos concidēt. Vnus ex Mauris cū in extremo iam vite discrimine fortissimē pugnaret, sponsa, quae erat in illo mulierum comitatu, tantum dolorem attulit, vt maxima voce exclamans diceret: Itāne verò, anime mi, videbo te crudelissimē necari, neq; tibi opem vllam asseram? lacrymisq; tantū mortem tuā prosequar, & non me sociam tibi mortis adiungam? Te extincto quam ex vita iucunditatem percipiam? Hac vbi dixit, in nostrorum gladios ruit, & equitem vnum, qui pedibus (iam enim equus illius erat occisus) cum mulieris sponso dimicabat, summa vi corripit, & aded arctē cōplectitur, vt is se expedire nō posset. Parūq; absuit, quin ab illius spōso vita priuaretur, propterea quòd gladio vti nō poterat, sed aliorū interuētū, qui iā reliquos occiderāt, pugna fuit cum omniū hostiū interitu finita. Ita tamen hi septē Mauri cōciderunt, vt in extremo etiam spiritu virtutis egregia significationem darēt. Fuit prada ingens capta, multi pecorum & armentorū & equorum greges abacti. Cū verò duces exercitū in ciuitates, vnde fuerant profecti, subducerēt, & à pagis quatuor passuū millia abessent, dux oppidi munitissimi, quod appellant Mauri Alcassarelquibir, cū equitibus mille & ducentis, in nostros inuadit, & agmen postremū, quod Menesius ducebat, aggreditur. Nostri ordine instructi, progrediebātur cum prada, & vt se à Maurorum incursione defenderent, non autem vt illos offenderent, laborabant: & ita paulatim excedebant, quāuis à

Mauris

LIBER

Mauris leuibus pralijs certaretur. Genus autem pugna hoc erat. MAURI hastis infestis in nostros incurfabant, & continuo se cursu recipiebant: vnde rursus alijs cursibus initis, in nostros impetum dabant. Nostri reiectis parmis eorum ictus excipiebant, & respectantes, equorum terga tegebant. & equos, quoties acrius premebantur, in hostes concitabant. Cùm verò Mauri ferocius instarent, Menesius in illos cum parte copiarum inuectus, impressionem fecit, qua quinquaginta ex illis hastis transfixi conciderunt. Mauri cùm cernerent nostros cum præda paulatim abire, cōsiliū inierunt, vt cum nostris acie instructa dimicaret. A cursibus igitur abstinentes, in ordinem à ducibus coguntur. Menesius praliū minimè detrectabat. Constitit igitur, & misit ad Rodericum Castrensem, qui diceret, se in animo habere pralijs casum experiri. Proinde si ei videretur, suos in nouissimum agmen reduceret, vt vno agmine facto in hostes irruerent. Respondit Castrensis, non esse boni imperatoris, fortuna varios euentus in rebus ex animi sententiā gestis absq; vlla necessitate periclitari. Multa namq; accidere, quibus id, quod feliciter inceptum fuerat, ducum insolentia teterrimè caderet. Hostes esse numero plures: nostros verò posse, si vellent, cùm tam facilem receptum haberent, pralijs periculosi conditionem recusare. Strenui verò ducis esse, commodo suo, non ex hostium voluntate praliū inire. Prædam esse satis magnam: ex nostris neminem desiderari: ne vellet igitur quod egregie factum erat, consilio audaci corrumpere. Menesius non improbauit consiliū. Mauri verò, dum nostri tempus in hac consultatione consumunt, animaduertentes nostros commorari, existimârunt eo consilio consistere, vt signa in illos inferrent. Cùm verò multis in locis experti fuissent, quàm acriter

acriter nostri, post rem obstinato animo constitutam, ferio decernerent, abierunt. Nostri verò duces prada diuisa domū incolumes reuersi sunt. Non post multos dies Menesius certior factus est Mauri cuiusdam speculatoris indicio, Fessensem Regem egressum esse, vt excursiones faceret, & Tingitanam ciuitatem vel expugnaret, si posset, vel agrum saltem popularetur, & quam maximam posset vastitatem nostrorum rebus inferret. Habere autem sub signis equitū duodecim millia. Tingi verò tanta celeritate comendere, vt non posset nuncius ad Castrensem, antequam ille accederet, peruenire, maximè verò cum nulla esset via, vbi hostes eo tempore non insiderent. Hac re perculsus Menesius, ignè tormentis æneis applicare iussit, vt globorum strepitu posset Castrēsi significare, quo in periculo versaretur. Præterea ciuis quidam Tingitanus proximis illis diebus Arzilā venerat, & catellam ibi per obliuionem reliquerat. Menesius catellam ligari, literasquæ cæca circumlitās, quibus ea, quæ acceperat de Regis aduentu, nunciabat, collo illius appendi iubet, eamq; sub noctem acerrimè verberatā in litore constitui. At catella dolore verberū grauitè affecta, tantā celeritate domū properat, vt ante lucē ad Tingi portas assisteret. Ibi lectis literis, Castrensis, vt omnes in armis parati essent, imperat. Vix hæc facta fuerant, cum Rex ciuitati appropinquauit, maioremq; partē exercitus præmisit, quæ populationem agris inferret, & omnes greges abigeret, & homines, quos in agris inueniret, ferro trucidaret. Castrensis vt illis resisteret, egressus vrbe, in eos inuectus est. Sed multitudine oppressus, in vallum, quod est à nostris circum urbem munitionis gratia constitutū, se magno cū labore recepit. Antequā enim id efficere posset, fuit vtrinq; plus duab. horis acerrimè dimicatum. Cecidit in ea pugna Ca-

L I B E R

strensis quidam filius, & octo equites viri fortissimi, & ipse Castrensis hasta coniectu fuit in facie grauiſſimè vulneratus. Noſtris intra vallum receptis, Mauri nihilo ſecius inſtant, & intra vallum irrumpunt. Cùm verò noſtri in urbē ſe recipere conarentur, Mauri noſtros acriter inſequentes, vt ſimul in urbem irruerent, ſumma contentione pugnant. Hac re animaduſa, Caſtrenſis cum equitum turma in Mauros conuerſus, tanto impetu in eos incurrit, vt facilem receptum omnib. praberet. Poſtremus omnium quidam eques egregiè fortis, Lupus Martinus nomine, urbem ingreſſus, ve ſtē ad medias portas induxit. Cùm autem multi illum magnis clamorib. admonerent, vt totam portam clauderet: reſpōdit, nunquam ſe tantum facinus admiſſurum, vt eam Portugalleniſibus maculam ſignificatione timoris inureret. Se paratum eſſe, pro illius mediæ portæ deſenſione ad extremum vitæ ſpiritum dimicare. Neque ſolum hoc dixit, ſed factis etiam oſtendit. Nam cùm Mauri in illum ferociter inuaderēt, primum impetum animo magno ſuſtinuit, donec multi opem illi afferrent, quorum virtute excluſi mœnibus Mauri, ſe in caſtra contulerunt. At Rex poſt dies quatuor, caſtris inde motis, Arzila exercitu traducere maturauit. Menefius per ſpeculatores de aduentu illius certior factus, praſidijs in vrbe diſpoſitis, copias ſuas in locum, quod appellant oppidum vetuſtum, eduxit, aciemque equitum & peditum inſtruxit: quibus imperauit, vt ſe continerent uſque eò, dum is ſignum daret, quo animaduſo erant oēs exituri. Interim verò, vt hoſtiu exercitum ſpecularetur, cum viginti tantum equitibus ad flumen, quod dulce nominatur, progreſſus eſt. Ibi cum multitudinem hoſtium conſpiceret ſe in oppidum ſenſim atque leniter recipiebat. At illum abeuntem anteſignani Maurorum

eorum equites adoriuntur tanto impetu, ut cogerent illum, cum iam non longè ab eo loco, in quo suos reliquerat, abesset, in illos equum incitavit. Sed eo tempore non habebat secum nisi quatuor tantum equites. reliqui enim multò celerius, quam decebat, in oppidum regressi fuerant. Equites tamen quinquaginta cum illum in hostes incur-rere perspicerent, quanta celeritate possunt accurrunt, tantoq; impetu in hostes feruntur, ut eos funderent, magnamq; cadem ederent. At qui in oppido vetusto relictì fuerant, cum animadverterent, Menesium longius hostes fugientes insequi, non esse signum diutius expectandum rati, ut illi suppetias afferrent, accelerant. Sed iam Mauri eo tempore per alias campi partes immisi, vias omnes obsederant. Menesius interim animaduertens à Rege recedentes & integros equites, qui fessis & vulneratis succederent, frequenter mitti, seq; cum paucis hominibus stipatus esset, non posse vllò modo hostium impetum sustinere, ut se ad suos reciperet, omni contentione pugnabat. Quod non sine maximo labore fieri potuit. In hoc tanto vitæ discrimine aliquot illius equites ceciderunt, & multi vulnerati sunt, & Menesius vulnus secundum fœmur accepit: & tamen aciem, qui obsessis vijs eum intercipere contenderant, tam acri animo perrupit, ut ad suos tandem accederet. Inde igitur cum suis copijs omnibus in Mauros, qui iam intra vallum pugnabant, impetum dedit: è quibus multi occisi, multi vulnerati, aliquot etiam capti, omnesq; tandem extra vallum eieci sunt. Ad hunc modum cōfecto pralio, Menesius urbem ingressus est. Accidit tunc ridiculum quiddam nostris: sed illi, qui risus materiam præbuit, non valdè læum. Nam cum quidam Maurus è campo in oppidum ade-quitaret, quod existimabat iam à suis captum esse, latus &

LIBER

ouans per portam ingressus est: iniectisque statim illi à nostris vinculis, præpropera letitiæ pœnam tulit. Dum hac in Africa geruntur, Emmanuel summo studio laborabat, ut clasſis, quam in Venetorum auxilium mittebat, intra breuiſſimum ſpatium rebus omnibus inſtructa & ornata eſſet. Illique præſſe iubet Ioannem Menefium, Odoardi Menefii Vienerſis Dynaſta filium, virum ſingulari virtute et cõſilio prædiũ. Aliam deinde claſſem eidem Menefio commiſit, in qua erant præſidia milium, quæ erant in caſtello nomine Mazalquibiri diſponenda, ſi poſſet obiter expugnari. Eſt id caſtellum in regione maritima Mauritania Cæſareæ, in litore Orannenſi ciuitati oppoſitum. Præſcripſerat enim ſecreto Rex Emmanuel ipſi Menefio, ut in eo expugnando belli fortunam experiri minimè dubitaret, dum modo non multum tempus in ea pugna consumeret. Claſſis. xvj. kalen. Iunij anno M. D. l. Olyſippone ſoluit, ſecundusque ventis vtens Menefius, breui in ſictum Gaditanum peruenit: inde, ut Regis imperata conficeret, Mazalquibirium petijt: aduerſis tamen ventis exclusus, ante diem tertium portũ ſubire non potuit. Mauri hoc ſpatio tẽporis interiecto, cũ animaduertet, quo animo noſtri ad portũ appellere conarentur, ut ſumma vi reſiſterent, ſe comparabant et animos hominum confirmabant, caſtellumque firmis præſidijs muniebant. Noſtri tandem terra potiti, caſtellum oppugnant. ſcalas admovent, in muros certatim aſcendunt: neminem repugnare vident: exiſtimant, hoſtes metu perterritos latebris occultari. Hac opinione decepti, tanquam victores quacunque libet inambulant. At Mauri, qui inſidijs collocatis hanc expectabant occaſionem, eos diſſipatos, & nihil iam hoſtile ſuſpicantes aggrediuntur, & præcipites eijciunt. In hoc conflictu viginti ex noſtris deſiderati ſunt.

ti sunt. Menesius, ut in mandatis habebat, non diutius in oppidi oppugnatione tempus conterendum statuens, reliqua classe dimissa, cum triginta nauibus ad auxilium, quod Venetis mittebatur, assignatis institutum cursum tenuit. In Sardiniam tandem delatus fuit, et ab illius insulae Praetore admodum honorifice receptus. Inde, cibarijs comparatis, & aquatione facta, profectus, cum non à Tunetensi portu procul abesset, nauem onerariam ingentem cum duabus rostratis nauibus conspicatus est. In eas igitur inuectus, omnes cepit, & in Sardiniam reuersus, merces exponere in terram iussit. Erant autem haec naues à Genua, multos autem Turcas, & Mauros, & Iudeos, & Christianos cum multis mercibus Tunetem conuehebant. Genuensibus autem nauem onerariam, & omnia bona restituit: Christianos & Iudeos liberos abire permisit: Turcas & Mauros in custodiam tradidit, eorumque bona vniuersae classi distribuit: duas rostratas naues tantisper retinere voluit, dum bellum illud, ad quod properabat, confectum cerneret. Inde Italiam versus, Calabriam & Apuliam praeteruectus, in Epirum transiit, & inde Corcyram petijt. Veneta classis nostris obuiam prodijt, tormentorumque sonitu, & tubarum clangore, quanta latitia essent omnes affecti ex nostrae classis aduentu, significauit. Lusitana classis, ne officio illo vinceretur, operam vicissim dedit. Naues nostrae quia remis non agebantur, & malacia atque tranquillitas erat, suere in portum opera triremium Venetarum remulco deducta. Menesius à classis custodia nullis Venetorum precibus abduci potuit: reliquos duces in terram descendere permisit: qui omnes satis hospitaliter accepti sunt. Ut tamen intelligi possit, quam periculosa sit militaris licentia, quandiu non fuerit seueriore discipli-

LIBER

na coercita, non erit abs re, quæ tunc à militibus nostris commissa fuerint, paucis exponere. Tam nauta, quam milites Lusitani, cum essent natura elati & insolentes, paulò confidentius & petulantius in insula versabantur. Quod grauem offensionem hominibus Græcis, & ad rixam similiter natura concitis afferebat. illi vicissim Lusitanos verborum conuitijs, & multis iniurijs onerabant. Eò tandem res deducta fuit, vt concitato dissidio, armis, quæ repentinus ille casus cuilibet offerebat, congregarentur. Accurrunt Duces Veneti, vt sedent illam discordiam. Similiter & Menesius, vt suos à furore contineat, in terram accelerat. Vix ducum imperio & comminatione tam funesta contentio dirimi potuit. Ex nostris ad septuaginta in ea pugna temeritatis & insolentia pœnas cade luerunt. Ex Venetorum autem exercitu, & ex Corcyrensisibus magnus etiam numerus nostrorum armis confectus occubuit. Ita factum est, vt illis ipsis, quibus nostri opem afferebant, non mediocre detrimentum temeritate multitudinis importarent. Pugna verò cum Turcis nulla fuit. Turcarum enim imperator cum accepisset, Hispania Reges, aliosq; Christianos Principes classes maximas, vt auxilium Venetis afferrent, summo studio comparare, vrbesq; Venetorum firmissimas, & ea ratione se classem sine vllò fructu maximis sumptibus adificasse, classem in portum subducere, & suos à bello abstinere iussit. Itaque Venetus Prætor Menesio dicit, Senatum, populumq; Venetum Regi clarissimo summas gratias agere, quòd tanto studio illius saluti prospexerit, quo quidem beneficio ita Rempub. Venetam obstrinxerit, vt nullo vnquam tempore esset illius memoriam depositura. Breuiq; fore, vt Senatus, populusq; Venetus ad Emmanuelem

lem legatos mitteret, quibus quanto studio dignitatis & amplitudinis illius teneretur, clarius demonstraret. Mene-
sius igitur refecta classe, & imposito commentu, in Lusita-
niam redijt, varijsq; tempestatibus vsus, Olyssipponem tan-
dem peruenit. omnesq; naues, quas duxerat, in portu con-
stituit. INTERIM verò Capralis, qui in Indiam navi-
gabat, eundem cursum, quem Gama tenuit, sequutus est,
donec ad Insulam Sancti Iacobi peruenit. Cum verò ulte-
rius progrediretur, coorta tempestate sæuissima classis dis-
sipata fuit, & nauis vna, fractis armamentis, Olyssipponem
redijt. Capralis, sedata tempestate, naues omnes rursus col-
legit præter illam, quam duobus diebus, demissis infra me-
dium malum velis, expectauit. Cum verò ea minime com-
pareret, Occasum versus nauigauit. Octauo Kalen. Maij
nautæ terram conspiciunt. Quæ res omnibus incredibilenz
voluptatem attulit. In ea enim regione nemo ex nostris ter-
ram extare aliquam ab hominibus cultam, fuerat vnquam
suspiciatus. Capralis igitur proras in terram snectere iubet.
Nauis autem pratorie magistro imperauit, vt scapha ve-
ctus ad terram propius accederet, illiusq; situm & naturam
diligenter inspiceret. Redijt magister, & nunciauit, tellu-
rem esse fertilem & amœnam, herbis letissimis, & arbori-
bus altissimis vestitam, & aquarum etiam copia redundan-
tem. Se præterea homines vidisse coloratos, molli atque de-
misso capillo, nudis corporibus, cum arcubus & sagittis pro-
pè littus ambulantes. Capralis magistri testimonio minime
contentus, aliquot Duces armatos iussit in scaphas desilire,
vt terram diligentius perlustrarent. Illi confestim impera-
ta consciunt, & ad Capralem redeunt, ea, quæ magister
nunciauerat, vera esse confirmant. Ibi cum in anchoris no-
cte cõsisterent, summa quadã tempestas excitata classem ia-

LIBER

Flauit, & secundum ora illius longitudinem vagari, & fla-
 tibus exagitari, & in varias partes conorqueri compulsi,
 donec tandem in portum optimum penetrauit, quem, por-
 tum tutum Capralis nominare praecepit. Ibi classe consti-
 tuta, Capralis curam dedit ducibus, vt scaphis inuecti, ter-
 ram spectarent. Rediunt illi cum duobus piscatoribus, quos
 in lintre ceperant. Cum verò nemo ex nostris eorum lin-
 guam posset intelligere, nutibus et signis cum illis agere coe-
 perunt. Sed tanta erat in hominibus ingenij tarditas, tan-
 tusq; stupor in animo, vt nullis signis de re aliqua admoneri
 potuerint. Tum Capralis eos vestibus ornatos, tintinabu-
 lis & aeneis armillis, & speculis donatos in terram exponi
 iubet. Illi munerib. elati, cum ingenti letitia suis opes illas
 ostentant. Eorum praedicatione commota multitudo vn di-
 que confluit cum frugib. minutis, & cum magna farina co-
 pia, & cum varijs fructibus, eaq; omnia cum nostris facil-
 limè permutant. Admirantur specula, oblectantur tinti-
 nabulis. efferuntur armillis, intuentur nostros, & expleri,
 singula spectando nequeunt. Tum Capralis simplicitate gē-
 tis inuitatus, in terrā descendit. Ibiq; sub vmbra arboris in-
 gentis altare construi iubet, & statuit, vt res diuina maxi-
 ma cum caeremonia fieret, & concio etiam de rebus diuinis
 haberetur. Ab huius sacrificij spectaculo nō fuere terrā il-
 lius cultores exclusi. taciti verò & stupore defixi, caeremo-
 niarū sanctitatem, & symphoniae concentum intimis sensi-
 bus vsurpabant: & demisso corpore se moueri plurimū reli-
 gione significabant. Cū verò, peractis rebus sacris, Capralis
 se in classem recipere voluisset, eum ad scaphas cum maxi-
 mo gaudio prosequuti sunt. Quanta verò letitia affecti es-
 sent, cantibus crebris, & buccinarū & cornuū concentib.
 & corporum gestibus, & sagittis in aerem missis, & manib.

in cælum intentis indicabant. Videbantur enim D E O
summas agere gratias, quòd gentem illam ad eas oras de-
tulisset. Ita verò erant admiratione oppressi, vt minimè
mentis compotes esse viderentur. Multi enim, dum Capra-
lis in naues tendit, cum mare ingressi pedibus vsque eò se-
quuti sunt, dum aqua pectora eorum pertingeret. Alij ve-
rò illum nando sequebantur, alij lintribus inuecti, ad naues
vsq; perueniebant, nec ab ijs auelli aliquo modo poterant.
Hic dum Capralis in anchoris consisteret, vt a quationi o-
peram daret, & rei frumentariae prouideret, et reliqua ci-
baria in naues imponi praeiperet, eiectus est in littus piscis,
qui nostris admirationem non mediocrem cōmouit. Cras-
situdo namq; illius erat ingentis dolij, longitudo crassitudi-
nem duplo superabat. Capite et oculis, porci similitudinem
referebat. Aures erant auribus elephanti similes. Carebat
dentibus. Pellis erat setis hirsuta. Cauda circiter pedes
quinq; in longitudine tendebatur. Pellis crassitudo erat v-
nius digiti. In hac terra, quam Capralis sancta Crucis no-
mine celebrari voluit (quam nunc Brasiliam appellant)
columnam marmoream illis similem, quas multis in locis
Gama statui praecepit, collocari iussit, et indè vnum ex du-
cibus nomine Gasparem Lemium, in Portugalliam remi-
sit, qui Emmanueli de huius terræ situ nuntiaret: quam a-
liqua ex parte describere, minimè arbitror alienum. S I-
T V S illius ad Austrum pertinet: & fines, qui quidem sunt
latissimi, cum ea regione, quæ Castellanorum Regum im-
perio continetur, quā appellant Perû, coniuncti sunt. Tel-
lus est fertilis & amœna, & tanta salubritate prædita, vt
vix sit opus vlla medicina. Omnes enim fermè, qui moriū-
tur, nō aliquo morbo, sed senio consumpti moriūtur. Mul-
tis & ingētibus fluuijs alluitur: fōtes habet aquæ dulcis at-
que

LIBER

que perennis innumerabiles. Campi sunt latissimi, latissimæque pabula profundunt. Portus habet optimos, aditus facilissimos, in quibus naues non facile tempestate iactari, aut vadis afflictiari possunt. Maxima regionis illius pars est montibus & vallibus distincta: sylva sunt densa & opaca: arbores varia antea nostris incognita, inter quas est illa, è cuius summis frondibus ferro pracisis balsami quoddam genus instillatur. Arbores, è quibus ruber color, quo lana inficiuntur, confici solet, sunt valdè frequentes & altissima. Fundit præterea tellus herbas admodum salutare, qualis illa est, quam multi Sanctam appellant. Medetur enim ulceribus, & anhelitus frequētis angustijs, & cancris præterea, & gangrenæ ex vulnere putrido ad corporis totius pestem repentino cōtagio permanenti: multos præterea morbos, in quibus ars medicorum frustra consumitur, facillimè depellit. Homines sunt colore subnigro. Capillum habent mollem, nigrum, atque promissum. Sunt omnes imberbes, propterea quòd vossellis omnes corporis pilos euellunt. Nullas literas nōrunt: nullam religionem colunt: nullis legibus alligantur: nullis ponderibus aut mensuris vtuntur: nullius Regis imperio subijciuntur. Cum tamen bellum inter eos exoritur, eum ducem eligunt, quem omnium fortissimum, & in bellis gerendis acerrimum fore credunt. Nullis vestibus vulgò teguntur. Qui tamen inter eos nobilitate præstant, vestes induunt è psittacorum & aliarum auium variorum colorum plumis confectas. Et hi pileis ex eisdem plumis contextis caput ornant, & brachijs armillas ex plumis similiter factas inducunt. Vestes autem ab umbilico ad genua tantum demissas gerunt. Mulieres capillos nutriunt. Viri à fronte ad medium verticem caput abradunt. Qui verò elegantius ornari volunt, aures, &

nares,

naves, & labia, & facies etiam perforant, & in locis illis lapillos varijs distinctos coloribus infigunt. Mulieres autem pro lapillis, minutis conchilijs, quæ apud illas in magno pretio sunt, similiter excoluntur. In bellis arcubus utuntur, & tanto artificio sagittas emittunt, ut in quemcunq; corporis ullius locum sagittam collineare velint, eum configant. Loco ferri osibus piscium sagittas armant: quibus tamen tam altum vulnus imprimunt, ut tabulam quamvis ictu perfodiant. Venationibus aluntur: vescuntur simijs atque lacertis, & anguibus, & muribus, nullasque eiusmodi dapes aspernantur. Lintribus utuntur è corticibus arborum ingentium factis: quæ tamen tanta sunt interdum capacitate, ut homines triginta sustineant. Cum piscari volunt, alij remis lintrem agunt, alij verò mare fustibus verberant, & pisces exterrent. Pisces attoniti ad summam aquam enatant. Tum qui ad eam rem parati sunt, cucurbitas aridas & exinanitas ingentis magnitudinis sub flutibus oppositas habent, in quas pisces spontè subeunt. Frumentum minimè serunt. Panem è radice vnius herbe efficiunt portulacæ magnitudine. Hæc autem tam lethiferum venenum continet, ut qui illam crudam comederit, repente moriatur. Illi verò radicem contundunt, contusam exprimunt, nè quidquam in illa succi illius venenati remaneat. Tum ad solem exsiccant. Molis deindè conterunt, atque farinam efficiunt. Panes ex eiusmodi farina facti non modo salubres sunt, sed etiã sciti admodum saporis. Ex ea & milio genus potionis faciunt ceruicia p̄simile, quo quodam ubi se ingurgitat, quod frequenter illis evenit, tunc omnes fraudes & insidias plus solito machinantur. Observant aurguria, veneficijs dediti sunt. Est in magno apud illos honore quoddam genus hominum maleficum, quos de rebus incertis consu-

LIBER

consulunt. Appellantur ab illis Pages. Hi gestant in summa sagitta cucurbitam in faciem hominis figuratā. Quoties autem illis libet, intra cucurbitam ignem subijciunt, & fumum ex herbis congestis faciunt. Tum fumum illum naribus accipiunt, usque eo, dum ebrii vacillent, & corruāt, & extra mentem rapiantur. Habent enim herbae illae eam vim, ut fumo, quasi vino supra modum sumpto, mentem eripiant. Tum vero stridere dentibus, in ore spumas agere, oculos torquere, necem multis comminari, turbulentis motibus & gestibus eos, qui circumfident, exterrere. Nemo enim suspicatur, illos absque diuini spiritus instinctu tam horrendas voces iacere. Quod si quis ex illis, quibus homo ad eum modum lymphaticus quidquam dirum prae-nunciauit, aliquem grauem casum subierit, non dubitant, quin illud supplicium ad eam diuinationem referendum sit. Hi quocunque veniunt, summo omnium plausu recipiuntur, viamuniuntur, carmina ad tibias gentis more concinnantur, Chorae agitantur: foemina formosae, vel virgines illae sint, vel cuiusuis matrimonium teneant, ad illos introducuntur. Opinantur enim miseri, si illos placatos habuerint, omnia sibi feliciter euentura. Illic neque filias parentibus, neque sorores fratribus collocari licet: reliquas mulieres sine vilo discrimine sibi matrimonio coniungunt: quas offensione interposita deserunt. In adulterio autem deprehensas vel occidunt, vel tanquam seruas vendunt. Parentes non habent in filias potestatem, sed fratres: quas quidem, quoties eis libet, venales proponunt. Venditio autem, est pro rebus alijs, quas ipsi concupierint, permutatio. Pecunia enim caret. Sunt ad laborem pigri, ad luxum & otium propensi: quoties à bellis conquiescunt, totum tempus in conuiujs, & cantibus, & saltationibus sine vilo modo consumunt.

munt. Choros in eodem loco semper insistentes circum or-
 bem versant. In cantibus non distinctis sonorum interval-
 lis, sed simplici vocum ratione carmina modulantur. Illic
 autem quæ fecerint in bello commemorant, facinoraquæ
 sua summis laudibus extollunt: & omnes cantus ad virtu-
 tis militaris laudem reuocant, & interim sibilis & pedum
 strepitu eandem symphoniam prosequuntur. Alij verò sal-
 tantibus pocula ministrant, donec tandem omnes temulè-
 tia oppressi sternantur. Domos è lignis ædificant, & culmis
 congestis obtegunt, & muris binis aut ternis circumuallāt,
 propter frequentia bella, quibus exerceri solent. In vna
 domo (sunt enim longissime) multi simul habitant. Et ij in-
 ter se fraternè amant, libenterq; alij pro aliorum, qui cum
 illis viuunt, salute vitam in quoduis discrimen injiciunt.
 Bella non pro tuendis aut propagandis finibus, sed pro di-
 gnitate suscipiunt, quoties opinantur se fuisse à vicinis, aut
 ab aliqua longinqua natione contemptos. Tum verò homi-
 nes senes, qui magnum in rebus bellicis nomen, cum essent
 iuuenes habuerunt, in consilium adhibent. Ante delibera-
 tionem quantum quisque vult, tantum potionis exhaurit.
 Quidquid senes de bello aut pace decernunt, sine vlla re-
 cusatione pro viribus exequuntur. Ducem eligunt, vt su-
 perius dictum est, quem acerrimum esse iudicant. Hunc
 verò, si timiditatis significationē aliqua in re dederit, ho-
 nore confestim spoliant, & alium in eius locum substituūt.
 Hic domos circumiens, magnis vocibus omnes ad bellum
 adhortatur: quibus rebus instrui debeant, admonet, &
 quanta virtute sit opus, edisserit. Neque solum arcubus &
 sagittis, sed gladijs etiam è ligno durissimo fabre factis v-
 tuntur, quibus hostium membra frangunt & dissecant. In-
 sidijs vii frequenter solent, & in eo pugnant, vt hostes ino-
 pina-

LIBER

pinato aggrediantur. Quos in bello capiunt, senes præsertim, statim comedunt: reliquos vinciunt. Eos, qui ex suis in bello conciderunt, funere offerunt cum multis lacrymis, eorumque virtutem prædicatione celebrant. Capiuis cibaria largissimè præbent, eisq; mulieres, cum quibus cubent, elargiuntur. Cum verò festos dies agere volunt, vnum ex captiuis, quem iam satis fartum & opimum esse conspiciunt, funibus alligant. Primum illius amica in amoris signum in collum funem inijcit, & delicias suas ad supplicium trudit. Homines deinde circumsistunt, & ventrem & brachia, & tibias illius astringunt: tum columnæ affixum coloribus depingunt, & plumis varijs exornant. Ne verò parum humani videantur, laxant illum vinculis interdum, & cibo atque potu sanè laute atque liberaliter accipiunt. Interim verò omnes comedunt, & plurimum illius, quam diximus, potionis absument. Saltant præterea, & canunt, atque tripudiant, & tres dies in hoc apparatusimo ludo consumunt. Tandem post triduum, illum pedibus atq; manib; iam vinculis expeditis in caveam deducunt. Mulieres atq; pueri vinctum secundum ventrem funibus trahunt. Homines verò & mulieres reliqua mala citrea, & fructus varios in eum iaciunt. Ille verò quæ potest ex coniectis pomis colligere, rursus in illos, à quibus fuit impetitus, intorquet. Bibit interim, vt apparet, incundissimè. nec enim ei cibus aut potus denegatur. Præ se fert autem nō mediocrem latitiam. Illi forniculum hominem, vt se existimari cupit, cōiuijs onerant, et multis contumelijs insequuntur. Dab; inquit, homo perditissime atq; profligatissime, pœnas scelerum: & sanguine tuo manes eorum, qui in bello ceciderunt, vlciscemur. Te enim cōtrucidabimus, & dilaniabimus, & assum comedemus. Ille verò, nihil moror, inquit.

gnit. Non enim ignavi neq; timidi poenam sustinebo. Semper enim viri fortis officio functus sum. Si me occisuri estis, multos ipse multis in locis occidi. Si carnibus meis saturandi estis, & ipse multorum carnibus saturatus saepe fui. Præterea sunt mihi fratres atque cognati, quos scio meam necem haud impunitam relicturos. Ad hunc modum in caueam tandem includitur. Tum ille, cui fuerat captiuus in custodiam traditus, in caueam simul ingreditur. Corpus autem habet depictum, & collum plumeis ornamentis ex cultum: manibus verò ingentem gladium vibrat. Tum saltat, & sibilat, & gladium intentat. At is, ut gladium illi e manibus extorqueat, summo studio cōtendit. Sed dum in vnam partē impetum dat, mulieres atq; pueri eum fune, quo est alligatus, quem manibus tenent, ad se trahunt. Dum rursus in contrariam partem se contorquere nititur, ex illa parte similiter mulierum manibus impeditur. Vtrinque enim ita distinetur, ut se eodem loco commouere non possit. At strenuus ille gladiator eum gladio contēdit & debilitat, atque tandem medium illius caput ingenti vulnere diffindit, cerebrumq; dispergit. Manus deinde præcidit. Tum mulieres accedunt, & corpus exanimū in pyram coniiciunt, ut omnibus pillis adustis illud facilius abluere queant. Dissecto autem ventre, ilia cum extis euellunt: reliqui corpus in frusta discerpunt: & nē plura persequar, illius carnibus omnes cū magna voluptate vescuntur. Sūt & alij sylvestres atq; mōtani homines, qui cū his, qui in domibus habitant, cōtinenter bella gerunt, eisdemq; se sceleribus & eadē immanitate contaminant. Nullum apud eos delictum plectitur, præter homicidium. Coguntur enim hi, qui sanguine coniuncti homicida sunt, eum tradere illis, q̄ casti necem propter sanguinis communionem & propinquitatem

LIBER

quitatem iure persequuntur. Hi verò eum strāgulant, atque sepeliunt, & cum multis omnium propinquorum lacrymis atque lamentis vtriusque mortui funus instaurant, epulasque dant, in quibus omnes depositis inimicijs accubunt. Quod si casu aliquo homicida subterfugiat, eum eorum filia, vel sorores, vel cognata occisi propinquis in servitutem traduntur, & sic demum omnis viringus discordia obliuione sepelitur. Operapretium mihi visum est, tam barbaros & immanes mores oratione describere, ut intelligi possit, in quantam errorum colluuiem incurrat humanum genus, literis & humanitate destitutum, & quod multò funestius est, praesidio sanctissimae religionis orbatū: & simul cognoscatur, quanta benignitate clementissimus rerum omnium Dominator huic miserrimae genti, Portugallensium in eas oras aduentu, prospexerit. Christianorū enim consuetudine & familiaritate, & hominum sanctorum ex societate, quam IESU nominant, quos Portugalliae Reges in eas partes misere, disciplinis factum est, ut multi, dispulsis tenebris, errores, in quibus versabantur, clarè perspiciant, & ad CHRISTI Optimi Maximi studium ardentibus animis excitentur, & ingentes DEO gratias ob tam diuinum beneficium grata atque memori voluntate persoluant. CAPRALIS è Brasilia regione profectus est tertio nonas Maij. Nono autem kalen. Iunij nauta nebulam aduentare, calumq; atra caligine circumfundi conspiciunt. Cum verò mare cernerent commoueri, & fluctus excitari, trepidare & antennas demittere cum festinatione coeperunt. Sed tam subita tempestas eos oppressit, ut antequam multi se comparare potuissent ad tantum periculum fugiendum, quatuor nauis incitatis turbinibus impulsae atque depresso sint, & fluctibus ita demersae, ut nemo

ex ijs

ex ijs, qui illis vehebantur, euaderet. Fuit quidem reliquis hoc spectaculum, supra, quàm dici potest, acerbum atq; luctuosum, cernere in medio mari homines laborum socios, atq; natura coniunctos, & multos etiam propinquitatis necessitudinibus implicatos, voragine ingentis illius gurgitis absorberi, neq; esse potuisse sese in tanta calamitate hominibus miserrimo genere lethi consumptis auxilio. Indè cū multis lacrymis reliquæ septem naues digressæ, rursus alia coorta tempestate dispulsæ sunt. Tandem sexto kalen. Augusti sex tantum naues iunctæ cursum tenuerunt. Vnanimè ex illis septem aduersa tempestate iactata, in sinum Arabicum penetrauit, atq; indè in Portugalliam redijt cum sex tantum hominibus. Reliqui namq; morbis & fame atq; siti cruciati, multisq; periculis atq; tormentis afflictati perierant. At sex naues post flexum promontorij Bonæ spei, conspiciunt tellurem amœnißimam, arborib. refertam, & gregib. abundantè, quā multi pellucidi amnes irrigabant. Ad eam igitur Capralis naues conuerti iussit. Sed nemo ex incolis cum Lusitanis cōmercium habere voluit. Itaq; quāuis commeatus inopia nostri laborarent, cū nihil tamè possent ab hominibus illis obtinere, profecti sunt, & totam illam oram lustrauère, donec ad duas insulas contra terram continentem oppositas peruenirent. Ibi duæ naues in anchoris consistebant: qui in illis erant, vbi Portugallenses naues conspicati sunt, fugæ se mandârunt. Eas naues Capralis insequutus cepit. Cū verò intellexisset, eas esse principis cuiusdam, nomine Foteimæ, qui erat Regi Melindio coniunctissimus, liberas cum ingenti auri pondere, quod è Zofala exportabant, & cum mercibus maximi pretij dimisit. xij. kalè. Augusti ad Mozambiquem appulsus, aquationē sine illius impedimēto fecit, emptisq; cibarijs, & magistro, qui

LIBER

eum Quiloam deduceret, conducto, iter conficere maturavit. Cum verò à terra non procul abscederet, cernebat multas insulas egregiè cultas atq; nitidas, quarum omnium imperii summum penes Quiloæ Regem erat. Illius namq; regnum supra nongenta millia passuum in longitudinem orae illius parebat. Rex & omnes Quiloenses Mahumeti placitis addicti sunt. Homines partim sunt nigri, partim colorati. Arabicè loquuntur, & multas præterea linguas norunt, propter multarum nationum, quæ ad oras illas veniunt, commercium. Arabum aut Turcarum more vestiuntur. Vivunt admodum lautè. Abest Quiloa à Mozambiquensi tellure circiter quadringenta passuum millia. Angusto mari à continenti diuiditur. Insula constita est plantis & arboribus: fontes habet gelidos atque perennes: armentis & pecorum gregibus abundat: animantia multa in sylvis atque nemoribus nutrit, ex ijs, quæ venatorum opera capiuntur. Tellus est fertilis, & adhibita mediocri hominum cultura varias fruges effundit. Mare cõtinet pisces varios & optimos. Vrbs est magna, habitatorumq; multitudine referta. Aedes sunt amplæ & extructæ magnificè, cœnaculis, & laquearibus, & thesaurijs pulcherrimè adificatæ, & ornatae multa & varia suppellectile. Naues nō sunt absimiles Mozambiquensium: thure tamen notho propter penuriam picis oblinuntur. In huius vrbs portu cum Capralis anchoris iactis constitisset, misit ad Regem, cui nomen erat Abrahamus, qui diceret, se iussu Regis Portugalliae ad eas partes peruenisse, cum ipsius Regis mandatis atque literis ad illum scriptis, è quibus intelligi posset studium, quo Rex Emmanuel tenebatur fœderis & amicitiae cum illo iungendæ. Se verò non posse vllō modo in terram descendere, nè Regis sui imperium aspernari videatur, qui vetuerat, nè vnquam rei vllius obtentu è classe

disce-

discederet. Proinde videret, quem locum magis opportunum statueret ad vtriusque colloquium. Rex nuncios perbenignè excepit: Capralique per eosdem responsum dedit, sibi gratissimum esse illius aduentum. De Regis Emmanuelis amplitudine, & de virtutibus regijs, quibus erat ornatus, multa se percepisse, quanuis illius regnum tantis locorum intervallis esset ab ea terra disunctum: quibus admonitus, libenter sese ad quanuis amoris mutui pacificationem deuenturum. Et quando fieri non poterat, vt legationem illam in terra audiret, se postridie daturum operam, vt in mari cum Caprali loqueretur. Hæc ubi dixit, vnum de suis domesticis ad Capralem cum muneribus misit. Postridie igitur parua nauigia ad eam rem instructa & ornata cum suis ingreditur. Erant omnes vestibus aut aureis aut purpureis, aut sericis & bombycinis exculti, gladijs & pugionibus accincti, in quorum manubria erant gemmae niro splendore fulgentes inclusæ. Buccinarum præterea & tibiarum concentu summa lætitiæ significatio dabatur. Lusitani contrà tubis atq; tormentis, quo gaudio tenerentur, indicabāt. Capralis iubet omnes duces, quæ vestium elegantia possent, ornatos in scaphas descendere. Quod ipse similiter fecit. Itaq; omnes ad nauigia Regis accedunt. Capralis verò ubi ad Regem peruenit, eum vt Regem salutat: Rex honorificè respondet: deinde de Capralis manu literas Arabicè scriptas accipit, legationem audit, & vt apparebat, fronte & vultu bellissimis. Ostendit postremò, se Regem Emmanuelem in loco fratris semper habiturum, operamq; datum, nè studio erga illius maiestatem ab aliquo vinci posset. Fuit deinde ab utroq; statutum, vt sequenti die Capralis mitteret ad Regem, qui amicitiam institutam fœdere confirmaret. His ita constitutis, mercatores Arabes interueniunt:

L I B E R

nostros sceleris & immanitatis insimulant, simplicitatem Regis admirantur, quod statum atq; dignitatem suam piratis crederet, qui, nisi eorum insidys esset occursum, intra paucos erant illum per simulationem pacis omnib. bonis euerfuri. His sermonibus animum Regis immutant, ita, vt non solum pacem turbarent, sed etiam odium illius satis acerbum in Lusitanos incenderent. Rex igitur urbem munire, milites euocare, vigilias disponere, omniaque moliri, quæ fieri à maritimis ciuitatibus solent, cum hostes in portu sunt. Hæc omnia vbi Capralis Homeris, qui regis Melindij frater erat, & tunc se Quiloæ tenebat, indicio cognouisset, noluit ibi tempus sine vllò fructu conterere, & Melindem versus cursum tenuit. Quod cum Rex Melindius intellexisset, fuit incredibili gaudio cumulatus. Confestim aut curauit, vt classis omni cōmeatu et fructibus, quos tellus illa suppeditabat, reficeretur. Capralis ducebat secum Melindij Regis legatum, muneribus ab Emmanuele ornatum, & dona præterea, quæ Emmanuelis nomine ad Regem deferenda curaret. Nostri igitur postridie iussu Capralis muna Regis Emmanuelis ferunt. Melindius, vt omnis populus tantum honorem sibi à potentissimo Rege habitum fuisset cerneret (sunt enim Reges illi in huiusmodi rebus nimis ambitiosi, nihilque honorificentius arbitrantur, quam à Regibus magnis aliquo munere decorari) equum ingentem ephippio & bullis aureis, & phaleris pulcherrimè factis, quæ inter alia dona ab Emmanuele missa fuerant, ornari continuo præcepit. in quo insidens ad mare contendit, vbi Capralis cum reliquis ducibus in scaphis eum expectabat. Ibi se mutuo complexi sunt, multisque verborum officijs inter eos certatum est, cum neuter alteri quidquam de humanitate

mitate concedere vellet. Quauis autem à Rege detineretur, noluit tamen Capralis ibi diutius immorari: duos tamen exules eo in loco reliquit, vt viderent, an pedibus iter in Aethiopiam, quæ supra Aegyptum est, vbi Christianum Imperatorem dominari Emmanuel acceperat, facere aliquo modo possent, & ritum, & mores, & instituta gentis exploratè cognoscere. Septimo Augusti die Melinde profectus, & secundum ventum nactus, pelagus transmisit, & vicesimo secundo die ad Anchediutam insulam naues apulit, vbi, vt nautas atque milites ex labore reficeret, aliquot diebus commoratus est. Indè Calecutium nauigauit, & tertio decimo tandè die classem in Calecutiensi portu constituit. Quod vbi Regi nunciatum est, duos ex Nairibus suis cum mercatore summa apud illum authoritatis ex ea regione, per quam Indus in mare influit (regio Cambaia, homines Guzarates appellantur) in classem misit, qui praefectum nomine illius salutarerent. Capralis remisit illos ad Regem cum Ioanne Sala, equestris ordinis viro, qui Vasci Gama, cum ille viam in Indiam fecit, comes extiterat. Misit praeterea cum illis Gasparem Gamam: hoc enim cognomen Iudaeus ille, qui Zabaio operam dabat, cum Christianus effectus est, vt Gama, quem patronum adoptarat, nomen sequeretur, assumpserat. Cum his autem, quatuor ex illis Nairibus, quos Gama in Lusitaniam abduxerat (reliquos enim obsidum loco retinere voluit) cultu et ornatu Lusitano vestitos ad Regem misit, quorum aspectu Rex mirum in modum latatus est. Nuncijs deinde vtrò citroque missis fuit à Rege constitutum, vt in aedibus quibusdam regijs, quæ erant in littore, Capralis illum conueniret, & quæ vellet, nomine Emmanuelis exponeret. Erant aedes ornatae & instructae magnificè. Rex stipatus vndique magna nobilitate

LIBER

tis multitudine, & Dynastis quamplurimis circumseptas, in
 eas ades se contulit. Tabicines antecedeabant cum tubis par-
 tim aureis, partim argenteis, singulari opere factis, qui ea-
 rum modulatione & concentu latitiam, qua Rex affectus
 erat, vt videbatur, demonstrabant. Venit Capralis cum ali-
 quot ducibus. vnum porro ducem Sancium Thoarem nomi-
 ne, vt interim praefecti munere fungeretur, in classe reli-
 quit. Vbi primum terram attigit, multi viri nobiles atque
 Dynastæ obuiam illi prodierunt. Is quidem lectica sublatus
 est, illi vero omnes pedibus in ades Regias eum prosequuti
 sunt. Domus erat aureis & sericis peripetasmatis ornata.
 Regis cultus miro gemmarum splendore collucebat. Post-
 quam Capralis Regem salutauit, fuit in argentea sella pro-
 pè illum collocatus. Tum Gaspare interprete accersito, qua-
 siuit de illo Rex ea, quæ solent amici in familiari congressu
 percontari: num benè valeret: num ex animi sententia na-
 uigasset: num Emmanuel frater suus eo tempore, quo clas-
 sis Olysippone soluerat, fuisset optima valetudine. Tum
 Emmanuelis literis per interpretem explicatis, agi de fœ-
 dere cœptum est. Rex admodum prolixè omnia de sua vo-
 luntate promittebat, plûsque dabat, quàm erat à Caprale
 postulatum. Omnibus Portugallensibus potestatem fecit li-
 berè in ciuitate negociandi: se enim curaturum, vt sine
 vllò periculo commodè rem gererent. Aedes præterea satis
 magnas nostris propè littus assignauit, in quibus habitare,
 & merces asseruare possent. Et quia Saracenus, cuius ades
 erant, continuò fraudes in nostros machinari cœpit, alias
 maiores, & littori viciniore Regi Emmanueli donauit, in
 quibus omnes, qui illius negotia procurarent, habitare la-
 xius, & negotia gerere commodius possent. Hanc verò do-
 nationem literis in aurea tabula incisis ad sempiternam

memo-

memoriam consignauit. Saraceno autem ditissimo, nomine Coiebiquio, qui erat studio Lusitani nominis incensus, & ob id fuit postea omnibus bonis euersus, cuius adederat, cumulate satisfecit. Sanxit praterea, vt in earum fastigio vexillum insignibus Regis Emmanuelis illustratum figeretur, vt esset omnibus testatum, eas ad Emmanuelem pertinere, scilicet, vt monimentum Regis sibi carissimi in ea ciuitate perpetuo conseruaretur, effecturum. Dum hac geruntur, fuit Regi nuncius allatus, soluisse Cochimo nauem ingentem onerariam, quae elephantum, ad bella gerenda praeferoce conuehebat, & in regnum Cambaiae nauigabat. Hac re comperta, misit ad Capralem, qui nomine illius peteret per amicitiam institutam, vt eam caperet. Esse namque hominum, in quos odio iustissimo erat incensus. Vt autem scire posset quo animo nostri nauem aggredierentur, aliquot Saracenos ex suis domesticis, vt praelium spectarent, immisit. Capralis vnam tantum paruam nauem ad eam rem gerendam expediuit, cuius Nauarchus appellabatur Petrus Ataideus. Huic autem tres comites adiunxit: vni nomen erat Odoardus Paciecus, alteri Vascus Sylueria, tertius fuit Ioannes Sala. Rex vbi vidit vnam tantum nauem, & eam non magnam, à reliqua classe, vt nauem maximam, magno militum praesidio, & telis, & tormentis, & multis praterea armis egregie munitam inuaderet, segregari, vehementer admiratus est. Itaque exitum rei animo suspensus expectabat. Nostri vix arma sumpserant, cum nauis hostium in conspectum se dedit. Nostri expansis subito velis in eam feruntur, non ita tamen, vt cominus eam oppugnare contenderent, nè telis hostium è superiori loco missis opprimerentur: sed mediocri intervallo disiecti, in eam pilas partim lapideas, partim ferreas iaciunt, & glandibus etiam plumbeis acerrime pugnant. Multos interimunt, multos conuulserunt, nauem

LIBER

multis in locis perforant, & nūc à dextera parte, nunc à la-
ua eos impetu facto perterrent. Hostes in principio nostros
contemnere visi sunt, et sublati clamoribus probra iacere,
arma corripere, tela vibrare, tormentis nostros impetere
cœperunt. Sed postquam se tantis damnis affectos animad-
uerterunt, omnem salutis spem in fuga collocârunt. Nostra
navis eam insequuta, Cananoris portum, qui abest Calecu-
tio Septentrione s versus passuū circiter quadraginta mil-
lin sub noctem subire compulit, vbi quatuor Arabum na-
ues in anchoris consistebant. Nostri vigilabant, nè de nocte
navis elaberetur. Vbi diluxit, in eam passis velis incurrunt,
tantaq; formidine perterrent, vt à nauibus, ad quas se re-
ceperant, diuulsa altum peteret. Sed Portugallensis navis
cū eā cursu longè superaret, ita se illi sēper infestis tor-
mentis opponebat, vt non quod vellent hostes, sed quod nostri
eam flectere proram cogerent, nauigaret, donec tandem
victam & superatam præ se agentes, in Calecutij portum
intrare compulerunt. Obstupuit Rex, & ab ijs, qui se iussu
illius prælij spectatores præbuerant, exquisiuit, quo pacto
res gesta fuerat. Respondent, nunquam se parem in homi-
nibus ullis industriam, neque fortiozem animum, neque
maiozem in periculis adeundis alacritatem perspexisse.
Rex misit ad Capralem, qui nomine illius ab eo contem-
deret, vt homines eos, qui se in eo prælio excellentius ges-
serant, ad illum venire præciperet. cupere namque ho-
mines videre, dignos, qui ab omnibus Regibus summis
ornamentis afficerentur. Satisfecit postulato Capralis. Rex
omnes laudibus & muneribus ornauit, in primis tamen
Paciecum, cuius, vt Arabes, qui interfuerant prælio, refe-
rebāt, clarior virtus extiterat. Sed quod magis hoc facto Lu-
sitanos efferebat, eò grauius eis periculum odio & inuidia

merca-

mercatorum Arabū intentū fuit. Nam cū eos extinctos propter religionis dissidium cuperent, tum nē apud Regem tantam gratiam inirent, vt ipsi excluderentur, anxie formidabant. Itaq; modis omnibus nostris erant impedimento, quò minus eum numerum piperis, & aromatum reliquorum, quem emere cupiebant, ab incolis acciperent. Ob id igitur omnes fraudes excogitabant, calumnijs animum Regis exulcerabant, & latrocinij crimen omnibus Lusitanis intendebant. Ad hæc multò maiora pretia aromatum dominis polliceri, omnia clām coemere, & compressa tenere, nē quidquam ad Lusitanos perueniret. Rex in eorum dolis conuiuere fidemq; datam fallere. Iam antea Caprali in perfidia suspicionem venerat, antequam domus esset nostris assignata, eò quòd obsides, quos habebat in naui, se in mare deiecerant, vt ad suos nando confugerent: è quibus aliqui capti sunt, alij euaserunt, neq; tamē Rex eos restituit, aut Caprali, vt debuerat, satisfecit. His rebus offensus Capralis ad Regem misit, qui de iniurijs sibi factis quereretur. Illum dedisse fidem, se curaturum, vt naues Portugallenses intra viginti dies onus acciperent: tres menses esse consumptos, nullamq; nauem oneratam esse, cū ante suos oculos Arabum naues onerari conspiceret: quod etiam contra percussū fœdus esset. In fœdere namq; cautum fuisse, nē vllis nationibus aliquod piperis aut zingiberis pondus vllò pretio tribueretur, antequam Portugallensibus nauibus iustum pondus esset impositum. Illum igitur orare, vt fidei suæ atque dignitati consulere. Iter enim intrare, neq; se posse diutius in eo portu consistere. Rex cū hoc accepisset, se ea iniuria grauiter cōmoueri simulauit: lixitq; se imprudente flagitia illa ab hominibus fraudulentis admissa fuisse. Et quando Saraceni tam scelerati &

LIBER

audaces extitissent, vt contra illius imperium naues onerarent, se facere potestatem Lusitanus Arabum naues, perluto mercatoribus aromatum pretio, exonerandi, vt citius indè naubus onustis soluere possent. Hoc audito Capralis veritus est, nè Regis indulgentia ad fraudem pertineret, vt videlicet Arabum animos irritaret, & aliqua turba commoueretur, qua nostri possent ab illis, qui erant multò plures, & potentiores, opprimi, & sceleris culpa vel in nostros, qui materiam turbulenti disidij dedissent, vel in Arabes, qui Regis iniussu se vindicare ausi fuissent, deriuari. Itaq; se continebat, neq; quid optimum factu esset, satis explicabat. Arius interim Correa, qui in adibus relictus erat, vt Emmanuelis Regis negotia procuraret, à Caprali summo opere contendebat, vt ea indulgentia Regis vteretur, & à Saracenis viribus eriperet, quod illi fraudibus auertebant. Aliter enim futurum, vt naues in Portugalliam inanes redirent, & nullo lucro tanta impèsa facta compensarentur. Cum Capralis hereret, & cunctaretur, Correa instabat, et obtestabatur eū, nè pateretur nomē suū nomine timidiūtis & inertia maculari, nèue Regem Emmanuelē eo cōmodo priuari, quod ostendebatur. Ad hæc testes, & à scribis testimonia publicis litteris consignata postulabat, vt esset testatum omnibus, non per se sterisse, quo minus Regis negotia cōmodè fierent, sed ducis ipsius culpa. Capralis igitur Correa querimonijs & obtestationibus impulsus, aliquid sibi gerendum arbitratus est, vt crimē, quod intēdi facile poterat, aliquo modo dilueret. Erat autē iam paululum extra portū nauis mercibus onusta, quæ anchoras soluere, & vela facere instituebat, cū Capralis per vnum ex suis domesticis Nauarcho atq; magistro denūciauit, nè indè abirent. Sibi namq; factā fuisse à Rege potestātē naues om-

nes,

nes, quæ in illo mari cōsistebant, retinēdi. Nauis autem dominus erat Saracenus quidam ditissimus, qui multum gratia & auctoritate Calecutij apud Regios poterat. Dux atque magister & reliqui omnes Capralis imperium irridēt. Capralis scaphas expedire & armari iubet, & nautas atq; milites confestim misit, qui nauē funibus alligatam in portum remulco traherēt: quod illi sine vlla mora conficiunt. Saracenus, cū id factum esse cognouisset, graui iracundia cōmotus, omnes suos propinquos atq; necessarios accersit: rem exponit: de nostrorum iniuria & iniquitate conqueritur: contumelia indignitatem verbis exaggerat. Pro se quisq; quantum potest illius animum, iam satis sua spē incensum, verbis inflammat, moriq; satius esse dicit, quàm tam insignem contumeliam pati. Itaq; omnes continuo ad Regem adeunt, facinus esse indignum clamitant, tantum animum Christianos homines assumpsisse, vt in Calecutij regno homines in ipsius Regis patrocínio latentes inuaderent, & quasi iam regnum possiderent, ita cogere imperijs, minitari liberis, vinctas naues abducere, & in ipsius Regis oculis, vim hominibus, qui illius imperio continebantur, inferre. Eam verò iniuriam non tam ad illos, quàm ad ipsius Regis contumeliam pertinere. Quam si non statim vindicaret, fore, vt maiora facinora molirentur, & in ipsum arma conuerterent. Clementia illius factum esse dicunt, quòd homines externi, & à moribus Indicis abhorrentes, omniumq; præsidio destituti, Regem præpotentem despicere, tantumq; sibi in ipsius Regis imperio, atque tam insolenter arrogarent. Rex ita respondit, vt facile intelligerent, eum non grauius esse laturum, si quidquam sceleris fuisset ab illis in nostrorū perniciem cōparatum. Oēs igitur cōfertim in ades, vbi nostri nihil hostile suspicātes insu regis

LIBER

su regis habitabant, irruunt, Nairesque multos sibi socios adiungunt. Correa sublato signo discrimen, in quo versabatur, classi denunciat. Erant autem Lusitani, qui cum illo erant, ad septuaginta. Saracenorum verò cum Nairibus ad quatuor millia conuenere. Capralis quartana laborabat. Itaque, praecepit Sancio Tobari, ut cum omnibus scaphis in littus properaret, ut subsidio nostris occurreret, & fugientes exciperet. At Saraceni cadere ianuam securibus, conuellere parietes trabibus, tela conijcere, & summa contentione pugnare, ut prius quam auxilium venire posset, omnes interficerent. At nostri acri animo restiterunt, & quia videbant sibi moriendum esse, nè inulti caderent, fortissimè dimicabant. Paries interim ex vna parte machinis ad motis disiectus fuit. Hostes ferociter irruunt, Lusitanosque cadunt. At qui ex illis euadere potuerunt, globo facto ad mare se conferunt, ubi iam multi ex Lusitanis, qui subsidio veniebant, impetum in hostes fecerunt, ut illis parumper repressis, suos in scaphas recipere facilius possent. Ceciderunt ex nostris ad quinquaginta, in quibus Arius Correa fuit. Viginti tantum euasere, saucij tamen, eorumque bona pars ex eisdem vulneribus interijt. Henricus monachorum praefectus aliquot vulnera accepit. Arius Correa duxerat secum in Indiam filium, nomine Antonium Corream, annos natum decem: quem eques quidam, cui nomen erat Nonius Leitanius, in hoc tanto discrimine summa contentione protexit, & incolumem ad littus usque perduxit. Hic cum hesitaret, neque posset puerum in scapham perferre, nauta quidam pueri orbitatem miseratus, accurrit, illumque cum magno vitæ periculo humeris sublatum in scapham imposuit. Fuit hic Antonius postea vir admodum strenuus, multasque res memorabiles in bellis effecit. Fuit hoc tantum

tantum scelus à gente perditissima cōflatum. xvij. die Decembris, anno à CHRISTO nato M.D. Capralis tulit admodum dolenter hunc casum, & febris multò vehementius affligi cœpit, & Corree mortem lacrymis prosequutus est: non tamen quidquam hostile moliri voluit, expectans, an Rex se aliqua tolerabili excusatione defenderet, & in auctores sceleris animadverteret. Cùm autem ex Regis silentio & taciturnitate intelligeret, illum tam scelesti facinoris esse non modò conscium, sed etiam fautorem, postridie ex Ducum consilio, decem Arabum magnas naues, quæ erant in portu, aggressus est. Fuit vtrinque summa virium contentione dimicatum. Lusitani tamen magno impetu in naues irrumpunt, multorumq; nece suorum mortem vlciscuntur, & supra sexcentos ferro concidunt: deinde naues exonerant, & paucos, qui se metu occultauerant, capiunt, & per omnes naues distribuunt, vt ministrorum nauticis in rebus penuriam supplerent. Tres elephanti fuerunt inuenti, quibus occisis & salitis, nostri (erat enim magna cōmeatus inopia) vescerentur. Postremò sub noctem naues omnes incensæ sunt, inter quas fuit navis Arabis illius, qui tantam discordiam concitarat. Appellabatur autem Cogecemus Micidius. Exterruit hoc incendium omnes, tam ciues, quàm peregrinos, qui Calecutij morabantur. Conueniunt vndiq; clamores ingentes tollunt: nauium iacturam plangoribus atque lamento prosequuntur: manus in calum tendunt, & diras imprecantur: nemo tamen ad resistendum se comparat. Incensis in Regis conspectu nauibus, cùm primùm diluxit, naues ordine constitutæ sunt, vt orbem tormentis, quàm acerrimè ferri posset, concuterent. Multas ades disturbârunt: multos mortales occiderunt: magnamq; multis in locis stragem ediderunt. Rex ipse, cum

L I B E R

cū ad illius pedes vnus ex suis familiaribus ictu ingētis pilæ dilaceratus concidisset, metu perterritus, omnem salutis spem in præcipiti fuga collocauit. His rebus gestis, Capralis Cochimum versus nauigare instituit. Acceperat enim, Cochimi Regem amicitiam Lusitanorum expetere. Abest autem vrbs hæc Calecutio Austrum versus circiter passuum septuaginta millia. Vndiquè verò flexibus fluuij, qui non longè ab illa in mare influit, alluitur. Portum habet optimum, & stationem nauium tutissimam. Solum est macrum et sterile, arborum tamen viriditate ad aspectum iucundum. Abundat pipere. Regis opes erant tenues, & Calecutij Regi tributa pendebat. Mores gentis sunt Calecutiensium moribus & institutis vitæ persimiles. Capralis Cochimi portum ingressus, ad Regem misit Indum Michaellem nomine, qui de suo in regnum illius aduentu eum certiore faceret, & simul peteret, vt piper, & aliquot aromatum pondus iusto pretio venderet, vt posset aliquot naues onerare. Fuerat hic Michael vir abstinentia mirabili, addictus religioni, quam sequuntur illi, qui logues ab Indis appellantur. Præ se ferunt hi singularem rerum humanarum contemptionem. Nullas opes possident: emendicatis cibis victitant: per omnia fora cursant, vt suæ sectæ disciplinam omnium auribus inculcent. Maxima eorum pars præstigijs illudit hominibus im- peritus, eorumque dementia ad suum quæstum abutitur. At Michael cū simplici animo in religionis fallacissimæ rationem fuisset ingressus, eam fraudibus illius compertis improbauit, auresque dedit hominibus Lusitanis, qui religionem reliquis purius obseruabant, eorumque cohortationibus inductus, CHRISTI religionem suscepit. Is cū Cochimi Regē Capralis nomine salutaret, ad eumque illius postula-

postulata deferret, responsum humanitatis & officij plenissimum tulit. Regem dixit non modò de illius aduentu plurimum gaudere, sed omnia illi admodum munificè atque largè polliceri. Itaq; fœdere facili negotio constituto, Capralis misit in ciuitatem, qui Regi aliquot argentea vasa deferret, & aromata, quæ possent in ea reperiri, vsitato pretio compararent. Rex Lusitanos ad id negotiũ missos in domo satis ampla, & non vsquequaque immunita collocari præcepit, eisq; Naires, qui eos armis, vbi opus esset, tuerentur, assignauit. Dum omnia summa Regis fide, quæ in rem erant, ad Capralis voluntatem administrantur, veniunt legati à Rege Cananoris, & Rege Coulami, quorum vterq; regis sui nomine & stabilem amicitiam, & fidele commercium nostris hominibus ostendebat: & ad onerandas in suo regno naues eos inuitabat. Viriq; Capralis, vt par erat, gratias egit. Se verò, quò minus eorum beneficijs vteretur, humanitate Principis illius, apud quem iam negotium gerebat, impediri. Ita tamen se obligatum profiteri, atq; si beneficium illud, quod offerebant, accepisset. Quòd si ei aliquid ex eo pondere, quod emere statuebat, defuisset, tunc se eorum voluntatem minimè aspernaturum. Dum naues summo labore et industria onerantur, aduenere duo fratres Christiani, ex illis, qui Thoma disciplinis imbuti, summa p tot annos cōstantia CHRISTI religionē eadē ppetuò fide colunt: & à Caprali postulârūt, vt vellet eos secū in Portugalliā ducere, vt indè Romā atq; Ierosolimam petere possent: vt ea loca inuiserēt, vbi CHRISTVS, discipuliq; illius insitisset. Quod Capralis eis summa voluntate cōcessit. Erant autē è ciuitate, quam Cranganorē appellant, quæ Cochimo viginti passuū millibus aberat. Cū verò onus fuisset nauibus impositū, fuit Rex factus certior, Calecutij Regem

I. I B E R

gem classem viginti magnarum nauium, & nauigiorum
præterea minorum magnum numerum comparasse, quod
suorum eadem vindicaret. Exercitum verò, qui classe ve-
hebatur, esse quindecim hominum millia. Id Cochimi Rex
Caprali per suos domesticos confestim nunciauit. Capra-
lis ubi id accepit, omnes ad præliū parari iubet. Sibi namq;
in animo esse, cum Calecutiensi classe dimicare. Antennis
igitur sublati, in eos inuehitur. Ventis tamen expulsus, nō
potuit ad illos accedere. Illi verò cū cernerent, quā
præsentī animo nostri in eos inuadere conarentur, & simul
tormentorū vim et impetum formidarent, quanuis secū-
dus ventus eorum naues in nostras impelleret, neq; eas pe-
tere, nec vllō pacto prælium mire voluerunt. Capralis igitur
sine vllius impedimento in Portugalliam iter facere in-
stituit. Cochimi autem reliquit duos Lusitanos honesto lo-
co natos, vnum nomine Gundissaluum Barbosam, alie-
rum verò Laurentium Morenum, cum certo Lusitanorum
numero, qui negotia Regis Emmanuelis administrarent.
Cū autem Cananoris oram legeret, fuit à Rege inuita-
tus, vt ibi, quod deerat ad iustum pondus, acciperet. Capra-
lis inuitatis liberalitatē minimè repudiavit. portumq; vr-
bis illius subiuit anno à CHRISTO nato. M.D.I. Erat
vrbs ingens, multisq; habitatoribus frequentari solita. Ma-
gnus sinus in urbem influens, portum optimum efficit. Re-
gio est omnibus rebus, quæ ad victum pertinent, abundans.
Rex erat opulentus, & immunis, & à moribus & institutis
aliorum Regum, qui Malabaribus imperant, minimè ab-
horrens. Hic emit Capralis certum pondus zingiberis atq;
cinnamomi. Rex ubi vidit illum non tantum onus, quan-
tum illi offerebatur, accipere, arbitratus est, id pecunie ino-
pia fieri. Misit igitur ad illum qui diceret, se compertum
habe-

habere, illum Calecutij pecunia et bonis omnibus fuisse spoliatum. Proinde sibi fore gratissimum, si vellet uti suis pecunijs, perinde atque si Regis Emmanuelis essent. Egit illi gratias Capralis, & ostendit ei nuncijs magnum numerum aureorū numorum, ut posset Rex intelligere, se non rei numaria difficultate impeditum, sed quod naues essent iam satis onerata, emere plura noluisse. Rex ut cum Emmanuele pacem firmaret, legatum cum Caprale in Portugalliam misit. Indè profecti sunt. xvj. die Ianuarij. Cum verò Capralis non longè à Melindèsi portu abesset, nauem satis magnam mercibus onustam cepit. Quam cum intellexisset esse Saraceni cuiusdam viri valde potentis, nomine Milicudij, qui in Cambaia regno domicilium habebat, & oppidum nomine Barochium possidebat, eam liberam dimisit: præfectoq; dixit, Regi Emmanueli nullum bellum in India nisi cum Calecutij Rege, & cum Arabibus illis, qui erant à Meca, futurum, à quibus grauißimas iniurias acceperat. Tunc sua tempestas excitata classē iactauit, et nauem, cui præerat Sancius Thoarius, in vadis allisit. Nauem fractam Capralis, cum primū fieri potuit, incendere iussit, nè quāquam ad hostium manus perueniret. Mombaza tamē Rex ostēta multis vrinatoribus, multisq; machinis vsus, tormenta ex aquis extraxit. Indè Capralis cum Melindem petere ventis exclusus, minimè posset, Mozambiquem versus cursum tenuit: ubi resectis nauibus, Sancium Thoarium in alia nauī misit, qui situm Zofala diligenter exploraret, utque indè se in patriam conferret. Ipse verò aquatione facta, sine vlla cunctatione domum redire constituit, varijsq; tempestatibus vsus, Olyssipponem tandem peruenit pridie kalendas Augusti. Cuius aduentu Rex variè affectus est. Exorū namq; qui euaserāt, incolumitate voluptatem ma-

LIBER

gnam cepit: eorum verò casum, qui partim fluctibus obruti, partim insidijs oppressi perierant, admodum dolenter tulit. Miserat autem eodem anno Rex Emmanuel in Indiam aliam classem perexiguam, cui praeerat vir acer, nomine Ioannes Nouius. Erant autem tres naues tantum. Cum enim consideret, in ea classe, cum qua Capralis anno proximo missus fuerat, satis praesidijs fore vel ad pacem cum Calecatij Rege constituendam, vel ad spiritus regis insolentis & elati comprimendos: tunc illud irium nauium supplementum sufficere arbitratus est. Sed cum è Caprali cognouisset insidias, quibus circumuentus fuerat, vidit tantum scelus maioribus opibus vindicandum. Itaque anno sequente, qui fuit à CHRISTO nato, M. D. II. misit rursus Vascum Gamam in Indiam cum classe decem nauium. Omnes praeter nauem pratoriam, in qua Gama vehebatur, fuere hominibus fortibus attributa, qui illis praessent. Aliam praeterea classem instrui precepit, cui vir egregie fortis, Vincentius Soderius nomine praeerat. Fuit autem hoc illi munus assignatum, vt teneret Indicum mare, acerrimumque bellum Saracenis, qui in Indiam nauigabant, inferret. Haec quindecim naues instructa rebus omnibus è Bethlehemitico portu soluerunt quarto Id. Februarij. Neque ijs classibus contentus Emmanuel, aliam classem quinque Nauium comparari iussit, cui Stephanum Gamam, Vasce Gamae fratrem patruelem, praefecit, qui kalendis Aprilis eiusdem anni Olyssipponem profectus, eundem cursum tenuit. Animus enim Regis acer, & maximarum rerum cupidus, & quod caput est, ad spem, quam in diuino numine collocauerat, excitatus, nihil magis ad officium suum pertinere arbitrabatur, quam vt regionem illam armis expugnaret, Christianiq; nominis hostes opprimeret, & orientis Solis plagas

CHRIST-

CHRISTI nomine compleret. Eodem anno Olyssipone
 peperit Regina Maria primum filium, in cuius ortu tam
 saua tempestas excitata fuit, quantam nunquam homines
 lumina senectute praeclui in vita meminerant. Celum enim
 tenebris densissimis obductum tam crebro tonabat, atque
 fulgurabat, ut eos etiam, qui fortes existimabantur, in-
 genti formidine perterreret. Ad haec, multa loca de calo
 acta fuere: excitati turbines arbores euellerunt: imbres
 effusi non vias tantum, sed ades etiam quamplurimas aquis
 impleuerunt. Reddita vero tranquillitate, non solum Em-
 manuel, sed omnis ciuitas ex Principis ortu summo gaudio
 cumulata fuit. Octauo die fuit infans sacro fonte ablutus,
 & Ioannis nomen obtinuit. Inter reliquos autem, quos
 Emmanuel diuina cognationis filio affines esse voluit, fuit
 Petrus Pascalius Venetus legatus, qui fuerat ad eum mis-
 sus, ut ei Reipublicae nomine summas gratias ageret pro clas-
 se, quam in auxilium illius, ut dictum est, miserat: & osten-
 deret, S. P. Q. Venetum fore semper ei hoc tam singulari
 beneficio deuinctum. Hunc legatum Rex manu propria e-
 nestræ dignitatis insignibus ornauit, multisque muneribus
 affecit. Quibus beneficijs allectus, multa de singula-
 ri illius virtute, cum esset Venetis, commemorauit, & ef-
 fecit, ut instituta cum Venetis amicitia, sanctiore quodam
 cedere firmaretur. Hoc autem die, quo Princeps Ioannes
quis salutaribus expiatus est, ades regia subito incendio
 inflammari coeperunt. Sed fuit multorum hominum ope-
 ra continuo restinctum. Eodem anno aliam classem Rex
 Emmanuel comparauit, quæ Gaditanum fretum perua-
 retur, ut Maurorum ferociam comprimeret. Sed nihil,
 quod dignum sit memoria, per illam gestum fuisse constat.
 IOANNES interim Nouius secundis ventis vsus, postquam

I. I. B. E. R

regionem æquinoctiali circulo subiectam transmisit, in insulam nostris incognitam delatus est, cui Conceptionis nomen indidit. Inde Mozambiquem petijt. Sed antequam eò perueniret, naues ad terram aquandi gratia conuertit, ad eum locum, quem Sancti Blasij aquationem nominant. Ibi calceum vetustum è frondibus cuiusdam arboris alligatum cernit. Non temerè visum est. Itaq; calceum solui, & ad se deferri iubet. Erant in illo literæ Petri Ataidai manu scriptæ, quibus admonebat omnes duces Lusitanos, qui eò deflecerent, vt Calecutij portum vitarent. Regem esse sceleratum & immanem, in nostrosq; pestem primò insidijs, deindè summis viribus fuisse machinatum. Cum verò Qui-loam perueniret, offendit vnum ex illis exulibus, qui varijs in locis relictæ fuerant. Is Capralis literas in eandem sententiam scriptas Nouio dedit. Ad Melindem verò cum naues appelleret, fuit à Rege de omnibus fraudibus & insidijs, quas Rex Calecutij Caprali fecerat, admonitus. Inde in Anchediuam se aquandi gratia contulit: & inde Cananorem versus iter instituit. Rex ita illum excepit, vt nullum officium hominis amantiissimi præteriret. Ibi Lusitanus nomine Gundissaluus Peixotus, qui eo tempore, quo Arius Correa fuit interfectus, opera Coiebequij occultatus fuerat, nè in eandem calamitatem incideret, venit Calecutio ad Nouium, Regis Calecutiësis iussu, qui diceret, illum tumultum, in quo Arius Correa ceciderat, fuisse, Rege imprudente, multitudinis furore & amentia concitatum: animūq; illius nunquam fuisse à studio Regis Emmanuelis alienum: eiq; gratissimum fore, si Nouius vellet Calecutium petere. Futuru nāq; vt omnia, quæ vellet, ab illo facillimè impetraret, & onus acciperet, ex quo posset maximū lucrum ad regias opes accedere. Hæc vbi Regis nomine dixit,

xit, tum Coiebequij monita diligenter exposuit. Admonebat enim, nè regi omnium scelestissimo fidem adiungeret. Illum namq; eo neruos omnes intendere, vt per amicitia simulationem omnes Lusitanos, quos posset, crudelissimè necaret. Eum verò, qui fidem haberet ei, qui nunquam fidem coluisset, meritis stultitiæ pœnas daturum. Nouius nullum responsum dare, neque Peixotus Calecutium redire voluit. Nouius cùm Cochimum versus cursum teneret, in Calecutiensem nauem incidit: quam armis expugnata, & spoliata incendere iussit, & ad Cochimèsem portum tandem peruenit. Cuius conspectu nostri tanta lætitiâ affecti sunt, vt existimarent, se tunc è mortis ipsius faucibus ereptos. Quauis enim Rex eos humanissimè tractaret, & certis Nairibus tuendos committeret, perfidiam tamen Arabum eorum, qui satis frequentes eam urbem incolebāt, valdè formidabant. Omnia Regis officia in Nouium consistere, quæ ab homine singulari probitate atque fide prædito postulari, & expectari potuissent. Itaque Nouius negotijs ex animi sententiâ gestis, & maximâ ex parte nauibus oneratis, Cananorem rursus se contulit, vt aromatum aliorum onus acciperet: quod ei fuit largè atque munificè concessum. Cùm vellet indè discedere, fuit à Cananoris Rege certior factus, Regem Calecutij octoginta parones instruxisse, qui portus aditum obsiderent, vt illum interclusum armis opprimerent. Proindè illum Rex admonebat, vt ad terram propius accederet, vt ille posset ei cum suis auxilium asferre. Nec enim fieri posse, vt is cum quatuor tantùm nauibus tantam hostium classẽ sustineret. Agit gratias, quas debet Nouius, Regemq; monet, vt de nostrorum salute minimè sollicitus sit. Se namq; omnem victoriæ spem in summo DEO repositam habere, cuius præsidio se cum mul-

L I T E R

to maiore classe facillimè congressurum. Postero die conspiciatus est Nouus portus aditum ab hostibus teneri. Nauium numerus erat supra centum. Nouius ita naues instruxit, vt possent tormentis omnibus vii. Deindè duces singulos admonuit, omnem salutis spem in eo positam esse, vt non cogerentur vlllo modo cominus cum tanta multitudine pugnare. Proindè eo ordine curarent tormenta disponi, vt continenter pilæ in hostes iacerentur. Si enim vlla fieret intermissio, magnum periculum vitari non posse. Illi summa vigilantia, quod fuerat imperatum, conficiunt. Fuit hac ratione vsq; ad occasum Solis magna nostrorum alacritate & contentione dimicatum. Fuere ex hostibus, vt postea compertum fuit, quadringenti atq; septem & decem homines occisi, & complures plumbeis glandibus vulnerati, aliquot naues depresso: cum interim Lusitani nullum incommodum accepissent. Hostes vexillum in pacis signum sustulerunt. Nouius fraudem aliquam ab illis compari suspicatus, belli signum contrà sustulit, & prælium redintegrare præcepit. Illi nihilominus in eadem pacis significatione perseuerant. Tum Nouius pacis etiam signum tolli iussit. Illi verò per Arabem ad eam rem missum illius noctis inducias petunt: posse namq; pacem postero die sub aliqua iusta conditione, qua esset, in rem vtriusq; partis constitui. Respondet Nouius, eas inducias se minimè daturum, nisi prius illi ab aditu portus secederent, eiq; liberum mare permitterent. Faceffunt illi continuo, quod Nouius postularat. Nouius è sinu cum nauibus egressus est, & vtraq; classem non longè à portus introitu in anchoris constitit, ita tamen, vt non magnum inter viranq; spatium interesset. Illi tamen contra fidem homines submittebant, qui nando ad naues accederent, anchora liaque præciderent: lintres deinde cum

dè cum facibus instruebant, vt succisis funibus, faces cōtinuò iacerentur. Quod scelus, nisi fuisset à nostris summo studio vigilatum, exitum habere potuisset. Itaque nostri sistulis ferreis, aneisquē tormentis eos, quos accedere sentiebant, facillimè propellebant. Ad hunc modum integra nox fuit in laboribus huius continuatione consumpta. Hostes verò cū cernerēt, nec apertam vim, nec occultas insidias illis, vt sperārant, processisse, anchoris solutis, idoneumquē ventum nacti, se Calecutium recepēre. Nostritanto periculo liberati, gratias summas DEO egerunt, & sine vlla mora in Portugalliam velis plenīs iter facere instituerunt. Nouius cū non multū in nauigando progressus, vnā nauem Calecutiensem conspiceret, in eam confestim incurrit, & captā spoliauit, & coniectis facibus incendit. Deindè admodum commodè nauigando, Bonæ spei promontoriū flexit, & indè in paruā quandā insulam cursu delatus est, cui Sancta Helena nomen imposuit. Est autem insula ita in medio mari sita, vt diuino consilio constituta videatur, vt Lusitanos homines ex India redeuntes, iactatione, multarumquē rerum penuria, quod fieri in tam largā nauigatione opus est, afflictos reficeret. Fluiuos namquē habet gelidos atque perennes, & syluas atque nemora densissima, celumquē saluberrimum. Postea verò, quā hominis cuiusdā, cuius proprio loco mentionem faciemus, cultus accessit, multis porcorum & pecudum gregibus, varijsquē fructibus & oleribus abundauit. Itaque nostri in ea aquationem & lignationem commodissimè faciunt, & piscatione, & venatione, & aucupio non oblectantur solum, sed naues commeatu reficiunt. Ex ea insula Nouius eadem felicitate nauigandi vsus, Olyssipponem peruenit xj. die mensis Septembris, anno à

LIBER

CHRISTO nato. M.D.II. neque solum Regi, sed vniuersæ ciuitatē tam felici aduentu summam iucunditatem attulit. Hoc anno Emmanuel Compostellam profectus est, vt ad D. Iacobi sepulchrū nūcupata vota p̄solueret. Conimbricā cūm puenisset, & sepulchrū Alfonsi Regis sanctissimi et inuidissimi, cuius virtute Mauri fuerūt ē Lusitania finibus expulsi, parum magnificē extructum cerneret, id demoliri, & aliud satis amplam et magnificum adificare iussit. Similiter in Portugallensi ciuitate sepulchrum martyris Pambaleōis, viri summa sanctitate præditi, magnis sumptibus extrui iubet, vt fuerat testamento Regis Ioannis institutum. Porro autem quacunque iter faciebat, pupillis & viduis benignē consulebat, templa donis & muneribus cumulabat, scelera potentium hominum, quæ fuerant ad illum diem impunita, acerrimo supplicio vindicabat. Compostellæ mansit triduo sepulchrūq; Diui Iacobi singulari significatione religionis inuisit, templūq; donis auxit, & lychnum argenteum singulari opere perfectum, qui perpetuū in eo luceret, appendi præcepit. Hospites apud quos diueriebat, multis muneribus affecit: ita deniq; iter illud habuit, vt vbiq; pedem poneret, et pietatis, & liberalitatis, et regie munificentie vestigia impressa relinqueret. Reuersus Olyssipponem, incredibilem letitiam cunctis attulit, qui illius desiderium minimē ferendum existimabāt. Principio insequentis anni rursus eadem consilia de trāsmissione in Africam, vt bellum per se Mauris inferret, suscepit. Itaq; milites conscribi, classem comparari, rei frumentariae prouideri iussit. Sed hunc illius conatum agrorum vastitas impediuit. Primo enim vere imbres immodici, & tempestates assidua segetes corruerunt. Primò igitur caritas annonæ, deindē fames, non modò homines tennes & egentes, sed

sed etiam diuites afflixit. Multi herbarum radices euellabant, & res alias, quas nunquam gustari posse cogitarent, sibi comparabant, vt illis sustentarentur. Indè propter ciborum noxiam vim, & corrupti & infecti aeris intemperiem, grauissimi morbi consequuti sunt. Quod cum cerneret Emmanuel, omnem bellicæ rei apparatus necessitate compulsus omisit, & totam industriam in re frumentaria comparanda ponendam arbitratus est. Ex Gallia igitur & à Britannia magnam vim frumeti importandam curauit, qua Regni inopiam subleuaret. Hoc anno sex naues in Indiam misit, tribus quædam Alfonsum Albuquerqueium, alijs verò tribus Franciscum Albuquerqueium illius fratrem patruelem præfecit. Aliam deinde classem Gundiffaluo Coelio commisit, qua regionem à Caprale exploratam, quam Brasiliam vocant, perlustraret. Sed nauigandi in regionem parum cognitam imperitia factum est, vt Coelius ex sex nauibus, quatuor vadis allisas amiserit, atque duas tantum plenas illis rubris lignis, quæ tellus passim fert, & psittacis, atque simijs in patriam reducerit. Hoc eodem anno alias duas naues misit Emmanuel in regiones sub Septentrionibus sitas, vt tentarent, possentne quidquam de casu, quo duo fratres, viri nobiles & impigri, aut mortui, aut capti fuerant, explorari. Res enim sic acciderat. Gaspar Corteregalis cum esset egregie fortis, & gloriæ cupiditate vehementer incensus, ad sui nominis memoriam posteris aliquo facto memorabili prodendam pertinere arbitratus est, aliquas terras incognitas peruestigare. Et quia videbat, omnia ferme littora, quæ ad Austrum spectabant, esse iam nostrorum nauigationibus exploratè cognita, animum ad ea perlustrantia, quæ ad Septentriones pertinebant, applicuit. Itaque suis sumptibus nauem instruxit, & commeatu, & armis, &

I. I B E R

& nautis, & militibus egregiè munitam. Anno autem M. D. Clyssipone profectus, cursum in Septentrionalem plagam direxit. Ad terramque tandem peruenit, quam propter singularem amœnitatem, viridem appellauit. Homines, vt ipse postea referebat, sunt barbari & inculti, colore candido: qui tamen color atate propter magnitudinem frigoris infuscatur. Valent plurimum celebritate, sunt iaculandi peritissimi: iaculis vtuntur in summo perustis, quibus comedus hostes ita traiciunt, atque si ferro armata fuissent. Pellibus animantium vestiuntur, antra colunt, aut humiles casas stramentis tectas excitant, in quibus habitent. Nulla religione astricti sunt: auguria tamen sequuntur. Vxores legitimo sibi matrimonio copulant. De fide & pudicitia vxorum valdè solliciti sunt, cum sint natura suspiciosi. Corteregalis in Portugalliam reuersus, cum ad spem multò plura cognoscendi raperetur, rursus anno M. D. I. se in eandem regionem contulit, vt latius littora illius omnia peruageretur, & gentis mores & instituta perdisceret. Sed quid illi acciderit, aut quo fato absumptus fuerit, nunquam sciri potuit. At frater illius Michael Corteregalis, qui magnum apud Regem locum tenebat, amore fraterno ductus, vt fratrem inquireret, anno M. D. II. duas naues instruxit, quibus in easdem oras nauigaret. Sed nec is vltra comparuit. Emmanuel autem cum homines nobiles, quos plurimi ob egregiam vtriusque indolem faciebat, ita absumptos animaduertisset, id agere admodum tulit: & quod erat boni Principis officium, nihil omittendum ratus est, ex quo posset intelligi, quo genere mortis obisset, vel quibus custodijs arcerentur. Sed cum naues omnia illa maria peragraret, nihil de illorū exitu cognoscere potuerūt. Itaq; & illi fratres periēre, & tellus si-

mul

mul nomen amisit, & pro tellure viridi, tellus Corteregalium appellari coepit. Cum verò alius eorum frater natus maior, nomine Vascus Ioannes Corteregalis, Regiae praefectus, aliqua tenui spe de fratrum vita teneretur, eandem nauigationem suscipere instituit: sed fuit à Rege prohibitus, nè sine villo fructu se in eundem casum demitteret. Hoc anno postquam Albuquerque in Indiam iter nauibus sibi, vt dictum est, attributis susceperunt, Emmanuel concilium regni totius indixit, vt populorum fidem sacramento Ioanni suo legitimo heredi, vt fieri in Hispania solet, obligaret. Quod summa omnium voluntate factum est. Fuerunt praeterea in hoc concilio multa populis salutaria, quae concilium flagitauerat, instituta. Fuit praeterea à populis Rex adiutus certo pecunia numero in sumptus, quos in Africano bello faciebat. Gama verò postquam promontorium Bonae spei flexit, classem diuisit. Vincentio Soderio vndecim naues attribuit, vt Mozambiquem contenderet, ibique illum praestolaretur: quatuor autem sibi reseruauit, vt cum illis Zofalam peteret, regionis quae situm & naturam cognosceret. Ibi fuit à gentis illius Principe liberaliter acceptus, & amicitia inter vtrumque constituta. Cum tamen è sinu egrederetur, nauem vnā ad vada allisam in ipsius aestuarij faucibus amisit. Homines verò, & omnia, quae erant in illa, fuere in alias naues imposita. Inde Mozambiquem profectus, cum vrbs Principe atque rectorē collocutus est. Iam enim ille, qui nostris necem comparabat, abscesserat, & alter in locum illius fuerat substitutus, à quo Gama fuit perbenignè acceptus. Dederat autem Gama Soderio curam, vt interim dum ille Zofalam diuertebat, nauē in portu Mozambiquensi edificaret, ex his, quas Portugallenses Carauellas appellat, ad quam efficiendam fuerat

LIBER

fuerat è Lusitania in ea classe materia comportata. Quorum forma hac est. Carchesium carent: antennis non habent transversas ad pares angulos, sed oblique paulum infra summum malis alligatas. Vela sunt in speciem trianguli facta, cuius basis non multum ab infimis armamentis eminet. Antennae sunt in infima parte, qua secundum latera navis obversantur, instar mali, crassiores: inde paulatim attenuantur ad summum. Hoc autem navium genere Portugallenses propter nimiam celeritatem in rebus bellicis utuntur. Antennarum namque partem infimam facillime vel ad proram, vel ad puppim versant, vel in medio latere navis alligant: & nunc à dextera ad laevam, modò à laeva ad dexteram celerrime detorquent: & vela, quae quidem sunt ex imis angulis, qui sunt antennis oppositi, colligata, facillime vel laxant, vel contrahunt, prout navigationi expediri vident: & quocumque ventus se dat, eo velorum sinus sine ulla mora conficiunt, omnesque ventos excipiunt, ita, ut saepe numero à lateribus impulsa rectum cursum commodissime teneant, eodemque vento, mutata subito velificatione, in contrarias partes incredibili celeritate deferantur. Ad hanc igitur formam curavit Gama, ut navis edificaretur, quae per oram illam discurreret, & quanta maxima posset, incommoda hostibus Christiani nominis importaret. Cum hac etiam naue suis adiuncta Quiloam contendit. Eò cum pervenisset, Stephanus Gama cum illis quinque navibus, quibus praerat, ad portum similiter accessit. Erat ad hanc rationem classis decem & novem navium. Nam navis una, cuius praefectus erat Antonius Campensis, ventis adversis in longinquas partes iactata, minime comparebat. Rex maxima formidine perterritus, ad Gamam supplex accedit. Gama illum vinculis propter iniurias nostris illatas

alli-

alligauit. Is cum veniam flagitaret, eo fœdere emissus fuit, vt certum pondus auri, tributî nomine, Regi Emmanueli quotannis penderet. Huius autem fœderis obsidem dedit Mahumetem Anconium, virum singulari auctoritate præditum, & qui post Habrahemum Regem, secundum dignitatis gradum in locis illis obtinebat. At Habrahemus cum se liberatum cerneret, aurum, quod erat pactus, minimè dissoluit: vt simul aurum retineret, & Mahumeti nec om hac fraude moliretur. Putabat enim fore, vt Gama perfidia illius offensus, Mahumetem interficeret. illum namque pessimè oderat, quauis odium animo conceptum amicitia simulatione tegeret. Erat enim Habrahemus homo maleficus & iniustus, & Regem, qui ante illum fuerat, per insidias occiderat, vt ipse regnare posset: & omnes homines, in quibus acris animi vim, & industriam cernebat, suspectos & inuisos habebat: à Mahumete verò præcipuè sibi malum formidabat. At Mahumetes cum Habrahemi perfidiam sentiret, Gama fraudem, quam sibi ab homine profligatissimo fieri suspicabatur, aperuit, & de suo aurum persoluit. Quo factò Gama illum missum continuo fecit. Inde Melindem ire contendit. Eò tamen propter astus maximis ventis incitati vehementiam, naues conuertere non potuit. In sinum verò, qui Melinde circiter triginta millia passuum aberat, delatus est. Eò misit Rex ad illum quendam ex exulibus, nomine Lodouicum Mouram, quem Capralis reliquerat, vt eum saluaret, & quæreretur, an opera sua aut opibus indigeret. Indè Gama, postquam aquationis & rei cibariae prouidit, in Indiam transmisit. Cum verò non longè esset à continenti, ingentem nauem, rebus omnibus ad dimicandum instructissimam, conspiciatus est. Erat autem nauis illa Sultani Aegyptiorum Imperatoris,

& Ca-

LIBER

& Calecutio Zingibere, pipere, cinnamomo, & alijs ingentis pretij mercibus onerata veniebat, & Mexam cursu petebat, vt ibi multos, qui religionis gratia Mahumetis sepulchrum inuisere cupiebant, exponeret. In eam Gama confestum inuectus est. Arabes & AEgyptij multo acrius, quàm credi poterat, restitère. Tanta verò contentione dimicatum est, vt prælium fuerit ad principium diei sequentis perductum, cùm vniuersa classis vnā tantum nauem oppugnaret. Nec enim nostri eam deprimere, antè quàm spoliarent, volebant: & illi cùm sibi moriendum esse putarent, vt non inulti caderent, laborabant. Irrumpunt tandem Lusitani, supra trecentos homines ferro concidunt, pueri tantum parant: prædam ingentem capiunt, & nauem coniectis facibus inflammant. Indè Gama Cannanorem vehitur, vbi Regi legatum, quem ad Emmanuelem miserat, tradidit, & simul munera, quibus Emmanuel illum donabat, deferenda curauit: quibus ille supra modum letatus est. Indè Calecutium petere instituit. In eo cursu parones aliquot Calecutienses cepit, in quibus inerāt ad quinquaginta ex Calecutiensibus ciuibus, quibus omnibus catenas iniecit. In portu tandem classem constitui iussit. Venit autem ad illum Arabs quidam, vestitus eorum habitu & cultu, qui disciplinam Diui FRANCISCI se tenere profitentur. Cùm verò fuisset ad Gamam perductus, se Mahumetanum esse fassus est: illamq; vestem induisse, eò quòd vereretur, nè sibi aditus alia ratione ad classem minimè pateret. Vestis autem erat vnus ex illis monachis, qui cum Ario Correa ceciderant. Arabs denunciat Gamæ, Calecutij Regem esse pacis & amicitia cum Lusitano Rege cupidissimum, molestissimeq; tulisse facinus illud, quod homines Arabes, quos imperio minimè continebat, in Lusitanos

ad-

admisserant. Gama respondet, neque se à fœdere pacis ab-
 horrere. Et idcirco iussu Regis Emmanuelis eò se contulif-
 se, ut pacem, si fieri posset, cum illo certo fœdere confirma-
 ret. Si igitur pacem habere vellet, voluntatis suæ signum a-
 liquod daret, atque in principio omnia, quæ fuerant Lusita-
 nis erepta, cum Correa fuit interfectus, statim restitueret.
 Multis autem nūcijs vltro citroq; missis, nihil, quod in rem
 esset, à Rege fiebat. Intellexit Gama, omnem Regis ani-
 mum in fraudibus versari, nec ad vllam stabilem & fir-
 mam concordiam adduci posse. Quod cum videret, dixit,
 si non omnia sibi continuò redderentur, se Malabares il-
 los, quos vinctos habebat, in Arj Correa vltionem crude-
 lissimè necaturum. Rex nullum ad hanc comminationem
 responsum dare voluit. Gama omnes vinctos suspendi ius-
 sit, præcisq; manibus atque pedibus, cadauera vni ex pa-
 ronibus, quos ceperat, imponi cum literis, quibus Regi bel-
 lum indicebat, & tam ei, quàm omnibus, quibus ille impe-
 rabat, ferro flammâq; minabatur. Paronem deinde pro-
 pè terram remulco subduci suis imperauit. Rex vbi literas
 nimis asperè & ferociter scriptas accepit, suosque crude-
 lem in modum necatos & dilaceratos animaduertit, maxi-
 mo animi motu perturbatus est, omnisq; ciuitas lamentis se
 ledidit. At Gama propius terram naues statui iussit, & po-
 stridie, vbi primùm diluxit, tormentis urbem acerrimè con-
 uassari præcepit. Multa domus disturbata, & ades regia,
 quæ erant propè littus, euerse: multiq; mortales occisi
 sunt. Hæc re gesta, Cochimum rectà contendit, & Vin-
 centium Soderium cum sex nauibus, qui totam illam oram
 festam redderet, ibi reliquit. Vbi Cochimum peruenit,
 usitani, qui apud Regem manserant, ad eū continuò venē-
 r, & quanta humanitate fuerant habiti, & q̃ singulari vi-
 gilant-

LIBER

gilantia contra Saracenorum insidias defensi, exposuere. Rex eum continuò per vnum è suis domesticis, qui magnum apud eum locum tenebat, honorificè admodum salutauit. Cum eo Gama constituit, vt postero die Rex locum deligeret, quem magis opportunum ad colloquium vtriusque iudicaret. Velle namque se illi mandata Regis Emmanuelis explicare. Et interim misit Emmanuelis nomine munera ad illum partim aurea, partim argentea, & auream præterea coronam. Rex contrà, vt cum Emmanuele magnificentia certaret, enixè contendit. Et cum alia multa, tum duas aureas armillas gemmis distinctas, & vnâ pergrandem gemmam ad Gamam ferri iussit, quam illius nomine Regi Emmanueli deferret. Fuit postridie colloquiū cum non mediocribus amoris mutui signis inter eos institutum. Non multis post diebus veniunt ad Gamam legati ex Christianis illis, qui Cranganorensem urbem incolebant. Legationis autem hæc summa erat. Se gratias dignas CHRISTO Optimo Maximo pro tam singulari beneficio, non posse vllò modo persolvere. Id enim adepti fuerant, quod nullo vnquam pacto fieri posse crediderant, vt ex tam longinquis regionibus Christiani tantis virtutibus ornatī, ad eas terras peruenirent. Se velle deinde Emmanueli seruire, nullūque alium dominum in terris agnoscere. Idcirco Gamam orare & obsecrare, vt nomine Regis optimi & inuictissimi eos omnes infidem reciperet. Gama manus in calum sustulit, eosq; ad spem multò felicioris conditionis excitauit: fidemq; dedit, se pugnaturum, vt omnes Lusitani duces, qui deinceps in Indiam à Rege mitterentur, eos à tyrannide perditorum hominum, & Saracenorum iniurijs tuerentur. Legatis dimissis, Gama, vt naues iustum onus acciperent, operam strenuè nauabat. Interim

verò

verò vnus ex Brachmanis, quibus Calecutij Rex multum
 utebatur, venit ad Gamam cum duobus adolescentibus, ex
 quibus vnus erat eius filius, alter sanguine ei valde coniun-
 ctus. A Gama autem postulabat, vt illos adolescētes in Por-
 tugalliam duceret, vt literas latinas discerent, & religio-
 nem Christianorum, & disciplinam, & instituta cognosce-
 rent. Gama illius postulatis satisfacere visus est. Sed post-
 quam is se penitus in Gama familiaritatem insinuauit, tūc
 aperte significauit, quod in principio consiteri minimè au-
 sus fuerat: nempè se legatum Calecutiensis Regis esse: ab
 eoq³ missum, vt ostenderet, nihil ardentius illum optare,
 quam vt pax inter eos sanctissimo fœdere conciliaretur.
 Paratum esse Regem non modò ad bona Lusitanorum red-
 denda, sed ad omnia hominis amantissimi officia cumulatè
 præstanda: Gamamq³ orare, vt inimicitarum memoriam
 deleueret, & satisfactionem acciperet. Quod verò ad aro-
 natum onus attinebat, nec alibi plura, nec minore pretio
 experiri posse. Proindè si vellet naues Calecutium ducere,
 uturum, vt ex animi sententia, quod in rem esset, feliciter
 administraret. Gama voluit, an Regem admissorum flagi-
 tiorum aliqua ex parte pœniteret, experiri. Itaque classe
 Stephano Gama interim commissa, & Brachmana pro ob-
 ede relicto, Calecutium cum duabus tantum nauibus pro-
 cisci maturauit. Vbi Calecutium peruenit, duos illos ado-
 lescentes ad Regem misit, qui vtrò citroq³ commeabant, et
 pacis conditiones à Rege ad Gamam, & ab illo rursus ad
 Regem deferabant. Rex tanrē insidias comparabat. Ara-
 bes enim cum eo magnis vocibus expostulare, animumq³
 eius in nostros incendere minimè desistebant. Is cum neq³
 idem coleret, neque constantiam vllam retineret, & co-
 las, quas Gama eo tempore habebat, valde contemneret,

LIBER 7

Arabum vocibus inductus, quàm maximo silentio fieri potuit. xxxiiij. parones instruxit, qui Gamam improuiso adorirentur. Quod summa quadam celeritate factum est. Itaque in Gamam festinanter incurrunt. Gamare adeò repentina percussus, anchoras præcidi, velaquæ fieri confestim iussit. In hoc discrimine res erat, cùm subito Euruspaulò vebementior nauem à terra conspectu beneficio cælestis numinis abstraxit. Parones tamen nihilosecius Gamam & remus & velis insequabantur. Sed accidit, cùm iam appropinquare viderentur, vt Vincentius Soderius cū classe, cui præfectus erat, occurreret. Gama namq; cū aliquid suspitione de fraude illa assequeretur, quanuis non ita subito id scelus consiari posse existimaret, vnā ex nauibus ad illum miserat, vt Calecutium properaret. Gama adiuncta sibi Soderij classe, naues in hostes conuertit, & in eorum classē nimis acriter inuadit. Aliquot autem paronibus depressis, & multis ex hostibus occisis, reliqua classis disiecta atque dilacerata, fuga salutem petere constituit. Gama deindè Cochimum reuersus, Brachmanam suspendi iussit. Adolescentes euaserunt, propterea quòd in terrā descenderant, antequam vllum fieri posset tam scelerata coniurationis indicium. Calecutij Rex cū cerneret, nec insidias illi, neque vim, vt cognārat, processisse, alia ratione perniciem comparare Lusitanis instituit. Literas enim ad Cochimi Regem misit, quibus illum rogabat, vt sibi Lusitanos traderet. Ad hoc autem scelus, eum ingentibus promissis impellere contendebat: contrā, si id facere recusaret, quæ pericula illi intenderentur, exponebat, & minas etiam iactabat. At Rex Cochimi se vehementer admirari respondit, quomodo tam illustri Regi in mentem veniret, Reges alios in fraudem impellere. Minimè namq; ad Regis officium pertinere.

ertinere, fidem violare, et eos, qui se illi commiserāt, pro-
 ere. Vt enim nihil erat magis regium fidei stabilitate &
 onstantia: ita nihil esse perfidia magis à regis moribus &
 nstitutis alienum. Fide namq̃, gloriam comparari: perfidi-
 a verò maculā dedecoris sempiterni omnibus, qui eā si an-
 erent, maximè verò si Reges essent, inuri. Et idcirco se
 minimè Regem arbitrari eum, qui fidem sanctam non ha-
 eret. Non enim imperium summum, sed virtutem impe-
 io dignam, reges efficere. Se verò id minimè facturum,
 uanuis certò sciret, esse sibi è Regni statu propter fidei cō-
 tantiam demigrandum, & maximū periculum vitæ sub-
 undum. Nullam enim vnquam potentiam, nec vllam vi-
 æ iucunditatem se officio antiquiorem duxisse. Institit ni-
 lominus Calecutiensis, & ter in eandem sententiam lite-
 as, partim premijs alliciendo, partim minis exterrendo,
 d Cochimensem dedit. Is tamen in eadem perpetuò sen-
 entia permansit. Hoc autem Gamæ Cochimensis, quādiu
 uncij hæc cum illo agebant, indicare noluit, nè illius ani-
 num aliqua sinistra suspitione conturbaret. At postquam
 calecutiensis spes illius corrumpendi omninò præcisa fuit,
 um demum quantis fuerat machinis oppugnatus, Gamæ
 gnificauit. Gamæ gratias egit, quas debuit, & vt omit-
 eret timorem, admonuit. Se namq̃ eam classem in In-
 ia relicturum, quæ faciliè posset perfidi Regis immanitati
 esistere. Indè profectus est Cananorem cum tredecim na-
 ibus oneratis, vt alias tres, quæ in Cananoris portu erant
 d anchoras deligatæ, vt onus similiter acciperent, cum ea
 asse coniungeret. Sed cū non amplius duodecim passū
 illibus Pandarane abesset, viginti nouem naues, quas Ca-
 cutij Rex ad illius perniciem armis, & telis, & militibus
 struxerat, offendit. De consilio reliquorū ducum, cum ea
 K 2 classe

LIBER

*classe pugnare constituit. Vicentium verò Soderium, & Petrum Raphaelem, & Iacobum Petreum, eò quòd illorum naues essent minus oneratae, vt in principio pralium committerent, in prima acie collocauit. Illi impigrè imperata conficiunt, et in duas naues Arabum, quæ reliquas antecedeabant, incurrunt. Qui erant in nauibus, antè quàm Gama appropinquaret, ex animati metu, se se in mare deijciunt, vt nando confugiant. Nostri in scaphas repentè desiliunt, & supra trecentos homines in medijs fluctibus interimunt. Reliqua classis cùm duas illas naues interceptas, & homines occisos animaduerneret, conuersis prorsus se in terram trepidè recipiunt. Eas Gama insequutus, propter oneris impedimentum consequi minimè potuit. Nostri cùm naues spoliarent, signum ex auro factum, in speciem monstri cuiusdam similem figuratum, inuenerunt. Ponderus erat librarum quadraginta. Pro oculis habebat in fronte duos ingentis pretij Smaragdos: similiter Pyropum miræ magnitudinis, instar prunæ incensæ collucentem, in pectus inclusum gestabat, et pallio aureo amiciebatur. Nauibus exinanitis, Gama ignè implicare continuò præcepit, vt in conspectu classis hostilis exusta terrorem inijcerent. Indè Cananorem petijt, & cum Rege fœdus percussit, quo cautum est, nè vnquam Cananoris Rex bellum cum Rege Cochimi pernicie coniuraret: neq; cùm Calecutiensis in Regem Cochimi bellum compararet, illi suppetias vllas mitteret. Illius deindè fidei Lusitanos, qui erant negotia Emmanuelis Regis administraturi, commisit. INDE digressus est. xxviij. die mensis Decembris, anno à CHRISTO nato. M.D.III. Vincentium verò Soderium reliquit cum sex nauibus: cui hoc munus assignauit, vt à Regibus amicis per-
ricula*

vricula propulsaret, & continenter cum hostibus bellum ge-
 neret: & si cerneret bellum à Calecutij Rege Cochimensis
 regni finibus inferri, Calecutiensis impetum, quoad posset,
 à Cochimi Rege reprimeret. Si verò vsq; ad Februarium
 mensem nihil hostile geri videret, tum in Arabicum fretum
 nauigaret, vt Arabes acerrimo bello conuinceret. Inde
 Mozambiquem petijt, vbi aquationi & comineatui proui-
 dit. Cum verò à promontorio Bonæ spei non procul abesset,
 aduersa tempestate iactatus est, & navis Stephani Gama
 à reliqua classe segregata, eundem tunc cursum tenere nō
 potuit. Gama tandem kalēdis Septembris anno M. D. III.
 in portum Olyssipponis cum duodecim nauibus onustis feli-
 citer inuectus, non modò Regem, sed omnes regni Proceres,
 & vniuersam Remp. ingenti gaudio cumulauit. Post sex
 dies Stephanus Gama vsus eadem felicitate nauigandi,
 portum similiter ingressus est. IN Africa sub id tempus hæc
 occiderunt. Caserquibirium oppidum est in Mauritania
 Tingitana, non ita longo interuallo à Gaditano freto disū-
 tum, quod aquis fluuij Lixi alluitur. Fluius quidem non
 aldè magnus est, sed cūm aquis pluuijs impellitur, ita re-
 undat, vt in oppidum sæpè impetu concitetur, & influat.
 Hanc ciuitatem aiunt edificatam fuisse à Manzore Mar-
 roquiensi Imperatore, qui Regis simul & Pontificis, vt reli-
 qui, quos Arabes Mahumetani Caliphas appellabant, mu-
 nus & officium sustinebat. Ciues fontibus & puteis carent:
 ssternis tantūm & aqua dicti fluminis vtuntur. Est tamen
 vbs illa à multis mercatoribus & viris nobilibus frequen-
 ta. Florebat in ea philosophia studium, artiumq; bonarū
 gymnasium, ita, vt multi vndiq; in eam excolendi ingenij
 atia conuenirent. Erat præterea ingentis Aedis hospita-
 nomine celebrata, in qua multi egentes et peregrini va-

LIBER

rijs morbis impliciti curabantur. Regio circumcirea mul-
 tis arboribus & oleribus abundabat, hortosque habebat e-
 gregiè confitos. Tellus est fertilis & opima, ita, vt cum tri-
 gesimo frequenter efficiat. Rex Fessensis, postquam Arzila
 fuit opera & virtute Alfonso, hoc nomine quinti, Portuga-
 lia Regis expugnata, hanc urbem munierat, multisq; præ-
 sidijs cinxerat, illiusque custodiam ducibus assignauerat,
 qui inde crebras excursions in fines Arzila faciebant:
 quod Emmanuel indignè patiebatur. Itaque scripsit ad
 Ioannem Menesium, qui, vt dictum est, Arzila præerat,
 vt continenter cum illa bellum gereret. Erat eo tempore
 urbis Tingitana præfectus Ioannes ille Menesius Taraucen-
 sis Comes, qui, vt supra memorauimus, auxilium contra
 Turcarum Imperatorem Venetis iussu Regis attulerat.
 Menesius igitur, vt, quod sibi præscriptum fuerat, commo-
 dius efficeret, gentilem suum Taraucensem Comitem ad
 societatem facti, quod in animo habebat, per literas inui-
 tabat, & quid ab illo fieri vellet exposuit. Comes Tingi
 præfectus cum ducentis equitibus, Arzilam contendit: Me-
 nesius equites ducentos & quinquaginta satis acres redu-
 xit. Ita coniunctis copijs, magno silentio Caserquibirium
 versus iter suscipiunt: media ferè nocte in pontem per-
 ueniunt, qui abest Arzila circiter triginta passuum millia.
 Sed ibi exploratores hostium fallere minimè potuerunt.
 Urbis præfectus vbi id rescivit, signum belli dare, & clasi-
 cum canere, & milites euocare iubet: & prima luce cū o-
 mnibus copijs, quas habebat, collem prope urbem insedit,
 qui collis Voluptarius ab illis nominatur. Ibi aciem suo mo-
 re instruxit, & nostris pugnandi potestatem fecit. Comes
 Menesius de Menesio per nuncium quesivit, quid illi de ex-
 exercitu hostium videretur. Benè, inquit. Quod enim in-
 uenire

uenire cupiebamus, offendimus. Ibi igitur cum nemo praelium inire recusaret, vterque Menesius suos instruxit, & in hostes signa inferri praecepit. Hostes interea velitari, & leuibus pugnis certare, & varijs cursibus nostros laceßere cœperunt, vt ordinem, quo erant instructi, ardore pugnandi desererent. Sed vbi neminem extra ordinem velle dimicare vident, & ipsi conferti, vt in nostros impetum daturi viderentur, è colle paulatim descendere incipiunt. Nostri collem subeunt, & hostes aggrediuntur. Illi confestim terga vertunt. Nostri illos insequuntur, & centum & octoginta ad portas occidunt. Ciues metu perterriti, portas occludunt. Cum multos ex suis reciperent, multos tamen excluserunt. Timebant enim, nè nostri in hostium tergis haerentes, urbem vno impetu caperent. Qui exclusi fuerant, desperatione commoti, globum efficiunt, & in nostros impetum faciunt. Praelium redintegratur, multi ex Lusitanis aut ex equis cadunt, aut vulnerantur. Odoardus Menesius Comitum Taraucensis filius in facie vulnus accepit, & Petrus Leitanius eodem etiam in loco vulneratus fuit. Sed cum à reliquis eis, qui ceciderant, subsidio occursum fuisset, nemo interfectus est. Ducibus autem visum fuit, exercitum rursus eodem ordine reducere. Cum autem in pontem paruum, qui ab oppido duo millia passuum aberat, peruenissent, oppidi praefectus cum nongentis equitibus eos insequutus est. Nostri pontem transierunt, & in campi planicie acie instructa hostes expectabant, vt si pontem transire conarentur, antè, quàm omnes copia traductæ fuissent, in earum partem impetum ferrent. At hostes cum id metuerent, pontem transire noluerunt, nisi postquam nostros à ponte longo intervallo secessisse conspiciati sunt. Interim vndiq; Mauri confluebāt, & quò lōgius

LIBER

progredebantur, eò magis eorum numerus augebatur. ~~Il-~~
~~li igitur ferociùs instare, & nostros audaciùs insequi, &~~
~~acriùs oppugnare cœperūt, donec ad pontem alterum per-~~
~~uentum est. Iam eo tempore præfectus hostium mille & tre-~~
~~centos equites sub signis habebat. Cùm Mauri arbitraren-~~
~~tur fore, vt Christiani in pontis transitu tumultuari, et tre-~~
~~pidare, & institutum ordinem deserere cogerentur, longè~~
~~secùs euenit. Neque enim primum agmen maiore or-~~
~~dine, quàm nouissimum, in quod hostes incur sabant, tran-~~
~~sijt. Itaq; traductis copijs duces, acie rursus instructa &~~
~~explicata, hostibus pugnandi facultatem præbuerunt. At~~
~~illi pontem transire minimè ausi sunt: & retrò se in urbem,~~
~~& in vicinos pagos contulerunt. Ex nostris autem nemo~~
~~desideratus fuit. Non multis pòst diebus vterq; Menesius co-~~
~~pias eduxit, vt in Maurorum multitudinem, quæ non pro-~~
~~cul Alcasser quibirio in certis pagis prope flumen habita-~~
~~bat, improuisò irruerent. Sed illi transfuga cuiusdam in-~~
~~dicio, qui erat è Gallia Belgica oriundus, eadem nocte cer-~~
~~tiores facti, diffugiunt. Christiani tamen ad quinquaginta~~
~~ex his, qui nondum se recipere potuerant, occiderunt, &~~
~~totidem captiuos abduxerunt. Deindè cùm exercitum re-~~
~~ducere vellent, magnus hostium numerus in eos inuehitur.~~
~~Christiani ita pedem referebant, vt identidem agmine fa-~~
~~cto in hostes incitati, multos occideret. Illi vicissim in Chri-~~
~~stianos incur rentes, non mediocre detrimentum illis infe-~~
~~rebant. Fuit in hac pugna Petrus Sousa vir fortissimus in~~
~~magnum discrimen adductus, cùm suos ordine reducere,~~
~~& ab hostibus tueri contenderet. Quauis autem pugna~~
~~pro numero militum nimis atrox extiterit, quatuor tan-~~
~~tùm è Christianis ab hostibus interfecti sunt. Itaque nostri,~~
~~hostibus inuitis, cum præda Arzilam peruenere. Hoc eodè~~

anno

anno. cū Menesius accepisset, in monte, qui aberat Arzila passuū viginti millia, mulieres eximia pulchritudine à fortissimis militibus, qui eas nimis ardentè amabant, asseruari, constituit eò proficisci, vt illas caperet, Reginaq; Maria dono mitteret. Sed erat illi iter per multos pagos maximo cum periculo faciendum. Sub noctem igitur densis tenebris & caligine, propter tempestatem, quæ vigeat, inuolutam, cum ducentis equitibus eò tanto cum silentio contendit, vt omnes falleret, & de tertia vigilia in montis illius frequentissimum pagum perueniret. Ibi antè, quàm hostes illius aduentum sentire possent, multas careas faces, quas in cum vsum comportari iusserat, incendi præcepit, vt earum splendore Christiani cernere possent, quid esset in hostium trepidatione gerendum. Tum tubarum clangore, & armorum strepitu, tantus pavor hostes semisomnes occupauit, vt maxima eorum pars se repentè in fugam daret. Quidam tamen in vltimo illo vitæ discrimine, in quocunque loco institerant, fortissimè dimicabant. Mulierum verò plangores, & lugubres eiulatus, & hominum clamores in calum sublati, omnes, qui vicinos pagos incolebant, de somno suscitauerunt. Sed ij cū neque quantus esset Christianorum numerus, neque quantarepentina illius calamitatis magnitudo, cognoscere possent, & omnia multò tristiora animis fingerent, nullūque ducem, quem sequeretur, haberent, non modò auxilium nō tulerunt, verū cum liberis & mulieribus summam in fugiendo celeritatem suscipientes, se in intimam montis partem & in densissimas syluas abdiderunt. Nostri ex ijs, qui erant in armis, & pertinacissimè repugnabant, octoginta tantum, aut paulò plus occiderunt: sexaginta viros atque fœminas ceperunt, & pagum sine vllius impedimento diripu-

K 5


puerunt.

LIBER

puerunt. Inter captiuas foeminas, aliquot ex illis, quarum
forma laudibus summis offerebatur, quarum præcipuè gra-
tia nostri tantum periculum adierant, abductæ sunt. Hac
re gesta, Menesius exercitum reduxit, & dum nox fuit, ne-
mo illum vestigijs persequi ausus est. At prima luce magnus
hostium numerus impetum in illum tulit. Sed tam singula-
ri ordine Menesius exercitum reducebat, vt minimum de-
trimentum ab illis acciperet. Magnum tamen aliquot in
locis periculum nostris intentum fuit, & vtrique magna
contentione pugnatum, multiq; ex nostris sauciati, &
equi etiam vulneribus concisi, ipseq; Menesius
in summum vitæ discrimen iniectus: ne-
mo tamen ex Christianis deside-
ratus fuit, & ita cum om-
ni præda domum
rediëre.

HIERONYMI
OSORII SILVENSIS
ALGARBIORVM IN LV-
SITANIA EPI-
SCOPI,

DE REBVS EMMAN-
VELIS, LVSITANORVM RE-
GIS INVICTISSIMI VIR-
tute & auspicio gestis,
LIBER TERTIVS.

 VM hac in Africa geruntur, in
India Trimumpara (hoc enim
erat Cochimi Regi nomen) ma-
ximis motibus agitari cœpit. Ca-
lecutij namq, Rex delectum ha-
bere, & maximas copias parare
instituit, vt illum propter amici-
tia fœdus, quod cum Portugal-
lensibus icerat, & regno & opibus euenteret. Multi fuere in
Trimumpara consilio, qui illi persuadere conabantur, vt
Portugallenses, quos in fidem è Gamæ manu receperat,
Regi Calecutij traderet, & paucorum hominum externo-
rum, & ab illius institutis abhorrentium, interitu, salutem
suam atque totius regni redimeret. Quod consilium non mo-
dò nō accepit, sed in eos, qui id suadebant, asperis verbis in-
nectus est. Dixit præterea, non esse tam hostilem Calecutien-
sis animum, qui eum regno spoliare, & vita priuare con-
batur,

LIBER

batur, quàm eorum, qui eum, vt fidem proderet, admonebant. Vita namq³ spaciū breue esse, regniq³ vsurū exiguo termino definitam, perfidia verò maculam sempiternam. Idcirco malle exturbari regno, & vitam in maximum discrimen inducere, quàm fidei parum sanctè cultæ infamia flagrare. In hac rerum perturbatione, Vincentius Soderius Cochimum cum classe peruenit. Cum verò inde rursus abire constitueret, Iacobus Fernandus Correa, qui fuerat Cochimi à Gama relictus, vt quod esset in rem Emmanuelis Regis administraret, illum obtestatur, nè vellet eo tempore Regem amicum, propter Lusitanum nomen & gratiam in tanto periculo constitutum, deserere. Ea namq³ potissimum de causa in illis partibus cum instructissima classe relictum fuisse, vt ab amicis inimicorum impetum propulsaret. Recogitaret præterea, quantum esset in se dedecus admissurus, si ciues hostium immanitati proderet. Nec enim proditoris nomen in eos solum conuenire, qui contra fidem suis pestem molirentur, sed in eos etiam, qui eos in rebus afflictis tueri nollent. Respondit, illud sibi negotium à Rege minime datū fuisse, sed vt cum nauibus, quæ ex Arabia in Indiam nauigarent, bellū gereret. Se nolle munus sibi impostum vllo pacto aut conditione negligere. At Correa rursus ait, non esse semper, quid Rex imperauerit, sed potius, quid fieri voluerit, spectandū. Varios esse rerū euentus, & consilia pro rerum incidentiū nouitatibus immutāda. Non fuisse verò eam Regis optimi mentem, vt is Regis amici, & suorum salutem negligeret: sed cū esset otium à vicinis hostibus, tunc alijs hostibus vltro bellum inferret. Hac & alia multa in eandem sententiam cū diceret, & diuini numinis fidem imploraret, & huius postulati publicum testimonium peteret, nihil tamen profecit. Valuit enim plus apud

Soderium

Soderium siue timor, siue præda ingentis spes, quàm fides aut officium. Itaque profectus inde Solis occasum versus, angustias Arabici sinus obsedit. At Naubeadarimus, iuuenis & natura disertus, & Brachmanarum disciplinis eruditus, sororis Regis Calecutiensis filius, qui erat gentis legibus vnicus illius hæres, cùm bellum ab auunculo susceptum improbaret, huiusmodi apud illum orationem habuisse dicitur. QV ANVIS ætas mea ad consilia accipienda, quàm danda magis opportuna videatur, ex vna tamen parte amoris vis, ex alia periculi magnitudo me stimulat, vt, quæ sentio de summis rebus, aperiã. Es enim tu mihi auunculus natura, amore verò peritùs insito pater amantissimus. Accedit, quòd si sinistris consilijs regni tui opes fuerint comminutæ, maximis ex eo casu incommodis afficiendus sum: si verò regnum salutaribus consilijs fuerit stabilitum, id etiam in meam vtilitatem cedit. Idcirco te suppliciter oro, vt orationem meam, quasi hominis tecum & natura, & amore, & periculi societate coniunctissimi, ad aures admittas. Si aliquid commodè dixero, id velim comprobare: si secùs euenerit, tunc id facies, quod ex re magis esse iudicaueris. Bellum maximum in Trimumparæ exitium comparas. Minimè mirandum est, cùm sit admodum vsitatum Regibus, inter se bello contendere. Sed causam belli videamus. Bella enim, quæ sine legitima causa suscipiuntur, diros plerumque exitus habere solent. Quid igitur? Num tributum pendere recusauit? Num in fines regni tui armis inuasit? Num de pernicië tua coniurationem fecit? Minimè. Quid ergo dictu saltem speciosum potes obtendere, cur contra illum tantum bellum moueas? Hoc certè dices, quòd homines in fidem receptos, tibi, vt imperabas, minimè tradiderit, in quos insitum contra gentem Lusitanam odium adhibi-

LIBER

adhibitis tormentis expromeres. Hoc igitur doles, quodd is
ius gentium violare, & fidem proderere minimè voluerit.
Quid igitur facies illis, qui contra diuinum & humanum
ius scelera infinita suscipiunt, si tam infensum te illis præ-
bes, qui nihil fide & officio antiquius arbitratur? Nunquid
beneficijs eos ornabis, qui supplicijs omnibus digni sunt?
Minimè verò. Regium enim est, vindicare perfidiam sup-
plicio, non conferre immaniſſimo sceleri beneficia. Sed di-
ces, illum hostibus, qui tibi graues iniurias intulerant, fa-
uere. Te quantum possum oro, vt in bonam partem, quæ
sum de ea re dicturus, accipias. Nemo enim æquum est vt
gravius ferat, si qua fuerit in maiestatem tuam hominum
scelere offensio concitata. Sed quod ad Lusitanos adtinet,
nihil, mea quidem sententia, gerunt, quod valdè vituperan-
dum sit. Id enim faciunt, quod fortium hominū officium est.
Offensi dolent, lacesiti pugnant, illatas iniurias acerrimè
persequuntur. Si illi prius aliquod contra tuum statum fa-
cinus suscepissent, merito pœnas de illorum improbitate re-
peteres. Sed nihil gesserunt, immò vt postulato tuo satisfa-
cerent, nauem cum ingenti prada captam tibi dederunt.
At cum ij, qui erant in terra, in fide atque patrocínio tuo
conquiescerent, sine vlla causa proditi, spoliati, & crude-
lem in modum necati sunt. Non igitur illi, qui tam imma-
ne facinus vlciscuntur, sed qui causã tam repentinã dissen-
sionis attulerunt, malorum omnium, quæ sunt postea conse-
quuta, æquum est, vt pœnam sustineant. Arabum mores diu
pertulimus: eorum fraudes & insidias exploratè cognoui-
mus: quàm singulares mentiendi artifices sint, non ignora-
mus. Sed hæc omnia quandiu supplices erant, tolerari po-
terant. At nunc opibus, quas sibi in regno tuo parauerunt,
tautos spiritus assumunt, vt ferri non possint. Iam imperium
pati

pati nequeunt, sed leges etiam tibi Regi potentissimo dare contendunt. Quam tetri autem & quam feroces incedunt? Quanta fiducia animorum subnixi volitant? Quam impudenter se inferunt & intrudunt? Quam minaciter à te, quæ volunt, efflagitant? Ed deniq; progressi sunt, vt si illos audieris, sit tibi regnum ex eorum arbitratu gerendum. Quid enim postulant? Tolle de medio gentem nobis odiosam & inuisam. cur ita tandem? Nunquid si admissa fuerit, vos continuò expellendi estis? minimè. Sed non possunt oculi nostri sustinere Christianæ gentis aspectum. Et præterea veremur, nè quæstus, quem antè faciebamus, illorum aduentu minuatur. Itaque iam non humiliter poscimus, sed te pro iure nostro compellimus, vt tam delicato oculorum nostrorum fastidio, & auaritia tam immani, quæ nullis opibus expleri potest, cum tui regni periculo, & cum insignis turpitudinis infamia satisfacias. Inquiunt tamen, multum salutis communis interesse, gentem in armis acrenæ ex India finibus exterminari. Quid ergo? Si paucos illos homines, qui apud Trimumparam sunt, extinxeris, continuò totum Portugallensium genus interimes? Non certè. Et eos, qui venturi sunt, in te multò acrius irritabis. Si igitur tam fortes sunt, quàm homines isti pradicant, dum, vt ab eis malum metuas, admonent, & terrorem tibi ex eorum armis incutiunt, multò certè tibi ad salutem melius est, eos amicos, quàm inimicos & infensos habere. Plerunque enim fit, vt qui hostes acerrimi sunt, ijdem sint amici firmissimi. Vtrumque enim ab eodem virtutis fonte profluit. Vereor autem, vt opibus tibi eorum viribus detractis, opes Cochimensis Regis augeantur, & multi tibi tunc in calamitatibus insultent. Nec enim dubito, quin maximæ classes in has oras venturæ sint, & vastitatem in terris eorum, quibus

LIBER

quibus sunt infensi, propter iniurias, quas acceperunt, efficiant. Quare Arabes istos odio maximo dignos existimo. Primum quidem, quia te Principem clarissimum, & regio isto imperio dignissimum, propter insitum odium & auaritiam, in eam fraudem impellere nituntur, ut fidem & officium deferas. Deinde, quia tanta superbia tument, ut arbitrentur, esse tibi regnum ad eorum libidinem administrandum. Tum, quia facinore, quod in oculis tuis suscipere, indignam nomini tuo notam sempiterni dedecoris inusserunt. Nemo enim credet, eos tam immane scelus, nisi te conniunte, suscipere ausos fuisse. Postremo quia tibi auctores sunt, ut homines egregie fortes, quorum fideli opera regni tui opes amplificare potuisses, cum magno regni periculo hostes tibi ex aduerso constituas. Quare censeo, ut bellum hoc omittas, & pacem cum Lusitanis hominibus, qui fidem & iustitiam colunt, & amicitiam summa, ut fama est, fide conseruant, & hostibus debitum supplicium irrogare solent, fideli pacatione constituas, eisq; pro detrimentis, quae Arabum sceleribus accepere satisfacias. Aliter enim vereor, ne quam plurima mala, quod dii omen auertant, in hanc nostram regionem ex hominum perditorum consilio redundent. Me quidem, quod fides facere admonet, cuiuscunque fortune socium habebis. Neq; enim pro tua dignitatis amplitudine vitam profunderere recusabo. Ad officium tamen meum pertinere arbitratus sum, ea, quae sentiebam, explicare. Deos autem precor, ut quae gerenda esse puta ueris, approbent. HAE C cum saepe dixisset, nulla tamen ratione Regem ab instituta sententia dimouere potuit. At Triumpara milites euocabat, & omnia summa diligentia comparabat, quae ad depellendum belli periculum necessaria videbantur. Sed cum tantae essent opes Calecutiensis, & multi

multi fortunam Cochimēsis inclinatam, vt opinio erat, despicerent, se se ad Calecutiensis nomen adiungebant, & Cochimensis causam deserebant, vsque aded, vt non pauci ex illis, qui Cochimensis imperio tenebantur, ad Calecutiensem deficerent. Inter quos fuere Dynasta Chirabipilēsis, & Dynasta Cambalamentis, & insula cuiusdam princeps, quæ est Cochimo opposita. Calecutiensis igitur cum maximo exercitu in Repelinum peruenit, qui locus Cochimo distat millibus passuum sedecim. At Lusitani ad Cochimensem adeunt, & orant, nè velit propter illos tantam belli molem sustinere. Se Cananorem ituros, vt ibi classem Lusitaniæ præstolentur. Rex se vehementer admirari dixit, quomodo fortissimis hominibus, & sibi diuturna familiaritate coniunctissimis in mentem venire potuisset, vt vel hostium potentiam timerent, vel de sua fide dubitarent. Manerent porro, & pro certo haberent, omnibus esse eandem fortunam subeundam. Se pro Emmanuelis Regis amplitudine ad extremum vite spiritum pugnaturum. Exercitui deindè sororis suæ filium, qui erat in regno successurus. Naramuhimum nomine, Imperatorem constituit. Is autè valdè strenuus habebatur. Eum verò misit cum quingz millibus, & quingentis militibus, qui locum tuerentur, quod Calecutiensis transire cogitabat. Regni namqz viriusque fines æstuario ingenti erant diuisi. Locus autem, quo Calecutiensis Cochimum cõtendebat, erat eiusmodi, vt æstu dedente, vado transiri posset. Eò cùm Calecutiensis exercitum perduxisset, continuò antesignanis vadum tentare præcipit. Sed ij non modò transitu prohibiti sunt, verùm multos è suis amiserunt. Postera die Repelynensem Dynastam magno delectorum militum numero ad vadum misit, vt Naramuhimum è loco pelleret, vt posset reliquus exercitus

LIBER

citus sine vlla offensione traduci. Quod vt facilius fieret, multos parones instructos ad inferiorem aestuarij partem, vbi maior erat profunditas, non longè tamen à vado constitui iubet, vt suis auxilio esse possent, & sagittis hostes configere. Eo tamen die Naramuhimus multò acrius repugnauit, maioremq³ numerum hostium interfecit. In his autem prælijs consilio Laurentij Moreni, viri valdè strenui, plurimum vtebatur, qui cum paucis Lusitanis, qui interesse poterant, eum fortiter adiuuabat. Cùm hostes sæpius vadum aggredierentur, semper cum eorum, qui antecedeabant, strage repulsi sunt. Tandem per eos pagos, qui ad ditionè Trimumparæ Regis pertinebant, distributi, vt vastitatem maximam Cochimensibus inferrent, omni studio contendebant. Sed Naramuhimus omnibus locis occurebat, & aut per se, aut per alios duces, quos identidem summittebat, eorum impetum arcebat, & semper cum multorum hostium cade victoriam consequiebatur. Cùm verò Calecutiensis animaduertisset, apertam vim illi minimè, vt cogitârat, processisse, ad fraudem conuersus est. Itaque Cochimensẽ quæstorem, qui singulis prope diebus de gentis more militibus stipendia persoluebat, per internuncium magnis muneribus atque promissis allexit, vt milites stipendio fraudaret. Quæstor pecunia corruptus, morbum simulauit, & in urbem se continuò recepit, edixitq^{ue} militibus, vt qui stipendium sibi soluere cuperet, in urbem ad illum tenderet. Quo factò multi se in urbem conferebant, quos Naramuhimus continere non poterat. Quæstor solutionem de die in diem differebat. Hostes interim vadum minimè tentabant, vt Cochimenses negligentiores redderent. Postquam Calecutiensis ad hunc modum milites delapsos, & eos, qui remanebant, minus ad defensionem intentos animad-

nimaduertit, repentè parones accedere, tormentis atque
 telis hostes vndiquè propellere, suas copias vadum cum ce-
 leritate transire, Naramubimiquè praesidia magna vi per-
 rumpere iubet. Milites in Regis sui conspectu, quod e-
 rat imperatum, incredibili alacritate consciunt. Erat
 ad huc nox, cum hac gesta sunt, in qua per exploratoris &
 Quaestoris indicium cognouit Calecutiensis, portum mul-
 torum militum discessione, & aliorum securitate minus
 diligenter asseruari. Accurrit Naramubimus. Sed cum
 hostium multitudinem & impetum sustinere non posset,
 fortissimè dimicans, sagittis confixus occiditur. Eun-
 dem casum duo adolescentes illius cognati subiè. Ita
 enim mortui sunt, ut antequam caderent, virorum fortium
 officio fungerentur. Fuit magna cades, & vtrinque mul-
 ti grauiusimè sauciati cadunt. Prælium cum ante lucem
 incepisset, ad vesperum protractum est. Cochimenses fu-
 ge se mandant. Calecutienses primò ferociter insequun-
 tur, deinde tenebris impediti, vltèrius victos perse qui de-
 stiterunt. Trimumpara huius cladis nuncio maximo ani-
 mi motu conturbatus est. Voluit tamen vltimum belli ca-
 sum experiri. Itaque omnes copias, quas potuit, in-
 truxit, & collatis signis cum hoste dimicauit. Exitus
 belli is fuit, qui solet esse, cum pauci timore perculsi & de-
 bilitati, cum maxima multitudine hostium, quos victoria
 confidentes atque nimis feroces effecit, re iam desperata
 congregiuntur. Ad hunc modum fusus Trimumpara, in-
 sulam quandam traiecit, & Lusitanos, quos secum ha-
 bebant, in eandem insulam transduci iussit: quos in illa
 ruina, tanta fide conseruauit, atque si illorum opera,
 suorum gratia in tantas calamitates inciderat, fuisset a-
 quando ab omni calamitatis acerbitate defensus. Cale-

L I B E R

cutiensis legatos iterum ad illum in insulam misit, qui dicerent, se ei omnia redditurum, si vellet sibi Lusitanos, quos potestate continebat, tradere. Respondit, sibi regnum, atque adeo vitam eripi posse, fidem non posse. Hoc responso Calcutiensis acerbius irritatus, urbem incendi continuo inquit. Deinde insulam oppugnare instituit. Sed insula erat situ atque natura egregie munita, & illis copijs, quas Rex in eam transmiserat, facile defendi poterat. Itaque Rex Calcutiensis cum in eam conaretur inuadere, virtute militum fuit saepe cum non mediocri damno de conatu depulsus. Cum vero hyems aduentaret, obsidionem soluit, & Cochimum reuersus, locum fossa & vallo munivit, in quo praesidia disposuit, eoq; animo inde digressus est, ut primo vere ad oppugnationem insula rediret. Multi cum Trimumpara fortunam afflictam post mortem Naramahimi despicerent, a fide non illi solum, sed nostris debita nefarie deficiuerunt. Inter quos duo Mediolanenses extiterunt, qui cum Gama in secundo illius in Indiam aduentu, permissu Regis Emmanuelis venerant. Irreligionis immemores, ad Calcutiensem transfugerunt, multaq; detrimenta nostris intulerunt. Sed quod illorum perfidia, qui se Christianos ementiebantur, sceleratior extitit, eo fides illius barbari Regis clarius eluxit: quae tanta fuit, ut pro hominibus parum notis, cum quibus nullam communionem sanguinis, aut iuris, aut religionis habebat, summo studio conseruandis, extrudi regni finibus, spoliari cunctis opibus, vitæ summum discrimen adire voluerit. Rarissimum profecto fidei atque probitatis specimen, sempiterna memoria commendandum. INTER EA vero Soderius in Arabiam nauigans, cum oram Cambaia legeret, incidit in quinque naues Arabum multis opibus onustas, quas expugnauit, diripuit, & incendit. Inde in insu-

insulas delatus est, quæ paruo interuallo disident à promō-
torio, quod Guardasum appellant, neque procul ab aditu
sinus Arabici distant. Appellantur insula Curia Muria. I-
bi naues reficere instituit. Saraceni insulas colebant, qui
nostros hospitaliter acceperunt, & omnia, quæ ad victum
pertinebāt, pretio tolerabili eis suppeditârunt. Erāt enim
aratores, & à bellandi studio nimis abhorrentes. Cū au-
tem cernerent nauem Petri Ataidæi in terram, vt per otū
compages obstrui, & oblini possent, subduci (laborabat e-
nim, & aquam nimiam accipiebat) ad nostros adeunt, at-
que monent, nè diutius in eo loco morentur. Nam initio
mensis Maij omnes naues Septentrione vehementissimo
ad littus iactari & allidi, nullaquæ ratione exitium vitari
posse si tempus illud expectarent. Soderius monita contem-
psit: & cū illi multis obtestationibus vterentur, & reliqui
etiam Duces instarent, & dicerent, non esse negligendum
consilium, quod tam facili negotio suscipi posset: naues in
alia insula parte, quæ pertinebat ad Austrum, in Aprico
loco facillimè posse constitui: stationis mutationem sine pe-
riculo fieri: mansionem, vt homines regionum peritissimi
iure iurando confirmabant, esse nimis periculosam: Sode-
rius tamen in instituta sententia permansit. Qua quidem
pertinacia Petrus Raphael, & Fernandus Rodericus Ba-
darcensis, & Iacobus Petreius, trium nauium duces, offen-
si, ab eo discesserunt pridie kalendas Maij, & se in aliam
insula partem contulerunt. At Soderius in naui animo cu-
ris vacuo atque soluto consistebat, cū subito coorta Se-
ptentrione tempestas naues ad littus eiecit, & allisit: tantiq;
fluctus extiterunt, vt omnes fermè, qui in nauibus erant,
interirent: inter quos Vincentius Soderius, & Blasius So-
derius illius frater fluctibus obruti sunt, & illorum cada-

LIBER

uera in littus cum reliquis eiecta. Diuino autem iudicio factum existimabatur, vt non modò Soderius eo genere mortis interiret, sed ne particula quidem prada, quam ceperat, colligi posset. Fractis enim nauibus, cum funes, armamenta mali, dolia, tabulae, multaeque res eiusmodi fluctibus eijcerentur non tamen aurum ex prada, nec aliquid quod esset pretio dignum, neque arca, in quibus lautissima suppellex asseruabatur, vnquam comparuerunt. Tres illi duces, qui vim tempestatis effugerant, ea sedata, ad locum, vnde fuerant à Soderio digressi, reuertuntur. Attaideus eò, quòd in terra confederat, cum suis euasit. Naue illius resecta, fuit is à reliquis Ducibus in locum Soderij constitutus, qui classi praesset. Duces inter se consultant, quid optimum factu sit. Omnium sententia hac fuit. Soderios fratres perfidiae poenas exoluisse. Idcirco nihil à se, nec ad numinis placationem sanctius, nec ad nominis claritatem illustrius fieri posse, quàm naues in Indiam reducere, vt auxilium Trimumparae, atque Lusitanis, qui cum eo manserant, afferrent. Itaque quamuis hyems esset, quoduis periculum adire minimè dubitabant, dum illam nominis Lusitani maculam delerent. Sed tempestatibus aduersis exclusi, ad insulam Anchediua naues conuerrere coacti sunt, vbi, quod reliquum erat hyemis, quando aliter fieri non poterat, transigerent, vt primo vere Cochimum intenderent. Hoc anno peperit Regina Maria filiam, cui pater Emmanuel Isabela nomen imposuit, quae postea Carolo Imperatori nupsit. Fuit eximia pulchritudine, magnisque virtutibus ornata: ad maximi status amplitudinem semper aspirauit, adeò, vt constantissime affirmaret, se nisi maximo reipub. Christianae Principi nullo conditione nupturam. In huius anni fine Rex in oppido, quod

quod Tomar appellatur, ubi sacerdotes militia CHRISTI amplum & magnificum templum summa religione tuebantur, concilium equitum eiusdem Ordinis indixit: & multa, quæ ad eam religionem constituendam pertinebant, sapienter instituit, moresque dilapsos ad seueriorem disciplinam reuocauit. Hoc eodem anno Alexander Pontifex Maximus vita functus est: & Pius non multò post, quàm ad illud honoris fastigium euectus fuit, è corpore excessit, & in illius locum Iulius, natione ligur, fuit summo omnium Patrum consensu substitutus. Principio verò insequentis anni Emmanuel multos homines religionis opinione præstantes in Aethiopia partem, quæ Congo appellatur, misit, ut homines illos multò melius, quàm à principio fuerant instituti, ad disciplinam religionis instituerent. Hæc regio est vltra plagam æquinoctiali circulo subiectam, ab eaque gradibus septem ad Austrum distat. Est admodum fertilis, varijsque frugibus & gregibus abundat, multisque fluuijs irrigatur. Regnum latissimis finibus continetur. Quemadmodum verò regnum illud fuerit ad CHRISTI fidem conuersum, est altius à principio repetendum, ut melius intelligi possit, quàm singulari consilio Rex Emmanuel studium ad gentis illius institutionem applicuerit. CVM Ioannes totam mentem in explorandis Aethiopiæ regionibus maritimis collocauisset, ut via, quæ ferret in Indiam, aperiri posset, factum est, anno à CHRISTO nato. M. CC. C C. lxxxiiiij. ut quidam eques, vir acris animi, nomine Iacobus Canus, qui iussu illius oras Aethiopiæ perlustrabat, in fluuij altissimi & rapidissimi fauces incideret. Cùm verò magnitudinem fluuij, & aquarum naturam perspiceret, fieri non posse suspicatus est, quin multæ gentes ad illius ripas haberent sedes atque domicilia constituta. In fluuiū

LIBER

verò cū penetrare voluisset, paulū progressus, multos homines conspexit, reliquis Aethiopibus, quos sēpe vide-
rat, colore & capillo simillimos. It neque timore vllō, nec
ignota gentis insolentia perturbati, ad nostros accedentes,
egregiam lenitatis & mansuetudinis speciem prae se fere-
bant. Cū verò Canus eos, qui varias Aethiopiae linguas
nouerant, iussisset cum illis loqui, nemo hominum sermo-
nem intelligere quīuit. Signis igitur agi cum illis cōptum
est. Illi verò signis demonstrabant, esse Regem in illis parti-
bus, opibus & potentia florentissimum: urbemque regiam,
in qua se cōtinebat, inde aliquot iuneribus abesse. Hoc cū
Canus intellexisset, eos premijs atque promissis allexit, vt
certos homines ex illius comitatu ad Regem deducerent.
Per illos autem ea dona atque munera Regi misit, quibus
gentes illas oblectari compertum habebat. His autem,
quos misit, certum tempus praestituit, intra quod erant cum
aliqua terrae clariore notitia reuersuri. Cū ij duplo ma-
iorem moram facerent, quā Canus fieri posse crediderat,
anchoris solutis, quatuor ex illis, qui in nauem ventitabant,
secum in Lusitaniā duxit. Erant autem illi homines no-
biles, & acuto ingenio praediti. Quos Canus in via sic dili-
genter instituit, vt cū ad Regem deducerentur, iam mul-
ta Lusitania lingua explicare possent. Eorum ingenio Rex
mirificè delectatus est, hominesque donis & muneribus affe-
cit: Canoque praecepit, vt sine cunctatione in eam rursus ter-
ram nauigaret, & homines cum muneribus ad Regem cō-
tinuò reduceret, eumque admoneret, vt CHRISTVM
summum Deum vniuersaque naturae parentem coleret.
Redijt ad eundem locum Canus, vnumque ex illis Aethio-
pibus, quos secum duxerat, ad Regem misit, qui nomine il-
lius postularet, vt sibi mitteret eos Lusitanos, qui apud il-
lum

um versabantur, seque similiter sine mora remissurum eos
 res, quos interim retinebat. Esse sibi ulterius progredien-
 dum, quod postquam, ut iussus à Rege suo fuerat, perfice-
 ret, se continuo rediturum, ut illum conueniret, & manda-
 ta Ioannis Regis exponeret. Rex per vnum è Ducibus suis
 Lusitanos statim remisit. illis receptis, Canus tres illos
 Aethiopes missos fecit cum muneribus, quæ Ioannis nomi-
 ne ad Regem deferrent. Rex & muneribus, & suorum præ-
 dicatione, qui Ioannis virtutem & magnificentiam in cæ-
 lum laudibus efferebant, in ipsius Ioannis studium acriter
 incitari cœpit. Cum verò Canus post alias oras diligenter
 exploratas, ad locum eundem reuertisset, nullam moram
 interposuit, quin ad Regem adiret: à quo fuit nimis hono-
 rifice acceptus. Deinde cum multa de Ioannis Regis statu,
 de moribus Lusitana nationis, de legibus & institutis per-
 cunctaretur, tum de Christiana religione diligenter inqui-
 rebat, & paulatim ad illius studium animo propendebat.
 Canus tamen dimisit, & cum illo statuit, ut rediret vnus
 ex illis, quos Canus Olyssipponem duxerat, nomine Zacu-
 tem, cum legatione, cuius hæc erat summa, ut à Ioanne con-
 tenderet quantum posset, & per DEVM, quem colebat,
 obtestaretur, ut in illius regnum mitteret sacerdotes, quo-
 rum disciplinis posset ille cum toto regno ad verissimi DEI
 notitiam peruenire. Canus cum Legato & aliquot pueris
 nobilibus, quos Rex in eum finem in Lusitaniam mittebat,
 ut Christiani fierent, & cultum animi caperent, ad Ioan-
 nem reuersus est, & magnam eboris vim, cum stragulis ve-
 stibus ex palmarum folijs contextis, illi nomine Regis Con-
 gensis obtulit. Rex hoc nuntio incredibilem in modum læ-
 tatus est, eò quòd videret aditum apertum, ad CHRISTI
 disciplinam in terris illis latissimè propagandam. Legatus

L I B E R

cum pueris plus duobus annis in Lusitania commoratus est, ut melius & linguam, & religionis Christiana disciplinam perciperent. Cum verò iam omnes essent lustralibus aquis expiati, Christi que nomen Sacramento professi, Iohannes tres naues instrui iussit, quibus Gonzalum Sousam, virum insigni nobilitate, prefecit, quibus tam Legatus, quàm pueri veherentur. Misit præterea cum illis sacerdotes religionis præstantes, cum sacris vasis & infulis, & Christianæ religionis insignibus, qui gentem sacris sanctissimis expiarent, & ad disciplinam Christianæ pietatis erudirent. Cum verò eo tempore pestis Urbem maximè infestam redderet, illius contagione factum est, ut postquam e portu soluerunt, pestis multos in eo cursu conficeret, inter quos Gonzalus Sousa fuit. In cuius locum Rodericus Sousa, qui erat illi sanguine coniunctissimus, consensu omnium successit. Postquam naues eò, quò tendebant, appulse sunt, & omnes in terram, qui erant ad Regem profecturi, descendunt, tantis cantibus, tantaq; significatione eximia cuiusdam voluptatis accepti ab omnibus fuere, ut sylva etiam atque nemora letari viderentur. Qui primus omnium ad CHRISTI nomen adiunctus fuit, erat Regis patruus, qui terras latissimas imperio tenebat: cui fuit nomen Emmanuelis impositum. Audierat enim esse in Lusitania Principem summis virtutibus ornatum, Regis ipsius fratrem patruelem, qui Emmanuel vocabatur, & ea de causa nomen illius sequi constituit. Hic tanto studio religionis disciplinam excepit, ut satis appareret, illius mentem esse radijs diuina lucis illustratam. Duces autem cum innumerabili hominū multitudine de more gentis instructa, Regis ipsius iussu, obuiam nostris prodire. Omnia interim tympanorum & buccinarum cantibus & hominum vocibus personabant.

habant. Postquam ad Regem ventum est, Sousa illum vt Regem salutauit, & ille vicissim Sousam more & instituto suo honorificentissimè recepit. Postquam verò Sousa legationis summam exposuit, & ille gratias summas Ioanni Regi verbis amoris eximij significantibus egit, à Sousa postulauit, vt sacras vestes, & alia, quæ ad religionis cultum pertinebant, quæ adhuc erant inuoluta, explicari, & in omnium conspectu proponi iuberet. Tum singula contemplari, & cum veneratione suscipere, & vehementer admirari, & religiosos homines intueri. Cùm verò Crux sublata fuit, omnes, qui aderant, cùm viderent nostros flexis de more genibus in terram procumbere, idem fecerunt. Rex neque singula quæque inspiciendo, neque de illorum v-sibus inquirendo satiari poterat. Quæ autem à religiosis dicebantur, memoria firmissimè continebat, & Regina deinceps luculenter enarrabat. Fuit statim constitutum, vt templum adificaretur. Quauis autem lapides è lōginqua regni parte fuissent conuecti, tanta tamen celeritate propter flagrantissimum Regis studium, & innumerabilem multitudinem, quæ operas vigilantissimè dabat, adificari cœpit, vt intra breuissimum temporis spacium absolutum, & Sanctæ Crucis nomine consecratum fuerit. Dum hæc geruntur, cùm fuisset illi nuncius allatus, gentes illi subditas, quæ insulam in medio ingentis lacus sitam incolunt, quam fluuius nomine Zairus efficit, ab illius imperio defecisse, finitimisq; terris non mediocrem populationem crebris incursionibus intulisse, illarum impetum & audaciam per se comprimere & vindicare constituit. Antequam verò proficisceretur, sacris aquis expiari, & nomen CHRISTI profiteri voluit. Quod similiter Regina, & aliquot viri nobiles effecerunt. Is Ioannes appellari voluit, Regina verò

L I B E R

verò Leonora, vt studium, quo erga Reges optimos erant incensi, nominibus indicarent. Tradidit illi vexillum Sousa imagine Crucis illustratum, illumque admonuit, vt confideret, se virtute Crucis victoriam de hostibus adepturum. Is fiducia nominis Christiani subnixus, hostes primo impetu profligauit, multoq; celerius, quàm potuisset quisquam suspicari, bellum confecit. Domumq; reuersus, Sousa cum multis amoris signis dimisit. Sousa verò non modò religiosos homines, qui munus institutum peragerent, sed alios etiam, qui terram peragrarent, & lacum illum ingentem, quem diximus, explorarent, & terræ situm & latitudinem, & mores hominum cognoscerent, reliquit. Post Sosa discessum, venit Regis filius natus maximus è regni finibus, in quibus bellum contra hostes finitimos gerebat, ad patrem, operamque dedit, vt antiquorum flagitiorum sordes aquis sacris elueret, & fidem CHRISTI reciperetur: Alfonsoq; nomen propter Alfonso Ioannis Regis filium, usurpauit. Multique viri nobiles similiter Christiani effecti sunt. Magna præterea multitudo vndiq; confluebat, vt istis sacris expiata, noua celestis vitæ luce frueretur. Qui erant recepti, incredibili lætitiâ efferebantur, & Christianorum numerus in dies augebatur. Sed istis tam salutariæ atque repentinae conuersionis initijs sempiternus hostis generis humani magna contentione repugnauit. Ad eamq; rem gerendam alium Regis filium, nomine Pansum Aquitimum, qui à Christiana religionis sacris vehementer abhorrebat, instigauit, vt patrem à studio religionis auerteret. Facinus esse indignum clamitabat, instituta patriæ deseri, Deorum simulacra conuelli, fana, quæ fuerant ad illud diem sanctissima, violari. Ad hæc, Rex molestissimè ferebat, esse sibi per homines religiosos concubinis interdictum,

nec

nec vsum illi nisi tantum vnus vxoris legitima concedi. Et
 ipsa mulieres cum cernerent se Regis coniunctione desti-
 tutas, & de honore, in quo fuerant, deiectas, Regem per se
 & per regni Procures sollicitabant, & vt eum à sententia
 deducerent, maximo opere contendebant. Accedebant au-
 gures atque venefici, qui apud gentem illam in summo ho-
 nore fuerant, qui minas à dijs proponebant, diraq; suppli-
 cia denunciabant illis, qui à pristina religione descuiis-
 sent. Cum verò Alfonsus summa vi perditis hominum im-
 purorum conatibus obstitisset, acerbissimum patris odium
 nullum concitauerunt: in eamq; fraudem Regem impule-
 runt, vt crederet, sibi à filio insidias comparari. Itaque eum
 in vltimos regni fines relegauit. Et quantum scelerato filio
 indulset, tantum de religionis Christianæ studio remisit. Sed
 cum fraudes detecta fuissent, Rex filium in pristinum ho-
 noris gradum cum amplificatis opibus reuocauit. Is au-
 tem instinctus diuini spiritus appulsu, in terris sibi à Patre
 commissis capite sanxit, si quis simulacrum aliquod falla-
 cissima religione dedicatum domi contineret, aut ei aliquo
 loco supplicaret. Hac re nunciata, magnus hominum mo-
 tus factus est, multiq; contra illius statum cum fratre con-
 urarunt. Pater illum euocauit, vt admoneret, nè tumultum
 excitare vellet, & ab ea sententia desisteret. Sed is
 cum se negotijs innumerabilibus impeditum esse diceret,
 nec ad patrem ire, neque decretum rescindere vllò pacto
 voluit. Itaque multi ab illo ad fratrem deficiebant. Inte-
 rim pater cum esset & senio confectus, & morbis oppressus
 & impeditus, è vita paulatim discedere videbatur. Cum
 multi Alfonsum certiore de valetudine patris efficerent,
 & eum accerserent, vt fratris, qui copias ad occupandum
 regnum comparabat, sceleri resisteret, ille tamen quandiu
 de

L I B E R

de morte patris certus esse non potuit, venire non est ausus. At ubi illum vita functum esse rescivit, nocte (sic enim mater illum, ut faceret, admonuerat) in urbem ingressus est. Postero die conuocatis illis regni Proceribus, quibus multum fidebat, in modici campi planicie, qua ante regias ades erat, orationem habuit, qua ius hereditatis, quod obtinebat, & humanitatem, qua suis consulebat, & fidem, qua erant illi omnes obligati, prudenter exposuit, & ad fidem & officium omnes cohortatus est. Illi, quod faustum felixque esset, Alfonso Regem continuo salutant, eique musicorum instrumentorum concentibus, & maximis clamoribus de regni maiestate & amplitudine gratulantur. Id frater cum accepisset, cum iam magnas circum se copias haberet, duplicem aciem instruxit, & in fratrem recta contendit. Alfonso per exiguo militum numero stipatus erat. Quos tamen ad spem victoria vehementer excitauit, adhortatusque est, ut firmissime crederent, caeleste auxilium eis minime defuturum. Facillimeque maximos exercitus a paucissimis hominibus Christi ope defensis profligari. In eoque loco fratrem expectauit. At frater magno cum impetu in eum inuehitur, tantaque erat sagittarum copia, ut in nubis modum umbram efficere videretur. At Alfonso quantumvis fortiter dimicaret, omnem tamen spem habebat in Dei presidio collocatam. Itaque maximis vocibus Christi numen inuocabat, & opem Apostoli Iacobi (quod Hispanos facere in bellis acceperat) implorabat, & has voces magna contentione identidem repetebat. Nec illi spes in CHRISTO reposita fefellit. Hostes enim subito timore perculsi, terga verterunt. Et cum prima acies se in fugam conijceret, secundam aciem impressione facta perturbauit, atque similiter fugere compulit. At frater exanimatus metu

metu, cum in sylvas se abdere voluisset, in cippum incidit (sic enim appellant instrumentum, ad seras capiendas in sylvas appositum) & ibi captus est cum Duce, quem secum propter virtutis militaris opinionem coniunxerat. Is Dux cum se captum animaduerneret, misit ad Regem, qui diceret, se mortem minimè deprecari, quam se meruisse iudicabat. Hoc tamen per illum summum DEVM, quem Rex ipse colebat, orare, nè se pateretur ad supplicium trahi, antequam Christianus fieret. De vita hac exigua miseris innumerabilibus circumuallata minimè sollicitum esse: ab illa verò sempiterna nè prorsus excluderetur, id maximè formidare. Addidit præterea, tantam hominum multitudinem à tam paucis hominibus nulla ratione vinci atque superari potuisse. Sed se magnam militum copiam in equis confidentem, & crucibus insignitam, tantaque luce splendentem, ut omnium oculos persfringeret, in pralio conspexisse, cuius metu perterritus, terga repente dare coactus sit. Quare se minimè dubitare, solius CHRISTI numen esse summa fide colendum, & sempiterna prædicatione celebrandum. Alfonsus verò non modò pio illius postulato satisfecit, sed etiam vinum conseruauit, fidelique illius opera multis in locis vsus postea fuit. At frater partim ex vulneribus, quibus in præcipiti ruina percussus fuit, partim ex dolore intra paucos dies mortuus est: & quod fuit multò fastidiosius, nulla ratione potuit à suscepti sceleris & impietatis pertinacia dimoueri. Alfonsus verò in regni possessione constitutus, multas victorias de hostibus DEI propitio numine consequutus est. Tantoque studio religionem Christianam coluit, ut non plus temporis in Reip. negotijs gerendis, quàm in subditis ad cultum pietatis incitandis consumpserit. Habebat præterea frequentes ad populum conciones
de iu-

L I B E R

de iustitia & pietate, de iudicij diuini seueritate, de sempiterna vite premijs, CHRISTI disciplina, & sanctorum hominum, qui vestigia illius sequebantur, exemplis. Quandiu deniq; mansit in vita, regnum perpetuo in Christiana pietatis officio, cum singulari probitatis & iustitiæ laude continuuit. Emmanuel igitur cum tanto ardore religionis studium in illis partibus excitari conficeret, cum esset ipse natura, & studio, & disciplina, cupiditate religionis incensus, id quod fuerat à Ioanne Rege feliciter institutum, vt perfectum & absolutum cerneret, elaborauit. Itaq; anno à CHRISTO nato. M. D. I I I I. homines sanctissimis literis eruditos, & religionis laude præstantes in illas partes misit. Multos præterea ludorum magistros, qui scholas aperirent, & pueros literis instruerent, & artifices etiã multarum artium eò similiter mittendos existimauit. Multas præterea sacras vestes, partim aureas, partim sericas, multos libros Christianam disciplinam, & sacrorum omnium rationem, & Christi vitam, & hominum sanctorum exempla continentes, argenteos præterea calices sacrificijs dedicatos, & Cruces argenteas, & thuribula, & omnia deniq; quæ tam ad CHRISTI disciplinam tradendam, q̃ ad sacra ritè procuranda pertinebant, in naues imponi iussit, vt facilius gētem in fide suscepta confirmaret. Ad hæc, sacerdotibus, & reliquis omnibus, quibus onus lustrandæ illius regionis imposuit, stipendium, & comitatū largè atq; munificè suppeditari præcepit. Cum autem in his rebus omnibus maximos sumptus faceret, nullum tamen sibi fructum & emolumentum, quibus Regiæ opes amplificari possent, sed diuinum tantum atque sempiternum inflammato studio proponebat. Cum autem homines religiosi cum muneribus sacris à Rege missis in eas oras peruenirent, magna repente homi-

hominum multitudo confluit, ut eos humeris suis tolleret. Omnes, qui conuenerant, homines religiosos venerabundi suspiciebant, & quasi calo delapsos intuebantur. Rex eos valde amanter accepit, Emmanuelique pro tanta benignitate felicitatem sempiternam precatus est. Multi vero certatim ad illos undique conueriebant, ut CHRISTO nomina darent, & sacro fonte abluti, in nouum vita genus ingrederentur. Et quia neque sacerdotes linguam eorum nouerant, neque plebs Portugallensem linguam intelligebat, Rex interpretis officio fungebatur, & quod ab illis acceperat (Iam enim nostram linguam probè tenebat) habita cōcione suis enunciabat. Egit Emmanuel praterea cum illo per literas, ut filios suos in Lusitaniam mitteret. Se namq; daturum operam, ut non Latinis tantum literis, sed etiam maximarum artium disciplinis erudirentur. Ita factum est, ut non solum Regis filij, sed multi pueri nobiles Olyssiponem venirent, & Emmanuelis sumptibus alerentur, & omnes artes homine libero dignas acciperent. E quibus aliqui, qui se sanctis literis impensè dediderant, in Aethiopiam reuersi, multos mortales ad CHRISTI Ecclesiam & concionibus & virtutis exemplis aggregarunt. Opera deniq; Emmanuelis hoc tam praeclarum opus absolutum fuit. Hoc anno cum nullo modo studium Indiae retinendae intermittendum arbitraretur, classem magnam instruxit, cui praefecit Lupum Suarium Aluarengam. Quid verò ab illo actum in India fuerit, suo loco dicemus. Nunc verò cōsequens est, ut, quid Albuquerque acciderit, aperiamus. Alfonsus Albuquerque octo diebus antequam Franciscus Albuquerque soluere posset, Olyssipone profectus est. Franciscus tamen prius in Indiam peruenit, atque cum duabus tantum nauibus in Anchediuam insulam delatus est. Ni-

L I B E R

colaus Coelius, cui altera nauis erat attributa, simul cum illo ad eandem insulam nauem constituit. Tertius Dux, cui nomen erat Petrus Vascius Veiga, vel fluctibus, vel flammis, vel quouis alio casu (certum enim scire non potuit) miserabiliter absumptus fuit. Ibi verò Albuquerque cum Petrum Ataideum, & reliquos Duces, qui cum illo erant, offendisset, intellexit, quo modo Soderij perierant, & Cochimensis Rex è regno Calecutiensis viribus eiectus fuerat. Hoc autem cum accepisset, minimè cunctandum ratus, quanuis adhuc hyems vigeret, Cananorem cum illis sex nauibus petere contendit. Quatuor enim illas, quæ in Anchediæ portu consistebant, duabus suis adiunxit. Rex Cananoris illi Trimumpara aduersum casum, & nimis afflictam fortunam vberius enarrauit. Indè igitur cum celeritate profectus, in insulam, quæ Cochimo adiacet, nomine Vaipinum, vbi adhuc Trimumpara se continebat, accessit. Nostri cum nauës aspiceret, incredibili latitia affecti sunt. Rex ipse contineri non potuit, quin Portugalliam sæpe maximis vocibus inclamaret, & in Ducum complexum rueret. Nostri vicissim illum ad spem pristinae fortunæ confestim recuperandæ magnis clamoribus excitârunt. Naires Calecutienses, qui erant Cochimi in præsidijs, continud urbem præmetu reliquere. Iam hoc tempore Odoardus Paciecus, qui cum Alfonso Albuquerque Olysiptone profectus erat, nauem suam ad eas oras appulerat, & se cum Francisco Albuquerque coniunxerat. Franciscus Albuquerque vbi Regis fidem collaudauit, eiq; Emmanuelis nomine gratias egit, cum videret illum exhaustum, et rei numaria difficultate vehementer implicitum, præter alia dona atque munera decem millia ducatorum ex Emmanuelis pecunia donauit. Fuit hoc donum non modò propter tēporis illius angustias

gustias Trimūpara gratissimum, verū et omnibus magnā admirationem incussit. Reges enim Indiquāus elati & insolentes natura sint, et opes magnas habeant, tenuissimo tamen victu contenti, & ad rem nimis attentī sunt. Cū igitur illius rei fama cū ad alios reges, tum ad Calecutiensem perlata fuisset, obstupuit. Eo die Albuquerque (nihil enim in tantis rebus procrastinandum existimabat) Trimūparam Cochimum transduxit, & illum Regis Emmanuellis nomine in vrbe atque regni possessione constituit: & nē suos otio torpere, & animos hostium confirmare sineret, in aliam insulam Cochimo oppositam, cuius princeps à Cochimense ad Calecutiensem defecerat, inuasit, hostesque inopinantes aggressus dissipauit, multosque ex illis occidit, & aliquot oppida atque vicos exussit: & Cochimum continuo reuersus est. Postera die in aliam insulam traiecit, qua similiter ad ditionem Trimūpara pertinebat, illiusque princeps se eodem crimine defectionis alligarat. At princeps habebat in armis ad tria millia fortium militum, & multi parones Calecutienses armis & militibus instructi, vt illi opem afferrent, circum insulam versabantur. Hic Albuquerque ita duces distribuit, vt Paciecus cum paronibus in mari congregaretur, Coelius vero, & Antonius Campensis, & Ataideus in acie prima cum hostium copijs dimicarent. Paciecus hostium classē inuasit, paronesque partim depreßit, partim in fugam coniecit, multosque ex hostibus & ferro & flamma consumpsit. Reliqui duces in insula primo impetu hostes fundunt, & vallum, quo principis ades septa fuerant, reuellunt, & in ades irrumpunt, ipsumque principem interficiunt, & ades inflammant: eodemque die, parta victoria, reuertuntur. Postridie verò ad aliam insulam

LIBER

nomine Repelinum Albuquerqueius naues accedere iussit. Illius princeps idem in se scelus admiserat. Timore igitur admonitus, nè idem cum reliquis proditoribus supplicium subiret, magna vi se ad resistendum comparabat: Nairūq; duo millia sub signis habebat. Ad littus igitur, vt nostros aditu prohiberent, accessit. Fuit ibi acriter vtrinq; dimicatum. Sed hostes tandem in fuga salutem ponere coacti sunt. Nostri illos vsq; ad maximum insulae oppidum insecuti fuerunt. Ibi cum insula princeps rem in extremum discrimen inductam cerneret, suos a fuga collegit, instructaq; rursus vt potuit, acie fortissimè repugnauit. Redintegrato praelio, fuit vtrinq; summa contentione certatum: sed hostes in fugam versitandem sunt. Nostri cum multos occidissent, & reliquos ex insula precipites eiecissent, insulam diripiendam Trimumpara militibus concessere. Hoc facto, oppida atq; pagi Albuquerqueij iussu incensi, & exusti sunt. His rebus gestis, Albuquerqueius Regem iam latissimo rerum successu recreatum adiit, ab illoq; petijt, vt faceret sibi potestatem arcis edificandae, qua & Lusitani possem pericula ab hostibus intenta propulsare, & statum ipsius Regis multò facilius à Calecutiensis immanitate tueri. Rex id facillimè concessit, dixitq; quòd viueret, & dignitatem recuperaret, & contra hostis improbisimi conatum muniretur, id totum sibi esse, & illi, & Regi clarissimo, & Lusitanorū virtuti in acceptis referendum. Proinde si illi videretur, arcis illius adificationem ex re Emmanuelis Regis esse, velle se sumptum omnem suppeditare. Itaq; locus ad eam deletus fuit valdè opportunus. Erat enim editus, & maris illius angustijs imminebat, è quibus, quoties Calecutij Rex bellum nauibus inferre conaretur, nostri illum faciliè aditu prohiberent. XXvij. die Septembris anno. M. D. III. ar-

cis fundamenta iacta sunt. Magnaq³ hominum multitudo Regis iussu operas perpetuò nauabat. Neque Lusitani quidem se se à labore, vllius vel nobilitatis, vel atatis excusatione defendebant, quanuis eos Rex ab opere auertere conaretur. Quatriduum iam fuerat in arce adificanda consumptum, cum Alsonsus Albuquerqueius Cochimum peruenit. Multiplicatis igitur operis, arx ad summum peruenit, & absolutatandem fuit. Deindè, re prius deliberata, Albuquerqueius cum reliquis ducibus, & aliquot Trimumpara militibus, in oppida, quæ ad Repelinensem Dynastam pertinebant (qui, vt dictum est, à Trimumpara rebellârât) se contulit. Ea verò viginti passuum millibus Cochimo distabant, erantq³ à fluminis ripis, quod in astuarium influit, nò magno interuallo disiuncta. Nostri igitur scaphis & paruis nauigijs egressi, improvisò hostes adoriuntur. Multos interimunt, reliquos fundunt fugantq³, & vastitatem, & populationem eorum rebus inferunt. Huius stragis fama celeriter ad omnes vicinos peruenit. Rem namque esse in magno discrimine, sublato clamore significant. Qui clamorem excipiunt, rursus vt alios ad auxilium excitèt, eadem significatione clamoris vtuntur: & sic fit, vt partim nuncijs ad eam rem missis, partim clamoris successione continuata intra breue tempus magna militum copia congregari soleant. Tunc igitur supra sex millia eorum, quos Naires appellant, ad auxilium suis asserendum repente prouolârunt, & in nostros impetum fecerunt. Nostri ordine instructi cedere paulatim incipiunt. Illi tamen nimis ferociter instabant, & nostros grauissimè premebant: neque solum telis & iaculis eminùs, sed strictis etiam gladijs dimicabant. Quòd si per ordinem, quo Lusitani erant instructi, non stetisset, magna tunc clades accepta fuisset. Sed

LIBER

cum nauigia non procul abessent, & à nostris nullus tumultus excitaretur. omnes se, magno tamen cum labore, & vitæ discrimine, in scaphas & nauigia receperunt. Odoardus tamen Paciecus cum scapham suam (suorum namq; temeritate à loco deducta fuerat) minime reperisset, magnum periculum adiit. Hostium namq; multitudo illum circumstetit, vt, antequam subsidium afferri posset, opprimeret. Ille tamen cum esset acer & strenuus, eorum tamisper impetum insita virtute represit, dum Albuquerquej, periculo, in quo is versabatur, anim. dverso, subsidio occurrerent. Itaque omnes recepti, se Cochimum contulerunt. Fuere in pralio octo tantum vulnerati, nemo autem occisus. Ex hostibus magna multitudo cecidit: septem parones in fluuio capti, & quindecim incensi sunt. Insequenti nocte (nec enim arbor animorum, qui in Ducibus inerat, miluiibus vllam quietis facultatem dabat) vt alios pagos Dynastæ Repelinenfis euenterent, in scaphas atque nauigia conscenderunt. Alfonso Albuquerqueius reliquos antecebat. At hostes in armis excubabant, itaque conferti, summa contentione resistunt: duos occidunt, viginti conuulnerant. Alfonso Albuquerqueius inopinato casu destinetur, neq; quomodo tanta multitudini resistat, neque quo pacto retrocedat, rationem inire potest. Quod tamen erat viri fortis officium, acriter dimicandum statuit, vsque eò, dum reliqui Duces opem afferrent. Sic ad primam lucem impetum hostium sustinuit. At Franciscus Albuquerqueius cum ceteris Ducibus sese è scaphis eiecit, & incredibili celeritate ad locum, in quo pugna committi cœperat, se contulit. Illorum aduentu nostris animus additus fuit, & hostes in fugam coniecti, magnaquæ eorum pars ferro concisa, & pagi flammis exusti. Eodem die aliam insulam, nomine Cambalam,

aggressi sunt, ubi supra septingentos homines interfecerunt. Neque ijs rebus contenti, in terras alias ad dittonem Calecutiensis Regis pertinentes ingressi, hominum stragem ediderunt, & populationem maximam intulerunt. Sed cum supra sex millia hominum ad eorum impetum reprimendum conuenirent, agrè repulsi sunt. (doardus interim Paciecus triginta & quatuor parones Calecutiensis Regis, qui aditum in portum Cochimi mercatoribus intercludebant, superauit, & fugere compulit. Post has calamitates hostibus illatas, cum mercatores Cochimum piper, & alia aromata in Cochimensi portum conuehere non auderent, visum est Alfonso Albuquerque Coulamum petere, ut ibi tres naues oneraret. Ciuitas erat omnium priscis temporibus in regionibus illis & amplissima & opulentissima. Sed postquam Calecutium à mercatoribus frequentari, & opibus augeri cœpit, magna Coulamensis imperij inclinatio facta est. Cochimo abest circiter quadraginta & octo passuum millia: ad ortum solis spectat. Nauigatio est tutissima secundum fluuium, nisi cum propter fluminis angustias, insidiæ ab hostibus ab utraque parte in ripis collocantur. Flumen enim est valdè profundum: cum marinis enim aquis, quas accedens æstus inducit, commiscetur portus est optimus. A Edes, phana, religio, mores, instituta sunt eadem fermè, quæ apud reliquos Malabares fuisse diximus. Gens est assueta prælijs: continenter enim bellum cum Rege Narsingæ gerit. Quauis enim Narsingæ regnum maxima ex parte latus India, quod spectat ad orientem Solē, occupet, cū tamen latissimum sit, ad confinia Solis occidentis extenditur. Rex maximā temporis partem in urbibus mediterraneis consumit. Coulamum verò regendum hominibus committit, quos fide præ-

LIBER

stantes esse iudicat. Regio à Christianis illis etiam colitur, qui Thomæ disciplinam acceperunt, & in tanta temporum varietate, & regnorum commutatione, & aduersis rerum incidentium casibus inuicta semper fide & constantia retinuerunt. Est in ea vrbe templum peruetustum, quod Christiani perhibent fuisse à Thoma adificatum. Apostoli autem corpus est in ora Regni Narsingensis sepultum, in tēplo, quod non à Christianis tantum, sed etiam à Saracenis & reliquis gentibus sanctissimum habetur. Fama namq; constans est, viri illius diuini meritis multa miracula diuinitus edi, & complures, qui opem illius vel in grauissimis morbis, vel in rebus afflictis implorabant, mirabiliter alleuatos, & maximis malis liberatos extitisse. Eo tempore, quo Alfonso Albuquerque in eam urbem nauigauit, mulier quadā vidua Regnum nomine filij, qui nondum etatem maturam ad regendum habebat, non segniter administrabat. Fuit à ciuitatis principibus, qui nomine Regina omnia, quacunq; vellet, se facturos ostendebant, valde honorifice receptus. Itaque oneratis ex sententia nauibus, & amicitia fœdere percusso, & traditis regia fidei Lusitanis, qui erant gerendi negotij causa Regis Emmanuelis nomine in ea vrbe relinquendi, Cochimum reuersus est. Dum hac geruntur, Calicutij Rex animaduertens, in quam fraudem fuisset Arabum cohortationibus impulsus, magno silentio, ne Arabes fœdus perturbarent, pacem cum Lusitanis facere cōstituit. Ad quam celerius constituendam, Naubeadarimi, quem, vt dictum est, animi inclinatione in Lusitanum nomen egregie propendere constabat, assidua cohortationes impellebant. Conditiones fœderis hæ fuerunt: Vt omnes classes, quæ erant in mare, belli cum Lusitanis aut cum illorum amicis gerendi causa, deductæ, continuò subducerentur.

Vt om-

Vt omnia bona Regis Emmanuelis, quæ tempore, quo Arius Correa fuerat interfectus, Arabes, & reliqui eorum socij diripuerant, restituerentur. Et pro illis Calecutij Rex certum piperis pondus intra tempus assignatum persolueret, Nè Saracenis, qui Calecutij negotiabantur, facultatem tribueret in Arabiam nauigandi. Flagitabat præterea Franciscus Albuquerque, vt Mediolanenses, qui ad Calecutij Regem transfugerant, illi redderentur. Id solum Rex pernegauit. Turpissimum namq; sibi fore iudicabat, si homines semel in fidem receptos proderet: reliqua omnia concessit. His ita constitutis Naubeadarimus Cranganorem petijt, vt ibi bonam piperis partem appendi, atq; Pacieco, qui eò iussu Francisci Albuquerque ad eam rem venerat, assignari iuberet. Accidit interim, cùm iam bonam piperis partem Paciecus nauibus imponi iussisset, vt nauigium pipere onustum, quod Calecutiensis Regis erat, Cranganorem versus nauigaret. Id cùm ad Iacobum Fernandum Corream perlatum esset, Albuquerque iniussu misit, qui nauigium caperet, & Cochimum perduceret. Illi, qui erant in nauigio, cùm se captos animaduertunt, indignum facinus esse clament, Pacem inter Regem Portugallia & Regem Calecutij esse iam solenni fœdere constitutam. Et tamen post factam pacem, Calecutiensis Regis ministros atque famulos per vim à Portugallensibus capi, & piper regium diripi. Præterea piper illud Cranganorem cōuehi, vt Portugallensibus traderetur, & Rex Calecutij citius fidem suam liberaret. Nè vellent igitur, quod erant sine cuiusquam iniuria confestim accepturi, cum tanta Regis offensione per vim à Regiorum manibus extorquere. At Correa nihilominus in instituta iniuria fortissimè perseuerat, nauigiumq; oppugnat: Naires sex occisi sunt, & multi præterea vulnerati.

L I B E R

Ex nostris verò non pauci vulneribus acceptis è pralio dis-
cesserunt, ita, vt non magnum piperis illius pondus, quod per
vim & iniuriam direptum fuit, multorum sanguine con-
staret. Id vbi Naubeadarimus rescuit, à Francisco Albu-
querque postulauit, vt Regi satisfaceret. Fœdus enim viola-
tum fuisse, Regisq; animum grauter offensum, materiâq;
datam hominibus, qui pacē hanc turbare cupiebant, ad bel-
lum acerbissimum temerè cōcitandū. Præterea turpissimū
fore Lusitanis, si scelus, quod in alijs vindicare conabantur,
in se ipsos admitterent. Iure enim visi fuerant Regi Calecu-
tiensi bellum mouere, quodd nolisset in eos, q. facinus illud
in cade Arj Correa, & in opum regiarū direptione conci-
uerant, animaduertere, & Emmanueli Regi satisfacere:
cur igitur idem facinus à suis susceptum inultum esse pa-
teretur? Cur non aliquam Regi Calecutiensis satisfactio-
nem daret, qua illius animus tam atroci iniuria stimulatus
placari posset? Regem esse natura mutabilem, & iracun-
dum, & Saracenis obnoxium, ita, vt eorum sermonibus in-
ductus, cū à nostris nullam iniuriam accepisset, eas ta-
men illis clades, quas acceperant, intulisset. Quid igitur fa-
cturum existimaret, postquam is iure bellum suscipere vi-
deretur? Hac & alia multa cū Naubeadarimus in ean-
dem sententiam repeteret, Francisco Albuquerque po-
stulata illius contempsit. Quo quidem crimine vel sceleris,
si neglexit fidem, vel timiditatis, si non ausus est coercere
hominis vesani temeritatem, laudes, quas fuerat adeptus,
obscurauit. Rex Calecutij ira grauissima commotus, clas-
sem rursus instruere, & delectum habere instituit, vt mari
atque terra bellum Cochimensi Regi atque Lusitanis in-
ferret Vbi id Trimumpara compertum habuit, à Francisco
Albuquerque enixè postulauit, vt ea sibi præsidia relinque-
re

ret, quibus posset Calecutiensis impetus ab illius regni finibus propulsari. Indignissimum namq̃ fore se, cum propter Lusitani nominis studium tam graui bello, quantum erat illud futurum, premeretur, Lusitanorum ope destitui. Id Albuquerqueius se facturum pollicetur. Sed id minime, vt par erat, prastitit. Vnam enim tantum nauem cum duabus carauelis, quarum formam iam supra descripsimus, & aliud paruum nauigium illi cum centum Lusitanis reliquit. Erant apud eum praeterea alij quinquaginta Lusitani, ita, vt centum & quinquaginta tantum Lusitani ad tanti belli molem susinendam eo in loco remanerent. His omnibus praefectus erat Odoardus Paciecus, qui summa voluntate prouinciam illam suscepit, vt vitam, si ita opus esset, pro CHRISTI gloria, & Regis Emmanuelis dignitate profunderet. Interim venit Alfonsus Albuquerqueius Coulamo. Albuquerqueij igitur Cochimo profecti, Cananorem peruenire, quo in loco cognouit Alfonsus è literis Raphaelis Reineli, qui, apud Naubeadarimum piperis accipiendi gratia remanserat, maximum bellum comparari. Idem etiam Coiebiquius, cuius iam antea mentionem fecimus, qui plurimum Lusitanis fauebat, literis ad Albuquerqueios missis indicauit. Inde cum oram Calecutij legerent, ad Regem miserunt, qui Lusitanos, quos apud se retinebat, missos faceret: quod postulatū ille reiecit. Inde igitur digressi, iter in Portugalliam suscepere. Alfonsus Albuquerqueius Olyssipponem peruenit. xvij. die mēsis Iulij, anno à CHRISTO nato M.D.III. Franciscus verò Albuquerqueius, & Nicolaus Coelius quomodo perierint, incertum est. Nunquam enim comparuerunt, nec vllus euasit, qui posset illorum interitum nuntiare. Petrus Ataideus, fracta in vadis naui, in terram euasit: in qua nauigium nactus, cum Lusitanorum parte, qui erant in eadem

LIBER

eadem naue, Mozambiquem se contulit, vbi mortuus est. Alia verò pars se Melindem recepit. Per idem fermè tempus, quo hæc acciderunt, Dux alius, nomine Antonius Saldagna, varijs tempestatibus iactatus fuit. Missus autem fuerat ab Emmanuele, post Albuquerqueorum Olysiptone discessum, cum tribus nauibus, vt mare, quod vltimo A Ethiopia promontorio, Guardasu nuncupato, & Arabico sinu continetur, armis infestum redderet. Vnus ex Ducibus, qui sub illo erant, cui nomen erat Iacobus Fernandus Pereira, vi tēpestatis à reliquis nauibus segregatus, nauē suam Melindē appulit. Indè Zacatorā insulā antea nostris incognitam, nō ita lato mari ab introitu sinus Arabici disiunctam, petijt, in qua hyemare constituit. At Saldagna gubernatoris imperitia cursum non tenuit, & in insulam, quam appellant Sancti Thomæ, æquinoctiali circulo subiectam, peruenit. Postquam verò indè digressi sunt, alia coorta tempestate factū est, vt alter ex Ducibus Rodericus Laurentius Rauascus ab illius conspectu distraberetur. Saldagna verò cū promontorium Bonæ spei superare contenderet, fuit eiusdem gubernatoris inscitia, qui iam se promontorium flexisse credebat, in sinum delatus, in quo aquationem fecit. Cui loco deinde fuit nomen, Aquatio Saldagnæ. At Rauascus cū multò citius promontorium flexisset, Mozambiquem versus nauigauit: indè verò Quiloam petijt, vbi viginti dies Saldagnam expectauit. Quem cū diutius opinione sua morari cerneret, insulam Zanzibarem nomine, cuius iam antea mentio facta est, nauigauit. Abest autem hæc insula Mombaza ad occidentem Solem octoginta passuum millia. Inter hanc insulam & continentem, fretum interiectum est adeò angustum, vt nauis nulla eò transire possit, quæ non simul & ab insula, & à continente facillimè cernatur. Circum eam

insu-

fulam Rauascus duos menses peragrauit, vbi supra vigin-
 naues Zanzibarensum, diuersis temporibus, multis re-
 bus onustas cepit: & pretio in singulas constituto, eas domi-
 nis restituit. Attulit hoc hominis flagitium grauissimā ter-
 ris illis offensionem, multorumq; animos à nostris alienauit.
 Erat enim nostris cum insula illius incolis amicitia. Insula
 princeps misit ad Rauascū, qui diceret, se vehemēter admi-
 rari, quo iure Dux Lusitanus, à qua gēte audierat fidē san-
 tē coli, in res insulae illius, Lusitanis addictae, tā ferociter in-
 rasisset. Se cetera, quae abstulerat, non iā curare. Arma sal-
 tem & tormenta, quae erant in nauibus, redderet, & reli-
 qua sibi reseruaret. At Rauascus non modò equisimo postu-
 lato satisfacere noluit, sed responsum nimis asperum & con-
 tumeliosum dedit. Hac iniuria princeps irritatus, aliquos
 paruos parones instruxit, qui in Rauascum inuaderent. At
 Gomezius Carrascus eiusdem nauis scriba, & miles alius,
 nomine Laurentius Phaeus, Ducis iussu, priusquam parones
 comparari & egredi possent (nauis enim appropinquare
 errare non poterat) in scapham tormentis & armis instructā
 repente desiliunt, & in parones inuehuntur. Quatuor au-
 tem capiunt, reliquos in fugam coniiciunt: aliquot homines
 occidunt, inter quos fuit vnus eiusdem Principis filius. Prin-
 ceps cum cerneret, se ius suum neque legitima disceptatio-
 ne, neque armis obtinere potuisse, nè malum illud ad totius
 insulae perniciem emanaret, quanuis esset & incommodis
 affectus, & filio orbatus, pacem tamen cum Rauasco consti-
 tuit, ea conditione, vt certum pondus auri quotannis tributū
 nomine Regi Emmanueli persolueret. Pace ad hunc modū
 constituta, Rauascus Melindem petijt. Erat autem acre bel-
 lum tunc temporis inter Melindium Regem, & Regem
 Mombazae concitatum. Rauascus vt Mombazam perter-
 reret,

L I B E R

veret, nauem suam in Mombaza portu constituit: ibi duas
onerarias naues, & tria nauigia minora pugnando cepit.
Inter eos, qui fuerant in nauibus capti, erant Arabes duode-
cim, viri & opibus & dignitate ciuitatis suae Principes. Ci-
uitas appellabatur Braua: aberat autem Mombaza qua-
dringentis millibus passuum. Ii aliam nauem expectabant
multis magni pretij mercibus onustam. Cum autem se pe-
cunia redemissent, ciuitatē suam dederūt, fidemq; suam
obstrinxerunt, fore se & reliquos ciues Brauenses semper
in Regis Emmanuelis potestate. Illis similiter Rauascus, quod
sibi visum est aurum, quod singulis annis Emmanueli solue-
rent, imperauit. Fœdere percusso, nauis, quam expectabāt
interuenit. Quam Rauascus non attigit, nec vt ab aliquo a-
lio fœderatis iniuria fieret, permisit. Interim Saldagna co-
tribus nauibus, quas in illo cursu ceperat, Mombaza por-
tum subiit. Rex cū iam classis speciem intueretur, veritu-
nē graue aliquod incommodum Lusitanorum armis acci-
peret, pacem cum Melindio fecit. Saldagna verò indē
Indiam nauigauit, & insulis Canacania, & Anchedia
classē applicuit: quid autem ab illo gestum fuerit, su-
loco dicemus. Hoc anno M. D. IIII. Octobris mēse, Al-
fonfus, equitum Magister, Iacobi Emmanuelis fratris filius
de quo suprā dictum est, in adolescentiæ flore graui morbo
oppressus, ē vita migravit, vnamq; tantū filiam, eximi-
pulchritudine & singulari virtute fœminam, reliquit, quā
postea Petro Villæregalis Principi, viro egregiē forti, nu-
psit. Eodem fermē tempore Isabela Castella Regina simi-
liter ē vita discessit, maximumq; sui desiderium cum m-
tis lacrymis vniuersæ Hispaniæ reliquit. Fuit enim illa mi-
lier tam excelso animo, & tam singulari prudentia, ta-
tisq; laudibus probitatis & religionis ornata, vt meri-
vide

videatur nomen illius sempiterna memoria consecrandum. Ultimo die Decembris eiusdem anni peperit Regina Maria liam singulari pulchritudine. Fuit illi impositum nomen uia Beatricis. Quæ postea Carolo Allobrogi Duci nupsit, et postea dicitur. Hoc anno ingentes & crebri terræ motus extiterunt, ades multæ corruerunt, terra multis in locis de- cedit, ingentesq; laves factæ sunt. Homines domicilia dese- ebant & montes etiam attingere non audebant, metuen- es, nè vel domibus disiectis oppressi, vel montibus de sede cõ- uulsis obruti, miserabiliter interirent. Campos & planitiæ æquebantur : in tabernaculis habitabant. Per idem fermè tempus Ioannes Menesius non indignum memoria facinus aggressus est. E S T oppidum Mauritaniæ clarum, nomine Larache, quod viginti millibus passuum Arzila distat. Fla- mine autem Zilia, quod in Oceanum influit, alluitur. Cepe- rant autem Mauri quinque naues Portugallenses, quæ tunc in Larachensi portu consistebant. Id cum Menesius rescuiss- set, indignè admodum tulit, & in portum inuehi cogitauit, ut naues abduceret. Erat autem in ipsius fluminis ostio tur- ris natura, & arte, & armis, atque tormentis egregiè mu- nita, in qua milites per vices excubabant. Erat autem is receptus piratis omnibus, qui ex ea Mauritania parte quotannis, ut prædas agerent, egrediebantur. Menesius se- cum excogitat, quomodo sine periculo, quod à turri immi- nere videbatur, in eiusdem oppidi portum & stationem in- raret. Id cum iam secum animo deliberatum & constitu- tum haberet, accidit, ut die quadam quinque biremes, & nam triremem conspiceret, quæ occidentem Solem versus nauigabant. Qua re animaduersa, speculatores partim terra, partim mari continuò misit, qui earum cur- sum diligenter explorarent. Renunciant illi omnes, in

Lara-

LIBER

Larachis portum inuectas, in terramq³ subductas fuisse, ita tamen, vt triremis non procul ab aqua consisteret. Cum id compertum haberet, quatuor Carauelas instrui confestim iubet, & milites, quos ad eam rem alacrius gerendam aptos cognouerat, accersuit, & anchoris de nocte solutis Larachem petijt, & classem ante fluminis osium prima luce constituit. Accurrunt Mauri, ignem tormentis applicant, & globos ingentes emittunt, summaq³ vi contendunt, vt aditum nostris intercludant. Menesius verò æstus opportunitatem expectabat, quem vbi vehementius incitari sensit, latera naui vnius culcitris laneis, & saccis, quos lana diligenter inferciri iusserat, fulcienda, & molibus obstruenda curauit, & turri opponi præcepit, vt tormentorū ictus exciperet. naues reliquæ huius præsidio tectæ portum subiêre. Mauri interim sagittis, & iaculis, & plumbeis glâdibus acerrimè decertabant. At Menesius introrsus, illis frustra repugnantibus, cum integra classe penetravit. Fluvius est & aquarum copia, & æstus accessione profundus, ita, vt nostri facillimè possent ad illius ripas accedere. Quod cum factum esset, illi, quibus id imperatum fuerat, in terram defiliunt, & vt coniectis facibus triremem incenderent, summa contentione pugnant. Mauri contrà, vt incendium arceant, vndiq³ prouolant. Fit atrox prælium, neque mediocri temporis spacio fuit vtrinque acerrimè dimicatum. Tandem cum multi ex hostibus caderent, multi grauitèr sauciati secederent, reliqui se in fugam dederunt, quos nostris longius insequi per Menesum licitum non fuit. Sed quod erat illi propositum, triremem exurere confestim iubet. Quinque verò biremes cum duabus nauibus longis, & vna ex nauibus Portugallensibus (eas namq³ iam in terram subduxerant) à nostris in mare continuò deductæ fuerunt. Re-

liquæ

liquae tres Portugallenses naues deduci non potuerunt. & idcirco cum trireme similiter incensa sunt. Hac re ex animi sententia gesta, Menesius cum ingentem hostium multitudinem confluere vidiſſet, æſtu ſecundo (iam enim minui, & decedere incipiebat) ſe ſine vllò incommodo recepit. In hoc autem prælio vnum ſolùm hominem deſiderauit. Et cum quatuor tantùm ex Arzila portu naues eduxiſſet, cum duodecim reuerſus eſt. Exterruit hac hominis alacritas & audacia vehementer hoſtes, quod in intimo eorum portu, in præſidijs firmiſſimis, & intra munitiones, quas ipſi tutiſſimas arbitrabantur, non dubitãſſet inuehi, & eorum naues incendere, tantamq; cum tam paucis nauibus, in oppidum munitiſſimum, peſtem & perniciem machinari. Nec eos tam ſolicitos habebat hominum cades atque nauium iactura, quantum facinoris editi magnitudo. Metuebant enim, nè tam felicitis audacia, parum, vt videbatur, conſiderata ſucceſſu, noſtri animos aſſumerent, quibus maiora facinora molirentur. Emmanuel verò cum huius facti nuntium accepiſſet, maximo gaudio affectus fuit, Menesij quæ virtutem, & ſagacitatem, & induſtriam debitis laudibus ornauit. At is cum nullam benè gerẽdæ rei occaſionem præmittere voluiſſet, vt aliud non leuius incommodum hoſtibus aſſerret, excogitauit. Eſt mons, Farrobus nomine, quem minoris Atlantis partem eſſe ſuſpicor, qui viginti paſſuum millibus Arzila diſtat. Secundum illius radices amnis fluit, qui hyeme tantis aquis augetur, vt vado transiri non poſſit. Hoſtes ea re freti, ſecurè in pagis, qui ſunt in modum admodum frequentes, hyemabant, maximoſquæ armenorum & pecudum greges alebant. At Menesius in intimis libus, nè ea res in vulgus emanaret, duas quadratas ædificari iubet. In quem verò uſum id fieret, nullus ex fabris

N

ligna-

L I B E R

lignarijs, quorum fidei opus illud commiserat, suspicari potuit. Cuiuslibet autem lintris magnitudo tanta erat, quanta posset vnus validi iumentis tergo supportari. His perfectis, se tantisper continuit, dum noctem pluuijs & tempestate turbidam videret. Eam nactus tempestatem, quam optabat, signum excursionis properè faciendæ dari iubet. Admirantur omnes eo tempore classicum cani, quo propter imbrium vim omnis mentio belli necessariò conticescit. Id tamen à sapiente Duce, & in bellis exercito non temerè fieri suspicantur. Armati conueniunt, eumquæ sine vlla recusatione sequuntur. Nemo tamen quid ille animo ageret, aut quorsum tenderet, inquirebat. Erant autem illi, quos tunc secum eduxit, equites viginti supra ducentos, quibus, vbi commodum visum fuit, quid sui consilij esset, aperuit: quàm facile res fieri posset, exposuit: quid ab omnibus fieri vellet, ostendit. Eos tamen, qui rem aggredi dubitarent, admonuit, vt domum redirent. Se se namquæ multò confidentius cum paucis, ijsquæ fortissimis, quàm cum multis, omnia pericula metuentibus, quoduis facinus aggressurum. Nemo tamen fuit ita sui decoris oblitus, vt domum redire vellet. Vbi ad fluuium peruenire, qui tunc super ripa effusus, multò maiorem telluris partem, quàm suspisati fuerant, inundabat, lintres, quas iumenta portabant, in ripa deponi precepit. Tum vni è suis domesticis, qui Fernandus Freitas appellabatur, imperauit, vt extremitate cuiusdam funis mordicus apprehensa, fluuium nando traiceret, vsquæ dum modicæ terre planiciem, quæ vltra aluei partem qua fluuius maiore impetu ferebatur, in aquis eminebat attingeret. Eo fune erat iam vna ex lintribus alligata. Ergo postquam is, qui fluminis alueum transierat, in locum

peruenit, & inde contrariam ripam superauit, lintrem ad se facillimè traxit. Similiter cùm funis alius, quo altera ex lintribus colligata fuerat, ex prima neceretur, minimo cum negotio traducta fuit. Cùm igitur utraq; fuisset utrinque funibus valdè retenta, fiebat, ut funibus altera ex parte laxatis, ex altera verò contentis, prout transmissionis illius vsus flagitabat, ut illa vtrò citroque facile commearent. Equites ephippia detrahunt equis, eaque lintribus imponunt, ipsique lintribus ita fluuium paulatim traiciunt, ut equos habenis deductos transnare compellerent. Vbi omnes in vltiorem ripam euaserunt, equos rursus insternunt, quibus insidentes, Menesium noctis illius silentio per loca palustria & lutulenta sequuntur, quanuis eos interdum immodica pluuia tardaret, & aqua pectora equorum pertingeret. Menesius, qui regionis illius omnes anfractus nouerat, prope pagos, quibus quamplurimum posset detrimentum inferre cogitabat, in loco collocandis insidijs aptissimo copias suas continuit. Vbi diluxit, continuò montani in camporum planiciem descendunt (erat enim iam tempestas sedata) alij, ut segetes suas inspicerent, alij, ut greges suos in pascua deducerent, alij postremò, ut venarentur. Menesius tamen nolebat è latebris exire, donec tanta hominum copia, in quantam ille inuadere cupiebat, in illius se conspectum daret. Sed accidit, ut duo venatores in insidias illius inciderent: quo factum est, ut fuerit illi necesse continuò prodire. In homines igitur inopinatò ferociter inuadit, multos capit, plures interimit, magnamque prædam facit, exercitumque incolumem reduxit. Vbi ad fluuium ventum est, abacti greges primùm fluuium nando traicere compelluntur, deinde ipsi lintribus

LIBER

eadem ratione, qua nocte fuerant transuecti, & multò etiam faciliùs eundem fluuium transmiserunt, Arzila^mq³, cum ad uespera sceret, ingressi sunt, cum magna eorum, qui relictis fuerant, admiratione. Fieri enim non posse crediderant, ut in tam seua tempestate vel fluuium transire, vel illo transmissio, hostium multitudinem armis exercitam euadere possent, maximè verò, cum regressus esset difficillimus, & posset facillimè recisis lintrium funibus impediri. INTERIM dum hac in Lusitania & Africa geruntur, Triumpara in India, & Lusitani, qui cum illo erant, grauissimo bello premebantur. Rex enim Calecutij, ut suprà dictum est, acerrimè delectum habebat, classem maximam comparabat, antequam Albuquerqueij iter in Lusitaniam susciperent. Paciecus ab illis digressus Cananore, Cochim nauigauit. Rex ubi tam exiguas copias sibi præsidio à nostris relictas animaduertit, & crebris nuncijs accepisset tantum esse exercitum hostium, quantus neque iusto quidem exercitu sustineri posset, & simul intelligeret, non solum mercatores Arabes, quorum opera res frumentariae in ciuitatem importari solebat, verum multos ciues de fuga cogitare. & non paucos etiam ad hostem deficere, salutem omnino desperauit. Accedebat, quod fieri non posse putabat, ut Paciecus cum tam paucis hominibus haberet in animo, belli fortunam experiri: cum magis temeritati & amentia, quàm virtuti merito videretur esse studium illius si vellet in re perditâ armis frustra contendere, tribuendū. In eam tandem opinionem venit, ut existimaret sibi datâ verba à Francisco Albuquerqueio fuisse. Quomodo enim, fuisset verè & ex animo auxilium pollicitus, non firmior præsidia reliquisset, cum posset? Itaque se delusum existimauit, & hoc sibi fuisse pramium pro tam singulari fide & constan

onstātia persolutum. His curis anxius, ad Paciecum adiit,
 & flens Deos obtestans, illum precatus est, vt mentem suam
 periret. Ita se de Lusitanis esse meritum, vt si fuisset ab il-
 lis in fraudem impulsus, iure de illorum iniuria conqueri
 perpetuū posset. Iam non, inquit, auxilium in re deplorata
 lagito, sed nē mihi illudas, id à te contendo. Si enim opis
 uae spem mihi omnino praeideris, aliquid excogitabo, quo
 non funditus inteream. Si verò falsa spe delinitus, mihi,
 lum tempus est, minimè prospexero, sublata salutis occa-
 sione, frustra arumnas meas postea lamentabor. Non au-
 tem adducar, vt credam, te ab Albuquerque, vt mihi auxi-
 io esses, sed vt rem Emmanuelis gereres, in India relictū.
 Quomodo enim tibi ex tam multis nauibus, ex tanta mili-
 tum copia, tres tantum per exiguas naues, & eas aliqua ex
 arte laborantes, cum tam paucis hominibus attribuisent,
 me conseruatum vellent? Si, vt hinc Coulamum, aut Ca-
 anorem te recipias, cum me belli mole vehementer affli-
 tum perspexeris, satis est in tanta nauium et militum pau-
 citate praesidiū. Si, vt impetum Regis potentissimi à regni
 nei sinibus arceas, illorum sapientiam requiro. Quare te
 DEVM, quem colis, oro & obtestor, nē me deludi si-
 as: et, an sis mihi opem in rebus afflictis allaturus, an hinc,
 t impendentem calamitatem effugias, migraturus, enun-
 ties. Hac oratione Paciecus iracundia vehementer exar-
 t, & cum Rege de tam insigni conuitio sibi facto nimis a-
 rriter exposulauit. Erat enim oratio hominis de illius fi-
 de dubitantis, qua nullam maiorem contumeliam nomini
 honesti hominis inuri posse confirmabat. Sibi verò semper
 fuisse fidem vita chariorem. De Albuquerque non erat, cur
 ueri posset. Eas enim copias reliquisse, quas satis esse vide-
 ret ad Regis scelerati & insani elationem coercendam.

LIBER

Non enim multitudinis incondita temeritate, sed paucorum vigilantia & consilio victoriam contineri. Præterea aditum in Cochimi regnum à Calecutij finibus fluuio & æstuario disclusum, esse perangustū, & eiusmodi, vt à paucis posset contra infinitam hostium multitudinem custodiri. Postremò tantum esse CHRISTI optimi maximi numen, vt nutu, cū vellet, omnes hostiles copias profligaret. Nec enim humanis opibus posse diuinas impediri. Se verò pro certo habere, auxilium diuinum sibi minimè defuturum. Idcirco bono animo esset. Se namq; paratum esse, pro illius statu & dignitate vsque ad extremum vitæ spiritum decertare. De belli verò exitu, se firma spe teneri, fore, vt Calecutij Rex non modo victus, sed etiam catenis alligatus breui in Portugalliam duceretur. Hac oratione Regis animum demissum erexit, atque ad spem salutis excitauit. Ab eo autem digressus, eos Arabas, qui opibus & authoritate inter reliquos excellebant, accersiri iussit, & admonuit, nè metu aliquo turbarentur, nè ve loci illius, in quo tam commodè ad illum diem vixerant, deserendi consilia susciperent. Multas deinde rationes attulit, quibus persuadere conatus est, non esse illis villo modo de victoria desperandum. Postremò nimis atrociter illis minitari cœpit, qui vel perfidia à Trimumpara desciscerent, vel ignavia fugam pararent. Id se publicè testificatum esse velle, flagitium eorum, qui ab ea vrbe demigrare conarentur, minimè impunitum fore. Nè suspicaretur autem quisquam illum posse falli. Esse namq; sibi vigilandum, & omnium hominum conatibus occurrendum, & ijs custodijs exitus omnes tenendos, nè quisquam posset vel mari vel terra manus illius effugere. Qui igitur vitam caram haberet, se de mi contineret, & consilia plena dedecoris & infamiae di-

test.

testaretur. Secus enim, pro certo haberet, esse sibi vitam cum acerbissimo supplicio deferendam. Hanc autem ultimam orationis partem, quam inas proponebat, voce aded contenta & atroci pronunciauit, vt omnibus ingentem metum inijceret. Ardebant enim oculi, & facies inflammari videbatur, & è vultu species quædam furoris eminebat. Illi respondent, se in officio futuros, neque passuros vllomodo, vt Rex de illorum perfidia conqueri posset. Factum est deinde, vt omnes, qui de vrbe deferenda consilia frequenter inibant, illa partim voluntate, partim metu deponerent. Paciecus interim secundum fluuium discurrebat, vigilas disponebat, omnes exitus & mari & terra, quibus custodijs poterat, vigilantissimè sepiebat, nè quisquam auderet abeundi cogitationem suscipere. Accidit autem, vt piscatores quatuor, quod illius iniussu piscari ausi fuissent, ad illum ducerentur. Ille eam causam prætendens, quod fugere decreuissent, homines corripere vehementissimè, & in insulam traduci, & suspendi maxima voce iussit. Rex vbi id rescivit, ab illo postulauit, vt miseris hominibus veniam tribueret. Ille verò dixit, se vehementer admirari Regis sapientis in tam atroci scelere vindicando negligentiam. Non esse rempublicam in periculis dissolutè gerendam, sed seuerè & acriter administrandam. Illorum hominum supplicio sanciri disciplinam, venia verò confirmari eorum, qui similiter abscedere vellent, audaciam. Se nullo modo passurum, vt propter Regis inconsideratam clementiam, dignitas illius, & regni totius salus in discrimen veniret. Clanculum verò per fidelem nuncium Regi significauit, se homines minimè vitæ priuaturum: sed vt eo timore iniecto, reliquos in officio contineret, illis minis usum fuisse. At illi,

N ✱ qui-

LIBER

quibus necem se allaturum simulauit, in insulam tr ducti, nocte fuere rursus in urbem reducti, & apud Regem diligenter occultati, nè posset quisquam suspicari, eos per simulationem tantum fuisse perterritos. Neque satis habebat Paciecus, si urbem diligentissimè tueretur, nisi etiam damna quamplurima hostibus inferret. Itaq³ fluuium sapè transmisit, & in Repelini fines, & in alias finitimas terras inuasit. Multos vicos exussit, multos homines occidit, & incredibili celeritate multis in locis incautos oppressit. At Calecutij Rex celerius exercitum eduxit, vt illius impetum reprimeret, & Repelino appropinquauit. Interim literis Roderici Reineli, qui Calecutij morbo grauissimo laborabat (ex quo paulo post mortuus est) intellexit Paciecus, quantas copias Calecutiensis educeret. Hoc allato nuncio, Cochimi tumultuari cæptum est, & Arabum perfidia multi fuere ad defectionem sollicitati, qui tamen metu Pacieci se, quanuis essent timore perterriti, continebant. Cochimensis autem regio versus Septentriones, qua erat hostis venturus, est frequentibus astuarijs concisa, qua insulas complures efficiunt. Non patet autem ab vna in alias hominum armatorum multitudini facilis aditus, propterea quod neque freta pedibus transiri possunt, neque propter frequentia vada commodè nauigari. Cum classe verò lato mari Cochimensem urbem inuadere, etiam erat propter ipsius portus aditum per angustum valdè difficile. Tètare autem vadum, quod Calecutiensis superauit, cum primum Trimumparum regno expulit, admodum ei periculosum videbatur, eò quod meminerat, quantum damnum in eo loco acceperat, & multò se maius accepturum formidabat, si ad Regis Cochimensis praesidia auxilium Lusitanorum accederet. Est insula non longè à Repelino sita, Cambala-

balamus nomine, quæ magis ad Orientem pertinet, cuius Principem diximus à Trimumpara defecisse. Ex ea insula & transmissio in Cochimensem regionem facilis, & vadum militibus non valdè impeditum fore videbatur. Illuc igitur Calecutiensis cum classe & exercitu se contulit, vt expugnato vado, & copijs traductis Cochimenses & Lusitanos opprimeret. At Paciecus vt illum eo transitu prohiberet, omnes animi neruos intendere cogitabat. Vt tamen interim ostenderet, quantum Calecutij opes negligeret, vna nocte in Repelinum copias traiecit, & oppidum ingressus, hostes partim graui somno consopitos, partim semi omnes ferro concidit, & locum flammis exussit. Accurrunt multi milites, & cum is gesta receptui cecinisset, illum vestigijs insequuntur. Eorum impetus à nostris egregiè sustinetur: itaque omnes, octo duntaxat exceptis, qui saucijs redière, incolumes euaserunt. Cum verò Calecutiensis ad vadum accedere pararet, Paciecus hac ratione Lusitanos distribuit. In maiore naui viginti quinque reliquit, eisquæ naui Magistrum nomine Iacobum Pereiram prafecit. Erat autem naui armis, & tormentis, & bellicis munitionibus instructissima. Illis autem hoc munus assignauit, vt urbem & arcem ab hostium incurfione defenderent. In arce verò triginta & nouem hominum prafidia disposuit, eosquæ Iacobo Fernando Correæ dicto audientes esse iussit. In Carauelam autem viginti & sex homines ingredi iussit, eisquæ Petrum Raphaellem Ducem constituit. Et quia altera Carauela resciebat, illius loco duo parua nauigia instruxit, quorum vnum Iacobo Petreio cum viginti & tribus militibus commisit. Alterum sibi reseruauit, in quem viginti & duos homines imposuit: inter quos erat adolescens nomine Simon Andradius, qui iam eo tempore magna virtutis militaris

documenta dederat. Itaque omnis exercitus, qui tribus illis nauigijs vehebatur, erat hominum vnus & septuaginta. Qui tamen prius, quàm è terra discederent, omnes flagitiorum confessione atque detestatione, de more sanctissimæ religionis expiati sunt, & epulo caelesti, quo sanctissimum Iesu Christi corpus Christianæ nationi porrigitur, mirificè confrmati. Deinde omnes se Sacramento obligârunt, nè vllum in se dedecus admitterent, nè pedem vllò timore referrent, nè alij pro aliorum defensione mori recusarent, nè ue se capi permitterent, neque postremò fuga salutem peterent: sed aut honestè decumberent, aut victoriam domum cum honestate summa reportarent. His cohortationibus excitati, atque fiducia pleni nauigia ingrediuntur: ab arce autem digressi, ad locum accedunt, in quo Rex eos in littore expectabat. Qui cùm Paciecum tanta alacritate in hostes innumerabiles ire perspiceret, summa latitia affectus fuit. Paulò tamen post cùm cerneret oëm spem suam esse septuaginta hominibus innixâ, conturbari & afflictiari cœpit. Accessit deinde misericordia, qua dolenter admodum ferebat, illos homines in pestem ante oculos positam ruere. Et quò magis eos acres & animosos, & nullum periculum recusantes animaduvertebat, eò magis miserandos existimabat. Indignum enim esse statuebat, tam excellentem virtutem tam funesto exitio consumi. Itaque cum multis lacrymis Paciecum orauit, vt ab incepto desisteret. Se namquæ de regni defensione omnem spem prorsus abiecisse. Nè vellet igitur morte sua & aliorum Lusitanorum, quos ipse fraternè diligebat, impendentem cladem, qua vitari non poterat, cumulare. Sibi iam ab illo egregiè satisfactum esse. Cernebat enim, illos neque morte quidem propostâ à fide & officio deduci po-

ci potuisse. Non minus igitur dolenter se talium hominum casum esse latitum, quàm regni iacturam. Paciecus quanvis animo maximo fuisset, Regis oratione molli-
tus, vix lacrymas tenuit. Illum tamen bono animo esse iussit, & admonuit, nè oculos in perexiguam classem, nec in hominum paucitatem, sed in numen caeleste conijceret. Neque enim se viribus humanis confidentem, sed diuinis tantum nixum, in hostes ire. Fore namque CHRISTVS summi DEI filius, quem Christiani cali atque terræ Dominum confitentur, præsentiam suam in pralio declararet, & hostes potentia sua nutu peruerteret. Quid deinde à Rege fieri vellet, exposuit. Rex eo tempore quinque tantum millia militum habebat. Reliqui enim, cum bellum comparari cernerent, ad hostem transfugerant. Ex his Pacieco quingentos assignauit, quorum Duces erant ij, Candagora, & Frangora, qui viri satis fortes habebantur, & duo præterea Dynastæ Palurlensis atque Darraulensis, quibus Rex imperauit, vt omnia, quæ Paciecus illis præscriberet, sine vlla recusatione conficerent. Cum his copijs profectus est Paciecus de nocte decimo sexto die Martij, anno à CHRISTO nato. M. D. II. Et astu secundo per flumen inuectus, quod in Cambalami portum influit, in vadum ante lucem peruenit. Nondum Calecutiensis aduenerat. Visum autem est illi, interim dum hostis aberat, aliquod detrimentum illius fœderatis inferre. Repelinum igitur ea de causa contendit. Erant in Repelini portu sagittarij circiter octingenti, cum aliquot hominibus, qui ferreis etiam fistulis vti sciebant. Hi vt nostris aditu in insulam prohiberent, accurrunt, & sagittis atque glandibus, & missilibus acerrimè pugnant: sed tormentis facillè repelluntur. Nostri in terram descen-

LIBER

descendunt. Hi, qui fugerant, postquam nostros in terra longius à nauibus semotos animaduertunt, conferti in eos inuadunt. Media hora fuit vring, magna animorum contentione dimicatum. Hostes tandem pulsi, & in fugam coniecti sunt: multi tamen prius in pralio ceciderunt. Locus, in quem nostri ferebatur, fuit confestim incensus, & indè multi boues ad comneatum abacti: quos cum Naires, qui cum nostris erant, occidi vidissent, non mediocriter offensi sunt. Est enim illis nefas, bouem cadere: vesci verò carnibus illius, sacrilegium. Nostri verò cum multò magis famem, quàm illorum offensionem pertimescerent, de ineptissima eorum religione minimè laborabant. Eo die misit Cochimi Rex alios quingentos milites ad Paciecum, quibus tamen omnibus ille parùm fidebat, omnemq; spem primùm in CHRISTI præsidio, deinde in Lusitanorum virtute collocabat. Postero die venit Calecutiensis cum exercitu, cuius hæc summa fuit. BERTACOROLVS Tanoris Rex quatuor millia hominum ducebat: Catanambarius Rex Bipuri & Cucurrami, quæ regiones monti, qui ad Narsingæ regnum ad Solis ortum pertinet, finitimæ sunt, duodecim millia. Rex Cotagami, quæ regio ad Septentriones spectat, & est inter Calecutium & Cananorè non procul à montibus interiecta, decem & octo millia sub signis habebat. Curruacuilus autem, Curigæ Rex, quæ ciuitas intra Cranganorem & Pananem sita est, tria millia. Erant autem hi Reges signis & ordinibus inter se distincti, omnesque Calecutiensi tributa pendebant. Reliqui verò, quos Naubeadarimus, & multi præterea Dynastæ ducebant, erant supra viginti millia, inter quos multi Arabes censi fuerant. Hæ copia numerum quinquaginta & septem millia hominum, & ed amplius, efficiunt. At verò præter has copias, quæ terra duce-

ban-

bantur, classem Calecutiensis instruxerat centum & sexaginta nauium, quæ remis agebantur. E quibus sex & septuaginta parones erant, quorum latera fuerant à Mediolanensibus munita saccis ingentibus, quos ipsi bombycinis laneis ad tormentorum ictus excipiendos inferserant. Conflârant præterea Mediolanenses ex ære ingentem tormentorum vim, & multa belli machinamenta fecerant, quibus nostri facilius opprimerentur. Eorum etiam consilio viginti parones catenis inter se ferreis colligati, reliquos antecedeabant, quorum Ducibus erat hoc munus impositum, ut in Carauelam inuaderent, eamq; manibus ferreis quanta possent celeritate corripere. Milites, qui in hac classe vehebantur, erant duodecim hominum millia. His omnibus Naubeadarinus præerat. Præter hæc omnia Calecutiësis de Mediolanensium consilio aggerem comportari, & turrim contra nostrorum stationem excitari vna nocte præcepit, ut ex ea possent milites in turri dispositi sagittis nostros configere, & crebra variorum globorum multitudine lacerare. Paciecus verò Carauelam modico interuallo ab vno nauigio disiunctam, rudente ferreis catenis circumplicato, nè posset ferro præcidi, cum nauigio colligauit, & illud idem nauigium cum tertio similiter astrinxit: & sic omnem fermè latitudinem fluminis occupauit. Interim classis, quæ per mare, quo insularum partes ad Septentrionem pertinentes alluuntur, nauigabat, appropinquauit. Hostes & multitudine, & tubarum clangore, dissonis vocibus, & armorum, quæ Solis radijs percussa micabant, atque vibrabant, splendore, & postremò crebro tormentorum, quæ terram tremefaciebant strepitu, tantum Cochimensibus horrorem incutiunt, ut omnes repente diffugerent. Soli Frangora & Candagora duces inuiti (erant enim in naui) remansê-

L I B E R

mansere. Hos Paciecus, non ut quidquam opis afferrent, sed ut praelium spectarent, retinuit. Praelium fuit ab hostibus magno impetu commissum, & terra atque mari pilas atque tela iaciebant: omnia videbantur incendio conflagrare: fumus lucem cunctis eripiebat. Nostri neque quomodo classi resisterent, neque qua ratione tela à turri frequenter iniecta vitarent, providere poterant. Non tamen animus illis vel ad resistendum, vel ad honestè moriendū deerat. Quò enim maior erat hostium vis, eò magis videbantur ad contemnenda pericula confirmari. Atque primùm aliquot ex paronibus desiecerunt: cùm tamen illi viginti, quos diximus catenis reuinctos fuisse, propius accederent, multò grauiorem laborem Lusitanis militibus attulerunt. Crebris enim glandium ictibus ita certabant, ut nullum nostris respirandi spaciū concederent. Nostri autem erant ita pugnando defessi, ut vix consistere possent. Cùm iam praelium aliquot durasset horis, Paciecus ingens tormentum in hostes conuerti, & globum mira magnitudine in parones intorqueri semel & iterum iussit: quo factò parones dissoluti sunt, & quatuor ita dilacerati, ut secedere cogerentur. Succedunt reliqui, & praelium redintegrant. Sed cùm nostri octo parones deprimerent, & tredecim dissiparent, & hostes reliqui tardiores ad dimicandum suorum casu redderentur, Repelinenfis Dynasta, qui erat in subsidys, cum classe in nostros iam nimio labore defatigatos inuebitur, & Rex Calecutij instructa acie vadum transire, & nostros armis obruere contendit. Fuit tunc multò acrius, quàm antea dimicatum, ita, ut fluuius sanguine fluere videretur. Repelinenfis clamabat, ut nauem harpagonibus alligarent, & in nostros acriter irruerent: & partim cohortando, partim minas iaciendo, ut rem conficeret.

ceret, laborabat. Sed frustra. Hostes enim tandem, quæ terra pugnabant, fusi fugatique sunt, & classis retrocessit, præliumque fuit sub vesperum cum magna omnium admiratione finitum. Ex nostris nemo desideratus fuit, sed aliquot vulnerati. Ex hostibus supra mille & trecenti homines cecidere. Prælium enim, ut Paciecus futurum confidebat, diuinis viribus gestum fuit. Constat enim, multos ex nostris ferreis pilis acerrimè percussos extitisse, qui tamen non aliud ex illis incommodum acceperunt, quam contusionis leuiter inflata notam: ut appareret, nullis telis eos opprimi posse, quæ celesti præsidio muniuntur. Hoc exitu prælii nunciato, Rex Cochimi incredibili lætitiæ affectus fuit, misitque statim Principem regni successorem, qui Pacieco de parta victoria gratularetur. Lusitani quanuis essent eximio labore fracti, ab opere tamen se minimè remouerunt. Nauigia enim continuo refecta sunt, & altera Carauela, quæ erat in pristinam integritatem restituta, ad reliquas naues adiuncta fuit: & cum de augurum sententiâ Calecutij Rex pugnandi diem differret, Paciecus quietem pati non poterat. Itaque in Cambalamum traductus, vastitatem frugibus & arboribus, inflammationem pagis, necem hominibus inferebat, & prædas non mediocres faciebat: & quanuis in locis illi fuisset ab hostium præsidij occursum, semper tamen victoriam reportabat. Ad quas res faciendas, non modò celeritate & industria, sed etiâ consilio optimi Ducis utebatur. Calecutij Rex quanuis vindictam ardentè expeteret, non ausus tamen fuit, ante constitutam ab auguribus diem, rursus prælium inire. Accidit autem, ut dies ab illis dicta, esset ea, qua IESU CHRISTI à mortuis excitati memoria, cum summo totius reip. Christianæ gaudio & celebritate renouatur. Classis, qua hostis rem illa die gerendam esse constituit, erat multò maior.

LIBER

Centum enim parones, & centum longas naues, & octoginta prater ea minora nauigia continebat. Supplementum enim Calecutio crebro submtebatur. Numerus militum, qui classe vehebantur, fuit tunc supra quindecim millia. Vt autem Rex facilius posset rem totam conficere, vnum è ducibus suis cum septuaginta paronibus Cochimum misit, qui nauem ad vrbis custodiam relictam expugnaret, aut saltem Paciecum ad illius defensionem eliceret. Sic enim distractis nostrorum viribus existimabat, multò citius bellum profligari posse. Parones per angustum astuarium, quod in fluuium excurrebat, nocte, nè sentiri possent, in urbem nauigauerant. Erat autem astuarium eiusmodi, vt per illud facillimè tota classis inuehi Cochimum posset, Sed Calecutiësis vel quoddam astuarij angustias metueret, vel quoddam loco cedere minimè dignitatis esse putaret, vel, quoddam magis reor, CHRISTI beneficio, qui nostris præsens aderat, consilio orbatus extiterat, id facere noluit. Cum parones in nauem inuaderent, Rex Cochimensis nuncium confestim ad Paciecum misit, qui ei demonstraret, in quanto periculo nauis illa versaretur. Paciecus hoc nuncio valdè conturbatus est. Intellexit enim, in quem finem ea oppugnatio fuisset instituta. Sed necessitate coactus, illi subsidium asferre constituit. Itaq; cum vna ex Carauelis, & paruo nauigio, quantà maxima potuit celeritate, astu secundo Cochimū inuectus est. Hostes autem vbi illum conspexere, repente diffugiunt, & in Repelinum se contento cursu recipiunt. At Paciecus nec eos insequi voluit, neque nauem ingredi, nec quempiam alloqui: sed cum iam astus accessione ventus similiter, vt sæpe fit, immatatus fuisset, eadem celeritate, qua venerat, redire festinauit. Cum verò ad Cambalami transitum peruenit, res erat in vltimum discrimen adducta. Nam Carauela, qua

a, quæ in transitu custodia remanserant, erat crebris ictibus perforata, illius armamenta dissipata, bombycinæ moles disiectæ. Parua similiter nauigia per fractis scutis, & munitionibus dissipatis, in maximo periculo versabantur: hostes mari atque terra Lusitanos acerrimè premebant. At illi nihil de pugnæ studio remittebāt: imò quò acrius undiquè petebātur, eò vehemētius repugnabāt. In hoc statu Lusitanorum res erant, cùm Paciecus ad suos reuersus est, qui continuò in hostes à tergo nimis acriter inuectus, eos re inordinata perculsit. Lusitani autem, qui à fronte pugnabant, cùm fuisset illis animus additus, multò fortius institère. Hostes ancipiti prælio disenti, fugæ se mandant. Prius tamen, quàm euadere possent, decem & nouem parones amisere. Ducenti verò & nonaginta milites interfecti sunt, cùm ex nostris nemo cecidisset. Et vt clarius cerni posset, totum hoc bellum fuisse ope diuini numinis administratum, hoc planè compertum fuit, multos ex nostris fuisse pilis secundum caput, aut pectora, aut brachia, aut reliquas corporis partes vehementissimè sine ullius interitu percussos. Quæ tamen ille tanta vi contorta ferebantur, vt cùm è corporibus, in qua primùm acciderant, elaberentur, ingentia scuta perfringerent, & moles obiectas facillimè dissiparent. At Rex Calecutiensis cùm tantum dedecus pati non posset, classem in ordinem redigi, vt nostros rursus oppugnaret, continuò præcepit. Paciecus verò suis imperat, nè telum vibrent, nè momentum colliment, nè vocem mittant ullam, antequam le pugna signum det. At hostes cùm silentium nostrorum animaduernerent, existimauerunt eos iam vulneribus confectos, & metu exanimatos spem diutius repugnandi prorsus abiēcisse. Itaq; voces in calum tollunt, & incredibili celeritate mari atque terra sine ordine vllò ad naues accedunt.

LIBER

dunt. Cum iam appropinquare inciperent, Paciecus signum dedit. Nostri repente prosiliunt, clamorem tollunt, tormentis & omni genere missilium certant. Multos parones depressunt: complures etiam dissipant, atque dilacerant: multis etiam mortalibus vitam eripiunt. Reliqui cum homines, quos ipsi concisos vulneribus existimabant, sanos atque valentes tam acriter praeliari conspicerent, vehementer exterriti sunt, maximè verò cum tantam stragem edi cernerent. Itaque quavis in Regis conspectu praelium fieret, nullotamen vel pudore, vel metu impediri potuere, quò minus se in fugam darent. Quod animaduertens Dynasta Repelinensis, fugientes recipit, & rursus instructa classe in nostros impetum facit, ita tamen, ut non propius accedere auderet, sed è longinquo spatium certandum statueret. Quod Rex fieri videns, hominem multis asperis verbis accipit: ignaviam & timiditatem increpat, & graues in illum contumelias intorquet. Naubeadarimum euocat, & adhortatur, ut sine vlla cunctatione in Lusitanos irruat, hominesque tantis iam laboribus afflictos, acri atque vehementi impressione prosternat. Suscipit negotium Naubeadarimus, & in vadum contendit, nostrosque perripere conatur. Nostri verò tam acriter illi restiterunt, ut non modò impetum illius reprimerent, sed omnes in fugam compellerent: quos nostri insequuti, magnam illis cladem intulerunt. Nam supra viginti parones depresserunt, & plus sexcentis hominibus interfecerunt. Rex cum transitum eo vado desperaret, tormenta in turri disposita detrahi, & castra moueri iussit. At Paciecus illius classem longo spatio persequutus, tandem constitit, & in terram descendens, duos maximos pagos exussit. Ad vadum deinde redijt hora decima: ad illud tempus praelium, quod prima luce

lute fuerat initum, durauerat. Paucis deinde horis ad quietem sumptis, cum ex speculatoribus intellexisset, oppidum esse non procul inde situm, multitudine quidem hominum frequens, sed imminutum, eò sine mora contendit, & homines securos & inopinantes aggressus est. Multi fuerunt occisi, & oppidum excitato incendio deflagrauit. Cum verò se Paciecus recipere vellet, hostes, qui erant dissipati, coeunt, & conferti in illū inuadunt. Is verò magna eorum parte vel occisa vel vulnerata, reliquos fudit, fugauitq³. In quo quidem minimè victorias admiror, sed duritiam, et celeritatem, & diligentiam hominis obstupesco. Nec enim vlllo labore frangebatur, neq³ vlla difficultas eum morabatur, nec vllum vitæ periculum à perterrendis hostibus auertebat. Cum verò ad vadum rediisset, multos satellites atq³ ministros Cochimensis Regis offendit, cum multis dapibus, & fructibus ex illis, quos regio suppeditat, quibus tam ille, quàm milites recreati sunt. Eo tempore iam Calcutiensem instituti belli pœnitebat, & cupiebat, dimissis maxima parte copijs, in Urbem redire. Hoc consilium Naubeadari-mus maximè probabat. Sed Repelinen-sis Dynasta, & Arabes, qui in consilio aderant, & Mediolanenses etiam contra disputabant, iam Regi non esse integrum id omittre, in quo non modò dignitas illius, verum etià salus agebatur. Si enim re infecta domū rediisset, fore, vt præter ignominiam, qua nomē illius notari necesse erat, hostes feroces & insectos redderet, & cum difficultate summa eos postea à Calcutij finibus reprimeret. Rem non inchoari absq³ magna dignitatis imminutione potuisse: at institutam deserere, sine maxima dedecoris & ignominia labe non posse. Præterea transmissionē non esse desperandā, cum alia loca nondū tentata fuisset, p^q exercitus multò facili⁹ traduceretur. Non lō

LIBER

gè ab eo loco erat aliud vadum, nomine Palignarium, ad-
eò lutulentum, vt qui id transire conaretur, non facile pe-
dem in profundo cæno demersum euelleret. Ripa verò vl-
terior densis vepribus, & dumetis erat obsita. Eò tamen
sperabant transitum non ita difficile futurum, propterea
quòd naues propter breuia eum in locum penetrare non
poterant. Indè verò cogitabant idem vadum petere, quo
Rex transierat, cum, vt dictum est, Trimumparam oppres-
sit. Considebant enim illac se multò celerius, quàm Pacie-
cus opem asferre posset, irrupturos. Putabant enim Pacie-
cum falli posse, neque vlla prasidia comparaturum, qui-
bus regem transitu prohiberet. Hoc ita constituto, castra
mota sunt. Speculatores primò suspicati sunt, Regem Ca-
lecutium victoria desperata reuerti. Sed cum eum petisse
se Palignarium vadum animaduertissent, nuncium Pacie-
co cōfessum pertulerunt. Per alios deinde speculatores cer-
tior factus est, in Arraulensi insula quingentos milites Ca-
lecutienses versari, qui sylvas lati concidebant, quod est a-
pud illos victoriæ signum. Et quia insula non longè aberat,
cum ducentis militibus Cochimensis Regis (iam enim mul-
ti redierant, et flagitiij veniam impetrarant) & paucis præ-
terea Lusitanis, eò proficisci maturauit. Duplicem verò a-
ciem instruxit, vnam Petro Raphaeli attribuit, alterā ip-
se retinuit. Hostes autem cum resistere conarentur, maxi-
ma ex parte concisi fuere: quinquaginta tamen capti, &
ad Cochimensem Regem perducti sunt. Et quia nec opus e-
rat, vt Paciecus diutius in illius vadi prasidio remaneret,
neq; periculi magnitudo patiebatur, vt is transitum, quem
hostis petebat, liberū illi permitteret, ad aliū opportunū ad
transmissionem locū, nomine Palurtiū, qui duobus millibus
passuum à vado distat, naues maturè conuertit. Ibi cum

in an-

in anchoris confisteret, certior factus est, Regem Calicutij
 liberasse, postero die, qui erat kalendis Maij, vadum trāf-
 ere. At Paciecus statuit cum minoribus nauigijs eò contem-
 plere, maiora verò cum Ducibus in vado, in quo tunc se te-
 nebat, relinquere. Nec enim dubitabat, fore, vt hostis vtrius-
 que simul vadum tentaret. Sed antequam indè discederet,
 in ea insula parte, quæ erat nauibus opposita, arbores suc-
 cidi & incendi iussit, nè possent hostes illarum præsidio te-
 ri, atque quasi obiectis munitionibus occultari, vt à tormē-
 tis, quæ erant in nauibus, minimè lederentur. Naues au-
 tem statuit, vt modico intervallo disiunctæ permanerent,
 ita tamen, vt inter se rudētibus ad mutuū præsidium ne-
 terentur, & vadum occuparent. In his autem difficulta-
 tibus, hoc cōmodum inesse conspiciebat, quod vtrumq; va-
 lum simul transiri non poterat. Cū enim æstus se ex alto
 incitabat, ita vadum Palignarium fluctibus operiebat, vt
 pedibus transmitti non posset: nauibus autem paulò maio-
 ribus neque æstu accedente, neque decedente, aditus per il-
 lud patebat. Vadum verò, in quo naues consistebant, æstu
 accedente transmitti poterat nauibus, decedente verò non
 poterat. Ita eueniebat, vt cū Palignarium vadum pedi-
 bus transiri posset, Palurtium nauibus transmitti non pos-
 set. Contrà verò cū Palurtium facilem transitum pedi-
 bus præberet, Palignarium æstus vehementis accessione
 transitum militibus impediret. Hoc cū Paciecus animad-
 vertisset, vtriusq; vado diuersis temporibus subsidium diligē-
 ter asserre statuebat, vt æstu augeſcente, Palurtium, mi-
 nuente verò Palignarium tueretur. Cū igitur Paligna-
 rium petere cōstitueret, Ducibus, quibus Palurtiū custodiē-
 dum permisit, quid ab illis fieri vellet, ostendit, & quo signo,
 illis opus esset auxilio, id significarēt, demonstrauit. Tū om-

LIBER

nes ad honestatem, & dignitatē, et ad studiū religionis excitauit, docens, eam dimicationem, quæ erat illis omnibus subeunda, fore multò acriorem atque difficiliorem. Scire se, quibus hominibus loqueretur, nempe quos nulla periculi magnitudo perterreret, sed quod grauius periculum immineret, ed vehementius omnes animi vires excitarent. Confiderent porrò, idem CHRISTI numen, quod illis tam præsens reliquis in prælijs adsuerat, illis in eo, quod instabat, minimè defuturum. DEI namq; summi potentiā nec ullis terminis definiri, nec ullis hominum viribus impediri, neq; innumerabili multitudine retardari. Tum illos, vt cibum sumerent, admonuit. Die namq; sequenti dubitare se, an liceret eis alijs epulis frui, quàm ijs, quæ virtutis inuictæ fructu cominerentur. Faciunt illi, quod iusserat, & sumpto cibo, & vigilijs dispositis conquiescunt. Non tamen DEO opem implorare, quoad fieri poterat, intermittunt. Prima luce Paciecus in vado constitit, & in ripa vidit Cochimensem Principem cum sexcentis militibus, qui iussu Regis, vt vadum etiam tueretur, aduenerat. Expectabat autē Paciecus, vt Calecutiensis in vadum se dare vellet. Sed cū nihil ab illo moueri cerneret, & aqua iam æstus reciprocatione locum compleret, & vadum tueretur, ad naues rursus se contulit, & indè in omnibus circumquaque locis, in quos impetum ferre poterat, cades faciebat. Hoc autem siue nocte, siue die, siue serenitas esset, siue tempestas omnia commoueret, facitabat, vt cū æstus decessisset, in Palignario, cū rursus accessisset, in Palurtio cerneretur. Nūquam tamen alterutrum vadum incustoditū relinquebat. In profundiore namq; maiores naues, in altero, nēpe Palignario, minora nauigia collocauerat. Cū verò ex exploratoribus intellexisset, Regem constitutū habere, die sequē-

ti va.

ti vadum Palurtium summis viribus oppugnare, ad illius defensionem omnia, quæ videbantur necessaria, summo studio comparauit. Ante lucem verò veniunt ad illum Christophorus Iusartes, & Simon Andradius, qui cum duobus paruis nauigijs in Palignario collocati fuerāt, vt prælio interessent. Vado namq; aquis oppleto, dicebam non esse, cur tam præclaram occasionem decoris & dignitatis amitterent. Se, cum æstum imminutum cernerent, cōtinuò in Palignarium reuersuros. Cùm primùm diluxit, hostes, qui iam aduenerant, è littore tormentis classẽ Lusitaniam accerrimè verberabant. Clasis uem hostium se in conspectum dedit. Erat autem ducentarum & quinquaginta nauium. Sed cùm adhuc procul abesset, visum est Pacieco aliquid interim moliri, quò minore cum periculo tanti prælij impetum sustineret. Itaq; minora nauigia remis in luttus impelli, & milites, quos ad rem gerendam educebat, in terram cōtinuò descendere iussit, & cùm illis in hostium munitiones inuasit. Illi acriter initio resistere. Sed tandem partim cæsi, partim in fugam pulsati sunt. Tormenta verò, quia in naues trahi non poterant, nè quidquam nocere possent, clauis per foramina, quibus prope basim ignem accipiunt, adactis, impedita. Hac re celerrimè gesta, in classẽ euestigio reuersus est. Iam verò clasis appropinquabat, & crebris tormentorum ictibus naues impugnabat. & horrifico telorum omnium fremitu perstrepebat. Paciecus imperauit, vt omnes se abijcerent, atque silerent, donec ipse pugna signum proponeret. Hostes id metu atque desperatione fieri suspicabantur. Præcedebant autem quadraginta parones catenis, vt nostros obruerent, inter se deuincti. At cùm Pacieco visum est, signum sustulit. Continuo clamor militum, & clangor tubarum, & tormentorum fragor,

LIBER

quanta esset in militibus Christianis alacritas, indicauit. Cum acerrimè vtrinq; tormentis aeneis certaretur, horrenda caligo ex tormentorum fumo profluens, omnium oculis offusa, tam densas tenebras attulit, vt conspectum cali, atq; terra, & maris adimeret. Nec enim aliud cerni poterat, nisi honorificum incendium ex innumerabilibus tormentis erumpens. Parones tamen hostium primi tormentis dissoluti atque dissipati sunt. Illis autem fractis, Dynasta Repelincensis alios integros continuò submisit. Interim victoria anceps erat. Hostes propius accedebant, neq; iam pilis tantum sed sagittis, atq; iaculis, & omni missilium genere pugnabant. Sed cum nullus è Lusitanis caderet, & ingens hostium multitudo cecidisset, & aqua multo sanguine cruenta fluerent, hostes cedere incipiunt. At Dynasta Repelincensis, vt in Regis conspectu aliquod facinus ederet, quo gratiam illius acquireret, bis vadum transire conatus est: sed fuit à conatu cum ignominia & suorum cade repulsus. Dum hæc geruntur, Candagora venit ad Paciecum cum nuncio ingentis, vt apparebat, discriminis: Naubeadarimū cum manu firmissima in Palignarium properare, & Regem vestigijs illius insistere, vt vadum summa contentione superaret. Paciecus illum bono animo esse iussit. Adhuc enim vadum tantis fluctibus operiri, quantis opus esset ad hostium impetum retardandum. Se in tempore subsidio occursurum. Itaque in pugna tandiu perseuerauit, dum aquam transitum impedituram animaduertit. Cum verò magis imminutam cerneret, continuò properauit, vt Naubeadarimo resisteret. Ibi verò tanta vi hostium impetū represit, vt quanuis Naubeadarimus Rege inspectante, & verbis ad præliū acriter adhortante, in alterā vadi partē erumpere conaretur, fuerit tamē retrocedere cōpulsus. At rex homi-

hominem increpabat, & contumelijs onerabat, minimeq;
dignum esse dicebat, qui Principis personam sustineret.
Esse namq; Repelinensis Dynastæ ignauia & timiditate si-
millimum. Se namq; spectante, hostibus vtrumq; in vtroq;
vado cecisse, & è prælio turpissimè discessisse. Naubeadari-
mus hoc sibi conuitio ab auunculo factò vehementius irri-
tatus statuit, conceptam illam dedecoris maculam propo-
sita etiam morte delere. Rursus igitur amplius duodecim
millibus hominum stipatus, in vadum irrumpere conatur.
Fuit aliquo temporis spacio fortissimè vtrinque pugna-
tum, donec tandem hostes multis incommodis affecti, in fu-
gam conijcerentur. In his vtriusque vadi prælijs quot na-
ues, & quot homines hostis amiserit, incertum est. Complu-
res fuisse constat: naues tamen nostra perforatæ, multaq;
munitiones dissipatæ & disiectæ sunt, & è Lusitanis aliquot
etiam vulnerati. Interim pestilentia castra hostium vehe-
menter oppressit, quæ Regis animum tantisper à bello infe-
liciter instituto auertit, dum malum illud finem interimen-
di faceret. Quæ res nostris magno vsui fuit. Naues enim re-
ficiendas curauerunt: magnum armorum atque telorum
numerum comparauerunt: atq; vt essent rebus omnibus ad
bellum multò acrius gerendum expediti, summa vigilan-
tia prouiderunt. Antea verò Paciecus ferreos stimulos, pa-
lis infixos, in luto vadi ipsius infoderat, quibus se hostes, si
vadum transire conarentur, induerent. Sed cum stimuli
propter luti mollietatem altius, quàm conueniebat, fuissent
in vadum depreßi, nullum hostibus nocumentum attulere.
Tunc verò Paciecus præustas sudes præacutis acuminibus,
cum æstus omninò decessisset, subter lutum abdidit, & ab
insima parte reuinxit, nè conuelli possent, vt hostes vulneri-
us, & acerbissimo dolore conficeret, nè vel ingre di, vel ve-

LIBER

stigio herere possent. Calecutiensis interim Brachmanas euocat, eosque monet, ut deos consulant, atque ab illis sciscitentur, quo die praelium iniret, ut de hostibus debitum pro tantis iniurijs supplicium sumeret. Erant autem Brachmana irati Regi, eo quod illos multis maledictis confixisset, atque mendaces & scelestissimos appellasset. Victoriā enim illi denuntiābant, & is pro victoria innumerabiles clades acceperat. Respondent Brachmanæ, Deos illi iratos esse. Antequam verò illorum numina placaret, omnia illi deterrimè casura. Opus igitur, ut fanum edificaret, in quo possent homines religiosi illorum sacra procurare. Rex se id facturū vouit. Hi deorum nomine victoriā pollicentur, & praelio diē præstuant. Interim multi ex illis, qui à Trimumpara defecerant, bonis illius successibus imitati, & rursus ad illius nomen adiungunt, & Pacieco inuito veniam impetrant. Calecutiensis cum illius dici fructu, quem Brachmanæ portenderant, nullo modo priuari voluisset, religioni diligentissimè paruit. Hoc autem ordine ad nostros accessit. Tria millia fortium hominum præibant, qui triginta tormenta aenea curribus inuecta custodirent. Deinde prima acies sub ductu Naubeadarimi sequebatur, quæ duodecim hominum millia continebat. Totidem Dynasta Repelinen-sis milites educebat. Postremum agmen, in quo inerant ad quindecim hominum millia, ipse Rex agebat. Paciecus eo tēpore in Palignario vado, in duobus nauigijs, cum quadraginta tantum hominibus Lusitanis has tantas copias expectabat. Calecutienses, qui antecedeabant, in loco nauigijs opposito tormenta disponunt, ingentesque globos emittunt ut Paciecum è vado propellant. At ille paululum se continuit, ut eos securiores efficeret. Tum repentè nauigia propius terram incitari, & tormentis rem acerrimè geri præ-

precipit. Quod tam scienter & diligenter effectum fuit, ut hostes metu perterriti, se in densam syluam abderent. Cum ad hunc modum initium pugna fieret, Naubeadari-
mus in vadum irruit, idque summa vi transire contendit. Nostri glandibus plumbeis, densisque telis ferreis incubi speciem figuratis, quæ fistulis ferreis compacta & inclusa vi tormentarij pulueris intorquebant, multos eorum gra-
uissimè sauciabant. Maioribus etiam tormentis non pau-
cos interimebant. Aestus autem adhuc decebat. Me-
tuens verò Paciecus, nè nauigium, quo vehebatur, in vado hareret, paululum cessit, & Christophoro Iusarti, eò, quòd nauigium illius breuius esset, & ad vadum excipiendum conuenientius, ut in loco, quoad posset, insisteret, impe-
rauit. Se cum aestus, ut fieri necesse est, motum recipro-
caret, continuò rediturum. Inde verò pugnae ardorem non intermisit, sed non minus acriter, quàm Iusartes, qui propius aberat, hostes ab ingressu vadi repellebat. Erat locus, in quo milites à Rege Cochimersi in auxilium missi, se tenebant, ut hostes si fortè vadum transirent, in-
dè reprimerent, & natura & vallo egregiè munitus. Ibi copias Regis vadum ingressas animaduertunt, repentè diffugiunt. Cochimensis Princeps non aderat. Fuerat ille quidem à Pacieco per quendam Brachmanam accersitus. Sed Brachmana scelere & improbitate factum est, ut non posset ad tempus venire. Neque enim quidquam illi signifi-
care voluit, antè quàm Calecutiensis rem ex animi, ut spe-
rabat, sententia conficeret. Maxima verò eorum pars, qui in eo presidio erant, sub vno ex proditoribus, qui à Cochi-
mensē defecerant, & fuerant in illius gratiam restitu-
ti, militabant. Ea autem de causa Paciecus, quòd illis mi-
nimè fidebat, Principē futuræ pugnae certiore facere vo-
luit,

L I B E R

luit, vt cum firmiore praesidio veniret. Nam propter belli intermissionem in urbem redierat. Desertorum autem flagitium Iusartes Pacieco maxima voce significauit. Sed tantus erat armorum fragor, & hominum clamor, vt Paciecus audire non posset. Eo iam tempore Repelinensis Dynasta Naubeadarimum sequutus, in vado consistebat. Rex eorum etiam vestigijs ingressus, vt vadum superaret, summa animi contentione laborabat. In eum Paciecus (illum enim ex regijs insignibus agnouit) tormentum dirigi iussit. Globus emissus, ad illius pedes, duos ex intimis familiaribus repente dilacerauit: quo metu Rex ipse perturbatus, pedem retulit. Et tamen Naubeadarimum, & Repelinensem adhortari, vt acriter instarent, minimè desistebat. Illi fustibus eos, qui praecedebant, vt in vltiorem ripam euaderent, impellebant, & gladijs etiam, si non impigrè quod erat imperatum conficerent, acerrimè minabantur, & aliquos etiam vulnerabant. Itaque alij alios vrgebant, & se ipsos praepeiebant. Cùm verò ad sudes peruentum est, multi plantis pedum grauissimè sauciatis cadūt. Fit clamor & luctus, & vbique lamentatio admodum lugubris audiebatur. Alij super alios procumbunt. Interim tormenta, quae erant in nauigijs disposita, cùm in multitudinem adeò confertā & implicitam pilas emitterent, magnam stragem faciebant. Ingens inter hostes turbatio secuta est, cùm multi dolore vulnerū regredi frustra contenderent, multi, quauis metu perterriti cedere vellent, suorum gladijs vltius festinanter progredi cogerentur. Dum ad hunc modum res geritur, multi alia ex parte cum securibus in vadum prouolant, illudq; sine offensione traiciunt, vallumq; rescindunt, & locum à Cochimensibus desertum occupant. Quod cùm Paciecus animaduertisset, rem perditam esse credidit. Ani-

num tamen minimè demisit. Ad Iusartis autem nauigium propius accedens, in id se coniecit, & Iusarti imperauit, vt in illius nauigium desiliret. Maius enim nauigium terra appropinquare nō poterat. Sic autem cū ad vadum propius accederet, hostes è loco repellere telis atque tormentis instituit. Sed interuenit Naubedarimus, qui pralium ita redintegrauit, vt tunc videretur incepisse. Hostes autem acriter instabant, & vt nostros circumsisterent, confluebant. Multi nauigij remos manibus retinebant, vt se commouere non posset. Hic Paciecus cū se fundū euersum cerneret, diuinam opem maximis vocibus implorauit, DEIQUE præsentissimum numen sibi adesse persensit: aestus enim se vehementius incitabat, & vadum aquis operiebat. Nostri animus augetur, & nauigium remis agere, & propellere nituntur. Res iaculis, & hastis, & missilibus, & sudibus etiā præstus gerebatur. Sed quò magis fluctus vadum operiebant, eò nostri maiores animos assumebant, & acrius & vehementius, vt se è medijs hostibus eriperent, certabant. Aestus tandem cū maxima iam aquarum copia redundaret, illud pralium, quo nullum eo in bello acrius extiterat, dimittit. Itaque Paciecus hostium multitudine liberatus ad Iusartem se contulit, qui in eo certamine præclara facinora militaris virtutis ediderat. Tum cū nauigia facile nauigarent, vterque tormentis vtendum censuit. Non enim erant, qui vellent vllam oblati temporis occasionem pratermittere. Itaque in eos hostes, qui prope vadum in terra consistebant, globos intorquent, multos occidunt, reliquos in syluam fugere compellunt. Calecutiensis eo die fractus desperatione, dedecus suum acerbissimè lamentatus est, quòd cum tamis copijs quadraginta tantum homines vado pelle nequiuert. Cū verò è loco illo discederet, & lætica sub-

LIBER

sublatus, in locum, qui non procul à profundiore vado dista-
 bat, perueniret, Petrus Raphael in illum non mediocrem
 globum intorqueri praecepit, cuius ictu tres illius familiares
 ad illius pedes dilacerati sunt, & ipse eorum sanguine con-
 spersus fuit: metuq; perturbatus, in terram subito desiluit,
 & pedibus se se ab eo loco cum celeritate subtraxit. Hoc
 praelium cum prima luce incepisset, ad nonam circiter ho-
 ram perductum fuit. In eo autem Calecutiensis tam mul-
 tas naues atque milites amisit, quam multos nullo adhuc in
 praelio cum nostris inito amiserat. Ex nostris autem cum sa-
 gittis, iaculis, hastis, & infinita pilarum multitudine, & a-
 cerrima immanissimorum hostium contentione peterentur,
 nemo tamen cecidit. Ex quo facile constat, totum hoc bellum
 fuisse numine illius confectum, qui nutu potest sui nominis
 hostes euertere, neque suos vnquam praesenti ope destituit.
 Quod si alicui incredibile visum fuerit, is non hominibus,
 sed Deo gloriam detrahit: atq; demonstrat, se, quantas vi-
 res vera religio habeat, ignorare. Ii verò, qui minimè sunt
 verae pietatis ignari, & experti sunt in se praesentissimi nu-
 minis beneficia, intelligent planè, multò maiora facino-
 ra posse ab illis fieri, qui firmam spem in CHRISTI
 praesidio reposuerint, maximè verò cum pro illius gloria cer-
 tamen initum fuerit. Id autem eo praesertim tempore fieri
 conueniebat, quo nondum CHRISTI nomen à gentibus
 illis celebratum extiterat, neque imperium constitutum fue-
 rat, vt illis signis facilius homines ad DEI notitiam perue-
 nirent, & Lusitani confirmatis viribus fundamenta iacerent
 imperij, cuius opera possent gentes, quae ad orientem Solen
 pertinent, radijs disciplinae caelestis illustrari: quod factum
 postea fuit, vt cernimus, & clarius in dies futurum speramus.
 Paciecus autem cum se tanto periculo liberatum, & hoste
 fuso

fusos animaduerneret, ingentes DEO gratias egit. Interuenit autem Cochimensis Princeps, quem Paciecus auersatus est, & quasi hominem timidum, & desertorem, & parum in fide custodienda diligenter, indignum colicquo suo reputauit. Quod Princeps indignissimè tulit, & se purgauit, atque iureiurando confirmauit, non sua, sed Brachmana sceleratissimi culpa pralio non interfuisse. Non enim illum euocare voluisse, nisi postquam nomen Lusitanum fuisset opera Calecutiensis extinctum. Accepit satisfactionem Paciecus, & auunculi culpam esse dixit, q̃ scelestissimos homines in fidem recepisset. Nunquam enim sapientem fidem ei, qui semel fidem prodierat, habiturum. Principium autem fugæ ab illis factum esse constabat, qui stipendio Principis Mangatensis, qui à Cochimense per summum scelus & flagitium descuerat, alebantur. Principe dimisso, Paciecus se se ad naues contulit, vbi illum Rex Cochimensis inuisit, eiq̃ue cum summa gaudijs significatione de tam insigni victoria gratulatus est. Paciecus verò de militum fuga & proditiōe conquestus, omnem illius sceleris culpam in Mangatensem contulit, Regemq̃ue admonuit, vt iure Regio vteretur, & hominem profligatum atque perditum, si nollet occidere, à se dimitteret, vt Calecutiensi operam daret. Nullum enim periculum esse magis tuendum eo, quod à proditore comparatur. Esse namque malum occultum & intestinum, quod priusquam prouideri possit, interimit. Itaque regias opes nunquam sceleratorum hominum prasidio stabiliri: frequenter tamen euerti. Idcirco se vehementer optare, vt Calecutiensis talium hominum prasidijs sepiatur, vt facilius possit de statu conuelli, & scelerum pœnas exoluere. His & alijs sermonibus cum diei bonam partem consumeret, Rex in
urbem

LIBER

urbem reuersus est, & Paciecus, vt se atque suos ab immenso labore reficeret, curauit. Calecutiensis autem suos probris omnibus maledictisq; vexabat, & per eorum ignauiam steterisse dicebat, quò minus nostri funditus interirent. Repelinenſis vt ei aliquo pacto satisfaceret, quādo viribus nō poterat, vt fraude Lusitanos de medio tolleret, operā dare statuebat. Primū igitur Cochimēſes aliquot pecunia corripit, q̄ fontes, ex quibus nostri aquā hauriebant, mortiferis venenis inficerēt. Deinde, vt venenū in pane illis daretur, summa sedulitate cōstituit: Hæc cū ad Paciecum delata fuissent, operā dedit, vt singulis diebus putei foderentur, è quibus oēs Lusitani biberēt. Est enim tellus humilis, & aquis abundās, vt sunt fermē oēs, quæ mari sunt finitima. Ne autem quidquam cibi venderetur, quod non venditor prægustaret, diligentissimè providebat. Cū hæc fraudes Repelinenſis minimè processissent, vt exercitum noctis silentio Cochimum nauibus duceret, cuius pars urbem incenderet, pars autem nostros inopinantes opprimeret, excogitauit. Sed etiam omnibus istis insidijs Pacieci vigilātia diligēter occursum fuit. Paciecus interim vadum fossa muniebat, & turres excitabat, & machinamenta comparabat, quibus se exitium Calecutiensi allaturum minabatur, & hostibus terrorem frequenter incutiebat, & in continentem sæpè traieciebat, & detrimenta quamplurima hostibus importabat. Neque flumina & æstuaria intacta relinquebat. Naues enim aliquot cum tormentis cepit, quas Cochimensi donauit. Et vt fingeret, se non ita citò è vado discessurum, prope illud ades edificari præcepit, & circuncircà fossam perduxit, in quam aquam ex fluuio deriuauit, quæ illam compleret. His rebus Calecutiensis stimulatus, vt vadum rursus tentaret, in animum induxit. Sed interim classes submittebat, quæ popula-

tionem

tionem Cochimensium rebus inferrent: cum quibus nostri assidue bellum gerebant, & hostes cum magno eorum detrimento fugere compellebat: & Paciecus ipse cum vellet cum duodeviginti paronibus congregari, fuit ab alijs quatuor & triginta, qui in insidijs latebant, de improviso circumuentus, quod periculum vehementer Paciecum exterruit. Parum enim consideratè obuiam illis processerat, antequam nauium numerum exploraret. Fuere tamen in eo discrimine à nostris edita præclara facinora, et hostes tandem in fugam versi sunt: nostriq; cum quatuor nauibus, & multis tormentis, atq; varia præda in vadum reuersi. Rex Calecutij quanuis rursus in nostros cum maximis copijs inuehi in animo haberet, pestilentia, quæ iterum in illius regno sæuire cœpit, belli consilia distulit. Attamen nunc ut aperta vi, nunc ut occultis insidijs in Paciecum pestem compararet, vehementer elaborabat. At Paciecus insidias ingenio & sagacitate, vim virtute reprimebat, & multas de illorum classibus victorias consequabatur. Venit tandem tempus illud, quo Calecutiensis in nostros copias iterum maximas educere cogitabat. Repelinensis primum agmen ducebat: magnumque numerum rusticorum hominum cum ligonibus, & securibus, & instrumentis rusticis, qui vias munirent, fossas ducerent, aggeres excitarent, ut tormenta sua tutò collocari, & à nostris defendi facillimè possent, agebat. Rex ipse cum triginta millibus hominum & magno tormentorum numero sequebatur. Mari autem moles ingentes stupa circumligata, & pice oblita, quæ flammis, ubi opus esset, naues nostras incenderent, ferebantur. Deinde centum & decem parones rebus omnibus instructissimi, partim catenis inter se colligati, partim disiuncti veniebant. Postremam classis aciem centum naues longa,

P

& octo-

LIBER

& octoginta actuariæ clauderant. Sed quod Regis Calecu-
 tiensis animum efferebat, erant Castella, quæ Saraceni cu-
 iusdam Repelinensis ingenio, viri in bellis exerciti, qui mul-
 tas nationes peragrarat, extructa ad hunc modum fue-
 rant. Duo parones detractis armamentis tanto inter se in-
 teruallo distabant, quantum esset vnius hastæ modica longi-
 tudo. Viriusque autem proram tignum iungebant. Alte-
 rum deinde tignum ab vnius puppi in alterius puppim con-
 iectum, vtrumq; paronem, nè posset alter ab altero disungi,
 firmè retinebat. Super hac aut duo tigna, alia tigna trans-
 uerso ordine sternebantur. Interuallu verò, quod duobis istis
 tignis combinebatur, alijs tignis aded frequetibus explebant,
 vt contabulationis speciem præberet. Erant autem tigna
 singula tribus locis ferro fortissimè reuincta. In quolibet au-
 tem huius quadratæ contignationis latere, alius ordo tigno-
 rum in vniuscuiusque lateris extremitate præfixus, altitu-
 dine pedum quatuordecim, muri similitudinem referebat.
 Erant autem omnia cardinibus, & commissuris aptissimè
 perfectis, ita firmata, & ferreis retinaculis coniuncta, & so-
 lidata, vt nulla vi conuelli posse viderentur. Super ligna ve-
 rò trabes iniectæ totum opus multò firmitus efficiebant. Cra-
 tibus deinde atque longurijs consternebantur. In hoc supe-
 riore tabulato in maiore Castello quadraginta milites com-
 modè consistere, atque depugnare poterant. Ad hanc for-
 mam octo Castella paulò minora super sedecim parones ex-
 citata sunt. Fuerunt autem hæ machinationes ideo factæ, vt
 cum astus decederet, nauibus à puppi vehementius impul-
 sis, & nauibus Lusitanis applicatis, Castella nostris immi-
 nerent, & milites è superiore loco tela atque flammæ ad-
 iicerent. Hac perspecta machinatione, nemo erat ex hosti-
 bus, qui de victoria dubitaret. At Pacieus hoc contri-
 præsi

praesidium comparauit. Malos octoginta pedum longitudine inter se ferreis vinculis arctissime colligauit, & formam ex illis quadratam constituit. Tantundem enim in latitudinem, quantum in longitudinem patebat. Hanc autem machinam ante nauium proras modico ab illis intervallo constitui iubet, & secundum aestus naturam sex anchoris alligari: vt videlicet tres anchorae, cum aestus accederet, aliae tres, cum decederet, illam firmissime retinerent. Id autem hoc consilio effecit, vt nauium carinae, cum appropinquare vellent, impedirentur, quod minus Castella nauibus nostris adiungerent. Petrus autem Raphael excisis aliquot malis, ex illis columnas effecit, quas in nauium tabulato praefixit, & in summo earum fastigio capitella instituit, in quibus possent seni milites insistere, & illis, qui erant in Castellis, repugnare. Altitudo enim cuiuslibet capitelli, altitudinem Castellorum, quae hostium nauibus ferebantur, adequabat. Per exploratores enim Paciecus non modo exercitus multitudinem, sed etiam genera machinamentorum, eorumque dimensionem exacte nouerat, & quid hostes animis cogitarent, exploratè cognoscebat. Exercitus, qui terra gradiebatur, dissonis vocibus, & instrumentorum bellicorum strepitu inanes quosdam terrores inieciat, qui potuissent homines rerum bellicarum ignaros metu exanimare. Sed dum illi inanes formidines iactabant, Paciecus vt veras proponeret, operam dabat. Nam in Arraulensis insula partem, quā non longè à nostris nauibus fluctus marini subleuant, egressus, vt primum hostium agmen carperet, enixè contendit. Sed nè circumfusa multitudine opprimeretur, se post aliquod detrimentum hostibus importatum, in nauigia absque vllò incommodo recepit. Cum tamen praelium fieret, Calecutiensis

LIBER

cum hominis audaciam acceperisset, iracundia & furore
 flagrare cepit, neque tantam contumeliam, quantam
 sibi eo facto impositam arbitrabatur, ferendam putauit.
 Itaque Ducibus suis imperat, ut Paciecum ad se vinctum
 trahant, ut illum tormentis excruciatum necaret. Illi ad-
 uolârunt, & ut impigrè, quod fuerat imperatum, effice-
 rent, summam diligentiam adhibuerunt. Paciecus autem
 non modo perductus non fuit, sed antequam in nauigia
 regredi potuisset, non paucos ex hostibus interemit. Dum
 hæc geruntur, Sol exortus est. AEstus autem decedens,
 hostium classem in Lusitanos impellebat. Primò moles,
 quas diximus, inflammata cum in malos ex anchoris al-
 ligatos, ut dictum est, incidissent, repente substiterunt. Ita-
 que non modò nullum damnum intulere, verum non me-
 diocre alleuamentum nostris afferebant. Dum enim incen-
 dium vigeat, hostes propius accedere non ausi sunt. Hoc
 inani terrore depulso, cum iam incendium fuisset restin-
 ctum, classis hostium accessit. Castellum verò, quod erat
 maximum illorum, quæ diximus nauibus inuehi, primum
 cum in malos incideret, nec ulterius progredi posset, ne-
 cessariò constitit, & inde certare globis maximis, & plum-
 beis etiam glandibus instituit. Nostri contra tormentis pa-
 rones primos, qui prope Castellum erant, acerrimè verbe-
 rabant, ex quibus aliquot dissipârunt. Paciecus vnum sa-
 nè magnum tormentum ex his, quæ nostri Camelum ap-
 pellant, in Castellum conuerti, & globum intorqueri
 præcepit. Fragor quidem horrendus fuit: castellum ta-
 men integrum permansit. Cum id interim fieret, & Castel-
 lum nulla ex parte labaret, hostes multò confidentius
 nostros vrgeri & acrius instare, & intemperantius exul-
 tare, & voces latitia ingentis indices attollere. Reli-
 qua

qua Castella cū hoc animaduertissent, multo audacius in eundem se locum contulere. Tanta deinde telorum vis ab hostibus coniecta fuit, ut nihil aliud, quā sagittae densissima, & globi ferrei, & plumbei in tenebris illis, quas fumus efficiebat, & in illis horrificis incendijs cerni & conspici posset. Hic Paciecus animo conturbatus, oculos in calum sustulit, & maxima voce, ut ab hominibus audiretur, O summe cali rector, inquit, scio me commississe flagitia maximo supplicio digna. Te tamen suppliciter oro, ut in aliud tempus vindictam differas, in quo non decus & gloria tui sanctissimi nominis agatur. Hac ubi dixit, iterum tormentum dirigi atque librari iussit. Emissus cum maximo fragore globus, Castelli bonam partem dissipat, & homines in mare deturbat: nostri manus in calum tendere, Christi nomen celebrare, numen illius praesens agnoscere, & tunc multo alacrius hostibus obsistere. Fuit tandem Castellum alijs globorum ictibus dissectum. Alia tamen Castella nihil secius in loco permanebant: & qui in illis erant, summa contentione pugnabant, ut Lusitanos obraerent. Sed cū non possent accedere, eminus pilas innumerabiles, & ingentem telorum multitudinem sine ulla intermissione iaciebant. E nostris nullum frustratelum in hostes accidebat. Multi enim ex illis ceciderunt multiq̃ue parones aut depressi, aut dilacerati. Dum ad hunc modum mari decertatur, Rex Calecutiensis in eadem summis viribus inuadit, & in vltiorem ripam eumpere conatur. At Christophorus Iusartes, & Simon Andradius, qui minoribus nauigijs vehebantur, & Laurentius Morenus, qui ex paronibus Cochimensibus pugnat, summa ope resistere contendebant. Cochimensis et-

LIBER

iam Princeps cum mille è suis militibus, qui vallum tuebantur, strenuam eo die operam nauauit. Omnes ita se gesserunt, vt non modò transitum intercluderent, sed etiam multis incommodis hostes afficerent. Constat, hoc pralium fuisse multo superioribus atrocius & immanius, in eoque multas naues hostium depressas, & magnam hominum multitudinem extinctam. Pralium cum prima luce commissum fuisset, ad vesperum ductum fuit. Aesius tandem violenter accedens, vadum compleuit aquis, & Castella in contrariam partem compulit: & sic tandem fuit necessariò ab omnibus certamen omissum. Ex nostris multi vulnerati fuerunt, nullus tamen occisus. Post hanc pugnam, fuit aliquot diebus cessatum, quibus Rex Cochimensis Paciecum valdè laus inuisti, multis laudibus affecit, & vt nostros commeatu, & terræ fructibus resceret, operam dedit. Calecutiensis verò cum iam victoriam desperasset, & domum redire vehementer expeteret, tamen cum multi illum, vt signa rursus in Lusitanos inferret, & extremum belli casum experiretur, importunè sollicitarent, post reliquas clades acceptas illos aggressus est. Sed cum nostri victorijs elati multo acrius depugnarent, & hostes cladibus exterriti, nimis titubanter & timide pugnam capefferent, eueniebat, vt hostes multo facilius funderentur, & classis multis partibus dilacerata è pralio discederet. Calecutiensis igitur auguribus acriter infensus, qui quasi de Deorum sententia loquerentur, eum infirmisimam spem victoriæ fraudulenter induxerant, detestatus, exercitum reduxit. Non tamen cessauit insidias struere, quibus Paciecum interimeret. Sed detectis insidijs, fuerunt aliquot proditores à Pacieco primùm fustibus acerrimè verberati, deinde ad extremum supplicium detrusi.

Sed

*Sed cum se multi è Cochimensi nobilitate me dios interpo-
nerent, & à Pacieco enixè contenderent, vt hominibus igno-
sceret, is eos ad Regem misit, vt de illis, quod ei cōmodius vi-
deretur, statueret. Calecutiensis igitur cū cerneret nihil
sibi, vt cogitaret, processisse, odio vitæ, & tanti dedecoris of-
fensione regno se abdicauit, & Naubeadarimum in Regia
sede constituit, ipseq; fanum, & ades religione consecratas
ingressus est, vt ibi in Deorum suorum cultu, quod reliquum
erat vitæ, consumeret. Mater tamen illius, mulier natura fe-
rox, illum literis atq; nuncijs stimulabat, vt bellum repete-
ret. Non esse ferendum, ita consternari animo, vt vindictæ
spem omnindè deponeret. Præstare namq; millies mortem
oppetere, quàm tantum dedecus inultum relinquere. Illanz
religionis speciem non esse pietatis, sed timiditatis argumen-
tum. Proinde si vellet hominum fama commendari, & in di-
gnitatem amissam restitui, forti animo pergeret, & hosti-
bus demonstraret, se nullo casu de mentis statu detorqueri
potuisse. His instigatus orationibus, rursus egressus est, vt bel-
lum renouaret. Sed omnes Reges & Principes, qui cum
sequuti fuerant, rebus illius desperatis abierant, neque
rursus ad belli societatem adduci poterant. Quin et-
iam multi pacem cum Trimumpara & Pacieco fece-
rant. Ea desperatione fractus, se rursus in fanum rece-
pit. Fuit bellum hoc à Pacieco intra quinque menses ma-
ximo cum labore, & hominis insigni gloria confectum.
In quo quidem, vt postea compertum fuit, hostis vnde-
uiginti millia hominum partim morbis, partim prælijs
amisit, & magnam præterea nauium multitudinem.
Profligato hoc bello, & pace cum multis principibus fir-
mata, fuit Paciecus factus certior, Coulami tumultua-
ri cœpisse, & Saracenos, cū fieri non posse crederent,*

LIBER

iv Lusitani ex hostium manibus euaderent, de eorum,
 qui Coulami remanserant, pernicie coniurasse, vnumque
 Lusitanum hominem eorum fraudibus occisum. Paciecus
 igitur Coulamum pergit, de homicidis supplicium su-
 mere non potuit, nè magnam discordiam in ciuitate
 cum maximo nostrorum discrimine concitaret. A prin-
 cipibus tamen ciuitatis efflagitauit, vt in fœdere permane-
 rent. Cantum namque fœdere fuisse, ne nauis vlla aro-
 matum onus acciperet, ante quam nauibus Lusitanis fuis-
 set iustum pondus impositum. Se verò cernere in portu Sa-
 racenorum naues onustas, & Emmanuelis Regis naues
 inanes. Respondent, id non voluntate sua, sed Sara-
 cenorum importunitate & audacia, quam reprimere
 propter illorum summas opes nequiuerant, accidisse. Pa-
 ciecus igitur de Principum consensu, Saracenorum nauib-
 us exoneratis, & pretio aromatatum eis persoluto, ea con-
 festim in Regias naues imponenda curauit. Deinde vela
 fieri iussit, & illam oram Indicam cum nauibus instructis
 peruagatus est, & aliquot naues cepit, & prædas etiam fe-
 cit. Tantaq; erat virtutis illius opinio, tantusq; ab eo metus
 & regibus, & Dynastis, & piratis etiam incussus, vt nemo
 auderet armis illis obistere. Hæc autem ab eo gesta sunt vs-
 que ad Septembris mensis initium eiusdem anni, qui fuit à
 CHRISTO nato M. D. I I I I. Eo tempore Lupus Sua-
 rius, cuius ante a mentio facta est, cum classe tredecim na-
 uium in Indiam peruenit. Is literis Petri Ataidei, quas in
 vrbe Mozambiquensi, antequam obiret, scriptas reliquerat,
 fuerat de belli magnitudine, quod à Calecutiensi parari exi-
 stimabatur, admonitus. Id etiam Melindius Rex, cum is ad
 illius portum naues appulisset, significarat. Ea q; de causa ma-
 gnâ in illo cursu celeritatē susceperat, vsq; eo, dū in Anche-
 diuam

linā insulā perueniret. ibi Antoniū Saldagnā, & Roderi-
um Laurētium, qui in ea insula hyemauerat, offendit. In-
de cū iam ver in regionibus illis inciperet, Cananorē pro-
fectus, è Rege Cananoris, & à Gonzalo Barbosa, qui Regis
Emmanuelis negotia procurabat, de rebus à Pacieco gestis
certior factus est. Postridie autem illius diei, quo fuerat cū
Rege Cananoris amātiſsimè colloquutus, venit ad illū Arabs
quidam cum puero Lusitano, atque literis à Lusitanis, qui
fuerant Capralis tempore capti, datis. Summa literarum
hac erat. Regis Calecutiensis opes fractas atq; comminutas
esse: consilium, quo bellum fuerat susceptum, post tātas cla-
les acceptas (vt ab imperitis fieri solet, qui non ante, quā
emeritatis pœnas luant, rebus suis consulere nōrunt) ab o-
mnibus improbari. Ciuitatis Principes eos admonuisse, vt
scriberent ad Lusitanos Duces, si pacem cum Rege Cale-
cutiensi fieri vellent, nullum tempus magis ad eam oppor-
tunum optari posse. Regem namq; semper bellum illud de-
estatum fuisse. Esseq; natura benignum, & in fide tuenda
constantem. In literarum fine orabant, & obtestabantur,
ne à consilio pacis abhorreret. Fore namq; vt prater vtili-
tatem, quæ posset ex ea Lusitanis afferri, vt ipsi è miserrima
seruitute in libertatem vindicarentur. His lectis literis,
Suarius Saracenum dimittere, & puerum retinere voluit.
Puer autem constantissimè repugnauit, dicens se nunquam
tantum in se dedecus admissurum, vt contra datam fidem,
causam crudelissimæ cædis, quæ erat, si ille nō rediret, Chri-
ianis qui vincti iam remanserant afferenda, metu mortis
ut seruitutis afferret. Suarius illis dimissis, Calecutiū ver-
is nauigare instituit. Cū verò iam in Calecutiensi portu
consisteret, ijdem ciuitatis Principes ad eum varia ciborum
genera, & fructus multiplices, in signum amicitia cōtinuò

LIBER

miserunt. Quæ omnia ille repudiavit, adserens, se nullo modo quidquam ab eis, antequam pax fieret, accepturum. Nunquam enim hostile munus ullam iucunditatem hostibus attulisse. Venit deinde Coiebiquius Saracenus ille, cuius, ut antea dictum est, egregia in Lusitanos merita constiterant. Cum illo autem duo ex captivis Lusitanis veniebant: de pace agi continuo cœptum est. Principes orabant, ut Regis adventum expectaret, qui erat intra quatuor dies venturus. Dixit Suarius, se pacem minime daturum, nisi prius sibi Lusitani cum Mediolanensibus redderentur: & in eo perstitit. De Lusitanis quidem fuisset illi facillime satisfactum. De Mediolanensibus verò quomodo id, quod postulabatur, absque nefario scelere fieri posset, minime videbant. Turpissimum namque facinus existimabant, eos, qui fuerant in fidem recepti, contra datam fidem ad supplicium tradere. Quò autem illi rectius se gerebant, eò ducis nostri consilium reprehensione maiore dignum arbitror, qui pluris esse statuebat, de duobus transfugis & peregrinis supplicium sumere, quàm tot ciues in libertatem asserere. Accedebat etiam turpissima timiditatis indicium, cum ad eò pertinaciter in eo postulato perseveraret, quasi post res hostium afflictas, posset aliquod maximum malum à duobus illis hominibus in nostrorum perniciem comparari. Præterea qui in alijs perfidiam vindicandam arbitrantur, quomodo par est, ut eos, cum quibus pacem conciliari volunt, fidem violare compellant. Et ut nihil aliud dicam, cum bellum cum hoste civium causa suscipiendum sit, multo vigilantius est de civium salute, quàm de hostium interitu cogitandum. Hæc quidem non considerans Suarius, minime de Lusitanorum vita, & de Coiebiquij etiam, qui propter Lusitanum nomen in summo discrimine versabatur: statu

& conditione sollicitus, cū illius postulato minime satisfieret, urbem tormentis conquassauit, & ades quamplurimas diruit. Inde verò Cochimum petijt, & Regem inuist, & Emmanuelis nomine fidem illius collaudauit, regiaque illi munera satis ampla detulit. Deinde Duces duos, quorū vnus Petrus Mendoza, alter Vascus Caruallius appellabatur, cum nauibus, quibus præerant, misit, vt totam illam oram, vsque ad Calecutij portum, amicis atque fœderatis tutam, & hostibus infestam redderent. Alfonso autem Lupio Costa, & Petro Alfonso Aquilari, & Leonello Coutino, & Roderico Abræo negotium dedit, vt Coulamum peterent, vt aromata, quæ erant iam industria & labore Pacieci congesta, à procuratore acciperent, & naues sibi attributas onerarent. Paciecus autem, nauibus ex animi sententia oneratis, Cochimum reuersus est, & à Suario tantis laudibus affectus, quātis erat omnium confessione dignissimus. Hic fuit Suario nuncius allatus, Cranganorem ciuitatem, quæ in Calecutiensium fide permanserat, esse in armis, omnesq; ciues ad bellum sollicitari, & Ducem nomine Maimamē octoginta parones & quinq; naues instruxisse: terra verò Naubeadarimū magnū exercitum eduxisse, & copias in dies augeri. Hac autem omnia eo consilio fieri, vt cū primū Lusitana classis e portu Cochimensi solueret, de improviso Regem opprimerent. Alio namq; vado, nomine Paliporto, quod multò commodius arbitrabatur, copias traducere cogitabant. His belli motibus exploratis, Suario de reliquorum Ducū sententia visum est, Crāganorem festināter inuehi, vt hostes inopinantes de conatu depelleret. Itaq; vna nocte cum scaphis quindecim, paronibus quinque & viginti, & Carauela vna, magno silentio proficiscuntur. Erant in ea classe Lusitani mille, & mille Cochimenses.

LIBER

ses. Cochimensis verò Princeps eos in Paliporto cum octingentis militibus opperiebatur. Inde Princeps terra, nostri Duces mari, eo quo destinarent, alacres & pleni fiducia contendunt. Suarius Tristanum Syluium, & Antonium Saldagnam, & Petrum Alfonsum Aquilarem, & Alfonsum Costam, & Vascum Caruallium in clasſis fronte constituit. Dux verò Maimames eo tempore in duabus magnis nauibus, catenis inter se fortissimè colligatis, cum duobus filijs insidebat. Naues erant iam tormentis & munitiombus, & magno telorum numero, & militum etiam multitudine, ad confligendum, si opus ita fuisset, comparatae. Quinque illi Duces, qui primum agmen ducebant, in eas inuehuntur. Maimames & illius filij incredibili animorum robore resistunt, eorumq; virtute factum est, vt diutius, quàm quisquam opinari potuisset, praelium traheretur. Tandem Maimames cum filijs occiditur, milites atq; nautae se in mare alia ex parte coniungunt. Reliqui Duces cum in parones incurrerent, non magno certamine eos in fugam compulerunt. Superata classe, Lusitani Duces in terram copias exponunt: Cochimensis Princeps suas etiam adiungit. Naubeadarami exercitus obuiam prodit. Fuit continuò praeliū summa vtriusq; partis contentione commissum. Cum tamē ex hostibus multi caderent, reliqui tanto metu perterriti sunt, vt in urbem trepidè fugerent, omnemq; illius tuendae curam deponerent. Itaque ea celeritate, qua per vnā portam ingressi fuerant, per aliam egrediuntur. Nostri in illorum tergis haerentes, vno impetu in urbem ingressi, eam coniectis ignibus inflammant. Sunt ades è ligno maxima ex parte aedificatae, & congestis palmarum folijs integuntur, ita, vt subitò flammam corripiant. Dum ignis omnia populatur, incolae Christiani, qui antea hostium metu latitabant,

tabant, accurrunt, & à nostris petunt, vt incendium restinguant, ne sacras ades. in quibus illi religioni operam dabāt, simul incenderent. Cū id nostri facere conarentur, non tanta potuit adhiberi diligentia, vt non prius, quā ignis opprimi & extingui posset, multæ etiam Christianorum ades eisdem flammis absumerentur. Domicilia Arabum atque Iudeorum, quæ nondum fuerant incensa, spoliata repente sunt. Naues & parones eodem incendio conflagrarunt. Tormenta tamen prius & arma, & munitiones, quæ nostris vsui esse poterant, in nauibus imposita. Hac re gesta, Suarius cum reliquis Ducibus Cochimum redijt. Sed quia iam sæpè Cranganoris mentio facta est, operæ pretium erit, de illius situ & magnitudine, de gentium, quæ illam incolebant, multitudine, de Christianorum, qui in ea habitabant, moribus & institutis pauca dicere. Distat Cranganor, vt antè diximus, Cochimo ad Septentriones, decem & sex millibus passuum. Fluminis, quod propter illam in mare influit, varijs flexibus alluitur. Erat vrbs sanè magna, & à multis nationibus, propter admodum celebre emporium, frequentata. Ciuitas erat libera, & magistratibus legitimis populi suffragio creatis regebatur. In patrocinio tamē Calcutiensis Regis latebat, & illius partes, vbi bellū aliquod motum erat, sine recusatione sequebatur. Ab illius tamen fide defecit, postquam illius res nostrorum armis afflictas esse cognouit. Habitāt in ea præter indigenas aduenæ quāplurimi, qui ex Arabia, & ex alijs regionibus eò mercaturæ faciendæ gratia confluxerunt. Indigenæ, qui simulacris lediti sunt, eisdem moribus, quibus reliqui Malabares, videntur. Christiani templa habent non satis eleganter edificata. Sunt enim eorum opes valdè tenues. Septimo quoque die, quem dominicum appellamus, in templum conueniunt, vt sa-

LIBER

ut sacris intersint, & conciones audiant. Summus eorum antistes in montibus, qui ad Septentriones spectant, à mari disiunctissimis, quam illi regionem Chaldaeam nominant, sedem habet. Is cum duodecim Cardinalibus, & duobus Patriarchis, & multis Pontificibus, qui in consilium similiter adhibentur, omnia, quæ ad religionem sancendam pertinent, decernit. Huic omnes Christiani, qui in orientis Solis regionibus habitant, obtemperant. Sacerdotes in capite ita sunt attonsi, ut Crucis imaginem in vertice summo contineant. Vino ex passis vis confecto in sacrificijs utuntur. Omnibus sine discrimine, cum ad Eucharistiam accedunt, non solum CHRISTI corpus in panis specie, verum & in Calicis consecrati potione porrigitur. Nemo tamen epulum illud diuinum sumit, antè, quàm flagitiorum confessione animorum sordes eluat. Pueri infantes nullo modo ante quadragesimum diem, nisi periculum aliquod impendere eorum vitæ perspectum fuerit, sacris aquis expiantur. Cum aliquis periculoso morbo premitur, sacerdos illum inuist: aegroti sacerdotis precatione animum alleuari confidunt. In ingressu templi, lustralibus aquis, perindè atquè nos facimus, asperguntur. Eodem etiam ritu mortuos, & eadem religione sepeliunt. Deindè cognati & affines epulum dant, & octo dies in conuiuijs, mortuorum gratia instructis, accumbunt, & illorum memoriam celebrant, & pro eorum sempiterna salute CHRISTVM venerantur. Viduæ, quæ ante annum post virorum obitum nubunt, dotem amittunt. Sanctas literas Syrio sermone, quæ Chaldaeam nominant, scriptas, studiosissimè colunt, earumquæ interpretes in locis publicis omnes, qui conueniunt, ad earum intelligentiam diligenter erudiunt. Ieiunia temporibus, quæ ad Aduentum & Quadragesimam appellamus, diligenter

enter observant. Sacra solennia, quibus utimur, summa
 um religione & celebritate procurant. Eandem anni
 computationem cum die intercalari, qui quarto quoque
 anno inferi solet, quam observamus, diligentissimè retinèt.
 Calendis Iulij non Christiani tantum, sed indigenæ à sacris
 Christiana nationis abhorrentes, in Thomæ honorem diem
 festum agunt. Sunt apud illos & monachorum sodalitia, &
 virginum sacrarum cœtus adibus semotis inclusi. Ab omni-
 bus illis pudicitia cum summo probitatis, & abstinentiæ, &
 religionis studio conservatur. Sacerdotes vxores ducunt.
 Prima tamen vxore mortua, est illis in posterum nuptijs o-
 mnibus interdictum. Aliorum matrimonium nisi aut viri,
 aut vxoris morte dirimi nulla cōditione licet. Hanc autem
 morum institutionem à tempore Apostoli Thomæ, qui pri-
 mus eas nationes ad CHRISTI notitiam instruxit, ad
 hæc nostra tempora continuatam summo semper studio, nō
 solum in Cranganoris regione sed in multis alijs, Christia-
 ni, qui in India sedes habent, summa semper religione &
 studio tenuerunt. Corpus illius in vrbe, quam Malipur ap-
 pellant, quæ ad regnum Narsingua pertinet, sepultum est,
 multis miraculis celebratum. Tēpore quo Martinus Alfon-
 sus Sousa, vir fortissimus, pro Rege Ioanne tertio Indiam
 cum imperio obtinebat, fuerunt ad illum aeneæ tabulæ de-
 ratæ, in quibus erant incisæ literæ, quarum vsus obsoleue-
 rat, ita, vt nemo eas legere posset. Fuit tandem ab illo Iu-
 deus accersitus multis linguis eruditus, & minimè antiqui-
 tatis ignarus, qui eas tandem cum difficultate, propter scri-
 pturæ antiquitatem, & lingue parum notæ rationem (erat
 enim ex multis conflata) perlegit. Literæ autem nihil aliud
 e summa continebant, quàm Regis, qui Thomæ temporis
 illis terris imperabat, donationem Thomæ factam tellu-
 ris cer-

LIBER

ris certa dimensione definita, in qua templum extrueret. Et quia huius diuini viri mentio facta est, non alienum arbitror, hoc in loco aliud testimonium antiquitatis asserere, quod Thomae monimentum continet. Anno à CHRISTO nato. M.D.lxij. Pontifex Cochimensis misit ad Henricum Cardinalem testimonium publicis literis cōsignatum, quod historiam commemoratione dignam continebat. In ea ciuitate, quam diximus appellari Malipurem, & nunc, postquam à Lusitanis frequentari cōpit, Sancti Thomae ciuitas appellatur, erat in colle sacellum aedificatum, eò quòd affirmarent incolae, in eo loco Thomam fuisse à religionis hostibus interfectum. Erat autem hoc solenniter institutum, vt in eo sacello octo diebus ante diem natalem CHRISTI res diuina fieret, & omnes Christiani eò conuenirent. Fuerat quoque ante quatuordecim annos in illo colle inuenta Crux in lapide incisa, in cuius fastigio columbae imago insidebat: basis verò erat in specie quadam herbarum, qua diffundi latissimè videbantur, collocata, & tam fastigium, quàm basis, & brachia in liliorum formam desinebant. Arcus eam ex eodem lapide factus vndiq; muniebat. In arcu erant incisae literae, quas nemo legere poterat. Totum hoc opus integrum, quod erat satis magnum, fuit super altare eiusdem sacelli multorum operis statutum. In Cruce eminebant notae sanguinis insignes. Accidit autē die, quo Christiani conueniebant, vt in eo fano salutationem ab Angelo factam sanctissimae VIRGINI, octo dies, antequàm dies CHRISTI natalis adueniret, celebrarent, cū sacerdos, qui rem diuinam faciebat, Euangelium inchoaret, vt Crux in nigrum colorem verteretur, & liquor ex illa incredibili copia dimanaret: deinde color caeruleus pro nigro subiret. In locis autem vbi notae sanguinis extabant, ro-

sei co-

ei coloris splendor eluxit. Sequentibus deinde annis eodē
 dem semper eueniebat. Nec enim alio die (quod magnam
 admirationem commouebat) id in illa cruce cernebatur.
 Fuit tamen aliquo tempore eius rei, quæ admirabilis omni-
 us videbatur, intermissio. Anno autem M. D. L X I. cū
 Christiani in eundem locum cum eadem pompa & celebri-
 tate conuenirent, eo die, quo Crux, dum sacrificium fieret,
 illare solebat, & sacerdos Euangelium inchoaret (id enim
 tiam admirandum videbatur, quod nunquam prius, quā
 Euangelium legi cœpisset, ea Crucis mutatio fieret) Crux re-
 tentē nigris maculis, splendidis tamen, insiceretur, donec
 tandem alijs atq; alijs subeuntibus, tota nigresceret. Ita ve-
 dō splendebat, atq; si fuisset oleo delibuta. Tum instar roris
 uitæ defluere cœperunt, quæ paulatim grandiores effectæ,
 totam Crucem humore largissimo compleuerunt. Peregit
 sacerdos cum multis lacrymis, & crebro singultu sacrifi-
 cium. Deinde ascendit in altare, & linteis, quibus in rebus
 lacris de more procurādīs vti solebat, Crucem exersit. Lin-
 teæ maculis sanguineis tinctæ repentē sunt. Ciuitatis præse-
 tus, & reliqua multitudo, quæ conuenerat, manus in calum
 tendere, CHRISTI numen implorare, flagitiorum veniā
 postulare, & ad studium ardētius religionis excitari. Crux
 autem postquam multo liquore fluxit, clarius splendere cœ-
 rit, & color sanguineus euidentius eluxit. Hoc signum com-
 mouit & Præfectum vrbs, & primarium sacerdotem, vt di-
 genter inquirerent, ecquis esset, qui literas illas interpre-
 ri posset. Aiūt incolæ, in Narsinga regno esse Brachmanā,
 inter omnes Brachmanas literis & eruditione præstantem,
 qui varias linguas tenebat. Hominem continuò accersunt.
 Interrogant, an illas literas nōssset. Respondet, literas esse
 iscas, quibus antiqui sapientes utebantur: negligentia ve-


L I B E R

vò hominum factum esse, vt earum cognitio interiret. Quin
 etiam linguam, qua erant descripta, à paucis admodum te-
 neri. Admonent illi Brachmanam, vt in altare ascendat. Re-
 stitit ille, & nefarium facinus esse dixit, altare, in quo res
 diuina fieret, humanis pedibus conculcari. Inuitus tamen
 subiit, & literas perlegit, quarum vim eam esse dixit, vt v-
 na nota decem, & quindecim, & viginti literarum offi-
 cio fugeretur. Sententia verò literarum in summa hæc e-
 rat. Thomam diuinum virum fuisse à Dei filio, cuius e-
 rat discipulus, in eas oras Sagami Regis tempore missum, vt
 DEI summi notitia gentes illas erudiret. Ibiq; templum
 extruxisse, & res admirabiles effecisse: atq; tandem cum ge-
 nibus flexis ad Crucem illam affixus, orationem ad DEVM
 funderet, à quodam Brachmana fuisse hasta transfixum.
 Crucem verò eiusdem viri sanctissimi cruore tinctam ad
 memoriam virtutis illius sempiternam relictam fuisse. Hæc
 erat sententia, qua literis cominebatur. Fecit autem maio-
 rem fidei alius eiusdem sectæ vir aliunde accersitus, gran-
 dis admodum natu, & sapientiæ opinione præstans, qui lite-
 ras in eandem sententiam interpretatus est. Huius autem
 Crucis exemplum, in eodem ligno, ex quo templum adifica-
 tum perhibent, insculptum, cum literis publicis multorum
 virorum testimonio consignatis, retineo: cuius fides tantis
 tunc argumentis explorata fuit, vt nemo possit de tam clavis
 atq; testatis viri diuini monimentis ambigere. Hæc quidẽ in-
 ferenda putavi, vt rectius percipi possit, quàm clara
 sint apud Indos Christianos Thomæ viri di-
 uini monimenta.

HIERONYMI
OSORII SILVENSIS
ALGARBIORVM IN LV-
SITANIA EPI-
SCOPI,

DE REBVS EMMANUELIS, LVSITANORVM REGIS INVICTISSIMI VIR-
tute & auspicio gestis,

LIBER QVARTVS.

 VM hac autem, qua sunt paulò antè scripta, gerebantur, Emmanuel magnam classem in Indiam comparabat. In ea verò classe misit Franciscum Almeidam, virum insigni virtute præditum, cum summo imperio, qui in Orientis regionibus Regis vice & officio fungeretur. Partim enim q̃ vellet in India aliquod imperij fundamentum iaci, partim ne Lusitani, qui negotij gerendi causa relinquebantur, vite periculum adirent, & foederati etiam Reges incommodum aliquod propter studiũ Lusitani nominis subirent, visum est illi, vt vnus Dux in India cum imperio versaretur, qui id posset industria, fide, & vigilantia perficere. Hoc eodem anno, qui fuit, M. D. v. misit Romam Iacobum Sousam Portugallensem Pontificẽ, & Iacobum Paciecum, virum iuris civilis scientia & dicendi

L I B E R

etiam facultate non vulgari praeclitum, qui nomine illius fidei iulio II. Pontifici maximo, qui tunc ad eam summam dignitatis amplitudinem summo patrum consensu peruenerat, obligarent, & ab illo peterent, ut quoniam bellum Africanum non absque magnis sumptibus administrari poterat, eos, qui in id aliquid operis sponte sua conferrent, muneribus ex diuina Ecclesia thesauro depromptis afficeret. Eodem ferme tempore venit ad Emmanuelē vir religionis opinione praestans, ex Francisci diuini hominis institutione & disciplina, qui Ierosolymis praefectus erat monachorum, qui Sionem montem incolunt. Huic nomen erat Maurus. Causa autem aduentus illius hic fuit. Sultanus, qui tunc Aegyptum et Syriam imperio continebat, grauiter offensus detrimentis, quae Lusitani rebus suis intulerant, literas ad Iulium Pontificem Maximum dedit, quas per hunc Maurum mittendas esse statuit, ut illius religione & auctoritate facilius Pontificem in eam mentem, quam cupiebat, impelleret. Literarum sententia haec erat. Se à Regibus Hispaniae admodum graues iniurias accepisse. Fernandum namque, Aragoniae Regem Hispaniam Baticam armis inuasisse, & Saracenos, qui eam possidebant, partim crudeliter occidisse, partim omnibus bonis euersos, in exilium compulisse, & eos, qui domi remanserant, durissimo dominatu violenter oppressisse: & quod multo grauius erat, eos per vim, ut Christi religionem susciperent, coegisse. Non licere autem nec apud Christianos, nec apud Mahumetanos, malo cogere quenquam, ut eam religionem detestetur, in qua fuerat ab incunabulis enutritus. Hoc autem, quod ad commune gentis incommodum & vastitatem, & religionis iniuriam pertinebat, se dissimulare non posse. Praeterea Emmanuelē Portugalliae Regem clasibus suis Indiam infestam reddere, grauissimasque

masq; iniurias hominibus, qui ex Aegypto & Arabia in Indiam nauigabant, intulisse, ipsiusq; Sultani naues cepisse, & direptas incendiisse. Id autem nullo iure fieri. Nec enim vnquam ab illo Lusitanos fuisse vlla iniuria lacesitos. Opera tamen eorum atque immanitate magnam vectigalium, quae possidebat, inclinationem fieri. Se verò vsque ad illum diem Christianos, qui vel in Aegypto & Syria domicilium habebant, vel negotia gerebant, vel Christi sepulchrum inuisebant, ne vlla iniuria afficerentur, sedulo curauisse. Si verò Reges Hispaniae pergerent eiusmodi maleficis Mahumetanam gentem diuexare, sibi tunc necesse futurum, vt pestem etiam in nomen Christianum machinaretur, & iniuriam sibi illatam acerrimè vindicaret. Se igitur necem Christianis omnibus, qui in regno illius inuenti essent, illaturum, illorumq; templa, & CHRISTI etiam sepulchrum demoliturum, operamq; daturum, vt nomen Christianum in illius imperio deleteretur. Præterea esse sibi in animo, in huius tanti facinoris ultionem, ingentem classem instruere, qua multas Europæ regiones maximis detrimentis afficeret. Postremò ipsum Iulium admonebat, si vellet ingentem Christianorum multitudinem à nece & supplicis eripere, & templa, quæ in Asia & in Aegypto inuiolata permanserant, tueri, & Christi sepulchrum defendere, & à multis oris Christianæ reip. incendium & vastitatem propulsare, ageret cum Emmanuele Rege, nè vellet amplius classes in Indiam mittere. Aliter enim maximam Europæ cladem vitari non posse. Has literas cum ab ipso Mauro Iulius accepisset, earum exemplum ad vtrunq; Hispaniæ Regem per eundem Maurum misit, & per literas ab eis quasiuit, quòdnam responsum vellent, vt ipsi Sultano daret. Quid Fernandus Iulio responderit, à nobis explorari non potuit. Emmanuel

L I B E R

verò in hanc sententiam rescripsit. Vidi Pater sanctissime literas tuas, quas mihi Maurus attulit, & simul exemplum literarum, quas tibi Sultanus misit, accepi, in quibus de iniurijs, quas Mauris Granatae regnum incolentibus intulit Fernandus Rex, quem in loco patris amantissimi colo & obferuo, conqueritur: & simul de damnis, quae Saraceni à Lusitanis in India accepere, grauisimis verbis expostulat. In quo quidem inuitus nomen nostrum illustrat, dum ostendit, quam sit vterque nostrum Saracenis infestus. Quid enim fieri potest à Christianis principibus ad gloriam sempiternam aptius & elegantius, quam omnes suos conatus ad Mahumetis duram & nefariam superstitionem tollendam, & nomen perditissimi latronis extinguendum comparare? Minas deinde iactat, & terrores barbara quadam superbia & immanitate proponit, existimans fieri posse, vt qui pro CHRISTI religione pugnant, aliqua verborum atrocitate perterriti, ab instituto facinore, & à suscepta religionis sanctissima causa continuo desistant. Socer meus Fernandus, Rex inuictissimus, dignum rebus à se clarissimè gestis, dignumq; virtute & sapientia sua responsum dabit. Hoc tamen scio, nunquam fore, vt ille sic hostis barbari minas extimescat, vt gloria sempiterna, quam ex Hispania Arabum tyrannide liberata adeptus est, eum aliquando poeniteat. De me verò hoc tibi Pater sanctissime affirmare possum, mihi maximè molestum esse, non multo grauiorem querimoniam causam tyranno isti subesse, qua stimulatus, multo ferocius verbis accepta detrimenta vindicaret, & quos virtute frangere non posset, oratione minaciter exterrere frustra conaretur. Nobis enim, cum iter in Indiam classibus nostris aperire, & regiones Maioribus nostris incognitas explorare decreuimus, hoc proposi-
tum

tum fuit, ut ipsum Mahumetanae sectae caput, unde tam multa mala in orbem terrarum opera demonis infestissimi redundarunt, extingueremus, & Mecha Arabiae ciuitas, in qua Mahumetis sepulchrum est, Lusitanorum armis excisa, funditus interiret. Quod autem hoc non sit, ut cupiebamus, effectum, indignissime patimur. Spem tamen habemus fore, ut CHRISTI praesidio id opus aliquando perficiatur, cuius iam nunc fundamenta Lusitanorum virtute & industria iaciuntur. Tunc igitur cum Mahumetis monimenta eversa atque dissecta fuerint cum tellurem, quae tantum monstrum aluit, & quae reliquias illius gremio suo complectitur, excindi & vastari perspexerit, fœnat immanis & importunus hostis, & istas minas inanes proponat: & non modò, cum est tam leuibus damnis affectus. In quo verò nomini Christiano cadem, CHRISTI sepulchro euerfionem, Europae ferro atque flamma minitatur, non est, cur quisquam merito possit inania verborum portenta metuere. Nec enim hostis auarus vectigalia sua, quae Christianorum religione amplificari cernit, excisione sanctissimi sepulchri, & aliorum locorum, quae frequentari à Christianis cum magno illius commodo videt, imminui parietur: nec aded mentis expers est, ut velit ea iniuria vniuersae Reipub. Christianae facta, omnium animos irritare, & à mutuis dissensionibus ad illius pestem atque perniciem traducere. Communis enim offensio & contumelia solet animos dissidentes cōiungere, & stimulis incitare ad pœnas de honestè superbissimo repetendas. Non est autem gens Christiana usque eo vel sanctissimae religionis, vel antiqui decoris oblita, ut tantum hostis facinus inultum & impunitum relinquat. Non dubito igitur, quin si hanc stragem Sultanus ediderit, oēs Christiani tam iuuenes, quam senes, vndique certatim

L I B E R

confluant, vt tantum scelus animis coniunctissimis vlciscantur. Quod cum ille planè percipiat, non erit adedò amens, vt tantum sibi atque suis opibus periculum struere velit. V aldè tamen doleo, tantos ex Christianorum Principum discordijs animos tyrannum istum assumpsisse, vt atrociter etiam illis minari audeat, per quos potuisset facillimè imperium illius atque nomen extinguere. ~~Quare Pater sanctissime~~ te non modò hortor & moneo, verum etiam suppliciter oro, vt actionem istam dignam virtute tua, dignam religione & sapientia, dignam istius loci, in quo CHRISTI vicem geris, amplitudine & sanctitate suscipias, vt Christianos Principes inter se nefariè dissidentes, in concordiam authoritate tua sacrosancta reducas, vt summa animorum conspiratione, signa in Africam & Asiam inferat, quibus hostem non virtute sua, sed Christianorum negligentia ferocem de statu deiciant, Mahumetisque nomen ex hominum memoria penitus euellendum curent. Quod si feceris, præclarè viam in calum munies, nomenquè tuum memoria sempiterna consecrabis. Hoc quidem iam ab Alexandro Pontifice, in cuius locum successisti, aliquot Principes Christiani mecum simul magna contentione postularunt. Sed idcirco fortasse tunc id effectum minimè fuit, quod DEVS hanc vni tibi immortalis laudis & gloriæ materiam reseruabat. In quo verò nos admones, vt quod responsum te Sultano dare velimus, tibi per literas significemus, animum istum in nos humanitatis & clementiæ plenissimum libenter agnoscimus, quem perpetuo vitæ studio, & debita pietate & veneratione prosequemur. Nostrum tamen non est, vel sapientiæ tuæ, vel grauisimo Cardinalium senatui præscribere, quid hosti respondendum sit: sed tantum, quæ nostra mens sit, & quid animis agitemus, aperire.

Ut igitur quid habeam in animo, tibi demonstrem, is planè sum, quem nulla mina, nulli terrores, nulla difficultates impediunt, quo minus exequar id, quod semel institui, & ed omnes animi neruos intendam, ut pro mea parte quanta maxima belli contentione possim, contundam & frangam hostis feri & immanis audaciam. CHRISTVM Optimū Maximum precor, ut spiritus sui numine mentem tuā confirmet, ut perpetuò possis, quemadmodum facis, illius Ecclesiam cum magna sanctitatis tuæ gloria gubernare. Cum his literis Emmanuel Maurum donis & muneribus affectū dimisit: qui alijs à Fernando Rege literis similiter acceptis, Romam redijt, atq; inde cum Pontificis Maximi literis ad Sultanum reuersus est. Equibus Sultanus intellexit, non minis, sed viribus esse cum Lusitano configendum. Classē igitur magnam instruendam suscepit, qua in India Lusitanos opprimeret; de qua suo loco dicemus. Hoc anno Lupus Suarius Olyssipponem peruenit. Et quanquam is fuisset tam à Rege, quam ab omni nobilitate cum maxima gratulatione acceptus, omnium tamen oculi in Paciecum, qui cum illo veniebat, cum incredibili admiratione conijciebantur. Illius enim in gerendo bello celeritatem, in periculis animi magnitudinem, in laboribus perferendis constantiā, in exitu praliorum felicitatem multis in cælum laudibus efferebant. Rex supplicationem illius nomine decreuit, & à maximo Urbis templo in aliud templum sanctum & religiosum, diui Dominici nomine consecratum, cum solenni pōpa cum suis incesit. Illius autem latus Paciecus tegebat, ut omnes perspicèrent, quāto honore Rex virtutē honestaret. Vbi ad tēplum ventum est, Iacobus Ortisius Visensis Episcopus, vir sanctis literis non mediocriter eruditus, atque disertus, oratione in luculentam habuit, qua hominis egregia &

LIBER

gia & admiranda facinora verbis amplissimis ornauit, ita tamen, vt omnia ad DEI gloriam, vt par erat, & pie & sanctè reuocaret. Nec hoc tanto honore contentus Emmanuel, literas ad omnes fermè Christianos Principes dedit, quibus res à Pacieco gestas debitis laudibus illustrabat: vt nomen illius per omnem Christianam remp. cum maxima nominis gloria vagaretur. Sed vt intelligi possit, quam fallaces sint spes humane, non erit abs re cognoscere, quod tandem fuerit premium meritis hominis fortissimi persolutū. Cū Rex intelligeret, Paciecum esse nimis tenuem (quid enim habuerat, erat in armis absumptum) neq; quidquam ex India præter egregiam laudem ex bello tam periculoso fortiter & feliciter administrato reportaret, illum præfēcit vrbi Aethiopiae, quam Sancti Georgij nomine nūcupari diximus, vnde aurum in Lusitaniam importari solet, vt in ea præfectura commodè posset rei familiari prospicere. Sed cum is inuidia maxima flagraret, fuit ab inimicis & inuidis insimulatus, quod Regem maximo auri pondere fraudasset, multaquē scelera & flagitia suscepisset. Rex igitur illum vinctum catenis in Lusitaniam perduciiussit, vbi longo tempore carcere inclusus miserrimè vixit, vsq; eo, dum re diligentius excussa compertum fuit, crimina illi ab inimicis illata, partim falsa, partim leuia fuisse. Tunc igitur vinculis expeditus, & in dignitatem restitutus fuit, sed non illo premio affectus, quod tam eximia virtuti debebatur, adeò, vt vitam in egestate traduceret. Tantum valet sæpenumerò quod est opera maleuolorū hominum, optimorum Regum auribus inculcatum, vt eos à virtute debitis muneribus afficienda, in quo maximè laudis regia magnitudo consistit, abducatur. Eodem anno Rex leges multas vetustis legibus addidit, & antiqua instituta correxit,

correxerit, multaqué sanxit amplificandis rectigalibus accommodata, summamqué diligentiam adhibuit in regendis finibus pradiorum, quæ erant locis religiosis, & peregrinorum, & pauperum agrotantium vsibus destinata. Per eodem ferè tempus Ioannes Siqueira, Regis permissu, in Aethiopiæ regione, quam Gandanabarum appellant, in promontorio nomine Guer arcem extruxit: quam postea, cum eam tueri minimè posset, Regi tradidit, qui laborem & sumptus illius Regia magnificentia compensauit. At Octobri mense pestifera lues Olyssipponem inuasit, multosqué mortales absumpsit. qua pestilentia coactus Emmanuel, se Almerinum contulit. Erat eo tempore Arzila Franciscus Pereira Pestana, vir nobilis & acer, qui iam multa in re militari facinora egregiæ virtutis ediderat. Is à Ioanne Menesio, qui, ut dictum est, Arzila præerat, equites septuaginta obtinuit, quibus stipatus, pagum in monte præcelso & edito situm spoliaret. Nocte igitur egressus, insidias non longe à pago posuit. Vbi diluxit, montani, qui pagum incolebant, greges pecudum & armenta pastum egere. Pestana illos inopinantes aggressus, in fugam compulit, omnesqué greges abegit, & cum ea præda domum redire instituit. At Mauri de gentis more sublati clamoribus, & signo dato, vicinitatem excitârunt. Multi igitur equites conuenere, Pestanamqué celeriter insequuti sunt. Pestana eorum impetum, ut poterat, sustinebat, & sensim se Arzila recipiebat: & interdum in hostes incitatus equis impetum dabat, ut eorum ferociam frangeret. Cum verò iam octo millia passuum progressus fuisset, & Arzila quatuor adhuc millibus abesset, & valdè hostium incursum premeretur, suos in collem editum subduxit. Hostes cum suspicarentur insidias post collem latere, substiterunt.

Reli-

L I B E R

Reliquum igitur iter expeditum nostris esse videbatur, ut tuto se reciperent. Erat in eo comitatu eques quidam valde strenuus, nomine Iacobus Viegas, qui magnis vocibus omnes, ut in Mauros incurrerent, incitare coepit. Agite, inquit, in hostes inuehamur. Impetum, mihi credite, nostrum minimè sustinebunt. Pestana cum esset natura ferox, iracundia flagrauit, hominemq; asperis verbis accepit. Et inter alia probra, illi cannabeam vestem, qua tunc erat indutus, obiecit: & tamen tam demens eris, inquit, ut tale consilium homini bellandi perito dare audeas? Hic Viegas ridens, inquit: hæc cannabea vestis, ô Pestana, chalybea tibi confestim apparebit. Hac oratione Pestana incensus ait. Si adeò fortus es, id videre statim cupio. Agite igitur commilitones, in hostes feramur. Itaq; omnes in hostes impetum ferunt, eosque re inopinata percussos exterrunt, atq; tandem fundunt fugantq; octoginta interficiunt, triginta viuos capiunt. Interim verò dum praelium committitur, Pestana in Viegam oculos coniicit. Ille autem tanta virtute dimicabat, ut ipsi Pestana ingentem admirationem commoueret. Itaq; praelio confecto, Pestana ad illum supplex adiit, dixitq;. Vir fortissime, da veniam temeritati, aut, si lubet, me fuste contunde. Merito enim hominem tuæ virtutis ignarum plagis afficies. Hac profectò mente sum, ut si tales sex equites sub signis haberem, minimè dubitarem Constantinopolim ingredi, ut Turcarum imperatori catenas inijcerem. Sic demum lati & benè conuenientes Arzila cum omni præda, quæ fuit satis magna, reuersi sunt. Interim verò in Lusitania pestis in dies ingrauescebat, quæ cū Scalabim contagione peruassisset, & ne inde propter loci propinquitatem in Regiam penetraret, multi metuerent, fuit coactus Rex inde celeriter emigrare. In oppidū autem

se con-

e contulit cis Tagum in edito colle situm, quod Abrātes ap-
 pellant. Ibi verò cū Regina grauida esset, atq; ad parien-
 tum vicina. iij. die mensis Martij anno. M.D. vj. filiū pe-
 perit, quem pater Lodouicum appellauit. In quo quidem
 Principe fuit summum virtutis, ingenij, & humanitatis, et
 religionis specimen, tantisq; laudibus excelluit, vt à multis
 orbis terrarum imperio dignissimus haberetur. Qui tamen
 quauis virtutis militaris & imperatoria disciplinis egre-
 giè instructus fuisset, & pacis etiam artibus cum magna o-
 mnium admiratione florisset, nulla tamen clarior laus a-
 pud illum vixit ardentissimo pietatis studio. Quo quidem
 eded flagrabat, vt quauis in corpore maneret, animo ta-
 men in calo sapenūmerò versaretur. Eodem anno fuit clas-
 sis imperio Regis instructa, qua Tristanus Cugna in Indiam
 nauigaret. Per idem ferme tempus Olyssipponē tumultus
 multitudinis furore & amentia concitatus fuit, quo parum
 abfuit, quin omnes Hebraei, qui, vt dictum est, ad CHRIS-
 TIANITATEM conuersi fuerant, fœdè perirent. Res autem ad
 hunc modum gesta fuit. Maxima pars ciuium propter pe-
 nilentiam aberat. Illis fortè diebus multi è Gallia Belgica
 & Germania Olyssipponem naues cum mercibus appulerāt.
 Xix. verò die Aprilis non pauci ex ijs, qui in vrbe manser-
 ant, in AEdem nomine diui Dominici consecratam, cuius
 superius mentio facta est, vt rebus diuinis operam darent,
 conuenēre. Ad sinistrum latus templi est sacellum sanctum,
 & mira omnium religione celebratum, quod IESV Sacel-
 lum appellant. In eo supra aram est imago CHRISTI
 Crucifixi collocata, in cuius latere vulnus illud asimulatū
 perculum vitreum contegebat. Cū multi in vulnere illo
 oculos & mentem defigerent, ex eo splendor emicuit. Con-
 lamant igitur omnes, ingens esse miraculum, caelestique
 numen

LIBER

numen praesentiam suam signis admirandis ostendere. Quidā ex Hebraeis illis, qui nō ita pridem CHRISTO nomen derant, maxima voce miraculū esse negavit, nec enim esse verisimile, ut aridum lignum miraculum ederet. Quauis autem multi de miraculi veritate dubitarent, non tamen tempus, neq; persona, neq; cōcio erat satis apta, ut quisquam ex illo genere deberet tunc in errore illo, intimis hominum sensibus penitus insito, depellendo operam frustra consumere. Multitudo igitur natura praecepta, & inconsiderata, & specie quadam religionis attonita, cū audirēt hominem Hebraeum miraculo fidem derogare, fremere coepit. Iudeū perfidum, & sceleratum, religionis proditorem, & CHRISTI hostem immanem & importunum appellat, extremoq; supplicio & cruciatu dignissimum. Cū adhuc modum probra vndiq; multi congererent, exarsit iracundia concio, & impetum in hominem facit, & in capillū inuolat, & raptat, & vexat, & in forum, quod ante templū illud est, pertrahit, & crudelissimè necatum dilacerat, ignemq; repente facit, in quem cadauer illud cōijciat. Ad hunc tumultū plebs vniuersa confluit. Ibi monachus quidā orationē satis popularem habuit, qua multitudinem ad CHRISTI vindictam nimis acriter incitauit. Multitudo satis sponte sua furens, ea oratione vehementius efferata est. Duo verò monachi Crucem sustulerunt, maximisq; vocibus populū ad eadē concitauerunt. Et altero quoq; verbo, haeresim, haeresim, dicebant, nefandā vindicate, gentemq; sceleratam extinguite. Galli & Germani qui in nauibus erant, in terram desiliunt, & se ad Lusitanos, qui iam eadem immanem faciebant, agglomerant. Quingentos homines fuisse cōstat illos, à quibus fuit hoc immanissimum facinus institutū. Ruunt igitur amentia & scelere flagrant, & ingentem miseriam

seriam nimis ferociter inuadunt, multosque trucidant, & in ignem semiuivos abijciunt. Erant ad eam crudelitatem pyræ satis frequentes extructæ eo in loco, ubi primus ille, qui multitudinem offenderat, crematus extiterat. Serui & homines etiam vilissimi summo studio & alacritate materiam undique conuehebant, ne ignis posset tanto facinori perficiendo deficere. Mulierum luctus & lamentationes, & virorum implorationes acerbissima, omniumque miserabiles eiulatus eiusmodi erant, ut hostes immanes misericordia frangere possent. Illi tamen, qui eadem faciebant, ita humanitatem exuerant, ut nulli neque sexui neque ætati parcerent, sed in omnes absque ullo discrimine crudelitatem suam exercerent. Et eo quidem die supra quingentos homines ex Hebræo genere fuerunt necati, atque combusti. Sequenti die cum immanitatis illius rumor latè dissipatus fuisset, homines ex pagis scelere & audacia furentes, supra mille in urbem conuenire, & se ad reliquos si carios aggregarunt. Itaque eadem instaurant. Et quia omnes Habræi generis formidine perterriti in domibus suis latitabant, fores perfrangebant, & in domos irruebant: viros, & mulieres, & virgines immanissimè iugulabant: pueros autem infantes ad parietes allidebant, omnes partim enectos, partim spirantes pedibus trahabant, ut in ignem conijcerent. Multi simul concisi quidem vulneribus, viui tamen eodem igni consumebantur. Ingens eo iam die stupor adeo miserrime gentis sensus oppresserat, ut ne lamentari quidem cladem illam, & deplorare miseriam suam possent. Qui se occultabant, quanuis filios, aut parentes suos ad supplicium abripi viderent, ne lugubri gemitu proderentur, vocem emitte non audebant. Sic autem eos metus exanimauerat, ut viui non multum à mortuorum simili-

LIBER

similitudine distarent. Domus interim diripiebantur. Sicarij aurum, argentum, & preciosam suppellectilem coaceruabant: Galli pradam in nauibus imponebant, eoq; praeda studio factum est, ne multo plures eo die occiderentur. Eo autem progressus est hominum perditorum furor, vt in aedes sacras absq; vlllo numinis metu inuaderent, & inde pueros, & senes, & virgines, quæ ad aras confugerant, Crucibus, & hominum sanctorum imaginibus affixas, & CRISTI fidem miserabiliter implorantes euellerent: quos repente crudelissimè necabant, aut viuos in ignem proyiebant. Multi specie quadam & similitudine cum Hebræi existimarentur, summum vitæ periculum adierunt, & aliqui etiam ob eam causam interfecti sunt: & quidam antequam explorari posset, sibi cum Hebræis nullam esse necessitudinem, plagis atq; vulneribus deformati fuere. Multi cū in inimicos suos inciderent, eos Iudaos esse dicebant: qui antequam falsum testimonium refutare possent, sanguine suo inimicorum crudelitatem satiabant. Magistratus non tantum animi habebant, vt multitudinis furori se opponere auderēt. Multi tamē honesti viri, ad quos Hebræi confugerant, eos summa fide tuebantur, & clanculūm è periculo crudelissimæ necis educebant, & in tuto collocabant. Eo tamen die supra mille ad hunc modum interierunt. Tertia rursus die ad eandem cadem sicarij mente prorsus alienata redierunt: sed neq; quem occiderent reperiabant. Omnes enim fermè, qui ad Hebræum genus pertinebant, aut fuga sibi salutem pepererant, aut in domibus proborum hominū latitabant. Aliqua tamen cades facta fuit. Illis tribus diebus circiter duo hominum millia ex Hebræa gente ad vnum modum occisa sunt. Cū tamē aduersperasceret, Arius Syluius, & Aluarus Castrensis, viri adprime nobiles, qui tunc

Regijs

Regijs iudicium decurijs præerant, cum præsidij in urbem se contulerunt. Eorum aduentu furor repressus est. Galli & Germani se confestim in naues cum præda magna recipiunt, datisq; velis in patriam ea qua potuerunt celeritate confugiunt. Emmanuel ubi nūcium de tam insigni facinore percepit, ira nimis acriter exarsit, & continuò Iacobum Almeida, & Iacobum Lupium, viros primarios, cum summa authoritate Olyssipponem misit, qui tantum scelus debito supplicio vindicarent. Magnus hominum numerus extremo supplicio poenas immanitatis & amentiae dedit. Monachi verò, qui sublata Cruce hortatores cadis extiterant, sacerdotij primùm dignitate solenni ritu priuati sunt, deinde strangulati, atq; combusti. Qui verò segnes se præbuerunt in furore populari comprimendo, partim honoribus priuati, partim pecunia multati sunt: & ciuitas ipsa multis ornamentis spoliata fuit. Dum hæc in Lusitania gerebantur, Franciscus Almeida cursum in Indiam tenebat. Verùm cū partim aduersa tempestate, partim diuturna malacia impediretur, & tardè admodum nauigaret, Bonæ spei promontorium commodè flectere nequiuit. Erat enim tunc in illis regionibus ad Austrum pertinentibus hyems, & nostri tempestatibus sæuisimis iactabantur. Nautæ præterea cursus errore decepti, ad Austrum longius, quàm oportebat, delati sunt, ubi dies, propterea quod sol tunc Septentrionalem plagam peragrabat, erant propter illius abscessum breuissimi. Vt autem breuiiores multo viderentur, faciebat densa caligo, & imbres immodici, & niues immensæ, quæ nostris intolerandis frigoribus grauissimam molestiam exhibebant. Vigesimo tandem die Iunij promontorium superarūt. Quo factò Almeida classem propius terram dirigere præcepit. Secunda verò die Iulij tempestas atq; procella repentè co-

LIBER

orta classem maximis fluctibus agitauit. Ea sedata, nostri Australes Aethiopia oras prateruecti, in Quiloa portae classem constituunt. Almeida misit confestim, qui Regem illius nomine salutarerent. At ille sceleris conscientia perturbatus, noctis silentio urbem deseruit. Mahumetes vero Anconius, cuius antea mentio facta est, in vrbe mansit. Milites, qui relictii fuerant, ad Mahumetem confugiunt, ut sub illius ductu nostrorum impetum à mœnibus & vrbe reprimerent. Almeida cum videret neque Regem ad illum venire, nec ei de ea negligentia satisfacere, suspicatus est, hominem sceleratum & impurum hostilia machinari. Itaque urbem oppugnare constituit. Cum autem aestu influente mare iam ades vrbi attingeret, Almeida quingentos viros acres eduxit. Primam aciem, in qua erant ducenti viri, Laurentio filio satis impigro iuueni attribuit. Alteram aciem, in qua erant trecenti viri, sibi reseruauit. At eo tempore iam Mahumetes etiam metu perterritus ex vrbe diffugerat. ingrediuntur nostri. Cum verò nemo esset, qui illos aditu prohiberet, Almeida suspicatus est, esse dispositas insidias, ut nostros securitate nimia dispersos, & in spolijs diripiendis occupatos de improviso adorirentur. Itaque substitit, filioque praecepit, ut non nisi sensim & explorato incederet, nec ordinem turbari pateretur. Erat in vrbe mira solitudo. Pauci tamen suberant, quibus tanto animi motu perturbati, ut neque quomodo fugerent, neque quemadmodum domi consisterent, rationem inire possent. Præda ipsius Almeida iussu fuit in vnam domum satis amplam congesta, & summa aequitate inter milites distributa: è qua tamen Almeida vnam sibi sagittam reseruauit. Deinde arcem edificare constituit propè litus, in loco ad impetum hostium propulsandum satis opportuno. Interim verò dum arx struitur, ad Mahumetem Anconiam, &

ad reliquos ciues nūcium misit, qui diceret, esse quod DEO gratias agerent, & fuissent optimi atq; potentissimi Regis Emmanuelis auspicijs, & singulari benignitate, ex immanis & perfidi tyranni dominatu in libertatem vindicati. Admonebat deinde, vt secum animo reputarent hominis malefici & iniusti fraudes, insidias, & flagitia, iniuriasq; grauissimas quas sub illo pertulerant. Tunc autem vice versa fore, vt equitate singulari gubernarentur, & eorum quilibet ius suum contra perfidi hominis impotentiam & scelus retineret. Se praterea operam daturum, vt Lusitanorum armis muniti, omnium hostium iniurias facillimè propulsa rent. Et vt magis id futuram considerent, se velle Mahumetem, hominem, cuius fidem & probitatem cum regia prudentia coniunctam multis in locis experti fuerant, illis Regem præficere. Venirent igitur, & fædus cum hominibus amicissimis ferirent, & bonis suis impunè fruerentur. Latè nuncium accipiunt, Mahumetemq; equo pulcherrimè insidentem faustis acclamationibus insequuntur. Almeida nomine Regis Emmanuelis illum Regem appellauit, & corona aurea donauit, tributumq; illi tolerabile, quod impenderet singulis annis, imposuit. Mahumetes verò fidem suam iurando astrinxit, fore se semper imperio Regis Emmanuelis obsequentem, neque vnquam officio stipendiarij fidelissimi defuturum. Interim dum hæc sunt, veniunt ad Almeidam nauarchi duo, vnus nomine Gonzalus Paiua, alter Fernandus Bermudius, è Mozambiqué, quos ille ed miserat, vt explorarent, quo animo insula præfectus erga Lusitanum nomen esset: & num literis à nostris in eo cursu in insula relictis sciri posset, quo in statu Indicæ res forent. Nunciant illi, omnia esse apud insulanos pacata, & literas asserunt à

LIBER

Francisco Albuquerque, & Lupo Suario scriptas, quas apud insula praefectum reliquerant, dum in Lusitaniam nauigarent, quibus omnia lata nunciabant. Accidit deinde ut novus ille Rex Mahumetes Almeidam de more saluaret, & illum suppliciter oraret, ut omnes Arabes qui captivi detinebantur, liberos esse vellet. Id Almeida libentissimè concessit. Deinde Mahumetes cum illi summas gratias ageret, aliud postulatum multo praeclarius interposuit. Mihi quidem, inquit, fuit magnus usus & amicitia, sancto admodum foedere constituta, cum Alsudailo Rege, quem tyrannus hic, quem regno expulisti, per insidias interemit. Alsudailus si in vita maneret, ego illi regno cederem. Nec enim is sum, qui vllas regias opes fidei & officio praefereudas existimem. Sed quoniam is vita priuatus est, te quantum possum oro & obsecro, ut facias mihi potestatem accersendi illius filium, quem regni heredem instituam. Filij mihi quidem sum isto honore, ut mihi videtur, non prorsus indigni. Verum si filios meos in regni successionem liberis defuncti Regis, qui cum coniunctissimè vixi, prae tulero, videbor mihi maculam ignominiae sempiternam subire, quae non mihi tantum, sed vniuersae posteritati meae sit insigne dedecus allatura. Itaque malo liberis meis fidei & honestatis exemplum, quàm amplissimum patrimonium testamento relinquere. Attuli hoc postulatum magnam admirationem nostris, cum animaduertent hominem Mahumetanis disciplinis imbutum, ea fide amicitiam colere, & tanta animi magnitudine regni opes contemnere, ut facile officium, amico mortuo debitum, caritati filiorum praeponeret. Omnes igitur illum certatim laudant, & eo solum nomine, quod regnum vellet à filijs suis ad Regis filium transferre, maiore regno dignissimum iudicant. Itaque defuncti Regis filius

lius accersitur, & ab omnibus ciuibus, Almeida iussu, fides datur, fore, vt post Mahumetis illius obitum, illum Regium adolescentem Regem habeant. Rebus ad hunc modum ordine constitutis, Almeida Petrum Ferreiram Fogazam arci praefecit: cui omnia, quae erant illi ad arcis custodiam facienda, diligentissimè praescripsit. Inde verò profectus, intra quatuor dies ad ostium portus Mombazæ peruenit. Ibi praemisit Gonzalum Paiuam, vt portus altitudinem exploraret. Ducebat autem secum Paiua duos magistros Arabes, qui optimè portus ipsius introitum tenebant. Dum Paiua imperata conscit, ad turrin accedit. Qui erant in praesidio, tormentis nauem illius vehementissimè quatunt. At ille vicissim maioribus tormentis turrin verberare instituit. Accidit autem cum emissus globus aut tormentariū puluerem, aut materiam aliquam ad ignem repente concipiendum aptissimam scintillis incenderet, vt flamma subito exoriretur, qua praesidiarij milites perterriti, turrin desererent, & fuga se in urbem reciperent. Hac re gesta, & sinus altitudine penitus explorata, redijt ad Almeida Paiua, docetq; nullum esse à vado periculum. Almeida igitur in portu classem non procul ab vrbe constituit. Inde per vnū ex magistris Regem admonitū esse voluit, se non vt bellum faceret, sed vt illius saluti & dignitati prospiceret, ad Mombazæ portum naues statuisse. Eam namq; Regis Emmanuelis virtutem & benignitatem esse, vt qui illius imperio tenerentur, multo meliore conditione essent, quàm si nullius Regis potentissimi leges acceperant. Si enim nullius imperio astricti essent, fore, vt soli magno cū periculo hostib. repugnare cogerentur. At in Regis optimi tutela & patrocinio constituti, futurū, vt facillimè à suis rebus hostiū iniuriam prohiberent. Præterea non indecorum Regi Mombazensi fore.

LIBER

sub Rege illo esse, cui magni Reges in Africa, & in India libenter obtemperarent. Quod si faceret, se illum in loco Regis fidelissimum. & cum Emmanuele foederati semper habiturum, nihilque omnino pratermissurum, quod ad illius dignitatem & incolumitatem pertineret. Secus enim fieri non posse quin eum cogat Regis optimi dominatum pati, ut in illius ditione felicius vitam degat. Hac cum legatione profectus est Arabs: quem Mombazenses in terram descendere minimè passi sunt. Si in terram, inquit, pedem posueris, dilacerabere. Abscede hinc protinus, & Lusitano isti denuncia, hætenus ei cum foeminis Quiloensibus, nunc verò cum viris fortissimis rem futuram. Quod quidem si voluerit experiri, sentiet continuo, magno suo malo classem hanc in Mombazensem portum delatam fuisse. Almeida cum hoc accepisset, illa nocte iussit Ioannem Nouium cum alio nauarcho aliquem ex incolis illius urbis arripere, ex quo sciri posset, ecquid Rex deliberatum haberet, aut quibus praesidijs circumseptus esset. Illi magno cum silentio in terram deferuntur, & hominem improuiso corripunt, ad Almeidaque perducunt. Erat autem is ex Regis domesticis & familiaribus. Is minis exterritus narrat, Regem Mombazensem, cum accepisset, Quiloam esse à nostris occupatam, præter milites suos, quatuor millia militum ex vicinis gentibus mercede conduxisse, & alia duo millia expectare. Habere præterea magnam tormentorum vim, & omnibus esse rebus instructissimum, quibus confideret, se impetum multo maioris exercitus à mœnibus & vrbe repulsurum. At Almeida nihilosecius ciuitatem oppugnare constituit. Itaque postridiè Laurentium filium cum alijs Ducibus præmisit, ut in terram summa celeritate se conferrent, & coniectis vndique

dique facibus, eam ciuitatis partem, quæ ad littus pertinebat, incenderent. Factum est hoc ab illi tanta alacritate, vt priusquam hostes obsistere possent, multas ades flamma corripere. Multi tamen occurrunt, & in nostros impetum faciunt. Nostri summa contentione resistunt. Fit atrox prælium, in quo ex hostibus septuaginta cæsi sunt. E Lusitanis duo tantum ceciderunt. Interim flamma vehementius excitata, ciuitatem populabatur, & ciues ancipiti cura distinebat. Nam & cum nostris erat necessario dimicandum: & ignis, ne omnia incendio vastaret atque conficeret, extinguendus. Tanta interim vis incendiij illius extitit, vt nostri ardorem sustinere non possent. Festinanter igitur se se in scaphas & in naues recipiunt. Sequenti die Franciscus Almeida antequam dilucesceret, in terra copias exposuit. Tenebras autem noctis flamma, quæ nondum erat prorsus extincta, dispellebat, ita, vt animaduerti posset, nullos esse iam in littore, qui nostros aditu arcerent. Almeida tamen veritus insidias, noluit ante lucem ciuitatem oppugnare. In aliam verò ciuitatis partem Laurentius Almeida se contulit, quam aggrediretur, vt à patre fuerat imperatum. Murus nullus erat appositus, qui illorum impetum retardaret. In vias hostibus confertas innadunt. Erant autem nimis angustæ, & ades cœnaculis sublata. E fenestris, & è tectis (non enim sunt fastigiata, sed ad libellam directæ) ingens vis lapidum & iaculorum eos obruebat. Nostri eo incommodo præpediti, cedentes hostes insequi non poterant. Fistulis autem ferreis, & reliquis tormentis vt propter angustias minimè lucebat. Quidam è nostris in ades irrunt, fores & repagula conuellunt: per scalarum gradus ascendunt, & ma-

LIBER

gno cum periculo in tecta frequentes euadunt. Cum verò
 ades ita coniunctæ fuissent, vt tecta continuarentur, illi to-
 tam illam adium contignationem hostibus nudant, & ita li-
 berum transitum ijs, qui relictæ fuerant in via, præbent. Ho-
 stes interim parietes domus vnius disturbarunt. Ea ruina
 nostrorum aciem impediuit. Præibat Laurentius Almeida:
 aciem verò postremam firmabat Ioannes Nouius. Moles au-
 tem lapidum alterum ab altero ita disiunxit, vt sibi mutuo
 opitulari non possent. Hic rursus è fenestris & è tectis tanta
 telorum multitudo decidebat, vt nostri in maximo discrimi-
 mine versarentur. Ita coguntur iterum nostri ades alias ex-
 pugnare, & à primis adibus ad alias transilire: vbi magna
 hostium multitudine partim concisa, partim ex summis æ-
 dium tectis detrusa, malum quod nostros afflictabat, fuit o-
 mnino depulsum. Laurentius verò cum intelligeret, quo in
 discrimine, qui erant in subsidijs, versaretur, regressus est,
 vt opem illis afferret. Sed iam illi erant periculo perfuncti.
 Itaque coniunctis copijs in Regiam contendunt. Ibi Petrum
 Bermudium reperiunt, cui Almeida Regiæ custodiam com-
 miserat. Ab eo autem intellexere, quanta virtute Franci-
 scus Almeida hostes repulisset, vsque eo, dum in Regiam pe-
 netraret, & quo metu perterritus Rex urbem deseruisset.
 Laurentius patrem sequitur: qui quidem in via quadam
 cum confertis hostibus acerrimè dimicabat. Ibi filius impe-
 tum in hostes dat. Illi verò terga vertunt, & in densam Syl-
 uam, in quam se Rex abdiderat, incredibili celeritate con-
 fugiunt. Nostri vbi se se paululum à labore refecerunt, vr-
 bem diripiunt. Præda non magna fuit. Ipsamq; hostes in-
 de maiorem rerum suarum partem assortauerant. Te la tamē
 & tormēta varia reperta sunt. In hac expugnatione, vt cō-
 pertū postea fuit, ceciderunt ex hostibus mille & quingenti

viri.

viri. Capti verò fuerunt supra duo hominum millia. E quibus Almeida ducētos homines primarios, & lectissimas foeminas seruauit: reliquis libertatē concessit. E nostris quinq; desiderati sunt: è quibus vnus fuit Fernandus Decius vir insigni nobilitate, qui in pede venenata sagitta vulnus acceperat. Multi vulnerati fuerunt. Ciuitas Almeida iussu fuit rursus incensa. Dum Almeidā hac negotia morantur, portum subiit Nauarchus alius nomine Vascus Gomezius Abræus, cuius nauis tempestate fuerat à reliqua classe disiuncta. Hinc Melindem versus cursum tenuerunt: sed astu vehementissimo à cursu deducti sunt, & in sinum delati, qui Melinde viginti quatuor millia passuum distat. In eo reperit Almeida naues duas, quæ etiam fuerāt tempestate disiectæ. Vnus erat nauarchus Lupus Chanoqua, alterius autem Ioannes Homo, vir & corporis, & animi viribus præstantissimus: militaribus tamen artibus, quàm imperatorijs accommodatior. Almeida cū cuperet Regem inuisere, aduersa tempestate prohibitus, se in classe continuit. Ad illum tamen misit, qui eum nomine illius salutarent, & Regis Emmanuelis munera deferrent. Rex fratrem quendam suū ad Almeidam cum maximo commeatu atq; muneribus legauit, qui diceret, quàm moleste ferebat, se illius aspectu priuari. Hinc profecti, ad insulam Anchediūam peruenēre, decimo tertio die Septembris eiusdem anni, qui fuit. M. D. v. In ea insula fuit literis Gonzali Egidij Barboſæ, quas præcipiebat dari cuius Duci, qui primus è Lusitania eō nauem appulisset, admonitus, iam magnam aromatum multitudinem ab eo congestam, qua facile possent multe naues onerari. Expectari præterea ex Arabia tres naues multis mercibus onustas. Quod si toto mense Septembri in ea insula aliqui è nostris in specula permanerent, fore, vt earum

LIBER

nulla posset euadere. Hac re comperta, Franciscus Almeida Ioannem Hominem dimisit, qui Cochimi, Cananore, & Couلامي, illius aduentum nunciaret, & admoneret regiones procuratores, vt, quanta industria possent, onera, quæ in naues erant imponenda, ad aquas exportarent. Lupo verò Chanoqua & Gonzalo Paiua negotium dedit, vt nauibus suis illas regiones diligentissimè perlustrarent, ne naues illæ, quæ expectabantur, effugerent. ipse verò arcis continuò fundamenta iecit in loco non multum à mari disuncto, in quo parietinas reperit, crucibus colore nigro & rubro multis in partibus insignitas; quod suspicionem faciebat, fuisse olim insulam illam à Christianis frequentatam. Opus multorum operis intra breue tempus ad magnam fuit altitudinem perductum. Nec enim vti cuiquam vel nobilitatis vel dignitatis excusatione licebat. Interim peruenit Emmanuel Pazagna, quem Almeida antequam Bonæ spei promontorium flecteret, classis parti præfecerat. Cum illo veniebat Antonius Vascius. Gondissaluus Vascius Goes Quiloe manserat: sic enim Almeida præceperat. Lucas Fonseca Mozãbique hyemabat. Lupus Sancius fluctibus oppressus, cum omnibus, qui in eadem erant naui, interierat. Quinq; tantum viri euaserunt, quos semiuuios Petrus Barretus in nauem suam recepit. Hi autem erant Nauarchi, quibus Pazagna Almeida iussu præfuerat. Ex eodem Pazagna intellexit Almeida, Habraemum tyrannum, qui fuerat per Almeida regno spoliatus, operam dedisse, vt Rex Mahumetes per insidias interficeretur. Ad id autem facinus patrandum, virum valdè strenuum misisse, qui cum se per amicitie simulationem in Mahumetis familiaritatem insinuasset, illius brachiū sic transfixerat. Vulnus autem nō fuisse mortiferum: proditorem verò cōprehensum sceleris pœnas

necē

nece atq; cruciatu persoluisse. Non multis post diebus Chanoqua & Paiua redeunt cum aliquot nauigijs, quæ ceperant, in quibus erant Arabes permulti. Erat etiam inter alias paruas naues Celox Indica, qua vehebatur Lusitanus quidam, à Barboza missus cum literis ad Almeidam, quibus significabat, vnâ ex illis tribus nauibus, quas ex Arabia venturas scripserat, iam Calecutium peruenisse, reliquas autem duas expectari. In ea autem nauî, quæ iam erat in portu, quatuor homines Venetos ab Aegypti Imperatore, quem Sultanum appellabant, missos fuisse comperit, tormentorum conflandorum artifices, quos ab eo Calecutiensis per literas postulârat. Narrabat præterea, ab eodem Sultano magnam classem contra nostros edificari: & similiter Calecutij maxima industria bellum comparari. Almeida vbi ea comperit, Chanoquam rursus & Paiuam dimisit, quibus præcepit, vt summa vigilantia mare tenerent, & specularentur, ne reliquæ duæ ex Arabia naues effugerent. Ipse verò irremem magnam, ad quam edificandam, materiam è Lusitania comportârat, Arabum captiuorum remigio diligenter instruxit: illiq; Ioânem Serranum præfecit. Duas præterea celoces illi attribuit, quibus mare illud ab hostium incursione prohiberet. Vni ex celocibus præfectus erat Simon Martinus, alteri Iacobus Diazius. Hic Merlaus Onoris Rex (est autem Onor ciuitas ab Anchediua triginta & duobus millibus passuum distans) ad Almeidam de pace legatos misit. Erat autem Onore Timoa pirata, cuius antea mentio facta est, qui etiam cum Almeida fœdus ferire in animo habebat, & cum Onoris rege de eadem pace consenserat. Hi in fidem recepti fuerunt. Ab ijs didicit Almeida, non procul inde arcem egregiè munitam esse, nomine Zincaturam, quæ ad Dacami regnum pertinebat. Arcis tamen præfectus stipendiarius erat Zabaij,

LIBER

quem diximus Goam imperio tenere. Onorens cum Goen-
 si bellum sapenúmero gerebat. Præcepit Almeida Lauren-
 tio filio, vt altitudinem illius portus exploraret. Is cum Du-
 cibus illi attributis ad ostium fluminis, quod secundum ar-
 cem fuit, accedens, triginta pedum altitudinem esse com-
 perit: vltcrius verò progressus, quinquaginta. Arcem verò
 conspiciit in colle sitam. Milites autem vbi scaphas conspe-
 xerunt, in littus properârunt. Erant autem circiter mille
 egregiè armis instructi. Octo solum equis vehebantur, è
 quibus vnus arcis præfectus erat. Nostri pacis signum sustu-
 lère. Quo conspecto præfectus continuò ad Laurentium cõ-
 tendit, & cum illo pacem facit. Ad Franciscum verò fru-
 ctus telluris & munera ad vires militum resciciendas satis
 largè misit. Deinde intra nouem dies, missis ad Almeidam
 legatis, pacem maiore cum cæremonia confirmauit. Eo ve-
 rò tempore cùm nondum Almeida ab Anchediua disces-
 sisset, conspicati sunt nostri nauem ingentem, quæ equos è
 Perside ferebat. Nostri scaphas conscendunt, & in nauem
 incurrunt. Persæ & Arabes, qui in naui erant, metu per-
 territi, ex parte alia in suæ nauis scapham desiliunt, & in
 terram confugiunt. Nauis verò impegerat, ita, vt eam no-
 stri remulco trahere non possent. Hîc subito saua admodum
 tempestas coorta est, ita, vt scaphæ Lusitanae maximo in pe-
 riculo versarentur. Equi, qui fuerant in naui, erant vnde-
 uiginti, è quibus iam nouem erant scaphis impositi. Nostri
 fluctibus in terram eijciebantur. Arabes autem telluris il-
 lius incolæ vndiq³ concurrunt. Nostri ab illis petût, vt equos
 tamisper custodiant, dum illi sedata tempestate reuertan-
 tur. Arabes equorum curam suscipiunt. Nostri Anchedi-
 uam magno cum periculo se receperunt. Postquam tempe-
 stas sedata est, redeunt, vt equos traiciant. Aiunt incolæ,
 Onoris

Onoris Regem equos habere. Ad illum misit Almeida continuò, qui admoneret, vt pacis fœdera sanctius conseruaret, & equos sibi confestim restitueret. Regis autem responsum id fuit, ex quo posset intelligi, gentem illam nulla fœdera religione, sed vtilitatis presentis imagine metiri, eamq; sæpenuerò illius animos à cogitatione periculi consequentis abducere. Almeida igitur, Emmanuele Pazagna in arce Anchediuensi cum modico prasidio relicto, Onorem cursu petijt. In ostium verò fluminis, qui ciuitatem alluit, inuectus regionem populari, & naues, quæ erant in statione, inflammare constituit. Arabes qui erant cum nauibus in portu, se perfecturos esse polliciti sunt, vt Onoris Rex Almeida satisfaceret. Ea promissio vnum diem Almeidam morata fuit. Interim omnes vrbs incolæ in proximos montes cum bonis, quæ potuere, nocte commigrârunt. Rex etiam eò se contulerat. Hic Almeida filium misit, vt continuò naues omnes, quæ erant in ea statione, incenderet. Rex (nec enim erant montes valdè disjuncti) cum animaduerneret naues omnes in vltimum esse discrimen adductas, quatuor millia hominum armatorum subsidio misit. Ignis verò partim in naues, partim in vrbem coniectus, magnoperè sauebat. Almeida nè posset ignis hostium opera restingui, filio præcepit, vt eos, qui suppetias afferebant, aggredieretur. Hostes erant eo ordine instructi, vt facile pelli non possent. Cetra-
ti namq; primum agmen ducebant. Sagittarij eorum cetris protecti, nostros tutò vulnerabant. Prælium anceps esse videbatur. Tandem nostri impressione facta, eos in fugâ coni-
ciunt. Almeida cum Lusitanos cerneret auidius insequen-
tes, receptui signum dedit. Hostes cum suspicati fuissent, nostros timore in classem redire velle, conglobati rursus in illos impetum dederunt. Nostri eo ordine sese receperunt,

vt

L I B E R

ut tumultus nullus fieret. In ea pugna multi ex hostibus ce-
 ciderunt: quatuordecim naues incensae sunt, & vrbs prope-
 modum vniuersa mirabili incendio conflagrauit. Vnus au-
 tem tantum è nostris occubuit. Almeida in pollice manus
 dexterae vulnus accepit. Rex confestim per legatos pacem
 & veniam postulauit. Almeida respondit, sibi tunc non esse
 otium ad firmandum fœdus, sed breui filium missurum, vt
id firmioribus conditionibus sanciret. Hac re gesta, Cana-
 norem se contulit. Dum hæc geruntur, Ioannes Homo, vt
 fuerat ab Almeida missus, de illius aduentu & imperio v-
 bicunq; necesse fuit, omnibus nunciauit. Deinde Coulamũ
 versus ex Antonio Sala, qui erat Regius procurator, intel-
 lexit, nauibus Regijs Arabum importunitate onus aroma-
 tum, quod debebatur ex fœdere, denegari. Erant enim in
 portu triginta, & quatuor Saracenorum naues, qui tan-
 tum poterant, vt vellent in omnes eorum naues tantum o-
 nus imponi, quantum illis libuisset, antè, quàm Lusitanae na-
 ues onus vllum acciperent: quanuis fœdere cautum esset,
 vt nullum aromatum pondus Saracenis daretur, antequam
 Lusitanorum naues expleta fuissent. Hic Ioannes Homo,
vt erat natura ferox, & nunquam vllum in vita pericu-
 lum formidaret, Saracenos velis & gubernaculis spoliauit,
 eaquæ omnia Antonio Sala tradidit. Nunc demum, in-
 quit, tutò naues onerabis. Nec enim naues & gubernacu-
 la perfidis istis hominibus vllò modo restitues, antequam no-
 stræ naues iustum onus accipiant. Antonius Sala ita se fa-
 cturum promisit. Inde profectus Ioannes Homo, duas Sa-
 racenorum naues in cursu cepit. Saracenos deinde in na-
 uis vtriusque sentina artissimè colligatos inclusit: singulis
 autem nauibus è nauis sua ternos nautas imposuit. Plures e-
 nim non poterat: & ventus erat secundus, ita, vt illis tātum
ternis

ternis nautis eas facillimè cursum retenturas suspicaretur. Iam erat in Almeida conspectu, & portum intrare incipiebat, cùm subito Saraceni, qui erant in vna ex duabus illis nauibus, se vinculis improuiso expediunt, & Lusitanos nautas obruncant, & commutata velificatione, se è nostrorum conspectu proripiunt. Tulit hunc casum Almeida permolestè, Ioannemq; Hominem indignum iudicauit, qui Ducis a. liquando munere & officio fungeretur. Sed multorum tunc precibus impeditus, nauis praefectura eum minimè priuare potuit. Antè quàm verò indè discederet, consilio Gonzali Egydj Barboſæ arcem edificare constituit. Admonuit enim illum de Saracenorum perfidia, qui tam multis insidijs Lusitanos pellebant, vt Rex Cananoris, etiam si vellet à nostris pestem auertere, non posset. Ibi igitur tandiu permanere constituit, quandiu arcem, quam cupiebat, extrueret. Ibi accepit Regis Narsinguae legatum aduenisse, vt eum Regis sui nomine saluaret. De qua legatione antè, quàm aliquid dicamus, operæ pretium erit de regni Narsinguenſis situ et amplitudine pauca dicere. Regnū hoc est in ea India parte citra Gāgem, quæ spectat ad orientē Solē. Pertinet etiam ad Occidentem, & est à parte mediterranea cū regionibus, quæ sunt Goæ coniunctæ finitimum. Cum hominibus autem, qui eas incolunt, continenter bella gerit. Regio est latissima, multis vrbibus culta: multis fluminibus alluitur. Est valdè fertilis & opima: piscatu, venatu, & aucupio, multisq; pecorum & armentorum gregibus abundat. Homines superstitione dirissima cōsistuntur: vnū tamen summum Deum esse consitentur, penes quem aiunt esse summam rerum omnium potestatem. Tempia profusis sumptibus aedificant, quæ tamen, vt alia India templa, monstrorum atque prodigiorum simulacra contegunt, quibus

LIBER

quibus diuinos honores habent. Brachmanæ tam viri, quàm mulieres sacris præsent. et in summo apud illos honore sunt. Est aliud genus hominum, quod valdè sanctum habetur. Hi Baneanes appellantur. Lapidem oui magnitudine pertusum, è cuius foramine tria fila prodeunt, è collo appensum gestant. Huius lapidis significatione summum eorum numen contineri prædicant, & ea de causa maximo honore ab omnibus afficiuntur. Lapis tanta religione cultus, Tambarane nominatur. A carnibus & piscibus abstinent. Semel in vita uxorem ducunt. Illis defunctis, uxores prope illorū cadauera viuæ sepeliuntur. Reliquæ, quæ alijs hominibus nubunt, post virorum mortem viuæ in rogum cum magno suorum comitatu, & multis cantibus atque laudibus inferuntur. Septimo quoq; die serias agitant. Hic dies est, qui Veneris apud nos appellari solet. Præter hunc diem, multos Anno vertente dies cantibus, & sacris, & statis caeremonijs, insita gentis religione celebrant. Credunt animum immortalē esse, et post hanc vitam præmia bonis, improbis autem supplicia esse iudicio diuino constituta. Sunt colorati, & eleganter exculti, & amoribus dediti, quorum gratia inter se digladiari solent. Qui alium ad singulare certamen vocat, à Rege campum, in quo cum aduersario congregi illi tutò liceat, exposcit. Si de illius virtute opinio habetur, Rex illum spectat. Victorem aurea catenula donat, quam is, qui victoriam obtinuit, tueri perpetuò debet. aliter enim parti decoris nomen & gloriam amittet. Licet enim ei, qui velit, armis cum eo de catenula illius merito & dignitate certare. Catenula namq; victorem sequitur, & ei detrahatur, qui ab alio superatus extitit. Neque milites tantum, verum & artifices de artificij præstantia armis inter se disceptant. Maxima huius regni ciuitas Bisnaga nominatur. Ambitus

illius

illius supra quatuor millia passuum continet, multis muris cingitur, habet multas ades amplas, & templa valdè magnifica, & est hominū ingenti multitudine referta. Mercibus quamplurimis ex omnibus partibus mirum in modum cumulata est. Mercatores, qui equos è Perside aut Arabia nauibus vehunt, portoria minimè soluunt. Reliqui portoria pendunt. Equos omnes Rex à mercatoribus emit: inde eos, quos vult, sibi retinet, reliquos vel pretio, vel gratuitò distribuit. Regia est amplissima, maximisq; sumptibus adificata: hortus habet amœnissimos, & piscinas, in quibus sunt pisces innumerabiles. Rex multorum militum presidio circumseptus incedit, & maxima veneratione atq; adèd superstitione à suis colitur. Illius mensa conquistissimis cibus instruitur: corpus illius vnguentis nitescit, & gemmis & auro perpetuò fulgens conspicitur. Vnam præcipuè vxorem, quā præter ceteras eximiam habeat, minimè ducit. Maximum tamen concubinarum numerum habet, quæ è Principum genere deliguntur. Cùm Rex moritur, pyra è lignis odoratissimis incenditur, in quam regium cadauer infertur. Ibi concubinae omnes, & omnes illius familiares, & quicumque illi ministrauerant, aut magnum apud illum nomen obtinuerant, in rogum similiter inferuntur. Tanto autem studio, vt crementur, ad rogum accelerant, vt appareat eos in ea mortis, qua Regem suum prosequuntur, societate summum decus arbitrari. Colitur à Narsingua regibus aquabile ius. Mercatores ab omni iniuria tutos & incolumes præstant: sunt plurimi sub illo Dynasta. In eos tamen, si maleficium inferunt alicui, vel cade vel fustibus animaduertunt, ita vt nemo queat sibi propter magnas opes impunitatem polliceri. Reges ipsi maximos thesauros coaceruant, & eos, qui à maioribus illis relictī sunt, attingere nisi cū extrema

L I B E R

necefitas vrget, nefas exiftimant. Itaque auri, argenti,
gemmarum maximos acervos poffident. Ex illis precipue
gemmis, quos Adamantes appellant, qui in ea regione ex-
cidi folent ingentis magnitudinis & ponderis, in thefauros
congerunt. Multos milites alunt, quibus equos attribuunt,
fingulis diebus è Regia cibi & illis & equis afignati funt.
Eis, qui femel apud illum facramento dicunt, absque Re-
gis iuffu nullo modo è regni finibus emigrare licet. Pedites
habet innumerabiles. Multa alia de moribus Narfingue,
de Regis opulentia de luxu illius & magnificentia dici pos-
funt, quæ, nè finis longiores, quàm instituta ratio postulat,
omittimus. Rex qui eo tempore imperium tenebat, fama
earum rerum, quas noſtri in India geſſerant, commotus,
cum Pratore amicitiam iungere, fœdusquæ ferire conſti-
tuit. Itaque legatum ad Almeidam miſit cum literis & mu-
neribus, quæ nomine illius ad Emmanuelẽ deferenda cura-
ret. Fuit legatus ab Almeida ſatis honorificè receptus. Le-
gatus, poſtquam Almeida literas legit (ea autem non al-
liud, quàm vt legato crederet, admonebant) legationem
ſuam expoſuit. Legationis ſententia hac in ſumma fuit.
Narfingue Regem ſummo ſtudio & cupiditate fœderis
cum Rege Emmanuele ſanciendi flagrare. Famam nam-
quæ virtutum admirabilium quibus Emmanuel ornatus e-
rat, ~~illi acres ſtimulos admoniſſe~~, adeo, vt nihil ardentius
expeteret, quàm Principi tam præclaris artibus prædito a-
more ſummo coniungi. Se verò huius famæ teſtimonium
non aliud deſiderare, quàm admiranda facinora, quæ Luſi-
tani in India paucis illis annis ediderant. Nec enim fieri
poſſe in animum inducebat, quin Rex, qui tam fortibus ho-
minibus imperabat, eſſet ſingulari, atque propè diuina vir-
tute præcellens, atq; valdè dignus, quem omnes orbis terra-

rum Reges certatim amarent, & omnia gratia illius cuperent. Proinde se libentissimè omnia, quæ posset, pro illius dignitate perfecturum: neque commissurum, ut ab aliquo Rege alio amoris & studij magnitudine erga Regem Emmanuelem vinceretur. Quod si connubij ius haud aspernaretur, se libentissimè desponsurum filiam virginem, quam habebat excellenti specie & pulchritudine, cum dote summa, Ioanni Regis ipsius Emmanuelis filio, ut amicitia nuptijs eiusmodi sanctius firmaretur. Hæc quidem legatio continebat. Attulit præterea à Rege suo torques duos gemmis clarissimis distinctos, & annulos similiter cum gemmis ingentis pretij, & vestes aureas & sericas: quæ volebat ut ad Emmanuelem, ubi primum nauigandi tempus esset, mitterentur. Hanc legationem Almeida latus accepit, legatumque multis muneribus affecit, Regisque nomine, Narsingua Regi honorificis admodum verbis rescripsit, fidemque dedit, se munera illius Emmanueli missurum, operamque datum, ut intelligeret, vix aliquem reperiri, qui meliore animo se se ad amicitiam illius applicuisset. Vbi Narsingua legatum dimisit, in terram scaphis inuectus est. Ibi que prope littus in palmeto quodam tabernaculum collocari precepit. Quo in loco Rex Cananoris illum inuisit. Ibi verò multis sermonibus vtrò citroque satis amanter habitis, Almeida à Rege postulauit, ut illi faceret potestatem arcem edificandi, quæ non solum nostros à Saracenorum importunitate defenderet, verum & ipsi locum contra hostiles impetus & incursiones tutiorem efficeret. Satisfecit illius postulato Rex, & arx ædificari tanta diligentia cœpit, ut intra paucos dies ad summam altitudinem pueniret. Egydius namque Barboza iam pridè illius fundamēta iecerat. Nō tamē arcē, sed domū amplā se ædificare simulabat, in qua laxi⁹ habitaret.

LIBER

Timebat enim, ne ei plurimum nomen arcis in principio noceret, antè quàm Almeida id in magni beneficij loco, postquam tempus maturius esset, à Rege postularet. Arx Sancti Angeli nomen obtinuit. Lupus Britius praefectus illius extitit, cui centum & quinquaginta Lusitani milites attributi sunt. Dum hac sunt, fuit Almeida nuntius allatus de nece Antonij Sala, qui, ut diximus, Coulami Regis Emmanuelis negocia gerebat. Postquam enim Ioannes Homo magis intrepidè, quàm prudenter Saracenis gubernacula & vela detraxit, eaq; omnia Antonio Sala asseruàda commisit, tantisper dum Regis Emmanuelis naues iustum onus acciperent, ipse profectus est, ut ad Almeidam contenderet. Interim verò Saraceni ea contumelia lacerati, multo acrius odium, iamdiu in Lusitanos conceptum, exprompserunt. Quod ut facilius efficeret, ad facinoris societatem urbis ciues incitabant. Expectate, dicebant illi, dum homines ambitione & temeritate precipites, postquam maiores opes habuerint, vestra libertati faueant, & fidem, quam dederunt, religione summa tueantur. Videtis homines paucissimos, ab omni suorum auxilio disunctos, audere tantum facinus, ut in ciuitate vestra, atque adeò in oculis vestris, nos homines vobiscum antiquo fœdere & societate coniunctos velis & gubernaculis spoliarent, & mercatores ingenuos, è quibus tantum emolumentum quotannis accipitis, indignissima contumelia vexarint, & quasi iam sint in huius regni dominatione constituti, vestra patientia ad tyrannidem abusi fuerint? Quid enim aliud egerunt, cum hanc tam insignè iniuriam nobis intulerunt, quàm ut nos omnes contemnerent, & ipsi se se pro dominis admodum insolenter ostentarent? Id enim tam pauci numero in alieno solo, & in excellentis Principis regione, & in maxima ciuium frequen-

tia fecerunt, quod Rex ipse ciuium dominus, vt faceret, nun-
 quam in animum sibi conditionibus vllis induxisset. Quare
 contumelia hac non nobis, sed vobis ab hominibus audacissi-
 mis illata est: qui nunc non id agunt, vt nobis molesti sint, sed
 vt vestram patientiam tentent: & si id dedecus inultum pa-
 timini, vobis non libertatem modò, sed etiam fortunas eri-
 piant. His vocibus gentem ad facinus incendunt, & in Sa-
 lam impetum faciunt. Ille verò cum duodecim Lusitanis
 (non enim plures erant) in Fanum confugit Sanctissima
 VIRGINI dicatum. Ibi tunc acri animo ad resistendum
 se parant, tantoq; animo furorem hostium repellunt, vt per-
 rumpi non facile possent. Hostes cum cernerent, se non posse
 sine suorum cade Fanum oppugnare, ligna circundant, &
 ignem subijciunt: atq; ita omnes Lusitani, qui erant in Fa-
 no, combusti sunt. Erat in portu Petrus Raphael, qui socijs
 opem afferre in re tam precipiti & inopinata ne quiiuit. Qui
tamen in cedis illius vindictam, quinque naues hostium, qui
in anchoris consistebant, incendit: deinde Cochimum ver-
 sus cursum tenuit, vbi iam Almeidam reperit, & ea, quæ ac-
 ciderant, illi narrauit. Almeida sine vlla cunctatione filium
 iussit, vt Coulamum versus cum classe, quantum fieri posset,
 acceleraret, & in omnes naues, quas in portu inueniret, i-
 gnem conijceret. Factum est hoc tanta celeritate, vt prius-
 quam id Saracenorum aliquis suspicari potuisset, Lusitanae
 naues se in conspectum darent, & viginti & septem hostiū
 naues incenderent. Ioannes tamen Homo, in temeritatis il-
 lius pœnam, naus praefectura ab Almeida priuatus est. His
 rebus gestis, Almeida in terram delatus, atque à Cochimi
 Rege honorificè admodum salutatus fuit. Eo autem tempo-
 re Rex ille, qui pro seruanda nostris fide tantum salutis &
imperij periculum adierat, minimè regnabat. Religionis

LIBER

enim gratia se regno abdicarat, & in sanum quoddam apud illos valdè sanctum, vt sacris vacaret, se contulerat. Regnum verò Nambadaræ sororis filio, ad quem regnum gentis more veniebat, voluntate sua reliquerat. Almeida igitur cùm existimaret esse superuacaneum, ad Regem, qui præ se tulerat, & regnum & omnes regias opes pro nihilo putare, munus aliquod deferre, ea munera iuueni Regi deferenda esse statuit, quæ erant auunculi fidei & amicitia debita. Decreuit enim, vt ad eum, ad quem regni patrimonium venerat, præmium etiam virtutis & constantia, quasi quædam hereditas valdè legitima perueniret. Itaque tabulatum altitudine modica constitui iussit, peristromatis maximi pretij & tapetibus instratum. ibi verò Regem, vt ab omnibus conspici posset, in sella collocavit, orationemquæ habuit, quæ illius animum spe multò felicioris conditionis erigeret. Dixit enim, Regem Emmanuelem pro meritis excellentibus, & singulari fide Trimumparæ Regis, illum semper ornatissimum cupere, & socium & amicum non appellare tantum, sed etiam habere velle. Et quando Trimumpara fuisset eo animo, vt omnia viuens abiecisset, quæ reliqui mortales maximi faciebant, omnia iure ad eum, qui in locum illius successerat, esse transferenda. Quo circa se nomine Regis Emmanuelis Nambadaræ corona aurea donare. Præterea fidem dedit, illum in Regis Emmanuelis patrocínio semper futurum, è cuius manu regnum tunc sibi & heredibus suis accipiebat: eumquæ Calecutiensis Regis imperio atquæ dominatu liberabat: fidemquæ suam astringebat, fore, vt ab illo omnium hostium impetum propulsaret. Præterea faciebat illi potestatem aris, auri, & argenti, conflandi, cudendi, & feriendi: & vt esset semper immunis, eoquæ iure regnum possideret, quo optimo quisquæ

~~Rex maximis opes suastueri potuisset.~~ Rex summas egit Regi Emmanueli gratias, fidemq; dedit, se semper in potestate illius futurum, nullamque dimicationem pro illius amplitudine recusaturum. Almeida verò coronam auream, quam manu tenebat, capiti illius imposuit. Hanc orationem tubarum concentus consequuti sunt, & Rex corona & alijs præterea muneribus, quæ acceperat, latus domum redijt. Almeida onerandis octo nauibus, quæ erant in Lusitaniam continuò reuersura, strenuam operam nauauit. Nauarchi inde profecti, cursum suum tenuerunt, quo tandem Kalendis Februarij anno M.D. vj. interram incognitam delati sunt, latissimam, multisq; syluis densissimis vestitam, & pecoribus abundantem. Conspectiunt deinde decem lintres, quibus homines colorati, capillo crispo, nudo corpore, cum arcubus & sagittis vehebantur. Hi in nauem, cuius Fernandus Suarius nauarchus erat, feruntur. Quinque & viginti ex illis nauem conscendunt. Fuerunt libenter admissi, & cibis liberaliter inuitati atque vestiti. Sermonis sonus erat ignotus. Nutibus mentis sensa proferebant. Discedunt illi lati, vt apparebat: sed vbi paululum se à navi remouerunt, hospitij mercedem sagittis soluere constituunt. Nostri tormentis eos propellunt. Fernandus Suarius cum videret alios propè nauē, cuius nauarchus Rodericus Freirius appellabatur, eum admonuit (nec enim naues inter se valde distabant) vt aliquos interciperet. Fuerunt viginti & octo capti. Inde secundum oras illas nauigantes, incidunt in flumen, vbi aquationē fecerunt. Quo in loco incole manu comparata in illos impetum tulerunt. Nostri se in scapham receperunt, & hostes è nauibus tormentis acerrimè vulnerarunt: qui partim interfecti, partim in fugam conuersi sunt. His

LIBER

signis Lusitani experti sunt, gentem illius oræ minimè hospitalem esse. Atque primum insulam esse minimè putabant. Postquam omnes illius oras prateruecti, promontoria extrema transmisere, tunc liquido perspicì potuit, eam insulam esse, quæ nominabatur olim Madagascar. Nostri insulam Sancti Laurentij nominant. Ea verò est illi regioni opposita, quam appellant AEgesimbam, & ad ortum Solis sita est. Classis Olysiipponis portum subiit vigesimo quarto die Maij, anno M. D. VI. Interim in ea AEthiopia parte, quam Zofalam nominant (ea autem AEgesimba pars est) hæc acciderunt. Anno M. D. V. Rex Emmanuel, postquam Franciscus Almeida Olysippone profectus est, aliam classem instruendam curauit. cuius præfecturam Francisco Gnaia attribuit. ea sex naues continebat. E nauarchis autem vnus, nomine Ioannes Lacteus, dum oram AEthiopia legeret, & hamato telo piscem transfigere vellet, in mare demersus, nusquam comparuit. Alius autem nauarchus dum in terram, vt carnes naui pararet, paulò audacius ingrederetur, ab incolis cum multis, qui illum sectabantur, occisus est. In vtriusque locum alij substituti sunt. Hinc profecti, dum ad promontorium Bonæ spei cursum dirigunt, tanto interuallo ad Austrum deflexere, vt illis aqua conglaciaret, & ipsi nique & pruina torperent, nimioq; frigore distenti, vix se loco mouere possent. Tandem ad Septentrionem promontorio superato delati, ad oram Zofala naues constituunt. Gnaia cum quatuor minoribus nauibus (duæ namque maiores portum intrare non poterant) in intimum Zofala sinum penetrauit. Regioni illi vir annos natus septuaginta, qui tunc cæcus erat, sed in re militari, antequam in morbum illum incidisset, magnum sibi decus pepererat, imperabat.

Oppi-

Oppidum non erat valdè magnum, nec ades magnificæ, intratæ tamen bombycinis peristromatis, & densis vepribus circumuallatæ. Erat autem huic Regi nomen Zuse, qui Gnaiam valdè comiter atq; benignè suscepit, illiq; fidem dedit, se omnia Regis Emmanuelis causa libentissimè facturum. Erat autem multis militibus circūseptus. Hi erant Saraceni colorati, vmbilico tenus nudi, gladijs cū manubrijs eburneis accincti, reliquum corpus pannis sericis & gossipinis amiciebant: capita circumductis bombycinarum & gossipinarum vestium spiris valdè implexis, & circumplexatis ornabant. Ibi post multa beneuolentiæ signa, petijt à Rege Gnaia, vt faceret sibi potestatem, quod sperabat ipsi Regi feliciter euenturum, arcis edificandæ. Rex id summa facilitate concessit. Postquam autem Gnaia ab illo digressus est, Saracenus quidam natione Aethiops, qui plurimum apud Regem poterat, Acotes nomine, cum Gnaia amicitiam firmavit, illumq; de regionis illius natura, et de moribus gentis admonuit. Gnaia continuò arcem edificauit, & tam diligenter operi institit, vt intra paucos menses illud ad iustam altitudinem perduceret. Deinde à se alios partim in Indiam, partim Quiloam dimisit, & ipse cum illis copijs, quæ sibi visæ sunt, in arce remansit: ad quam perficiendam, indigenæ etiam strenuam operam nauabant. Id cū Saraceni permulti indignè tulissent, ad Regem adeunt, eumq; monent, vt hominum maleficiorum insidias praeueat. Amicitiam ab illis simulari, perniciem verò & exitium interim illius rebus intendi. In quem finem, inquiunt, arcem in sedibus tuis excitant, nisi vt potentiores effecti, te hinc exturbent, omnibusq; te opibus atque fortunis expolient? An non his fraudibus Quiloæ Regem expulerunt? An non in India multos Principes per summum scelus bonis euerterunt?

LIBER

An non vbicunque pedem ponunt, fraudis & latrocinij impressa vestigia relinquunt? Si sapias igitur, eos ante, quam vires colligant, opprime, ne postea frustra pestem à te, ciuibus tuis auertere coneris. His sermonibus stimulatus Regulus ille, manum se creto comparat, & diem facinori praestituit. Fuit huius sceleris indicium per Acotem Gnaia delatum. Gnaia vt conueniebat, ad hostes acerrime propulsandos se parauit. Hostes, vt erat constitutum, in arcem impetu feruntur, tela ignita conijciunt, & quibus possunt machinis, muros oppugnant. Acotes verò cum ceterum hominibus, vt nostris subsidio occurrat, in arcem ingreditur. Fuit acre praelium. Hostes tandem telis atq; tormentis repelluntur: & cum se in fugam darent, nostri eos insequuntur, nec vllò modo patiuntur, vt illi se à timore & trepidatione reficiant. Itaq; in illorum tergis inhaerentes, eos vsq; in oppidum, in quo Regulus domicilium habebat, persequi contendunt, et in Regiam demq; vadunt. Regulus in cubile situm se receperat: ibi cum nostri vestigijs illius insisterent, is quanuis & senex, & oculis orbatus esset, in extremo tamen vitae discrimine animum minimè demisit. sed iacula contra nostros intorsit. Vix fieri poterat, vt telum aliquod frustra, eo quòd nostri valdè conferti essent, accideret. Itaq; aliquot Lusitanos homines iaculis emissis vulnerauit, inter quos ipse Gnaia fuit, cuius ceruicem iaculo sauciauit. Quod cum Emmanuel Fernandus, qui Regis Emmanuelis in ea regione negotia gerebat, animaduerteteret, in Regulum inuasit, & caput illi continuò praecepit. Occiso Rege praecepit Gnaia nostris, vt à maleficio abstinerent, & vniuersa multitudini parceretur. Voluit enim ea significatione clementiae incolas ad se allicere, vt qui virtutis documenta perspexerant, humanitatis etiam lumen in perditis rebus experirentur. Hac re gesta Gnaia visum

visum est, reipublica illius statum collocare, & pramio etiam digno Acotem, qui strenuam operam in eo tumultu nauar at, afficere. Illum igitur Regis Emmanuelis nomine Regem creauit, & ciues, vt illi libenter obtemperarent, effecit. Acotes fidem dedit, se perpetuò quacunque Rex Emmanuel, & Duces illius ei praescriberent, esse facturum. Interim cum calū illius regionis esset nostris infestum, & propter palustres humores ardentissimis Solibus excitatos, corpora multorum inficeret, accidit, vt Lusitanorum corpora summus languor occuparet, & multi decumberent, & tetra lue atque tabe confecti morirentur: ipse quoque Gnaia eodem morbo sublatu est. In cuius locum fuit Emmanuel Fernandus omnium consensu substitutus. Eo autem tempore Almeida ex Cidebarbuto, & Emmanuele Coresmana uarchis, qui in Indiam missi ab Emmanuele fuerant, intellexit, Petrum Gnaiam morbo extinctum esse: & praeterea in vrbe Quiloensi tumultuari, propter necem Mahumeti Regi per summum scelus illatam. illum namque Rex Tirendicundus, qui erat cognatus Abrahami, insidijs occiderat. Hac illi, cum oram illius regionis legerent, vt fuerant ab Emmanuele iussi (volebat enim Rex intelligere, an Franciscus Albuquerqueius, & Petrus Mendoza, qui perierant, in aliquam illius regionis oram euasissent) in cursu cognouerant. Almeida continuò Nonium Vascium Pereiram in Zofalam misit, qui arci praesset, & in cursu Quiloam motibus propter necem Regis agitatam constitueret, & in auctores etiam cadis, si fieri posset, animaduerneret. Hoc in loco non erit abs re, de regionis huius situ pauca dicere. Constat iam inde ab Homeri temporibus, eam Africae partem, quam Graeci Aethiopiam appellāt, in duas partes esse

LIBER

tes esse distinctam. Vna namq³, vt ipse Homerus auctor est, ad occasum Solis, altera ad ortum pertinet: & vtriusque partis regiones vltimæ, quæ ad Austrum longissimo tractu protenduntur, Oceano terminantur. Occidentalis Aethiopia cum ea Africa parte, quæ Gaditano freto definitur, cōtinens est, atq³ in Austrum inde continuata distēditur, vsq³ eo, dum quinq³ tantum fermè gradibus ab æquinoctiali regione distet. atque deinde in ortum Solis inflectitur, & ad principium promontoriij Bonæ spei maximo spatio dilatatur. Inde verò rursus in Austrum tãta longitudine procurrit, vt æquinoctium superet, & Austrum versus, circiter gradus triginta & quinq³, ab æquinoctiali plaga dissideat. Inde ad ortum Solis extenta, ad æquinoctialem rursus abducitur, & Septentriones respicit, donec tandem in sinum Arabicum atq³ in promontorium Prasum perueniat. Ibi Arabiam ab ortu solis spectat. Intimus autem ille sinus Heroum ciuitate definitur. Continet autem Aethiopia supra dimidiam Africa totius partem. Regio partim est fertilis, & multis frugibus, & armentis, & pecoribus abundat, & quamplurimis fluminibus alluitur: partim deserta & inculta, & verum omnium asperitate vastata. Est etiam in illa non solum maxima linguarum, sed etiam morum dissimilitudo. Nam quidam sunt mites, & commodi, & ad omnem rationem humanitatis propensi. Alij verò sunt moribus immanibus efferati. Ea verò pars Aethiopiæ, quæ spectat ad Solis ortum, à promontoriij illius maximi flexu incipit, & deinde ad Aethiopiam, quæ supra Aegyptum est, post varios sinus & flexus extenditur. Continet autem Aethiopia elephantos quamplurimos, è quibus magnam vim eboris mercatores inde in multas alias orbis terrarum regiones important. Abundat multis auri, & aris, & argenti venis, alijsq³

lijſquē rebus innumerabilibus, plurimis in locis opulenta
ſt. Calores tamen noſtris hominibus infeſtiſſimi, & febres
mortiferæ eos his commodis omnibus arcet, terroribuſquē
mortis obiectis impediunt, quò minus multas ex Aethiopia
tilitates excipiant. Quanquam tantas plerunq; vires ha-
et auaritia, vt mentes hominum à cogitatione mortis, qua
nihil videtur eſſe terribilius, frequenter abducatur. In hac au-
tem Aethiopia parte, quæ eſt vltra promōtorium Bonæ ſpei,
quæ Auſtrali Oceano terminatur, eſt regnum latiſſimum,
quod Benomotapa nominatur, cui, antè, quàm Luſitani eas
ras perluſtrarent, omnes illius oræ Reges ſine recuſatione
parebant. Eſt autem auro, ſupra quam quiſquam exiſtima-
re poteſt, diſtiſſimum. Nam è fluuijs etiam atque lacubus e-
mitur. Multiquē Reges Regi Benomotapæ auri tributum
quotannis impendunt. Gens ſimulacra minimè colit: vnum
DEVM cali & terræ conditorem conſtitetur. Cultus & ve-
ritas non eſt cultui, quo reliqui Aethiopes vtuntur, abſimi-
lis. Regem incredibili ſuperſtitione venerantur. Rex duo re-
giæ maiestatis inſignia geſtat. Vnum eſt, paruus quidam li-
bro cum eburneo manubrio. Alterum iaculis duobus haud i-
ta magnis continetur. Ligone ſubditos ad terræ culturam
adhortatur, ne propter ignauiam atque deſidiam terram
deſerant, & fame coacti latrocinentur. Vno verò ex iacu-
lis ſignificat, ſe ſclerum vindicem futurum, altero vim ex-
ternam ab hoſtibus armis atque virtute reſſurum. Re-
rum filij, quos habet ſtendiariorum, apud illum nutriuntur,
um vt ea educatione Regem debita fide & amore proſe-
qui ſtudeant, tum vt illis obſidibus Rex eorum parentes in
officio & fide contineat. Eſt maximo ſemper ex exercitu con-
ſtitutus, quanuis ſumma pax & otium cum omnibus finiti-
nis nationibus ſit illi firmo ſœdere conſtitutum. Tunc enim
cenſer,

LIBER

cēset, sibi nullū à bello fore periculū, cū in pace bellū semper Regum fortunis impendere suspicatus fuerit. Singulis annis mittit ex suis domesticis & familiaribus, qui ignem nouum Principibus & Regibus, qui in illius ditione sunt, nomine ipsius Regis imperiat, atque inde reliquis hominibus distribuatur. Quod quidem ad hunc modum fit. Vbi legatus ad domum cuiusuis Principis accedit, ignis extinguitur. Deinde rursus à legato nouus ignis excitatur: tunc omnes eò commeant, vt ignem inde in domos suas inferant. Hoc qui facere recusat, proditor atque rebellis existimatur. & tanquam maiestatis reus extremo supplicio punitur, & si opus ita fuerit, exercitus in illum comparatur, vt hominem fidei desertorem multis excruciatuū supplicijs interimat. Hac quidem de regione illa Aethiopia, cuius ambitu Zofala etiam continetur, satis esse puto. In India verò Franciscus Almeida, ne tempus vllum abire sine fructu pateretur, Laurentium filium cum classe nauium nouem misit in insulas, quæ Maldiuæ appellantur. Sunt autem complures, modicis inter se æstuarijs diuisæ, Cochimoque circiter bis centum & quadraginta millibus passuum distant. Ibi eum iubebat speculari, numquæ naues Saracenorum ab Oriente Sole in Occasum nauigarent, quas ipse captas Cochimum perduceret. Tanta verò fuit æstus vis, vt Laurentius à cursu prorsus abduceretur. Delatus autem fuit in insulam non ita lato mari à Cori promontorio, quod Comorinum appellant, disunctam: quam multi suspicantur esse Tabrobanam. Sed qui Ptolemaeum sequuntur, Taprobanam asserunt esse illam, quæ est aureæ Chersoneso opposita, quam incolæ Samatram appellant. Hac autem de qua loquimur, à Ptolemaeo Cori, nomine promontorijs Indici, in quod spectat, appellatur. Insula nominatur ab incolis Zei-

is Zeilanda. Ea patet in longitudinem à Septentrione ad meridiem circiter ducenta & quinquaginta passuum milia: latitudo autem, vbi est latissima, non vltra centum & quadraginta millibus passuum dilatatur. Est autem admodum fertilis, neque solum varijs frugibus abundans, verum & herbis, & plantis odore mirifico redolentibus egregiè vestita: quæ quidem sine vlla cultura proueniunt. Malorum citreorum nemora sunt densissima: fructus varij atque multiplices tam sapore quàm odore gratissimi. Magnam præterea vim cinnamomi passim fundit. Multi præterea preciosissimi lapides atque multiplices è saxorum ingentium venis eruuntur: & gemma etiam incredibili multitudine, & singulari colore atque fulgore, extractis ostreis è profundo maris gurgite, reperiuntur. Ad hæc, miram elephantorum copiam nutrit. Erat tota insula septem regnis distincta, è quibus tamen vnus & opibus, & dignitate, & imperio multum reliquis anteibat. Is in ciuitate maxima, quæ Columbum appellatur, imperij sedem & domicilium collocabat. Est in media insula mons præcelsus, multis paludibus cinctus. Ex illius summo fastigio collis assurgit, è cuius medio è lacu quodam aquæ dulces atque perrennes emanant. Prope lacum est silex, in qua cernitur vestigium hominis impressum. Est autem insitum incolis, vestigium illud esse primi parentis generis humani, qui inde in calum sublatus ab illis esse dicitur. Non procul autem inde Sacellum visitur, in quo duo sepulchra mira superstitione coluntur. Existimant enim in his condita fuisse corpora primi hominis, & vxoris illius, è quorum semine fuit vniuersum genus humanum propagatum. Ea verò opinio nimis penitus infixæ facit, vt eò multi Saraceni, & alij longè diuersis superstitionibus impliciti, religionis gratia

LIBER

gratia conuant. Locus adeò accliuus est, vt neque manibus niti ad summum possint, sed scalis & catenis adiuti eo perueniant. Ad hanc insulam Laurentius cum classe sibi commissa delatus, portum subiit, quem incolæ Gabalicamū appellant. Id cū Rex (nec enim inde procul aberat) accepisset, legatum ad illum continuo cum muneribus misit, qui ab eo pacem peteret. Laurentius legatum benignè & hospitaliter accepit, & muneribus illis ornauit, quæ ei grata fore suspicatus est. Tādē vt pacem cum illo firmaret, misit vnum de comitibus suis, virum nobilem atq; primum, Pelagium Sousa nomine, qui in regiam deductus, Regem offendit miro fulgore circumlucentem. Partim enim geminis, quibus erat excultus, partim careis facibus, quāuis dies esset clarissimus, omnia splendebant. Ad maiestatem enim pertinere existimabat, eiusmodi facibus circumfederali. Fuit Pelagius Sousa cum reliquis, qui illi fuerant comites attributi, admodum honorificè receptus, fœdusquē sine vlla recusatione sancitum. Fœderis conditiones hæc fuerunt, vt is Emmanueli Regi singulis annis tributum nomine ducenta & quinquaginta millia pondo cinnamomi penderet. Rex autem Emmanuel illum in fidem & clientelam reciperet, & Ducibus suis præciperet, vt illius portus atque maritimas ciuitates ab hostium iniuria prohiberent. Id fœdus sub eā conditione ratum habuit Laurentius, si pater illius auctor fieret. Pondus tamen cinnamomi fuit Regis iussu nauibus Lusitanis impositum. Tantus enim erat Regi metus iniectus, vt vix vllum officium, quod ad pacem cum nostris firmandam valeret, ei satisfacere. Eiusdem consensu Laurentius inter columnam marmoream cum regis Emmanuelis insignibus statui iussit, quo significabat, insula possessionē ab illo nomine Emmanuelis occupari. Hac re confecta, Cochimū ad patrem

patrem redijt, à quo fuit in Anchedium missus, vt arcem muniret, & totam illam oram maritimam perlustraret. Emmanuel Pazagna similiter Cananorem eiusdem Almeida iussu petijt, vt Laurentio Britio in arce adificanda atque munienda opem afferret. Interim dum tempus in his negotijs teritur, venit ad Laurentium vir quidam Italus, nomine Ludouicus Vuartmanus patria Bononiensis, qui studio orbis terrarum cognoscendi, multas regiones peragrarat, atque tandem sub mercatoris habitu, cum se Saracenum esse simularet, Calecutium peruenerat. Ibi cum multi multa de Portugallensibus commemorarent, nomine gentis excitatus, quasi qua gens esset ignoraret, qui mores & instituta illius essent, quam religionis sectam sequeretur, quo casu fuisset in Indiam delata, quasiuit. Saraceni gentem esse maleficam & sceleratam narrant, cuius omne studium in latrocinio & crudelitate consumeretur, multaq; iam detrimenta Saracenis in partibus illis intulisse. Tum Ludouicus simulat se indignissimè pati, tantam gentis impurissima audaciam & temeritatem tamdiu impunitam esse, quæ iam interitu funestissimo debuisset meritas facinorum & scelerum pœnas exoluere. Inde cum se in familiaritatem eorum, qui plurimum poterant, insinueret, & consilia Regis explorat, & quo animo classem ingentem compararet, quibus auxilijs se in nominis Lusitani perniciem sepiet, intelligit. Interim spem maximam concipit, fore, vt breui Lusitanorum ope se se à Saracenorum familiaritate impurissima vendicaret. Cum Mediolanensibus autem consilia communicat, & eos adhortatur, vt relicto Calecutio se ad Lusitanos conferant. Respondent illi se Christianos esse, scelerum tamè suorum conscientia perterriti, se ad Christianos confugiant. Ludouicus bono illos animo esse

LIBER

esse iubet, sequē operam daturum pollicetur, ne illis fraudi
esset facinus, quod in Christianum nomen consciuerant.
His ita constitutis, quam primum occasionem oblatam vi-
dit, arripuit, atque ad Almeidam se contulit. In eo cursu
in Laurentium incidit. Ibi tunc quas copias Rex Calecu-
tiensis pararet, quam classem instrueret, illi nunciauit. Do-
cuit præterea, valdè Mediolanenses facti sui poenitere.
Eosquē si veniam impetrarent, libentissimè ad Lusitanos
redituros. Quod ut confestim fieret, Laurentium vehemen-
ter adhortari cœpit. Illorum namquē opera quamplurima
tormenta apud Calecutiensem Regem conflari, multosquē
idem artificium ab illis inuitissimis perdiscere. Laurentius
illum laudat, & muneribus afficit, atque promissis excitat,
ad patremquē deduci iubet. Pater confestim filium per li-
teras admonuit, ut se ad dimicandum cum hoste pararet.
Et Ludouicum dimisit, ut Calecutium reuersus, Mediola-
nenses data fide Cochimum perduceret. Id Mediolanenses
letissimis animis acceperunt. Sed dum fugam parant, fuit
eorum consilium enunciatum: deprehensiquē poenas morte
crudelissima luerunt. Ludouicus vix se fuga à periculo cæ-
dis proripuit. Interim classis Calecutiensis summa vi para-
batur. Ea fuit octoginta maiorum nauium, & centum &
viginti quatuor paronum. Erat autem & armis, & tormen-
tis, & hominum multitudine, multisquē munitionibus in-
structissima. Laurentius cum classe vndecim nauium in il-
lam inuectus est. Erant autem in hac classe octoginti mili-
tes Lusitani, viri acres, & armis egregiè muniti. Auxilia
præterea Indica, non tamen valdè firma, conquesierat.
Ventum erat ad Cananoris oram, cum vtrinque concur-
sum est. Atque primum cum dissonis clamoribus, tubarum
cantibus, tormentorum crebris ictibus mare atque tellus tre-
mefacta

me facta strepitus horrendos edidissent, tandem naues ipsae
 manibus ferreis inter se deuinctae concutiantur. Laurentius
 nauem hostium pratoriam conspicatus, in eam impetum
 fecit, & harpagone saepe frustra coniecto, tandem eam
 firmè retinuit. fuit virumque satis acriter dimicarum. Lau-
 rentius tamen in nauem insiluit. illum Philippus Rodericus,
 Ioannes Homo, Fernandus Petreus Andradius, Vincentius
 Pereira, Rodericus Pereira, & alij quidam homines for-
 tissimi sequuti sunt. Erant sexcenti milites in hostium na-
 ui, qui cum rem in summum discrimen adductam cerne-
 rent, ne inulti caderent, laborabant. Sed tandem omnes
 partim occisi, partim capti sunt: aliqui verò se in mare de-
 miserunt, vt nando salutem quaererent. Hac naui capta, Lau-
 rentius Nonnio Vascio Pereira opem opportunè tulit. Is enim
 cum naui haud ita magnae praesset, nauem hostium valde
 magnam inuaserat, eamque iniecto harpagone sua deuinx-
 erat. Sed nihil propius est factum, quam vt naus illius, hosti-
 lis naus ictibus allisa deprimeretur. Praeterea tanta multi-
 tudo sagittarum & iaculorum ab hostibus accidebat, vt om-
 nes ferme, quanuis acerrimè decertarent, se interituros
 arbitrantur. Sed aduentu Almeida, hac quoque naus ho-
 stium expugnata fuit, & ex quingentis militibus, qui ea ve-
 nebantur, nemo euasit, nisi tantum illi, qui natandi artificio
 vitae suae consuluerunt. Erant in hostium classe ex eo nu-
 nero, quem diximus, multae mercatorum naues, qui reli-
 quarum nauium robore & multitudine nitebantur. Hi cum
 ererent duas illas naues expugnatas, dissidere de pugna
 uentu coeperunt. Dum igitur animaduertunt nostros ita
 ugnandi difficultatibus implicitos, vt minimè illos fugien-
 tes insequi possent, vela dant: & alij quidem se in Calecu-
 ensem portum recepere: alij verò eum nauigando cursum

LIBER

liberè tenuere, quem optabant. Reliquæ naues strenuè iaculis & tormentis partim aneis, partim ferreis, & nauium impressione decertabant, & cominus etiam multis in locis hastis & gladijs rem gerebant. Erant autem nostri in magno periculo. Nam multæ simul naues hostium vnâ nauem ex nostris circumsistebant. Ab omnibus tamen fuit diu magna virtute dimicatum, & hostes tandem in fugam conuersi. Supra tria millia hostium cæsa sunt. Decem naues cum multis paronibus depresso: duo signa Regia & nouem naues maiores captæ, & magna præda parta. è nostris sex tantum in pugna ceciderunt. Re ex animi sententia gesta, Laurentius se Cananorem contulit. Fuit autem à Rege cum magna lætitiæ significatione, & cum non mediocri admiratione virtutis exceptus. Interim dum hæc geruntur, cum Zabaius Goæ Princeps intelligeret, Calecutiensem Regem magnam classem comparasse, & nostros, vt cum illa dimicarent, ex arce Anchediuensi soluisse, noluit eam rei bene gerendæ, vt opinabatur, occasionem amittere. Consilio igitur Lusitani cuiusdam, qui religionem abiurauerat (erat autem is ex illis exulibus, qui morte damnati fuerant, & ea conditione liberati, vt terras incognitas explorarent) classem sexaginta nauium in Anchediuam misit, quæ arcem expugnaret. Clasi autem eundem Lusitanum præfecit. Fuerat is faber lignarius, & in reficiendis arte sua nauibus vsui nostris erat. Appellabatur Antonius Fernandus. Tunc verò post scelus nefarium cum religione nomen mutarat, & Abedella nominabatur. Is cum naues ad Anchediuam arcem appulisset, continuò eam oppugnare instituit. Emmanuel autem Pazagna, qui præfectus arcis erat, tanta vi resistit, vt hostibus magnam perniciem afferret. Itaque vir nefarius obsidionem soluit, & Goam cum suorum cæde & inter-

itu, & cum insigni dedecore reuersus est. Almeida tamen cum cerneret, illā arcem nullum vsum habere, nec ex insula aliquam vilitatem percipi, neque posse, eò quod procul Cochimo aberat, nisi sumptibus immodicis, & cum magno periculo defendi, & copias quas habebat, esse exiguas, neque commodum esse, eas dispartiri, de Ducum omnium sententia arcem diruere iussit. Laurentium igitur in Anchidiuam cum classe misit, vt id exequeretur. Is, vt fuerat iussus, in naues Pazagnam cum militibus, qui erant in presidio, recepit, & arce disiecta Cochimū redijt. Per idem ferè tempus, quo hac in India gerebantur, Rex Philippus Maximiliani Imperatoris filius, & Fernandi & Isabelæ gener, è Gallia Belgica in Hispaniam venit. Habebat autem ille in matrimonio Ioannem Fernandi & Isabelæ filiam, ad quam post mortem Ioannis, & illius Isabelæ, quæ Alfonso primum Ioannis Regis filio, deinde Emmanueli nupserat, regni patrimonium iure veniebat. Philippus igitur cum vxore, postquam accepit Isabelam Reginam socrum suam è vita decessisse, in Hispaniam venire maturauit, vt regni hereditatem adiret. Id cum Emmanuel intelligeret, & iam eos in Artabros peruenisse, compertum haberet, ratione cognationis & vicinitatis admonitus est, vt illius sine vlla mora per legatos de felice in Hispaniam aduentu gratularetur, fidemque daret, se nullo in loco, in rebus omnibus, quæ ad illorum dignitatem & voluptatem pertinerent, officio fratris amantissimi defuturum. Legatus fuit Iacobus Lupus Aluitensis Dynasta: qui quidem fuit à Regibus illis admodum honorificè susceptus, responsumq; ab eis tulit amoris & officij plenissimum. Hoc eodem tempore suscepit Emmanuel actionem memoria sempiterna dignissimam, quanuis in eo, quod effectum cupiebat, frustra contenderet. Videbat enim Prin-

LIBER

cipes Christianos, odijs acerbissimis stimulos, inter se cum magno rerum omnium discrimine decertare, remp. Christianam dilacerari, vires frangi & debilitari, & hostium opes interim Christianorum furore & amentia indies augeri Verebatur autem, ne malum illud serperet, & in Christiani nominis perniciem, si non esset opportuno remedio prouisum erumperet. Cum autem hac secum agitarret, tum id in primis eum vehementer angebat, quod CHRISTI sepulchrum esset à Saracenis occupatum, & à Christianis Principibus turpissimè neglectum. Omnia verò mala, quæ tunc rebus Christianis accidebant, interpretabatur propter hanc negligentiam pietatis incidere: & religionem socordia & desidia violatam, arbitrabatur esse magnitudine roboris atque virtutis expiandam. His curis anxius, legationem ad Iulium Pontificem Maximum decreuit. Legatus fuit Odoardus Galuanus, Regis ipsius consiliarius. Summa legationis hac fuit. Principes Christianos inter se de propria dominatione cum periculo vniuersæ Christianæ Reip. dimicare. Opes interim Principis Turcarum, & Sultani etiam vires vehementer amplificari, & rebus Christianis imminere. Neminem verò eorum Principum, quorum officiū erat, hostium impetum à Christianis proposita etiam morte reprimere, tanto periculo commoueri. Si gloria cupiditas Principes ad arma sollicitabat, quod decus tantum esse poterat, quod esset cum CHRISTI sepulchro armis vindicato comparandum? Si multa possidendi cupiditas stimulos illis adhibebat, cur non animum ad Asiæ & Aegypti regiones opinas, maximisq; opibus opulentas adijciebant? Per CHRISTVM igitur Optimum Maximum ipsum Iulium obtestabatur, vt omne studium suum, omnem virtutem & industriam, omnes curas & cogitationes in discordijs tollendis, &

dis, & pace cōstituenda consumeret: & Principes Christianos ad interitum Mahumetani nominis exhortaretur, vt ita sempiternam gloriam, quæ nullis vnquā seculis esset interitura, compararent. Se verò ad eam rem regni sui opes vniuersas polliceri, libentissimeq; per se intam præclaro certamine quoduis discrimen capitis aditurum. Hæc quidē Emmanuel sine vllō fructu per literas atq; legatos egit. Erant enim Principes animis propemodum efferati, & vsq; adeò propter turbulenta disidia à cogitatione impendentis calamitatis abducti, vt hanc orationem non solum animis aspernarentur, verum etiam ludibrio haberent. Hoc eodem anno Emmanuel Castellum in Africa edificari præcepit, extra fretum Gaditanum, in ea ora, quæ ad Austrum pertinet, vt ex eo possent infesta signa Mauris eam regionem incolentibus sapius inferri. Huius autē edificij curam Iacobo Azambugeo, viro impigro, qui multa decora virtutis militaris obierat, assignauit. Fuit Castellum magno cum labore & contentione à nostris edificatum. Multi namquē Mauri vndique confluebant, vt nostros opere prohiberent. itaque necesse erat nostris eodem tempore Castellum edificare, & hostium vim armis atque virtute repellere. Anno insequente, qui fuit à Christo nato M. D. vij. instruendas curauit Emmanuel naues quatuordecim, quæ varijs temporibus Olyssipone soluerunt. Vt quæque enim erat expedita, ita vela faciebat. Nulla tamen earum eodem anno in Indiam peruenit. Vascus Gomecius Abræus, vnus è Ducibus è Rege delectis, iussus erat in Zophala arci præesse. Is cum Aethiopia oram præterueheretur, instituit, vt nauigium incredibili celeritate, cuius erat nauarchus Ioannes Chanoca, facem præferret, quem reliqua nauigia sequerentur. Hoc tamen fuit Ducis negligentia dissolutum atque dissipatum.

LIBER

milites in terram enatarunt. Quorum pars aliqua, quæ in manus hominum immanium inciderat, fuit in vinculis detenta, & à nostris, qui oram eandem legebant, pecunia liberata. Rodericus verò Suarius, qui erat vnus è nauarchis, incidit in nauem, quæ ex Arabia soluerat, in qua erant homines quingenti: cum quibus magna armorum contentione manum conseruit, eamque tandem expugnauit, & omnes Saracenos ferro concidit. Tres autem nauarchi fluctibus oppressi periêre. Omnes verò naues, quæ euaserant, in Hiberna deductæ sunt. Cùm verò in India exploratum fuisset, nullum è Lusitania nostris auxilium aduenisse, Saraceni animos erexerunt & confirmarunt, tempus adesse credentes, quo possent nomen Lusitanum omninò delere. Itaque Regem Calécutiensem adhortantur & admonent, ne occasionem præclari cuiusdam facinoris diuinitus oblatam prætermitteret. Augures etiam insignem eo anno victoriam illi portendebant. Sacerdotes item atque Brachmanæ, quasi Deorum oraculis incitati, multa referebant, quibus Regem ad spem summi decoris excitarent. Rex omnia, quæ ad bellum erant necessaria, summa industria comparabat. Hac omnia Prætor Almeida per exploratores & transfugas exploratè cognoscebat. Vt autem hostibus significaret, sibi non opus esse vlliùs clasfis auxilio, duas festinanter classes instruxit. Vnam, vt naues, quæ Cochimo Cori promontorium versus nauigabant, ab hostium incursione defenderet: in qua erant triremes duæ, naues onerariæ duæ, & vnus paro: quam Emmanueli Paz agnæ commisit. Alteram, quæ oram illam tutaretur: in qua erant vndecim naues, quibus Laurentium filium præfecit. In hac classe nauarchus erat quidam, nomine Gundissaluus Vascius Goes, qui cùm minimè com-
meatu abundaret, vt rei frumentariæ consuleret, Canano-
rem

rem petijt. Inde profectus, vt se rursus cum Laurentio coniungeret, festinauit. In eo autem cursu nauem Saracenorum, quæ Cananore veniebat, offendit, in eamque ferociter inuasit. Saraceni minimè repugnârunt. Se namq, fœderatos esse dicebant, & literas, quæ eiusdem fœderis fidem facerent, Laurentij Brittij, qui arcis Cananorensis, vt dictum est, præfectus erat, ostenderunt. Sunt enim hoc iure omnes, qui in Indico mari nauigant, iam inde ab eo tempore, quo Lusitani in India arces adificare cœperunt, vt nemini liberum sit nauigare, nisi ab aliquo Lusitano vel Duce, vel arcis Præfecto (fide prius illius, qui nauem conscendere vult, diligenter explorata) literas acceperit, fidem fœderis continentes. His literis tuto nauigant. Aliter enim à nostris nauarchis capi, bonisque omnibus euerti, & vita, aut saltem libertate priuari possunt. Tunc igitur cum Saraceni literas ostentarent, quibus nixi se mari commiserant, Goes siue auaritia cæcus, siue barbara immanitate ductus, siue odio gentis illius efferatus, clamauit, literas illas fuisse per fraudem extortas, seque exploratum habere, illos esse Christiani nominis hostes, & perniciem Lusitanis omnibus per summum scelus & perfidiam machinari. Datuos igitur illius tam scelesti facinoris pœnas. Itaque nauem diripuit, hominesque miserrimos, hominum atque DEI fidem explorantes, in velum insuit, & nauem iam exinanitam, tormentorum ictibus perforatam depreßit. Fuit hoc facinus non solum crudele, & inhumanum, contra ius gentium, & contra omnem rationem humanitatis nefarie & flagitiose susceptum: verum etiam, propter temporis illius adeo periculosi rationem, temerarium, & furoris & amentie plenissimum. Cum enim nondum esset imperium fundatum, & exiguis admodum copijs Lusitani maria illa tenerent, conueniebat, vt quod viribus adi-

L I B E R

pisci non poterant, existimatione fidei & humanitatis assequerentur. Nam cum nullum vitæ præsidium fide firmitus sit, tum eo tempore, quo reliqua præsidia aded infirma erant, omnis salutis ratio erat in fidei opinione collocanda. Ut enim fidei & benignitatis nomen excellens omnium mortaliū animos ad benevolentiam allicit: ita infamia perfidia & crudelitatis odium incendit, & ad vindictam stimulat. Quod tunc re satis perspectum fuit. Factum enim est, ut facinus illud redderet Lusitanum nomen illis nationibus odiosum & inuisum. Almeida verò id indignissime passus est, Goemque honore priuauit, neque post illum diem ad suam familiaritatem admisit. Eo tempore Rex Cananotis obierat, & alius in ipsius locum successerat, qui erat in nostros animo vehementer infesto. Opera namque Calecutiensis ad regnum peruenerat. Erat Cananore Saracenus Mamele nomine, copys & existimatione, eorū Saracenorum, qui terras illas incolebant, facile princeps. Nauarchus autem nauis illius, quam Goes in alto merserat, erat sororis illius filius. Hic cum percepisset, merces suas, quas nauis illa conuehebat, esse direptas, nauemque depressam, & hominem sibi coniunctissimum cum reliquis crudelissime demersum, dolore stimulatus ad Laurentium Brittium recta contendit, & maximis vocibus de iniuria sibi facta conqueritur. Tu, inquit, nos prodidisti. tu nos in fraudem induxisti: quod nauem amiserim. quod bonis spoliatus sim, quod nepote meo carissimo sim orbatus, id perfidia & scelere tuo factum est. Qui fieri enim potuisset, si testimonium literarum tuarum bona fide conscriptum fuisset, ut vir Lusitanus, atque nauis magna præfectus, tam crudeli iniuria nos omnes affecisset, tantumque in multos nostræ societatis homines cladis inuexisset? Brittius iurat se nihil fraudis admisisse. Saracenus

census nullam satisfactionem accipit. Itaque ut erat lacrymis oppletus, & furore acriter inflammatus, ad Regem properat. Sequebantur illum uxores, & parentes, & liberi eorum, qui fuerant crudelem in modum interfecti. Ibi cum eiulatu lugubri clamores in calum tollunt, manus in Regem intendunt, fidem illius implorant, ius acerrimè postulant, & ut de gente scelestissima pœnas debitas expetat, obtestantur. Is se minimè postulata neglecturum ostendit. Tum arcesito Mamele, sibi minimè ingratum fore dicit, si illi quacunque ratione possint, scelus illud vlciscantur. Mameles continuò ad Saracenos, qui Calecutij negociabantur, literas de hac iniuria misit. Illi rem ad Regem deferunt. Is confestim misit, qui nomine illius animum Regis Cananoris in nostros acriter inflammaret, opemque suam ad nostrorum exitium minimè defuturam promitteret. Fore autem si coniunctis viribus in perniciem Lusitana gentis incumberent, ut illius memoriam è terris exterminarent. Hoc accepto nuncio, Rex totam suam cogitationem ad exitium Lusitanorum traduxit. Atque principio, quod animo moliebatur, secretum tenuit. Interim autem fossam latissimam à littoris vnus sine, ad alterum littus perduxit. Ea fossa arcem (erat enim in angulo, quem mare circumluebat, sita) ab vrbe dirimebat. Hoc se se ad urbem munendam facere simulabat. Puteus autem erat non procul ab arce, è quo nostri ad bibendum aquam hauriebant. Hunc intercludere puteum hostis cogitabat. A fossa namq; ad puteum erat semita pangusta, quam aggeribus & turribus munire Rex statuebat, ut inde nostros putei aditu prohiberet, atque siti cõficeret. Hac res fuit Praefecto Principis opera, q̃ erat in regnũ successurus, indicata. Is etiã demonstrauit, Regẽ Calecut. p̃ter alias munitiões, viginti et quatuor aenea tormẽta Regi Ca-

L I B E R

gi Cananoris clam, quibus arcem quateret, misisse: & prae-
tere a triginta hominum millia se in auxilium missurum
pollicitum fuisse. Laurentius Principi gratias egit, seq^q da-
turum operam confirmavit, ne vnquam beneficium apud
ingratos collocasse iudicaret. Itaque suos continuit, ne in
vrbe hostili cum vitæ periculo vagarentur. Ad Almeidam
verò nuncium misit, qui significaret, quo in discrimine ver-
saretur. Almeida filium misit, qui arcem militum praesidio,
& commeatu, & armis firmaret, vt posset facilius obsidio-
nem tolerare: quod ab illo diligentissime perfectum fuit.
Brittius cum animaduerneret, aquatione interclusa omni-
bus esse pereundum, illud telluris spatium, quod erat inter
arcem & puteum interiectum, fossa & vallo muniuit, eaq^q
munitione vtrunque littus inclusit. Tum pontem sublicium
extruxit, qui vallum cum puteo coniungeret. Deinde va-
rias turres excitauit, & tormenta in illis disposuit, quibus, si
vellet hostis aquationem impedire, eum propelleret. Hoc
cum Rex animaduerneret, insidias detectas esse cognouit.
Non igitur vltra dissimulandum ratus, arcem oppugnare
constituit. Quadraginta hominum millia tunc in castris ha-
bebat, partim ex suis copijs, partim ex auxilijs, quæ Cale-
cutio iam aduenerant. Itaque copias eduxit, & vallū con-
festim aggressus est. Nostri maximo cum labore hostium
impetum sustinebant. Sed de aquatione praecipue acerr-
imum erat inter nostros & hostes certamen institutum, cum
illi maxima contentione, ne Lusitanis vlla facultas aquatio-
nis daretur, pugnarent: contra Lusitani, ne aqua excluder-
entur, periculosissimam dimicationem subirent. Aqua i-
gitur ijs, qui bibere cupiebant, erat multo sanguine compa-
randa. Nostri verò consilio Thomæ Fernandi, praestantis ar-
chitecti, ab arce in puteum cuniculum egere: qui tanto si-
lentio

lento perfectus est, ut nunquam id ab hoste animaduerti posset. Tum paulò supra illud cuniculi ostium, quod ab arco ad puteum medium pertinebat, trabes immisit, & super eas alias transversas iniecit. Tum magnam materia vim super eas trabes demisit, quæ puteum tegeret, ne possent hostes venenum in aquam infundere. Postremò ore summo putei disturbato terram omnem congescit, ne posset hostis materiam extrahere. Sic autem fiebat, ut nostri tuto hostibus inuitissimis aquarentur. Rex igitur ab hoc conatu depulsus, vallum oppugnare multò acrius instituit. Cùm verò multi in ea oppugnatione caderent, ut tutius rem gereret, ingentes saccos lana et simili materia infarciri iussit, ut his oppositis tormentorum ictus exciperet. Dum autem hoc opus apparabatur, castra retrò mouit, & suos ab oppugnatione prohibuit. Brittius id non sine consilio fieri ratus, excogitauit rationem, qua hostis consilium exploraret. Faber quidam lignarius illius iussu laqueum extruxit, eumque non procul à vallo ea parte, quæ valli portam respiciebat, leui materia atque tellure contexit. Brittius quadraginta milites iussit extra vallum egredi, ut urbem versus pergere simularent. Hostes illos conspicati, in eos impetum faciunt. Nostri se sensim recipiunt: hostes acriter insistant. Eorum autem Dux, cùm omnibus præiret, in laqueum incidit. Quo facto nostri hostibus repugnare multò acrius incipiunt: alij extra vallum egressi, se cum illis coniungunt, & hostes re inopinata percussos expellunt, & paulò longius insequuntur, signoq; dato se recipiunt, & Ducem laqueo expeditum ad Præfectum pertrahunt. Ex illo cognouit Brittius quo animo Rex bellum intermitteret. Præterea Princeps regni hæres per vnum de suis comitibus, scapha commeatu onusta silentio noctis inuectum, illi Regis consilium aperuit. Nostri ad pro-

pugnan-

LIBER

pugnandum se comparauerunt. Perfectis operibus Rex cō-
festim aciem hoc ordine instruxit. Saccos primū sic op-
positos esse iubebat, vt essent instar valli, quo milites possent
sine periculo ad Lusitanorum vallum accedere. Deinde mi-
lites cum arcubus, & ferreis fistulis, & varijs telorum ge-
neribus sequebantur. Postremum agmen Rex cum valida
manu firmabat. Arcis tormenta quauis globos ingentes
partim ferreos, partim lapideos emitterent, cū hi saccis
exciperentur, nullum detrimentum hostibus afferebant. Ea
res animaduersa hostibus animos extulit, ita, vt quasi de-
bellatum iam foret, clamores ingentes ediderint. Sequenti
die fuit oppugnatio multò ferocius instaurata. At Brittio
venit in mentem, tormentum vnum, quo nondum vsus fue-
rat, quod multò vehementius globos eiaculari cognouerat,
collimare. Cū ille igitur, qui tormenti curam gerebat, ig-
nem admouisset, factum est, vt saccos disijceret, ictibusque
crebrius repetitis, omnes moles oppositas disturbaret. Cum
igitur maiora tormenta in aciem hostium propugnaculo
nudatam ingentes pilas, minora glandes valde frequentes
emitterent, magnam stragem ediderunt. Ea nocte vir qui-
dam nobilis Castellanus, cognomento Guadelaira, postula-
uit à Brittio centum & quinquaginta homines, quos ipse
deligeret, quibus hostium castra terrore compleret. Cū id
illi fuisset cōcessum, de quarta vigilia (erat autem nox plu-
uia, caligoque densissima erat castris offusa) nostri hostes,
nihil hostile propter nostrorum paucitatem suspicantes, tu-
barum cantu & clamoribus magnis exterrunt, et alios gra-
ui somno consopitos, alios semisomnes obruncant, reliquos
in fugam pellunt. Vbi primū diluxit, nostri potiti castris,
pradam non mediocrem in arcem conuehant. Hunc fe-
licem successum casus aduersus deformauit. Eran fre-
quentes

gentes ades' arcis coniunctæ, arcis ipsius præsidio ab hostium impetu & incursione defensæ. In his erant variæ merces, & multiplex & pretiosa suppellex, & annona, qua milites in ea obsidione alebantur. Factum est autem, vt pueri cuiusdam negligentia, qui cum vret cubitum, candelam incensam reliquerat, vt candela in aridam materiam decideret, quæ subito ignem corripuit, & domum inflammavit. Sic autem cum omnes ades illæ essent è ligno edificatæ, & folijs palmarum contextæ, & coniunctæ factum est, vt omnes eodem incendio conflagrarent. Quauis autem iactura multarum rerum maximi pretij fuisset, nihil Præfectum aliud angebat, quàm annona penuria. Commeatum enim maxima ex parte flamma consumpserat. Nec erat spes vlla, quandiuhyems vigeat, vt aliundè posset commeatus importari. Ergo cum fames nostros opprimeret, cgebantur feles primum, mures deinde & lacertos comedere. Præfectus aliquid audendum ratus, cognatum quendam suum cum triginta viris satis acribus misit, qui in hostes improuiso erumperet, & videret, an posset aliquid cibi è castris non valdè munitis abripere. At hostes in nostros inuecti, multos conuulnerunt, ipsius cognati Ducis vultum conciderunt, & crura etiam sauciârunt ita, vt gradum facere nequiret: parumquæ absuit, quin in hostium potestatem veniret. Sed adolescentis virtute, annos nati quinque & viginti, cui Ioannes Gregorius nomen erat, fuit è medijs hostibus ereptus, & in arcem intromissus. Quatuor autem è nostris in eo conflictu cecidere. Interim per seruos transfugas fuit Rex certior factus, nostros grauisima fame premi. Existimauit igitur eam occasionem rei benè gerendæ non esse prætermittendam. Itaque in loco satis accommodato, milites in insidijs locauit, duas autem vacas propius vallum

LIBER

vallum agi praeceperat. At nostri cum vaccas cerneret, Ducis iniussu (nec enim imperio, sed fame movebantur) repente desiliunt. Qui erant in insidijs, in nostros impetu feruntur. Nostri tamen tanta virtute resistere, ut prius, quam maiora subsidia possent aduenire, vaccas per valli aditum hostibus frustra repugnantibus introducerent. Harum carnibus diebus aliquot nostri sustentati sunt. Sed his consumptis, necesse erat nostris aut ditionem facere, aut fame funditus interire. Sed ope diuina in extremo illo discrimine adiuti sunt. Mare namque ventorum flatu agitari coepit, & cum maximos fluctus eijceret, magnam squillarum ingentium vim in littus expulit, quibus nostri famem depulerunt, & agroti sanitatem recuperarunt. Sic autem factum est, ut Lusitani obsidionem per totam hyemem tolerarent. Ver autem appetebat, subsidium, cum primum mare nauigari potuisset, expectabatur. Hoc cum Regem minimè lateret, statuit, antè, quam Cochimo auxilium adueniret, totis viribus experiri, an vallum et arcem oppugnare posset. Magnam igitur classem instruxit, & duo maxima Castella super naues excitauit ea ratione, qua fuerant erecta Castella, quibus Rex Calecutiensis Paciecum euertere cogitaret. Huius apparatus indicium fuit per eundem Principem ad Praefectum repente delatum, à quo fuit admonitus, ut eam arcis partem, quæ ad mare pertinebat, diligentissimè tueretur. Erant milites, quos Rex sub signis habebat, ad quinquaginta millia. Alia namque sibi auxilia conquieserat. Vbi primum omnia parata fuerunt, cum terra & mari nostros oppugnare instituisset, factum est, ut vno tempore & clas sis eam arcis partem, quæ ad mare spectabat, cum castellis inuaderet, & magnus exercitus in vallum impetum ferret. Viring, tamen fuerunt cum magna suorum strage,

& na-

& nauium etiam iactura repulsi. Pralium fuit acerrimum, & ab exortu Solis vsque ad occasum durauit: quod tamen non humanis viribus, sed diuinis gestum fuisse constat. Cum enim maximā multitudo hostium in pralio cecidisset, nemo tamen è Lusitanis desideratus fuit. Insequente die Britius magnam tormentorum partem, quæ erant in arce disposita, ad vallum transportari præcepit, & inde ciuitatem globis ingentibus concutere iussit. Aedes quamplurimæ dirutæ fuerunt, & in his Saracenorum templum, in quod multi conuenerant, vt Mahumetem precibus fatigarent, vt illis subsidio occurreret. Tantus autem terror fuit & ciuibus & peregrinis iniectus, vt omnes à Rege contenderent, vt pacem cum Lusitanis faceret: aliter enim, se inde continuo migraturos. Quod vt vehementius agerent, fecit classis, cui præerat Tristanus Cugna, quæ tunc aduenerat: quæ opem nostris, si in maiore tum discrimine fuissent, attulisset. Pax igitur certis legibus facta fuit, ea conditione, vt tum denum rata esset, cum eam Prator Almeida comprobaret.

Quas verò res Tristanus Cugna, antequam Cananorem classem appelleret, in eo cursu gesserit, alio in loco memorabimus.

HIERONYMI
OSORII SILVENSIS
ALGARBIORVM IN LV-
SITANIA EPI-
SCOPI,

DE REBVS EMMAN-
VELIS, LVSPANORVM RE-
GIS INVICTISSIMI VIR-
tute & auspicio gestis,

LIBER QVINTVS.



V M hac in India gerebantur, in
Africa hac acciderunt. Sabin est
ciuitas in Mauritania Tingitana
sita, extra fretum Gaditanum,
ad Austrum spectans, quam At-
lanticus Oceanus alluit. Erat au-
tem sanè magna, multisq; opibus
opulenta, ad quam vndiq; mer-
catores questus gratia libentissimè commeabant. Regio est
valdè fertilis, frugibus & pecoribus abundans. Fuit au-
tem ciuitas hac longo tempore in ditione Regis Marro-
chiensis, cuius imperium maximam Mauritania partem
continebat. Sed tandem familia quedam nobilis cognomen
to Farhomia, ab imperatore desciiuit, opibusq; suis, & popu-
larium gratia freta, tyrannidem occupauit. Huius tandem
familia princeps extitit quidam, nomine Abdearus Rha-
manus, vir magni animi, & supra modum dominationi
appe-

appetens: qui, vt ciuitati imperaret, patruo suo, cui nomen erat Hamedux, qui tunc opibus & potentia multum gentilibus anteibat, vitæ per summum scelus eripuit. Deinde specie liberalitatis & humanitatis plebis animos sibi conciliauit, ita, vt ciuitatis imperium facillimè teneret. Erat autem Abdearo Rhamano filia eximia specie, quam adolescens nobilis, nomine Haliadux, non vulgari forma prædius amabat, & illius concubitu, matre puella non inuita, fruebatur. Hæc consuetudo cum fuisset ad Rhamanum delata, eo familiæ dedecore grauiter offensus, necem adolescenti afferre constituit. Quod cum Rhamani uxor atque filia suspitione assequuta fuissent, rem ad Haliaducem deferunt. Is vt Rhamani consilium præriperet, eodem Rhamano machinatus est. Re autem cum iuueni sibi amicitia valdè coniuncto, cuius fidei & audaciæ valdè confidebat, quem Iehabentafusum appellabant, communicata, vt facinus summa celeritate patraret, excogitauit. Erat autem sacrum solenne Saracenis summa ab illis religione celebratum. Rhamanus in templum profectus, per nuncium Haliaducem ad solennis precationis communionem inuitauit. Esse dicebat præterea sibi cum illo postremam diuinam de re maxima consultandum. Haliadux eo nuntio intellexit, tempus appropinquare, quo sibi erat aut Rhamani crudelitate moriendum, aut Rhamano nex afferenda. Arcessiuit igitur Iehabentafusum, & ambo cum decem viris fortibus ex gentilibus atque domesticis, qui erant conurationis participes, rectà in templum gradiuntur, & Rhamanum confodiunt. Qui Rhamanum sectabantur, vt illius necem vindicarent, se comparabant. Cum tamen viderent duodecim viros nobiles, & impigros distributis gladijs ferociter imminentes, & suspicarentur eos.

LIBER

nō sine multitudinis cōsensione tantū facinus ausos esse, se-
 que Duce, quem sequebantur, occiso, praesidio nudatos ani-
 maduerterent, repentē diffugiunt. At Haliadux & Ieba-
 bentafusus in forum se conferunt, & ibi aduocata concio-
 ne Haliadux orationem habuit, qua dixit, se meruē tyrā-
 num occidisse, qui illi insidias comparabat: neque mediocri
 beneficio ciues suos obligasse, cū hominem maleficū &
 parricidam de medio sustulisset. Fore namq̃, vt post il-
 lum diem res eorum sub benigno & moderato imperio mul-
 to magis florentes essent. Ibi tunc populi consensu (gens e-
 nim leuis & inconstans, facile in quancunque partem il-
 lam pelleret velis, inclinat) vterq; eorum ciuitatis modera-
 tioni praeficitur. Eo tempore Iacobus AZambugius praerat
 castello, quod iussu Regis Emmanuelis, vt dictum est, non
 procul ab ea vrbe extruxerat. In ea verō ciuitatis trepida-
 tione atque tumultu, tredecim Hispani captiui, nauigium
 adepti confugiunt, & ad castellum delati, statim ciuitatis
 AZambugio nunciāt. Deinde post biduum Haliadux cū
 cerneret cognatos Rhamani & amicos, qui multum in ci-
 uitate poterant, illi atque socijs perniciem moliri, ad AZam-
 bugium se confert, & ne occasionem diuinitus oblatam a-
 mittat, adhortatur. Se namq̃ perfecturum, vt ciuitas il-
 la Regis Emmanuelis imperium libenissimē subiret. Opus
 tamen esse, vt qui hoc animo essent, ope Lusitanorum aduer-
 sus hostium insidias fulcirentur. Iacobus AZambugius quā-
 uis Aphrorum perfidiam exploratam penitus haberet, cū
 tamen animaduerneret, rem in tanto tamuliu & ciuium
 dissensione in eo statu esse, vt Haliaduci atque socijs fidem
 datam conseruare valdē expediret, conditionem minime
 reiecit. In ciuitatem igitur duodecim viris nobilibus stipa-
 tus, se contulit: ibi octo dies commoratus, leges pacis scripsit,
 & fœ-

& fœdere Haliaducem & socios Regi Emmanueli deuin-
 it. Ibi verò cum indicio Abrahami Iudæi cognouisset, sibi
 perfidias fieri, in castellum Regium profectus est. Illum verò
 quatuor viri nobiles Saraceni, quorum princeps erat Ha-
 adux, prosequuti sunt, cum interim Iehabentafusus im-
 erium ciuitatis administraret. Erat autem fœdere cau-
 um, vt Mauri locum AZambugio in ea parte, qua muri flu-
 tibus alluuntur, assignarent, in quo domum magnam ædi-
 icaret: & vt ibi laxius & magnificentius habitari posset,
 arrim in muro ædibus coniunctam, & portam etiam, quæ
 mare respiceret, attribuerent. Rebus ad hunc modum
 constitutis, AZambugius cum quatuor illis Mauris in Lusit-
 aniam reuersus, Emmanueli rem totam exponit, & am-
 litudinem ciuitatis & opportunitatem loci ad bellum me-
 diterraneis Africæ regionibus inferendum explicat. Rex eo
 uncio plurimum latatus est, AZambugiumquæ in Africam
 emisit. Vt verò negotium rectius confici posset, literas ad
 Arsiam Melium, qui cum classe fretum Gaditanum te-
 gebat, vt Mauros nauigatione prohiberet, dedit, quibus
 imperabat, vt se cum AZambugio coniungeret. Is quanuis
 morbo valdè periculoso versaretur, madata tamen sum-
 ma celeritate confecit. Ad Sasinensem igitur portum se
 contulit, quò iam AZambugius peruenerat: sed omnia com-
 mutata vident. Erat ciuitas in armis: fidem datam ne-
 lexerat: multitudo nullo pacto se Christianorum impe-
 um passuram confirmabat: varij tumultus excitaban-
 er. Haliadux, qui iam in urbem redierat, & Iehaben-
 fusus in communi scelerè & perfidia conuiuebant, obli-
 quæ fœderis, erant valdè Lusitanis infesti. Ibi tunc venit
 ostris Ducibus in mentem, discordiam inter duos illos ty-
 annos artificio serere, vt viribus vtriusque partis diuisis,

LIBER

facilius vrbe potirentur. Quod quidem sic ab illis excogitatum fuit. Garsias Melius adhuc eodem morbo laborabat. Medicum igitur Iudaum ad morbi curationem ex vrbe arcessiuit. Hunc autem pecunia facile persuaferunt, vt literas ad vtrumque vrbis Praefectum perferret, ita tamen vt eorum neuter posset odorari, literas ad alterum scriptas esse. Literae autem erant scriptae nomine Garsiae Melij, quibus Haliaducem admonebat, vt insidias praecaueret. Sibi namque exploratum & cognitum esse, vitae illius insidias intendi. Adeas autem propulsandas opem suam pollicebatur, sequae officio suo minime defuturum confirmabat. Interim verò admonebat, nullas esse capitaliores insidias illis, quas imperij communio comparabat. Nam cum nulla vnquam regni societas fidelis atque firma fuisset, tum aditum ad perniciem eo faciliorem esse, quo minus suspecti fuissent illi, cum quibus societas muneris inita fuerat. Idem ad Iehabentafusum scribebat, & admonebat, vt vitam suam contra Haliaducis occultas fraudes & insidias muniret. Quoties Medicus Melium inuisebat, manum intra vestem stragulam, quae spondam contexerat, immittebat, quasi tentaret, an febris aliqua ex parte quidquam de solita vehementia remisisset. Et interim literas accipiebat, ne posset quispiam quod gerebatur, aliqua ratione suspicari. Interim verò vterque eorum clam altero gratias Melio summas agere, sequae in potestate Emmanuelis futurum polliceri, obsecrare, & orare, vt non permetteret vlllo modo, se fraude alterius interire. Hac igitur fraude contra gentem fraudis plenissimam solerter excogitata, factum est, vt vterque eorum cum sibi ab altero timeret, muniendam salutem suam contra alterius perfidiam, Lusitanorum ope cogitaret. Vter-

que igitur, altero imprudentē, Azambugium & Melium admonet, vt se in urbem conferant. Se namquē effecturum, vt breui urbem in Regis Emmanuelis potestatem redigeret. Itaque Azambugius, & Melius quinquaginta tantum militibus stipati, in urbem ingrediuntur, & ades, quæ Rhamani fuerant, quia amplæ & munitæ videbantur, & erant propius mare sitæ, sibi ad habitandum delegere. Clanculum vero varia armorum genera arcis & dolijs inclusa domum comportari faciebant. Mauri, vt est genus hominum non solum infidum, verum etiam suspiciosum, sinistra quadam suspitione tacti, non recte de nostrorum hominum sedulitate sentiebant. Ipsosq; tyrannos iam suæ leuitatis valde pœnitebat. Multaq; recte moliebantur, quibus conijci poterat, rem ab occultis insidijs ad vim apertam esse venturam. Azambugius rem omnem, in quo statu esset, Emmanueli per literas significauit. Is nullam moram interposuit, quin firma subsidia illis mitteret. Quatuor igitur naues celeteriter instruendas curauit, quibus Gondissaluum Mendesium Zacotum, virum in Africano bello exercitum, præfecit. Qui cum naues ad portum urbis appulisset, intellexit, nostros Maurorum perfidia esse in summas difficultates adductos. Nec enim Mauri in fœdere permanebant, sed multis fraudibus opus Azambugij impediabant: neque solum omnia, quæ ad ades manendas, sed etiam quæ erant ad victum necessaria denegabant: multisquē signis apparebat, eis non fraudem ad facinus, sed animum deesse. Cum nostri de vno ex tyrannis conquerebantur, is in tyrannidis socium culpam omnem conferebat. Nostri cum iam Zacoti aduentu maiores opes habuissent, confidentius in vrbe versabantur. Tyrannos igitur admonent, se minimè passuros, vt ambo simul urbem gubernarent.

LIBER

Eos namque animo inter se inimico & infesto disfidere, & virumque eorum de alterius exitio cogitare. Compararent igitur inter se, vter eorum esset ciuitatem illam Regis Emmanuelis nomine moderaturus. Illi verò cum cerne-
rent eam sibi necessitatem impositam, vter eorum eam prouinciam susciperet, haud contentiosè deliberant. Summa namque animi moderatione, quod vix credibile videretur ei, qui vtriusque mentem cognosceret, vterque eorum alteri imperium concedebat. Tandem peruenit Haliadux, vt Iehabentafusus eam ciuitatem regendam susciperet. Is autem imperij amulo amoto, multo liberius fraudes in nostros concinnabat, omni-
que ratione, vt Azambugium opere prohiberet, contendebat. Lapidem & calcem, & reliquam materiam ne quisquam importare auderet, faciebat: operarijs etiam acerrimè minabatur: & hac primum occultius, deinde multo in dies apertius & insolentius gerebat. Quod vbi Azambugius intellexit, Haliaducem, quem sciebat valde moderationis, qua facile regnum socio concesserat, pœnitere, arcessiuit: eumque admonuit, vt suorum manu comparata, Iehabentafusum ex improviso aggrediretur, & obtruncaret. Se namque opem, vbi opus esset, confestim allaturum, facturumque, vt ille solus vr-
bis imperio potiretur. At Iehabentafusus cum se armis Haliaducis peti animaduerneret, & nesciret id consilio Azambugij fieri, in ades Rhamani, in quibus arx extruebatur, se fuga proripuit. Ibitunc Iacobus Miranda, ipsius Azambugij nepos, habitabat: qui etiam cum ignoraret, eum aui consilio in illud vitæ discrimen inductum hominem, in fidem receptum ab imminente clade seduxit. Azambugius cum ab illo pœnas expetere statuisset (Maurus erat enim singulari solertia, & plurimū in dicendo valebat) mul-

tis argumentis vsus, quibus demonstrabat minimè expedire
 rebus Lusitanorum, se vita tunc temporis spoliari, ab AZā-
 bugio impetrauit, vt ei potestatem in Lusitaniam eundi fa-
 ceret, vt se Regi dederet, & fidem suam fœdere sanctissimo
 obligaret, fore, vt vsque ad extremum vitæ spiritum pro il-
 lius dignitate & amplitudine dimicaret. Quod si Rex id
 facere nollet, tum fore illi liberum, ei supplicium, quod vel-
 let, statuere. Id tandem ab AZambugio adeptus est, vt eum
 in Lusitaniam vinctum mitteret: qui tandem ab Emma-
 nuele vitam impetrauit, & præfecturam equitum, quibus
 in campis finitimis in hostes incursaret, obtinuit. Qui bene-
 ficio & humanitate Regis obligatus, ei fidelem operam in
 bello præstitit, neque aliquid in vita gessit, in quo appare-
 ret, illi fidem parum sanctam fore. At Haliadux, cui AZā-
 bugius vrbis imperium commisit, longè secus, quàm fore
 quisquam existimabat, se in eo munere administrando ge-
 rebat, multoq; insolentius, quàm Ichabentafusus nostris ad-
 uersabatur. In eo verò præcipuè neruos animi contendebat,
 ne opus institutum ad exitum perueniret. Minis fabros &
 operarijs auertebat, materiam importari supplicio propo-
 sito vetabat, & aperte odium, quo erat imbutus, operibus
 indicabat. Opus tamen paulatim ad iustam altitudinem
 perueniebat. AZambugius interim se arcem extruere dissi-
 mulabat, sed amplas ædes edificare dicebat, in quibus Chri-
 stiani mercatores merces imponerent. Fenestras autem, in
 quibus erant tormenta collocanda, luto atque tenui mate-
 ria tegebat, & tectorium calcis inducebat, ne ab hostibus
 quod in animo habebat animaduerti posset. Præterea nocte
 in muro portam aperuit, qua ex classe nostris aditus in ar-
 cem facillè pateret. Portam autem vtrinque secundum y-
 triusq; viæ latus, qua in portā ferebat, vallo munivit. Erat

LIBER

autem arx in tantam altitudinem excitata, vt facile defendi posset. Sequenti die Azambugius ex postulauit per nuncium cum Haliaduce, quòd in fœdere minimè permaneret, quòd fidem nefariè violaret, quòd iusiurandum impiè & sceleratè contemneret. Illum namque per Mahumetis legem iurasse, se omnia, quæ ad extruendas ades illas essent necessaria, largè atque munificè præbiturum: promissa verò non modo minimè conficere, sed contrà odium acerbum & immane factis expromere. Disceret igitur fidem colere, & numen caeleste reuereri, & hominum pudore ab instituto flagitio reuocari. Haliadux respondet, se valdè hominis dementiam admirari, qui non videat, se neque vnde cibum, neque aquam compararet, habere, nisi is eius copiam suppeditare velit, & tamen adeò magnificè loqueretur, quasi illi omnia, quæ ad vitam sustentandam opus essent abundè suppetere. Ad ea Azambugius respondet, Lusitanis hostium carnibus famem, & eorundem sanguine sitim explere, facillimum fore. Hoc dicto Haliadux digitum mordit. Hoc autem est apud gentem illam minationis cuiusdam acrioris indicium. Hoc vbi intellexit Azambugius, vidit opus esse festinatione, vt antequam Haliadux maiores ex pagis copias euocaret, illum opprimeret. Sed ne fidem violare videretur, si prius iniuriam asferre putaretur, quàm esset hostis iniuria laceßitus, hoc excogitauit. Maurus quidam Lanio colaphum inflixerat in macello homini Lusitano, qui erat ex Regis familia. Is apud Azambugium de illata sibi iniuria querelam habuerat. Azambugius illum, vt patienter iniuriam ferret, admonuit: sic enim temporis rationem postulare. Tunc verò, cùm illum ab Haliaduce nuncium adeò ferum & importunum accepisset, Lusitanum illum euocat, & vt Maurum, à quo fuerat affectus iniuria, intersceret,

ficeret, adhortatur, quod ut expeditius faceret, vnū ex suis domesticis illi socium adhibuit. Abierunt illi continuo, & cū in forū peruenirent, in Maurum incidūt, quem gladio trāsfigunt. Clamor confestim & vlulatus exoritur, & tumultus excitatur. Saraceni indigruunt, & Lusitanos adorūtur. Illi verò animo satus acri resistunt, paulatimq; cedunt, atq; se tādē in arcē maximo cum labore recipiunt. Azābugius suos cōtinuit. Saraceni arcem circundant, multisq; telis & iaculis in arcem missis, ut nostris perniciem inferāt, enituntur. Tandem maioribus tormentis admotis, arcē quatere instituunt. Lusitani armati vigilas agnabant, non tamen eorum quisquam telum iaciebat. Azābugius enim omnibus, ut se continerent, imperauerat. Integram noctem fuit arx summis hostium viribus oppugnata: cū tamen eorum conatus omnes in nihilum reciderent. Vbi diluxit, Azābugius primū quidem instituit, ut res diuina fieret, & nomen CHRISTI religiosa precatione propitium redderetur. Deinde admonuit, ut omnes cibum sumerent. Itaque animis religione expiatis, & corporibus cibo & potione refectionis, aciem magno silentio instruxit: & equum album sibi soli afferri praecepit. Erat enim valdē senex, & claudus. Nam cū Ioannes secundus, Regis Alfonsi filius, in bello, quod Alfonsus cum Fernando Rege Castella & Aragonia gesserat, oppidum intransstagana Lusitania prouincia, quod Alegretu nominatur, armis expugnaret, fuit Azābugius, qui tunc Ioanni acrē operā nauabat, in crure graui vulnere percussus. Is igitur solus eo die ex equo pugnauit, reliq; pedibus rē gesserut. Omnibus igitur rebus ritē paratis, cū esset meridies, eripuit Azābugius, & re inopinata magnum terrorē hostibus iniecit. Nec enim suspicari poterāt, paucos homines, quos metu exanimatos esse crediderant, in tātam

LIBER

hostium multitudinem impetum facturos. Itaque cedunt, & in templum confugiunt. Nostri eos acriter insequuntur, multosque cadunt. At postquam hostes in templo se à repentino illo timore refecerunt, pugna recruduit. Sed cum ex illis multi caderent, templum fuit ab eis alia porta fugientibus incredibili celeritate desertum. Multi tamen se in eam urbis arcem, quæ eorum præsidij tenebatur, receperunt: & inde ingenti tormento arci, quam Azambugius extruxerat, maximum damnum afferebant. Hoc cum cerneret vir quidam huius artis peritissimus, nomine Sebastianus Rodericus, cum tormentum contra disponderet, & aptissime collimaret, globus ingens per os hostilis tormenti vehementer emissus, tormentum perfregit, & eum, qui illi præerat, dilaceravit. Sic tandem Saraceni ab omni spe depulsi, se in fugam dederunt, et Haliadux in oppidum, nomine Targam, se recepit. Reliqui, qui in urbe manserunt, pacem ab Azambugio postulârunt, quam ille concessit, & leges illis scripsit, & tributum, quod quotannis penderent, imperavit. Quamvis autem non certus hostium numerus, qui in ea pugna ceciderunt, iniri potuerit, magnam tamen multitudinem fuisse constat, cum è nostris vnus tantum consideratus sit, qui erat Azambugij familiaris, qui prope illum pilæ vnus ictu concidit. Melio autem cum Azambugio minimè conueniebat. Nam vterque eorum diuersam in tuenda ciuitate sententiam ab altero sequebatur: quo factum est, vt offensus Melius in Lusitaniam rediret, & solus Azambugius Emmanuelis nomine vrbi præsetter. Attamen post urbem captam, hostes, qui in pagis habitabant, crebras in nostros excursions faciebant: sed semper fuere cum detrimento repulsi. Sic factum est, vt ciuitas illa opibus & armorum præsidij munitissima, paucorum hominum

virtute

virtute & industria, & Regis Emmanuelis felicitate, ipsius Emmanuelis imperio subderetur. Sub idem fermè tempus quo hac gerebantur, antè tamen, quàm ciuitas illa caperetur, in oppido, quod Abrantes appellatur, vbi tunc Rex Emmanuel, pestilentia Olysiptone repulsus, se tenebat, natus est illi nonis Iunij, Anno à CHRISTO nato. M.D.vij. ex uxore Maria filius, cui Fernandi nomen inditum fuit. Valuit autem multum ingenio: fuit in antiquitate peruestiganda valdè curiosus: maximarum rerum studio flagrabat, multisq; virtutibus illo loco dignis præditus erat. Qui tamen in iuuentutis flore immatura morte sublatus est. At Emmanuel cum nullo modo studium Indicarum rerum intermitteret, sedecim in Indiam naues comparauit. Quatuor ex illis Iacobum Siqueiram præfecit, quem iussit ultra Gangem nauigare, & auream Chersonesum petere, situmque ciuitatis opulentissimæ, quam Malacam appellant, celeberrimum Orientis emporium, explorare. Mandauit præterea, vt in cursu insulam Sancti Laurentij perlustraret, quam audierat esse & amplissimā, & multis rebus abundantem. Cum hac classe Siqueira Olysiptone profectus est nonis Aprilis, Anno à CHRISTO nato. M.D.viiij. Duodecim verò nauibus præfuit Georgius Aquilaris. Huic imperauit, vt cum quinque nauibus promontorium, quod appellant Guardasum, ea parte, qua ab Austro ad Septentrionem in introitum Arabici sinus inflectitur, peragraret, & maria illa specularetur, vt naues, quæcunque ex Arabia in Indiam nauigarent, interciperet. Septem verò naues, reliquæ certis Ducibus attributæ sunt: è quibus vnus fuit Franciscus Percira Pestana, qui iussus erat arci Quiloensi præesse. Alij præterea (Tristanus is Syluius appellabatur) dedit in mandatis Emmanuel, & cum duabus triremibus ex India in

LIBER

dia in Guardafuense promontorium nauigaret, & se cum
 Aquilari coniungeret. Hac classis soluit Olysippone eodem
 mense, quinque diebus postquam prima classis vela dederat.
 Eam verò tempestas subito coorta disiecit, & malum naui,
 cuius Pestana nauarchus erat, perfregit, & armamenta dis-
 sipauit, ita, vt cogерetur Olysipponem reuerti. Vnde refecta
 naui decimo quarto kalen. Iunij rursus profectus est. Is im-
 peditus hyeme, Quiloam peruenire non potuit, & in insulis
 citra Mozambiquem sitis hyemauit. Nauarchi qui erant
 in Indiam profecturi, varijs casibus agitati, Cochimum
 tandem delati sunt. Aquilaris autem naufragio perijt. O-
 doardus Lemius vnus ex nauarchis, qui erat Aquilari san-
 guine coniunctus, cum naues ad Mozambiquensem portum
 appulisset, inde discedere noluit, antequam de Aquilaris
 vel salute vel exitio aliquid certi cognosceret. Cum verò
 multis argumentis perspectum fuisset, Aquilaris nauem fra-
 ctam, atq; dissipatam, & fluctibus oppressam extitisse (in eo-
 dem enim cursu multa naui lacerata fragmenta, cum dolijs
 & instrumentis nauticis apparebant) nauarchorum om-
 nium communi consensu statutū est, vt Lemius in locum il-
 lius succederet. Itaq; cum primum per anni tempus licuit,
 Pestana, qui iam se in eandem insulam Mozambiquensem
 contulerat, Quiloam recta contendit. In illius nauem Le-
 mius conscendit, suam verò Vasco Sylueira concepit, & ita
 in promontorium Guardafuense cursum tenuerūt. Petrus
 Ferreira Fogaza, qui arcem Quiloensem cum imperio te-
 nebat, Melindem, sic enim iussus erat, profectus est: & ibi
 tandiu constitit, quandiu per anni tempus nauigare non po-
 tuit. Cum primū verò tempestas secūda fuit, se se ad Lemium
 aggregauit. Lemius igitur cum classe septem nauium Zaco-
 toram cursu petijt. Regiones autem regum, qui erāt stipen-
 diarij.

diarj, circūuectus, tributa collegit: & cū aliqui tributum imperatum pēdere recusarent, eos bello domuit. Magadaxum oppugnare cū vellet, propterea quod vidit ciuitatē esse situ & natura munitissimam, & stationem nauium parū tutam, & aditum ex mari in urbem difficillimum, de nauarchorum omnium consilio ab ea mente destitit. Ibi cū in anchoris consisteret, vigilum negligentia factum est, vt nauigij, cui praeerat Georgius Quadra, anchoralia praeiderentur. Aestu porro vehementissimo delatus, tantum maris transmisit, vt cū milites atq; nauta de somno suscitarentur, non possent, in qua tunc regione versarentur, vlla ratione conijcere. Ergo tantisper remis nauigium inhibueredum exortu Solis tenebra dispellerentur. Cū verò neque sic possent, quam regionem praterueherentur, agnoscere, se ventis agi permisere. Sic in Zeila portum, qua ciuitas non procul abest ab ore & introitu sinus Arabici, & ad Aethiopiam pertinet, delati sunt: atque ita factum est, vt omnes à Saracenis, qui eam ciuitatem incolebant, caperentur. Lemius à conatu, quo Magadaxum oppugnare constituebat, depulsus, in Zacotoram venit, atque ibi Petrum Fogazam in arcis praefectura constituit. Qua deinde Lemio acciderint, alio in loco referemus. Nunc quae Tristanus Cugna gesserit, explicanda sunt. Classis illi commissa erat vndecim nauium. Alias praeterea quinq; naues instructas Emmanuel Alfonso Albuquerque permisit, quem voluit, vt postquam Almeida muneris sui definitū tempus expleret, Praetor Indiā cum imperio teneret. Cugna cū hac classe in Mozambique puenit mēse Decēb. Ibi propter hyemē hybernare coactus fuit. Aliquae tamē naues ab illo tēpestatibus seiūctae, minimē cōparuerunt. Alfonsus namq; Lupius Costa nauarchus Zofala portū subierat. Lionelus Coutignus se Qui-
loam

LIBER

Ioam receperat. Alvarus Tellius in promontorium Guarda-
fuense maximo cum periculo delatus exiit. Ibi cum se
à iactatione refecisset, prædas è Saracenis egit, quibus cum
militibus suis ditatus est. Postea verò Zacotoram petijt, ut
se cum Tristano Cugnac coniungeret. Rodericus Pereira
Coutignus tempestate similiter agitatus, in sinum insulae S.
Laurentij introiit: quem sinum propter illius amoenitatē,
pulchrum appellavit, quod adhuc nomen obtinet. Ibi cum
decem & octo adolescentes lintre inuecti ad nauem illius
accederent, eos benignè accepit, & vestibus donauit: & cū
reliquos dimisisset, duos muneribus allectos retinuit, quos
ad Cugnā in Mozambiquem perduxit. Cū Cugna
multa de insula huius magnitudine percipisset, & nondum
tempus esset idoneum ad iter Zacotoram versus suscipien-
dum, re prius cum Alfonso Albuquerque communicata, in
eandem insulam nauigare constituit, ut mores gentis, & in-
stituta, & telluris etiam amplitudinem, & fertilitatem a-
liqua ex parte oculis vsurparet. Duxit autem secum Alfon-
sum Albuquerque, & Antonium Campensem, & Emma-
nuelem Tellium, & Franciscum Tauoram, Ioannem Go-
mecium Abram, & Rodericum Pereiram Coutignum, &
Tristanum Aluarum. Reliqui autem nauarchi cum nau-
ibus suis in Mozambique relictī sunt. Cū verò ad aliquot
portus appulisset, & in terram descendere vellet, fit à cō-
fertis incolis aditu prohibitus: quos tamen magna cade per-
territos, in fugam coniecit. Oram deinde omnem, quae ad
Aethiopiam spectat, perlustrauit. Cū verò promontoriū,
quod pertinet ad Occasum, flecteret, & totam insulam cir-
cumuehi cuperet, ut eam etiam partem, quae pertinet ad
Austrum, cognosceret, ingenti tempestate impeditus est, quo-
minus id, quod conabatur, efficeret. Ea tempestate nauis

Rodericus

Roderici Pereire ad vadum allisa, demersa est, maximaq;
 pars hominum, quæ illa vehebatur, interijt. Cugna rece-
 ptui signum dedit, & in Mozambiquem reuersus est. At Io-
 annes Gomecius Abraus cum ea tempestas excitata fuit,
 iam insula promotorium superauerat. Cum verò oram Au-
 stralem legeret, in fluuium incidit regionis illius insula, quæ
 Mataranam nominant. Ibi vt aquationem faceret, consiste-
 re in animum induxit, cum repente multi lintribus inue-
 cti, nauem circundant, nutibus hominem per benignè salu-
 tant, pisces recentes offerunt: radices, quibus gens alitur,
 & arundines, è quibus saccharum exprimitur, munificè
 præbent: omnia denique signa singularis humanitatis osten-
 dunt. Ea gentis facilitate nauarchus allectus, magistrum na-
 uis iubet in lintrem descendere, vt videat (erat enim mul-
 tarum linguarum peritus) an posset cum illis sermonem con-
 ferre, & simul admonet, vt aliquot homines muneribus de-
 finitos in nauē conscendere persuadeat. At illi vbi primū
 magistrum acceperunt, tanta celeritate lintrem remis ege-
 runt, vt se intra breue spatium è nostrorum conspectu pro-
 piperent. Hoc cum ex improviso accidisset, Nauarchus sca-
 pham in mare demittere iussit, & in ea tormenta dispo-
 ne, & cum viginti & quatuor hominibus in eam defiliuit,
 vt lintres sequeretur. At cum terræ appropinquaret, cernit
 eursus eosdem lintres cum magistro scapham versus sum-
 ma securitate nauigare. Magister autem nutibus admone-
 at, ne quid hostile molirentur: gentem esse benignam &
 hospitalem. Cum autem ad scapham peruenit, narra-
 uit se fuisse ad Regem perductum, qui eum fuerat singula-
 ri humanitate complexus, illumq; præterea torque argen-
 teo, & armillis atq; annulis argenteis donârat, statimq; re-
 miserat, vt nomine suo nauarchum precaretur, ne vellet

LIBER

congressum hominis illius cupidissimi fugere. Se namq; illius gratia omnia, quæ nauarchus ipse vellet, libentissimè facturum. Hac specie humanitatis inuitatus nauarchus, in terram descendit. Rex in littus contenderat, & vt hominem omnibus amoris signis sibi egregiè deuinciret, summa ope nitabatur. Conuiuium instructum de more gentis ita fuit, vt nihil, quod tellus illa ferret, desiderari posset. Sermo præterea multa iucunditate conspersus. Sol iam præcipitabat, & nauarchus scapham repetebat, cum subito immanis quædam tempestas exorta fuit: caligo densissima lucem eripuit, & ingentes fluctus eieci sunt, quibus impeditus nauarchus, in nauem redire non potuit. Ea tempestas quatuor diebus terram illam tenuit, cum mare iam esset tranquillum. Qui erant in nauis, suspicati fuerant, nauarchum manum cum gente illa magistri gratia conseruisse, & in eo prælio cecidisse. Quomodo enim fieri aliter potuisset, vt is tandiu in terra incognita versaretur? Aut suos diuturna solitudine distineri sineret? Quibus epulis, aut lenocinijs à gente barbara & inculta inuitari potuit? Sed sic fuit, inquit, magistrum, vt sibi redderetur, postulauit: illi postulata repudiarunt. Is iniuriam armis vlisci voluit, & à circumfusa multitudine interfectus est. Quid igitur faciemus? Expectabimus dum nauis tempestate rursus excitata ad littus alidatur, & omnes siue in mari fluctibus, siue in terra furentium hominum manibus fœdè pereamus? Hac cum secundo reputarent, vela fecerunt. At nauarchus scapha per oras illas circumuectus, cum nauem minimè reperiisset, ad Regem redijt. Rex illum valdè amanter excepit, omnibusq; modis expertus est, an posset hominem ab ea mœstitia qua miserrimè premebatur, auocare. Sed frustra conatus est. Ille namque cum se videret in illa vastitate relictum, & omni spe patriæ

patriam redeundi omnino destitutum, & gentis victum & cultum aspernaretur, omne solatium respuebat, & se lacrymis & lamentis dedebat: atque ita tandem mœrore contabuit. Similiter octo illius comites dolore confecti, è vita cum multis gemitibus excessere. Reliqui scapham resecerunt, & multum sui desiderium Regi, vt apparebat, relinquentes, inde profecti, cursum in Mozambiquem tenuerunt. Incidentes verò in nauem, cui Lucas Fonsæca præerat, quæ in Zofalam nauigabat, ab illo excepti, & in Mozambiquem deducti sunt. Locus autem postulat, vt huius insulae situm, & variarum gentium, quæ eam incolunt, mores & instituta, & telluris etiam naturam aliqua ex parte referamus. Insula à nostris insula Sancti Laurentij nominatur, eò quòd die Diui Laurentij memoriæ consecrato fuit à Lusitanis cognita. Patet in longitudinem circiter mille atq; ducentis milliarijs: in latitudinē verò quadringentis & octoginta. Est varijs regnis distincta. Regionis mediterraneæ cultores simulacris dediti sunt: q; oras maritimas incolunt, maxima ex parte Mahumetis sectā sequuntur. Partim nigri, partim colorati, breui aut & crispo capillo sunt. Dittiores vestibus gosipinis amiciuntur: tenues verò pudenda tantum gosipina veste contegunt. Licet eis tot vxores ducere, quot eis libuerit. Regio est singulari fertilitate prædita. Fontes habet quamplurimos, & aquas dulces atq; perennes. Est præterea densis syluis atq; nemoribus culta. Abundat multū piscatu, venatu, & aucupio, variasq; fruges modica cultura adhibita profundit: multiplicesq; radices, quibus homines vice panis vtuntur, effert. Citreis malis, & alijs arborib. odore miro redolētibus vestita est. Arūdines innumerae, è quib. saccharū vel natura instillatur, vel artificio exprimitur, in ea pueniūt. Zingiber passim effūdatur quo qdē

L I B E R

viridi vefcuntur: ficcum conferuare nefciunt. Habent argenti metalla quamplurima. Gens eft natura simplex, & ad humanitatem propenfa. Artificio nauigandi carent: lintribus tantum gratia pifcationis vtuntur. In praelijs non alijs armis, quam leuibus iaculis vtebantur, fed nunc Lufitanorum vfu & confuetudine melius armati in aciem prodeunt. Et hac quidem de infule fitu & natura, & gentis moribus, fatis effe dictum, quod ad praefens institutum attinet, opinor. At Triftanus Cugnaprimum e Mozambique Melindem contendit, & cum Rege amanter collocutus, munera, quae Rex Emmanuel ei dono miferat, cum honorifica amicitia fignificatione detulit. Ei deinde tres homines tradidit, e quibus vnus erat Lufitanus, nomine Fernandus Gomecius Sardus: alter natura Maurus, qui tamen Chriftiana religionis facris erat initiatus, cui nomen erat Ioannes Sanci: tertius vero fuit Saracenus quidam Tunete oriundus, qui Mahumetes appellatur. Hos autem mittebat Emmanuel cum literis ad Aethiopia Regem, quem noftri fatis imperite Ioannem presbyterum nominabant. Hos Rex Melindus in fidem recepit, vt inde in Aethiopiam, quae fupra Aegyptum eft, ipfius Regis fide deducerentur. Hac vbi mandata confecit Cugna, in Hoiam urbem a Melinde octoginta millia paffuum diftantem, quae bellum cum Melindio gerebat, inuectus, eam cepit, diripuit, & incendit, multosque Saracenos occidit. Inde in aliam delatus urbem, quae inde fexaginta paffuum millia aberat, eam, cum armis nollet refiftere, Regi Emmanueli fubdidit, & ei tributi nomine certum auri pondo, quod fingulis annis penderet, imperauit. Inde vero in aliam fe contulit urbem, muris & moenibus egregie munitam, celebre regionis illius emporium, nomine Brauam. In illius portu cum claffem conftitueret, ad ciuita-

tis Principes Lionelium Coutignum misit, qui illis Emma-
nuelis nomine pacem offerret, eosq; ad communionem fœ-
deris inuitaret. Illi simulabant à fœdere haudquaquam ab-
horrere, id tamen differebant, atq; procrastinabant. Solet
enim illis temporibus ventus quidam vehementissimus inci-
tari, qui naues omnes, quas in portu illo reperit, afflictat:
atque tandem ad vada vehementer allisas effringit. Hanc
malitiosam calliditatem cum argumentis Cugna explora-
ret, urbem oppugnare constituit. Ante solis exortum copias
in littus exposuit, duplicemq; aciem instruxit: primam a-
ciem, in qua erant quadringenti milites, Alfonso Albuquer-
cio attribuit, ipse secundam aciem, in qua erant sexcenti
milites, ducebat. Erat in ciuitate prasidium: quod quatuor
hominum millia continebat. Duo millia ex vrbe confestim
egressa, nostris occurrunt. Fit atrox praelium. Nostri tamen
eos grauiter vrgent, & cedere compellunt. Illi tamen ordi-
ne minimè turbato se in urbem recipiunt, & absq; vlla tre-
pidatione portis occlusis Lusitanorum impetum retundunt.
Nostri bifariam diuisi, in varias partes, vt videant, sitne ali-
quis in urbem aditus, discurrunt. Hostes interim missilibus
& facibus in nostros è muro coniectis pugnabant. Tandem
cum Alfonsus Albuquerque locum immunitum reperisset
(pars enim muri ea parte vetustate collapsa fuerat) in vr-
bem inuasit. Hostes conferti se in eam partem contulerunt,
& maxima armorum contentione in extremo salutis discri-
nine restiterunt. Vtrinque fuit impetu satis acri dimica-
tam, donec Cugna accessit. Illius aduentu hostes se in fugam
dederunt. Nostri illos insequi parabant, quod tamen Cu-
gna prohibuit. Vrbs spoliata fuit, ingensq; præda in naues
imposita: multi ex hostibus occisi, multi etiã capti sunt: ma-
ximam tamen parti libertas donata. Ex nostris quinquagin-

LIBER

ta desiderati sunt, & multi grauitè sauciati. Duodeviginti homines auaritia cecati, tantum in scapham quandam onus imposuerunt, vt scapha demersa omnes interirèt. Scapha tamen illorum pondere leuata, rursus emerfit. Tanta verò fuit in militibus rusticanis immanitas, vt ne quidquam illos à prædandi studio remorari posset, manus mulierum multarum præciderent, quò minore labore illis annulos & armillas detraberent. Id tamen malum Cugna, ne vltius progredieretur, maxima pœna constituta prohibuit. Vrbis verò flammis coniectis, incendio, hostibus è propinquo intuentibus, valdè miserabili conflagrauit. Inde Magadaxū contendit, & Lionelum Coutignum in urbem misit, qui similiter atq; Braua fecerat, pacem & amicitia fœdus ostenderet. In litore equites cataphracti discurrebant, muros armatorum præsidia vinciebant: alij verò extra muros cum armis inambulabant: omnia denique bellum horribili specie minitabantur. Coutignus ante quàm in terram descenderet, vnum ex captiuis, qui Braua capti fuerant, in terram exponendum curauit, vt hominibus, se non bellum, sed pacem nunciare significaret. Illi verò captiuum in Coutigni conspectu dilacerant, deinde Coutigno, si in terra pedem ponere ausus esset, idem se facturos minabantur. Coutignus ad Cugnam redit, & hostium ferociam atq; minas exponit. Cugna urbem aggredi voluit, sed à reliquis Ducibus, & à nauium magistris admonitus, id certamen omisit. Vt enim exitus difficillimos, & stationem periculosam & infestam, & vrbis mœnia valdè munita, & militum copiam, quæ urbem tueri poterat, omittam, hyems instabat, & naui grandi tempus effluebat, ita vt, si vrbis non vno impetu caperetur, maximum classi periculum cum summo dedecore Ducis, & interitu exercitus immineret. Inde igitur in Za-

cotoram properauit, ad quam intra breue tempus naues incolumes appulsæ sunt. Hæc insula suspicantur multi eam esse, quam olim Dioscoridem appellabant, quæ ad Prasum promontorium spectat. Est autem varijs montibus distincta: abundat varijs fructibus & oleribus. Homines sunt colorati. Se Christianos esse profitentur. Templamore nostro cum altaribus ædificant. Cruces tantum habent in ipsis altaribus statutas: imaginibus non vtuntur. Dies ieiunijs dedicatos, de Christianæ religionis more, singulari ciborum abstinencia obseruant. Nec enim illis, cum ieiunant, pisces edere licet. Vnam tantum vxorem ducunt. Eosdem festos dies, quos nos agimus, & ijsdem temporibus celebrant, & diuorum etiam memoriam sanctè colunt. Decumas frugum & fructuum sacerdotibus integrè persoluunt. Nauibus carent. Sunt disciplinarum prorsus ignari, vsq; adeò, vt cum Christianum nomen retineant, Christianæ religionis imperiti sint. Ignauia & otio torpent: animo demisso & abiecto sunt, vsq; adeò, vt sine vlla recusatione paucis Saracenis obtemperent: & cum impotenti ab illis tyrannide vexentur, nullam tamen pro libertate dimicationem subeundam existiment. Rex Caxemi (est autem ea regio felicitis Arabia, quæ Oceanus desinit) eam tunc durissimo dominatu oppressam tenebat, et vt illis spẽ recuperandæ libertatis adimeret, arcẽ non procul à littore extruxerat, multisq; presidijs & bellicis instrumentis egregiè munierat filiumq; suum iuuenem acri animo pradiu, eidẽ pfecerat. Hæc Cugna expugnare statuit, vt Christianos incolas ea tyrannide liberaret. Primũ tamẽ Abrahamũ (sic enim adolescẽs ille regi appellabatur) plegatũ admonuit, vt è regione, in quã pater illius nullo iure armis inuaserat, confestim excederet, & arcẽ sibi omni p̃sidio nudatã traderet. Abrahamus respõdit, se patris sui impe-

LIBER

vium reuereri, aliorum verò Principum iussa pro nihilo putare. Ad bellum igitur se pararet. Rem enim non verbis, sed armis esse gerendam. Cugna omnia, quæ ad oppugnationem necessaria videbantur, impigrè comparat. Atq; altitudinem maris ea parte, qua facilius in terram aditus fore videbatur, explorat. At Abrahamus ea nocte locum munivit, præsidiaq; in vallo disposuit, quæ nostros aditu prohiberent. Cugna duplici acie instructa, cum primum diluxit, ad littus accessit. Primum agmē ipse ducebat, postremum Albuquerque commiserat. At cum Albuquerque cerneret, alium aditum propius arcem, qui pridie propter salum multo periculiosior apparebat, esse tunc valde tranquillum, ut hostes anticipiti prælio distineret, ad eam partem scaphas agminis sui remis incitari iussit, & ita sine ullo impedimento copias suas in terra constituit. Id cum minimè Cugna cerneret, palmetum versus contra Abrahami præsidia celeri remigum contentione inuectus est. Id conspiciatus Abrahamus, ut subsidio illis occurreret, qui erant in vallo, ex arce festinanter egreditur. Sed cum eos, quos Albuquerque agebat, in terra conglobatos animaduerneret, ad eam partem se contulit, è qua maius sibi periculum intendi perspexit. In illius agmen Albuquerque armis egregiè tectus inuasit. Alfonsus Norogna, qui vnus erat ex Ducibus, quos Albuquerque ducebat, in Abrahamum impetum dedit, & hostes retrocedere compulit. At Abrahamus, ut illius copia tuto se se in arcē reciperet, nostrorum agmen animo maximo sustinebat, & virtutis militaris mirum specimen exhibebat: tandem à reliquis destitutus, octo tantum militibus stipatus, ne inultus caderet, facinora memorabilia in nostros edebat. Hac cum Norogna cerneret, ut cum illo manum consereret, accelerauit. Nimis acre certamen inter duos illos Duces institutum, breui spatio

tio finitum fuit. Lusitani namq³ hostes circundederunt, qui quidem animo fortissimo in extremo vita discrimine resistentes, concisi vulneribus conciderunt, ita tamen, vt multos è nostris grauitè sauciarent. At Cugna interim cùm in terram ea parte, quam oculus antè designârat, desiliret, ij qui erant in munitione dispositi, illum aditu telluris arcere conabantur. Sed cùm maxima vi repressi fuissent, in arcem se recipere voluerunt: nostri illos insequuti sunt. Cùm ad arcem propius accessissent, qui erant cum Albuquerque eos exterritos in effusam fugam compulerunt. Pauci tamè ex illis in arcem recepti sunt. Cugna eos qui fugerant, persequi minimè voluit. Nihil enim arcis expugnationi auertendum arbitrabatur. Itaque nostri continuò iussu illius ad arcem accedunt, vt portas perfringerent. Arbitrabantur enim hostes exanimatos metu, non valdè eorum impetum repressuros. Quod longè secus euenit. Hostes enim missilibus & saxis è turribus Lusitanos vulnerabant: Albuquerque lapide coniecto ita contuderunt, vt diu vocem mittere non posset. Cugna hoc animaduertens, signum receptui dedit, & vnum tormentum è classe, & scalas importari iussit. Tormèto autem portas dilacerare, & scalas mœnibus admoueri præcepit. Hostes cùm portas effractas cernerent, & se minimè posse Lusitanorum impetum, qui iam ingredi parabant, vlla ratione propulsare (pauci namq^{ue} reliqui erant, qui arcem tutabantur) se in arcis turrim munitionissimam receperunt. Nostri portis effractis in arcem se contulerunt, & turrem aliam occupârunt: ad eam tandem, quæ maiore virtute defendebatur, accessere. Hostes tam acri animo turrim morte proposita tuebantur, vt Cugna molestissimè ferret, homines adèd fortes interire. Itaq³ illos per interpretem admonuit, se libenter misericordiam

L I B E R

eorum virtuti tributurum, libertatemq, daturum, si se dedere vellent. Illi verò mortem honestam deditiōi, quàm admodum turpem opinabantur, facillimè prætulère. Turris igitur cum eorum omnium strage, qui erant in presidio, capta fuit: vnus tantum, qui erat optimus nauium magister, reseruatus est. E nostris octo desiderati, & quamplurimi vulnerati sunt. Arce ad hunc modum capta, Cugna oppidani incolas admonuit, se, vt illos in libertatem vindicaret, iussu Regis Emmanuelis in eas oras peruenisse. Indignum namq, clarissimo Principi visum fuisse, gentem Christianam Saracenorum superbissimum dominatum tandiu pati. Oppidani gratias agere, manus in calum tendere, clamores lætitiæ significantes emittere, omniaq, felicia & fausta Emmanuel precari. In templum inde, in quo Saraceni sacra impura è Mahumetis disciplina procurabant, Cugna cum Lusitanis omnibus se contulit, in eoq, sacris expiato, res diuina singulari caeremonia atq, sanctitate facta fuit. Cugna arcem multorum operis multò melius munitam Alfonso Norognæ, vt ab Emmanuele iussus fuerat, commisit. Inde verò decimo die Augusti, anno. M. D. vij. in Indiam transmisit, & cum ad Cananoris portum naues, vt iam superius exposuimus, appulisset, pax cum Rege Cananoris facta fuit. Deinde Cochimum delatus, ab Almeida Prætoris fuit satis honorificè & amanter exceptus. Non multis post diebus cum Almeida intellexisset ad portū Pananis (est id oppidum magnū ad ditionem Calecutiēsis Regis pertinens, à Cochimo Septentrionē versus supra quinquaginta millia passuū distans) Arabū onerarias naues consistere, & cū ijs classem Calecutiensem, armis, & telis, & militibus instructissimam, vt naues amicas tueretur, cui præerat vir impiger, Cutialis nomine, multū in bellicis rebus exercitus, cū ea in ipso

in ipso portu cōfligere statuit. *Tristanus* *Cugna* opẽ suã pol-
licitus, illi se comitem admodum libenter adiunxit. Itaq;
duodecim nauibus instructis *Almeida* *Pananem* contendit.
Ibi ex captiuis, quos in portu cepit, cognouit naues nondum
in alium deductas, sed esse secũdum fluiũ in statione collo-
catas. *Cutialem* prater ea iuxta fluij ipsius ostiũ vtraq; ex
parte stationes vallo muniuisse, & tormenta in ijs cum va-
lida manu militum disposuisse. Oppidum etiam presidijs et
munitionibus cinxisse, & habere sub signis supra quatuor
millia hominum fortiũ, partim ex *Arabia*, partim ex *Nai-
ribus*, qui stipendijs *Calecutiensis Regis* alebantur. *Almei-
da* Septingentos tãtũ *Lusitanos* eduxerat. Cum hac au-
tem manu hostes hoc ordine aggressus est. Ducem *Petrum*
Barretum nomine in scapha pramisit (nec enim naues ma-
gnæ, neq; triremes, eò quòd æstus decesserat, poterant in flu-
uio nauigare) qui in hostiles naues inueheretur, & is trigin-
ta viros secum duceret. Hunc verò sequeretur *Iacobus* *Pe-
treius* cum alijs triginta militibus, qui in stationem, quæ p-
pe fluminis ostium, vnde maius periculũ imminebat, inua-
deret. Post hos *Laurentius Almeida*, & *Nonius Cugna* *Tri-
stani Cugna* filius, scaphis similiter inuecti eundem cursum
tenerent: hos autem alij Duces sequerentur. Postremum
agmen *Almeida* & *Cugna* duabus triremibus cogeret. Po-
stridiẽ prima luce hoc ordine in fluiũ ingressi, ad hostes ap-
propinquarũt. *Almeida* tãtũ & *Cugna*, propterea quòd
nondũ æstus accesserat, in fluminis ostio cōstitere. Hostes tor-
mentis & iaculis ignitis nostros obruere impetu maximo
conabantur. Nihilò tamen secius nostri satis intrepidẽ pro-
gressi sunt, & per flammæ atq; tela ruebãt. *Barretus* cũ
ad naues, vt erat constitutũ, festinãter accederet, et in terrã
desilire conaretur, triginta *Saraceni* capitiibus & mentis
abra-

LIBER

abrasis in eum impetum tulerunt. Erat autem abrasio illa deuotionis indicium, qua sibi diras horribiles imprecabantur, si è pralio nisi victores excederent. Vt autem postea cōpertum est, fuit tunc deuotorum magna multitudo, quibus erat neceffe, aut hosti vitam eripere, aut in certamine mortem oppetere. Sic igitur multò atrocius pralium, quàm pro hominum multitudine commissum repentè fuit. Similiter Iacobus Petreius cùm ad locum, quo erat iussus accedere, se conferre voluisset, à Saracenis eadem religione constrictis exceptus fuit. Cutialis verò subsidia suis submittebat, & certamen summa vtrinq̃e contentione miscebatur. Pralio ad hunc modum commisso, Laurentius Almeida cum suis copijs aduenit, & inuitis hostibus in terram desiluit, ita tamen vt multi ex nostris grauissimè sauciati illum sequerentur. Nostri tamen cum acrius institissent, hostes paulatim cedere cogerunt. Laurentius securi cùm sex ex hostibus interimisset, in admirationem sui multos cōuertit. Erat enim corpore procero, & specie liberali magnisq; viribus praeditus, & quocunq; se tulerat, hostibus terrore inijciebat. Quidam tamen ex deuotis in eum fidèter inuasit, & illi in brachio vulnus inflixit: qui tamè cum reliquis deuotis occubuit. Nonius item Cugna cùm Barretum sequeretur, strenuè dimicauit, & igne nauibus implicuit, quo decem & octo conflagrârunt. Dum aut certamen extraheretur, adueniēs aestus effecit, vt triremes facillimè nauigarent. Almeida igitur (Tristanus enim Cugna morbo impeditus in terram descendere nequiuit) cum regio vexillo in terrâ descendit, vt suppetias suis afferret. Illius aduentu hostes in fugâ conuersi sunt. Almeida illos insequutus est vsq; eò, dum Panani appropinquaret. Ibi continuò oppidū cōiectis vndiq; facibus inflâmari praecepit. Quod quidè nō solū hostibus spectaculum

culum miserabile praeiuit, sed Lusitanis militibus facinus indignū visum fuit. Erat enim oppidū multis opibus repletum, ē cuius praeda nostri ditari facillimē potuissent. Nunquam ne, dicebant, erit aliquod premiū militū virtuti persolutum? Malē profecto de suo fortibus hominibus largietur, qui eos ne de praeda quidem hostiū quidquā lucrari permittit. Nō intelligit praeterea, premijs virtutē militārē incendendi, illiberalitatis autē significatione restringi? Quis illū posthac libetē sectabitur, cū viderit eos, quorum virtute gloriam sibi ex victorijs comparat, in mendicitate versari? Haec milites & alia eiusmodi iactabāt. Almeida tamē non is erat, qui militū cupiditatem, sed rationem & cōsiliū sequeretur. Videbat quantū periculū impenderet, cū hostes non procul abessent, si nostros praeda cupiditate dissipatos, & oneribus impeditos ex improviso adorirentur. Intelligebat etiā, quam subito posset manus hostiū maxima comparari, cū omnes Calecutiēses milites, qui totam illā regionem occupauerāt, sint ad repētinōs casus expediti, qua posset parta victoria de manibus extorqueri, & nostris ingens calamitas importari. Ex hostibus ter centū cecidēre: nec enim nostros eos longius, quā securitatis ratio flagitabat, insequi cōcessum fuit. E nostris duodeuiginti cecidēre, multi praeterea vulnerati: tormēta omnia, quae fuerant à Cutiali in stationibus collocata, in naues imposita sunt. Sic autem re benē gesta Almeida se Cananorē contulit, atq; inde Trīstanū Cugnā cum quinq; nauibus onustis in Lusitaniam dimisit. Anni autē insequētis principio cū Almeida semper aliquid gerendū arbitraretur, ne nostri segnitie languescerent, aut hostes animos à timore rescicerent, Laurentiū Almeida cum octo nauīū classe misit, qui orā maritimā pararet, & Saracenos omnibus incōmodis affligeret. Is igitur

LIBER

tur eductis in altum nauibus, in multos portus inuasit, multis hostium nauibus inflammationem intulit, & in Chaulistadem portu classem collocauit, vt ibi naues, quæ erant è Cochimo profectura, quas ipse tuendas susceperat, opperiretur. Est autem ea ciuitas opulenta, ad Septentriones spectas, regno Cambaia, quod Indus interfuit, finitima. Hic cum in anchoris cõsisteret, accepit, Campsonem Aegypti Imperatorem magnam classem magnis praesidijs & munitionibus ornatam & instructam in Indiam misisse, vt Lusitanos euerteret. Hanc classem, non solum vt sibi illatam iniuriam vindicaret, sed etiam vt Regibus Calecutij & Cambaia satisfaceret, comparauerat. Erant enim hi Reges cum illo fœderati, et vterque eorum ab eo per literas contenderat, vt gentem Mahumetanis moribus & institutis infensam, quæ tyrannidem occupare in India nitebatur, extinguendam atque delendam susceperet. Id autem facillimum fore. Nam præterquam quod Sultanus ipse maximas opes haberet, virisque in bello fortissimis vteretur, illos officio suo minime defuturos, & conuentis viribus effecturos, vt genus illud hominum, quod tantum malorum Indicis rebus inuexerat, de medio tolleretur. Sultanus eam classem instruxit, quam satis esse suspicatus est, ad Lusitanos funditus euertendos. In hac classe misit multos ex illis, quos olim, dum illud imperium vigeat, Mamelucos appellabant: qui in pueritia à Christianis parentibus per vim abducti, & Mahumetanis institutis imbuti, & armis diligenter exerciti, bellicæ disciplina laudibus excellebant. Hos Indi, Rumes, hoc est, Romanos vocabant. Nam cum ex antiquis monimentis accepissent, quantum Romanum imperium reliquis gentibus militari gloria præstitisset, cum primum in Indiam hi Lusitani milites inuecti sunt, eorumque robur, & in re militari disciplinam & industriam

dustriam percepissent, Romanos esse iudicârunt. Quemadmodum postea cum Lusitanos animaduicerent eadem propemodum disciplina bellicas res administrare, Francos nominârunt. Francorum enim nomen ex eo tempore, quo Ierosolyma Duce Gothifredo capta est, per omnes Solis orientis regiones maxima cum gloria peragatâ fuit. Classis igitur huius magnitudo, & militum etiam fortitudo Indorum animos variè commouerat. Qui Lusitanos odio persequiebantur, spe victoria elati, vehementer efferebâtur: qui nostris fauebant, erât animo suspensi, & metu valdè cõturbati. Almeida verò filium etiam per literas admonuit, vt nō spectaret, dum hostis vltra progressus, plures motus in India concitaret, sed illi occurreret, & vbi primū posset, cum eo mari aperto confligeret. Itaq; Laurentius se ad confligendum parat, & classē educere, & iter Diūm, quæ quidem vrbs olim ad Cābaia regnū pertinebat, suscipere maturabat. Ibi namq̃ audierat classē hostium constitutam esse. At hostium classis id non expectauit, sed vt in Lusitanam classē inuaderet, in Chaulensem portum contenderat. Præfectus erat Mirhocemus, vir militari gloria præstans. Is sex trirēmes, & vnā rostratā nauem, & alias quatuor naues valdè magnas ducebat. Ad eam classē Melichiazus (sic enim appellabatur, qui Regis Cambaici nomine Diūm cum imperio tenebat) triginta quatuor longas naues tormentis & telis, et militibus instructissimas adiunxerat. Trirēmes & longæ naues remis incitata, oram maritimā præteruectæ, minimè conspiciebantur. Quinque reliquæ naues ex alto in portum secundo vento delatæ, speciem Lusitanæ classis primò nostris præbuerunt. Alfonso enim Albuquerque, qui tunc res memorabiles in Persico sinu gerebat, expectabatur. Itaque nostri

LIBER

nostri cū illam classē Albuquerque esse arbitrantur, securi constiterunt. Nemo vel anchoras moliri, vel arma expedit, vel quidquam aliud gerere voluit, ex quo posset intelligi, eos sibi ex illa classe quidquam metuere. Mirhocemus secundo aestuario, in quod fluuius, qui alluit ciuitatem, influit, Lusitanem classē prateruectus, ingētes globos atq; tela coniecit, multosq; Lusitanos vulnerauit, & vnū virum nobilem, nomine Rodericum Pereiram, occidit. Nostri similitudine gratiam egregiē retulerunt, & multos ex hostibus aut vulnerarunt, aut occiderunt. Hostes vltius prouecti, propius vrbe anchoras iecerunt. Melichiazus tamē eo die extra portus ostium substitit. Laurentius minimē differendum ratus, anchoras euellere iussit, vt confestim in rostratam nauem hostium, quæ pratoria erat, inuaderet. At Mirhocemus, ed quod nondum Melichiazus classē suā intra portum adduxerat, noluit eo die praliū cōmittere: & ne cogeretur inuitus dimicare, triremes expediuit, vt celoces, quæ anchoras extrahebant, impedirent. Itaq; eo die naues eodem in loco constitēre. Sequēti die Laurentius anchoris solutis in Mirhocemi nauem inuehitur: sed aestu recedente, cū vētus vim suā remitteret, ad hostilem nauem accedere non potuit. Ex propinquo praliū tormētis & iaculis commissum est. Sed cū hostiū rostrata nauis esset altior, omnia tela, quæ ex ea nostros accidebant, eos conuulnerabant, ipseq; Laurentius sagitta confixus fuit. Tunc qui cum illo erant, eum hortantur & admonent, vt quando vētus minimē flaret, & aestus aduersus esset, & ideo minimē posset in hostium nauem, vt cupiebat, inuehi, retro nauem suā regredi pateretur. Quod consilium ille iuuenili quadam audacia, & animi magnitudine motus, cū arbitraretur se, si id faceret, insigne dedecus subiturū, accipere noluit.

luit. Dū harent reliqui, & quid optimū factū esset, in re tam implicita expedire non possunt, alia rursus sagitta, in faciē ipsius Laurentij immissa, grauiſſimum illi vulnus imposuit. Vt tamen cominus rem gereret, ipse & Petrus Barretus vltorius progrediuntur: non ita tamen, vt possent cum hostili naue coniungi, eamq; manibus ferreis iniectis alligare. Tormentis res gerebatur, & vtrinq; multi aut occisi sunt, aut concisi vulneribus ē pralio excedere cogebantur. Lusitanae triremes, & naues humiliores, quae facilius poterant, quamuis aestus aduersus esset, in hostium reliquas naues incitari, strenuē decertabant. Pelagius Sousa triremi sua inuectus est, & primus in triremem hostium insiluit: eum secutus est Ambrosius Pazagna, & Fernandus Petreus Andradius, & reliqui qui moleste ferebant, se in ea dignitatis contentione superari: & sic factum est, vt illam cum hostium, qui ea vehabantur, exutio caperent. Iacobus Petreus alterius triremis praefectus, aliam similiter hostilem triremem cepit: duae praeterea aliae hostium triremes ab alijs Ducibus Lusitanis, qui nauibus humilioribus praerant, captae sunt. Reliquae triremes se se in fugam dederunt. Quandiu verò praelum committebatur, Saracenus quidam sanctitatis opinione praecellens, in cubiculo triremis inclusus, vt numen precibus placeret, summa ope nitebatur. Quem tamen ignitus globus in precatione summo studio perseverantem dilaceravit. Cum verò iam aestu rursus accedente Pelagius Sousa, & Iacobus Petreus hostium triremes ad Laurentij Almeidae nauem remulco traherent, & illum viderent saucium, magnamq; militum partem vulneribus impeditam, eum hortantur, ne vellet cum hostium rostrata naue congregi, sed eam, & alias tormentis eminus vsq; eo verberaret, dum omnes depri meret. Id consilium Laurētius aspernatus est. Dicebat enim

X

naues

LIBER

naues hostiles esse magnas, et omnibus rebus instructas. Itaq;
 melius esse eas omnes capi, quod fore confidebat, q̄ demer-
 gi. Sequenti die Melichiazus, quem substitisse extra flumi-
 nis ostium diximus, vento secundo, & aestu minimè repugnā-
 te, se ad Mirhocemi nauem cum classe sua cōtulit. Illius ad-
 uentu hostibus animus additus est, & nostris anè perturbati
 sunt. Eam enim classē nōdum conspexerant, & Chaulen-
 ses ciues clamores latitiæ significantes ediderunt, & signis
 clarissimis ostenderunt, se nihil malle, quàm nostris modis o-
 mnibus perniciem & interitum machinari. Nauarchi in na-
 ui pratoria coniuncti, quid in eo casu gerendum sit, intempe-
 sta nocte deliberant. Omnibus visum est, cū maxima Lusita-
 norum militum pars & vulneribus, & summa prælii con-
 tentione esset vehementer afflicta, & ipse Laurentius dupli-
 ci vulnere laboraret, & naues ipsæ partibus perforatæ in
 summo discrimine versarentur, & hostium classis tanto sup-
 plemento resecta terribilem speciem exhiberet, & ciuitas ip-
 sa hostilem in nostros animum declararet, esse temeritatis
 summa diutius in eo portu consistere. Tandiu igitur expe-
 ctandum, dum recederet aestus, & ventus etiam flaret, vt tūc
 noctis silentio in altum properarent. Consilium fuit omnium
 sententia comprobatum. Itaq; post mediam noctem vela fa-
 ciunt. Res tamen non potuit tanto silentio fieri, vt hostes mi-
 nimè nostrorum consilium sentirent. Naues igitur festinan-
 ter expediunt, & Lusitanam classē insequuntur, prato-
 riamq; nauem, quæ agmen cogebat, emisissis telis remoran-
 tur, eamq; vnā multæ circumueniunt. Tormenti præterea
 vnus ictu perforata, aquæ magnā vim intra sentinam ad-
 misit, cuius pōdere grauata, clauo dirigi haudquaquam po-
 terat: atq; tandem in piscatorum munitiōē, quæ sub aqua
 latebat, incidens, impegit. Quod animaduertens Pelagius

tradidit: deinde trirēm suam remis vehementer incitavi fecit. Nauis ita in fundo fixa permanebat, vt nihil omnino moueretur. Melichiazus cum nauē immobilē cerneret, illa relicta, quā in suam potestatem omnino redactam esse minime dubitabat, trirēm vt nauibus suis circumueniret, accelerauit. At qui erant in trirēmi, cum se saucios, & labore nimio fractos & debilitatos viderent, neque posse hostibus repugnare cogitarēt, imprudente Sousa, fune, quo trirēmis erat nauī pratoriæ alligata, præcidūt. Quo facto trirēmis tanta vi æstus abrepta fuit, vt quanuis Sousa magnis vocibus inhibere iussisset, nihil omnino proficeret. Peruenit tandem ad locū, in quo Petrus Barretus, & Odoardus Melius, & Iacobus Petreius, & alij nauarchi cōsistebant. Qui omnes cum maxime cuperēt cum Laurentio societatem discriminis inire, æstus vehementia prohibiti, se cum dolore summo cōtinebant. Fuit Laurentius a suis admonitus, vt in paronē, ad eam rem paratū, summa celeritate pradiū desiliret, vt posset ad suos cōfugere. Quo cōsilio grauiter offensus, acriter illis, quod consiliū illud dabant, minatus est. Nec enim sibi decorū fore dixit, id periculū deuolare, in quo cōmilitones suos desereret. Se non mortē, sed dedecus extimescere. Præterea cōfidere, tādū se posse cum illo cōsidio, quod sibi fuerat reliquū, nauē tutari, dū æstus reciprocatōne posset rursus reliquæ naues ad opē ferendā accedere. Erāt tūc in nauī septuaginta homines vulnerati, & triginta tantum sani. Ex omnibus tres instruxit acies, vnā attribuit Emmanueli Pazagna, qua foros defenderet, alterā Francisco Nabaesio, cui præcepit, vt prora castellum tueretur: in se tertiam sibi reseruauit, vt præsidio quo posset puppim firmaret. Hostes cum cernerent, quā acri animo nostri se ad resistendum pararent, cum hominibus fortibus & animosis, & in vltimum discrimen adductis, in quo etiam ignauis-

LIBER

simus quisq³ desperatione ductus, hostes sæpenumero signis insolita virtutis exterreret, congregari noluerunt. Eminus tantum rem gerebant: crebris tormentorum ictibus omnia personabant: fumi caligo densissima aspectum omnibus adimebat. Nostri tormentis similiter in hostes globos frequentes iaciebant. Laurentius hortator & spectator aderat, & omnibus rebus occurrebat, optimiq³ imperatoris officioungebatur. Tandem cum feceretur illius pilei ictu dilaceratum fuisset, se in cathedra ad naus malum collocari praecepit, & inde suis animo maximo imperabat, eosq³ ut virtutem factis egregijs ostenderent, hortabatur. Hac maximis vocibus admonentem alia pila in pectus illius emissa interemit. Naus erat iam maxima ex parte armamenti nudata, atq³ multis in locis dissoluta, & aquis oppleta. Hostes igitur undiq³ confluunt, ut in eam insiliant. Ter tamen fuere ab ijs, qui, erant in naui, acerrima contentione repulsi. Tandem cum nostros vires deficeret, hostes fidenter ingressi, eadem magnam ediderunt. Nostri, ut in ultimo illo casu non inulti caderet, fortissimè dimicabant. Id cum Melichiazus animaduertiret, indignum facinus esse putavit, homines adeò fortes interire. Viginti tantum, nam reliqui omnes occiderant, humanitate illius conseruati sunt. Mortui sunt in naui pratoria octoginta viri: in alijs autem ad septuaginta, inter quos multi fuere & nobilitate & factis insignes. Duces reliqui, qui aestu prohibiti fuerant, ne opem afferre Laurentio possent, cum animaduertirent nauem esse captam atq³ depressam, ulterius contendere sine fructu noluerunt. Itaq³ passis velis in altum prouecti, Cananorem petierunt, & inde Petrum Gnaiam Cochimum mittunt, qui Almeida acerbum filij casum nuntiaret. Attulit is nuncius Lusitanis omnibus insignem moestitiam, cum multis lacrymis atq³ luctu coniunctam. Erat enim

enim Laurentius Almeida non solum egregiè fortis, sed humanitate singulari præditus, qua quidè omnes ad sui amorem vehementer alliciebat: morum verò integritate patrè imitari nitebatur. Itaq; omnibus, qui cum illo vixerant, mirum sui desiderium reliquit. Rex Cochimensis eo casu percussus, ad Almeidam continuò venit, vt illum à mœstitia, quoad posset, & doloris societate, & verbis amantissimis auocaret. Almeida tamen cùm multis signis antea varijs in locis, quanto animi robore septus esset, ostendisset, tum eo die eam virtutem maximè declarauit. Cum enim vnicum filium, virtute & moribus excellentem amisisset, ita dolorem vultu compressit, vt illum nullius solatio indigere cūcti perspicerent. Quin ipse reliquos, nè lugerent, admonebat. Senamquæ non diuturnam vitam filio, sed virtutem insignem à Deo precatum fuisse. Humana vitæ spatium esse breuissimum, virtutis autem præmium sempiternum. Omnia, quæ accidissent, ad consilium diuinum referebat, Deoq; gratias agebat, quòd iuuenem illum honestissima morte ornare voluisset. Confidere porrò, vt illum etiam opibus illis, quæ nunquam essent interitura, muneraret. Ad hæc autem adiungebat, Qui filium meum carum habebat, non lacrymis, sed virtute amorem ostendat. Illius enim cadem vlcisci statuo. Qui mihi alacrius in hoc opere perficiendo opem tulerit, eum existimabo maiore caritate filio meo deuinctum fuisse. Hæc & alia eiusmodi dicendo, quòd maiorem sui admirationem commouebat, plures lacrymas circumstantibus excitabat. Quòd enim altior & constantior illius animus apparebat, eò minus dignus ea calamitate videbatur. Dum hæc in India fiunt, Rex Emmanuel rerum Africanarum curam minimè deponebat. Azamora est Mauritania ciuitas, in ea parte sita, quæ Oceano Atlantico continetur, quem-

LIBER

admodū de Safinio dictum est : à qua ciuitate abest passuū octoginta millia Septētriones versus. Ingens autem fluuius, quem Asiam esse quidam opinantur, eam præterfluit. Hanc urbem Emmanuel expugnare cupiebat. Vt autem hoc fore facillimū in animū induceret, effecit Mauri cuiusdam Principis aduentus. Erat autē illi nomen Zeiamus et regnū in ciuitate, quam Mequineziam appellant, in mediterranea regione sitam non procul Fessa distantem, possederat, & multas finitimis urbibus atque pagis imperabat. Erat autem is frater patruelis Mahumetis, qui Fessense regnum imperio tenuerat, sororemque illius uxorem duxerat. Nazarius Regis Mahumetis frater, Fessa Rex eā fide, quā gens illa colit, fœdus & sanguinis communione, & connubij affinitate firmatum conseruauit. Illum namq; regno expulit. Is dignitate & opibus spoliatus, Azamoram contendit. Existimauit enim fore, eò quod esset ciuibz illius ciuitatis carus, vt ei ciuitatis imperium iraderetur. Id ciues tunc facere noluerunt. Ea igitur spe depulsus Zeiamus, ad Regem Emmanuelē se contulit, eiq; fidem dedit, se perpetuū in illius potestate futurum, atq; perfecturum, vt non Azamoram solum, sed quamplurimas alias ciuitates expugnaret. mediocri classe maximum bellum profligari posse. Se namq; multos in ea ciuitate cognationibus, & affinitatibus, & clientelis implicatos habere, quos omnes confidebat futurum, vt ciuitatem libentissimè proderent. Esse namq; tyrannide, qua premebantur, offensos: & fama clementiæ, qua Emmanuel sibi quamplurimas nationes alliciebat, inuitari, vt se in illius fidem & patrociniū conferrent. Id Emmanuel, quod auctor Rex esset, & indignè iniuria vexatus, & iusto odio commotus, & quia ipsi auctori mentiri minimè expedire videtur, & quod caput est, quod natura facillimè ea, quæ valde fieri

fieri cupimus, facta credimus, Mauro fidem adhibuit. Itaq;
 classē non valdē magnam festinanter instruendā curauit,
 eiq; Ioānem Menesiu praefecit Qui soluit Olysippone. xxvj.
 die mensis Iulij, anno. M. D. viij. Exercitus erat quadrin-
 gentorum equitum, peditum verò supra duo millia. Ad ostiū
 fluminis tandem naues appulit. Nocte astu secundo per flu-
 uium inuectus, ad mœnia Azamora classē cōstituit, & vr-
 bem oppugnare cœpit. Ciues acri animo resistebāt, & saces,
 & tela, & pilas ingentes iaciebant, & rates pice oblitae &
 incensas in Lusitanā classē machinis detorquebant, vt eā in-
 flāarent. Multi præterea ex vrbe egressi circuncursabāt,
 & nostros, ne copias in terrā exponerēt, enixè comendebāt.

Menesius Zei imi opē expectabat, q. iā è Lusitania Azamo-
 rā redierat. At is, vt est hoīum ingeniū variū & cōmutabile,
 fidemq; minimè colens, principio quidē se venditare, & spē
 auxiliij polliceri, varijsq; modis Menesiu ludificari. Deinde
 apertè nostris exitiū machinari. Iam enim illi cū ciuibus be-
 nē cōueniebat, & sedecim millia hominū sub signis habebat,
 cū quibus in cāpo secundū fluminis ripas cōcursabat, & quē-
 admodū pernitiē nostris quam maximā posset inferre, ratio-
 nē inibat. Intra ciuitatem erant octo millia hominū in prae-
 dijs, vt à mœnibus Lusitanorū impetū propulsarent. Nihilo-
 minus tamen Menesius cū copijs omnibus egressus, castra fe-
 cit. Mauri, cū essent loci valdē insidijs opportuni, tribus in
 locis syluestribus inter littus atq; mœnia insidias collocarūt.
 Deinde cum reliquis copijs è mœnibus egressi, nostris ob-
 uiam progressi sunt. Menesius certamen minimè detrecta-
 uit. Triplicem autem aciem instruxit: primam, qua cen-
 tum equites continebat, Tentugalenſi Dynastæ attribuit:
 secundæ, in qua erant equites centum & quinquaginta,
 Ioannem Mascaregnam praefecit. Tertiā sibi reseruauit,

LIBER

in qua erant equites ducenti & quinquaginta, & peditum etiam phalanx, quam equites vtrunque dispositi firmabant. Hoc ordine in hostes inuasit: qui valida impressione pulsi, se multo celerius, quam fuerat statutum, in oppidum receperunt. Consilium enim fuerat, ut paulatim cederent, usque eo, dum Menesius in insidias incideret, & ita copijs undique circumdatus cum omni exercitu concideretur. Oppidani, ne nostri hostium tergis inhaerentes, in oppidum penetrarent, fores occluserunt. Cum igitur Mauri se exclusos animaduertent, ea desperatione confirmati, resistere. Prælium quæ fuit magna vtrunque contentione redintegratum. At qui erant in insidijs, repente prosiliunt, & magno impetu in nostros inuehuntur. Tentugalensis Dynasta, & Ioannes Mascaregnas, Menesij iussu in subsidijs post terga relictæ eorum impetum, qui in insidijs fuerant, acriter animo sustinebant. Zeiamus cum manu valida, ut suis opem afferret, acceleravit. Equites è pagis etiam, ut Lusitanos circumvenirent, atque internecione delerent, influebant. Menesius hæc omnia circumspectans retrocessit, tanto ordine atque disciplina, ut neque trepidatio vlla, neque tumultus existeret. Qui erant in subsidijs, postquam receptui signum datum est, eos, qui ex insidijs impetum dederant, perruperunt: & Menesius qui extremum tunc agmen ducebat, illos, qui ex oppido nimis acriter instabant, singulari virtute repellebat. Sic autem se primum in castra, deinde in classem recepit. Sedecim equites in hoc prælio ceciderunt, in quorum numero fuere quidam viri & nobilitate & factis illustres. Ex hostibus, ut postea compertum fuit, ceciderunt mille & trecenti & sexaginta quinque. Ioannes Rodericus Sala Menesius equo interfecto cecidit, & ab hostibus circumventus, parum absuit, quin occideretur. Duo tamen fortissimi, quorum

quorum vnus fuit Ioannes Homo, qui iam ex India reuer-
sus in Portugalliam fuerat, alter Iacobus Fernandus Faria,
eum è media cade, hostibus partim cæsis, partim dispulsis, e-
ripuerunt. Is equum Ducis, qui illius equum transfixerat,
tunc Fariæ manu perempti, nactus, periculum euasit. At
Menesius cùm animo Zeiami perfidiam & fraudes reputa-
ret, & munitiones atque præsidia ciuitatis animaduerte-
ret, intelligeretq; fieri non posse, vt cum ea classe oppidum
tantis præsidijs munitum expugnaret, minimè terendum in
obsidione tempus existimauit. Anchoris igitur solutis vela
fieri iubet. Verùm cùm astus essent propter lunæ decrescen-
tis rationem languidiores, ita, vt flumen naues alueo susti-
nere non posset, et nautæ etiam trepidè oras soluerent, et an-
choras vellerent, factum est, vt aliquot nauigia vadis allisa
mergerentur, & hostes vnā nauem longam in sicco desti-
tutam circumsisterent, & triginta remiges occiderent: qui
tamen antequam caderent, duodeuiginti ex hostibus inter-
emerunt. nauis autem fuit ab hostibus incensa. Menesius
verò educta in altum classe, in fretum Gaditanum cursum
tenuit. Quod non humano consilio, sed diuino motu et instin-
ctu factum fuisse, postea à multis sapiētissimè iudicatū fuit.
Quin etiam Zeiami fraus, et Regis Emmanuelis in illa clas-
se comparanda celeritas, & Azamoræ alieno tempore, &
paruis copijs oppugnandæ parū sapiēs cogitatio, nō absq;
calestis numinis prouidentia, quæ Emmanuelis rebus faue-
bat, suscepta fuisse videbatur. Si enim illa omnia sic non e-
uenissent, maxima à nostris clades accepta cum maximo
dedecore fuisset, antè, quàm quisquam auxilium rebus in
vltimum discrimen adductis afferre posset. Menesius ex A-
zamoræ finibus egressus, in freto Gaditano naues aliquot
hostiles cepit, & Ioannem Rodericum Salam Menesium,

L I B E R

Regis Emmanuelis iussu, in oppido, quod Alcaffarem appellant, quod Lusitano etiam presidio tenebatur, Ducem & Praefectum constituit. Dum autem hac gerebat, rumore dissipatum fuit, Fessensem Regem, ut Arzilam obsideret, cum maximis copijs aduentare. Fuerat autem exercitus illius tanta dissimulatione coactus, ut nemo id futurum coniungere posset, antè, quàm acies explicatas, & maximis munitionibus & bellicis instrumentis armatas aspiceret. Habebat autem sub signis equitum viginti millia, peditum verò millia centum atque viginti. Arzila praerat Vascus Coutignus Dynasta Borbensis. Cùm verò Fessensis Rex mœnibus appropinquaret, Coutignus aliquot Mauros ex insidijs capiendos curauit, ut ex illis intelligeret, an ipse Rex adesset. Quo factò comperit & Regis ipsius animum, & exercitus magnitudinem, & reliqua omnia, de quibus se fieri certiore conueniebat. Itaq; literas confestim ad Odoardum Menesium, qui Tingitanæ ciuitatis praefectus erat, & ad Ioannem Menesium, qui oras illas cum classe peragrabat, dedit, quibus significauit, quantum periculum immineret. Xix. die mensis Octobris, Anno à CHRISTO nato. M.D. viij. Rex Fessensis exercitum ad urbem admouit. Sequenti die tormentis muros quatere, propugnatores densis sagittis obruere, testudines, & scalas admouere, muros excindere parat. Erant tunc in oppidi presidio quadringenti tantum viri, qui hostium impetum fortissimè, ut poterant, repellebant. Fuit oppugnatio ea die ad noctem continuata. Sequenti die nostri oppidum circumsessum, stationes munitas, aggeres excitatos, tormenta disposita, acies instructas aspi-ciunt. Ad hac, ne nauibus in urbem aditus esse posset, hostis stationes crebras in littore muniuit, & vineas excitauit, & dolia, quæ tormentis opponeret, tellure & arena compleuit,

uit, tormenta quæ ordine collocavit, quibus nostros, si auxilium afferre vellent, propelleret. Multi præterea scorpionibus, & balistis, & fistulis ferreis, ut stantes in muro confingerent, collimabant: & cum primum aliquod caput, aut quodvis aliud membrum eminebat, in id tela coniciebant, ita, ut nemo auderet in muro consistere. Ad hæc, testudinibus admotis muros suffodere incipiunt, tanta celeritate, ut cum fessis integri succederent, & opus non esset momento temporis intermissum, eadem die magna pars ipsius muri corrueret. Per eam partem hostes irruerunt. At Contignus cum equitibus quinquaginta in eos inuectus, eorum impetum sustinebat. Sed cum sagitta brachium illius transfixum fuisset, in arcem se contulit, Georgiumque Barretum generum suum interim reliquit, qui hostes, quandiu ipse curaretur, insita virtute reprimeret. Sed cum ij, qui cum hostibus præliabantur, eorum multitudine obruerentur, & Ducem abscessisse cognoscerent, in arcem confugiunt. Erat valde mirabilis mulierum plangor & eiulatus, & militum trepidatio, & eorum omnium perturbatio, cum nemini in tanta & tam repentina calamitate consilium & ratio aut consistendi, aut fugiendi, aut fortiter & animosè moriendi consisteret. Hostes omnes, in quos impetum ferebant, crudelißimè necabant, & pueros infantes ad saxa atque rupes allidebant, multaquæ facinora summa cuiusdam immanitatis in senes, & pueros, & virgines, sine vllò vel ætatis, vel sexus discrimine faciebant. Cum omnes undiquè in arcem concurrerent, & alij alios in introitu præpedirent, clamores in calum editi, & querimonia eorum, qui ingredi nequibant, & mulierum vociferationes, quæ paruos filios complexæ, non sibi, sed liberis misericordiam cum multis lacrymis implorabant, eos, qui ar-

L I B E R

qui arce tenebantur, exanimabant. Cupiebant enim miseris opitulari, sed nullo modo poterant. Tandem cum hostes magna vi fugientes insequerentur, & arcem ingredi contenderent, maximo cum labore fores occluse sunt, & multi in hostium potestate relict: à quibus crudelem in modum interfecti fuerunt. Tunc hostes ad prædam conuersi, urbem diripiunt. Huius cladis nuncius fuit Menesio confestim allatus, qui iam Arzilam properabat, & naues alias & Duces asciuerat. Vbi verò ad portum peruenit, ingredi statim voluit: sed fuit salo & tempestate prohibitus. Est enim portus ille, maximè cum ventus increbrescit, valdè propter breuiam periculosus & infestus. Herebat præterea, cum nesciret an arx esset iam ab hostibus capta. Si enim in hostium potestate fuisset, intelligebat, inconsideratissima temeritatis esse, in terram ingredi, vt parua illa manu constipatus, cum maxima hostium multitudine sine vlllo fructu dimicaret. Tribus ita diebus in anchoris constitit, cum in tali casu, quid optimum factu esset, explicare non posset. Duos deinde homines è suis familiaribus, quibus plurimum confidebat, in scapha egregiè instructa, quæ remis plurimum valebat, per fluctus illos immisit, qui ad arcem (ea namq; mari imminabat) accederent. Illi non modò per fluctus atq; salum maximo cum vitæ discrimine, verùm per medias flammæ, & densas pilas, in eos vndiq; ex propinquis stationibus emissas, inuehuntur, & arci inuitissimis hostibus appropinquant. Id vbi qui erant in arce conspexerunt, è fenestra vexilla regia cum regis insignibus ostenderunt, & voce maxima Portugallie nomine sæpè repetito conclamârunt. Mulieres paruos filios, quos vlnis gestabant, in eorum aspectu proponebant, vt eos qui foris erant, ad misericordiam in extremo rerum discrimine tribuendam vehementius incitarent.

Contignus praterea cum literis cera circumlitis homines nau-
andi peritissimos ad Menesium misit, ex quibus posset in-
telligere, quanto in periculo versaretur. Illum praterea ad-
monebat, quo ordine rectius posset in arcem praesidia & co-
meatum, cuius penuria valde laborabant, inferre. Menesius
in humiliores naues, quae in vadoso portu tutius consistere
possent, milites imponit. Et per praekonem omnibus, qui erat
criminibus alligati, propter quae secundum leges erant vel
morte, vel exilio multandi, veniam & impunitatem, si po-
stridie in littus egressi rem strenue gererent, pollicetur. Pri-
mo deinde, qui in terra vestigium posuisset, quingentos nu-
mos aureos in virtutis & audaciae praemium proponit. His
ita constitutis, postridie astum sequutus, naues remis agi &
incitari praecepit. Contignus qui ex arce hac conspiciebat,
vt erat inter eum & Menesium constitutum, equites trigin-
ta equis insidentes, & reliquos praterea equites, quorum vir-
tuti multum fidebat, pedibus ex arce per posticum egredi
iussit, vt nostris in egressu opem afferrent. Id erat signum, quo
Menesius admonitus, copias erat in terram expositurus. I-
taque primum tormentis omnibus ignem ad mouere, & pi-
las in hostes emittere praecepit: quo facto hostes ingenti fre-
mitu & strepitu, & multorum exitio vehementer exterriti,
littus deserunt. At ex nostris quantum quisque potest eniti-
tur, vt primus in terram defiliat. Alium enim auri praemium,
aliud impunitas proposita, multo plures expectatum decus
ad periculum adeundum inuitabat. Primus tamen, qui in
terram egressus est, Tristanus Menesius fuit, qui scapha Ioan-
nis Roderici Sala Menesij vehebatur: quem Ioannes Rode-
ricus, & Henricus Menesius secuti sunt. Post illos Ioannes
Homo scapha similiter inuectus, in terram descendit. Ex pri-
marum autem Ducibus, qui primus terram attigit, fuit Ioan-
nes Ma-

LIBER

nes Mascaregnas, equitum levis armaturæ Magister. Hic cum iam litus esset à Christianis occupatum, hostes accur-
runt, & in prælium ruunt, quod magna vtrinq; contentio-
ne commissum fuit. Multi occiderunt, plures tamen vulnera-
ti sunt, donec tandem cessare. Nostri stationem, quæ proxima
erat, oppugnârunt. Qui ex arce fuerant egressi, strenuam
operam in eo prælio nauârunt. Sex tormenta, quæ erant in
statione collocata, in arcem importata sunt, & ducenti mi-
lites cum tormentario puluere, & telorum & armorum vi,
& commeatu, bellicisq; munitionibus immisi. Hos Ioannes
Mascaregnas agebat. Hoc subsidio animi eorum, qui obsi-
dione premebantur, mirificè confirmati sunt ad obsidio-
nem tolerandam. Erant enim, cum casus ille præter expe-
ctationem accidisset, ab omnibus rebus imparati, quæ sunt
ad obsidionem ferendam necessaria. Et homines erant fa-
me, siti, labore, per uigilio confecti, multiq; vulneribus im-
pediti, usq; adeo, ut vix esset quisquam, qui telum vibrare
posset. Dynasta Tentugalensis in ipso littore fuit ictu glan-
dis plumbeæ grauiter admodum sauciatus, ita, ut cogeretur
Tingim, vnde conscenderat, reuerti. In prælio cecidit Em-
manuel Coutignus, & Ioannes Pimenta, & alij præterea
viri fortes, quorum eo die virtus spectata valde fuerat. Me-
nesius Regem Emmanuelem per literas admonuerat, ut sub-
sidia summa celeritate compararet. In Baticam præterea
nuncios miserat, per quos auxilium postulârat. Petrus au-
tem Nauarrus, qui tunc magnū in rebus bellicis nomen ob-
tinebat, classem Regis Fernandi, cuius ipse præfectus erat, ad
Calpem in Guebaltarisiensi portu collocârat. Ab eo etiam
Menesius opem obnixè cõtenderat. Omnes certatim ad au-
xilium afferendū se cōparabant. Arx interim summis viri-
bus oppugnabatur, neq; dabatur aliquod obseſis laxamen-
tum.

am. Qui primus è Batica tulit auxiliū. fuit nobilis quidam
 vir, cuius nomen scriptū minimè reperio, qui tunc in Xari-
 o ius nomine Régis administrabat. Is nauem militibus &
 armis, & commeatu, omnibusq; rebus ad bellum necessa-
 rijs, incredibili celeritate comparatam adduxit. Et cum
 hostes excitatis aggeribus ita muniti essent, vt ex tormentis,
 quæ erant in arce constituta, nullum detrimentum accipe-
 rent, is oram maritimam præteruectus, in eo loco consiste-
 rat, vnde castra hostium immunita conspiceret. Inde tor-
 mentis quamplurimos necabat, magnumq; tumultum in
 regijs castris faciebat, & cum illi tormenta in eum conuer-
 ebāt, tanta se inde celeritate proripiebat, vt omnes hostium
 conatus, qui nauem illius deprimere cupiebant, inanes red-
 deret. In illos rursus securos incitabatur, tantumq; damnum
 suis artibus hostibus inuexit, vt cogeretur Rex castra muta-
 re. Petrus autem Nauarrus, vt erat vir in rebus gerendis a-
 ger, auxilium afferre minimè distulit. Ducebat autem sub
 signis ter mille & quingentos milites. De belli autem geren-
 di ratione cum Menesio deliberat. Viriq; visum est, Régis
 essensis castra quàm primum adoriri: quod insequentem
 eum distulere. Rex vbi cōspexit auxilium obsessis aduenis-
 se, non de obsidione diutius cogitandum existimauit. Itaque
 oppidū incendere inuit. Erat in illius castris vir quidam val-
 è nobilis, quem Menesius pugnando ceperat, et captiuū hu-
 manitate singulari tractauerat: qui postquā redēptus fuit,
 multa de Menesij virtute & benignitate cōmemorare sole-
 at. Is à Menesio per nunciū postulauit, vt sibi faceret illum
 salutadi potestatem. Ea impetrata, ad Menesiū viginti equi-
 bus stipatus rectā contendit. Ibi cum multus sermo vtrū-
 troq; habitus amanter esset, tandem Maurus inquit: Ma-
 num profectò cumulū tuis summū laudibus addidisti, cum
 tali

LIBER

talitempore huic vrbi contra Regem potentissimum auxilium attulisti. Maximo praterea beneficio Arzila tibi deuinxisti. nisi enim tu adfuisses, arx profecto à nostris iam praesidijs teneretur. Sed tam praeclarum facinus nullo modo, nisi à praeclara illa virtute, quae in te semper eluxit, confici potuisset. Ad hac Menesius. Quod aliquid lucis huic vrbi in rebus aduersis attulerim, pertenuis mea laus rem benè considerantibus esse videbitur. Hoc enim non tam mihi, quam Regi praestantissimo, è cuius disciplina homines multò meliores prodire solent, ascribendum arbitror. Vester Rex est, qui gloriari merito debet, quòd urbem Regis Emmanuelis non solum aggressus sit (quod ipsum erat in laude nò mediocri ponendum) sed eam armis occuparit. Itaque quòd muros disturbarit, quòd urbem ceperit, quòd arcem oppugnet, id laude sempiterna dignum censeo: quòd verò faces in aedes priuatas iniecerit, & aedificia intra muros inflammare instituerit, id neque regium, neque decorum existimo. Bellum adhuc integrum est. Si victoriam sibi proponit, cur tam malè rebus suis consulit, vt urbem, qua se breui potiturum confidit, flammis absumat? Si victoriam desperat, cur doloris sui pœnas à tectis expetit? Num ideo tantum exercitum comparauit, vt bellum parietibus atque tignis inferret? Non, inquit Maurus, Regis nostri humilis atque demissus animus est, sed excelsus atque planè regius. Nec vt domos euerteret, sed vt bellum contra Regem virtutis gloria praeclarentem gereret, exercitum coegit. Si non fuerit assequutus quod optabat, nemo poterit illum meritò vituperare. Principis enim officium, qui ad regiam laudem aspirat, est, magna & ardua moliri. Victoria verò non in hominum virtute, sed in Dei consilio & moderatione consistit. Quod verò ad ignem attinet, confirmare tibi planè possum, eum impruden-

prudente Rege coniectum fuisse. Itaq³ cum primū illum
 conuenero, & ei rem aperuero, dabit operam, vt ignis confe-
 stim extinguatur. Maurus continuò discessit: & iussu Regis
 incendium fuit maxima hostium industria restinctū. Multi
 suspicati sunt, in eo Mauri comitatu ipsum Regem fuisse.
 Menesium namq³ videre maximo opere cupiebat. Nomen
 namq³ illius apud Saracenos ipsos erat cum admiratione
 celebratum. Rex tamen cū cerneret arcem iam firmo sa-
 tis prasidio munitam expugnari difficillimè posse, & auxilia
 vndiq³ illius tuendæ gratia conuenire, & classem è Lusita-
 nia intra paucos dies adfuturam, & arcem propter Hispa-
 niæ vicinitatem, eius conditionis esse, vt si primo impetu mi-
 nimè caperetur, esset valdè periculosum multis diebus in il-
 lius obsidione cōmorari, noluit diutius in eo certamine tem-
 pus absq³ vllō fructu consumere. Nocte igitur illa obsidio-
 nem soluit, & Alcaßarem Quibirium versus iter instituit.
 Sequenti die Menesius signis explicatis cum omnibus copijs
 orbem ingressus est: cui Coutignus & illius vxor, & omnes
 iues, qui erant in arce, illi obuiam cum ingenti lætitiâ pro-
 lière, atq³ tanquam parenti, qui omnibus vitam dederat,
 gratias egère. Emmanuel interim cū primum nunciū de
 aduentu Regis Fessensis accepit, erat Eboræ. Quo audito,
 nullam moram interponendam existimauit, quin ipse per se
 oppido subueniret. Itaq³ literas eadem die ad omnes Portu-
 galliæ vrbes, & ad viros Principes, & vniuersam denique
 nobilitatem dedit, & omnes literis euocauit, & quæ potuit
 subsidia, cōtinuò in Algarbiense regnū misit, vt inde quam-
 rimum possent, in Africam transmitterent. Post quatuor
 utem dies, ex literis alijs Menesij intellexit, ciuitatem ef-
 fectam, & arcem obsessam, & in summas angustias ad-
 ductam. Hoc cū accepisset, equum sibi pernicitate mira

præditum inferni præcepit, tantæque celeritate iter in Algarbium suscepit, ut septem tantum aut octo ad summum comitibus circumseptus, in viam ingrederetur. Dies verò atque noctes iter ita continuabat, ut vix vllum tempus reficiendi corporis gratia sibi sumendum existimaret. Cernebat enim, momento temporis maximas in alterutrâ partem inclinationes fieri, & ideo periculosum nimis esse in rebus bellicis, occasione vllam rei benè gerenda prætermittere. Elapsâ namque temporis opportunitatem reuocari non posse. Timidi & ignaui hominis esse, præteritam facultatē frustra lamentari: fortis autē & industrij, nihil, quo res in tempore fieri commodo posset, elabi permittere. Præterea summū esse Regis flagitium, in rebus afflictis suos ope sua præsentī destituere, eos præfertim, qui Regis ipsius gratia erant in extremum discrimē salutis inducti. His cogitationibus stimulatus, tantam in via celeritatem suscepit, ut in montibus, qui Algarbium à reliqua Lusitania distinguunt, equus, in quo insidebat, ex nimio labore cōcideret, et repentē moreretur. Ibi verò fuit illi nūcius allatus de auxilijs, quæ Arzilam conuenerant, & de præsidijs atque munitionibus, quæ in arcem hostibus frustra pugnantes inductæ fuerant. Ipse tamen nihil de alacritate suscepta remisit. Verebatur enim, ne cuniculis crebris, quæ in arcē, ut audierat, agebatur, arx ipsa corrueret, nisi fuisset maturè subuentum. Peruenit tandē Balsam, si ea est ciuitas, quæ hodie ab incolis Tauira nominatur. Hoc autē Regis studiū rei gerendæ flagrantissimū, & hæc incredibilis alacritas & diligentia tāto studio Portugallēs inflāmauit, ut vndiq; certatim equites & pedites cōcurrerent. Sic factum est, postquam Balsam peruenit, ut intra dies quinque, supra viginti millia militum in eam ciuitatem confluerent. Importata præterea sunt Olyssipone tormenta & commeatus

& munitiones, & naues quamplurima, vt ille iusserat, ad-
 ducta, quæ vt celerrimè rebus omnibus instruerentur, sum-
 ma vigilantia contendebat. Cùm autem conscendere
 vellet, literæ sunt allatæ, quibus continebatur, obsidionem
 esse solutam, & Regem desperatione fractum, exercitum
 dimisisse. Ipse nihilominus transmittere statuebat. Sed con-
 filio eorum, qui nomine prudentiæ insignes esse videbantur,
 fuit ab ea sententia deductus. Si obsidionem, inquiunt,
 soluere vis, ea iam soluta est: si Africam subicere pa-
 ras, nondum hîc eas copias habes, quibus id aggredi pos-
 sis. Non decet tantum Regem, id suscipere, quod vel mi-
 nimè necessarium est, vel exequi cum dignitate non pos-
 sit. Transmissio in Africam tunc laudabilis erit & præ-
 dicanda, cum id, cuius causa transieris, efficere cum glo-
 ria magna potueris. Aliter enim non decus, sed ignomi-
 niam tibi comparabis. Nunc verò hoc tuorum decus, quo
 Rex Africæ potentissimus illis cecidit, est ad tuum no-
 men atque decus merito referendum. Quanta namque o-
 pinio excitanda iure de tua virtute sit, ex eo conijci potest,
 quod per tuos Rex Fessensis pulsus cum ignominia est, & ob-
 cessi magna cum tua gloria liberati. Hoc igitur nomen tibi
 operatuorum partum deformabis, si aliquid, in quo homi-
 num opinioni non respondeas, gesseris. Hoc autem à te
 non expectari debet, si in Africam signa intuleris, vt cum
 Mauris signis collatis vno aut altero pralio configas,
 sed vt vniuersam Mauritaniam sub ditionem & im-
 perium subiungas. Si igitur hominum expectatio-
 ni minimè satisfeceris, gloriam tuam nonnulla labe de-
 decoris inquinabis. At nunc eas copias non habes, quibus
 tantum facinus aggrediare. Postquam redieris, & o-
 mnes, quæ ad eam rem gerendam necessaria fue-
 rint,

LIBER

rint, paraueris, tum demum licebit tibi in Africam cum dignitate transire. Aliter enim consilium temerarium existimabitur, & offensio, si aliquid secus quàm oportet acciderit, haud mediocrem nomini tuo maculam dedecoris inureret. Eiusmodi consilijs hominum non valdè laudis militaris studio flagrantium, ab ea mente destitit: in qua situnc perstitisset, maximum sibi decus comparasset. Erat enim tunc mirifica facultas oblata. Nam in Mauris neque fidei religio, nec in Reges vlla pietas, nec pudor vllus vigeat, qui eos valdè à dedecore & flagitio deterreret. Armis autem pars eorum maxima carebat. Erant præterea reguli permulti acerbo inter se odio disidentes. Qui plus armis poterant, humiliores iniurijs quamplurimis opprimebant: iniuria vexati, insidias in potentiores comparabant. Ad hæc accedebat, quod gens nouitatis appetens, quamprimum occasionem sibi dari inconstantie suæ atque perfidiæ demonstranda conspiceret, non erat dubium, quin eam confestim arriperet, minimoque pretio corrupta, facillimè Principes & patriam proderet, Regio verò ad alendum exercitum, omnem commeatum abundè suppeditaret. Est enim valdè fertilis, & homines pecunie cupidi, libenter vndique cum annona & vario ciborum genere conuenirent, quauis regionem vastari & exuri cernerent. Si verò clementer & moderatè nostros vti victoria conspexissent, dubium certè non erat, quin illa benignitatis species eos facillimè ad studium Emmanuelis alliceret. Itaque omnia, quod ad hostes attinet, erant in eo statu, quem Emmanuel optare debuisset. Contrà verò in Portugallensibus summa fides, insignis in regem caritas, acerrimum bellandi studium, & incredibilis bellicis in rebus audacia. Adde quod tunc temporis erant tanto animorum ardore atque impetu concitati, vt omnes fermè

nes fermè viri nobiles suis sumptibus vellent pro parte sua oderam & industriam in tam præclara contentione consumere. Quod si Regis omnibus carissimi festinatio, qua tanto studio & alacritate in extremam Lusitania partem se contulit, vt suis opem afferret, tanto studio Portugalliã vniuersam concitauit, vt intra paucos dies tot hominum millia ad eum se tanta alacritate conferrent: quid futurum fuisset, si is tunc in Africam cum eo exercitu traiecisset? Deinde facilis et expedita ex Hispania Bratica in Africam transmissio, dubium non est, quin maximam ex ea regione multitudinem ad auxilium ferendum concitaret. Cum verò in bello administrando omnia rerũ opportunitas & occasio gubernet, nullaq; præstantior occasio dari possit ea, qua militum ardore & hostium metu continetur, iudicari meritò potest, omnia tunc Emmanueli feliciter euentura fuisse, si tanto suorum ardore contra hostes infelici euentu perterritos vt voluisset. Postremò, quod caput est, optimi Regis pietas atq; religio, qua illum stimulabat, vt longinqua etiam bella religionis gratia suscipere, effecisset, vt omnia illi ex animi sententia succederent. Quauis tamen hæc ita sint, Regis animus, qui ad tantam gloriam aspirabat, laudandum: cõsiliū eorum, qui eum à tanto studio dignitatis abstraxerunt, reprehendendū arbitror. Sed vt ad intermissam orationem redeamus, quauis Rex à sententia sua, qua transnittere statuebat, suorum consilio deductus fuisset, reliqua, qua gerenda videbantur, summo studio perfecit. Arzilam namq; militum præsidia, & maximum commeatum misit, & fabros præterea quamplurimos, qui ædes dirutas, et mœnia collapsa reficerent, & arcẽ multò fortius munirent. Habebatur enim tunc oppidum illud, propter cæpestris regionis opportunitatē & fertilitatē, & propter illius sitū, firmissimū

LIBER

oræ illius maritimæ, quæ Lusitanorum præsidij tenebatur, propugnaculum. Petro autem Nauarro sex millia nummorum aureorum dono misit: quod munus ille accipere nullo modo voluit. Se nam dixit Regis Fernandi causa, cuius stipendijs alebatur, gessisse, quæ gesserat, ab illoq; tantum laboris & industria sua sibi præmium polliceri, cuius erat alumnus. Idem fecit Prætor Xarisiensis. Ambo tamen postea multis ab Emmanuele beneficijs affecti fuerunt. At Menesius, postquam naues cum præsidij & munitionibus Arzila peruenire, in Lusitaniā reuersus, fuit ab Emmanuele cum laudibus suæ virtuti debitis honorificè & amāter exceptus. Hoc eodem anno cū esset inter Emmanuelem & Ioannā, Fernandi & Isabelæ filiam, orta disceptatio de regionum limite, qui fuerat à Ioanne Rege Portugalliæ & Castellæ Regibus designatus, intra quas cuilibet ex Regibus liceret, absque alterius iniuria, Saracenos expellere, & regiones etiam incognitas occupare, fuit ea contentio summa æquitate partis vtriusq; decisa: & Emmanuel maxima Mauritania parte cessit, quæ videbatur ad illius terminos pertinere, & Regibus Castellæ armis occupandam permisit. Ioanna vicissim de iure, quod existimabat in Aethiopia retinere, decessit, cū eam regionem Portugalliæ Regibus assignatam esse cognouisset. Sub eiusdem anni finem misit Emmanuel in Aethiopiam ad Congui regnum multos viros religionis & sanctimonie fama præstantes, qui CHRISTI disciplinam multò diligentius gentibus illis traderent, & regiones illas clariore lumine perfunderent. Et hæc quidem sunt, quæ in Africa & Lusitania hoc eodem tempore gesta sunt. Quæ Tristannus Cugna, cū in Indiam nauigaret, in cursu gesserit, quas vrbes aut expugnarit, aut armis adortus fuerit, & quomodo tandem ad Zacotoram naues appulerit, & arcem à Zaxe-
mensi

mensi Rege adificatam ceperit, & in ea Norognam præf-
ectum reliquerit, deinde in Indiam cursum tenuerit, &
quomodo in Lusitaniam redierit, exposuimus. Quid au-
tem post illius ab Alfonso Albuquerque digressum, Alfon-
sus ipse designarit, & quas res gesserit, explicare nondum li-
cuit. Is igitur fuit à Tristano Cugna relictus, vt cum ea clas-
se, cuius præfectus erat, illud mare, quod ad Arabiam felicē
pertinet, peragraret, & naues hostiles omnibus quibuscunq;
posset incōmodis afficeret. Sed cū esset animo maximo, se
indignum putauit, instar piratæ prædas spectare, & nō mul-
tō maiora & altiora moliri: Itaq; Armuziense regnū oppu-
gnare cōstituit. Armuzium autē est insula intra ostium sinus
Persici, non ita lato mari à Carmania disiuncta. Nomen au-
tē duxisse videtur ab Armuza, antiqua Carmania ciuita-
te, cuius hodie nomē oblitteratū cum memoria antiqui splen-
doris euanuit. Et fortasse hæc insula fuit Armuza antiquæ
Colonia, & idcirco inde nomē obtinuit. Ambitus illius decē
& sex passuū millibus continetur. Est autē ostio sinus propin-
qua, à Carmania verò duodecim millibus passuum distat:
ab Arabia autē ea parte, qua Carmaniā respicit, quadragin-
ta millibus. Insula est nimis arida & sterilis, & solū adedō ma-
crū, vt nihil omninō, quod ad vsum vitæ valeat, vel natura,
vel hominū cultu proferat. Perenniōs aquis omninō caret.
tres tantū putei in insula procul à ciuitatē sunt. homines
cisternis vtuntur: & cū reliqua omnia ex vicinis insulis, &
ex Carmania & Arabia ad victum idonea importentur, a-
qua etiam ex iisdē locis in eam afferri solet. In ea modicus
collis assurgit, qui sulphuris magnam vim in vno latere, in
altero autem salis multitudinem in lapides densatam gre-
mio continet. Duos portus habet tutissimos: vnus ad occiden-
tem Solē, alter ad orientē pertinet. Hi duo portus lingula,

LIBER

que in mare longius excurrit, diuiduntur. Horum portuū commoditatem secuti mercatores ex India, Perside, & Arabia, & è quamplurimis alijs regionibus, eam insulam frequentare cœperunt. Ea tandem frequentia & celebritate factū est, vt ciuitas edificaretur in planicie sita, quæ progressu temporis ad summam amplitudinem peruenit. Via sunt lata & directæ, ædes magnificæ, & cœnaculis sublata, & tectorijs pulcherrimè factis excolta. Regia est non modò ad habitandū amplissima, verū & ad vim hostiū propulsandam munitissima, Solis ardores sunt vehementissimi: in quibus propulsandis omnis lautorū industria multiplici modo & ratione consumitur. Incolæ sunt maxima ex parte Arabes atq; Persæ, Mahumetisq; superstitione conflictati. Ardent libidine, amoribus indulgent, obtrectatione laborant; mulieres ne ab alienis viris cōspici queant, faciē velare cōpelluntur. Homines vt plurimū specie liberali præditi sunt. Musicen summo studio colūt, vestibus elegatissimis excoluntur. Arma frequēter exercent, literis libenter incūbunt, historijs mirificè delectantur. Homines doctrina præstātes in summo honore habent; illisq; assiduè operā dant, & illorum disciplinis erudiri summū decus existimant. Respublica est commodis legibus ascripta. Omnia, quæ vaneunt, pōdere vaneunt. Sūmum flagitium est apud illos, fallacibus vti pōderibus. Eum enim, qui per librā atq; lācem fallit, omnē generis humani societate euertere cēsant, & vt ciuiliis iuris hostē teterrimum execratur. Insula verò cū nihil omninò proferat, quo vel homines ali, vel ornari possint, tantis tamen fructibus & frugibus, & cibis, atque delicijs affluit, vt vix vlla regio sit magis omnibus rebus, quæ ad victum & elegantiam vitæ pertinent, abundans. Nullæ namquē sunt vitæ delicia vel in Arabia, vel in Perside, vel in India,

dia, vel in quacunque alia regione, è qua naues in insula portus inuehantur, qua non omnes terra opes in eam inferant. Ita fit, vt cum nihil ex se ipsa gignat, multis tamen regionibus opimis rerum omnium abundantia praeferatur. Reges è portorijis ingentes sibi opes pepererūt, imperiū deinde late propagarunt, ita, vt multis insulis, & vrbibus etiā non paucis in Carmania & Arabia sitis imperarent. Exercitus satis magni illorum sumptibus alebantur. Sed tandem cum eorum ministri ad summas opes peruenirent, & tyrannidem vehementer affectarent, & ipsi Reges otio atq; luxu diffuerent, factum est, vt regium tantum nomen penes Reges esset: ministri porro regni opibus ad suum scelus atq; flagitium abuterentur. Hic erat regni illius status eo tempore, quo Albuquerqueius illud sub Emmanuelis imperium subiungere cogitauit. Itaq; xx. die Augusti, anno à CHRITSO nato M. D. vij. è Zacotora profectus in Arabia promontorium, quod Rozalgatem appellant (antiqui regionum explicatores, Corodamum nominabāt) aduectus est. Duces, quos secum ducebat, erant sex homines in rebus bellicis spectati & cogniti, quorum hac nomina fuere, Franciscus Tauora, Emmanuel Tellius, Alfonsus Lupius Costa, Nonius Vascius Albicastroensis, Antonius Campensis, Ioannes Nonius. Exercitus erat quadringentorum septuaginta militū. Cum hac tam exigua classe ad regnum illud opulentissimum expugnandum signa in eas oras inferre constituit. Arabia igitur oras praeuertens cum ad primum oppidum, quod ad Armuzij regnum pertinebat (Calaiates appellatur; est autem id intra sinus introitum) naues appelleret, pacem incolis obtulit, ea conditione, vt classi commeatum praeberent. Inde in oppidū aliud aduectus, quod appellant Curiatem, cum milites cibum sumere vellēt, se delusos aspiciunt. Nam in vasa,

L I B E R

in qua Calaiatenses commeatum intulisse simulauerant, sordes ingesserant, & in summo varia ciborum genera collocarant, vt nostris illa vana specie commeatus illuderent: cuius quidem fraudis postea debitas pœnas exoluerunt. At Curiatenses non dolis, sed armis cum nostris agere maluerunt. Erat enim ibi quidam Regis Armuziensis præfectus, vir impiger, qui portum fossa & vallo munierat, & ea præsidia collocarat, quibus se confidebat multò maiores copias facillimè repulsurū. Ea cōfidentia cū! Albuquerqueius ei pacē obtulisset, illū repudiavit. Albuquerqueius re prius cū ducibus alijs communicata, & copijs eo ordine, qui conuenire videbatur, instructus, in terram egressus est. Hostes, qui illū littoris aditu prohibere nitebantur, erant ad tria millia. Fuit atrox prælium commissum: nostri tamen hostes pellunt, & vallum deinde expugnant, & in oppidum tādē irrumpūt, idq; iam præsidio nudatum impunè diripiūt, & subiectis ignibus inflāmant. Naues præterea tam quæ in anchoris erāt, quàm quæ in littus subductæ fuerant, incendunt. Inde in aliud oppidum eiusdem regni mulò maius & opulentius inuecti sunt. Id Mascate nominatur. Abest autem à Curiate quadraginta passuū millia. Est autem in planicie situm, & duobus montibus, qui illud vtrinq; muniunt, inclusum. Mōtes in littus oppidi procurentes, portus aditum per angustū efficiunt. Incolæ fossam latam à monte in montem perduxerant, & aggeribus & duplici vallo munierant. Valli atque fosse aditus, quos ad vsus ciuium maritimos in ea statione fecerant, erant duo, ijq; nimis angusti. Albuquerqueius tamē in portum ingressus cum oppidi præfecto paciscitur, vt exercitui commeatum nomine tributi subministraret. Parabatur autem commeatus, cū subito dux Regis Armuziensis cum præsidio aduenit, præfectumq; quod commeatum promiserat,

serat, malè accepit, totaque se ciuitas ad resistendum comparauit. Erant in armis ad quatuor millia virorum. Albuquerque, ubi quod hostibus consilium esset animaduertit, urbem per totam noctem tormentis acerrimè verberare, & mœnia concutere praecepit, vt non solum mœnium ruinas ederet, verum & hostes formidine perterritos peruigilio fatigaret. Die sequenti aciem triplicem instruxit, vnā Francisco Tauora attribuit, cui praecepit, vt cum Alfonso Costa valli partem extremam, quæ ad vnum ex montibus pertinebat, oppugnaret. Similiter vt in aliam partem munitionis eiusdem ad alterum montem spectantem Ioannes Nonius, & Antonius Campensis cum acie secunda irrumperent, imperauit. Ipse Tellium sibi socium asciuit, vt cum acie tertia munitionem mediam aggrediretur. Primus Tauora cum socijs in terram egressus, ad partem sibi assignatam contendit: & quanuis pilæ & sagittæ innumerabiles in nostros acciderent, illi tamen hostes repulerunt, & faces in vallum coniecerunt, quibus excitato protinus incendio, hostes eam partem deferere coacti sunt. Albuquerque iam vallum medium nimis acriter oppugnabat. hostes vi summa resistebant. Neque segnius qui alteram valli partem fuerant aggressi, rem gerebant. Nostri tandem vallum transgressi, hostes fundunt, & fugientes insequuntur: oppidum capiunt, diripiunt, & incendunt. Octo tamen è nostris in prælio ceciderunt. Inde, aliquot primum diebus ad corpora è labore nimio reficienda datis, Albuquerque soluit, & in aliud oppidum regni eiusdem, quod Soar appellabatur, inuectus est. in eo arx erat munita. Illius tamen præfectus, cum fama de vastitate, quæ fuerat repugnâtibus illata, regiones illas puassisset, se repente dedit. Ex eo oppido profectus Albuquerque, in aliud se cōtulit, Or
faza.

LIBER

*fazanum nomine, muris & tormētis munitum, in quo dux
 erat sanè fortis, & multum bellicis in rebus exercitatus: qui
 tamen nullo modo ciues continere potuit, quin ubi primum
 anchoras demitti cernerent, de fuga cogitarent. Igitur ea
 nocte, quæ post clasīs aduentum sequuta est, cum omnibus bo
 nis, quæ inde asportare potuerūt, præcipiti fuga se in mon
 tes proximos proripuerunt. Postridie vrbs spoliata, & incen
 sa fuit. Hoc erat vltimum Arabia oppidum ad Septentrio
 nes spectans, quod Armuzij imperio in illa ora contineba
 tur. Indè autem cursum in ipsam insulam conuertit. Erant
 in portu naues permultæ Saracenorum, rebus omnibus si pu
 gnandum esset, instructæ. Albuquerqueius duces in prætoriam
 nauem, cui ipse præerat, arcessiuit, vt de belligerendi ratio
 ne consultaret. Cum varia sententiæ fuissent, tandem id fuit
 communi consilio decretum, ciuitatem oppugnari minimè
 posse, antè, quam naues aut capte, aut depressæ fuissent. Ar
 muzium namq; communem Saracenorum omnium patriam
 existimari: proinde fieri non posse, vt si viderent urbem illam
 incommodis vexari, id negligerent. Urbis illius propugnacu
 lum non mœnibus, sed classe contineri. Itaq; classe deuicta,
 facilius multò fore bellum, quod erat contra Armuzium ge
 rendum. Hoc consilio comprobato, anchoras iaciunt, Albu
 quercius per nuncium Regi continuò significauit, se, non vt
 malum aliquod machinaretur, sed vt pacem cum illo face
 ret, eò naues illas appulisse. Pacem verò non alia ratione cō
 stitui posse, quàm Regis Emmanuelis saluari imperio in il
 lis oris egregiè confirmato. Eam namq; virtutem & benigni
 tatem Emmanuelis esse, vt muldò præstātius esset ad vitæ se
 curitatem, illius imperio subdi, quàm multis gentibus impe
 rare. Imperium namq; sine disciplina saluari, odiosum &
 inuisum esse, multisq; periculis & fortunæ procellis obno
 xium*

tum. At Regis optimi & inuictissimi disciplina & patro-
 inio vita atque salutis firmamentum contineri. Si vel-
 et in Regis Emmanuelis fidem & clientelam recipi, fo-
 re, vt contra omnes hostium insidias tutus & incolumis per-
 maneret. Secùs autem opus esse sibi armis experiri, quod con-
 ilio obtinere minimè posset. Rex fama rerum, quas Albu-
 quercius in illo cursu gesserat, exterritus, se pacis cupidum
 simulauit, & simul ad illum vnum è suis domesticis cum lite-
 ris atque muneribus misit. Is literas cum accepisset, mune-
 ra repudiauit. Nulla enim ratione munus se accepturum di-
 xit, antè, quàm pax firmaretur. Rex ad pacem se propen-
 sum asserebat. Id tamen de die in diem differebat, vsque ed,
 dum classis, quam ille expectabat, in portum introiret. Inte-
 rim Lusitani quidam, fide illius freti, in vrbe vagabantur.
 Sed vbi classis cum magna militum multitudine portum
 subiuit, Rex Lusitanos omnes, qui erant in vrbe, comprehen-
 di continuò precepit. Naues interim maximas secundum
 littus collocari, minores autem in altum deduci iussit, eo con-
 silio, vt si Lusitani in naues impetum darent, rates ex alto
 in nostras naues inuectæ, eas circumuenirent, vt nullum eis
 vndique vehementer oppugnatis perfugium relinqueretur.
 Insequenti die cum Albuquerque ordinem cerneret, quo
 classis hostium erat instructa, percepit eos ad pugnandum pa-
 ratos esse. Pugnam verò minimè detrectauit. Itaque solutis
 anchoris, in naues in portu collocatas impetum fecit. Id con-
 spicatus Coieatarus (hoc enim nomen erat præfecto, qui rati-
 bus præerat) in altum euectus, mutata velificatione cursum
 in nostras, vt eas à tergo circumueniret, inflexit. A nostris a-
 cre iam certamen erat cum nauibus, que vrbis aditum tu-
 tabantur, institutum, & fumi densa nebula vndique tor-
 mentorum flammis excitata, aspectum cunctis ademerat.

Coiea-

LIBER

Coieatarus opportunitate caliginis vtens, propius accessit. Ita-
 que non solum pilis eminens emisit, verum & sagittis & ia-
 culis res ab hostibus admodum strenue gerebatur. Tanta
 autem vtrinque contentione dimicatum est, vt terra debi-
 scere, & calum tenebris obduci videretur. Rex è turri præ-
 celsa certamen animo valde curis anxio spectabat. Multæ
 mulieres gravida & horrendo tormentorum strepitu pertur-
 bata, abortione conficta sunt. Tandem cum multæ na-
 ues dissipatæ fuissent, reliquæ se fugæ mandârunt. Nostri
 igitur illo periculo, quod ex alto impendebat, liberati, mul-
 to liberius contra naues, quæ in aditu portus consistebant,
 depugnabant. Hostes tamē, qui in illis erant, acerrimè rem
 gerebant. Nihilominus tamen nauis, qua Princeps regni
 Cambaiensis hæres, qui Armuzium proximis illis diebus
 aduectus fuerat, & ex ea periculum acri animo propul-
 sabat, demersa est. Altera deinde Melichiazij nauis simili-
 ter depressa fuit. Reliquæ naues erant iam multis in locis
 dissipatæ, ita, vt hostes permulti desperatione salutis indu-
 cti, in mare desilirent, vt nando cadem effugerent. Albu-
 quercius militibus in scaphas festinanter impositis impera-
 uit, vt omnibus, qui natabant, cadem afferrent. Naues, quæ
 fugere potuerunt, summa celeritate in fugam conuersæ
 sunt. Vna tamen constitit, cuius nauarchus erat vir singu-
 lari animo præditus. Nostri in illā ingressi, neminē reperiūt.
 Hostes enim se se in sentinam abdiderant. Nostri cum su-
 spicarentur omnes excessisse, paucis in naui relictis, naues
 reliquas fugientes insequuti sunt. At hi, qui se occultârunt,
 repente ex infima naui parte profiliunt, & multi paucos
 circūstunt. Hi suorum opem magnis vocibus implorant, &
 interim acriter in repentino illo discrimine pugnant. Qui
 opem inuecti scaphis afferebant, non tam citò subuenire po-
 tuerunt,

uerunt, quin nostri prius vulnera permulta ab hostibus acciperent. Hostes ipsi partim concisi, partim metu in mare precipitati sunt: maxima eorum pars in fluctibus interfecta fuit, paucinando in littus euaserunt. Tanta autem cædes hostium fuit, vt mare sanguine redundare videretur, & fluctus ipsi in sanguinis colorem reuersi, spectantibus terrorem inijcerent. Hoc certè constat, tantam fuisse hostium repidationem, postquam rem inclinari conspexere, vt conuersis arcubus se ipsos sagittis configerent. Itaque maximus numerus hostiũ intersectorum fluctibus eiectus in littus fuit, sagittis transfixus, cum à Lusitanis nulla sagitta mitteretur. Georgius Barretus, qui in nauem illam, vt opem circumuentis afferret, ingressus fuerat, cum cerneret eam prope urbem cõsistere, & tormētis aptissimè dispositis instructā esse, eisdem tormētis hostilibus urbem quater, & mœnia quantum fieri posset disturbari præcepit. Cum iam hostis nullus appareret, in naues hostiũ seuitum fuit. Multæ depressæ, multæ flammis exustæ sunt. Quo facto, urbem propius Albuquerqueius accessit, ita, vt regia appropinquaret. Qui in regia consistebant, quāuis essent stupore vehementer oppressi, vt sagittis nostros propellerent contendebant. Albuquerqueius, & Menesius, & quidam alij viri nobiles vulnerati sunt. Inde oram illam præteruectus Albuquerqueius, quamplurimas alias naues exussit, donec ad quādam stationē peruenit, quæ ad Carmaniam spectabat, in qua centum & octoginta naues, quæ nondum in mare fuerant deductæ, consistebant, quæ omnes fermè flammis absumptæ sunt. Templum etiam in suburbano magnis sumptibus extructum, & religionē Mahumetana consecratum excitato incendio deflagrauit. Nostri sic studio certaminis efferebantur, vt in urbem inuadere properarent. Eos tamen Albuquerqueius cōtinuit. Erant enim

LIBER

enim pauci admodum, & labore nimio defessi: in ciuitatem
 verò magnus numerus militum confluxerat. Prælium horis
 octo continuatum fuit. E nostris decem desiderati, supra
 quinquaginta vulnerati sunt, inter quos Gaspar Diazius
 vexillifer extitit, cui manus dextera vno ictu præcisa fuit.
 Ex hostibus circiter duo millia hominum cecidèrunt. Hæc vi-
 ctoria magnum metum hostibus iniecit, sed multò grauiorẽ
 turbationem illis afferebat inflammatio nauibus illata. Vita
 namq; & salus insule nauibus continebatur, quibus sublatis,
 vastitas & interitus imminerebat. Rex igitur re prius in consi-
 lio deliberata, per duos Saracenos vsu rerum peritos & au-
 thoritate graues, quorum vnus appellabatur Coiebeir ami-
 us, alter verò Abdala, qui erat Hispanus Granata oriun-
 dus, ab Albuquerque pacem petijt, & humiliter atque de-
 misse postulauit, vt errori suo veniã impertiret. Senãq; te-
 meritate adolescentiæ, & hominum perditorum consilio in
 eam fraudem deductum fuisse. Satis iam pœnarum dedisse,
 & malis eruditum ita fuisse, vt sperandum esset, semper se
 in officio futurum. Itaq; libenter imperium Regis Emma-
 nuelis agnoscere, & tributum, quod imperatum esset, pen-
 dere velle. Deinde Albuquerque obscecrabat, vt ei loco pa-
 rentis esset. Se namq; ei perpetuò pietatem non minorem, q̃
 si esset illius filius, præstiturum. Admonebat deinde, vt ani-
 maduerteret sapienter, quam rẽ gereret. Armuzium iam
 ad ditionem & imperium Emmanuelis pertinere. Si igitur
 insulæ vastitatem et inflammationem inferret, bonam par-
 tem imperij Portugallensis interituram. Insulam namq; es-
 se hominum frequentia celebrem, opibus abundantem, & ita
 Persidis & Arabiæ regionibus imminuentem, vt qui eam
 teneret, facillimè posset imperium dilatare. Insulæ verò fir-
 mamentum in nauibus esse constitutum, ita, vt qui naues
 exure-

exureret, interitum sempiternū insula illius commodis esset illaturus. Vt enim (dicebant illius legati) arbor excisa radice arescit: ita Armuzium excisis nauibus, quibus vt radicibus alitur atq; sustinetur, interibit. Si igitur opes tui Regis augeri & amplificari desideras, opus est, vt insulam conserues, è cuius incolumitate magnus ad eius imperium cumulus accedet. Præterea, quemadmodum maximos imperatores, quorum nomē est immortalitati consecratum, virtute atque factis egregijs imitaris: ita clementiæ exempla, qua non minorem admirationem gentibus, quàm victorijs attulere, tibi ad imitandum proponas. Hoc enim sibi ad nominis immortalitatem præclarū existimabant, vt quos virtute deuicerant, misericordia conseruarent. Sic autem cū virtutis magnitudine terrori hostibus esset, humanitatis laude cunctos mortales ad studium sui nominis excitabant. Quod ad virtutem attinet, tantū facinus edidisti, vt sis cum omnibus summis Ducibus comparandus. Reliquum est, vt, quemadmodum in bellis inuictus semper extitisti, ita parta victoria à nemine clementiæ & humanitatis laude vinci patiaris. Quare cū iam dignas erroris pœnas pertulerimus, fac vt malis innumerabilibus perculsi & abiecti, tua benignitate recreemur. Maximi namq; hominis est, in summa felicitate imbecillitatis humana memoriam retinere, & hominibus in summa calamitate constitutis ignoscere. A te igitur per numen sanctissimum, quod colis, per dexteram istam tuam semper inuictam petimus & obsecramus, vt misericordiam afflictis tribuas, & errori Regis adolescentis, quem valdè temeritatis suæ pœnitet, ignoscas, & ignem, quā plurimum fieri poterit, extinguere permittas. Quod si feceris, non solum laudem Ducis fortissimi, verū & gloriam Principis humanissimi consequeris, & opibus Regis tui multum

LIBER

prospicies. Ad hæc Albuquerqueius respondit, se molestè ferre, quòd non multò prius cum hac legatione ad eum venissent. Quòd si fecissent non tantũ damni factum fuisset. Irent igitur, & ignem festinanter extinguerent. Se namq̃, fidem dare, eos nullũ interim incommodum à nostris accepturos, dum naues reliquas, in quas nondum incendium peruaserat, ex imminente clade proriperent. Quòd verò ad pacis conditiones attineret, se responsũ postea daturum. Cum hoc responso Coiebeiramiũ ad Regem reuersus est. Abdala verò fuit obsidis loco retentus, & ignis absq̃, vllò impedimento singulari multorum industria & sedulitate restinctus. Postridiẽ fuerunt à Rege missi Principes ciuitatis, inter quos erat Noradinus: sic enim appellabatur, qui Regis nomine ciuitatem patrijs institutis & moribus regebat. Per hos cum Albuquerque pax firmata fuit. Pacis conditiones hæc fuerunt: Vt Zeisadinus, hoc nomine secundus, Armuzij Rex, stipendiarius Regis Emmanuelis esset, & ei tributũ nomine quindecim aureorum numorũ millia penderet: & præter hæc, ipsi Albuquerque pro impensis in id bellum factis, solueret quinque millia. Vt Rex assignaret locum in vrbe, quem Albuquerque vellet, in quo posset arcem adificare. Huius pactionis literæ fuerũt in aureis laminis insculptæ Arabica & Persica lingua. Persicum exemplum, vt penes ipsum Regem seruaretur: Arabicum: vt ad Emmanuelem mitteretur. His pactionibus firmatis & obsignatis, Rex ab Albuquerque postulauit, vt ei vnum vexillum Regis Emmanuelis patroni sui insignibus illustratum mitteret, cuius admonitu disceret, Regẽ absentem, cui se addixerat, debita fide & pietate venerari, & vt inteligeret oēs, eũ in illius patrocinio latere, cuius tã clarũ apud quãplurimas nationes nomen esset. Vexillũ ab Albuquerque missum, cum maxima ciuitatis totius lætitiæ, & faustis ac-

clama-

clamationibus, quasi felicitatis perpetua signum exceptum
fuit, & in regia turri collocatum. Albuquerqueius deinde
aui egressus, in regiam cōcessit, quæ erat instrata peristro-
natis aureis & bombycinis. Rex illum magni amoris signifi-
catione complexus est, multusq; sermo de pace fuit ab illis
institutus, quam iterū iureiurando valdè sancto & religioso
confirmarunt. Inde cum se rursus in classem Albuquerqueius reci-
peret, Rex munera ad illū misit satis ampla, Regisq; magnifi-
centia digna. Balteus erat ex auro factus, multusq; gemis maxi-
mi pretij distinctus, & sica cū vagina ex auro & gemmis si-
mili ratione perfecta: & quatuor annuli, in quos erant gemæ
maximæ splendoris inclusæ: & equus miræ pulchritudinis & pni-
tatis, ephippio & phaleris valdè p̄ciosis instratus. Dūces et-
iam reliquos muneribus elegatissimis affecit. Albuquerqueius illū
p̄ciosissimè remuneravit donis atq; monilibus opere singulari p̄fe-
ctis. Itaq; persuasum erat omnib; nihil esse posse illa pace con-
tātius. Lusitani igitur egressi, in domibus, quas Rex illis desi-
gnarat, sine vlla suspitione fraudis habitabāt. Aliquot naues
perūt in littus, ut reficerētur, absq; vllō metu subductæ. Ar-
tis fundamēta cōtinuè iacta sunt. Albuquerqueius cū Sara-
cenorū mores exploratos & cognitos haberet, & quāta per-
dicia vti solerēt, intelligeret, propè locum, ubi arx edificari
incipiebat, in lingula littoris ipsius turrim excitauit, in qua
armēta disposuit, quibus si Saraceni opus impedire conaren-
tur, eos dispelleret. Oēs Lusitani certatim operā strenuā na-
abant: nullū erat generis & dignitatis discriminē: q̄ plus la-
oris in illud opus insumebat, is nobilior habebatur. Albuquer-
us instabat acriter operi, & laborantes vrgebat, eorūq; la-
orē & laudib; & sermonis vrbānitate leuabat, & frequē-
r admonēbat, totam firmamenti & securitatis rationem
in eo positā esse, ut opus summa celeritate p̄ficeretur, ut si Re-

LIBER


gem fœderis percussî pœniteret, fidem frangere si vellet, post-
quã arx munitissima ceruicibus illius impenderet, minimè
posset. Ipseq; vt exēplo reliqs esset, operi etiã plerūq; manus
admonebat. Rex materiã opera suorū abundè subministra-
bat. Et quia, vt fit, seditiones inter Lusitanos & Armuzien-
ses excitabantur, ne nostris iniuria à ciuibus inferri posset,
Noradinus quadringentis militibus stipatus, summa Regis
ipsius voluntate præsidio nostris erat. Duo filij Noradini de
Regis nece coniurauerant, & detecto scelere, antequam pœ-
nas darent, aufugerant. Vnus appellabatur Delamixa, al-
ter Zerasus. His Albuquerqueius propter singulare studiū,
quod in Emmanuelem præ se ferebant, à Rege
veniam & reditum in patriam
impetrauit.

HIERO-

HIERONYMI
OSORII SILVENSIS
ALGARBIORVM IN LV-
SITANIA EPI-
SCOPI,

DE REBVS EMMAN-
VELIS, LVSITANORVM RE-
GIS INVICTISSIMI VIR-
tute & auspicio gestis,

LIBER SEXTVS.

VM hac geruntur, duo legati Ar-
muzium aduecti sunt, vt tribu-
tum Ismaelis nomine, qui tunc
Persidem, & quamplurimas, orien-
tis Solis regiones imperio deuin-
ctas continebat, quod Armuzij
Rex, vt alij permulti Reges stipen-
diarij, ex fœdere debebat, exige-
rent. Erat Ismaelis, quē Sophum cognominabant, princeps
inter Saracenos omnibus artibus illo loco dignis excellens,
qui propter ingenium & industriam, cū se primum reli-
gionis nomine venditaret, deinde magnum virtutis specimē
in bellicis rebus ostenderet, ad summas opes peruenerat, im-
periumq; latissimē propagarat. Armuzij aut Rex, vt alij p-
multi, metu & imperio coactus tributum illi pendebat. Tūc
igitur cū legati tributum peterent, Rex animo suspensio
& anxio, quid sibi agendum esset, explicare non poterat. rē

L I B E R

ad Albuquerqueiū retulit. Is eum sine cura esse iussit. Itaq; legatis per vnū ē suis comitib. de aduētū, & de valetudinis firmitate gratulatus est. Deinde eos admonuit, ciuitatē illam & Armuzij regnū Regis Emmanuelis esse, belli iure subactū. & Armuzij Regē in fidem Emmanuelis Regis p̄cellentissimi receptū, ita, vt sibi necesse esset iniuriam ab illo propulsare. Quod verò ad tributū attinebat, se tributū Regis ipsius nomine continuo soluturū. Ferculi deinde, in quod tributū erat impositū, corā legatis ipsis euolutū fuit. Erant aut in ferculo globi ferrei, & sagittæ, & hastarū cuspides, & ferreæ fistulae. His explicatis, & in legatorū cōspectu p̄positis, adiecit is, quē Albuquerqueus miserat, Hoc est tributū, quod Emmanuel Portugallia. & Algarbiorū, & India, & Armuzij Rex pendere solet ijs, q̄ à regib. sibi subditis tributū exigūt. Hoc responso legati, quanuis minimē ferendā iniuriā Ismaeli Regi omniū potētissimo factā esse clamaret, & minas etiam iacerent, inanes tamen in patriā rediēre, Arx interim ad tantā altitudinē puenierat, vt p̄sidio relicto defendi facile posse videretur. Duces verò molestissimē ferebāt, se diutius in eo opere detineri. Animo namq; reputabāt prædas, quas agere ē nauibus hostiū potuissent si circa Arabici sinus introitū mare illud peragrauissent. Ardentes igitur cupiditate, consiliū ineunt, vt nomine Regis ab Albuquerqueo contendant, vt arcis præfecto, quem velleret, relicto, inde discederet. Postulatum hoc scribāt, & nominib. obsignāt, & obtestantur, nē contra Regis imperium velleret diutius tēpus in eo opere conterere, ad quod efficiendū iussus nō fuerat. Adorat scriba cū postulato, vt fidē scriptis faceret, illū, si postulato non satisfaceret, officiū prodidisse. Is postulatū de manibus scribæ cū accepisset, legere noluit, sed sub lapidē, qui erat in arcus limine, ad eam rē paulo altius machina sublatū, abdidit. Hac contume-

lia Duces offensi, ad Coieatarū, qui maximū apud Regem locū obtinebat, adeunt, eumq; admonent, Albuquerqueiū nihil eorū, quæ contra Regem Armuzij gesserat, ex Emmanuelis Regis imperio gessisse: sed hominē effrenata mēte præditum & præter modū & rationē laudis appetentē, ea molitū fuisse, quæ fortasse nō mediocrē essent offensionem animo moderatissimi Regis allatura. Nec enim Emmanuelē velle, ut nostri Regibus, à quibus nullas iniurias acceperant, bellum inferret. Id Coieatarus cum ab illis acceperat, lætitia incredibiliter elatus est. Existimavit enim sibi licere minore cū periculo fraudes machinari. Itaq; ad Albuquerqueiū accedit, eumq; post longū sermonē vehemēter admonuit, ut classem inde deduceret. Illius enim metu mercatores eō naues minimē cum mercibus, ut antē solebant appellere. Et ob eam causam Regis vectigalia, quæ maxima ex parte in portorijis consistebāt, imminui, ita, ut tributum, quod fuerat impositum, solvere propter rei familiaris angustias minimē posset. Dabat præterea fidem, se perfecturum, ut arx illo absente perficeretur, & ita muniretur, ut Albuquerqueiū ipse cupiebat. Albuquerqueiū ad ea sic respondit, ut intelligeret Coieatarus, illū ab instituto consilio minimē discessurum. Itaq; alia via concinnare fraudes instituit. Quinq; nautas pecunia corripit, ut Albuquerqueiū defereret, in quibus erant quidam, qui tormenta aenea conflare sciebant. His autem in continentem traductis, iussit omnia quæ ad tormenta conficienda pertinerent, largē subministrari, eosq; victu lautissimo, atq; muneribus deliniri. Id cum Albuquerqueiū comperisset, misit ad Regē & ad Coieatarum, qui nautas sibi continuō tradi postulare. Respondent illi, homines minimē comparere. Sed tamen operam daturōs, ut eos, si laterent extraherent, & ad illum mitterent. Post triduum per nuncium significant, ho-

L I B E R

mines ex insula in continentem traiecisse. Se tamen curaturos, ut inde abducerentur. Interim verò hi summo studio tormenta partim aenea, partim ferrea faciebant. Coieatarus, homo quietis impatiens, et fraudulentus, arma comportari, milites adduci nocte, ne res palam fieret, iubebat, & bellum tanto silentio & calliditate comparabat, ut quavis Albuquerque sagax & callidus esset, id odorari non posset. Tandem Saracenus quidam, nomine Abrahamus, illi rem totam aperuit, atque demonstraui, quosdam Lusitanos Duces Coieataro causam illius sceleris attulisse. Id Albuquerque admiratus, Deo summas gratias egit, Saracenumque admonuit, ut omnia, quae posset explorare, ad illum continuo deferret: se namque perfecturum, ut eum debito premio largè atque munificè cum amplificatione dignitatis afficeret. Deinde per nuncios Regem & Coieatarum admonebat, ne vellent foedus tanta religione percussum, propter quinque transfugas violare. Deus, qui est iusiurandum negligentibus insensus, metuerent, & belli renouandi materiam contra interpositam fidem praeberent. Illi iurant, se de hominibus illis, quo in loco essent, nihil certum habere. Albuquerque Duces ad consilium euocauit. Fuisse qui dicerent, non esse sapientis Ducis, bellum quinque perditorum hominum causa cum salutis atque dignitatis certissimo periculo moliri. Se namque admodum paucos esse, bellique proximi laboribus attritos: hostes autem innumerabiles. Si quidquam fuisset in contentione suscepti temerè certaminis offensum, multo maius dedecus illud subitum, quam fuerat illud decus ex insigni victoria comparatum. Fore namque, ut multi victoriam fortuna, ruinam temeritati tribuendam merito iudicarent. Non esse vires Lusitanas, cum essent exiguae, temerè distrahas, & sine graui causa in summum discrimen inducendas.

as. Quare censebant, nihil fieri posse dissimulatione sceleris atq; conseruatione pacis antiquius. Constitueret porro in arce praefectum cum praesidio, & ipse cum classe discederet. Hoc ille consilium accipere noluit. Neque enim erat è sana mente depromptum, neque sapienter de bello statuebat. Erant enim iam in ciuitate auxilia vndiq; cum multis armis, & tormentis, & bellicis instrumentis inuecta. Nemo erat inter hostes, qui de conseruanda pace cogitaret. Nihil erat in illis simplex, nihil non mendacio, & scelere, & calliditate subnixum. Ducem cum praesidio in arce nondum perfecta, neque satis adhuc munita relinquere, non erat hostes coercere, sed suos hostibus prodere. Arcem verò tanto labore fundatam prorsus ommittere, summum dedecus, & minimè sapiens consilium videbatur. Timiditatis enim erat, incepto desistere: stultitiæ autem summa, hostium opes munitione illa, Lusitanorum opera & contentione perfecta, confirmare, ne faciliè deinde esset, ciuitatem arce illa defensam expugnare. Consilio ita minimè comprobato, nuncios ad Regem iterum misit, qui idem ab illo obnixè postularent. Cum verò nihil impetrasset, & eiusdem Saraceni, qui illud de instituto scelere certiores fecerat, indicio percepisset, arma in certum locum comportari, milites vndiq; conuenire, stationes muniri, & in illis praesidia disponi, & tormenta collocari, nocte vna Lusitanos omnes cum rebus omnibus, quæ maioris pretij erant, in classem recipi iussit. Hac cum fieri Rex animaduertisset, detectam fraudem esse cognouit, & idcirco minimè dissimulandum, aut rem differendam ratus est. Armati igitur vndiq; prodeunt, praesidia concurrunt, tormenta in nostros apertè dirigunt, milites concursantes feritatem oculis & aspectu denunciant. His rebus excitatus Albuquerque Duces in scaphas descendere, & propius

LIBER

urbem accedere, & mœnia tormentis quaterere praecepit. Coieatarus naues, quæ in anchoris erant, in portum subducere imperavit, ne à Lusitanis capi & incendi possent. Lusitani confestim accurrunt, & naues coniectis ignibus inflammant. Nullum diem intermitti patiebatur Albuquerque, quin tormentis quamplurimum damni mœnibus inferret. Sed cum hoc belli genus illi nimis lentum videretur, aliud excogitavit, quo multò vehementius hostes affligeret. Iussit enim summa diligentia mare custodiri, ne quidquam cibi in urbem importari aliundè liceret. Emmanueli Tellio, Barreto, & Antonio Campensi, & Alfonso Lupio Costa hoc munus assignavit. Illi quanvis inuiti imperata conficiunt, rates aliquot capiunt & ad Albuquerque adducunt. Is facinus edidit inhumanum, & illius rebus gestis indignum. Omnibus enim, qui erant nautæ, aut sagittarij, aures & nares atq; manus præcidi: reliquis, præter aures atque nares, medium pedem secari iussit. Eos deinde in terram deduci praecepit, & admonuit, ut Coieataro dicerent, idem supplicium subituros omnes, qui annonam in urbem inferre conarentur. Erant hostes vehementer exterriti, ciborum penuria ciues afflictabat: plebs tumultuari incipiebat: fames atq; sitis eos premebat. Multi igitur ad Regem adeunt, de clade, quæ illos vexabat, maxima voce conqueruntur, & iratis precibus ab eo contendunt, ut vel pace, vel quacumq; alia ratione posset, illorum malis remediū præsens adhibeat. Secus enim, sibi opus esse remedium tantis miserij inuenire. Ad hæc Coieatarus (Regium enim est apud barbaros, aliena semper vti lingua, & in infantia gravitatem positam arbitrari) Regis nomine respondet, quod ad depellendam sitim attineret, cisternis ipsius urbis, & puteis, qui inde quatuor millibus passuum aberant, in loco, quem Terumbaquem appellant,

cellant, posse ciuium sitim facillimè restingui. Ciborum autem copiam tantam esse in vrbe, quanta satis esset ad bellum olerandum, vsque eo, dum classis maxima rebus omnibus instructissima, quam propediem ad futuram confidebat, portum in insula subiret. Essent porro bono animo. Se namq; vincula Lusitanis illis omnibus iniecturum, vt viui pœnas improbitatis atque perfidia luerent. Hac inani spe, ciuium à se furorem & impetum repressit. Re autem vera nec in cisternis, nec in puteis erat aqua, qua tanta multitudo sustentari posset, & ciborum erat extrema quædam inopia. Albuquerque, vt hostes grauiore cruciatu vexaret, & citius ad deditionem compelleret, obstruere puteos Terumbaquenses instituit. Itaque negotium dedit Georgio Barreto, & Alfonso Lupio Costa, vt puteos obturarent. Hi scaphis inuecti, oram legunt octoginta militibus stipati. Barretus sex viros nobiles, et in rebus gerendis industrios interram exposuit, qui viderent, an arte quadam possent aliquem hominem corripere, è quo, an putei essent custoditi, cognoscerent. Hi duos homines capiunt, è quibus intellexere, puteos seruari à Duce, nomine Cidehamez, qui sub signis viginti quinque equites, & ducentos pedites sagittarios habebat. Hoc cum Barretus acciperet, remis, quantum fieri potuit, accelerauit, vt in terram cum omnibus copijs egressus ante lucem (erat enim nox) hostes inopinantes opprimeret. Quod quidem sic euenit. Nostri enim hostes dormientes offendunt: ducem interimunt, & præter paucos admodum, qui semisomnes excitati profugerant, omnes interfecti sunt, & putei hominum & equorum cadaueribus oppleti. Nè autem cadauera extrahi possent, Albuquerque Laurentia Sylua, Castellano viro valde nobili, & in armis acerrimo curâ dedit, vt cum viginti militibus

L I B E R

puteum custodiret. Is cum ab hostium multitudine circunuentus esset, Albuquerque, qui semper rebus omnibus intentus erat, & indè tunc non procul aberat, cum centum & quinquaginta viris accurrit. Hostes erant permulti, Rex hortator & spectator aderat. Coieatarus admonebat suos, ut in eo certamine vitam omnium contineri perspicerent. Instant illi: nostri multitudine penè obruti retrocedunt, quos hostes acriter insequuntur, & multos conuulnerant. Albuquerque erat vndiq³ telis impetitus: Delamixa, cui Albuquerque veniam & reditum in patriam consequutus fuerat, multò acrius, quàm reliqui omnes, in nostros ferebatur, donec tormento grauiter ictus, se à cadendo & à persequendo continuit. Albuquerque eo die maximum vitæ discrimen adiuit. Littus erat propè: id fuit in causa, ut nostri omnes, præter vnum ex Albuquerque domesticis, qui in prælio cecidit, euaderent. Maxima tamen eorum pars vulnerata discessit. Mare tamen summa vigilantia à nostris observabatur, nè cōmeatus ullus inueheretur. Multitudo à Rege misericordiam implorabat: se diutius famem atque sitim tolerare non posse dicebat. Nollet paucis obtemperando ciuitatem vniuersam morte acerbissima conficere. Hæc clamoribus, & interdum etiam minis, & eiulatu valdè lugubri cum multis lacrymis agebant. Hos Coieatarus aliquando verbis lenibus, aliquando etiam minis à Regis aditu & congressu repellebat. Sed malum illud iam tolerari non poterat: itaq³ necesse erat, ditione tandem miseriæ, quæ urbem premebat, finem imponi. Sed in hoc rerum statu, res accidit dedecore sempiterno dignissima. Duces enim quauis essent & nobilitate & factis egregij, odio parum iusto sui Imperatoris excacati, cum bellum propè confectum esset, fidei et infitæ nobilitatis obliti, Albuquerque, sub quo militabant, repente

gentē deferunt, & passis velis in Indiam inuehūtur. Hi fuerunt Emmanuel Tellius, & Alfonsus Lupius Costa, & Antonius Campensis. Cū igitur Albuquerque cerneret, cōrū ad hunc modum diminutis, se non posse bellum diutius sustinere, discessit inde frēmēs & indignabundus, quōd victoria non hostium virtute, sed suorum flagitio de manibus erepta fuisset. Est non procul insula ad idem regnum perti-nens (Queixume nominatur) in eam delatus, in oppidum nomine Arbez inuasit, & ducem cum multis militibus occidit, locumq; spoliavit. Maximus autem ex praeda com-meatus fuit in naues impositus. Ibi cū certior factus esset, arcem Zacotoram esse in maximas angustias propter anno-nā penuriam adductam (bello enim premebatur, per quod commeatus in arcem inuehi minimē licebat) & simul acce-pisset, septuaginta nauium classem ex intimo sinu, qui Persi-dis extremo ex ea parte termino definitur, soluisse, ut Armu-zio opem afferret, vidit sibi, tum ut clas̄is congressum deu-itaret, tum ut Lusitanis afflictis subsidio occurreret, non esse diutius in ea regione cunctandum. Prius tamen, quā inde discederet, in aliud oppidum eiusdem insula Queixumen-sis inuectus est. Appellabatur Home al. Erat autem magnis praesidijs munitum. Atrox praelium commissum fuit: oppi-dum tamen cum magna hostium cade captum & direptum est, & duces hostium caesi. E nostris autem vnus nauta deside-ratus fuit, & duo Saraceni, qui sub Albuquerque stipendia faciebant: Ioannes Nouius vulnus accepit. Inde cū No-uium in Indiam dimisisset, in Zacotoram peruenit. Illius aduentu fuit bello finis impositus: hostes enim metu perter-riti fugerunt. Cū verō hostes ab illo pacem peterent, il-lam ea lege concessit, ut certum numerum boum & arietū commeatu arcem muniret, Franciscum Tauoram in Me-lindens

LIBER

dem rei frumentaria comparanda gratia misit. Ipse verò in Goardafumense promontorium concessit. Tauracum in Melindensi regno imperata faceret, Iacobus Melius, & Martinus Coelius, qui in Mozambique hyemauerant, in eundem portum aduecti sunt. Qui relictæ in Melinde fuerant, ut ad Aethiopia Imperatorem deducerentur, adhuc ibi commorabantur, eò quòd neminem Rex Melindus nãcisci potuisset, cuius fidei rectè committi possent. Itaq; in naues recepti sunt. Tres igitur illi nauarchi ad Albuquerqueium se contulere: in via autem nauem vnã cepere, quæ spoliata primùm incensa deinde fuit. Alteram autem nauem Albuquerqueius ipse ceperat: qui horum nauarchorum aduentu mirifice delectatus est. Erat autem in nauì, quæ in manus Albuquerqueij inciderat, Saracenus quidam ex Arabia, vsu rerum peritus, qui apud Aethiopia Imperatorem diu versatus fuerat, & gentis mores, & regionis instituta cognouerat. Hunc ad Regem Emmanuelem Albuquerqueius misit, ut omnia quæ scire cupiebat, illi diligenter explicaret. Tres autem illos, qui ad Aethiopia Regem mittendi erant, in oppidum non procul à promontorio situm induci præcepit, quò inde eò, quò missi fuerant, absque vllò incommodo peruenire. Rex, qui tunc imperium tenebat, David appellabatur, mater autem Helena: quæ propter prudentia non vulgaris opinionem, eò quòd David adhuc puer esset, regnum gubernabat. Hic cum Emmanuelis literas accepissent, incredibilem letitia significationem dederunt, & legationem ad Emmanuelem decreuerunt, cuius sententiam alio in loco referemus. Hinc profectus Albuquerqueius, in Zacotoram delatus, hyemem traduxit: Inde cum primùm per anni tempus licuit, vigesimo die Augusti, Calaiatem versus iter instituit, ut simul & quæ in Armuzio post illius digressum eue-

nerant,

erant, intelligeret, & Calaiatensibus doli patrati pœnas
imponeret. Ibi cùm naues ab incolis conspectæ fuissent, duo
araceni, homines opibus & auctoritate præstantes, lintre
uecti sunt, & nauem pratoriam sine vlllo metu conscen-
derunt. Existimabant enim illas naues è Lusitania tum pri-
mum ad eas oras appellere, neque scire posse, quæ in Armu-
zio gesta fuerant: & intelligere cupiebant, quid in Lusita-
nia de rebus Indicis ab Emmanuele designatum esset. Hi ve-
rò cùm Albuquerqueium cognouissent, & intelligerent eam
audem, quam Calaiatensis præfectus consilârat, exanima-
metu conciderunt, & suppliciter admodum misericor-
diam implorârunt. Ille veniam ea conditione promisit, ve-
ra de ijs rebus, quæ scire cupiebat, enunciarent. Illi se id
facturos spondent. Ab illis autem cognouit, & quantis opi-
bus Armuzium esset munitum, & simul intellexit, eundem
uicem, qui fraudem fuerat machinatus, in oppido esse, in-
uenique munus obire. Hoc ibi percepit, in portum inue-
nitur: hostes cum ipso duce protinus, ut resisterent, accurrunt.
sed paruo certamine in fugam conuersi sunt, in templum-
ue littori propinquum se trepidè recipiunt. Templum
autem repente captum. Hostes expulsi, in urbem conten-
dunt. Lusitani illos statim insequuti sunt usque eò, dum in
oppidum compellerent: quod statim oppugnare cùm vel-
lent, fuere ab Albuquerque prohibiti. Nox enim appro-
inquabat, & via erant angustæ, & ades excelsæ, è qui-
bus poterant hostes in nostros lapides & tela contorquere:
quod si fieret in tenebris, non mediocre periculum nostris
imminebat. Ea igitur nocte in templo substitit. Cùm verò
luxisset, in oppidum inuasit. Hostes inde formidine per-
urbati cōfugerant. Nostri ad prædam cōuersi sunt. Ibi cùm
Albuquerqueius diebus aliquot cōmoratus esset, dux impiger,

nominis

LIBER

nomine Zafaradinus, cum mille viris acribus vna nocte in nostros impetum silentio noctis intulit: quos non imparatos, vt suspicatus fuerat, offendit. Ea namq³ erat Albuquerquej disciplina, vt vix quidquam illi posset inopinat⁹ contingere. Itaq³ magno cum damno atque dedecore repulsi sunt. Hic rursus Albuquerqueius odio gentis inductus, simile exemplum immanitatis edidit illius, quod in Armuzio praeberat. Omnibus enim, quos viuos cepit, aures atque nares amputauit. Oppidum deinde & templum, quod erat excellenti opere factum, & viginti septem naues, quae erant in portu, flammis exussit. Inde aquatione prius in cursu cum magno periculo facta, Armuzium contendit, vt oculis vrbis statum & munitiones vsurparet, & simul aliquod damnum ciuibus inferret. Ibi cum propius naues appelleret, arcem, quam ille fundarat, duplici contignatione sublatam, et tormentis egregie munitam conspexit. Urbem tamen tormentis concussit, & naues aliquot intercepit, et quibus signis potuit, odium quod in Coieatari & reliquorum perfidiam animo continebat, exprompsit. At Coieatarus ad illum literas Almeida misit, quibus Coieatarum admonuerat, Albuquerqueium absq³ Regis Emmanuelis iussu bellum Armuzienses intulisse. Sibi quae summopere displicere, quod damni factum fuerat. Se libenter Emmanuelis nomine, cuius vice in regionibus illis vniuersis imperium tenebat, pacem & amicitiam cum illo firmaturum. Ex his literis Albuquerqueius non mediocrem molestiam cepit. Nihil tamen secius urbem, & aliquot oppida, quae erant in illius ditione, damnis quamplurimis affecit. In continentem deinde traiecit, oppidumque Habande (sic enim appellant, vnde aqua in Insulam ferebatur) incendit, & puteos, ne aquatio deinceps illa fieret, tellure multa completos obstruxit: & in duos Ismaelis

maelis Persarum imperatoris duces, qui, vt praesidium afferrent mercatoribus, qui cum maxima camelorum multitudine commeatum & varias merces importabant, inuasit. Et acri pralio commissio, duces interfecit, & illorum copias, quae erant quingentorum militum, partim cecidit, partim in fugam compulit. Iacobum verò Melium in insulam Larā nomine misit, vt alios similiter pueos obturaret. Omnes enim aquationes impedire volebat, vt urbem siti conficeret. At Melius cum Albuquerque inuissu aliquid laude dignum gerere vehementer expeteret, fraude Saracenorum indutus, in hostiles rates incidit: qui tamen quantum potuit, animo satis acri hostibus in se immisis repugnauit. Sed tandem ipse cum nouem hominibus Lusitanis interfectus est. reliqui autem velis secundo vento plenissimis euaserunt. Rebus ad hunc modum gestis, Albuquerque in Indiam nauigauit, & in Cananoris portum ingressus est tertio die Nouembris, Anno à CHRISTO nato. M. D. viij. quo tempore iam, vt dictum est, Laurētius Almeida in pralio contra Sultani duces inito tormentis dilaceratus occubuerat. Sub id tempus accepit Almeida literas ab Emmanuele Rege, quibus illum in Lusitaniā reuocabat, atque praecipiebat, vt Albuquerque imperium traderet. Erat autem ille cōparanda classi vehementer intentus, quā Mirhocemum inuaderet, & ab hostibus de filij nece poenas expeteret. Prius tamen quā in hostes irer, septem naues, quae erant in Lusitaniā profectura, diligenter instruxit: è quibus duae in alto merse sunt, quinque incolumes in Lusitaniā peruenēre. Deinde cum ea classe, quam parauerat, Cananorē petijt. Ibi in medio belli totius apparatu Albuquerque interuenit, qui fuit ab Almeida cum non mediocribus amoris signis exceptus. Et postridiē illum in prandium arcessiuit, atque post epulas

LIBER

ei literas Emmanuelis ostendit, quibus precipiebat, ut in Lusitaniam rediret, & Albuquerque eandem provinciam moderandam relinqueret. Se deinde ostendit esse paratissimum ad ea, quae Rex praescripserat, exequenda. Sed eo anno id fieri commodè non posse. Non classem illam esse iam à se magnis laboribus & sumptibus instructam, quibus erat bellum Myrhocemo atque Calecutiensibus, qui se cum illo coniunxerant, illaturus: neque iustum videri, illum, quod instituerat, minimè perficere, & sui doloris ulciscendi munus alteri delegare. Ad hac Albuquerqueius respondit, Almeidam non rectè se gerere, si non praescripto Regis obtemperaret. Quod verò ad hostes adtineret, sed id bellum, si illi classis, quae parata iam erat, traderetur, ita gesturum, ut Almeidam muneris ei commissi minimè poeniteret. Id Almeida se facturum negavit. Inde simulas orta viriusque animum ab altero alienavit, & Lusitani in duas factiones divisi, quidam ad Almeidam, alij autem se se ad Albuquerqueium contulere. Ita factum est, cum omnibus esset hoc studium, ut odiū inter duos viros optimos & singulari virtute praeditos excitaret, ut inter eos minimè cōveniret. Vterque autem cum esset laudis appetens, titulum belli illius confecti vehementer expetebat, & ideo eam gloriam sibi praeiungi alterius partis studio & cōtentione, molestissimè ferebat. Ita tamen erant animis disidentes, ut nec armis, neque maledictis inter se contenderent. Imò cum Almeida iam vellet inde proficisci, ut cum hostium classe confligeret, Albuquerqueius operam suam obtulit, & per communes amicos Almeidam obsecrauit, ut se in id bellum duceret. Almeida gratias illi summas egit, sed aequum non esse dixit, ut is antè, quàm esset à tanta belli contentione, & à maris etiam iactatione refectus, laborem illum susciperet. Quiesceret porro, & se ad alia bella non minus periculosa, quae erant illi, postquam im-

perandi munus susciperet, administranda, pararet. Albuquercius cum se ab illius belli societate prorsus exclusum cerneret, Cochimum profectus est, & ibi cum nonnulla indignitatis illius, ut interpretabatur, offensione constitit.

At Almeida cum classe vnde viginti nauium soluit inde duodecimo die mensis Decembris eiusdem anni. Erant in classe mille & trecenti milites Lusitani, & quadringenti Cochimenses. In cursu autem Onoris oram prateruectus, naues aliquot Calecutienses, quae erant in portu, incendi iussit: quod non absque multo sanguine partis utriusque fieri potuit. Inde cum primum in Anchediua aquationem fecisset, in portum Dabulis cursum direxit. Ea namque ciuitas ad Zabaij, qui Goæ regnabat, ditionem pertinebat. Zabaius autem cum Myrhocemo, & Calecutiensi, & reliquis Lusitani nominis hostibus societatem conuerat, & Sultanum literis ad bellum Lusitanis inferendum sollicitarat. Id autem Almeidam mouerat, ut urbem illam, si fieri posset, excinderet. Porro autem Pelagius Sousa vnus ex Ducibus aquationis & commeatus gratia se se à reliqua classe disunxit, & in terram egressus est. Cum verò illius milites incolas iniurijs affecissent, incolae iniurijs irritati, cum vicinitatis vniuersæ opem implorassent, impetu in nostros facto ducem interemerunt. Reliqui verò cum ducem occisum aspicerent, se fugæ mandarunt. Pelagium multi dicebant temeritatis pœnas luisse, quod imperatoris iniussu in terram absque vlla graui causa descendisset. Nec enim tanta erat penuria, ut illi necesse esset imperium Almeida non expectare. At Almeida cum propè Dabulis portum consisteret, premisit ea nocte, qui portus altitudinem diligenter explorarent. Ciuitas ad radices montis amœnissimi iacet. Est autem ampla, & adibus magnificis exulta,

L I B E R

in planicie sita, & erat tunc firmo atque valido praesidio firmata. Praefecerat illi Zabaius Saracenum impigrum ducem, qui habebat sub signis sex millia militum, in quibus erant quingenti Turcae. Erant praeterea in intimo portu naues non paucae, tormentis, & armis, & militum praesidijs instructissima. Dux tantum & sibi & copijs confidebat, ut uxorem ex omnibus, quas habebat, carissimam, in urbem accesseretur, & eos, qui erant in vicinis pagis, euocaret, ut victoria, quam sibi pollicebatur, spectatores esse possent. Sequenti die cum aestus accederet, & secundus etiam ventus à puppi naues impelleret, Almeida solutis anchoris, passisque velis, in portum ingressus est. Trirèmes praebant, humiliores deinde naues sequebantur, altiores agmen postremum claudebant. Scaphae erant expeditae, in quas cum tempus flagigaret, nostri desilirent, ut in hostes in terra consistentes irrumperent. Hoc ordine cum Almeida hostes aditu arcere non possent, ipse cum acie prima signis explicatis terram occupauit. In turrim egregie munita acie dirigebat, cum dux ciuitatis cum omnibus copijs more gentis instructis illi obuiam processit. Nostri tanto animorum ardore in hostes inuecti sunt, ut impressione facta ducem, & multos homines primarios occiderent, & reliquos in fugam verterent. Cum verò sese in urbem reciperent, nostri in eorum tergis inhaerentes, in urbem simul irruerunt. Fuit tunc in omnem sexum & aetatem sauitum, usque aded, ut neque foeminis, neque pueris infantibus, quos matres complexu in extremo illo vitae spiritu atque tristissime continebant, vlla conditione parceretur. Multi pro redemptione, auri & argenti magnam vim, et gemmas, et pretiosam suppellectilem cum miserabili luctu & multis lacrymis offerebant, quorum tamen preces neminem è tanta multitudine ad misericordiam inflexerunt. Fuit cades ad
Solis

Solis occasum continuata. Almeida veritus, ne nostris in vrbe dispersis, & in cade atque prada furēter occupatis discrimen aliquod, vt fieri plerunque solet, vbi militaris disciplina negligitur, impenderet, signum receptui dedit, & se cum omnibus suis copijs in templo quodam satis amplo continuit, & multos, qui se excellentius in eo pralio gesserāt, equestribus ornamentis affecit. Sequenti die militibus prædam concepsit, quæ fuit maxima, ita vt milites non possent rapiendi cupiditate ab vrbe diuelli. Quod animaduertens Almeida, clam submisit, qui partem ciuitatis incenderent. Itaque cum flamma per adificia continentia peruaderet, omnis ciuitas cum delubris, & mœnibus, & rebus maximi pretij deflagrauit: naues omnes similiter exusta, & multi etiam ciues, qui latitabant, flammis absumpti sunt. Denique ex tanta multitudine, quæ præter milites eodē cōuenerat, pauci admodum in montes euaserunt. E nostris sedecim desiderati, ducenti verò vulnerati sunt, Almeida signa etiam in montes intulit: multa castella atque villas exussit: hostes, qui illi multis in locis occurrerunt, partim cecidit, partim fudit, atque fugauit: armenta & pecudes ad commeatum clāssis abduxit. Ad hunc modum profligatis hostibus, in classem reuersus est, vbi literas à Melichiazio & à Lusitanis captiuis accepit. Literæ autem Melichiazij officij plenissima videbantur, & de redemptione Lusitanorum ostendebant, ea quæ Almeida vellet, illum libentissimè facturum. Lusitani verò significabant, se se à Melichiazio commodè rebus omnibus haberi. Petebant tamen, vt de eorum redemptione, dum hostis eam lenitatis & mansuetudinis speciem præ se ferebat, cum illo pacisceretur, ne si ab eores abiret, multò difficilior eorum liberatio foret. Vt autem compertum postea fuit, ea legatio non tam Almeida conciliandi, quàm illius explorandi ab

L I B E R

homine callidissimo instituta fuit. His literis Almeida non literis, sed rebus ipsis responsum pro dignitate dare constituit. Tormentis igitur, & rebus alijs, quas nostri ceperant in naues impositis, inde soluit, quinto die Ianuarij, Anno M. D. ix. Et oram illam prateruectus, tributa, quae in locis illis ex fœdere debebantur, exegit. Tandem in fluuium delatus est, qui per Cambaiæ regnum in mare influit. Fluuium appellant Maim. Ibi vidit in oppido peruetusto maximum & amplissimum templum, & campum latissimum, in quo erant sepulchra innumerabilia. Cum ab incolis sciscitare-
tur, quid infinita illa mortuorum monimenta designarent: responderunt illi, qui sapientes existimabantur, antiquissi-
mis regionis illius scriptis atque monumentis contineri, Herculem in indiam cum maximo exercitu penetrasse: & in eo loco bis cū Rege quodā potentissimo collatis signis cōfluxisse, & utroque pralio superatum fuisse. Vt autem tam præclari facinoris memoria seculis innumerabilibus conseruari posset, institutum ab antiquis fuisse, ut locus ille, in quo milites Herculis ceciderant, religione consecraretur, & illa sepulchra inuiolata permanerent. Hæc quidem illi prædicabant: quibus quanta sit habenda fides, liberum sit ei, qui velit, iudicare. Almeida inde profectus, Diuina vela dare iussit. Ibi Mirhocemus cū in altum naues educere, & cum Almeida mari aperto dimicare constituisset, quauis Melichiazus id consilium minimè probaret, omnes duces confestim iussit ex angustijs prodire. In Mirhocemi classe erant tres constrata naues ingentes, & tres alia rostrata, sex triremes, quatuor naues Cambaienses, & longa Melichiazij naues, quarum iam mentio facta fuit. Calecutienses verò parones erant etiam permulti. Erat denique numerus
ba-

hostilium nauium supra centum. Milites, quos Mirhocemus adduxerat, & armis & animis praeferos, victoriam sibi certissimam pollicebantur. Idem animus erat in reliquis nationibus, quæ cum illo societatem conuerant. Spes & odium illos acriter stimulabat, ut & libertatem tuerentur, & gentem inuisam exstinguerent. Quod verò indignissimum fuit, non minus ardoris in Christianis quibusdam, qui eadem classe vehebantur, erat ad manus cum Christianorum classe conferendas, quàm in illis, qui propter religionis odium Christianum nomen extinctum cupiebant. Hi erant partim Veneti, partim Dalmata, qui triremes ducebant. Varia deinde fuerunt imperatoris viriusque cohortationes, cum Mirhocemus milites rerum ab illis gestarum commemoratione, imperij amplitudine, & Saracenorum omnium libertate, Christianique nominis odio, & spe opum atque munerum, quæ omnia vno illo praelio continebantur, excitaret. Viderent præterea socios spectatores esse. Si vincerent, se laudem sempiternam adepturos: si victi essent, dedecus & ignominiam subituros nulla temporis vetustate delendam. In illo praelio India imperium, sociorum salutem & libertatem, eorumque, qui dimicarent, dignitatem nullis seculis interituram consistere. Almeida verò CHRISTI nomen, religionis sanctitatem, sectæ Mahometanæ scelus commemorabat: neque solum spem amplissimæ dignitatis & gloriæ, verum & celeste præmium proponebat. Dicebat præterea, omnem salutis spem vna virtute contineri. Si victi eo praelio essent, reputarent animis, esse se hostibus innumerabilibus circumsessos, qui metu tenebantur, ne conceptum odium in nomen Christianum expromerent. Hoc autem metu sublato, fore, ut vndique ruerent, ut CHRISTI memoriam in illis regionibus dele-

LIBER

lerent. Subsidia esse longinqua, hostes aut circumfusus. Nul-
lum fore tutum in calamitate receptum, fidem ubiq³ lubri-
cam, fraudem ad fidem violandam paratissimam. Idcirco,
quod fortium virorum esset, cogitarent, eo pralio esse om-
nibus aut cum magna gloria vincendum, aut cum magna
virtutis significatione moriendū. Referebat deinde filij Lau-
rentij omnibus carissimi necem, ad cuius vindictam omnes,
qui dolorem non mediocrem ex casu illius exceperant, acri-
ter incitabat. Considerent porro, CHRISTI numen, pro
cuius gloria precipue dimicabant, ad futurum. His & alijs
eiusmodi verbis Almeida Lusitanos satis sponte sua concu-
tos ad certamen auebat. Deinde vela fieri iubet. Sed cum
ventus remitteret, & hostes ex angustijs egressus in statione
teneri animaduerneret, & ipse substitit tantisper, dum rur-
sus cum aestus reciprocatione vētus increbresceret. Sed cum
citius, quàm sperabat, ventus paulò vehementius inflaret,
sublatis dolonibus, signoq³ dato hostibus appropinquauit, ita
tamen, vt tantum interesset inter classem viranq³ spatium,
quantum sat esset ad certamen tormentis eminūs gerendū.
Longius enim progredi non potuit, propterea quòd nondum
aestus accesserat, & timebat nè naues in vado, quod inter v-
trinq³ classem inerat affligerentur: & hostes idem fece-
runt. In vrbs muris, & in turri, qua mari imminebat, erant
tormenta magna aptè disposita. Cum igitur hostes & nostri
iam essent in vrbs ipsius aspectu constituti, ex muris & è
turri, & è classe innumerabiles globi iaciebantur. Nostri
vicissim vehemētissimè hostium classem oppugnabant. Cer-
tamen fuit tenebris intermissum. Almeida quauis sta-
tuisset, in acie prima cum naui sua in Mirhocemi na-
uem inuadere, precibus nauarchorum ab ea mente dedu-
ctus fuit. Dicebant enim fore, si is aliquod discrimen
adiret,

adiret, vt clas̃is & imperio illius destituta, & imperatoris sui periculo perturbata, ordinem ab eo prescriptum desereret, vt illi subueniret. Ille consilio paruit, quanuis id molestè ferret. Sed videbat aliter rem fieri commodè non posse. Itaque Nonio Vascio Pereira id munus assignauit, vt in Mirhocemi nauem inueheretur, eiq; viros acres ad rem gerendam attribuit: Georgium verò Melium Perciram subsequi iussit. Nauarchus quilibet ea nocte ordines diligenter instruxit. In quali bet enim naui opus erat secundum puppim atque proram, & vtrunq; latus acies quatuor instrui. et cuilibet vnũ ducẽ assignari. At Mirhocemus cùm Almeida ad confugendum acriter animatum perciperet, consilium Melichiaz, ij. quod antè repudiãrat sequi constituit. Itaque vadum transire noluit, imò retro classẽ deduxit, vt vr̃bis auxilio multò tutius atque confidentius cum nostris dimicaret. Nam fore confidebat, vt è muris ex propinquo posset grauius damnum nostris importari, & auxilium, vbi opus esset, ex vr̃be summitti. Classẽ autem hoc ordine instruxit. Naues suas, quas sex fuisse diximus, in acie prima collocauit. Binas autem naues ferreis vinculis inter se colligari praecepit, ita, vt tribus in locis binæ naues coniunctæ, & inuicem alligatæ, ad opem sibi ipsis mutuo ferendam consistèrent. Ipse in media acie nauem, qua vehebatur, collocauit. Post has naues ad hunc modum deuinctas, triremes & naues longas cum paronibus, vt subsidio, quoties opus esset, occurrerent, & per media interualla in nostros inuehi possent, & quoties necesse esset, retrocedere, vt nauium maiorum presidio munirentur, constituit. Naues autem Cambaienses prope vadum secundum littus, vt primum impetum sustinerent, consistere iussit. Postridiẽ, signo, quod cõuenerat, dato, Nonius Vascius Pereira, vt Almeida iusserat, ve-

L I B E R

rat, vela facere præcepit: quem Georgius Melius negligentia magistri sui non continuo subsequutus fuit. Reliqui omnes eo ordine, quo iussi fuerant, inuehantur. Melichiazus cum nostros prouehi cerneret, è muris, & è turri tormentis omnibus Lusitanam classem verberare præcepit. Tormenti autem vnus ictu decem viri, qui in naui Pereira veli maximi sinum, vt vento vehementius impleretur, contrahebant, occisi sunt. Nihilò tamen secius Pereira progreditur, vt in nauim Mirhocemi manus ferreas inijciat. Id Mirhocemus animaduertens, nauem, quam alligatam tenebat, laxari iussit, vt cum Pereira eius nauem adortus esset, illum altera ex parte aggrediretur, vt ancipiti prælio distentum facilius opprimeret. At Pereira cum id cerneret, ingens tormentum, quod erat secundum aquæ summam faciem collocatum, in hostilem illam nauim, quæ se à prætoria disunxerat, conuertere præcepit. Quo factò, globus tanta vi coniectus in hostilem nauem fuit, vt vtrunque latus parte infima perforaret. Quo factò, hostes, dum, nè nauis ea parte, quam vulnerari conspexerant, aquam admitteret, metuunt, omnes in alteram se confestim conferunt, & coniectis sarcinis aliquantum deprimere conantur, vt eius lateris inclinatione, periculum lateris aduersi declinarent. At cum ea pars, in quam propendebant, non minus laboraret (quod illi prorsus ignorabant) factum est, vt naus subito mergeretur. Iacobus Petreius, vt erat ab Almeida constitutum, triremi prouectus, Pereiram præibat, vt fundum exploraret. Cum verò periculum à vado impendere perspiceret, dato signo Pereiram admonuit, ne vltius tenderet. Pereira velis demissis substitit. Quod cernens Mirhocemus, in illum ferociter inuasit. Nauibus ad hunc modum harpagone deuinctis, nimis atrociter fuit vtrunque pugnatum. Nostri tamen in na-

uem

uem hostis ingreſſi, eos paulatim cedere compellunt. Hoc in certamine Henricus Machiadas vir egregie fortis occubuit. Hac in nauis foro gerebantur. At ſuper denſos funes pice oblitos, qui reticulati ſupernè à prora in puppim pertinebant, aliud pralium non minus periculoſum gerebatur. Noſtri enim maximo cum labore eò conſcenderant, quibus hoſtes acerrimè reſiſtebant. Interim nauis hoſtium reſtita à reliquis diuulſa, in aliud noſtræ nauis latus inuecta, auxit vehementiſſimè laborem, in quo noſtri verſabantur, & periculum multò grauius inuexit. Pereira cùm id cerneret, multò ardentius dimicabat, vt cùm ex ea parte, qua hoſti reſiſtebat, impetum hoſtilem reprimeret, ad alteram partem ſe conferret. Sed cùm, vt aliquid laxamenti caperet, buculam ſibi detraxiſſet, fuit ſagitta guttur illius tranſfixum. Victoriatamen adhuc in neutram partem inclinabat. Franciſcus Tauora periculum, in quo noſtri verſabantur, animaduertens, in Mirhocemi nauem inuaſit, & latus alterum acriter oppugnans, milites, qui in funium retem ſcanderent, immiſit. Pondere porrò factum eſt, vt reti perſiſſa, omnes, qui è ſuperiore loco dimicabant, in forum deciderent. Quo facto, pugna recruduit. Hoſtes tandem partim caduntur, partim ſe ſe in mare deiſciunt. Qui erant in nauis roſtrata, qua ſe cum Mirhocemi naue coniunxerat, cùm milites & nautas maxima ex parte caſos, & ipſam nauem multis in locis laceratam, & armamenta conuulſa perſpicerent, ſe in fugam dederunt: & cùm nemo iam eſſet, qui nauem gubernare poſſet, aſtus ipſius impetu in littus eiecti ſunt. Reliqui duces Luſitani, dum hac geruntur, non minus impigrè rem gerebant. Nam Petrus Barretus alià Mirhocemi nauem pugnando cepit: ſimiliter

& Anto-

LIBER

& Antonius Campensis nauem rostratam expugnauit, &
 Georgius Melius ubi primum se expedire potuit, in naues
 Cambaienses impressionem fecit: & Petrus Canus in aliam
 rostratam nauem tanto impetu inuectus est, vt antequam
 eam iniectis manibus ferreis alligaret, in retis ipsius conti-
 gnationem cum triginta & octo militibus insiliret. Qui in
 foro versabantur, nostros ex inferiore loco vulnerabant.
 nostri verò reticulatis illis funibus impediti, gladijs vti non
 poterant. Quod Canus animaduertens, desilire cupiebat, vt
 in nauis foro cum hostibus manum confereret. Itaque cum
 per ostium ingredi veller, caput immisit, quod vno ensis ho-
 stilis ictu precisum repentè fuit. Nauis alia vt nostris in ma-
 ximo periculo constitutis opem afferret, accelerauit. Cuius
 aduentu nostri liberati, & hostium nauis capta, & omnes
 hostes ferro concisi sunt. Almeida prælij spectator aderat, et,
 quid opus esset factu, decernebat, & tormentis interim rem
 accerrimè gerebat, ita, vt vnam magnam nauem, & aliquot
 longas naues, & parones nonnullos deprimeret. Melichia-
 zius copias identidem è terra submittebat, vt cum sese in-
 tegri succederent, nihil de prælij contentione à suis remitte-
 retur. In littore præterea ense districto concursabat, & què
 è prælio fugientem viderat, aut occidebat, aut vulnerabat:
 reliquos in certamen redire morte proposita compellebat.
 Nostri tandem hostes maxima contentione profligârunt,
 tantumq; eorum numerum interfecerunt, vt fluctus in san-
 guinis colorem verterentur. Qui primi effusa fuga se se ab
 imminente clade proripuerunt, Calecutienses exitère, qui
 in altum prouecti repentè sunt. At Melichiazij naues lon-
 ga cum Mirhocemi triremibus se se in intimum portus il-
 lius sinum, atque fluminis ostium receperunt. Eas insequu-
 tus Rodericus Suarius, qui humilioris cuiusdam nauis præ-
 fectus

factus erat, cum duas triremes coniunctas aspiceret, cur-
 sum per angustum illud inter vtrang³ spatium interiectum
 tenuit, & in earum medio constitutus, ex vtroq³ nauis suæ
 latere anchoras demitti in eas imperauit, & ita alligatas
 cum primū hostes aut occideret, aut in mare desilire co-
 geret, remulco ad Almeidam traxit. Vna tamen nauis reli-
 qua erat, quæ adhuc expugnata non fuerat. Erat enim al-
 tissima, & munitissima, & corijs crudis, vt si nostri in eam
 ingredi vellent, eorum vestigia labarent, obducta. Et simili-
 ter si faces conijcerent, incendium excitari non posset. Mi-
 lites in ea dispositi erant permulti, & ad periculum pro-
 pulsandum viribus, & animis, & armorum exercitatione
 paratissimi. Vtrung³ autem latus erat tanta crassitudine &
 firmitate præditum, vt nullis globorum ictibus vulnerari
 posset. Tandem cum nostræ naues illam circumsisterent, &
 diu atq³ vehementer oppugnarent, demersa est, & propu-
 gnatores se in mare demiserunt. Nostri eos nantes celocibus
 insequuti, in fluctibus occiderunt, ita vt pauci admodum e-
 uaderent. Prælium à meridie in noctem protractum fuit.
 In quo ex hostibus circiter quatuor millia ceciderunt, in
 quorum numero fuere illi Sultani milites, quos Mamalu-
 chos appellabant. Ex octingentis enim duo tantum atq³ vi-
 ginti cladi superstitēs extitere. Mir hoc enus cum, ne Meli-
 chiazus voluntatem cum fortuna commutaret, & illū Al-
 meida proderet, anxie formidaret, ad Cambaia Regem se
 incredibili celeritate contulit. Tres naues ingentes cū mul-
 tis paronibus atq³ longis nauibus depresso: duæ naues rostra-
 tæ, duæ triremes, & quatuor aliæ magnæ naues captæ sunt.
 Erat in captis nauibus magna tormentorum & armorū vis,
 magnus pecuniæ ex auro & argento conflatæ numerus: ve-
 stes præterea stragula partim aureæ, partim bombycina &
 goßipi-

LIBER

gospina pulcherrimè facta. Præda fuit militibus diuisa, & qua Almeida nihil attingere voluit. E nostris in prælio duo & triginta ceciderunt, tercenti autem vulnerati sunt. Naves autem Lusitana tantis locis dissipata atq; conuulsa fuerunt, vt esset necesse multum tēpus in classe reficienda consumi. Victoria fuit præclara. Quam tamen Paulus Iouius, cum de Sultani classe hac in Indiam contra Lusitanos delata narraret, silentio suppressit, iratus videlicet, quod cum Lusitana historia scribenda munus Ioāni, huius nominis tertio, Lusitania Regi venale proponeret, Rex optimus non illum muneribus Indicis ad res Lusitanorum virtute gestas monimentis illustrandas inuitauit. Erat autem exercitus hostium ex tam diuersis gentibus constatus, vt in classe multi libri Latino & Hetrusco, et Dalmatico, et Gallico, & Hispano sermone conscripti inueniremur. Tria etiam Sultani vexilla capta sunt. Almeida, quanuis res illi ex animi sententia procederet, nè tamen classis ea nocte aliquid incommodi pateretur, eam ab vrbe longius abduxit. At Melichiazus postridiè ab illo pacem per literas petijt, crimeng; suum in casum atq; fortunam transtulit, cuius vi fuerat in tãtam fraudē impulsus. Errati verò sui veniã suppliciter implorabat, fidēq; dabat fore, vt deinde nemo vel in officio diligētior vel in amicitia tuenda constantior erga Lusitanos inueniretur. Se namq; & eorum in armis virtutem expertum esse, & in societate conseruanda fidem ex testimonijs multorum cognouisse. Itaq; minimè commissurum, vt mallet cum suo dāno atq; dedecore virtutem deinceps experiri, quàm fidei cum utilitate & dignitate constantiam. Deinde commemorabat, quanto vsui posset Lusitanis esse, si amicitia illius nō aspernarētur. Has literas attulit Saracenus, nomine Cidialle, natione Granatēsis. Almeida valdè notus iam ex
eotem-

to tempore, quo is in Granatenſi bello ſub Rege Fernãdo mit-
tauerat. Almeida reſpondit, ſe pacem non daturum, niſi
& Luſitanos captiuos, & Myrhocemum cum Sultani mili-
tibus, & naues hoſtium, quæ ex pralio euaserant, ſibi trade-
ret. Melichiazus verò per eundem Saracenum reſpondit,
ſe Luſitanos quidem & naues ſine vlla cunctatione traditu-
rum. Mirhocemum verò fugiſſe, neque ſe, vbi is eſſet, explo-
raturum habere. Et quãuis eum tum in poteſtate haberet, nul-
lo tamen modo in ſe tam immane facinus admiſſurum fuiſ-
ſe, vt homines, quos in fidem receperat, hoſtibus eorum pro-
deret. Nec enim id officium eſſe hominis in armis educati,
qui facilè turpi vitæ honeſtam mortem anteponeret. Almei-
da libenter aſſenſus eſt. Luſitani redditi, & hoſtium claſſis
tradita, è qua triremes Almeida iuſſu protinùs incēſæ ſunt.
Nec enim erat tunc is militum, & nautarum, & remigum
numerus apud illum, quo poſſet eas triremes inſtruere. Pacis
fœdere firmato, Almeida miſit inde Antonium Norognam
cum duabus nauibus & multiplici commeatu in Zacotorã,
vt arcem præſidio firmaret. Triſtanum autem Agaum in il-
lo portu cum duabus hoſtium nauibus reliquit, cui negotium
dedit, vt commeatu & tormentis, quæ ceperat, & alijs mu-
nitionibus in eas impoſitis, iter Cochimum ſuſciperet. Ipſe
verò inde profeſtus, oram illam omnem, quæ inter Dium &
Cochimum interieſta eſt, ita peragrauit, vt omnibus Regi-
bus atq; Dynaſtis tributum imperaret; & perfidos coerce-
ret, omneſq; ſub Regis Emmanuelis imperium atq; ditionē
ſubiungeret. Petro autem Barreto, & Garſia Souſa, atque
Martino Coelho naues aſignauit, quibus mare Saracenis
infeſtum redderent. Cananorem deinde petijt, & in arcis
conſpectu facinus barbarum & immane fecit, quo ma-
gnam partem decoris ſui bonorum iudicio deformauit.

Nam

LIBER

Nam Sultani milites, quos iure belli ceperat, qui tanquam serui illius non solum dominatu, verum etiam patrocinio tenebantur, partim suspendere, partim tormentis dilacerare iussit. Ibi tum, dum suos à labore resciret, & urbis statum firmaret, diebus paucis commoratus est. Inde Cochimū delatus, à Rege, & à Lusitanis omnibus cum ingenti latitia, & gratulationibus exceptus fuit. Interim verò perditorū hominum opera factum est, ut odij seminarium, quod inter illum & Albuquerqueium institutum fuerat, adolesceret. Nam qui Almeidae factionem sequebantur, illum hortabantur & admonebāt, nè India procurationem homini temerario & insano committeret. Esse quidem illum nimis acrem, sed illius furore & amentia fieri posse, ut omnia parva decora de manibus elaberentur. Illi autē præcipue, qui eum in Armuziensibello deseruerant, ut proprium flagitium hominis indigna vituperatione defenderent, illam accusabant, quod Regis iniussu bellum inutile & periculosum sumpsisset, quod gentem, à qua incommodum nullum acceperat, armis euerendam suscepisset, quod cum parua admodum classe, cum classe maxima & instructissima sine vlllo consilio & rationis moderatione conflixisset, quod Regis Emmanuelis dignitatem, & hominum, quos imperio continebat, salutem in maximum discrimen intulisset. DEI quidem beneficio factum fuisse, ut periculum illud, quod intentum omnibus illius temeritate fuerat, euasisset. Per illum verò omnibus, qui ea classe vehebantur, fuisse pestem & exitium comparatum. Non enim esse rerum exitu, sed consilio, quo res instituebantur, de Ducis aut sapientia, aut temeritate iudicandum. Quod si fieret, nemini dubium esse, quin Albuquerqueius eo munere, quod illi Rex Emmanuel commiserat, indignus haberetur. Si Regis, inquit, offensionem times, magis me.

gis metuere debes, si sciēs hominī temerario, quod Rex igno-
rabat, prouinciam tanto sanguine partā commiseris, quam
sit continuū funditus euersurus. Rex, si illum per literas
admonueris, consilium tuum, vt conijcere licet, comproba-
bit. Quod si non fecerit, non est animi magni magis iniustam
Regis indignationem, quā indignū Lusitanæ gentis exi-
um, cum ipsius Regis detrimento & dedecore pertimesce-
re. Ad hæc, hominis in fatigandis hominibus immoderatio-
nem criminabatur, & iocis etiam immodicis & maledictis
absentem vexabant. Hac omnia Albuquerqueius per homines
non minus ad serendas discordias natos intelligebat, qui il-
lius segnitiam obiurgabāt, quod tantam contumeliam tam
uolli animo pateretur, & non vt ius suum obtineret, summa
pe contēderet. Homines inuidia rerum, quas ille gesserat,
usanire, vsque eo, vt etiam Regis imperium contemnerent,
& contra leges & instituta patriæ, & reuerentiam Regi
debitam scelus supplicio dignum machinarentur. Iret por-
d, & publicè ab Almeida contenderet, hominumque si-
em imploraret, iusq; suum modis omnibus persequeretur,
rmisque etiam, si ita necesse esset, Almeidam Indiæ posses-
sione, quam, vt apparebat, occupare nitebatur, expelle-
ret. His dictis stimulatus Albuquerqueius, cū Almeida in-
rcem se reciperet, & illum ad epulas inuitaret, Almeida
onuuium aspernatus, magnis vocibus arcem sibi continuū
radi postulat, illiusq; postulati publicum testimonium mul-
rum nominibus consignatum, quod ad Regem deferatur,
Almeida non præscripto Regis obtemperaret, à scribis su-
uere contendit. Almeida cū se paratum esse diceret ad
rouinciam tradendam, iramq; illius sedare conaretur, se-
ue frustra in eo contendere cerneret, & ea de causa, nè tu-
ultus fieret, vereretur, Albuquerqueium Cananorē duci, &

LIBER

in arce diligenter custodiri iussit, ita tamen, ut omnes ei debiti personae illius honores haberentur. At Emmanuel cum ijs interim curis excubabat, ut Indiae possessionem firmo praesidio retineret. Cum igitur intellexisset & Campsonis Sultani potentiam, & illius in Christianum nomen odiū, & opem, quam Sultani ducibus Rex Calecutij & literis & operibus ostendebat, classē non mediocrem parauit, qua Indiae praesidia stabiliret. Ea autem erat nauium quindēdecim, in qua mille & quingenti milites Lusitani vehebantur. Classi autem praefecit Fernandum Coutignum, virum & nobilitate & virtutis opinione praestantem, qui Regijs castris metandis praerat. Huic autem negotium dedit, ut Albuquerque Indiae prouinciam moderandam traderet, & Almeida in Lusitaniā redire cogeret. Is autem soluit Olyssipone duodecimo die Martij, Anno M. D. ix. Mense verò Octobri in Indiam peruenit, & naues ad portum Cananoris appulit. cuius aduentu Albuquerque latitiam incredibiliter elatus est. Erat enim ei & sanguinis propinquitate, & amicitia non vulgaris ratione coniunctus. Inde profectus Coutignus, secum Albuquerque Cochimum perduxit. Fuit autem ab Almeida valde honorifice & amanter exceptus. Is autem dedit operam, ut inter Albuquerque & Almeida pacem conciliaret: quod non illi admodum difficile fuit. Repulsis enim malis vtriusque partis suaseribus, necesse erat, cum vterque eorum esset probitate non mediocri praeclitus, & idem sibi quauis sententia & ratione dissimili proponeret, ut non grauātē alter cum altero in gratiam rediret. Itaque instructa classe, quae erat in Lusitaniā ventura, Almeida prouinciam Albuquerque tradidit, & nauem conscendit, nec in terram egredi postea voluit. Albuquerque autem omnia, quae ad illius commeatum & usum perti-

pertinebant, officiosè & diligenter administravit. Almeida
 ad hunc modum profecto, Coutignus literas Regis Emma-
 nuelis Albuquerque legendas dedit, quibus continebatur, ut
 vterq; coniunctis viribus Calecutium excindere, & Regem
 opibus euertere niterentur, & in eo Albuquerqueius Coutigni
 sententiam sequeretur. Albuquerqueius confirmat se nunquā
 officio hominis gratissimi defuturum. Pergeret porro, & il-
 lius opera fidenter, perinde atque si gregarius illius miles es-
 set, vteretur. Ambo de bello Calecutiensibus inferendo cum
 Rege Cochimensi deliberant. In primis placet, Coiebtiquium
 (is erat in Lusitanos egregia volūtate propēsus, & Calecutij
 domicilium habebat) clam arcesiri, ut ex eo cognoscerent,
 qualis eo tempore Calecutij status esset. Ex eo perceperunt,
 Regem Calecutij tunc abesse, ed quod bellū cum Rege quo-
 dā finitimo gereret: urbem tamen esse & armis, & hominū
 multitudine, & sortium militum robore munitam. Dum ve-
 rō bellum summo studio & contentione parant, Vascus Syl-
 ueira appulit. Is à Lemio, qui cum classe Arabicum mare
 peragrabat, literas afferebat, quibus Prætorem admonebat,
 ut sibi milites & naues in supplemētum mitteret. Esse nam-
 quē copias imminutas, & classem etiam fluctibus & nauifra-
 gijis magna ex parte debilitatam. Respondit Albuquerqueius,
 id se curaturum, postquam Calecutio rediret. Sylueira se so-
 cium ad bellum illud libenter adiunxit. Erat enim vir mili-
 tari virtute præcellens, multasq; res memorabiles in belli-
 cis rebus effecerat. Sub idem tempus Eboræ natus est Emma-
 nueli Regi ex vxore Maria filius, quē Alfonso nominauit,
 & sacerdotijs amplissimis ornatus, & in Cardinaliū collegiū
 cooptatus, singulare specimen religionis, & probitatis, & ma-
 gnificentie præbuit. Hoc eodē anno cū pacata quidā Gallus,
 nomine Mondragonius, nauem ex India venientem cepis-
 set,

L I B E R

set. & Emmanuel per legatum suum de hac iniuria apud Gallie regem conquestus fuisset, & nauem cum opibus, quæ in eam fuerant impositæ, sibi frustra restitui postulasset, quatuor naues parari iussit, quibus Odoardū Paciecum præfecit. Is verò quæ celeritate potuit, in Mondragonium inuectus est: quem in ora Callaica, vbi finem terræ nominant, offendit, qui certamen minimè detrectauit. Fuit vtrinque acerrima contentione dimicatum. Paciecus tamen nauem vnā piratæ depresit, & tres cepit, ipsumquæ piratū vinctum ad Emmanuelem traxit. Qui cum omnia, quæ ceperat, restituisset, fidemquæ dedisset se fore semper Regi Emmanueli deditissimum, neminiq; Lusitauo iniuriam deinceps illaturum, custodia liberatus, in patriam reuersus est. At in India classe summa industria intra breue tempus instructa, Coutignus & Albuquerqueius Calecutium profecti sunt, cum duobus milibus Lusitanorum militum, & Indis militibus sexcentis Classē in portu constituunt, & de belli gerendi ratione deliberant. Hic Coutignus ab Albuquerque primam aciem sibi assignari postulat. Addit deinde, Tu, qui es in India inter tam feroces gentes diu mansurus, satis amplam gloriæ segetem paratam habes. Mibi, qui sum breui in Lusitaniā rediturus, nō est, cur hanc laureolam inuideas, maximè cum tantis necessitudinibus implicati simus, vt nihil alterutri esse debeat ab alterius communiōe seiunctum. Huic Coutigni postulato Albuquerqueius non libenter assensus est. Hominem enim nō rat acri quidem animo præditum esse, sed mente præcipitem, & parū in rebus maximi momenti gerendis, quid incidere posset, consilio prouidentem. Rebus autem omnibus ad egrediendum paratis, prima luce sequentis diei Albuquerqueius & Coutignus in terram cum instructis copijs descendere conantur. Hostes sum
ma

ma vi resistunt. stationes namque munierant, validaque in eis præsidia collocarant. Aedes autem quasdam Regias, que inde non procul extra ciuitatem aberant, & tormentis, & telis, & militum multitudine compleuerant. Inde & ex stationibus dense glandes plumbeæ, & ingentes pilæ in nostros iaciebantur: quod ubi Albuquerque animaduertit, Fernandum Coutignum admonuit, minimè tutum exitum in terram fore, si coniunctis ita confertim copijs per medias stationes, è quibus nullum frustra in nostros telum emitteretur, egredi niterentur. taque præstare, diuisis militibus, qua quisque primum parte posset, terram occupare. Cum id Coutigno placuisset, vterque eorum ab altero disiectus, locum speculatur, quo posset commodius in terram descendere. Albuquerque cum se expeditum cerneret, scaphas & celoces remis vehementer incitari præcepit, & in terram ea parte, quam petierat, egressus in hostes, qui illum aditu prohibere conabantur, irrupit, et acri prius prælio commissos, eos fudit fugauitque, proximumque vallum & munitionem, per medias flammæ ag gressus, excidit. hostes in Regias aedes se trepida fuga receperunt. Qui erant in ædibus occurrunt, conferti nostros excipiunt. Fit atrox prælium, multi cadunt, plures vulnerantur. Nostri tandem hostes in fugam pellunt, regia illa domus expugnatur, & flammis tandem absumitur. At Coutignus qui multò lentius mouerat, cum iam in terram egressus fuisset, & vallum oppositum superasset, horrendo tormentorum strepitu & flammis admonitus intellexit, Albuquerque cum hoste conflixisse: quod molestissimè tulit. Itaque dolore et iracundia flagrans, Albuquerque male dictis omnibus insectatus est, perfidum altero quoque verbo nominans, nempe qui contra fidem primum in hostes inuasisset. Albuquerque ubi id accepit, ad illum

L I B E R

rectā contendit, & se quantum potest oratione moderata purgat: dicitq; bella multis in locis non anticipato consilio, sed incidentibus inopinatō rebus administrari. Se non potuisse milites continere, quin opportunitatē oblatam arriperent, & in hostes violenter irruerent. Qui si consistere vno in loco voluissent, magnum fuisset eis periculum ab hostibus, illorum cunctatione ferocius incitatis, adeundum. Prætereā nondum esse debellatum. Illud quē velitationem, non iustum prælium fuisse. Integrūquē adhuc bellum restare, ex quo posset insignem gloriā consequi. Se illi omnia debere, & idcirco minimē conuenire, vt secus de se existimaret, quā de homine maximis illius beneficijs obligato, & referenda gratia cupidissimo. Maius enim se dignitatis pondus in animo grato atque beneficiorū memore, quā in victoria collocandum existimare. At Coutignus ira vehementer excacatus, nec vllam satisfactionem accepit, neque quidquam illo præsentē de maledicendi contentione remisit. Tum Gasparem interpretem inclamans, ait, Duc me in urbem regiam, atque aded in regias ipsas ades, quas hodie flammis exuram, vt intelligi possit, quā vanus sit eorum sermo, qui Regum Indorum opes atque vires verbis exaggerant, vt ipsi aliquid gessisse videantur. Cupio cum viris in ipsa vrbe media decertare. Hos namquē, qui tam subito victi sunt, adduci non possum, vt credam viros extitisse. Albuquerque conuitia patienter tulit, & temeritati repugnare non potuit, illumq; non quoddā consilium probaret, sed quoddā hominem absque flagitio deferere non posset, sequutus est. Ciuitas namquē euerti alia ratione, cū muris non esset cincta, potuisset, arboribus antē præcisis, ē quarum dēfite maxime periculum militibus nostris erat intentum: & agris antea peruastatis, & exercitu non raptim, sed explorato ex omni-

omnibus locis, in quibus insidia latere poterant, educto. Coutignus tamen nullo, qui nomen aliquod in bellis obtinisset, consulto, duobus tormentis, quæ aciem praeceperent, in curru impositis, signa protinus inferre iussit. Misit deinde qui Albuquerqueium admoneret, sibi in animo esse in urbem inuadere, regiasquæ ades incendere. Illi verò liberum esse, quidquid liberet, efficere. Habebat autem sub signis Lusitanos milites octingentos, & aliquot præterea Cochimensium militum auxilia. Albuquerqueius quanuis hominem cerneret in pestem ruere, illum subsidys antea in litore constitutis, & duce Antonio Norogna cum subsidys relicto, cum sexcentis militibus in eam viam, quam fore infestam & infelicem augurabatur, ingressus est. Hostium tamen prius munitiones, & naues, quæ in anchoris consistebant, incendi, & hostilia tormenta cum reliquis instrumentis bellicis in naues Lusitanas imponi, & scaphas & celoces diligentissimè custodire iussit. Coutignus duce Gaspare in regias ades tandem non absq; certamine peruenit. Naires enim conferti in illum incurfabant, deinde se summa celeritate recipiebant. Conglobati rursus impetum faciebant: deinde cum nostrorum vim minimè sustinerent, se se præcipiti cursu à cade & exitio seducebant: aliquot è nostris vulnerabant, & ex illis tamen multi cadebant. In regia certamen multo periculosius initum fuit. Multi namq; eò conuenerant ut pro Regis nomine, quod ab illis valdè sanctum habetur, pro illius opibus, quæ erant innumerabiles, pro ciuitatis totius incolumitate, quæ adiù illarum defensione contineri videbatur, præsentis aëo dimicaret. Nihilominus tamè ades expugnata, & milites ad prædā cōuersi sunt. Emmanuel Pazagna vir strenuus, et in bellis exercitatus, cū milites cerneret spoliōrū cupiditate dissipari, Coutignū admonuit, ut eos recipi, & in ordinē

L I B E R

rursus cogi festinanter imperaret. Grauius enim periculum imminere, quàm ille suspicaretur. Nec enim hostes tam facile ades deseruisse, nisi ea mente, ut in dissipatos & oneribus impeditos inuaderent. Coutignus ad hæc respondet, se exploratum habere, nec in Saracenis, qui Calecutiū incolebant, nec in ipsis militibus Calecutiensibus, qui at a tem in armis contriuisse videbantur, quidquam roboris inesse. Se velle conquirere tantisper, dum se à labore reficeret. Lusitani interim & ordinis & disciplina prorsus obliti arma deponebant, & in ades irruebant, ut opibus onerati discederent, passimq; sine vlllo metu per omnes vias & compita vagabantur. At hostes vndique confluebant, & iam adibus Regijs appropinquabant, cum Albuquerqueius ad ades accessit, in quas tamen ingredi noluit. Per nunciū tamen Coutignum admonuit, ut receptui signū daret: magnum enim certamen imminere. Respondit Coutignus, ut is milites in ordinem reuocaret, atque præcederet, se continuo illum sequuturum, cum primum regias ades, quas incendere iusserat, flammis absumi perspiceret. At Albuquerqueius iam eo tempore erat ab hostibus acriter oppugnatus, & multi ex acie illius erāt vulnerati. Itaq; in littus copias suas subducere confestim instituit. Vulnerati præibant, sani atq; valentes, ut subsidio illis essent, sequebantur. Coutignus duabus horis in Regia consumptis, postquam omnia inflammari vidit, egressus est. Hostes aut bifariam diuisi, partim in Albuquerqueium, partim in Coutignum impetū dant: multos conuulnerant, multos etiā sagittis & gladijs interimunt atq; tandem Coutignum circumsistunt, qui quidem acri animo vim hostiū, ut poterat, in extremo illo vita discrimine repellebat. Albuquerqueius ut opē illi afferret, enixè contēdebat. Sed milites metu perculsi, Ducis imperium detrēctabant, & aditus erat

erat iam ad Coutignum multitudine hostium, qui illum circumuenerant, interclusus. Coutignus verò cum prius in crure maximum vulnus accepisset, tandem concidit, & cum illo Emmanuel Pazagna, & alij item permulti: qui tamen antè, quàm extremum spiritum ederent, genibus in terra nixi, hostes vulnerarunt, & quosdam etiam interemerunt. Cum Coutigno non pauci viri nobiles à circumfusiis hostibus interfecti sunt, inter quos Vascus Sylueira fuit, qui è vallo, vt illi opem afferret, desiliens, priusquam vulneribus multis concisus occumberet, tres qui illum audacius fuerant aggressi, necauit. Albuquerqueius verò cum omnibus, qui ex acie Coutigni ad illum confugerant, cedebat: sed via nō erat admodum lata: vtrinq; possessiones erant fossa & aggeribus munitæ: hostes tela in nostros ex aggeribus intorquebant. Cum ita telum nullum frustra in aciem confertā accidere potuisset, factum est, vt multi vulneribus icti conciderent. Albuquerqueius secundum sinistrum brachium grauisimum vulnus accepit, & sagitta similiter in ceruicem illius immissa, eum in summum vitæ discrimen induxit. Postremò ingenti saxo, quod quidam ex hostibus in pectus illius coniecit, percussus, absque vllō sensu decidit. Fuit tamē continuò sublatu, & scuto cum labore atq; periculo maximo delatus in littus, vbi subsidia fuerant illius opera constituta: quæ cum hostium impetum repressissent, tutum nostris receptum præbuere. In hoc prælio ceciderunt ex nostris octo & septuaginta milites, in quibus permulti viri nobiles, rebus gestis illustres, numerati sunt. Hostibus tamen non incruenta victoria constitit. Mille namq; centum & triginta ex illis cecidere. Et præter hos, quingenti & septuaginta homines flammis in adibus regijs absumpti fuerant. Respirauit Albuquerqueius, Cochimumq; reuersus, à medicis, quā-

LIBER

uis de illius vita spem deponerent, curatus, pristinam sanitatem recuperavit. Deinde classes duas, quæ erant in Lusitaniam reditura, diligenter instruxit, & militarem disciplinam constituit. Hic casus Coutignum virum animo excelso, non tamen sapiente præditum vita priuavit. Sed longè funestius exitium Almeidam sustulit. Antequam enim promontorium Bonæ spei superaret, & ab illo non procul abesset, aquationem facere constituit. Quidam è nostris, qui in terram egressi fuerant, incolarum consuetudine familiaris usus, omni metu sublato, in eorum oppidum, qui inde quatuor millibus passuum aberat, concessit. Hi hominē benè acceptum dimiserunt, & ingenti ariete in amicitia signum donarunt. Is ad Almeidam refert, gentem esse singulari humanitate & simplicitate præditam, & multis pecorum gregibus abundare. Almeida illum cum alijs duodecim hominibus in oppidum remisit, ut oves & boues, quibus classis indigebat, coemerent, & gentes illas barbaras muneribus, quæ apud illos in pretio sunt, ad consuetudinem & familiaritatem alliceret. Incolæ eos ad epulas inuitarunt, & muneribus, quæ tellus illa fundit, affectos, cum gregibus, quos emerant dimiserunt, & humanissimè prosequuti sunt. In via factus est illis obuiam homo quidam cum arietibus, ut eos cum muneribus, quæ nostri afferebant, etiam ut alij fecerant, commutaret. Hic quidam ex nostris, hunc, inquit, per vim abducamus ad Almeidam, ut cum humanitate tractatus, & vestibis excultus ad suos redierit, eos nobis arctiore consuetudine & familiaritate conglutinet, ut cum nostri huc aquatum venerint, securè & cum emolumento se se à labore & iactatione reficiant. Consiliū placet. Itaq; in hominē insiliūt. Is clamorē ingentem sustulit: oppidani festinanter accurrūt, hominem è nostrorū manibus extorquent, eosq;

eosq; saxis & lapidibus cadūt, maleq; mulctatos eijciūt, &
 gregibus etiā spoliāt. Hi reuersi, ne id eis fraudi esse posset, rē
 longē aliter atq; acciderat, Almeida retulerūt. Res cōsul-
 tatione digna permultis visa est. Si enim crimē illud impuni-
 tum dimitteretur, fore dicebāt, vt nūquam eo posset quisquā
 aquationis gratia naues appellere, quin malē acceptus abi-
 ret. Gentē enim illam feram non nisi malo coactā officiū fa-
 cturam. Itaq; iniuriam vindicandā, & gentē imposito sup-
 plicio coercendā esse, ne in posterum simile facinus moliri
 auderet. Cōtrā quidā disputabant, non esse temerē bellū cū
 gente fera gerēdum. Iniuriam leuē esse, & magis contem-
 ptu, quā vltione dignā. E victoria premiū nullum vel de-
 coris vel vtilitatis expectari: ex offensione magnū discrimē
 dedecoris imminere. Præterea nō constare, quorum culpa
 id, de quo nostri cōquerebantur, accidisset. Credibile autē
 esse, vt incolæ nostrorum insolentia & temeritate prouoca-
 ti, non prius iniuriam intulissent, sed illatam repulissent. A-
 lij verō in eo perseuerabant, quasi in ea vindicta salus & di-
 gnitas Lusitanæ nationis ageretur. Eoq; rem adduxerūt, vt
 Almeidam ea grauitate & dignitate virum, annos sexa-
 ginta natum, rerum gestarum gloria circumfluentem, sine
 vlla graui causa cum gente, moribus, & vitæ consuetudine
 belluarum simillima bellum suscipere coegerint. Itaque de
 media nocte in scaphas desiliēs, in terrā cum centū & quin-
 quaginta militibus egreditur. Petrus Barretus & Georgius
 Barretus, qui primā aciem ducebāt, in oppidū ante lucem
 peruenēre. Inopinatoq; gentē adorti, terrorē præbuerūt. At
 oppidani cōtinuō opē sublati clamoribus implorāt. Accur-
 runt vndique permulti cum sacculis è corio crudo confe-
 ctis, in quibus vim lapidum congefferant, vt nostros, qui
 iam cum præda redibant, obruerent. Gestabant præterea
 iacula

L I B E R

iacula innumerabilia non longa, quibus erant cuspides hamata trium palmarum longitudine prae fixa. Hac magna lacertorum vi coniecta, nostros grauissime sauciabant. Homines sunt nigri, capillo, ut reliqui Aethiopes, crispo & adusto, facie deformi: in bellis, gestibus truculentis, ut ferociiores appareant, utuntur. Tunc verò aspectu truculento, & gestibus horrendis, & dissonis vocibus metum incutere nitebantur. Nostri re inopinata perculsi retrocedunt, & se ad Almeidam, qui Regio signo, ut opem afferret, explicato, in oppidum veniebat, recipiunt. Is non ulterius cunctandum ratus, in littus se conferebat. At scapha fuerant inde subducta in locum alium magis tranquillum, unde consensio faciliior apparebat. Almeida in eum locum iter instituit. Greges erant in agmine medio, reliqui qui agmen cgebant, hostes à tergo agrè sustinebant. Illi tamen in principio non ita grauiter nostros urgebant. At ubi auxilijs undique confluentibus copias suas amplificatas aspexerunt, edito clamore greges vnum in locum compulerunt. Sic enim pecudes & armenta assuefaciunt, ut illorum vocibus aut moueantur, aut subsistant, aut eò properent, quò illi iubent. Itaque neq; longius abibant, & nostros interdum impediebant. Hostes, gregibus ad hunc modum conseruatis, in nostros ferocius irruunt, & postremum agmen carpunt, ordinemq; disturbant. Almeida cum cerneret multos adhuc in pecoribus abigendis occupatos, gregem dimittere, & è medio agmine confestim expellere iubet. Deinde copias illas exiguas in vnum compulit, ut conferta facilius hostium impetum repellerent. Quod longè secus accidebat. Nam cum hostes in confertum agmen lapides & tela conijcerent, & nostri inermes, eò quòd gentem contempserant, prodijissent, illi vulnera grauissima nostris infligebant cum interim nostri ho-

stri hostibus nocere nullo modo possent. Nam cū essent illi summa celeritate pradi, facillimè poterant cursu se se à clade proripere, & rursus eadem celeritate in nostros incurfare. Nostri erant summa lassitudine prapediti: aelus enim eos adurebat, lassitudo conficiebat, ita vt vix plantas in arena ardentissima altiùs impressas euellerent. Tantaquē erat in plerisq; debilitas, vt in vestigio consistere non possent. Multi formidine perterriti, dissipari cœperunt. Hic Georgius Melius, qui erat vnus ex Ducibus, & Albuquerquej partes fuerat in India sequutus, ad Almeidam conuersus, inquit, Vellem, vt hi, qui se tibi in India venditabant, hoc in loco non innoxios criminando, sed pro salute tua capita sua in discrimen offerendo, amorem, quo te complecti simulabant, ostenderent. At Almeida, parū, inquit, tempestiua commemoratio. Quin tu ista, quæ tempus minimè flagitat, omittis, & illud Regium vexillum tueris, ne si in belluarum istarum manus veniat, Regis clarissimi nomen ludibrio sit? Nam quod ad me attinet, tot annis, & tot virijs coopertus sum, vt si mors hoc in certamine mihi oppetenda sit, ea nec immatura, nec immerita possit existimari. Hæc dicens, vexillum Melio tradidit. Deindè cū rursus hostium impetum sustinere voluisset, hostis quidam coniecto iaculo guttur illius transfixit. Quo factò, is dolore vehementer afflictus, & viribus omninò destitutus, ita procubuit, vt genibus in terrā flexis, & oculis sublati manus in calum tenderet. Itaq; illo signo insitæ religionis in extremo illo spiritu ijs, qui cū illo errant, ostenso cecidit, vir probitate, & liberalitate, & rebus gestis immortalitate dignis admirandus: qui tamen, quod valdè luctuosum fuit, nonnulla de decoris macula actæ vitæ decus aspersit, cū tamen temerè leuium hominum sermonibus inductus, in id se discrimen iniecit, è quo nullum præmium

L I B E R

inimū vel dignitatis ad sui nominis gloriā, vel vtilitatis ad patriæ fructum polliceri vlla ratione poterat. Consilij pœnas acerbissimo casu luit, & simul exemplo suo mortales humana imbecillitatis admonuit, ne nimis præsentī felicitati cōfiderent, cū animaduernerent illum, cuius in bello Grana- tensi tam clara virtus extiterat, qui maximos in India ex- ercitus fuderat, qui Campsonis Aegypti Imperatoris opes infregerat, & debilitārat, qui multis Regibus fr̄enum inie- cerat, à paucis hominibus, neq; moribus & institutis patriæ cultis, neq; armis & militari disciplina ad decus eruditis, sed inermibus atq; nudis, & non multū à beluarum imma- nium feritate distātibus occisum, & eorum pedibus procul- catum. Eo, vt diximus, interfecto, nostri diffugiūt. Lauren- tius tamen Brittius & Martinus Coelius mori in vestigio maluerūt, quā Almeida insepultum deserere. Hi fugiē- tes magnis vocibus cōpellant. Quam inquit, rationem in Lusitania vestri Ducis, ô viri immemores dignitatis & in- grati, reddetis? Illum, qui vos tantis auxerat beneficijs, in discrimen induxistis, inductum prodidistis, & nūc insepul- tum deseritis? Cū verò clamando nihil proficerent, in ho- stes conuersi sunt, eorumq; multitudine circumfusi, lapidi- bus, & iaculis, & fustibus oppressi conciderunt. Quinq; & sexaginta Lusitani in hac infauista & infelici pugna inter- fectione sunt: in quibus erant duces vndecim, viri magna- nimi, maximisq; in rebus cogniti: qui cū per medias flā- mas, per pilas innumerabiles, per tela, per gladios sine vlla formidinis significatione ruentes, maximum terrorem ho- stibus intulissent, & insignes victorias contra innumerabi- les hostes adepti fuissent, tunc à paucis hominibus inermibus atq; nudis interfecti, & spoliati fuerunt. Creditum est illos, eò quòd se se insolentius in prosperis successibus extulissent,

& victoria non moderatè, sed nimis interdum crudeliter
 vsi fuissent, eas pœnas diuino iudicio pertulisse. Nostri se ma-
 ximo cum labore in scaphas recepère. Georgius Barretus &
 Georgius Melius postquam hostes discedere cognouerunt, in
 terram egressi sunt, vt mortuos sepelirent: quos omnes nu-
 dados inuenère. Furu: non exeq: ijs, sed l. crym: curatum
 fuit. Accidit hic acerbissimus casus kalend. Martij, Anno.
 M.D.x. Naues inde profectæ, Olysiipponem incolumes per-
 uenère: cladisq; nuncius insignem Regi mœstitiã, & vni-
 uersæ nobilitati mœrorem & luctum attulit. Quid interim,
 dum hac omnia gesta sunt, Iacobo Lupio Siqueiræ accide-
 rit, est hoc loco referendum. Is soluerat Olysippone cum na-
 uibus quatuor, quinto die Aprilis, anno salutis. M.D.vij. In
 insulam verò S. Laurentij peruenit quarto die Augusti:
 quam secundum eam partem, quæ spectat ad Austrum, per-
 agrauit, & aliquot nautas, qui fuerant in comitatu Ioãnis
 Gomecij Abrai, reperit: à quibus intellexit, Abræũ, vt dictũ
 est, dolore & mœrore contabuisse. Inde in Cochimũ delatus
 est, et ab Almeida (adhuc enim imperiũ tenebat) fuit hono-
 rificè & amãter exceptus. Almeida illi nauẽ vnã cum sexa-
 ginta hominibus, in supplementũ exigua illius clasis, attri-
 buit. Huius nauis erat nauarchus Garsia Sousa. Cũ ijs quin-
 que nauibus in insulã, quam olim Taprobanã, modò Zama-
 tram appellãt, puenit. Ea est æquinoctiali circulo subiecta,
 & aurea Chersoneso ea parte, quæ ad Austrũ ptinet, opposi-
 ta. Patet in lōgitudinem milliaribus nōgentis & sexaginta.
 Latitudo verò illius nō supra ducẽta et quadraginta passũ
 millia dilatatur. Regio est mira fertilitate pradiata, re-
 gnisq; multis distincta, varijsq; nationibus, quæ inter se mo-
 rib. & institutis dissimillimo ritu dissidēt, frequētata. Quidã
 enim Mahumetis sectã sequuntur: qdã simulacris dediti sūt.

Alij

LIBER

Alij adeò immanes & feri sunt, vt humanis carnibus vescantur. Alij rursus moribus humanis excoluntur, & benignitatem præ se ferunt. Abundat ea insula plurimum auro, cuius gratia in eam mercatores vndiq; commeant. In eã insulam delatus Siqueira, naues in portu regni, quod Pedir appellant, constituit, & per legatum pacẽ cum Rege firmavit. Idem fecit in alia ciuitate, quæ Pacem nominatur, quæ inde octoginta millia passuum aberat. Inde Malacam, quæ est in continenti Septentriones versus, cuius explorandæ causa missus ab Emmanuele fuerat, traiecit. Ea est in aurea Chersoneso ad ostium fluminis non valdè magni sita. Erat autem tunc celeberrimum Orientis emporium: quatuor millibus passuum in longitudinem patebat latitudine erat per angusta. Arboribus & varijs fructibus abundat: frugibus, & rebus alijs ad victum pertinentibus, importatis vititur. Fluvio, qui mediam urbem interfluit, distinguitur: vtraq; tamen urbis pars inter se ponte coniungitur. A Edes & urbis mœnia erant magnificè & eleganter extructa. Gens est colorata, & moribus atq; vitæ cultu ad humanitatẽ propensa. Lingua adeò suavis existimatur, vt omnes finitimæ regiones, & insulæ etiam, quæ commercium cum ea ciuitate vllum habent, valdè ad vrbaneitatem & elegantiam pertinere arbitrentur, linguam & orationem ciuitatis illius usurpare. Gens est vestitu & cultu lautissima: musicis oblectatur: in bello tamen est acris, & quæ facildè pro decore & dignitate mortem oppetat. Pertinebat hæc ciuitas olim ad regnum latissimum & opulentissimum, quod Siam appellant. Rex enim Siamensi Regi parebat. At cùm ex portorij ingentibus summas sibi opes comparauisset, & maiores quosdam diuitiarum magnitudine spiritus assumpsisset, à Siamensi Rege defecit. Hanc deinde libertatem partim armis,

mis, quibus Siamēsi ferociter obsistebat, partim muneribus, quibus illius consiliarios, ut Regem à bello deterrerent, detinebat, facile tuebatur. Rex erat Mahumetanus, & Mahumetes etiam, ut nomen cum secta cōsentiret, appellabatur. Siqueira classem in portu collocavit. In anchoris autē in eodē portu quatuor Sinarū naues fortē cōstitērunt. Sina ubi nostras naues cōspexēre, Siqueirā adeūt, et cū illo sermone humanissimē conferunt. Illorū autē humanitate & urbanitate Siqueira captus, familiaritatē cū illis libentissimē contraxit, usque adeo, ut in eorum naues ingressus, nullum officiū amicitiae confirmādā necessariū pratermitteret. Rex misit portorij ministros, qui percōtarentur, q̄ gens illa esset, aut cuius rei gratia iter in eas oras suscepisset. Siqueira respondit, se ex occidentis Solis extremis terminis à Rege clarissimo missum esse, ut cū eo Rege, de cuius amplitudine multa perceperat, amicitia firmaret. Cōfidere se illud amicitiae fœdus utilissimū vtriq; Regi futurū. Id ut signis intelligi potuit, fuit Regi, & illius patruo, qui regnum administrabat, longē gratissimum. Putabant enim valde ad Regij nominis amplitudinē pertinere, cū Regibus exernis tanto terrarū intervallo disiuuctis societate coire, nomēq; suum p̄ occidētis Solis regiones cū nōnulla sui decoris celebritate peruagari: et simul ex Lusitanorum commercio Regis Malacensis opes amplificatum iri confidebant. Itaq; Rex ad Siqueirā viros primarios de suo comitatu misit, qui ei nomine illius omnia fuerunt, quae ad cōmodū & dignitatē Emmanuelis pertinerent, largē polliciti. Fuit deinde cōstitutū, ut Siqueira urbem ingrederetur, ut corā de pace cum Rege cōmodius ageret. Fuit is à Rege cum multis amoris signis, & honorificis etiam caeremonijs de more gētis illius exceptus. Ibi cū de pace ageretur, fuit ab utroq; statutum, ut pacis cōditiones per

LIBER

internuncios tractarentur. Pax denique fuit inter vtrunq;
facta, & solenni iureiurando sancita, & domus confestim
Roderico Araugio, qui Regis Emmanuelis negotia erat in
ea ciuitate gesturus, attributa. Nostri igitur omni metu solu-
ti, in vrbe dispersi vagabantur. At Sina cum nostrorum secu-
ritatē & confidentiam animaduertissent, Siqueiram admo-
nuere, ne tantam fidem Malacensib. haberet. Gentē esse fal-
sam atq; fallacē, et fraudib. atq; perfidia sceleribus ascriptā.
Simul atq; nostros incautos, & nihil hostile suspicātes aspi-
cerent, eos omnes oppressurā. Boni Ducis officium esse, suorū
salutem in vigilantia sua, non in aliena fide sitam arbitrari.
Saracenos tantisper fidem retenturos, dum se nihil posse no-
stris nocere confiderent. Vbi verò sibi occasione datā aliquid
cum fraude gerendi viderent, eam minimè prætermisuros.
Humanitatem esse laudabilem: nimiam in aliena terra
confidentiam vituperandam, maximè verò cum hominibus
ex fraude & mendaciō compositis fides adiungitur. His &
alijs eiusmodi sermonibus Siqueiram nauarchi Sina-
rum admonebant, vt insidias præcaueret. At is & fœde-
ris sacramento, & specie beneuolentiæ, quam Malacen-
ses præ se ferebant, & postremò, quòd natura id quod feli-
cem successum inturbare potest, non faciliè euenturū su-
spicamur, non modò Sinarum monita neglexit, verū mul-
to confidentius & Lusitanos in vrbe versari, et Malacenses
in nauibus suis negotiari permisit. Interim verò mercatores
partim ex insulis ad Austrum sitis, partim ex ea India par-
te, quā Indus alluit, Regem nostrorū formidine perterritū,
ab eorum cōiunctione distraxerunt. Dicebant enim, nostros
esse piratas cunctis nationibus infestissimos. Per simulationē
verò probitatis fraudes machinari, & illis ipsis, cum quibus
fœdus amicitia feriebat, pestem & exitium moliri. Mul-

eas ciuitates euertisse, multis gentibus libertatem & opes eripuisse, & illis, qui non permitterent arces in eorum ciuitatibus. edificare, crudele bellū intulisse. Arciū verò adificationē eō pertinere, vt libertate primū oēs, qui eos admittebāt, spoliarent, deinde bonis omnibus per summi scelus euerterēt. Nullam deniq; esse nationē vel tanta omnia rapiendi cupiditate furentem, vel tam immanib. moribus, & institutis effera tam, quæ esset cum Lusitanis auaritia & crudelitate cōferenda. Non verbis, sed factis esse credendū. Interrogaret oēs mercatores de illis malis, q̄ vel in india, vel in Arabia atq; Perside à Lusitanis gesta fuerant. Prudentis aut Principis esse, alienis malis admoneri, ne in similes calamitates incideret. Vnum autem periculi depellendi remedium esse, gentē, antē, quā maiores opes assequeretur, opprimere. Sed namq; facultatē prætermittam eos lamentari, qui, quandiu licet, securitati suæ minimè prospiciunt. Lusitanos esse admodum paucos, & inermes, & imparatos, atque fœderis confidentia in vrbe, tanquam in patrio solo versari. Eos itaque de medio tolleret, vt paucorum interneciōe, reliquis aditum in eas oras intercluderet. His et eiusmodi sermonibus Regem iuuenili temeritate precipitem, & in fraudibus enutritum, & religione à nostris maximè dissidentem, facillime à Lusitanis abalienarunt. Huius autem consilij auctores præcipui fuere Nahodabeguea Cambaiensis, & Vetimutaraia Iaouensis, qui opibus, & potentia, & gratia apud Malacenses, inter omnes, qui in ea ciuitate negotiabantur, excellebant. Hi verò non oratione tantum, sed muneribus etiā Regis patruum, penes quem erat totius regni moderatio (Bendarā appellabāt eum, qui munus id gerebat) corruperunt, vt fidem datam violaret, & Regem in eandem fraudem impelleret. At eorum consilijs vehementis-

L I B E R

simè repugnabat Lāsamana, rerum maritimarū præfectus. Nullū enim grauius periculum intendi dicebat eo, quod ex violata fide communib. rebus immineret. Deum enim, quem nihil latere posset, iurisiurandi neglecti, atq; religionis violata vindicē fore. Ad hæc accedere fraudis atq; mendaciꝝ dedecus & turpitudi- em, quo nullum detestabilius, ad Regis nomen macula sempiterna deformādum, excogitari posset. Præterea Lusitanos, se compertum habere, omnia quæ gesserant, iure gessisse. Ab illis enim tantum, qui fœdus fregerant, pœnas, vt æquum erat, exegisse. Homines namq; esse in fide tuenda constantissimos, & in perfidia vindicanda, & iustissimis pœnis animo maximo repetendis acerrimos. Itaq; præstare eos imitari, qui eorum scelerate hostium iniurias facile propulsabant, q̃ eos, qui illatis iniurijs sibi ipsis causam iustissimæ cladis afferebāt. Hæc Lāsamana sentētia nō potuit vlllo modo Regē à decreto iam scelere reuocare. Itaq; statuit Siqueirā cū reliquis ducibus interimere. Quod vt cōmodius fieret, eadem maximam ex ligno propè pontē extruxit, et Siqueirā ad conuiuium, quod in ea domo instruendum curauerat, inuitauit. Is Regis tam propensam in eum, vt apparebat, voluntatem non aspernatus est. Erat tum Malacæ Persis quadam Mahumetana, quæ hospitium publicè certa pecunia præbebat. Apud eam diuersabatur sartor quidā Lusitanus, qui Persicam linguam probè nouerat. Is lingua cōmuniōe in maximam mulieris familiaritatem venerat. Ea cū insidias indicio cuiusdam hominis sibi valdè familiaris percepisset, per sartorem à Siqueira postulauit, vt eam ad colloquiū secreto admitteret. Vitam namq; illius & dignitatem agi. Siqueira monita mulieris irrisit. Illa verò cū idē iterū atq; tertio à Siqueira contenderet, & nihil proficeret, omni periculo contempto sartori insidias detexit. Is Siquei-

re oēm rationē sceleris, vt instituta erat, aperuit. Vbi igitur dies conuiuio praeſtituta venit, Siqueira morbi ſimulatione periculum declinauit. Itaque cū hac ſceleris via minimē proceſſiſſet, aliam excogitarūt. Siqueira querebatur, quōd aromata & merces reliquae, quas in naues, vt mercatores reliqui faciebant, imponeret, ſibi minimē pretio traderentur. Rex mercatorum importunitate id ſe imprudente factum eſſe confirmabat. Se daturum operam, vt poſtridie Siqueira poſtulatīs cumulātē ſatisfaceret, illumq; admonet, ſcaphas oēs praeto ad litus haberet. Interim naues humiliores armis complere, & arma cibis varijs et omni genere cōmeatus occultare iuſſit. Hominibus deinde armatis, vt arma cultu atq; veſte mercatorum contegerent, imperauit. Habitu igitur mercatorum, tanquam cibos venderent, erant in Luſitanas naues ingreſſuri, vt ſimul atque ſignum (id autem fumo dandum erat) in vrbe ſublatum conſpicerent, Duces imparatos aggredierentur. Erat aut conſtitutum, vt ſignum non daretur, antequam ſcaphae, vt onera acciperent, in litore conſiſterent, vt ſimul & naues exinanitas, & ſcaphas in litore ſine vlla ſceleris ſuſpicionē conſtitutas adorirentur. Poſtridie qui ſe mercatores eſſe ſimulabāt, cū animaduertent ſcaphas omnes, praeter vnā, ad litus accedere, ipſi nauigia ſenſim in naues dirigunt. Sceleris Principes erant ijdem, qui fuerant conſilij auctores. Ii cū nauium laterib. appropinquarent, interrogarunt, an vellent vel fructus, vel cibos emere. Pretium, quod petebant, erat viliſſimum. Noſtri & ciborum, quibus indigebant, copia, & pretij vilitate prouocati, homines in naues admodum libenter admittūt. At Garſia Souſa cū multo plures, quā par erat, in nauē ſuā ingreſſos animaduerteteret, eos omnes abire iuſſit, et repugnantes armis eiecit. Deinde Fernandū Magallanam in

L I B E R

scapha sua, quae sola cum reliquis ad littus missa non fuerat, ad Siqueiram misit, qui eum admoneret, ne gentem perfidam in nauem suam ingredi permetteret. Conuiuij recordaretur, quod proximis illis diebus à Rege instructum mortifero veneno fuerat. Siqueiram eo iam tempore octo ex hostibus circundederant, qui signum expectabant. Ipse verò schachorum ludo vsque adeo intentus erat, vt Magallani oratione ludendi studium non intermitteret. Nautam tamen vnum è nauis magistris, malum scandere, et è carchesio scaphas speculari iussit, an iam mercibus onusta redirent. Magallanus ad Sousam redijt, vt illi opẽ (erat enim paucis admodum stipatus) afferret. At magister è carchesio conspexit vnũ ex Malacẽsibus, qui in pratoriã nauẽ admissi fuerãt, o à Siqueira & tergo sicam distringere, alterũ verò ex aduerso oculis innuere, approperearet: nõdum enim signum datũ. Siqueira & qui cum eo ludebant, sic erant affixi ludo, vt non animaduertent, se solos esse hostibus octo circumuentos. Hic cum nauta è carchesio maximis vocibus Siqueirã, vt vitaret insidias capiti imminẽtes, inclamaret, Siqueira sanẽ perturbatus, arma poposcit: accurrunt vndique ij, qui relictĩ in naui fuerunt: hostes re inopina perculsi, in nauigia sua desiliunt. Idẽ reliqui, qui naues alias circumfistebant, effecerunt. Qui enim ex improviso nostros adoriri cogitabant, & signum expectabant, cum viderent nostros arma certatim corripere, sibi fuga consulendũ existimarunt. Illis verò à nostra classe diuulsis, signũ in vrbe sublatũ fuit. In nostros, qui in vrbe vagabantur, acerbe sauitũ est. Viginti tantũ in Roderici Araugij domũ se receperunt. Franciscus Serranus, qui etiã in vrbe versabatur, scaphã nactus, cladem effugit. Siqueira consiliũ habuit. Fuere qui dicerent, iniuriã illam esse protinus vlciscendã, & naues omnes, quae erant in portu,

portu, Sinarum nauibus exceptis, inflammandas, et urbem tormentis acerrime quatiendam. Sed id fieri commode nō poterat. Multi nāmque fuerant ab hostibus interfecti. reliqui erant admodum pauci, & duæ scaphæ fuerant ab hostibus captæ. Præterea ratio ineunda videbatur, quemadmodū Araugius, & qui cum eo erant, aliqua pactione in libertatē vindicarentur. At Bendara veritus, ne Siqueira portū subiret, ad Araugium peruenit, eumq; bono animo esse iussit, si dēmq; dedit, ei se viuo neminem nociturum. Rex cum Bendara deinde nuncium ad Siqueiram mittit, qui eum admonet, facinus illud imprudente se fuisse à perditissimis hominibus admissum. Cuius quidem illos pœnas daturos esse. ut hostium igitur vindictam oculis vsurparet, in urbem amicā & perhospitalem iniret. Se nāmq; nullū hominis amantiissimi officium & munus omisurum. Araugium & Lusitanos reliquos esse liberalissime tractatos, quos omnes se traditurum confirmabat, si is urbem ingredi vellet. Siqueira respondit, Lusitanos antè liberos sibi traderet, ut eo pignore facilius in animū induceret, eum reliqua omnia bona fide præstaturum. Id cum Rex facere nollet, imo hominem varijs fraudibus ludificare cogitaret, & nauigandi tempus abiret, Siqueira Indiam intra Gangem petiuit: duas in eo cursu naues hostiles cepit: è classe autem sua nauem vnā hominum penuria coactus incendit. Aliam autem nauem vadis allisam amisit, ita tamen, ut nullus eo naufragio periret. Sic tandem ad promontorium Cori peruenit. Ibi cū accepisset, Almeida, cuius ille partes sequutus fuerat, in Lusitaniā profectum esse, & Albuquerqueium Indiae prouinciā moderari, metuens illius offensionem, in Lusitaniā nauigauit.

HIERONYMI
OSORII SILVENSIS
ALGARBIORVM IN LV-
SITANIA EPI-
SCOPI,

DE REBVS EMMAN-
VELIS, LVSITANORVM RE-
GIS INVICTISSIMI VIR-
tute & auspicio gestis,

LIBER SEPTIMVS.



Albuquercius cum statueret Ar-
muzium petere, classem viginti-
trium nauium instruxit, in qui-
bus erant Lusitanorum duo mil-
lia, et aliquot praterea auxilia-
res ex Indicis militibus assum-
pti. Cum verò Baticalam per-
uenisset, Timoia pirata, qui tunc
Emmanuelis imperium sequebatur, & in parua quadam
insula Onori obiecta consistebat, ad Albuquercium se cō-
tulit, eumque incepto deterruit. Vehementer namque se
Ducis sapientissimi consilium admirari dixit, qui longin-
qua bella cum maiore periculo, & minore fructu sumere,
quàm propinqua cum multo maiore laboris premio susci-
pere mallet. Praterea non esse sapientis, hostem à tergo po-
tentem impunitum relinquere, cui liberum esset, in Lusit-
anos illius ope destitutos inuadere. Goam & propter in-
sula

fulæ situm, & vrbs opulentiam, & regionis vicinitatem, & hostis audaciam, esse illi prius expugnandam, quàm aliquid aliud moliretur. Admonuit præterea illum de belli apparatus, in quem Zabaimdalcamus, Goa princeps & dominus, totis virib. incumberebat. Viginti enim naues maximas edificabat, & naues etiã longas ornabat: mille Turcas, acres in bello viros, stipendijs alebat, & alios præterea milites permultos mercede conducebat eo animo, vt nostros aggredere tur & imparatos opprimeret. Nihil igitur vel ad salutem prouidentius, vel ad dignitatem præclarior cogitari posse, quã consiliũ hostis anteuertere, & antequã classis illa in altũ deduceretur, ex improviso Goam adoriri. Esse præterea rei bene gerendæ occasionem diuinitus oblatam. Nã Zabaimdalcamum post Zabaij patris mortẽ, eò quod multi principes in continenti ab eo defecerant, esse bellis molestissimis implicatũ, & in continenti traiecisse, vt rebelles domaret. Ea autem de causa coactum fuisse, maximam exercitus sui partẽ eo traducere, vt citius bellum cõficeret. Operam deinde suã Timoia pollicitus fuit, sibiq; nihil optabilius esse dixit, quã vitam, si opus ita fuisset, pro Regis Emmanuelis dignitate profundere. Albuquerque hac oratione permotus, consilium habuit. Omnes Timoia consilium comprobarũ. Albuquerque igitur, cùm Goam oppugnare constituisset, Timoiaq; præmisit, qui terra arcem Zabaimi, in oppido Zintacora egregie munitam, armis inuaderet. Ipse verò Goam petiuit. Vix autem classẽ in ora collocarat, cùm Timoia ad illũ peruenit, & arcem esse iam à se funditus euersam, & flammis absumptam exposuit. Classis autem Timoia erat quatuordecim longarum nauium, armis, & tormentis, & bellicis munitionibus instructissima. Goa est insulæ & vrbs commune nomẽ. Fluvius ingens in duas partes in mare influentes diuisus, in-

L I B E R

fulam efficit. Ambitus illius millia passuum circiter vigintitria continet. Vrbs erat cincta muris, & munita turribus, & tormentis permultis atq; varijs instructa: ades ample. Celi temperies, & regionis amœnitas, & portus securitas multos mercatores inuitabat, vt libenter in ea domicilia collocarent. Emporium erat valdè frequens & opulentum. Vigeant in ea armorum studia, multique milites, partim equites, partim pedites, Zabaimi stipendijs alebantur. Vestigijs namq; patris insistens, omnes, quos in bello virtutis specimen præbuisse nouerat, ad se congiarijs vberimis alliciebat. Insula multo maiorem, quàm pro illius magnitudine, hominum multitudinem sustentare potest. Est enim densis arboribus valdè fructiferis vestita, abundat varijs frugibus, pecora innumerabilia nutrit, variaq; alimenta profundit, & aquas multas atq; perennes habet. Tempia ritu Mahumetano erant maximis sumptibus adificata, & prouentibus etiam, quibus sacerdotes alerentur, opulenta. Nemini autem licebat in insulam ingredi, priusquam in aditu aliquo nomē suum, & patris, & patriæ scripturæ magistris in quinque locis, quibus in insulam facilior erat transmissio constitutis, exponeret: qui etiam hominis colorem, & staturam, & signa literis consignabant. Accidit porro postquam insula in Lusitanorū potestatem peruenit, vt dum Lusitanus quidam domus altiora fundamenta iaceret, crucē ex ære factam reperiret: quod maximo argumento fuit, eam fuisse olim à Christianis habitam: Albuquerqueius verò primum omnium Antonium Norognam, & Simonem Andradiū, & Simonem Martinum, quorum naues humiliores erāt, & remis incitari, & in vadis consistere poterant, præmisit, qui turrim quandā, q̃ nostris damnum inferre poterat, oppu-
gna-

gnarēt. Ijs autē Georgiū Fogazā, Hieronymū Teixeira, Georgiū Sylueirā, & Ioannē Noniū, & Garfiā Sousā scaphis egregiē munitis inuectos, comites adiunxit. Magistro autē classis vniuersæ p̄cepit, vt fundū exploraret, & videret, an maiores naues possent absq; naufragij periculo portum subire. Timorē verò imperauit, vt aliā turrim, in qua erant similiter & tormēta, & præsidia militū disposita, in continētē nō p̄cul ab insula sitā acriter impugnaret. Omnes impigrē sibi cōmissum munus exequūtur. p̄sidia namq; armis partim cesa, partim in fugā cōiecta, & turres captae & incēsa sunt: & magister renunciat, nullum esse à vado periculū. Inde Albuquerque iussu vltius progressi, oppidū insulae, Pangin nomine, satis magnū, & militū non exigua copia munitum inuadere parant. Hostes accurrūt, vt nostros aditu prohibeāt. Fit atrox praliū, hostes tandem fusi fugatiq; sunt, & oppidū coniectis facibus exustū. Postridie Albuquerque naues humiliores misit, quæ se cū Norogna coniungerēt. Maiores enim naues propter malaciā substitere. Ipseq; in triremē, cui præerat Iacobus Fernāndus Begenensis, ingressus est. Ibi Saraceni quidam ad illū supplices adeunt, se Cābaienses esse dicūt, & Goam rei gerēdæ gratia cōuenisse, & Melichiazij fœdere cōtineri: orare & obsecrare, vt fœderatos atq; supplices insita fide & benignitate cōseruaret. Eos Albuquerque eodem recepit. Quærit ab illis deinde, quo in statu ciuitas ipsa sit. Narrant illi, maximum esse metum ciuibus iniectum. Seditiones etiam inter Principes excitari. Multos namq; propter exiguum militum numerum deditionem facere velle: quosdam verò illis, qui hoc animo essent, acriter aduersari. Ad resistendum porrò neque consilium, neque mentem in alterutra parte consistere. Albuquerque ne vi propius illata, eos,

LIBER

eos, qui dissidebant, inter se conuenire cogeret, & simul, vt
 vrbe citius in potestatem redacta, liberior ad reliqua, qua
 animo designarat, exequenda relinqueretur, eosdem Sa-
 racenos legatos ad ciuitatis Principes mittendos esse du-
 xit. Legationis sententia hac erat. Se non vt exitium Goë-
 sibus importaret, sed vt eos à dominatu durissimo ad im-
 perium multò clementius adduceret, eò classem appulsi-
 se. Si in deditionem redigi vellent, se omnium libertatem
 tuendam suscipere, & vt suis legibus, & ea religione, qua
 à pueris imbuti fuerant, vitam instituerent, si Christianã
 sequi nollent, facile permissurum: & tertiam præterea
 partem tributorum, qua Zabaimo pendebant, remissurū,
 ea tamen lege, vt milites illius potestati traderentur, vt de
 eis quod optimum illi videretur, statueret. Ciues conditio-
 nes accipiunt. Aliqui tamen cum aliquot militibus aufu-
 gerunt. Rebus ad hunc modum constitutis, sequenti die, qui
 fuit .xvj. Februarij, anno salutis. M. D. x. Albuquerque
 in urbem ingressus est. Urbis, & arcis, & munitionum om-
 nium, & armamentorum possessionem nomine Regis Em-
 manuelis occupauit, fidemq; à ciuibus accepit, eos fore
 semper imperio Emmanuelis obsequentes, neq; ab illius
 vnquam fide discessuros. Erant in mœnibus & armamen-
 tis quadraginta ingentia tormenta ex ære facta, è mino-
 ribus incredibilis multitudo, maxima pilarum, & tormen-
 tarij pulueris vis, & reliquarum munitionum tanta co-
 pia, vt admirationem commoueret. Erant in statione na-
 uali naues maximæ quadraginta, celoces sedecim, & lō-
 gæ præterea naues quamplurimæ. Erat præterea in Za-
 baimi stabulis non mediocris equorum, qui fuerant è Per-
 sidi & ex Arabia aduecti, numerus. Ad has commodita-
 tes accedebat varius & multiplex commeatus.

cuius ne vrbs tanta celebritatis parum firmo praesidio muniretur, in ea hyemare constituit. In locis, quibus aditus in urbem patebat, praesidia disposuit: urbis custodiam Antonio Norogna, arcis praefecturam Gaspari Paima commisit: regiae facultatis procurationem Francisco Coruino tradidit. Magistratus deinde, qui annonae, qui adibus, & vijs praessent, qui communi consilio res ad victum publicum necessarias administrarent, delegit, ordinemq; civilem singulari temperatione constituit. Saracenos, & alios, qui portorij & vectigalibus aliunde importatis praesuerant, minimè (sic enim temporis ratio flagitabat) muneribus priuandos esse duxit. Promissa cumulatè praestitit, & ut omnium in se popularium animos alliceret, operam strenuè nauauit. Mulieres & virgines, quae in Zabaimi adibus, in quibus ipse habitabat, asseruabantur, ab omni petulantia militari custodiri diligentissimè iussit. Legatum deinde ad Narsinga Regem mittere instituit: & Regem etiam Vengaporèsem, qui Narsinga Regi parebat, per cuius regnum legatus iter facturus erat, ut ad suas partes alliceret, operam dandam esse statuit. Legatus fuit Gaspar Chanoca, qui Bisnagam urbem Narsinga maximam et opulentissimam, totiusq; regni metropolim, in qua Rex plerumq; considet, peruenit: ubi fuit à Rege cum magnis honoribus acceptus. Regis Armuziensis familiares atq; domesticos, qui in ea vrbe negotiabantur muneribus affectos dimisit. Ismaelis Persarum Regis legatos, qui Goam, ut negotia magni ponderis cum Zabaimo transigerent, conuenerant, humanitate summa prosequutus est. Ad ipsum deinde Ismaelem legationem decreuit. Legatus appellabatur Rodericus Gomezius Carualiosa, qui Armuzij à Coieataro, ne ad Ismaelem perueniret, veneno sublatu

fuit.

L I B E R

fuit. Urbē deinde muniuit: naues, quæ erāt inchoata, perfecit: vectigalia locauit. Timoia redēptor extitit. Dū hæc geruntur, res noua præter opinionē incidēs, Albuquerqueiū, ne alijs curis omninò vacuus, remp. optimè cōstitueret, impediuit. Nam quidā viri nobiles illi vehemēter aduersari cœperūt, atq; primū illius actionibus obrectare, clanculū omnia facta illius irridere, & siue virtutis inuidia, siue insita temeritate & insania nomē illius maledictis insectari. Deinde audacius, ne rem Lusitanā in summū discrimē induceret, obtestari. Urbē illā esse magnā, hostibusq; innumerabilibus circūfusam, neq; posse tūc ab imminētibus piculis vlla ratione defendi. Hyeme nullā opē aliūdē propter aduersas tēpestates afferri posse. Opes Zabaimi ingētes esse: odiū finitimæ gētis in nostros acerbissimū. Fidem ciuiū, qui se dediderant, fluxā, et neq; spōte, sed metu & terroribus expressam. Si hostes hyeme, quod eis facillimum foret, fluuiū traicerent, obsidionē sustineri non posse. Esse igitur urbem præsidio nudandā, neq; propter vllius ambitionem, omnes Lusitanorū copias hostiū immanitati prodendas. Ad hos cū alij quidā se aggregarēt, & Albuquerquei nomen apud multitudinē deferrēt, & publicū etiam testimonium sumerent, supra nongētos homines Lusitanos Albuquerque aduersarios & infestos reddiderunt. His rebus cognitis, Albuquerque vna nocte tumultus auctores, ad clandestina colloquia in vna domo coactos oppressit, & in custodiā tradidit. Illi simulāt se in illius potestate futuros. Is cū eorū ope indigeret, ab eis fidem accepit, eorumq; erratis ignouit. Aliquos tamen ex eis postea dimisit, ne ei grauiorem molestiā manendo exhiberent, quàm discedēdo afferre potuissent. Alij contra fidem datam eum deseruerunt. Hæc indigenas minimè latebant, & exploratores omnia Zabaimo

baimo per literas nunciabant. Interim Dynasta quidam ex ijs, qui rebus Lusitanis studebant, literis Albuquerquei admonuit, exercitum ingentem à Zabaimo cōparari: vicinos Principes ad auxilium accersiri: bellum, quod Zabaimus gerebat, æquabili compositione finire: vrbes eorum, qui in Lusitanos voluntate propendebant, vastari. Albuquerque socijs opem asferre conabatur, sed tanta erat hostium multitudo, vt frustra in eo laborem & studium consumeret. Id, quod reliquum erat, summa vigilantia facere nitebatur, vt hostes insulæ aditu prohiberet, & urbem tutaretur. Sed ratio vtriusque muneris gerendi erat difficilis & impedita. Nam Lusitani erant pauci, & magna eorum pars ab Albuquerque sermonibus eorum, qui discordias excitauerant, auersa. Ciues cum quibus pacem fecerant, non suspecti tantum, verum Principem suum non obscuro studio repetentes: aditus in insulam neque pauci, neque difficiles. Itaque eodem tempore erat Albuquerque, vt & suos in officio contineret, & Goensum proditionem caueret, & hostium multitudini diuersis in locis resisteret, summa vigilantia laborandum. Aditus insulæ primum fossa & vallo muniuit, & in ijs quæ potuit præsidia disposuit: & duces, quorum virtuti confidebat, singulis præsidijs assignauit. Locus vnus, qui erat magis, quàm reliqui, munitus (incola Benastarin appellabāt) erat oppositus illi parti continentis, quam iam Pulatecamus, Zabaimi dux, castris occuparat. Vir nobilis, nomine Garsia Sousa, stationi illi fuerat ab Albuquerque propositus. Is candidum vexillum ab hostium castris sublatum cōspicit. Quod cum cerneret, aliud similiter vexillum candidum tolli præcepit. Id erat signum securitatis ei, qui vellet propius accedere. Vir deinde ex colle, qui hostium castra tegebat, in litus descendit. Illa verò sunt æstuarij atque flumi-

LIBER

fluminis angustia, vt sermo vtring³ ab ijs, qui in vtroq³ litore constituti sunt, haberi facillimè possit. Is igitur Sousa voce maxima cōpellebat, seq³ Lusitanum esse, et Ioannem Machiadum appellari dixit, & vnum ex exulibus illis, quos Capralis in Melinde reliquerat. Inde profectum, Diu peruenisse, & sub Melichiazio stipendia fecisse. Maiore deinde congiario à Zabaio Goæ Dynasta, Zabai-
mi patre, conductum, sub illius signis militasse: qui illi, cum eum Turcam existimaret, militum præfecturam cō-
cesserat. Seq^{ue} quanuis Turcam esse simularet, re vera, mente & intima fide nunquam à CHRISTI religione discessisse. Itaque animo Christiano, & amore in patriam debito persuasum, eò descendisse, vt Christianos admone-
ret, vt impendens omnibus discrimen declinarent. Zabai-
um habere sub signis supra quadraginta hominum for-
tium millia: tam multisq^{ue} tormentis, atque bellicis in-
strumentis abundare, vt Lusitani illius vim & impetum
diu minimè sustinere possent. Quocirca se Christianos
hortari & admonere, vt antequam hyems exitum inter-
cluderet, ex insula discederent. Sousa homini gratias ag-
git, & rem omnem Albuquerque per nuncium exponit.
Albuquerque id hostium calliditate fieri suspicatus, quo
terrorem nostris inijcerent, admonitionem contempsit, in-
dignumq^{ue} se prorsus existimauit, antè, quàm experire-
tur, an Insulam tueri posset, ex ea decedere. Pulatecamus
verò cum animū Albuquerque obstinatū perspiceret, vt in
aditū irrūperet, excogitauit. Itaq³ rates cōiunxit, & ne ra-
tibus noceri tormētis posset, stationē in fluminis ostio vallo
& fossa, validoq^{ue} præsidio muniuit. Nostri cum id ani-
maduerterent, vt stationem hostium expugnarent, sum-
mo opere contenderunt. Sed cum in eo frustra pugnarent,
Albu-

Albuquerqueium admonent, operam in stationis oppugnatione frustra consumi. Albuquerqueius eò se cum equitum turmis contulit, & hostium munitionem conspiciat, ducibus præcepit, ut ab oppugnatione desisterent, & in eo tantum industriam ponerent, ut hostes aditu prohiberent. Se namque confestim cum maioribus copiis adfuturum, & Norognam cum minoribus nauigijs in mare missurum, ut sic demum statio facilius expugnaretur. Idem reliquis Ducibus, quibus alios aditus tuendos assignarat, imperauit. In urbem reuersus, dat operam continuo, ut parua quadam nauigia, quibus Goenses utebantur, quæ remis impelluntur (Corias autem appellabant) in unum locum conueniant. At omnes Coriæ erant ad hostes clam transmissæ, ut illis copias in insulam maiore cum facilitate traicerent. Id ubi rescivit Albuquerqueius, eum, cuius id opera factum fuerat, confestim occidi præcepit. Interim hostes summa vi, ut in insulam penetrarent, contendebant. Sed nostri tam acri animo resistebant, ut eos semper à conatu repellerent. Tandem Pulatëcamus cum desperaret, se die in insulam tanta virtute defensam ingredi posse, nocte se id facilius effecturum existimauit. Noctem pluuiam & caliginosam, hyems enim instabat, expectauit, qua nostri tempestate & imbre præpediti, neque tormentis uti, neque omnibus locis occurrere possent. Cum igitur ea nox, quam optabat, aduenisset, quæ fuit decimo septimo die Maij, Zufalarimum, virum impigrum, & in rebus bellicis administrandis intrepidum, cum mille delectis hominibus ratibus inuehi, & Benastarinum petere iussit. Melichium verò Cufforgium, qui Goënsi exercitui præfuerat, iussit alium aditum, Zancalinum nomine, qui inde non pro-

Ee culab-

LIBER

culaberat, Corijs, quas ad eam rem parauerat, aggredi. Se cum reliquis copijs, ut eis subsidio occurreret, transmissurum. Zufalarimus quauis & noctis silentio, & tempestatis opportunitate uteretur, nostros perpetuò vigilantes latere non potuit. Hostes tamen cum essent tanto plures numero, & in nostros tenebris & pluuijs impedidos, & in quam primum partem accurrerent, non satis explicantes irruerent, & eodem simul tempore utrunq; aditum oppugnarent, terram tandem occuparunt, & nostros ex stationibus expulerunt. Quod tamen non absque summa armorum contentione fieri potuit: in qua aliquot utrinque ceciderunt, in quibus Georgius Sousa fuit. His rebus ita gestis, ij, qui expulsi fuerat, cum alijs, qui aditus aliquos custodiebant, in urbem se receperunt. Albuquerqueius verò cum Goënsibus militibus, quibus se usurum dixerat, parum fideret, ut ciuitatem eorum insidijs (iam enim inter se de prodenda ciuitate conuenerant) liberaret, omnes iussit abire: quibus simulatè eam curam dedit, ut Benestarini aditum armis tuerentur: seq̃ue dixit illis opem confestim allaturum. Nec enim de omnibus pœnas sumere poterat, & hostes intra muros versari periculosius existimabat, quàm cum omnibus in campo confligere. Illi continuò se se cum Pulatecamo coniungunt. De mercatoribus tamen, qui remanserant (eos enim, à quibus minus timebat, eicere noluit) quæstionem habuit, & quendam Mircazemum nomine, opibus & existimatione Principem, cum nonnullis, qui socij coniurationis extiterant, capitali supplicio affecit. Pulatecamus verò in loco castra posuit, qui duobus passuum millibus ad urbem distabat. Inde crebras in urbem excursions faciebat. Albuquerqueius naues, que in statione

In statione erant, per Iacobum Fernandum Fariam, virum fortissimum, incendere precepit. Sed incēdium fuit continuò ab hostium multitudine restinctum. Urbis muri multis in partibus laborabant. Eas omnes Albuquerque stationibus firmare constituit. Octo stationes munivit, easq; octo ducibus custodiendas cū presidijs assignavit. Nauigiū deinde in mare deduci iussit, ut Cochimum quā celerrimè fieri posset, nunciaret discrimen, in quo ipse cum omnibus Lusitanis versaretur, & Georgiū Syluium atque Hieronymum Teixeira (hierant ex illis, qui turbas contra illius acta conciuerant) ad subsidium euocaret. Quod illi sine odio Albuquerque imbuti, sine desperatione quadam salutis occupati facere neglexerunt. Pulatecamus interim propius accedens, urbem summis viribus oppugnabat: nostri summa etiam contentione resistebant. Antonius Norogna in urbis parte, quæ erat muris propemodum nudata (magna namq; pars illius diruta fuerat) ex statione, cui præerat, hostiū impetum egregiè sustinebat. Cū verò hostes pertinacius instarent, ipse apertō ostio copias eduxit, & impressione facta hostiū impetum repressit. Verū cū se recepiisset, magnum periculū adiuit. Ea die fuit urbs trib. horis omnibus partibus acriter oppugnata, sed multo acrius defensa, ita ut cogeretur Pulatecamus copias, ne plus damni acciperet, quā inferret, à muris abducere. Insequenti nocte in loco propè litus, in quod naues reficiendas subducere mos erat, stationem vallo munivit, & in ea tormenta cum valido presidio disposuit. Prima deinde luce urbem ea parte, quam Arius Syluius tuebatur, acerrimè verberare, & omnes simul urbis partes oppugnare iussit. Sed hostes etiam, ea die cum non

L I B E R

mediocri damno repulsi sunt. Nostri tamen erant iam eo tempore & laboribus, & vigilis, & vulneribus, & reliquis incommodis, quibus obsessi, omniumque presidio destituti circumueniri solent, afflicti: in primis autem Albuquercius. Qui tamen cum esset gravissimis curis implicatus, omnia maximo animo perferebat. Et nunc consulando, nunc obiurgando, aliquando spem salutis afferendo, & ignominia metum proponendo, iacentes animos excitabat, exemploque suo ad laborem & audaciam multos incendebat. Nullum enim impigri interdum militis, & summi semper ducis officium pratermittebat. Machiades interim, cuius antea mentionem fecimus, clam ad illum ex hostium castris venit, atque indicauit, Pulatecamum de incendenda illius classe cogitare. Cum hac cura illum vehementer sollicitum haberet, Georgius Cagna & Franciscus Pereira Coutignus, Franciscus Sousa Manzias, & alij quidam, qui fuerant dissensionis concitande principes, instant, urgent, obtestantur, publicum testimonium petunt, rem esse perditam clamitant, urbem continuo deferendam esse dicunt, plebem eiusmodi verbis exanimant, ita, ut non facile posset Albuquerque statuere, essent ne magis hostes, quam cives ipsi, homines praesertim nobiles, qui multitudinem ad defectionem sollicitabant, metuendi. Haec tamen omnia singulari alacritate & prudentia curauit. Classen enim vigilantia sua incolumem ab incendio conseruauit, & tumultus oratione grauitatis plena compescuit. Attamen Zabaimus omnibus copijs in insulam traiectis (fuerat enim Pulatecamus literis ascitus) castra prope urbem collocauit. Saraceni verò, qui in urbe relictis fuerant, & fidem metu simulabant, ubi Zabaimi castra conspexere, arma corri-

corripiunt, & in nostros inuadunt. Ibi Albuquerqueius cū
& hostis potentiam, et mœnium infirmitatē, & quorun-
dam parū firmam fidem, & hostes intestinos scelere &
odio furentes aspiceret, in arcem cum omnibus copijs se
continuò recepit. Zabaimus nemine repugnante in vr-
bem introiuit, omnesq̃ue sine vlla cunctatione animi ner-
uos intendit, ut nostris exitum intercluderet. Arx flu-
uio imminebat. Alueus fluuij erat profundus & angu-
stus, hunc alueum primū molibus obstruendum cura-
uit, ne nostri nauibus per illum inuehi possent. Itaque na-
uem maximam in alueo constitutam perforauit, ut mer-
geretur, ut ita nullum pateret nostris effugium. Deinde
machinas ex arida materia sulphure & pice oblitās cō-
parauit, quibus in nostram classē immissis, eam incen-
deret, & sic demum arcem omni spe salutis incisa armis
expugnaret, & Lusitanos in eam inclusos internecione
deleret. H. c omnia cū Brachmanē cuiusdam explo-
ratoris indicio, quem ad id munus Timoia in hostiū ca-
stris versari iusserat, Albuquerqueius intellexisset, statuit
noctis silentio ex arce copias educere. Et quando altum
petere propter hyemem non poterat, in portu classē col-
locare, & inde bellum continenter gerere cum Zabaimo
constituit. Deinde cū ver appeteret, cum maiore na-
uium atque militum numero, rursus ad urbem oppug-
nandam accedere. Primū tamen prætorie nauis ma-
gistrū misit, ut exploraret, an intermersam in alueo na-
uem, & litus ipsum, esset aliquod spatium, per quod na-
ues egredi tuto possent. Magister renunciat, exitum non
fore difficilem. Albuquerqueius igitur cū primū cen-
tum & quinquaginta Saracenos, qui proditiōis conui-
cti, & vinculis alligati fuerant, interfici iussisset, arma,

LIBER

tormenta,munitiones,as,& ferrum,instrumenta bellica,& commeatum multiplicem,& Zabaimi mulieres atque virgines,& quosdam Saracenos foederatos,atque postremo milites in naues imponi praecepit:ipse omnium postremus pratoriam nauem conscendit. Id tamen tanto silentio fieri nequiuit,ut hostes eorum profectionem non sentirent. Norogna enim armamentarium pice,& sulphure,& oleo refertum incendi praecepit:flammis ad hunc modum vehementer excitatis,hostes quod fieret intellexerunt. Itaque subito ad littus cum armis accurrunt. Atrox ibi praelium ortum est,in quo maxime Antonij Norogna,Hieronymi Limici,& Emmanuelis Lacerda,& aliorum virorum nobilium,qui cum valida manu hostium impetum sustinebant,virtus enituit. Sic autem factum est,ut omnes Lusitani naues conscenderent,quamuis eorum multi sauciati è praelio abirent. Ad hunc modum Albuquerqueius ex urbe discessit,trigesima die Maij,cum illius possessionem tribus mensibus cum dimidio tenuisset. Ad oppidum deinde,quod Rapan-dar appellant,secundo cursu delatus,ibi hyemem traducere statuit. At Franciscus Sousa Manxias illius iniussu,ut se se ab illius ductu segregaret,altum petijt:sed fluctibus,& aduersis tempestatibus eo relatus,vnde soluerat,fuit ab Albuquerqueio naui praefectura spoliatus. At Zabaimus cum per exploratores accepisset,Albuquerqueium velle in fluuiio hyemem transigere,primum eum locum,in quem nostros aquationis gratia conuenire nouerat,quem Bardes appellant,vallō munivit,in eoque tormenta& fortium militum praesidia,ut nostros aquatione prohiberent,disponenda curauit. Huiusque stationis praefecturam Melichicuso Gorgio dedit. Pan-

gini verò castellum, quod est ad fluminis ostium diligen-
tius refectū atq; munitum, valido etiam presidio confir-
manit. Et quia castello collis imminebat, è quo poterat
damni quamplurimum ijs, qui illud custodiebant, infer-
ri, Pulatecamo imperavit, ut cum tribus millibus mili-
tum collem insideret. Ex illis munitionibus multos è no-
stris vulnerabant, ita, ut cogeretur Albuquerqueius inde
soluere, & classem in ea parte constituere, quam aestua-
rium insulam nomine Diuar & continentem reciproca-
tionibus interfluit. Ibi rursus hostes festinanter undique
conuenēre, ut alias munitiones excitarent, nostros telis
atq; tormentis obruerent, quamuis aut nostri locum se-
pè in varias partes commutarent, incommoda tamē vi-
tare nullo modo poterant. Præcipuè eos tamē fames, at-
que sitis (iā enim cōmeatus eos defecerat) excruciat.
Famem tamen piscatione, ut poterant, quandoque de-
pellebant. Sitim verò, cū propter imbres immodicos,
quib; amnis amplificatus in mare influebat, aqua maris
fuisset in dulcedinem versa, ipsius aestuarij aquis extin-
guebant. Nihilominus fames in dies ingrauescebat. ea
compulit Albuquerqueiū, ut Antoniū Norognā cum Me-
naique (erat is ex ducib; Indicis, qui in fide manserat)
in Charamensē & Diuarē insulas non lato inter se ma-
ri disjunctas mitteret, ut inde commeatū aliquem classi
suppeditarent. Is cū in insulas descendisset, multo prius
suorū sanguine profuso aliquot vaccas abduxit. Cum ta-
men eos fames supra modū vexaret, & spes omnis defi-
ceret, quidā plebey homines, fidei prorsus immemores, et
Christiane religionis obliti, ad hostes nando transfuge-
runt, qui Zabaimo, quibus difficultatibus Albuquer-
cius esset impliciū, indicarūt. Hic rursus Machiadi in-

LIBER

dicio certior factus est Albuquerqueius, Zabaimum ma-
 chinas ingentes instruere, quibus ad classem admotis, in
 nauibz ignem implicaret. Machinas deinde classem o-
 Etoginta nauiam subsequi iussam, ut nostras naues par-
 tim ambustas incendio, partim dissipatas formidine de-
 primeret. Albuquerqueius hoc nuncio cōturbatus, animū
 in omnes partes versabat, ut illud malum, quod impen-
 debat, aliqua ratione repelleret. in primis autem statuit
 experiri, an arcem Panginesem, unde grauius illi dam-
 num, quā ex reliquis hostium munitionibus immine-
 bat, expugnare posset. Consilium temeritatis & amentia
 plenum videbatur, cum paucis hominibus, iisque fame
 confectis, arcem multiplici tormentorum genere, & mul-
 torum hominum robore defensam capere conari. Sed fa-
 mes, & desperatio, quae plerunque homines mortis con-
 temptores, & in adeundis atque sustinendis vitæ pericu-
 lis valde pertinaces, & ea de causa inuictos multis in lo-
 cis efficit, hominem in eam mentem impulsit, ut id consi-
 lium susciperet. Itaque Norognam, & Simonem An-
 dradium cum centum hominibus ea parte, quae ad occa-
 sum Solis spectat, in collem, quem Pulatecamus in fide-
 bat, praemisit, qui illum praelio distinerent, ne opem suis
 afferre posset. Simonem verò Martinum iussit Septen-
 triones versus angustias itineris cuiusdam, quod ex colle
 in arcem ferebat, custodire, ut Pulatecamum similiter,
 si occurrere suis vellet, angustijs occupatis impediret. Ab
 australi plaga propius ostium fluminis Iacobum Fernā-
 dum Begiensē cum trireme, & Alfonso Personam
 cum naue longa constituit, ut inde tormentis castra per-
 turbarent. Ii, quibus curam dedit, ut à fronte & à tergo
 arcem aggredierentur, in duas erant acies distributi. In
 una

una Emmanuel Lacerda, Sebastianus Miranda, Nonnus Vascius Albicastroensis: in altera Hieronymus Limicus, Arius Syluius, Georgius Fogacia, Ioannes Limicus, Fernandus Petreius Andradius extiterē. His ita constitutis, tanto silentio profecti sunt, ut ne pulsum quidem & incitationem remorum quisquam auribus usurparet. Prima luce in terram descendunt. Ibi cum omnes certatim alacritate incredibili quod sibi fuerat imperatum conficerent, & Albuquerqueius tubis & tympanis, & tormentorum fragore, & sublati clamoribus signum pugnae proponeret, hostes exterriti, atque semisomnes, inopinatoque terrore percussi, fugam faciunt. Sic autem euenit, ut uno temporis momento & arx & castra Pulatecami expugnarentur, & hostes de somno suscitati, non quomodo repugnarent, sed quemadmodum se fuga ab imminente clade proriperent, cogitandum arbitrantur. Nec enim in animum inducebant fieri posse, ut nostri tantis difficultatibus impediti, tantum facinus suscipere auderent, nisi fuissent auxilijs aliunde accersitis confirmati. In hoc pralio ex hostibus ducenti & quinquaginta ceciderunt: nec enim licuit fugientes longius insequi, quam securitatis ratio flagitabat. e nostris quatuor desiderati sunt. Tormenta omnia, qua fuerant in arce & castris disposita, in naues traducta fuerunt, et oppidum direptum, et commeatus in naues importatus. Hec res cum prater expectationem accidisset, urbem terrore compleuit, & Zabaimum perturbauit. Itaque ne nostri rursus ad urbem copias adducerent, extra ciuitatem turres excitauit, multa loca munivit, ut facilius nostrorum impetum ab urbe repelleret. Pacem deinde per Ioannem Machiadum ab Albuquerquei petijt. Ma-

L I B E R

chiadus autem Albuquerqueium clam admonuit, pacem nisi conditionibus utilissimis daret. Zabaimus enim nuncium acceperat, Narsinge Regē cum maximo exercitu ad ciuitatem, quam in continenti Zabaimus expugnat, quae Taracol appellabatur, & ad ditionem & imperium Narsinge pertinebat, appropinquare. Prætereā timebat, ne classe nostra vectigalia sibi detraberentur, portorijs sublati, maxime verò ex equis, qui ex Perside & Arabia Goam aduehebantur. Albuquerqueius quia nolebat ijs foederibus alligari, quae illum impedirent, quo minus licite posset iterum Goam armis inuadere, eas pacis leges scripsit, quibus Zabaimus, si dignitatis & utilitati suae prospicere vellet, assentiri non poterat. Sic Albuquerqueius hyemem traduxit, ut non modò cum hostibus, atque fluctibus rerumq; omnium penuria, vtrum & cū suis sæpè conflictaretur. Accidit eo tempore, ut mulieres, quas ille diligentissime seruari iusserat, ut eas vel in Lusitaniā ad Reginam Mariā mitteret (erāt enim eximia pulchritudine) vel Christianis sacris iniurias apud Lusitanos matrimonio stabili collocaret, animos hominum quorundam nobilium indomita cupiditate parū honeste libidinis inflammarent. Huius flagitij monitor & impulsor quidam Rodericus Diazius scribae filius, qui mulierem unam Saracenā ex illis adama-
bat, eiq; iam sæpius assueuerat, extitit. Itaq; omnes clam in nauipratoria nocte ad mulieres, Albuquerquei imperio neglecto, ventitabāt. Is ubi id rescitit, hominē suspendere iussit. Homines nobiles, qui socij criminis fuerāt, ad illū adeunt, & obnixè precantur, ut illi misero veniam tribuat. At cū is eorū postulata reiceret, illi querelis & conuictis rē expedire cōtendunt, propter quā necesse fuit,
eos in

eos in custodia dari. Postea vero cum Albuquerque cerneret, se in tanta virorum penuria eorum opera cavere non posse, illos custodia liberari precepit. Fremunt illi, tantamque hominibus ea nobilitate praeclatis illam contumeliam indulgentia illa compensari minime posse. Se nolle e custodia ullis conditionibus emitte, sed arctissimis etiam vinculis alligari, ut ita ferro vincti, in Lusitaniam deducantur, & apud regem Albuquerque nomen deferant. Is ubi hoc accepit, eos insanire permisit, honoribusque privavit, eorumque praefecturas alijs viris nobilibus attribuit. Machiades interim, qui omnia, quae ab hostibus gererentur, diligenter explorabat, Albuquerque admonuit, classem octoginta longarum navium a Zabamo comparari, quibus illum ex improviso aggredereetur. Albuquerque non expectandum putavit, dum classis omnibus rebus instructa in nostros invaderet: imò antè, quam omnes naves in mari deduci possent, illam ut inopinato opprimeret, excogitavit. Antonium Norognam decem celocibus instructissimis in eas invadere iussit: duas praeterea triremes, et unam navem longam cum uno parone premisit, ut in certo loco consisterent, & insidias in terra collocarent, quibus aliquem ex incolis interciperent, ex quo possent hostium consilium perscrutari. Cum verò diu expectarent, & nemo in illos incideret, progressi sunt usque eo, dum urbem tormentis attingere liceret. Quidam ex ducibus nomine Ioannes Gondissalvus urbem praetervectus est. deinde se ad triremes sine ullo damno recepit, quamvis hostes in illum ingentes pilas atque glandes emitterent. Tandem Norogna cum celocibus & scaphis appropinquavit. Cum verò cerneret à tergo triginta parones, qui ex Diuarefi insula duce Zufalarimo in classem illam ferebant.

L I B E R

ferebantur, et alios, quos ex urbe remis impelli videbat, classem in duas partes distribuit. Habebat autem in classe trecentos viros summa audacia & militari virtute praeditos, in quibus erant illi, qui è custodia emitti noluerant. Qui tamen Norogna studio ducti, non ut duces, sed ut milites voluerant illi in eo certamine operam nauare. Norogna classis partem iussit naues propius urbem constitutas adoriri, ipse cum reliqua classe in Zufalarimum inuectus est. Zufalarimus certamen minimè detractauit. Acerrimè utrinque & diu dubia victoria dimicatum fuit. Sed tandem cum hostes permulti caderet, Zufalarimus conuersis proris classem in terram subduxit. Idem fecere reliqui, qui cum ducibus alijs praelium inierant. Similiter enim naues in littus incredibili celeritate subduxerunt. Pugna iam propè urbem in Zabaimi conspectu gerebatur. Norogna cum Zufalarimum auidius insequeretur, Zufalarimi naus impexit. Simo Andradus, & Fernandus Petreius Andradus fratres in eam insiluerunt: hos alij tres sequuti sunt, & in hostes ferociter irruentes, omnes fugere compulerunt. Cum autè Norogna ut opem quinque illis hominibus afferret, qui in nauem insiluerant, in eam ingredi conaretur, & pedè iam in naus latere poneret, sagitta è muris emissa sinistrum illius crus repentè transfixum est: quo vulnere is in scapha sua concidit. Scapha à longa naue corporis succussu diuulsa est. In ea trepidatione dum omnes certatim, ut Norognam è certamine deducerent, nitentur, nemo illis quinque viris, qui fuerant in hostili naue relictì, suppetias afferebat. Estus decesserat, & naus in sicco destituta facultatem praeuit hostibus nostros innadendi. Sed tanta Andradiorum fratrum virtus extitit,

ut Zabaimo admirationem ingentem efficeret, & tres socios, qui cum illis in nanem irruerant, egregiè tuerentur. Neque scapha, neq; celoces accedere poterant, propterea quòd alueus propter aestus decessionē vix scaphas sustinebat. Magister verò navis, cui Ludonicus Contignus praeerat, illum admonuit, ut scapham exonerare iuberet, se namq; cum solis septem nautis velle Andrados ab imminente clade deducere: quòd factum sine vlla mora fuit. Cum tamen magister navi appropinquauit, iam Begiensis ad eandem nauem accesserat, ut magistrum et nautas ab hostium incursione tutaretur. At cum magister in scapha viros accepisset, Begiensis ut hostilem nauem remulco traheret, summa ope nitebatur. quam tandem, cum cerneret se frustra cõtendere dimisit. Eo praelio multi ex hostibus conciderunt. Nostri cum praeclara victoria reuertissent, ni mors Norognæ eos omnes ingenti mœstitia conturbaret. Nam post tres dies è vulnere mortuus est. fuit illius funus cum multis lacrymis nō Albuquercij tantum auunculi, qui illum non secus, atque si filius esset, amabat, sed exercitus vniuersi procuratū. Erat enim non solum virtute singulari praeclatus, verum etiam moribus commodissimis ornatus, & propter naturæ clementiam omnibus carus atque perincundus. Zabaimus Andrados fratres per nuncios summis laudibus affecit, eisq; operam suam, & opes etiam illis paratas fore exposuit. Se namque virtutem, in quocunque hominum genere elucere perspiceret, vehementer admirari. Itaque illos propter ea facinora, quæ ab illis geri conspexerat, non hostes, sed amicos arbitrari. Illi eadem urbanitate responsum Zabaimo dederunt. His rebus gestis, Zabaimus in continentem transmisi, ut Nasringe co-

LIBER

pijs occurreret. Inde tamē p̄ interpretes de pace rursus actum est. Sed nihil inter eum & Albuquerqueium conuenire potuit. Albuquerqueius inde (iam enim per anni tempus licebat) Anchedinam cursu petere, & inde Cananorem proficisci constituit, ut classē reficeret, & agrotos atque vulneratos à morbis & laboribus, quibus fuerant afflictati, recrearet. Sed ante, quàm promontorium, Rama nomine, superaret, quod ad Goa oram pertinet, quinque naues Lusitanas in alto conspiciatus est. Ex illis quatuor erat classis, cui praeerat Iacobus Mendezius Vasconcelius, cui Emmanuel imperauerat, ut Malacā peteret. Reliqua erat ex Fernādi Coutigni classe, quae Mozambique hyemauerat. Hoc supplemento nauium et hominū fuere Lusitani mirificè confirmati. Dum haec in India geruntur, in Africa haec acciderunt. NONIVS Fernandus Ataidus Arzila cū copijs egressus, in Benguanemē Regis Fessensis praefectū incurrat, eumq; praelio superauit. Hostes partim cecidit, partim captiuos cepit, ipseq; praefectus in praelio interfectus est. Vasconcelius verò Coutignus Borbensis comes, & Arzila praefectus, similiter in alios Fessenses duces, quos imparatos, & nihil hostile suspicantes esse per exploratores intellexerat, inuasit, & multos occidit, & quosdam etiam uiuos cepit, magnamq; pecorum & armentorum praedam abegit. Barraxa verò & Almendarinus (hi iam enim sub Fessensi Rege militabāt, et inter illius praefectos multum reliquis opibus, & opinione virtutis militaris antecellebāt) excitis alijs ducibus cum valido exercitu, usque ad Arzila portas excurrerunt: sed nihil, quod memoria dignum esset, effecerunt, imò tres equites amiserunt. Fessa Rex cum magno rursus exercitu Arzilam
obsi-

obsidere conatus est. Sed cū intellexisset, Arzilam esse
tunc & militum copia, et cōmeatus abundantia, atque
munitionibus instructissimā, obsidionem soluit. Iterum
Barraxa cum Almādarino, & nonnullis alyis ducibus,
ac magna equitum multitudine Arzilā peruenit. Fer-
nandus Castrēsis, iuuenis singulari virtute praeitus, ut
primus omnīū in hostes inuaderet, accelerauit. Sed cū
porta praefecti iussu clauderetur, is cum uno tantū famu-
lo foris relictus est. Speculatores et exploratores, erat autē
in numero decem, qui in ciuitatē confugiebāt, se cum illo
coniungunt. Ibi cū Castrensis equo calcaribus incitato
in hostes inuasisset, fuit hostium multitudine circūuen-
tus, & occisus. Reliquis autē portis apertis, fuit auxiliū
allatum, & oēs multis prius vulneribus acceptis in op-
pidum admissi, & hostes repressi, & portis rursus occlu-
sis a pugnādi contentione depulsi. Eodem anno Georgius
Vieira triginta & duobus equitibus stipatus, excursio-
nem fecit, & in Cidem Hametum praefecti Aleassaris
Quibirij filium incidit, qui centū equites ducebat. Prae-
lium continuo summa contentione pugnatū hunc exitū
habuit, ut Vieira, & alij multi acerrimē dimicādo con-
ciderent, reliqui caperentur, et pauci equorū pernicitate
se ab illa clade subducerent, Franciscus Portugallensis,
qui postea Viminosensis Dynasta fuit, cum quinquā-
ginta equitibus suis, & alyis quadraginta, quos illi Con-
tignus adiunxit, in pagum inuasit, & multos occidit, &
alios viuos cepit. Sed signo ab hostibus dato, cū hostiū
multitudo undiq; in eum irrueret, maximū vita discrimē
adiijt. Nam lapide ita percussus fuit, ut sensibus op-
pressis cōcidisset, nisi fuisset Aluari Branchēsis opera suf-
fultus. Aliquot viri nobiles in ea pugna ceciderunt; ipse

LIBER

tamē Portugalēsis sedecim ex hostibus cepit, & Arzilā cū victoria reuersus est. Eodē anno Emmanuel quatuor classes instruxit, vnā, cuius mentio facta est, cui praeerat Iacobus Mendezius Vascōcelius: quae soluit Olyssipponē septima die Martij. Altera erat naviū septē cui, praefecit Gondissaluū Siqueirā, quae 17. die mensis eiusdē Olyssipponē pfecta est. Et haec in Indiā missae sunt. Tertia porro classis erat trium naviū. Nauarchus fuit Ioannes Serranus, cui Rex negotium dedit, vt insulā Sancti Laurentij peteret, & pacem cum regibus illius nomine firmaret, & si quid videret in ea insula, quod esset aestimatione dignū, naues oneraret. Quarta classis fuit naviū supra triginta, quibus praefuit Nonius Fernandus Ataidius (proximis enim illis diebus in Lusitaniā venerat) vt cum ijs Safinium peteret, eamque ciuitatem Regis nomine cum imperio teneret. Quomodo Vasconcelius in Indiā perueniret, expositum est. Siqueira verò vna naue amissa, saluus tamen hominibus, ad Cochimi portum reliquas naues appulit, et inde Cananorem profectus est, eò quòd intelligeret, ea tunc in ciuitate Albuquerqueium confidere. Serranus verò post varios casus in Sancti Laurentij insulam delatus, Australem illius oram peragrauit: cum aliquot regibus amicitiam iunxit: nautam vnum ex illis, qui cum Gomecio Abreo relictī fuerant, in naues accepit: à quo intellexit, non esse vllum laboris premium et emolumentum, propter quod multum tempus in ea insula perlustranda consumeret. Inde igitur varijs tempestatibus agitatus, in Indiā iter instituit. At Vasconcelius postquam portum Goæ subiit, Albuquerqueium salutauit, & ei literas Emmanuelis tradidit, quibus iubebat, vt omnia, quae essent Vasconcelio necessaria ad cursum,

sum, quo Malacā petiturus erat, illi praberet. Hic fuit
communi consilio decretum, nullam rem esse, Goēsi bello
prauertendam, dignūq; negocium, cui Vasconcelius
interesset. Quod verò ad Malacā attineret, non esse opus
illud tanti ponderis atq; momenti quatuor tantum na-
uibus efficiendum. Goa expugnata, tunc demum fieri
posse ut Vascoelius multo plurib. nauibus iter illud ad-
eò periculosum susciperet. Vasconcelius libenter assen-
sus est. Inde in Anchediā delatus Albuquerqueius,
Franciscum Pantoiam in Zacotorā cum oneraria
naui commeatu plena dimisit, et Antonium Norognā
aliū eiusdem nominis, alterius sororis filium, qui
tunc, ut dictum est, Zacotorensi arci praeerat, per literas
euocauit: ad Lemū verò literas dedit, quibus per Goēn-
se bellum sibi minimè licuisse confirmabat, naues quas
illi fuerat antè pollicitus, in supplementum mittere. In-
de Onorem petijt, quo in loco Timoia illi cum fructibus
& commeatu obuiam prodijt. Ibi Vasconcelius literas
Emmanuelis amanter scriptas, Timoia dedit, quibus
sibi grata esse significabat omnia, quae gratia illius ege-
rat, sequē daturum operam, ut illum officij cum tan-
ta fide praestiti minimè poeniteret. His literis Timoia
multo vehementius in studium Regis incitatus, fidem
dedit, se nullo unquā in loco famuli fidelissimi officio de-
futurum. Albuquerqueius inde Cananorem aduectus, cū
Rege in loco propè litus ad colloquium destinato ora-
tionē habuit, qua Regem multo magis ad amicitiae fœ-
dus conseruandum, & promissis & sermonibus aman-
tissimis astrinxit. Inde Ducem nomine Simonem Mar-
tinum Caldeiram misit, ut cum tribus nauibus oram
Calecutij custodiret, ne nauis vlla ex Arabia posset por-

LIBER

tum ingredi, aut Calecatio soluere, quin ab illo caperetur. Idem Garzia Sousa munus, cum alijs tribus nautibus assignauit. Gaspari verò Paina, ut oram Goënsensem cum tribus etiam nautibus similiter obseruaret, imperauit. A Vasconcelio autem petijt, ut cum quatuor nautibus reliquam illius Indicae regionis oram peragraret. Omnes imperata conficiunt, & aliquot naues capiunt. In una reperti duo Iudaei fuerunt, qui ad Christi religionem conuersi, interpretum munere cum summa fide perfuncti sunt. Dum haec administrantur, accepit Albuquercius nuncium de Regis Cochimensis morte, quem suum prae retulimus singulari fide foedus cum Lusitanis idem conseruasse, atque postremo se se ab omnibus regni negotijs abstraxisse, ut in templo dijs, quod reliquum erat vitae, dicaret. Huic sororis filius de gentis more successerat. Erat autem in more positum, ut si Rex aliquid religionis tactus, se regni administratione abdicaret, ut in templo aliquo ab humanis tumultibus secreto vitam in religione consumeret, post illius mortem, is, qui in locum illius successerat, cogeretur regni procuracionem relinquere, & in idem templum gratia religionis immigrare: ut quemadmodum in regno auunculi successor extiterat, ita religionis etiam hereditatem quamuis inuitus adiret. Is deinde, ad quem regni hereditas legibus veniebat, regnum occupabat. Id fiebat, quoties Rex aliquis voluntate sua se regnandi munere religionis gratia priuabat. Porro autem eo tempore, quo Odoardus Paciecus Regis Calecutiensis impetum reprimendum susceperat, is princeps, qui erat in regno successurus, ab auunculo defecerat, & se se cum Calecutiensi illius hoste coniunxerat. Ea de causa fuit successionis iure spoliatus, & alius eodem pro-

pinquit

pinquitate iure, qui illi succederet, ascitus. Is autem qui se ad Calecutiensem nefarie & flagitiose cōtulerat, cum auunculum mortuum intellexisset, cœpit cum consobri-
no vehementer agere, ut regno illi cederet, & religioni seruiret. Rex consilio cum nostris habito, qui nullo modo patiebantur, hominem perfidum & sceleratum, & per-
ennem Lusitani nominis hostem in regni sede, quæ erat in Lusitanorum tutela atque patrocinio, collocari, consob-
rini postulata contempsit. Is verò, qui regnum petebat, cum religionem negligi cerneret, & regnandi cupiditate flagraret, magno exercitu, quem illi Calecutiensis Rex attribuit, stipatus, in Cochimensis regni fines inuasit. Id ubi Albuquerque rescivit. Cochimum petijt, & regni opes firmanit, & viros fortes, qui hostibus obsisterent, ad custodiam regis amici reliquit. Hoc autem metu, qui regnum armis petebat, abcessit. At postquam Albu-
querque Cananorem reuersus est, rursus redintegrato bello, Regni fines cōpugnare constituit. Sed cum Nonius Vascius Albicastroensis, & Laurentius Morenus illi acie instructa obuiam processissent, & prælum initū fuisset, hostes fusi fugatiq; sunt, multiq; in acie cæsi, & ipse princeps vix euasit. Sub idem tempus venit ad Albuquerque legatus à Rege Cambaia missus, qui Regis sui nomine significauit, dissipatū rumore fuisse, Albuquerque classē, ut in Arabicum sinum penetraret, apparare. Si ita esset, Regi gratissimū fore dicebat, si in trans-
cursu aliquem illius portum peteret, in quo possent ambo de pace deliberare. Afferebant præterea literas à Lusitanis quinquaginta, qui apud Cambaia Regem captiui tenebantur. Hi cum Alfonso Norogna Zacotora soluc-
rant. Coorta verò tempestate, cū nauis in ora Cambaiens

LIBER

frangeretur, Norogna & reliqui, qui tabulis nixi, se in mare precipites demiserant, fluctibus hausti fuerant. Arqui se in ipsa lacera navi tenuerunt, cum aestus omnino discessisset, pedibus in terram euaserunt: & ab incolis capti, ad regemq; perducti sunt. Hi ab Albuquerque petebant, ut eos quacumq; ratione posset, in libertatem assereret. Responsum Regi, quale ad voluntatem illius confirmandam conueniebat, datum est, & captiui spe libertatis ostensa recreari. Eo tempore iam Albuquerque classem instruxerat triginta & quatuor nauium. Ducebat autem in ea classe mille & quingentos Lusitanos, & trecentos milites Indos. Cananore autem profectus, ad Onoris portum appulit. Ibi Timoia illi obuiam factus, exposuit, urbem Goam fuisse post illius discessum stationibus, & vallis, atque fossis, tormentorumque multitudine egregie munitam: praesidia verò esse supra nouem millia militum, in quibus erant Turcae quamplurimi. Ducebat autem Timoia eo tempore filiam Reginae cuiusdam, quae in regione Gozompensi, quae erat sedibus illius finitima, regnabat. His nuptiis, ut debitis honoribus Timoiam afficeret, Albuquerque interfuit. Consilio deinde habito, statutum fuit, ut Timoia pedibus in insulam à continenti traiceret: tres autem naues, quas habebat, cum Albuquerque classe coniunxit, earumq; praefecturam Medio Rao, cuius virtuti multum fidebat, attribuit. Is in portum inuectus, eum terrorem praesidio, quod Panginū munebat, iniecit: metus enim casus illius, quē repentino Albuquerque in cursu subierat, homines valde perculerat, ut in urbem se trepidè reciperent. Aliqui tamen capti, ad Albuquerque perducti sunt: ex quibus cognouit, quo in statu res Goenses essent. Iactis deinde

deinde Anchoris, Hieronymum, Limicum & Ioan-
nem Limicum fratres, & alios nonnullos duces prae-
misit, qui propius urbem secundum litus accederent: qui ma-
ximo cum periculo mandatum protinus exequuti sunt,
atque renunciant, urbem esse munitissimam, & praesidia
militum, ut apparebat, firmissima. Nihil tamen secius
Albuquercius ad eam oppugnandam se comparat. Et
quia ea mente erat, ut omnem rei bene gerendae rationem
in celeritate poneret, sequenti die, quae fuit vigesima No-
vembris, eam adoriri constituit. Primum enim cogitavit
praesidia, quae erant in stationibus disposita, armis expel-
lere: deinde castris positis, & stationibus munitis, muros
quare, usque eo, dum aliqua pars mari corrueret, qua no-
stri possent in urbem irrumpere. Sed longè feliciter ea op-
pugnatio, quam is in principio suspicari poterat, illi pro-
cessit, ut statim videbitur. Ea nocte triremes atque na-
ues humiliores prae-
misit, et ducibus imperavit, ut sine in-
termissione urbem tormentis verberarent, ut hostes so-
mnium capere non possent, & ita postridie per vigiliam con-
fectos opprimeret. Is de quarta vigilia in scapham de-
scendit: idem reliqui omnes duces effecerunt, & summo
silentio cum primum diluxit, in terram copias exposuit,
& acies diligenter instruxit. Ipse quoque cum Lusitanis quin-
gentis, & Indis trecentis in stationem, quae ad Septentrio-
nes spectat, inuasit. Reliqui duces aliam stationem, quae
litus custodiebat, aggressi sunt. Limici fratres, & Lacer-
da, & Begiensis, & alij nonnulli duces cum trecentis mi-
litibus in eam stationis partem, quae ad urbem pertine-
bat, impetu feruntur. Vasconcelus & Peina, quibus i-
dem munus erat assignatum, cum ducentis militibus in
stationem mediam impetum faciunt. Andrady fratres,

L I B E R

Arius Syluius, & alij similiter ordinum ductores, eam partem, qua ad Timoia estuarium (sic enim appellabant) protendebatur, oppugnandam suscipiunt. Qui erant in statione, tormentis nostros propellere contendunt. Sed id frustra fuit ab illis tentatum. Nostri enim neque pilis, neque glandibus, neque globis ingentibus detereri potuerunt, quo minus ad stationem hostibus inuitis appropinquarent. Erat in porta, quam nostri sancta Caterina nominant, dux quidam hostium, ut subsidia, ubi esset opus, submitteret, & ipse, si ita necesse fuisset, occurreret. Is ubi rem cominus geri perspexit, & quo impetu Lusitani in hostes incitarentur, animaduertit, ex urbe plures copias euocauit. Accurrunt multi, quorum aduentu pugna recrudit, praelium atrox & nimis horrendum committitur. Hostes multis partibus nostros numero superabant: nostris tamen caeleste numen adfuit. Itaque munitionem ea primum parte, qua Limici rem gerebant, expugnant. Idem reliqui faciunt. Hostes in fugam versi sunt. Nostri eorum tergis inherentes, ita se cum illis agglomerarunt, ut cum hostes portas occludere vellent, id eis per nostros minimè liceret. Dionysius namque Fernādus Melius primus ingressus est, hastamque magna crassitudine transversam obiecit, ut disclusas fores distineret. idem alij fecerunt. Hostes nihilominus, ut fores occluderent, summopere contendebant. fuit res summi certaminis. Hostes enim in eo vitam & salutem suam verti statuebant, si foribus occlusis aditu nostros arcerent. Nostri se subito victores fore confidebant, si fores aperta manerent. Itaque modo hostium magno conatu abducebantur, modo Lusitanorum contentione discludebantur. Tandem cum eas nostri

Strimaxima quadam vi, hostibus frustra repugnantibus
 impulissent. Tredecim primi, qui ad portam acerrimè
 pugnant, repulsis hostibus, urbem militari audacia
 precipites inierunt. Hostes cedebant, ita tamen, ut ce-
 dentes vim sagittarum atque telorum in nostros immit-
 terent. Et tectis deinde & à fenestris lapides demissi no-
 stros perturbabant. Hostes conferti in eos iam pertur-
 batos inuaserunt. Arius tamen Syluius & Mendezius
 Alfonsus Tingitanus, deinde Fernandus Petreius An-
 dradius, & Emmanuel Cugna, & Antonius Garcesius
 cum militum turma suppetias attulerunt. Redintegrato
 praelio, hostes in fugam passim effusi sunt: & quidam in
 Zabaimi ades se trepidè receperunt: alij diuersis vijs in-
 gressi, se fuga mandarunt: quod fuit in causa, ut nostri
 rursus persequendi studio dissiparentur. Viginti eos, qui
 in Zabaimi domum confugerant, insequentes, magnū
 discrimen adierunt. Hostes enim conferti eos aggressi
 sunt. Vascum Fonsecam, & Vascum Coelium, qui furen-
 tius in eos irruerant, occidunt. Hieronymus Limicus
 cum multum sanguinis profudisset, & vires illum omni-
 nò defecissent, concidit. reliqui illorum casu perterriti ce-
 dunt. Ibi Mendezius Alfonsus, & Arius Syluius cla-
 moribus magnis Lusitanos ad pugnam acerrimè reuo-
 candam cohortati, tanto impetu in hostes inuaserunt, ut
 impressione facta eos prosternerent. Alij deinde Lusi-
 tani in ades ingressi, magnum ad debellandum momen-
 tum in ea pugna suis attulerunt: in quibus Ioannes Li-
 micus fuit. Is tamen cū fratrem iacentem atq; spirantem
 cerneret, victus amore fraterno substitit. At frater,
 perge, inquit: nec enim decet te in tali tempore vlla pertur-
 batione victū, officium hominis fortis omittere. Nullū te ex

LIBER

casu meo dolor attingat. Officio namque meo defunctus occumbo. Ioannes quamvis dolore cruciaretur, verbis tamen fratris morientis, cui is vitam dare non poterat, admonitus, in hostes eo furentius irruit, quò gravius illum mors fratris amantissimi sollicitabat. Erat ante vestibulum adium ipsarum campi nò angusti planicies, & inde collis modicus assurgebat. In eo campo res gerebatur, cū multi equites atq; pedites ex Zabaimi adibus, quæ erant amplissima, confluentes nostros circumnuenere: & omnes occidissent, ni Vasconcelius cum suis copijs interuenisset. Hic enim acie instructa cū in urbem ingressus esset, hostes cedentes insequabatur, ita, ut nunquam eos, quos ducebat, dissipari permetteret. Ibi cū in hostes circumfusus impetum daret, duces hostiū in collem copias subducere, atque cū nostrorum paucitatem animaduernerent, confirmati rursus in nostros inuecti sunt. Nostri oppressi multitudine, sensim cedere compelluntur, & scalarum gradus, qui erant instar theatri Zabaimi adibus coniuncti conscendunt. Ibi rursus cū se parumper à labore refecissent, & hostes diu sustinuissent, in eos impetum tulerunt quasi tunc recentes prælium inirent. Multos ceciderunt, inter quos fuit Ethiops quidam vir fortissimus, qui equo insidebat. Is ubi decidit, Emmanuelis Lacerda famulus quidam equum cepit, eumque Lacerda tradidit. In eo prælio Lacerda sagitta vulnus secundum malam, gravissimum acceperat. Hastile sagittæ deciderat, ossi ferrum inhaeserat. Magna vis interim sanguinis ex vulnere profluebat. Illum tamen neque sanguinis emissio, neque doloris magnitudo ab ardore dimicandi retardabat. Itaque cū equum ascendisset, in equites octo eam ferociter inuectus est, ut eos in fugam compelleret.

ret: Hostes reliqui multum de feritate pristina remiserunt. Primum vix resistunt: deinde cedunt: postremo effusa fuga vita prospiciunt. Tanta verò fuit trepidatio, ut multi se è muro precipitarent. Albuquercius interim, qui, ut alteram stationem in loco procul à mari munitam oppugnaret, in aliam viam fuerat ingressus, editum collem superauerat. Ibi cum tormentorum fragorem, dissonas voces, clamores ingentes, & muliebres eiulatus auribus accepisset, unum è suo comitatu misit, qui praelij statum ei renunciaret. Attamen animus hominis acer, & mora totius impatientis, & in omnem rerum occasionem semper intentus, responsum expectare non potuit. Itaque ad urbem gradum celeriter intulit. Ibi cum multi ex hostibus ex urbe profugissent, in illum inciderunt. Praelium ubi rursus nimis atrox exortum est. Hostes enim erant acres, et numero superabant, & fugæ dedecus & indignatio, & urbis tunc repetendæ desperatio eos ferociores efficiebat. Nostri, quia reliquis praelijs in urbe commissis non interfuerant, ne socijs virtute inferiores esse viderentur, incredibili ardore dimicabant. Maxima tandem hostium parte cesa, reliqui in fugam versi sunt. Albuquercius in urbem ingressus, primum summas Deo gratias egit, cuius præsentis numine debellatum fuisse constabat. Quod enim signum clarius præsentie diuinæ dari potuit, quàm intra sex horas urbem maximam, armis & tormentis, fortiumquæ militum præsidys, hominumquæ multitudine refertam, à tam paucis hominibus expugnatam fuisse? Quod ut maiore admiratione dignum sit illud certè constat, tanta pertinacia à quibusdam hostibus in edibus Zabaimi eo die pugnatum fuisse, ut cum

LIBER

nostros eorum misericordia vehementer inflecteret, neque solum vitam & libertatem, verum & virtutis illius premium pollicerentur, maluerint in vestigio mori, quam vitam ab hoste, quod valde ignominiosum reputabant, accipere. Supra tria hominum millia in urbe caesa dicuntur. E nostris quadraginta desiderati sunt, inter quos Hieronymus Limacus, Vascus Fonseca, Cosmus Coelius, Antonius Vogadius, Antonius Garcesius, Aluarus Gomecius, & Petrus Gomecius Limicus extiterunt. Plusquam trecenti Lusitani vulnerati sunt. Albuquerqueius veritus, ne nostri pugnandi aniditate hostes longius insequerentur, & ea ratione palantes in aliquod se discrimen, ut fit, ubi victoria homines insolentes, & disciplina prorsus immemores plerunque facit, inijcerent, omnes urbis portas claudere repente iussit. Deinde per otium suburbia (sic enim se facturum incolarum sceleribus offensus irauerat) coniectis facibus inflammari precepit. His rebus gestis, Timoia cum exercitu trium millium hominum peruenit, moramque suam purgavit, & Albuquerqueius satisfactionem accepit. Et quamuis aliam causam iustiore non haberet, negotij confecti celeritas eum omni suspitione criminis liberabat. Aliud tamen esse credo in causa fuisse, cur ille copias in tempore afferre nequiverit. Non enim erat equum, ut belli partem aliquam quod numine CRISTIPresentis administrandum fuerat, homines ab illius sanctissimis sacris abhorrentes, sibi vindicare, & in gloria societatem se offerre, ratione aliqua niterentur. Præda fuit, armorum, tormentorum, & munitionum, & commeatus, & longarum navium multitudo. Nihil enim fuerat in urbe relictum, nisi quod ad urbem tantandam pertinebat. Albuquerqueius omnes

omnes Saracenos ex urbis finibus eiecit. Reliquis, qui nō
erant Mabumetanis institutis imbuti, in insula habita-
re permisit, dummodo tributum, quod Zabaimo solue-
bant, Regi Emmanueli integrè penderent. Publicè de-
inde mercatoribus edixit, se omnibus, qui Goam cum e-
quis & mercibus ingredi vellent, impunitatem daturum
& summa fide eos ab omni iniuria & maleficio tutos cō-
servaturum. Emmanuelem verò Cugnam Cananoris
arci præfecit: Rodericum Rabellum, qui Cananoris ar-
ci præfuerat, ascivit, ut illumarci Goensi præponeret. Fer-
nandum Petreium Andradium, Petrum Fonsecam,
Castrensem, Antonium Salam, iussit mare Goense per-
agrarè, & omnibus mercatoribus, qui Goam peterent,
tutum receptum præbere. Georgio autem Botellio, et Si-
moni Alfonso Bisacuto, ut Calecutiense mare nauibus
suis infestum redderent, imperavit. Quilibet eorum sibi
commissum munus exequitur. Andradius navem unā
Armuziensem, quæ unde esset, prorsus ignorabat, eò quòd
vela demittere nollit, persequutus est, usque eò dū illa in
Dabulis portu impingeret. Dabulis præfectus tormētis
è turri, quæ portui imminebat, Andradiū repellere co-
nabatur. At ille in terram egressus, turrim expugna-
vit, eamq; disecit: & tormenta, quæ erant in ea disposita
in navem suam imposuit. Botellius in navem maximam
Saracenorum inuasit, quam cum diu oppugnasset, dila-
ceravit, magnaq; præda potitus, navem, quia navigare
minimè iā poterat, omisit. Albuquerqueius vectigalia dili-
genter exercuit, & ciuitatis statum, & formam Reipu-
blica collocavit: & aliud deinde opus immortalis memo-
ria dignum, contra multorum sententiam, suscepit. De
quo antè, quàm differam, non alienum erit, quo sentētia
Albu-

LIBER

Albuquerque ab Almeida sententia discreparet, paucis exponere. Vterque enim eorum cum esset animo maximo, & singulari virtute praeclitus, idem sibi proponebat: sed non idem consilium sequebatur. Vtrique enim erat propositum, pro Christi religione, & pro Regis Emmanuelis amplitudine vitam, si opus ita fuisset, in quoduis maximum vitae & salutis discrimen inferre, & gloriae & immortalitati servire. Sed alter ab altero in hoc dissentiebat, quod Almeida minimè tutum putabat, urbes expugnare, ne videlicet distracta Lusitana vires, imbecillae redderentur. hoc autem erat illi decretum, mare tenere. Id enim statuebat, eum, qui maris imperium possideret, India totius potestatem assequutum. Itaque maris erat illi antiquissima cura, & dum unam tenuissimam stationem navibus haberet, reliqua omnia contemnebat. Fieri enim non posse existimabat, ut tantum militum in supplementum à Lusitania singulis annis mitteretur, ut firmis praesidijs arces mulas munire liceret. Quod si quis id facere tentaret, eum Lusitanos omnes, qui viribus coniunctis hostibus terrorem incutiebant, dispersos hostibus esse prodituros. At Albuquerque maiore quadam spe, quàm animi excellentis altitudo afferre solet, non praesentis tantum securitatis, sed futuri etiam imperij, quod amplissimum fore confidebat, consilia intimis animi sensibus agitabat. Nec ut piperis magnus numerus annis singulis in Lusitaniam importaretur, sed ut imperij fundamenta iacerentur, excogitandum censebat. Et quò auxilia magis longinqua erant, eò colonijs pluribus oras India occupandas statuebat, ut varijs Lusitana gentis seminarijs passim institutis, exercitus in India conscribi possent. Mare verò minimè tutum arbitra-

erabatur ijs, qui terra simul opes suas nequaquam stabilirent. Classẽ maximam unica tempestate deleri posset: at opibus in terra comparatis classes refici, & maris imperium recuperari non esse difficillimũ. Periculosum deinde statuebat, in angustum locum classẽ Lusitanã includi, maxime verò, ubi macrum & sterile solum esset parumquẽ idoneum ad exercitum in hybernis alẽdum. Itaque eos, qui Cochimi, aut Cananoris regno opes Lusitanas satis firmari posse confidebant, inter tam multos sempiternos Christiani nominis hostes, & tam occasionibus ad perniciem Lusitanis afferendam opportunis intentos, parum tempori consequenti prospicere censebat. Non enim esse tutum locum, qui se vno tantum nitetur, sed in quem è locis pluribus auxilia, cùm opus esset, mitterentur. Eam verò locorum occupationem maris imperium non imminuere, sed potius amplificare. Quò enim classis plures receptus & stationes haberet, eò minore cum periculo nauigari, & faciliorem materiam adificandis nauibus multa loca, quàm vnũ prabere. Postremo ei, qui nõ India possessionem hominis vnius atate, sed eternitate, si fieri posset, temporis definitam cuperet, condecendam esse ciuitatem statuebat, qua sobolem multiplicem procrearet, ita, vt non semper esset necesse temporibus difficillimis, ex auxilijs è Lusitania missis pendere: quæ sæpenumero in longissima & difficillima nauigatione vel morbi multiplices imminuunt, vel fluctus & tempestates exhauriunt, vel hyemes intercludunt, vel labores immensi debilitant. Quam prudenter autem id ab eo fuerit excogitatum, rerum exitus multis post illius obitum annis facillè comprobauit. Cùm enim Solymanus Turcarum imperator Egypti rectorem cum
maxi-

LIBER

maxima classe in Indiam misisset, ut Lusitanos possessione pelleret & is arcem Diensem obsessam teneret, multisque diebus maxima tormentorum & armorum contentione vehementer oppugnaret, quamvis plurima detrimenta à nostris, qui in arcis presidio manebant, accepisset, non tamen tam citò obsidionem soluisset, nisi certior factus esset de magnitudine classis, quæ contra illam Goæ comparata Diem petebat. Neque rursus cum Rex Cambaie eandem arcem cum maximo Turcarum auxilio sex mensibus obsessam tenuisset, tam facile à Ioanne Castrensi, qui tunc in India Ioannis Regis nomine imperium administrabat, victus atque superatus fuisset, nisi Goæ maximum ad eam victoriam, atque multiplex instrumentum suppeditaret. Ad eam namque magnitudinem ciuitas peruenit, ut facillimum sit, in ea iustos exercitus conscribi, & classes magnas ædificari. Id Albuquerqueius sapienter animaduertens ea ciuitatis fundamenta iecit, quibus nixa, non facile de statu conuelli posset. Cum verò Lusitanas mulieres non haberet, quod unum remedium inueniebat, eas, quas bello ceperat, Christianis sacris expiatis apud Lusitanos milites matrimonio collocabat, eisque possessiones in ea insula, Saracenis iure detractas, assignabat, eosque multis fauoribus atque præmijs ad eas nuptias alliciebat. Sic factum est, ut instar Romuli, qui urbem Romam condidit, aut Thesei, qui ciues Atticos è pagis in urbem compulit, aut aliorum, qui urbium fundatores extiterè, illius urbis, quam armis atque virtute cepit, conditor appellari posset. Dum hæc in India geruntur, in Africa hæc euenière. Atai dius urbem Sasimium Regis Emmanuelis nomine tuebatur:

batur: et crebris excursionibus Mauros exterrebat, multasq; ex illorum bonis predaſ agebat. In primis autem Maurum quendam, quem reliqui Mauri, ut virum religionē atque ſanctimonia præſtantiſſimū, diuinis prope modum honoribus afficiebant, qui caſtellum, in quo domiciliū collocauerat, præſidijs validis munierat, viui cepit, & caſtellum expugnauit, multoſq; partim cecidit, partim captiuos abduxit. Tanto denique terrori multis eſſe cœpit, ut oppida atque pagi, & vniuerſe vicinitates & præfectura pacē peterent, & leges acciperent, & imperata tributa perſoluerent. Verū cū gens ſit natura fallax, & ſanctiſſimæ religionis ignara, facillimè ab alijs Mauris inducta, fidem fregit, & bellū ſummo ſtudio contra Chriſtianos comparauit. Hiſ alijs innumera- biles adiuncti ſunt. equites erant ad quinque millia, pedites ſupra ſexcenta millia fuiſſe dicuntur. Decimo ter- tio die Decembris, Anno. M. D. x. Saſinium obſidere incipiunt. Vigefimo tandem atque tertio die menſis eiuf- dem poſitis caſtris obſidionis opera perfecērunt. Multas namq; turres excitauit, multas ſtationes foſſa & vallo munierunt, & tormēta in locis aptiſſimè diſpoſuerunt. At aidiſ cū primū bellū parari per exploratores intellexiſſet, Emmanuelē Regē per literas admonuit, nauemq; in inſulā, quā appellant Materiam, continuo miſit, ut auxiliū inde cōquireret. Inſula præfectus Simon Gō- diſſaluus Camara nō aderat: in Luſitania namq; apud Regem verſabatur. Vxor illius cū eſſet animo virili, & mentem viri (erat enim ille vir egregiè fortis & libera- litate ſingulari præditus) exploratam haberet, incredi- bili celeritate, & maximis ſumptibus auxilia compa- rauit, quibus præſuit Emmanuel Norogna eiufdem
Camara

LIBER

Camare germanus frater. Ataidius stationes distribuit
 & singulas stationes viris nobilibus in rebus bellicis spe-
 ctatis, cum certo numero militum, tuendas assignauit,
 nullumque officium vigilantissimi ducis in urbis muni-
 tione pratermisit. Ipse sibi eam militum copiam, quā po-
 tuit, reservauit, ut cum ijs, locis omnib. praesertim quibus
 periculum grauius intendi videretur, occurreret. Vt au-
 tem melius hostium castra speculari posset, cum equitib.
 trecentis & septuaginta, & peditibus centum, & tor-
 mentis aliquot carpentis impositis urbem egressus, in e-
 dito colle, in specula constitit, pugnaeque signum, si vellent
 hostes manum conferere, eo in loco proposuit. Cū hostes
 se continuissent, copias in urbem reduxit. Vigesimo ter-
 tio die mensis eiusdem, hostes urbem oppugnare instituūt.
 Fuit autem ea oppugnatio vehementissima. Erat enim
 maxima hostium multitudo. Viri nobiles & acerrimi
 duces non hortatores tantum, aderant, verum & ipsi
 unde maximum periculum imminebat, eo se intrepidè
 conferendo, ut reliquos exemplo suo incenderent, sum-
 mopere contendebant. Scalas admouebant, testudines
 applicabant, ut illis tecti, muros subruerent, sagittarum
 atque pilarum multitudine, ut nostros obruerent, labo-
 rabant. At nostri sagittis & glandibus, & vasis tor-
 mentario puluere refertis, ignitisque telis in eos emissis
 non mediocrem cadem ediderunt. Quadringenti nam-
 que ex illis eo die interfecti sunt. Postridie Ataidius
 octo tantum equitibus circumseptus egressus est, ut ali-
 quem ex improviso caperet, ex quo hostium consilia ex-
 plorare posset. Quod tamen eo quod minimè lateret,
 exequi nequiuit. Itaque duobus hostibus, qui in illum
 inciderant, interfectis, in urbem reuersus est. At hostes
 cum

cū animaduenterent, se non posse diu propter ingentem multitudinem, quæ non facile sustentari atque regi poterat, in obsidione perseverare, statuerūt totis viribus experiri, an uno impetu urbem expugnare liceret. Trigesimo igitur eiusdem mensis die tanta vi in urbem inuasērunt, tantaquæ telorum multitudo & armorum contentione eam per omnes murorum partes aggressi sunt, ut multistationes, in quibus dispositi fuerant, metu perturbati desererent. At aidius tamen omnibus locis occurrens, ubi hostes acrius præliabantur, eos conferebat, & alios quidem e suis oratione confirmabat, alios laudibus accendebat, & subsidia eisdem, ubi maxime nostros urgeri conspexerat, ex ea, quam habebat copia, submittebat, & manu etiam strenui militis interdum officioungebatur. Cū verò ea parte, quæ ad mare pertinebat, murum vehementius oppugnari cognouisset, ibi constitit ut præsentia sua facilius impetus hostium repelli posset. Hostes absque ullo metu scalis alia ex parte muros ascendere, alio verò in loco machinis subruere, omnia tentare atque periclitari, quo eodem die possent urbe potiri, & nostros interneccione delere. Tanta tamē vi fuere de omni conatu depulsi, ut oppugnatione desisterent, cū quatuor horis sine ulla intermissione in ea perstitissent. Ea die supra sexcentos amisere. Reliqui formidine perterriti, obsidionem trepidè solvunt. Ultimo die mensis decēbris eiusdem Anni tanto tumultu castra hostium mota sunt, ut fuga potius, quàm profectio videretur. At aidius cum equitibus quadringentis, & peditibus centum, ut postremum agmen carperet, acceleravit. Aliquot eorum occidit, & nonnullos captivos abduxit, eos longius insequi noluit, ne tanta multitidine freti, in eum ab

LIBER

urbe procul abductum incurrerent. Hac obsidione solata, multi Mauri rursus ex vicinis populis Emmanuelis imperio se se subdiderunt. At Ataidius quamvis quietis esset impatiens, & aliquid semper animo moliretur, quo posset in hostes pestem atque perniciem comparare, tandiu tamen expectavit, dum illa multitudo dimitteretur. Postquam verò copias illas dimissas accepit, statuit in aliquam hostium praefecturam ex improviso invadere. Cum autem Mauri cuiusdam indicio percepisset, in locis quatuor passuum millibus ab Almedina disjunctis (Almedina verò oppidum est Mauritania minutissimum, quod Safino Septentrionem versus triginta duobus millibus passuum abest) esse quinque hostium praefecturas, in quas nihil tunc hostile suspicantes invadere posset, secundo Ianuarij die, Anno. M. D. xj. cum equitibus quadringentis & triginta, & centum peditibus minoribus tormentis armatis, nocte profectus in locum peruenit. Hostes verò non offendit. Exploratores autem misit, ut specularerentur, quò abcessissent. Illi re diligenter explorata renunciant, eos inde passuum duobus millibus abesse. sedes enim frequenter mutant. Itaque Emmanuelem Norognam, quem diximus urbi obsessa oppem loco fratris attulisse, praemisit cum centum & octoginta equitibus, qui illos praelio distineret. Andream verò Caldeiram, & Ioannem Freitam (hi enim peditibus praerant) illum subsequi iussit, ut subsidio, cum opus esset, occurrerent. At Norogna cum iuuenis, & supra modum cupiditate laudis incensus esset, subsidia expectare noluit, sed tantam celeritatem suscepit, ut se ab illis magno intervallo disjungeret. Id conspicatus Ataidius, Emmanuelem Cernuariam cum equitibus triginta subsidio misit,

misit, cui mandauit, ut Norognam retraheret. Metuebat enim, ne se precipitem in aliquod summum discrimē iniceret. At Ceruaria cū ad Norognam accederet, cum iam cum hostibus commistum animaduertit. Itaq³ Ataidium per equitem admonuit, prælum esse iam summa virinque contentione susceptum. Hoc audito Ataidius cum equitibus quindecim, ut opem celeriter afferret, appropinquauit: Aluarum verò Ataidium reliquas copias instructas adducere iussit. Res interim erat in magnum discrimen adducta. Eques unus, Aluarus Rodericus Azendius nomine, hasta transfixus interierat. Bernardus Emmanuel, vir fortissimus, Regis cubiculo praefectus, graui plaga contusus ex equo deciderat. Maurus, qui illum strauerat, brachio illius altum vulnus influxerat, & Bernardi hasta, quam ceperat, Christianis, qui iacenti opem afferebant, maximo animo repugnabat, & facinora in armis edebat. Georgius Mendezius Ataidius Algarbiensis in Maurum incurrens, equi ipsius, quo uehebatur, impetu Maurum strauit: qui continuo cecidit, & Bernardus Emmanuel, cuius sensus omnes plaga uehemēter stupefecerat, e terra sublat³, & in equo impositus, & ad locum, ubi maiores copiae relictæ fuerant perductus. qui tamen antequam plagā illam accepisset, magnam cadē fecerat. Erat enim mente parū sana, sed in armis acerrimus. Prælum verò quamuis non sapienter cōmissum fuisset, exitum satis felicem habuit. Hostes enim, antequam Ataidius interueniret, fusi fugatq³: multi occisi, & centū capti sunt, & preda nō mediocris abacta. Ataidius iam secum Norogna cōiunxerat, cū nō ita procul hominum multitudinē conspicatus est. Id q^d futurū erat suspicatus

L I B E R

omnes copias, iam enim aduenerant, diligenter instruxit. Hostes erant armis & animis ad confligendum paratissimi. Numerus fuit equitum quadringentorum, mille peditum. Hi in nostros tanto impetu inuecti sunt, ut parum abesset, quin aciem perturbarent. In equum Ataidius tres hasta magnis viribus emissa protinus adhaerunt. Is ut alium equum assumeret, retro cessit. Iacula interim lapides, & sagitta, & equitum concursatio strepitum horrendum edebant, & non pauci vulneribus concisi cadebant. Ataidius in praelium reuersus, Ioannem Hominem, cuius semper virtus in praeliis eluxerat, & famulum quendam suum honesto loco natum, pedibus (illorum enim equi iam interfecti fuerant) acriter pugnantes animaduertit, quos ab hostibus circumfusus eripuit. Praelium extrahebatur, & victoria neutram in partem inclinabat. Tandem cum Ataidius maximis vocibus suos adhortaretur, omnes sic pugnandi studio incensi sunt, ut hostes supra trecentos occiderent, & reliquos in effusam fugam compellerent: quos Ataidius insequi noluit, veritus, ne rursus hostes copiis undique, ut gentis mos est, influentibus adiuti, in nostros insequendi studio dissipatos inuaderent. Itaque cum praeda reuertere statim maluit. Sed ciuitas procul aberat: & hostes rursus a timore refectioni, cum maioribus copiis in eum inuecti sunt. Nostri eorum impetum agere sustinebant, ita tamen, ut ordo minime turbari, quamuis hostes acriter instarent, ulla ratione potuerit. Ataidius cum aliter summum periculum vitari non posset, omnem pradam & impedimenta dimisit. Fuere in hac excursione atque reuersione e nostris homines tredecim desiderati, equi decem & septem occisi. Alios triginta equos Ataidius interficere iussit, propter-

pterea, quòd nimio labore fatigati, ingredi minimè poterant, & noluit eos in hostium potestate relinquere, ne illis contra nostros vterentur. Eodem rursus Anno Ataidius, cum exploratum habuisset, quinque & viginti hostium turmas inde triginta duobus passuum millibus distare eos adoriri constituit. Cum verò multi partim Iudai, partim Saraceni in urbem cum mercibus & vario commeatu fortè conuenissent, portas occludere, & custodes apponi iussit, ne quisquam illius iniussu egredi posset, ne hostes de re, quam is moliebatur, admoneret. Eodè die, qui fuit vigesimus tertius mēsis Octobris, primis tenebris quadringentos equites & quingentos pedites eduxit. Agmineque silenti cum dilucesceret, eò, quò intenderat, peruenit, & hostes imparatos adortus continuo fudit: supra trecentos occidit, quingentos atque septē viuos cepit: prada pecorum, & armentorū & camelorum tanta fuit, ut duo milli passuum occuparet. Ataidius tamen cū via esset longa, & confragosa, & timeret, ne hostes undique asciti, in eum tantis gregib. impeditum incurfarent, maximam prada partem omisit, ipse cum reliqua profectus est. Cum verò viam explorato faceret, certior factus est, Almedina trecentos equites egressos esse, ut illum aggredierentur. Is greges & impedimenta in medium agmen inferri iussit, & agmen postremū, in quod hostes erant impetum illaturi, firmavit. Cum hostes igitur in postremum agmen impetum ferociter intulissent, tanta vi repressi sunt, ut non auderent deinceps propius accedere. Ataidius absque ullo impedimento urbem cū prada, cum iam nox esset, ingressus est. Cum hac ratione Mauri finitimi graua damna frequenter accepissent, statuerunt pacem postulare, & imperium Emmanue-

LIBER

lis accipere. Fuerunt autem multi pagani, & montani, multa^q praefectura, oppida etiam complura, et vicinitates, quae sub Emmanuelis imperium atque ditionem subiuncta sunt, & omnibus tributum, quod quotannis penderent, imperatum. Erat autem maximus frumenti numerus, qui hoc tributo continebatur. Tantus autem metus erat hostibus iniectus, ut Marrochienfisibus etiam solitudinem non mediocrem afferret, usque adeo, ut multi illinc in longinquas terras discederent, ne singulis prope horis cladis repentina nuncio trepidarent. Soli qui foederati, & vectigalis Emmanuelis erant, securi vivebant, & fundis suis impune fruebantur. In omnibus his rebus siue ad belli administrandi rationem, siue ad vectigalium amplificationem pertinentibus, insignis opera fuit Iehabentafusi, cui Rex Emmanuel, ut diximus, veniam impertivit, eumque donis atque muneribus affecit. Quid Lemio, dum haec omnia gerebantur, acciderit, antequam in Indiam perveniret (nondum enim id commodè facere licuit) consentaneum est oratione perstringere. Is è Gardafumensi promontorio profectus, Armuzium petiit : ad Regemque misit, qui diceret, se eo Regis Emmanuelis iussu pervenisse, ut ei rebus omnibus, siue quae ad insulae propugnationem, siue quae ad Regis ipsius dignitatem pertinerent, operam navaret. Orabat deinde, ut omnes offensas quas ab Albuquerque acceperat, oblivione contereret, & à Lusitanis deinceps omnia amicitiae singularis officia expectaret. Quod autem ad insulae defensionem attinebat, se non ignorare, Regem multos Principes invidia furentes circumstare, contra quos confidebat non inutilia unquam fore Lusitanorum praesidia.

Quibus

Quibus tamen, ut sine periculo in insula confidere, & facilius urbem tueri liceret, opus esse locomunito, qui maius & utilius ipsi Regi, quàm Lusitanis presidium, afferre posset. Petebat igitur, ut fieret sibi potestas arcis illius perficienda, quam Albuquerque inchoauerat. Coereatarus respondet, omnia se, quæ cum Albuquerque pacti fuerant, libentissimè facturos: quod verò ad arcem adduceret, nullo modo passuros esse, ad perfectionem adduci. Quindecim millia numorum aureorum, ut fuerant cum Albuquerque de pacti, solvunt: Lemium liberaliter inuitant, & Lusitanos omnes comiter accipiunt. Lemius quia vires non habebat, quibus bellum inferret, pacis simulatione contentus, post duos menses (citius enim per anni tempus minimè licuerat) inde discessit, & Mascatem petiit, & inde, ut superius dictum est, Vascum Sylueiram in Indiam misit, qui in classis supplementum naues aliquot ab Almeida flagitabat. Zacotoram deinde profectus est, ubi in morbum incidit, cuius depellendi gratia (erat enim calum regionis illius insalubre, & palustres humores infesti) in Melinden nauigauit. Albuquerque, iam enim imperium gerebat, per Antonium Nogueiram Alfonso Norognam accessit, & Lemio per literas significauit, se propter incommodum Calecutij acceptum (timebat enim, ne mulri sublati animis contra Lusitanum nomen res nouas molirentur) classem minuere non posse. Cum primum ipse motus comprimeret, tunc per se auxilium allaturū. Cogitabat enim in Arabicum sinum proficisci, ut cum Sultani classe, quam rumor breui venturam nunciabat, dimicaret. Rumor tamen inanis extitit. Sed Lemius nondum Melinde redierat. Franciscus Pereira

LIBER

Berredus, & Alfonsus Norogna in Nogueira nauem ingressi, cum illo mare interim peragrabant, ut praeda agerent. Vnam verò nauem maximam Cambaiensem opibus maximis refertam cepere. His opibus elati, diutius expectare noluerunt, sed in Indiã transmiserunt. Præteruicti autem Baticalam, seu a tempestate iactati sunt, & Cambaiensis nauis cum magistri Saraceni ductu Dabulem peteret, vadis allisa atque perfracta fuit, & Lusitani capti sunt, & in Zabaimi potestatem peruenere. Eadem tempestate cum Nogueira Cambaia quendam portum ciuitatis, quam Damam appellant, subire contenderet, nauis illius fracta fuit, & Alfonsus Norogna ut dictum est, eò quod se in mare, ut in lutus enataret, præproperè cum nonnullis dimiserat. fluctibus, haustus est, & omnes qui illum sequuti sunt, eundem casum subire. Reliqui omnes capti, ad Cambaiæque Regem perducti sunt, de quibus iam antea diximus. Franciscus Pantoia quem similiter Albuquerqueius Zacotoram miserat, cum Indicum pelagus traiecisset, nauem ingentem, Meri nomine, cui præerat vir Cambaie Regi sanguine coniunctus, quæ eadem tempestate conuulsa, iactum fecerat, interceptit. Zacotoramque perduxit. Ibi Odoardum Lemium iam Melinde reuersum offendit. Arcitunc Lemius Petrum Corream præfecerat. Præfectus enim morbo sublatu fuerat. Nauem verò, quam Pantoia in cursu ceperat frustra repugnante Pantoia, Lemius ad ius suum pertinere disputauit, eò quod in regionibus sibi adgerendam bellum assignatis capta fuisset. Itaque nauem & omnia, quæ in ea reperit, in suam potestatem redegit. inde profectus in Indiam, ab Albuquerqueio magnis honoribus acceptus fuit, multaque illius gratia Albuquerqueius

cuius effecit, quibus quemuis facillimè ad studium alle-
xisset, illum tamen nullo modo potuit ad rationes suas
adiungere. Cum verò de consilio, quo statuebat Goam
aggredi, cum illo disseruisset, Lemius operam suam pol-
licitus fuerat. Attamen multum de illius dignitate clā
detraxerat, & laudib. illius passim obrectauerat, Goā-
quē capi non posse, & si caperetur, nullam utilitatem
rebus Lusitanis allaturam esse disputauerat. Multi ser-
monibus illis libenter aures prabuerant, & sermones se-
rebantur, quibus offensiones gravissimæ, & dissensiones
turbulentissima concitari facillimè potuissent, ni Albus
quercius partim dissimulando, partim lenitate & comi-
tate, hominis vel ambitiosi, vel infidi insaniam mitigan-
do, malo nascenti restitisset. Sed non tantum profecerat,
ut Lemius fidem illi præstare, quam dederat, vlla con-
ditione vellet. Nec enim illi quidquam opis ad Goæ
expugnationem conferre voluerat. Sed casus quidam
interuenit, quo materia omnis discordiarum amputata
fuit. Naues enim Lusitania post expugnatam Goam
cum literis Regis Emmanuelis appulsæ sunt, quibus li-
teris Emmanuel Lemio præcipiebat, ut Albuquerque
classem traderet, & ipse in Lusitaniā reuerteretur.
De captiuis interim Albuquerqueius agere cœpit. In na-
ui, quam Pantoia ceperat, eiusdem naui Dominus, no-
mine Aleacamus, ut diximus, Regi Cambaia sangui-
ne propinquus, captus extiterat. Huius Principis per-
mutatione confidebat Albuquerqueius facillimum nego-
tium fore. Reigitur cum Aleacamo communicata,
mercatores in Cambaiam misit, qui cum Rege de re-
dimendis captiuis, hominis propinqui permutatione,
qui maximum apud illum locum obtinebat, ageret. ne-

LIBER

gotium expeditum fuit. Itaque Iacobum Corream, & Franciscum Pereiram Rex missos statim fecit, ea conditione, ut si res minimè conueniret, rursus ad se redirent: ad quod sine fraude vlla gerendum, illi se se iure iurando constrinxerant. Ex his intellexit Albuquerqueius, quo casu Norogna sororis suae filius interierat. Lemius in Lusitaniam reuersus est. Albuquerqueius post illius profectionem graui cura liberatus est (nec enim Lemius contineri poterat, quin illi quibuscunque rebus posset officeret) animo magis vacuo Reipubl. conseruanda, & muneribus assignandis incubuit. Mulieres indigenas, ut cum Lusitanis matrimonijs iungeret, enixè operam dedit. Milites filios, eorum uxores nurus appellabat: eas domum deducebat, viros muneribus alliciebat, ita, ut multo plura, quàm in illis ciuitatis nouae (sic enim appellare licebat eam, in qua noui mores & instituta seiebantur) initijs expectari poterant, matrimonia celebrarentur. Neque segnius reliqua omnia, quae ad urbis munitiones, & ciuitatis ordinem & defensionem necessaria videbantur, excogitabat. Frequentes autem ad eum multorum Regum legati ventitabant. Alij tributa imperata deferebant, alij ut pacem peterent, & amicitiam firmarent, veniebant: omnes operam suam in rebus omnibus, quae ad Regis Emmanuelis amplitudinem pertinerent, pollicebantur. Eos non statim dimittebat. Volebat enim ut oculis urbis munitiorem, & classis, quam tunc ornabat, apparatus, aspicerent, & totius operis, in quod mentem intendebat, magnificentiam sensibus usurparent: ut earum rerum admiratione defixi, constantius in fide permanerent. Illi ad eum venerabundi accedebant, & alij hominis grauitatem admira-

admirabantur, alij suauitatem & comitatem laudibus efferebant. Goæ celebritas & frequentia cum Regis maximi curia conferri merito poterat. Hac omnia quamuis in natura *Albuquercij* inessent, is tamen de industria omnia signis illustriora faciebat, ut maiorem sui admirationem incuteret, & ea grauitatis specie multo facilius homines in officio contineret. Hoc præterea assequebatur cum tam citò legatos non dimitteret, ut maioribus interrim copijs insulam muniret, & virtutis documenta coram omnibus, quicquid cõuenerant, statueret. Zabaimus enim *Idalcamus* insula repetenda studium non intermittebat. Illius autem Dux *Melichius Agricius* in eam magnis copijs stipatus inuasit: qui tamen eo tempore fuit à nostris cum strage & ignominia repulsus. Misit *Albuquercius* inde *Iacobum Fernandum Begiensem* cum tribus nauibus in *Zacotoram*, ut arcem eam, quam prorsus rebus *Lusitanis* inutilem, & maximis periculis expostam indicabat, euerneret, & *Lusitanos*, qui eam tuebantur, in nauibus acciperet. Interim *Iacobus Mendezius Vasconcelius* ad illum adiit. Merita in eum sua commemorauit, atque petijt, ut classem, qua erat *Malacam* (quod sibi munus fuerat iniunctum) petiturus, instrui iubéret. *Albuquercius* multis verbis eum ab instituto deducere conatus est. Sibi cõmuni Ducum omnium consilio decretum fuisse, minime conuenire, ut virum tanta virtute præditum, in pestem sine ullo fructu ruere permitteret. Opus esse difficillimum, quod non nisi classe maxima confici posset. Periculosum esse, eodem tempore duas res difficillimas suscipere. Sibi iter instare, quo erat in *Sultani* classem inuasurus. Fieri nõ posse, ut simul classis, qua *Malaca* pœnas sceleris conflati lueret, instrueretur.

Illum

LIBER

Illum deinde multis verbis orare institit, ut secum, ut in
 Goa fecerat, nauigare vellet, ut illius virtute facilius
 hostes opprimeret. Eo bello profligato, se daturum ope-
 ram, ut is in Lusitaniam multis ornamentis, ut par erat,
 affectus rediret. Hoc responso Vasconcelius grauitè of-
 fensus, sibi data esse verba conquestus est. Et quando tã
 malè meritis suis esset gratia relata, se Malacam omnino
 omnibus inuitis petiturum. Ideo namq̃ue in Indiam se
 venisse dicebat, non ut Ducibus Lusitanis obtempera-
 ret, sed ut Regis inuictissimi mandata conficeret. Albu-
 quercius cum illum in ea nauigandi sententia nimis ob-
 stinatum animaduerneret, illi & Ducibus, qui comites
 illius erant, exilij magistris atque nautis, extremi sup-
 plicij pœnam proposuit, si è portu iniussu ipsius soluerent.
 Nihilominus ille cum reliquis Ducibus vna nocte ancho-
 ris solutis è portu discessit. Albuquerque Duces alios
 confestim misit, qui triremibus & scaphis instructis il-
 lum consequerentur, atque renocarent: si id facere recu-
 saret, naues illius in alto mergere iussit. Ii iussa faceffunt.
 Et cum Vasconcelius parere nolisset, tormentis nauem,
 qua vehebatur, acerrimè verberare instituunt, anten-
 namq̃ue maximam deiciunt, & duos nautas interi-
 munt, & illi exitum minitatur, nisi statim in portum,
 unde soluerat, rediret. Rediit tandem, & in custodiam
 traditus est: lataq̃ue sententia fuit, ut is vinctus in Lusita-
 niam duceretur, & quidam ex nauarchis, Hieronymus
 Cernichius nominabatur, quia suasor & impulsor auda-
 cia fuerat, & acrius, quàm reliqui omnes, Albuquerque
 imperio restiterat, securi feriretur: & magistri, qui im-
 perium audacius contempserant, suspenderentur. Duo
 ex magistris continuo ad suspendium adacti sunt. Reli-
 qui

qui ducebantur. Sed cum legatus Regis Narfinga, & legatus etiam Regis Cambaie, nobilitatis Lusitana precibus adducti, ad Albuquerquecum adissent, & illum suppliciter orarent, ut erratis hominum illorum veniam praberet, is omnibus, qui nondum morie affecti fuerant, ignovit, eosque exilio multavit: nauarchos nauum prefectura priuauit, & exilij gratiam Lusitania deduci iussit. Sic autem imperium seuerè sanxit, & humanitatis etiam partes in iudicio suscepit, & legatos Regum maximorum non mediocri beneficio, ut prae se ferebant, obstrinxit. Rebus ita constitutis, & vrbe valido praesidio munita, Goa cum classe viginti trium nauium profectus est. Cum verò Occasum versus, ut Arabiam peteret, cursum institueret, tempestatis aduersa reflatu Goa rursus portum subiit. Ibi cum idem ventus nihil remitteret, & nauigandi tempus elabere-
tur, consilio cum Ducibus habito, statuit Malacam (ad eam namque petendam ventus valde secundus erat) nauigare. Itaque Cochimum versus cursum direxit. Ibi Petrum Fonseca Castrensem, & Menendum Alfonsum, & Simonem Vetulum, & Antonium Salam, cum certo nauium numero reliquit: quibus omnibus Emmanuelem Lacerdam praefecit, & illis imperauit, ut cum primum ver appeteret, quod initio Augusti mensis adueniat, oram Calecutiensem peragrarent, & bellum Calecutiensibus, illorumque socijs inferrent, & in Goam excurrerent ne quisquam, dum is abesset, insulae perniciem moliri conaretur. Rerum autem maritimarum praefecturam Odoardo Melio Serpensi commisit. Inde cum decem & nouem nauibus, & octingentis viris Lusitanis, & sexcentis Indis vela dedit

LIBER

Nauem vnā Cambaiensem in eo cursu, antea, quàm Cor-
promontorium superaret, excepit. Ibi cum classis ma-
ximis fluctibus ageretur, vnā trirēm amisit: ho-
mines tamen, qui ea vehebantur, conseruati sunt. Alias
deinde tres naues mercibus valdè preciosis onustas, qua
Malacā similiter petebant, expugnavit. In Zama-
tram deinde insulam delatus, naues in Pedirensi portu
constituit. Rex illi continuo nauem & Lusitanos do-
no misit. Ierant ex illis, qui Malacā relictī à Siqueira
fuerant, & inde fugientes se se in Pedirensis Regis fidem
contulerant. Vnus ex illis, cui nomen Ioannes Vie-
gaserat, Albuquerque narravit, post Siqueira à Ma-
lacenſi portu digressum, Bendaram Regi insidias com-
parauisse, & ob eam rem capitale supplicium pertulisse.
Exposuit deinde, quomodo Nahodabeguea, qui Prin-
ceps erat illorum, qui simulacrorum superstitione con-
ficti, à Mahumetis sacris nefariis abhorrent, cines
ad Lusitanorum perniciem sollicitarat: qui tamen cum
Bendara sceleris societatem coiuerat, & huius malefici
conscientia oppressus, aufugerat, & in Pacemensī re-
gno, quod eiusdem insule pars est, tandem constiterat.
Albuquerque pace cum Rege Pedirensi sanctiore fœ-
dere confirmata, Pacemensē regnum petiit. Ibi collo-
quio cum Rege habito, ab eo, ut sibi Nahodabegueam
traderet, enixè contendit. Is cum fidem daret, se illum
traditurum, non modo id non præstitit, verum Naho-
dabegueam, ut subterfugeret, admonuit. Inde fœde-
re similiter percusso Albuquerque mouit, & nauem
post dies aliquot maximam conspiciatus, in eam inue-
ctus est. Qui erant in naui nostris acri animo restiterunt.
Ex illis tamen quadraginta cæsi sunt. Cum verò nostri
nauem

nauem scandere properarent. flamma subito vectorum opera suscitata, nostros vehementer exterruit, & à navi longè discedere compulit. Et, ut postea compertum fuit, flamma illa artificio quodam facta, non exurit, & facile quoties eis, qui eam excitarunt, libet, extinguitur. Inde cum classis in anchoris consisteret, nostri aliam nauem conspexere, quæ velis et remis, ut alia multa generis eiusdè impelli solebāt. Albuquerque misit cōtinuò duos duces, ut scaphis inuecti, eam ad illum traherent. Nauta mei u perterriti, se se in mare precipites eiecerunt. Nahodabeguea ea navi vehebatur, & Malacam petebat, ut Regi Lusitana classis aduentum nunciaret, ut ea sedulitate Regem ad veniam tribuendam inflecteret. Nahodabeguea cū nullam vitanda cladis merita rationem inueniret, maluit cum famulis suis viri fortis officio functus occumbere, quàm supplicio suo nostrorum oculos satiare. Itaque tanta vi repugnauit, ut nemo fuerit è nostris, qui non ex eo certamine vulneratus abiret. Hostes omnes cæsi sunt. Nahodabeguea multis vulneribus concisus ita cecidit, ut nullum sanguinem è vulneribus emitteret. Cū tamen nostri illū nudassent, & armillam ex auro factam, in quam erat lapis quidam inclusus, detraxissent, magna repente vis sanguinis ex illius vulneribus emanauit. Lapis ex bestijs quibusdam eruitur, quas Siamenses Cabrisias appellant, qui mirificam ad sanguinem sistendum vim continere dicitur. Nostri progressi ulterius, duas alias naues ceperunt, quarum una Malaca soluerat. Quia ea vehebantur, Rodericum Arangium, & reliquos Lusitanos, qui Malaca relictī fuerant, incolumes esse nunciarunt. Tertius dies erat ab eo, quo navis se primū

LIBER

armis, deinde flammis tutata fuerat, cum eadem nauis se in nostrorum conspectum dedit. Ex ea homines duo in paronem desiliunt, & recta ad nauem pratoriam deferuntur. Ibi cum accepta fide nauem ingressi fuissent, Albuquerqueium eiusmodi verbis alloquuntur. Si verum fama pradicat, imperator, adduci non possumus, ut arbitremur, te, si sciisses quam rem geramus, nauem nostram fuisse armis aggressurum. Nec enim pirata sumus, ut sceleris constati poenas luere debeamus: neque mercatores, ut diuitiarum magnitudine cupiditatem eorum, qui pecunias expetunt, acriter irriteamus. Merces nostrae sunt, ea quae nostrae nobilitati conueniunt, arma nempe, & virtus, atque fides. Tuum verò munus est, scelera supplicio persequi, virtuti autem fauere. Nam et te Regis clarissimi & inuictissimi Ducem esse nouimus, & virtutis egregia significationem quamplurimis in locis dedisse, compertum habemus. Hac igitur tui nominis fama prouocati, ad te fidenter accedimus, & suppliciter postulamus, ut homini per summum hominis malefici et iniusti scelus bonis omnibus euerso misericordiam tribuas. Sultanus Zeinalus Pacemense regnum legitimo imperio continebat. Tyranni verò fraude regno pulsus est. Nos verò milites illius sumus, fidem & officium sequimur, & pro illius dignitate mori: si opus ita fuerit, minime recusamus. Nunc verò Iauam cum illo petebamus ut auxilium ab incolis insulae peteremus. Verum cum is classem istam videret, non aliam nobis opem querendam existimauit. Si enim Regis nomen alias nationes mouere potest, multo magis te ad misericordiam, qui tanta fide pro Regis tui nomine nullum vite periculum recusas, inflectet. Te igitur Rex noster orat, ut hanc causam

am dignam tua fide, & tua virtute suscipias, & illum calamitate indignissima vexatum in regnum restituas. Quod si feceris, res à te gestas clarius illustrabis, hominemque gratum & memorem beneficio tibi in perpetuum deuincies. Hac legatione Albuquerqueius valde atatus est, Regemque primum per Fernandum Pereiraum Andradium, deinde per se, eò quod acceperat illum inualetudine laborare, salutauit. Pax inter illos facta, fœdusque percussum fuit, ea conditione, ut Albuquerqueius illum in regnum reduceret, is stipendiarius Regis Emmanuelis esset, & singulis annis cerum auri pondus pro regni facultate tributum nomine penitaret. Hac re ex animi sententia gesta, Malucam cum Zainalum perduxit. Kalendis Iulij, anno. M. D. xj. ad insulam parua, quæ Malacca dicta torrenti distat, classem applicuit. Erant in eo loco naues quamplurimæ in anchoris constitutæ, quæ, ut se inde proriperent, metu perterritæ festinabant. Albuquerqueius cum publice testari fecisset, se non bellum, nisi eis, qui hostilia molirentur, afferre, omnibus metum absterfit. Quinque Sinarum nauarchi, qui ibi consistebant, illum adierunt, & significarunt, Regem Malacca cum eum ad futurum literis & rumore multorum multis antè diebus cognouisset, se se ad bellum summo studio compasse. Deinde si bellum fieret, operam suam polliciti sunt. Se namque & Regis perfidi sceleribus offendi, & Lusitanæ probitatis studio concitari. Deinde suorum merita Sequeiram retulerunt, ut magis fidem facerent, sibi similiter nihil antiquius officio futurum. Eos Albuquerqueius in cenam inuitauit. Quod conuiuium fuit à Sinis Gallico & Germano more, maioribus poculis, & hilaritate

L I B E R

tate summa celebratum. Postridie Rex misit, qui Albuquercium nomine illius honorificè salutaret, & susceptū contra Lusitanos scelus in Bēdaram transferret, quem dicebat ob eam causam fuisse capitālī supplicio damnatum. Se verò nihil malle quàm pacem, eamque libentissimè conditionibus æquis accepturum. Albuquerqueius respondit, se minimè à pacis conditionibus abhorrere. Sed ut intelligeret, Regem pacem velle, & scelus contra Lusitanos nefariè conflatum detestatum fuisse, esse in primis necessarium, ut Lusitanos liberos ad se venire permitteret, & bona quæ direpta fuerant, restitueret. Ad hæc Rex Lusitanos varijs in locis dispersos esse dixit, & aliquot ex illis in Mahumetis nomen iurasse, quos per religionem Christianis tradi minimè liceret. Quod autē ad bona attineret, ea non illius sponte direpta fuisse: & præterea maximam illorum partem in Lusitanis alendis fuisse cōsumptam. Hæc & alia eiusmodi ultro citroque per nuncios agebantur, ex quibus intelligi poterat, Regem velle Albuquerqueium laudificari, ut incantum & spe compositionis erectum opprimeret. Hæc mente cernebat Albuquerqueius, & ex literis etiā Araugij, & ex mercatorum quorundam sermonibus accepit, expectari ab illo classem maximam, qua facilius nostros ancipiti prælio & à portu & ex alto distentos obrueret. In urbe Rex ad nouē tormentorē millia partim ærea partim ferrea in munitionib. habebat. Et tam milium numero, quàm omnibus bellicis instrumentis erat ad belladum paratissimus. Ut tutius tamen rem gereret, classem illam expectare statuebat. Albuquerqueius verò ut apud omnes nationes, quæ illic negotiabantur, testatum relinqueret, se inuium ad bellum hominis iniustissimi fraudibus impelli,

rem de

rem de die in diem differebat. Sultanus Zainalus hoc metu fieri ab illo ratus, graui diffidentia laborare cœpit, & ad Regē nocte transfugit. Albuquerqueius sequenti die in domos, quæ in æstuarijs erant, & in adificia suburbana, & in tres naues Camba ēses, viris impigris ad eam rem gerendam missis, ignem conijci præcepit. Id non absque magno certamine fieri potuit. Incendium tamen hostibus frustra repugnantibus excitatum, urbem terrore compleuit. Rex ea re conturbatus, Araugium cum Lusitanis reliquis statim ad Albuquerqueium misit, seq̃ue nihil malle, quàm pacem asseruit, illumquē orauit, ut incendium restingui permitteret. Albuquerqueius facile precibus assensus est. Camb uēses tamē naues exuri iussit. Araugius illum admonuit, Regem fraudes & insidas machinari: nullam apud eum fœderis religionem sanctam fore: opes illius malis artibus & sceleribus infinitis amplificari. Et tunc eò, quod classem expectaret, quam cum ea, quam in portu iam habebat, coniungeret, dilationibus nostros eludere constituisse. Rex naues multas mercatorum impedierat, quo minus e portu soluerent, ut illis in bellum, si opus esset, uteretur. Albuquerqueius Sinarum naues expeditas illis tradidit: eos tamen rogauit, ne prius abscederent, quàm prælum spectarent. Ad Regem deinde misit, qui diceret, si pacem fieri vellet, ut locum sibi in urbe commodum assignaret, in quo arcem posset extruere, ne rursus Lusitanis perditorum hominum scelere periculum intenderetur. Rex verò respondit, loci designationem Albuquerqueio se liberam permissurum. Sed cum nihil expediret & fraudes, quas simultione contexerat, occultari diu

LIBER

minimè possent, Albuquerqueius rem ulterius differre noluit. Itaque ut exploraret, quo loco commodius urbem oppugnaret, & quibus copijs Rex eam tueretur, & ordine quo impetum reprimere niteretur, manè urbem se innuadere velle simulauit. Hac retentata cognouit Albuquerqueius, urbis firmamentum in ponte, & in templo quodam, non procul à ponte sito, consistere. Itaque ea parte urbem oppugnare statuit. Insequenti igitur die trireme & humilioribus nauibus in urbem inuehitur. Hostes ut nostros aditus prohiberent, undique prouolant. Maioribus & minoribus tormentis acre nimis certamè instituitur. Nostri tamen per medias flammās atque tela litus occupant. Albuquerqueius ibi duas acies instruxit. Vnam Fernando Petreio Andradio, & Ioanni Limico, & alijs quibusdam ducibus attribuit, quae eam pontis partem, quae erat cum templo coniuncta, armis aggredierentur: alteram sibi reseruauit, quae in frequentiore urbis partem, ad quam pons etiā ex aduerso pertinebat, innaderet. Vtrobique erant stationes munitissima, & praesidia cum tormentis collocata, quibus pilarum multitudo, grandinis instar emissa, nostris terrorem ingentem praeuisset, nisi contemnendi periculi consuetudo, & laudis immensa cupiditas cum rei benè gerendae fiducia, & quod caput est, numen CHRISTI propitium ab eorum animis metum omnino depulisset. Itaque intrepidè in stationes innadunt, hostes summa contentione resistunt: utrinque praelium animo magno sustinetur. Hostes tandem pelluntur. Ea parte, quae Albuquerqueius cum copijs suis irruerat, hostes prius stationes deserunt, eosque Albuquerqueius cedentes insequitur. Qui primus in stationem ascendit, fuit Simon Andradius.

Alie-

Alteram verò stationem Ioannes Limicus primùm
subijt: hostes verò similiter ea parte pulsī sunt, & nostri
illos acriter urgebant, donec ad agmen regium peruen-
tum est: ubi hostes Regis præsētia confirmati constitēre.
Rex castello, quod elephāntus ingens tergo sustinebat,
cum aliquot è suis domesticis vehebatur. Hunc alij e-
lephānti similiter instrati & armati sequebantur. Tela
è castellis frequentia decidebant. Elephānti enses den-
tibus alligatos gestabant: tantaquē ferocia in nostros ir-
ruebant, ut antesignani pellerentur. Fernandus tamen
Gomecius Lemius, & Vascus Fernandus Coutignus
minimè ea re perturbati, resistunt. Cūm uterque eo-
rum in opposita via latera, qua elephāntus gradum vio-
lenter inferebat, concessisset, aditum ei liberum reli-
querunt. Vtrinque deinde latera illius hastis perfo-
diunt. Belua quamvis in principio certaminis sit im-
manis & efferata, est tamen doloris impatiens, & fa-
cilè in suos quovis vulnere sauciata conuertitur. Itaque
cūm elephāntus transfixus utroque latere fuisset, re-
ctorem, qui illi insidebat, proboscide deturbatum pro-
culcat. Exanimari deinde (sanguis enim illi utrinque
profuebat) mirificè cœpit. Rex eo metu confestim desi-
luit. Elephāntus in suos conuersus, reliquorum elephā-
torum aciem perturbavit. Omnes exterriti in fugam
versi sunt, neque rursus ullis rectorum monitis aut minis
in prælium compelli potuere. Eo metu depulso, Lusitani
multo acrius institerunt. Hostes cūm pro laribus & fo-
cis in Regis sui conspectu dimicarent, fortunarumquē
omnium discrimen adirent, in ferrum incredibili perti-
nacia ruebant. Rex cūm in manu non mediocre vulnus
accepisset, è pugna dolore victus excessit, ut in adib. suis

L I B E R

curaretur. Id cum illius milites animaduertissent, se in collem, in quo ades regia sita erant, paulatim subduxere. Ibi vero conferti nostrorum impetum sustinebant. Alia vero parte res erat in magnum discrimen inducta. Albuquercius enim erat hostium multitudine circumuentus. Ioanes Limicus praesidio, quod satis esse videbatur in ponte relicto, ut illi opem afferret, accelerauit: tantoque impetu in hostes inuasit, ut multi se in fluvium demitterent. Nauta, qui erant in lembis, eos ad satietatem sine ullo impedimento cadebant. Albuquercius aduentu Limici ingenti periculo liberatus, suos ad pugnam de integro capeffendam cohortatus est, & tubarum etiam concentu, ut maiorem animis alacritatem adderet, omnes excitauit, & in hostium aciem, quae viam latam insederat, impetum dedit. Hostes quamuis principio acriter obstitissent, tandem fusi fugatique sunt. Itaque pontis parte praesidio nudata, Albuquercius continuo stationem in eodem loco vallo & fossa, & aggere munivit, tormenta quoque disposuit: munitionisque illius custodiam Nonio Vascio Albicastroensi, & Georgio Leoni commisit. Idem in alia pontis parte, quae ad templum & regiam pertinebat, facere conatus est. Sed tanta vi fuit opus ab hostibus impeditum, ut perfici nullo modo posset. Pugna a prima luce ad meridiem perducta fuit. Albuquercius tamen, ne praesidia, quae in statione disposuerat, aliquod grauius incommodum ex edibus vicinis acciperent, eas omnes munitiones ex utraque parte incendere confestim iussit. Incendium in templum usque, & in ades regias penetravit bonamque illarum partem exussit. Sol in occasum precipitabat, & nostri erant ardentissimo sole, & maxima lassitudine ex nimio labore confecti. Albuquercius i-

gitur copias in classem ea mente reduxit, ut cum primū posset, in urbem pluribus copijs stipatus ingrederetur. Hostium numerus, qui in eo praelio ceciderunt, iniri minimè potuit. Constat tamen, magnam caeorum multitudinem fuisse. E nostris tredecim cecidèrè, septuaginta grauius vulnerati fuèrè: quinquaginta tormenta capta sunt, & ades non pauca direpta. Multi ea nocte mercatores ex urbe profugerunt, & Regulus quidam, qui illis diebus Regis Malacæ filiam duxerat, neque noua nupta blanditijs contineri potuit, quin se in fugam daret. Eo tempore Vtetimutarai laodensis mercator, qui sedem & domicilium in ea ciuitate multis annis habuerat, erat opibus & existimatione externorum omnium, facile princeps. Is cum illius diei certamen cerneret, ea nocte ad Albuquerquecum cum muneribus adiit, & supplices etiam preces adhibuit, fidemque dedit, se fore semper Regis Emmanuelis ducibus addictum, & iussis illorum omnibus obsequentem. Is fuit in fidem & amicitiam libentissimè receptus. Sinarum verò nauarchi similiter ad Albuquerquecum de victoria gratulatum venire, seque, si per illum liceret, statim velle proficisci dixerunt. Is eos commeatu iunxit, & muneribus affectos dimisit, unumque Lusitanum ex illis, qui cum Araugio Malacæ capti fuerant, qui linguam Malacensem probè nouerat, illis tradidit, quem erant in Siamensi regno, cum oram illam legerent, relicturi. Per hunc enim Regem Siamensem salutare, & propensam in illum voluntatē multis verbis ostendere commodū arbitratus est, ut illum, cuius imperium erat amplissimum, ad Emmanuelis studiū alliceret. Lusitanus quē cum Sinis misit, Odoardus Fernandus appellabatur. Is ensē cum

L I B E R

capulo & manubrio ex auro pulcherrimè facto, & em-
blematis elegantissimè distincto, ad Regem cum bal-
theo operis eiusdem, Albuquercij nomine deferebat.
Nostri eam noctem in curandis corporibus, & rebus ad
prælium, quod instabat, preparandis consumpserunt.
At Rex alias stationes in locis magis in intimam vr-
bem reductis quibus nostri ex eo loco, quem occupant,
impetum illaturi videbantur, multo diligentius muni-
uit, in illoque multo plura tormenta disposuit. In ea-
que parte, in quam Lusitanos inuasuros existimauit,
clauos acutissimos è calyce veneno mortifero tinctos sub
terram abdidit, ut nostri cum vestigium imprimerent,
vulnerati conciderent, & cum dolore summo spiritum
ederent. Ea namque est veneni illius natura, ut cum
primum sanguinem attingit, in viscera repente vim
suam mortiferam diffundat. Hac omnia Albuquer-
cius indicio Ninachetuenfis, qui in Lusitanos erat vo-
luntate propensus, intelligebat. Cum verò in pontis ex-
pugnatione maximum belli momentum statueret, hoc
excogitauit. Navis Sultani Zainalis, quam is cum
fugit desertam reliquerat, erat maxima & firmissima.
Eam tormentis, & varijs munitionibus, & cōmeatu et-
iam instruxit, saccisque lanicio gossipino, similique ma-
teria, quæ mollicie sua tormentorum ictus excipit, ne-
que facile dissipatur, infertis, navis latera firmanit. Ea
cum aestu deferretur, & ponti applicaretur, erat ne-
cessè, ut arcis instar in pontem prominere. Sed eo tem-
pore, quo maritimi aestus, quos luna cursus & conuersio
moderatur, propter ipsius lune rationem multo remis-
siores sunt, ad pontem applicari non poterat. Aestus
autem tunc vim suam intendunt, cum Luna vel ad So-
lem

lam propius accedit, vel ab illo longius abscedit. Cum
verò vel maximus illius splendor imminui, vel ab exor-
tu augeri incipit, tunc paulatim eam vim, quæ ad sum-
mum peruenerat, in dies singulos remittit. Id igitur Al-
buquerqueius expectabat, & quò se vehementius in dies sin-
gulos æstus incitabat, eò nauis propius pontem summo
nostrorum studio pellebatur. Hostes inierim minimè ces-
sabant. Machinis enim multo pice, & oleo, multiplicique
materia ad suscitandam flammam accommodata com-
paratis, atque secundum fluminis naturam æstu dece-
dente contortis, ut nauem flammis absumerent, enixè cõ-
tendebant. Nostri verò lembis & scaphis subsidio festi-
nanter occurrentes, machinas harpagonibus iniectis in
alterutram fluminis partem detorquebant. Hostes verò
in nauem nocte atq; die pilas ingentes mittebant. Naui
præerat Antonius Abreus. Huius cum utraque mala
glandis vnus ictu transfixa fuisset, Albuquerqueius illi vi-
carium repentè substituit. Is verò sanè ferociter, Integri,
inquit, mihi pedes sunt ad discurrendum, & manus fir-
me ad prælium conferendum. Neque mihi ad cohortan-
dum oratio deest: mentem verò ad imperandū Dei gra-
tia sanam gero. Quinetiam si in lecto grauissimis vulne-
ribus acceptis decubuissem, ex eo facillimè possem, quæ
in rem essent, mente & consilio providere. Quare mini-
mè patiar, quandiu animam duxero, alium in locū meū
substitui. Ad hunc igitur modum, cum vicarium è nauī
pelleret, non segnius, quàm si nullum vulnus accepisset,
munere suo perfunctus fuit. At nauis tandem cum æstus
maximi essent, ponti, cunctis hostibus frustra repugnan-
tibus, applicata fuit. Postridie Albuquerqueius ante lucem
copijs eductis, in urbem, sicut antè fecerat, inuasit. Præ-

LIBER

tum ea die multo crudelius exarsit. Multi utrinque co-
 ciderunt, & maxima hominum multitudo vulneribus
 debilitata fuit. Tandem statio, qua templum & ades Re-
 gias muniebat, à nostris capta, & hostes in effusam fu-
 gam conuersi sunt. Similiter cum statio illa, contra quam
 Albuquerqueius copias educebat, expugnata maximo cum
 labore fuisset, hostes inde se proripuerunt. Pontem si-
 militer Abrens omni presidio nudauit. Ita uno tempo-
 re cum è naui prelium iniretur, & quilibet hostes pro
 parte sua fundere sonaretur, & diu fuisset utrinque for-
 tissime dimicatum, hostes omnino fusi sunt. Rex ut opem
 suis afferret, cum tribus millibus hominum elephanto
 insidens accurrebat. Sed cum omnes stationes expugna-
 tas animaduertetet, in ades suas concessit. Nostrum illum
 propter hominum paucitatem insequi noluerunt. Al-
 buquerqueius in templum se contulit, iam à nostris occupa-
 tum. Illius verò custodiam illis ipsis, qui illud expugna-
 rant, commisit. Inde in pontem rediit. In utroque autem
 pontis introitu stationes excitauit, easque cupis terra
 oppletis, & ordine collocatis, atque firmè reuinctis cir-
 cumuallauit, crebraque in illis tormenta, presidiaque fir-
 ma disposuit. Cum verò hostes interim in nostros pilas et
 glandes immitterent, & multos opere impeditos conuul-
 nerarent, Albuquerqueius duos acies instruxit, quas du-
 cibus delectis attribuit, in illis imperauit, ut duabus vijs
 ab ea, quam hostes infestam faciebant, diuersis ingressi,
 eos ex transuerso adorirentur, neminique vitam conce-
 derent. Itaque multi ex hostibus cæsi sunt, multo tamen
 plures se fugam mandarunt. Albuquerqueius duas domus
 prope pontem, in frequentiore urbis parte, quàm ipse sibi
 expugnandam sumpserat, delegit, in quarum tectis (nec
 enim

enim fastigiata domus erant, sed ad libellam in summo
constrata tormenta collocavit. Lembos præterea & sca-
phas cum tormentis singulis in fluuij locis opportunis cō-
stituit. Nondum enim debellatum crediderat, & quasi
adhuc graue certamen instaret, omnia summo studio cō-
parabat. Sequenti die ades regias oppugnare constituit.
Sed Rex proxima illa nocte cum omnes opes, quas po-
tuit, asportandas in mediterranea loca curauisset, aufu-
gerat. Cum Lusitani milites in Regiam se illius diripien-
da gratia contulissent, eamq; exinanitam reperissent, ea
re grauiter offensi, illam coniectis undique facibus in-
cenderunt. Hostes, adhuc enim supra sex hominum ar-
matorum millia in urbe remanebant, in nostros impetū
sepē dabant: sed cum damnum nallum intulissent, & cla-
dem non mediocrem accepissent, aufugerunt. Albuquer-
cius, vico, in quo Vtetimutaraia habitabat, & domibus
Ninachetuenſis, & Iaoenſium, & reliquorum, qui in fi-
dem recepti fuerant, exceptis, urbem diripiendam mi-
liti concessit. Præda ingens fuit, supra tria millia tormē-
torum capta sunt: armamentaria erant vario cōmeatu,
& instrumentis bellicis, & munitionibus referta. Hæc
omnia, quæ ad classem reficiendam, & urbem rounien-
dam pertinebant, miles non attigit. Et tamen quinta
præde pars, quæ ad Regem pertinebat, ducentis millibus
aureorum numorum æstimata fuit, quamuis nec aurū,
nec argentum, quod occultari potuit, miles in medium
contulisset. Vnde constat, si Rex & mercatores opulē-
tissimi opes suas post primum prælium ex urbe in medi-
terranea loca nō traduxissent, tantā prædā futurā fuissē
auaritiā infinitā militum satiare. In his tamē prælijs ē
nostris circiter octoginta ceciderūt. Reb. ad hunc modū
gestis

LIBER

gestis, Albuquerque mercatores, qui arma nostris non intulerant, ut urbem incelerent, fauoribus allexit, omnibusque libertatē & leges suas restituit. Saracenis Vtemutara iam, reliquis gentibus, quae simulacra colebāt, Ninachetuensem praeponit. ut tamen ab illis ad Lusitanos magistratus provocatio esset, instituit. Et cū Regem circiter passuum triginta millia prope flumen, quod in urbem influebat, munitiones excitare percepisset, munum comparauit, eoque duces misit, qui munitiones disturbarent, & hostes dispellerēt. Præda inde nō medio-
cris abducta, & elephanti septem capti sunt. Rebus ita constitutis, in eo nervos omnes Albuquerque intēdit, ut arcem edificaret. Materiam suppeditabant sepulchra Regum & Principum, & ades magnificæ belli impetu disturbatae: operas seruorum multitudo facile præbebat, & ipse operi vigilanter instabat, ita, ut opus intra breue tempus ad tectum perueniret. Porro autem comitate & orationis lenitate perfecit, ut magna hominum multitudo urbis colendæ gratia undique cōflueret. Illis præterea leges dedit, pecuniamque ex auro & argento con-
flandam & cudendam, insignibusque Regis Emmanuelis signandam curauit: & ex stanno etiam monetam instituit grauissimamque pœna sanxit, si quis alio genere pecuniæ deinceps vteretur. Lassamanes, qui rerum maritimarum apud Malacā Regem præfectus extiterat, cū urbem non modo captam, sed legibus & moribus recte constitutam, Regisque Emmanuelis imperium optimè fundatum cerneret, Regemque suum è vita discessisse (dolore enim confectus interierat) animaduerneret, ad Albuquerque legatum misit, per quem postulabat, ut opera illius vteretur. Senamque non minore studio pro Regis
Emmanuelis

Emmanuelis amplitudine quoduis periculum adiun-
tū, quā pro defuncto Rege multis in locis adierat. Fuit
ea legatio Albuquerque grata, dataq; fide illum euoca-
uit. Sed cū multi vererentur, ne si in urbē rediret, ali-
quod maximum munus illi committeretur, inuidia du-
cti, hominem per literas absterrent, atque persuadent,
Albuquerque de interitu illius cogitare. Interim O-
doardus Fernandus, qui ad Siamensem Regem missus
fuerat, cum Siamensi legato reuersus est. Fuerat Lu-
sitanus a Rege comiter acceptus, & muneribus ornatus.
Legationis autem, quam Albuquerque Siamensis expo-
suit, summa hac erat. Regi gratissimam fuisse illius victo-
riam: Emmanuelis Regis imperiū amplificatū cupere,
& gentis clarissime vicinitate delectari, nullumq; se offi-
cium in omnibus rebus, quæ ad cōmodū dignitatē Albu-
quercij, & Lusitanorum Ducum pertinerent, hominis
amantissimi pratermissurum. Cum hac legatione Albu-
quercio dona misit, nempe aureum poculum, & ense-
m aurea vagina, et annulū, in quem erat gemma ma-
ximi pretij satis eleganter inclusa. Albuquerque per
eundem legatum Regis matri ampla satis munera mi-
sit. Siamense regnum oram ferme omnem extremae In-
dia, quæ ad ortum Solis spectat, & ad Septentriones in-
flexa, sinu maximo, Sinarumq; termino occidentali de-
finita est, amplectitur: & inde ad Occasum cum regno
Peguensi coniungitur. Promontorio autem, quod Ma-
laca circiter centum & viginti passuum millibus abest,
superato, Malacam etiam imperio, ut diximus, contine-
bat. Duodecim millia elephantorum habere dicitur, è
quibus quatuor millia semper ad subitos bellorum ca-
sus armata sunt. Ad hunc Albuquerque, ut pax san-
ctiore


L I B E R

Et iore foedere firmaretur, legatos misit Antonium Mi-
 randam Azuecium, & Odoardum Coëlium, cum mu-
 neribus Regia magnificentia dignis. Alius deinde lega-
 tus à Iaoënsi Rege Malacam peruenit, cum muneribus,
 quæ militaris viri speciem referebant. Hastas enim cō-
 tinebant, & bellica facinora, quæ Rex ediderat, in stro-
 mate gossipino depicta, & anea tympana, quibus apud
 gentem illam in bellis certamen acuitur. Similiter alij le-
 gati à Regibus finitimis, & à Zamatra, item à Rege
 Peguënsi, cuius imperium, post Gangem fluvium, ad So-
 lis occasum pertinet, & latissimis illius oræ terminis cō-
 tinetur. Alij Reges pacem & amicitiam petebant, alij
 libenter se Regis Emmanuelis imperium accepturos o-
 stendebant. Omnes Albuquerqueium laudibus exorna-
 bant, & muneribus etiam oblati studium nomi-
 nis illius, quo erant vehementer, ut appa-
 rebat, incensi, testifi-
 cabantur.

HIERO.

HIERONYMI
OSORII SILVENSIS
ALGARBIORVM IN LV-
SITANIAE EPI-
SCOPI,

DE REBVS EMMAN-
VELIS, LVSITANORVM RE-
GIS INVICTISSIMI VIR-
tute & auspicio gestis,
LIBER OCTAVVS.

 *V* M hac in ulteriore India ge-
runtur, in citeriore res Goenses
in angustias adducta sunt. Za-
baimus enim Dalcamus in pos-
sessiones, quae Regis Emmanue-
lis nomine in cōtinenti fuerant
occupatae, Puleta camū cū trib.
millib. militū, quorum maxima
pars Turcae fuerunt, immisit. Contra hos Melraus et Ti-
moia, qui Lusitanorū partes sequebantur, quatuor ho-
minū millia, & quadraginta equites eduxerūt. Princi-
pio quidē Puletasamus in fugā versus fuit. Sed cū co-
pias dissipatas collegisset, in hostes incautos inuasit, &
Melraum atq; Timoia in effusam fugam coniecit. Hi ad
Narsinga Regē, cū exercitum maxima ex parte con-
cisum cernerent, & alium comparare minime possent,
se contulerunt. Timoia Melrao deprecatore, a Nar-
singa Rege veniam impetrauit. Deinde contra fidem,
ut rumore dissipatum fuit, Rex illi cadem per ministros
fraudu-

LIBER

fraudulenter intulit. Hac victoria sublatu Puletacamus, insulam trajcere constituit: atque primum insula habitatores ad defectionem sollicitauit. Illi fidem violare noluerunt. Hoc fuit Crisna indicio (is erat inter incolas opibus & industria princeps, & vectigalia tractabat) ad Rabellu, qui praefectus urbis erat, continuo delatum. Is aditus insule munivit, eaq; praesidia disposuit, quibus hostes omni aditu prohiberet. Sed cum Puletacamus noctem unam pluuiam & caliginosam, & tempestatibus infestam obseruaret, copias per loca, quae magis imminuta esse cognouerat, ratibus transmisit. Duas Lusitanas naues cum tormentis omnibus cepit, milites Lusitanos, qui nimis acriter obsistebant, occidit. Reliqua incolarum praesidia in urbem diffugiunt. Puletacamus excogitat, quomodo ea Lusitanorum praesidia, quae erant in urbe, foras exire cogeret, ut ita in urbem praesidio nudatam inuaderet. Coiebiquium (is unus erat ex incolarum Ducibus, qui vectigalia Regia tractabant) per unum eius ad copias educendas persuadere conatus est. Minister huius fraudis, Puletacami nomine suppresso, sic enim erat iussus, Coiebiquium alloquitur, & quasi transfuga, qui gratiam captare vellet, nunciat ducentos Turcas in oppidum, quod Goa vetus appellabatur, inuasisse. Incolas eos undique circumuenisse: Turcas erumpere conari. Si subsidium firmum mitteretur, fore, ut nemo ex turcis euaderet. Rabellus Iacobum Fernandum Fariam exploratum miserat: & mane cum acie instructa, ut, si opus esset, in hostes inueheretur, Fariam opperiebatur, cum fraudis minister interuenit, & ea, quae fuerat iussus exposuit. Rabellus Coiebiquium, quid sibi videretur, interrogat. Is authorem sibi minime fide dignum, existi-

mari

mari dicit. At Rabellus inuenta, & audacia, reiquē
benē gerende fiducia, & optimis successibus (facinora e-
nim non pauca in bellis feliciter ediderat) erectus, facile
in fraudem impulsus fuit. Itaque minimē spectato Faria
exploratoris aduentu cum equitibus quinque & trigin-
ta, & Indis quingentis egressus est. Proditor cū se quibus-
dam aperuisset, abcessit. Inde cognita fraude subste-
rant. Id Rabellus cū multum in via processisset, non
animaduertit. Cū verò iugum collis superasset, trede-
cim tantū Indis sestipatum vidit. Inde circiter mille
(tot enim intuentibus esse videbantur) hostes conspi-
catus est. Eos autem equites quinque in ordinem coge-
bant. Ibi rursus Rabellus de Coiebioquo querit, quid sibi
videretur. Male, inquit. Transfuga minimē compa-
ret: hostes sunt multo plures, quā is nunciarat: nostri
metu perterriti, subtere: fraudem esse hominis perdi-
ssimi suspicari possumus. Idcirco in urbem redeun-
dum censeo. Ego tamen in omni consilio, quod sequutus
fueris, me comitem fidelissimum, sine ulla recusatione
præstabo. Deinde cū Rabellus reliquos interrogaret,
& nemo responderet (verebantur enim, ne si utile cō-
siliū darent, id non prudentiæ, sed timiditati tribue-
retur) Rabellus inquit, Agite commilitiones: hæc est
dies, in qua quantum sit in unoquoque virtutis, appa-
rebit. Vir quidam nobilis, qui Emmanuel Cugna ap-
pellabatur, orationem illius excipiens: Hæc est, inquit,
sententia, quæ mihi maximē placet. Omnes deinde è
colle descendunt, & hostibus appropinquantes, concita-
is equis tanto impetu in eos inuecti sunt, ut omnes in-
itrus, ubi Puletacamus maiores copias è continente ve-
nientes excipiebat, compellerent. Tantus autem erat

L I B E R

hostib. metus iniectus, ut multi cū se in mare deicerēt,
 obruti fluctibus interirent. Puletacamus eos ab ef-
 fusa fuga continere non poterat. Ex Indicis copijs du-
 centi tantū (hi autem Malabares erant) aduene-
 rant, & cum Lusitanis coniuncti, hostes metu dissipa-
 tos in se quebantur. Hostes trecenti cāsi sunt. Erant in
 summo colle parinetia. A lex ita corruerāt, ut magna
 parietum pars adhuc integra permaneret. Puletaca-
 mus in eas cum Turcis octoginta, quorum pars pedites,
 pars equites erant, se à fuga recepit. Eos Rabellus cō-
 festim adoriri constituit. Coiebiquius Rabellum à co-
 natu deterrere conatus est. Ducebat enim Puletacamū
 intus latere: homines esse cum illo sanè fortes, & rabie
 atque desperatione quodlibet magnum facinus si comi-
 nus res gereretur, ausuros. Itaque prestare, eminus eos
 sine ullo periculo sagittis configere. Sibi quē illam pro-
 uinciam deposcebat. At Rabellus victoria insolēter e-
 latus, cum consilium prudens aspernaretur, cum equi-
 tibus quatuordecim (reliqui enim hostes fugientes ca-
 debant) in parietinas ingressus est. Ibi hostes eum
 duabus ex partibus aggređiuntur, & equum hastis con-
 fodiunt, & illum, ruina vehementer oppressum interi-
 munt. Simili casu Emmanuel Cognā eisdem temeritatis
 pœnas luit. reliqui ex omni parietinarum ambitu pulsi
 sunt. Hostes eos insequi noluerūt. Erat enim periculum,
 ne si rursum prælium renouaretur, propter suorum tre-
 pidationem in summum vitæ discrimine inciderent. Ita-
 que satis habuerunt eo die duos viros primarios occide-
 re, & reliquos à capitibus suis auertere. Eo die satis per-
 spectum fuit, quantum inter bonum Ducem, & stre-
 nuum militem interesset. Rabellus enim cum esset in
 armis

armis acerrimus, ea temeritatis signa dedit, ut multis consilium, quo fuerat Albuquerque Goæ præpositus, improbarent. Corebiquius autem eo die laudem viri fortis & sapientis Ducis obtinuit. Nam & valde strenuè dimicauit, & optimum consilium dedit, cui si Rebellus obtemperasset, nunquam in eam calamitatem incidisset. Reliqui omnes in ordinem reducti, Goam incolumes peruenere. Ibi communi consilio Franciscus Patroia delectus fuit, qui ciuitati præesset. Is, in quo quidem pusilli & angusti animi significatione dare visus est, oblatum munus repudiavit. Nō enim in eo statu res Goenses esse dicebat, ut quisquā vir prudēs ciuitatistuenda curam suscipere deberet. Nobilitas & cines vniuersi eam prouincia ad Iacobum Mendezium Vasconcelium detulere. Is cum munus animo sanè confidenti suscepisset, omnia, quæ ad urbis tuende defensionem necessaria videbantur, admodum strenuè comparauit. Omnem comæatum, quem potuit, in urbem intulit, munitiones instituit, vigilias disposuit, omnia impigrè & vigilanter administravit. Crisna verò cum ab illo, ut intra muros urbis suis admitteretur, enixè contenderet, id facile consequutus est. Ducenti tantum Lusitani, & Indi ex federatis sexcenti in urbe tunc inerant. His exiguis copiis erat bellum sustinendum, & obsidio etiam, si opus esset, toleranda. Puleta camus verò insule totius possessionem occupauit. Porro autem Benastarinū (est id oppidum in insule aditu, qui ad Austrum pertinet, satis ad comæatum ex continenti subuehendum, & copias arcessendas opportunum) castris delegit. In eo loco arcem instituit: maxima illius fundamenta iecit: eamque ad summum perduxit, & tormentis ingentibus, & omnibus

LIBER

bellicis instrumentis atque praesidijs egregiè munivit, ut inde tam acri bello Lusitanos vexaret, ut insulam deserere cogerentur. Et interim nunc aperto Marte, nunc ex insidijs ciuitatem oppugnabat. Sed Vasconcelius illi perpetuò repellebat. Franciscus verò Pereira Berredius cum triginta viris Lusitanis eo se contulit. Cuius aduentu, tanta erat hominum penuria, Vasconcelius mirifice letatus. At Puletacamus cum bellum extraheretur, Zabaimo suspectus esse coepit. Neque defuit, qui nomen illius apud Zabaimum proditionis insimularet. Is sororem Rozalcamo, viro Turca, & in rebus bellicis spectato desponderat. Eum Rozalcamum Zabaimus cum sex millibus militum Goam misit, & Puletacamo, ut illi exercitum traderet, imperauit. Puletacamus ea ignominia grauiter offensus, imperium Zabaimi contempsit. Rozalcamus, ut Puletacamum castris exueret, ad Vasconcelium literas dedit, quibus dicebat, Puletacamum Zabaimi iniussu in possessiones in continenti sitas, quae ad Emmanuelis imperium pertinebant, inuasisse, & in insulam traiecisse. Se cum exercitu venisse, ut a Puletacamo tanti facinoris poenas expeteret. Si Vasconcelius illi opem afferre vellet, se Puletacamum intra paucos dies ex insula finibus expulsurum. Spem deinde ostendebat libertatis Lusitanis illis, qui apud Zabaimum capti detinebantur. Iierant, qui facto naufragio, in Dabulis littus euaserant. Vasconcelius fidem homini perfido confestim adhibuit. Rozalcamus illius ope confirmatus, Puletacamum facile superauit. Quo facto tantum absfuit, ut Rozalcamus in fide permaneret, ut potius Vasconcelio ferro flammâq; miniretur. si non protinus vrbe excederet. Bellum ita redintegratum multarum,

diffi-

difficultatum causam nostris attulit. qui tamen ita hostium impetum ab urbis mœnibus reprimebant, ut iam non auderent illi ad muros accedere. Hyems appetebat, quæ cum sit in illis regionibus valdè seua atque turbulenta, maritimos exitus intercludit. Muri interim pars magna corruit. Illa ruina Rozalcamus debellatum esse credidit. Itaque ad eam partem, quam muro nudatam aduerterat, copias admouit. Ibi atrox prælium commissum est, quod ad vesperum perductum fuit. Multi ex hostibus cecidere, & è nostris etiam nonnulli, inter quos Coiebi quius fortissimè dimicans, glandis unius ictu percussus occubuit. Rozalcamus cum vicinitatem expugnare non posset, astu ut eam caperet, summo studio contendebat. Perpetuò autem tubarum concentu, & simulata incurssione nostros vigilare cogebat, ita, ut per uigilio confecti, passim deciderent. Ioannes Machiadus, cuius antea mentio non semel facta est, cum apud hostes adhuc habitu & specie Turcica versaretur, agmen unum ducebat. Is Vasconcelum per litteras admonuit, ut in locum, quem arbores binas appellant, cū primū tuba perstreperet, copias educeret. Fore namq; ut facillimè turmam hostium, quæ cum tubicine ibi solita erat consistere, profligaret. Factum est ita. Multi a nocte cæsi, reliqui in fugam compulsi sunt, & muri pars, quæ collapsa fuerat, incredibili celeritate resecta. Nostri interim fame grauissima laborabant. Nam, & hyems erat impedimento, quo minus commeatus in urbem inuehi posset: & Zabaimus omnes insule aditus obsessos tenebat, ne cibaria ex continenti importarentur. Ea fames multis occasionem attulit Christiane religionis abiurande, quæ ad Rozalcamum nocte confu-

LIBER

giebant, & in Mahumetis nomen iurabant. Hi septuaginta fuerunt, qui fidei & religionis immemores, ut corpus ad breue tempus alerent, animos in pestem sempiternam furenter & impiè detrudebant. Inter quos quidam homo honesto loco natus, cui nomen erat Fernandus Lupius, extitit. At Machiadus, qui se ad eum diè Turcam simularat, cū videret homines Christianos Sanctissimam CHRISTI religionem detestari, dolore eximium capiebat. Ea verò indignitate commotus, eo tempore, quo Christiani fame confecti, & in extremas angustias adducti videbantur, ut fidem suam factis ostenderet, voluit eiusdem laboris & arumna societatem inire. Is duos filios ex muliere Saracena susceperat, & utrunque per se aquis lustralibus in CHRISTI nomen expiarat. Hos ad se perducere iussit, ut secum in urbem intromitteret. Quod cum exequi minimè posset, facinus edidit valdè miserandum. Maluit enim in sanguinem suum sanire, quàm pueros infantes secta Mahumetis pestifera imbuendos, in hostium potestate relinquere. Itaque nocte utrunque suffocauit. Mane verò casum filiorum acerbissimum deplorauit, & suam calamitatem cū multis lacrymis lamentatus est: dicebatq; filios lamiarū pręstigijs fuisse miserabiliter extinctos. Deinde cū fingeret, se molestia leuāda gratia velle per insulā vagari, cū Lusitanis aliquot captiuis, & cū illis, q̄ CHRISTI religionē execranda perfidia violarant, ad urbis muros accessit. Ibi orationē luculentā habuit, qua de vita breuitate, de sempiternis supplicijs, de gloria immortalis differuit, & oēs adhortatus est, ut mallet in vita misera & caduca laborib. breuissimo tēporis spacio definitis torquari, quā in futura supplicijs sempiternis excrucia-

O C T A V V S.

ri. Orationē eius nemo ex illis, q̄ à religiōe defecerāt, ad aures admisit. Ipse verò cū captiuus Vascōcelij fide, quā antea, cū primū id induxerat in animū, acceperat, in urbem ingressus est. Eius aduentus nō modò latitiā Lusitanis attulit, sed animos etiam illorū ad spem salutis erexit. Id enim numine diuino factū fuisse credebant q̄ cū illis praesens adfuisset, nō dubitabant, quin salutare praesidiū esset intra breue tempus hominib. afflictis, qui opē illius implorabant, allaturū. Rozalcamus urbis oppugnationē nō intermittebat. Cū verò Vasconcelius intellexisset, eum in loco considerare, ex quo ciuitatē quate-re tormētis maximis imperabat, cū equitibus octoginta in illū inuectus est. & cū utrinque fuisset acerrimē dimicatū, nostri tandē impressione facta hostes fuderunt, & ita in urbē saluis omnib. reuersi sunt. Aliqui tamen vulnerati fuere. Rozalcamus ea nostrorū audacia perturbatus, spem expugnandae ciuitatis abiecit. Itaque oppugnatione prorsus omīssa, in eo pugnabat, ut nostros fame ad deditiōnē cōpelleret. Vasconcelius aliquid audendū ratus, Franciscū Berrediū, quauis & anni tempus, & hostiū vigilantia summū periculū nauiganti proponeret, in Baticālā misit, ut inde cōmeatū adueheret. Berredius longa naue, cui praerat, euectus, imperata tanta vigilantia & industria confecit, ut cū kalendis Iulij Goa solueret, eodē mēse viginti parones cibarijs onustos Goā, hostibus inuitis, induceret. Adhūc modū fames depulsa, & homines recreati sunt. Hac quidem in Goēnsi bello gerebantur. At Begiensis, ut fuerat ab Albuquerque iussus, Zacotorā petijt: in cursu nauē vnā cepit, & Albuquerquei, ut habebat in mādatīs, aliquot diebus expectauit. Cū verò illū ex diuturna mora minimē in

LIBER

Arabiam eo Anno nauigaturum esse cognouisset, ad Zancotoram naues appulit, & arcem disturbauit, & homines, & tormenta, & munitiones, & commeatum in naues imposuit: inde in Armuzium vela dedit, ut tributum exigeret. Tributū fuit illi sine vlla recusatione persolutum, & honores non mediocres attributi. Inde in Indiam nauigauit, & in fine mensis Augusti Goam peruenit. Illius aduentus fuit vniverse ciuitati gratissimus. Ducebat enim centum Lusitanos sanos atque beneuolentes, & bellandi peritissimos. Principio mensis eiusdem redierat ex insula Sancti Laurentij Ioannes Serranus, & Pelagius Sala, qui simili ratione magnam letitiam ciuibus vniversis attulerant. Emmanuel item Lacerda, qui cum sex nauium classe, ut oram Calecutiensem infestam faceret, Indicum illud mare peragrarat, cum primum per anni tempus lieuit, in eandem urbem commeatum varium & multiplicem, & ducentos milites Lusitanos induxit. His presidys ciuitas erecta, hostium conatus pro nihilo putauit. Mense deinde Septembri Christophorus Brittius in urbem similiter aduectus est, Is decimo nono die mensis Aprilis Olysippone ductu, Garsie Norogne soluerat. Garsia namq; Norogna, filius sororis Albuquerque, cum classe sex nauium missus in Indiam ab Emmanuele fuerat. Quatuor ex illis in Mozambiquensi insula hyemauerat, due tantum in Indiam transmiserat. Vna, cuius Arius Gama nauarchus erat, Cananorem petijt, Brittius Goam delatus est. Interim Rozalcamus bellum non segniter administrabat. Prelū iandem, in quo Brittius primum agmen duxit, satis acre commissum est: hostes fusi fugatique sunt, & magna eorum pars à nostris, qui eos insequuti sunt, ferro concisa.

*eiſa. Hoc pralio monitus Roſalcamus, ſe ſe deinde à cõ-
 fligendo continuit. Satis habebat, inſulam præſidijs te-
 nere, & arcem ſummo ſtudio munire. Ea arce perfectâ,
 in eam comnearum & munitiones conuexit, & tam va-
 lido atque firmo præſidio munivit, ut nulla ciuitas, aut
 caſtellum, quod ad Zabaimi diuionem pertineret, eſſet
 cum illa roboris multiplicis firmamento comparandum.
 Dux interim naues à Melichiazio miſſæ, cū magno fru-
 menti & orizæ numero Goam peruenere. Melichiazius
 enim cū acciperet noſtros inopia laborare, naues illas,
 ut noſtros inopia lenaret, ad Vaſconcelium miſit: ſequē
 omnia, quæ in rem Regis Emmanuelis eſſent, ſumma vo-
 luntate perfecturum, multis verbis oſtendit. Melichia-
 zio gratiæ, ut par erat, actæ ſunt, & munera etiã miſſa.
 Belli deinde ratio mutata eſt. Noſtri namquē excuſſio-
 nes in arcem Benastarienſem crebrò faciebant, & an eã
 expugnare poſſent, ſepè tentabant. Dum hæc in India
 geruntur, Pontifex Maximus Iulius ſecundus conciliũ
 Piſæ celebrandum literis publicis indixit. De rebus,
 quæ in concilio erant Regum Hiſpanorum nomine tra-
 ctandæ, Rex Emmanuel cum Rege Fernando per lega-
 tos egit. Fuit præterea negotium aliud maximi momẽti,
 quod erat per vtriuſque legatos agitandum. Erat ſub
 id tempus in Caſtello regno vir quidam valdè nobilis,
 cui nomẽ erat Petrus cognomento Baſtardus. Is fuerat
 author exiſtimatus diſſenſionum quarundam, quæ inter
 Fernandum Regem, poſt Iſabelæ vxoris obitum, cū Phi-
 lippo Rege Maximiliani filio, Fernandi ipſius genero,
 concitata fuerant. Philippo autem mortuo, cū Petrus
 Fernandi offenſionem pertimeſceret, in regnum Feſſenſe
 conceſſit. Ibi cū apud Barraxam diuerſaretur, cuius*

LIBER

tunc nomen in illa Mauritania parte erat maxime
 & virtutis & potentia magnitudine celebratum, sum-
 mam cum illo familiaritatē contraxit. Barraxa autē
 gratia, cum is se mediū per literas interposuisset, Fer-
 nandus omnibus Petri erratibus clementer ignouit. Pe-
 trus cum Barraxa literis ad Fernandum reuersus est.
 Literarum sententia huc in summa pertinebat, ut Fer-
 nandum ad bellum Fessense plurimis verbis hortaretur.
 Ad id verò Barraxa operam suam pollicebatur, sub ea
 conditione, ut Fesse Rex cum eo tributo, quod Fernan-
 do visum esset, ab eo crearetur. Hæ literæ Fernando, ut
 præ se tulit, non ingrata ceciderunt. Itaque Petrum cū
 literis ad Barraxam de eadem re continuo remisit. Pe-
 trus Alcaßarem Saguerium, quæ ciuitas tunc Regis
 Emmanuelis imperio continebatur, se contulit, & ab
 Roderico Sousa, qui tunc illi urbi præerat, hospitaliter
 acceptus est. Ibi cum Sousa Petrum de causa itine-
 ris illius percontaretur, is se dixit in grauissimam Regis
 Fernandi offensionem, non peccatis suis, sed maleuolo-
 rum hominum sermonibus rursus incidisse, & ideo Fes-
 sam discedere. Rodericus Sousa cū esset mira sagacita-
 te præditus, & in Petri verbis miram inconstantiam per-
 eiperet, & aliquid etiam suspitione consequeretur, homi-
 nem secum tantisper retinuit, dum literas, quas ad Bar-
 raxam ferebat, arte surriperet, atq; resignaret. Eas de-
 inde descripsit, & iterum summa solertia consignatas, in
 loco, unde fuerant sublata reposuit, hominemq; dimisit
 & literarum exemplū ad Emmanuelem perferendum
 curauit. Id quod animo Fernandus agitabat, Emma-
 nuel indignissime tulit. Erat enim contra pactiōē, quæ
 de regionum diuisione inter illos facta fuerat. Pactiōis
 autem

autem illius vi regnum Fessense ad ius Portugallie pertinerebat. Ut igitur illum ab ea cogitatione renocaret, legatum in Castellum misit. Fernandus interim classem maximam comparabat: & quorsum eam instrueret, silentio comprimebat. Sed tantum dicebat, sibi esse in animo, quos posset hostes Christiani nominis bello premere. Sub id tempus Fernandus literas à Pontifice Iulio percepit, quibus idem Pontifex significabat, se cum Venetijs & Heluetijs, & Maximiliano Casare, contra Ludovicum Gallie Regem societatem coire. Maximū verò belli firmamentū Fernandi ipsius societate contineri. Quapropter ab illo contendebat, ut vellet iisdem fœderibus alligari. Aliter enim regnum Neapolitanū, ne de manibus illius elaberetur, esse maximè formidandum. Tulit illud per moleste Fernandus ut tamen regni Neapolitani præsidia firmaret, se socium, fœderatis ascribi sustinuit. Emmanuelē deinde ad eiusdem fœderis societatem inuitavit. Emmanuel assentiri nullo pacto voluit. Immo cum sub id tempus sex Gallicæ irremes Duce Petro Ioanne Olyssipponem appulsæ fuissent, is Ducem commiter accepit, & cōmeatu inuit: quod Fernando offensionem haud mediocrem fama vulgabat attulisse. Verū has offensas & utriusq; probitas, et affinitas oblitteravit. Classis tamē, quam Fernandus, ut in Mauritaniā transiret, instruxerat, Italicis motibus impedita, Emmanuelem ea sollicitudine, quæ animum illius distinebat, omnino liberauit. Eodem anno Henricus Britannie Rex legatos in Lusitaniā misit. Legatio nihil aliud continebat quàm singularis amicitie signum, & fœderis antiqui sacramentum, cognationis & affinitatis memoria renouatum. Dum in Europa tempus in his rebus teritur,

Albu.

LIBER

Albuquerquecius novos Malaca motus indicij seueritate compescuit. Vt et mutaraia, qui cum illo foedus egerat, ut dictum est, opes summas habebat, & regnum, cum esset intoleranda ambitione praeclitus, affectabat. Et iam antequam Albuquerquecius Malacam oppugnasset, id molitus saepe fuerat, ut Regem insidijs pelleret, & ipse locum illius occuparet. Id tamen illi minime processerat. Id sub Albuquerquecio felicius se perfecturum confidebat. Ciuitatem enim externis & longinquis praesidijs diu teneri, difficillimum fore statuebat: & vel propter amplissimas opes, ad quas ipse peruenerat, vel propter Albuquerquecius voluntatem, quam sibi deuinxerat, vel propter ingenij calliditatem, qua sibi omnia saepenumero proponebat, imperiū ciuitatis ingenti spe, & inani quadam fiducia denorabat. Sed cū animaduerneret ciuitatis statū & formam Reip. & munerum descriptionem, longe aliter, quam fuerat opinatus, ab Albuquerquecio collocari, & arcem munitissimā sic à fundamentis institui, ut non facile sibi foret id, quod animo designabat efficere, aliā sibi rationē sceleris ineundā existimauit. Mahumetis Rex dolore nimio propter ciuitatis amissionem, ut diximus, excruciatu obierat. Is ad quem eo mortuo regni hereditas iure veniebat, pulsus fuerat. Vt et mutaraia cū eo per literas agebat, ut bellum compararet, se namq; opibus & clientelis, & artibus etiam perfecturū, ut Lusitanos facile pelleret. Hec omnia cum occultari difficillimè possint, maxime ubi quisq; victoris animum sibi conciliare studet, factum est, ut utriusque litera ultro citroq; missa in Albuquerquecius manus peruenirent. Id Albuquerquecius summa taciturnitate compressum cum Araugio solo communicauit. Cupiebat autem hominem comprehendere, quod

quod propter illius summam potentiam fieri non poterat, nisi eum in arcē aliqua ratione pertraheret. Quod Vetimutaraia facere recusabat. Nam praterquam quod illum sceleris conscientia timere compellebat, intelligebat de tyrannide illius apud Albuquerqueium frequentes querimonias haberi. Euenit interim, vt Persa quidam certum munus ab Albuquerqueio flagitaret. Respondit ille se nemini publicum aliquod munus, nisi primarios ciuitatis viros, primum consuleret, assignaturum. Principes igitur ciuitatis acciret, & tum demum se de illorū sententia, quod optimum factu esset, libentissimè decreturū Persa cū esset Vetimutaraia valdè familiaris, et suspicaretur, illo ad Albuquerqueium perducto, se omnia quæ vellet impetraturum, hominem cum filio atq; genero, qui coniurationis erant participes, ad Albuquerqueiū facile perduxit. Non enim solū officio, verū & honoris illius specie prouocati sunt, vt minime conuentum illi vitarent. Illis ad hunc modum intromissis iniecta vincula confestim sunt, & iudiciū ordine solito constitutum & patroni, qui causam illorum defenderent, assignati. Capita accusationis præcipua hæc erant. Quòd regni heredem ad regnum armis repetendum, & arcem expugnandam, et exitium Lusitanis afferendum sollicitasset: quòd Lassamanā ab officio, quod Emmanueli Regi præstare cupiebat, auertisset: quòd illius consilio scelus in Siqueira pestem atque perniciem conflatum fuisset: quòd multis Lusitanis, qui cum Siqueira fuerant, crudelissima cædis causam attulisset: quòd opera illius Christiani quidam ex illis, cū multis incommodis premerentur, à Christi religione decessissent: quòd gener illius atque filius, qui cum illo vincti tenebantur, illius auctoritate permoti

L I B E R

permoti, eiusdē sceleris socij & administri fuissent. Vteti-
mutaraia quaedam negabat, quaedam verò manu conui-
ctus negare non poterat. Itaque ad misericordiam con-
uersus, veniam suppliciter implorabat. Tandem indicys
& testibus apertissimè conuictus, capite cum filio & ge-
nero damnatus est. Fuit de tribus illis hominibus sup-
plicium publice sumptum, & illorum ades disturbata,
ne quod extaret in ciuitate hominum monumentum.
Hoc iudicium Albuquerque laudes apud eos homines e-
gregiè cumulauit. Hominem namque esse dicebant, qui
non solum in bello hostes vinceret, sed in pace tyranni-
dem iudicij seueritate & constantia perfligaret. Et cum
hominum improborum interitu latarentur, tum non
mediocri metu fracti, cogitabant, non esse sub eo homine
peccandum, quem nullius opes à iudiciorum seueritate
deducerent. Postquam verò illud scelus vindicatum de-
buit supplicio fuit, insulas, quas Malucas appellant, ex-
plorare constituit. Tres igitur naues instruxit: illis An-
tonium Abreum praefecit, qui Malaca in fine Decē-
bris mensis, Anno, M. D. xj. soluit, & cursum ad or-
zum Solis instituit. Albuquerque verò cum in Indiam
citra Gangem redire festinaret, munus, quod Vtetimuta-
raia commiserat, nempe ut Saracenis ius administra-
ret, ad Patecairum, qui secundum Vtetimutaraiam
opibus & authoritate Princeps habebatur, continuo de-
tuit. Is Vtetimutaraiam oderat, eo quòd filiam, quam
amabat, illi de spondere nulla conditione voluerat. Post
quam verò magistratum iniuit, vehementer Lusitano-
rum voluntates specie quadam probitatis allexit. At
Vtetimutaraia uxor cum viri cadem ulcisci cuperet,
Patecairum & filiae nuptijs, & promissis ingentibus

et traduxit, ut bellum Lusitanis moliretur. Mulier enim se sex millia militum fortium illi tradituram promisit, quibus, si vir esse vellet, facile Lusitanos inopinantes opprimeret. Patecaturus & amore, & auaritia, & ambitione cecatus (non desperabat enim, modo adniti vellet, se regni opibus potiturum) mulieris precibus assensus est. Itaque minimè procrastinandum ratus, nuptiis primùm summo silentio celebratis, frequentiore civitatis partem, coniectis ignibus incendere festinavit, & multos incolas occidit. Albuquerque confestim occurrit, hominemque armis expulit, & in fugam convertit. Is in loco, quem Opi nominant, non procul ab urbe distante, in quo sedem & domicilium habebat tandem constituit, quem vallo & fossa & tormentis, varioque armorum & telorum genere munivit, & inde crebris excursionibus urbis incolas sæpè perterruit. Sed Albuquerque eam ad hominis audaciam comprimendam industriam adhibuit, ut is malis edoctus, facile se ab inferendo maleficio contineret. Albuquerque deinde cum iter suscipere vellet, arcis & urbis præfecturam Roderico Brittio Palatino commisit: quæsturam Araugio tradidit: Fernandum Petreium, Andradium, maritimis rebus præfecit: quæstura scribas instituit: Ninachetnensem incolas, qui non essent Mahumetana secta imbutis, ius dicere iussit. Incola hunc magistratum Xabanderem appellant. Saracenos secundum varias regiones distribuit, & singulis proprium rectorem, qui eos regeret, assignavit. Omnes tamen Brittij imperium sequi præcepit. Zainalus interim veniam ab Albuquerque per nuncios postulavit. Fatebatur autem, se desperatione victum ab eo desciuisse.

Non e-

LIBER

Non enim putabat fieri posse, maxime cum bellum differri conspiceret, ut is urbem opulentissimam ea classe quã ducebat, expugnaret. Tunc vero Lusitanorum virtute perspecta arbitrari, nihil tam munitum fore, quod non eorum armis atque virtuti cederet. Errori veniam tribueret, & dexteram in bellis inuictam sibi porrigeret, ut testatum esset apud omnes mortales, illum non magis virtutis robore, quam clementia laude præcellere. Albuquercius hominem data fide ad se venire iussit. Is iterum ut se in regnum restituat, suppliciter orat. Albuquercius se id facturum promisit. Verum tempus elabi, quod si prætermitteret, iter sibi fluctibus interclusum iri. Se postquam Goam peruenierit, & urbis statum constituerit, operam daturum, ut eum in regnum reduceret. Zainalus cum sibi verba dari suspicaretur, iterum clam cum suis omnibus ab urbe discessit. Albuquercius autem relictis in urbe trecentis Lusitanis, in classe verò ducentis præter Indos milites, & aliquot etiam Malacenses, quorum fidei opera nostri usi fuerant, cum quatuor tantum navibus Malaca profectus est. Cum verò Zamatra oram præterueheretur, coorta subito tempestas illum, quem primum potuit portum subire, & anchoras iacere compulit. Ita tamen magni fluctus eiciebantur, ut nullis anchoris navis prætoriam firmari posset. Factum igitur est, ut ad rupem, quæ sub fluctus latebat, allisa frangeretur. Prora continuo submersa fuit. Puppis verò cum in saxo subsideret, è fluctibus eminebat. Aqua tamen sentinam compleuerat, & omnia, præter homines, qui in puppi se contulerant, fluctibus ipsis obruta perierunt. Qui erant in prora, cum eam mergi conspicerent, tabulis & dolis innixi, partim in Pacemense litus enatarunt, partim

partim verò fluctibus hausti sunt. Nox erat, densa caligo, turbines atque procella, tonitrua & fulgura terrorem cunctis iniecerant, & spem salutis inciderant: votis, & precibus, & sublati in calum clamoribus, veniam animis suis cum lacrymis & singultu flagitabant. Albuquerque cum animaduerneret puerum infantem aquis in nauem influentibus penè mergi, illum sublatum humeris tantisper sustinuit, dum alia ex naui auxiliū adueniret. Hac autem effatus est. Huius innocentia fretus, confido me CHRISTI benignitate e fluctibus emerfurum. In hoc discrimine cum e naui, cuius nauarchus erat Petrus Alpoëmus, qui iuridicundo praeerat, scapha demissa, & in nauem pratoriam remis vehementer impulsā fuisset, Albuquerque & reliqui in nauem Alpoëmi aducti sunt. Gregorius Nonius Leo, qui alij naui praeerat, vi tempestatis a classe disiunctus est. Qui erant in alia naui, cui Simonem Martinum Albuquerque praefecerat, in qua tredecim tantum Lusitani vehabantur, & Leoni commissa fuerat, cum Iaoenses & Malacenses essent, Lusitanosq; omni praesidio destitutos aspicerent, in nauarchum, qui tunc graui morbo iactabatur, in alios insurgentes, omnes trucidauerunt. Quatuor tantum nautae scapham adepti, in Pacemense litus euaserunt: & naus ipsa in portum Timiamensis ciuitatis, quae est in eadem ora Zamatrensi sita, ventis delata, & deinde fluctibus oppressa fuit. Sedata tempestate, Albuquerque institutum cursum tenuit. Hominum multitudo quae in Alpoëmensē nauē cum Albuquerque traducta fuerat, erat valde magna, & commeatus penuria vexabatur. Nihil tamen eos acrius, quam hiis afflictabat, qua quidem omnes funditus interis-

Kk

sent,

LIBER

sent, nisi duas naues, in quas inciderūt, acceperant, aquas
 & cibarijs onustas. In unam harū duarū nauū Simonē
 Andradium cum quindecim viris Lusitanis imposuit,
 & illius nauarchum pro obside cum aliquot Saracenis
 secum retinuit. Saracenus quidam erat nauis illius ma-
 gister, qui ita illam gubernauit, ut Lusitanos omnes in
 insulam unam ex illis, quas Maldiuenses appellant, quae
 Calecutiensium militū copia referta erat, induceret: ubi
 omnes cōtrucidati fuissent, nisi hostes veriti fuissent, ne
 pœnas illius immanitatis Albuquerqueius ab eis, quos re-
 tinuerat, ut ius & fas efflagitabat, ex peteret. Omnes
 tandem, qui euadere potuerunt, multis incommodis a-
 gitati, Cochimum peruenēre. Omnes opes amissa sunt,
 nihil tamen Albuquerqueium ea iactura commouebat.
 Id tantum moleste ferebat, quod duos leonēs ē ferro sin-
 gulari opere perfectos, & armillam, quae sanguinem si-
 stebat, amisset: quae omnia cum multis donis Emma-
 nueli Regi mittere destinauerat. Cochimum initio Fe-
 bruarij, Anno salutis M. D. Xij. peruenit. Ibi cum
 de rebus Goae gestis certior factus fuisset, octo celoces cum
 valido militum praesidio cōfestim in eam insulam misit,
 & Emmanuele Lacerdā urbi preposuit, sequē illi sub-
 sidiū intra paucos dies allaturū confirmavit. Lacerda
 cōfestim rescripsit, non esse cur approperearet. Cuius
 esse munissimam. Expectaret ē Lusitania naues, ut cū
 maioribus copijs posset castellum Benastariense capere.
 Secus enim se minimē dignitatis arbitrari, eum in insu-
 lam nauigare, nisi copijs illis stipatum, quibus castellum
 expugnaret. Assensit Albuquerqueius, & interim ani-
 maduertit in flagitia, quae fuerant illo absente à Lu-
 sitanis commissa. Sed nihil acerbius iulit, quam il-
 lorum

orum opera, qui fustuarium propter scelera meriti fuerant, Simonem Rangelum, quod eos reprehenderet, in exilium pulsum fuisse: qui deinde à Saracenis in via captus, & in Arabiam perductus fuerat. Eo tempore Petrus Mascaregnas, qui cum Garsia Norogna Olyppone soluerat, Cochimū aduectus est, & nunciauit, Norognam breui cum reliquis nauibus adfuturum. Legatus præterea quidam à Rege omnium, qui Maldenses in insulas imperio tenebant, amplissimo, ad illum venit, & ab eo nomine Regis sui postulauit, ut illum in fidē & clientelam reciperet. Illum namque velle Regis Emanuelis imperio subdi, & tributum constitutū summā fide persolvere. Huius promissi fides statim fuit rite percussū, & Saracenus quidam, Mamelles nomine, qui aliquot illius insulas occuparat, ex illis excedere iussus. Quod sine ulla recusatione confectum repente fuit. Hec quidem in India gerebantur, quo ferme tempore Regina Maria initio mēsis Februarij filium edidit, Emmanueli patri specie & forma simillimum, qui HENRICVS appellatus est. Eodem die, quo Princeps hic in lucē editus est, Olyssippo (in qua quidem vrbe propter summam celi temperiem, monstri simile est, partem aliquam niuis inueneri) plurima niue conspersa fuit: quod multi sic interpretati sunt, ea niue mentis candorē, vitā puritatem & continentiam, virtutis eximie sēcunditatem, quā in hoc Principe mirabiliter eluxit, prænotratam fuisse. Sed ut auguria prætermittamus, hoc plane cōstat in illius probitate, virtute, religione, constantia, & in sanctitatis exemplo Lusitani imperij firmiter consistere. At in India ulteriore, postq̃ Alluquerqueius Malaca profectus est, urbis incolæ tam Saraceni, quam

OCTAVVS.

simulacrorū superstitione conflictati, qui Lusitanorum
partibus studebant, ex animati metu vagabantur. Nec
enim existimabant illo absente hostium inspetum ab eo-
rum capitibus propulsari posse. Vt autē magis anxie tre-
pidarent, rumor emanauit, Lasamanem cum maxima
classe contra Lusitanos instructa tantū nō appropin-
quare. Andradius illi, antē quā in portu intraret, ob-
uiam eundum censuit. Patecatirus, qui omnia per ex-
ploratores nouerat, cū accepisset, Andradium ē por-
tu soluisse, ut cum Lasamane confligeret, nocte in urbem
ingressus est: & Aphractū, cui Alfonso Chiaignus ad-
olescens valdē strenuus præerat, cū improviso adori-
retur, cepit: Chiaignum acriter resistentem interfecit:
reliquos, qui cū illo erant, captiuos abduxit. In Aphra-
cto tormentū ingens erat, Camellum appellant, illud et-
iam Aphracto cōnexit. Andradius Lasamanis classē
eū minimē reperisset, in portum reuersus Patecatiri sta-
tionem oppugnare constituit. Alfonso Personam cum
mille & quingentis hominibus Indis, & paucis Lusita-
nis, terra secundum littus ire iussit, ut eodem tempore
terra atque mari Patecatiri munitio oppugnaretur. I-
pse lembis & celocibus inuectus, fluiuium astu secundo
subijt. Georgium verò Botellū, agminis primi Ducem,
hostes acriter inuadere iussit. Andradius continuo sub-
sequutus est. Alfonso Persona simul ē terra impetū fe-
cit. Munitio cum magna hostiū cade capta, & præsidia
in effusam fugam compulsa sunt. Ibi ligneum truncum
magna crassitudine recentis sanguine conspersum aspi-
ciunt. Is enim, qui tormento præerat, & a Patecatiro
cum reliquis in seruitutem abductus fuerat, iussus est
illud in Andradium dirigere. Is morte proposita, ne
tantum

tantum in se scelus admitteret, mortem oppetere maluit, quàm CHRISTI numen offendere. Eare Patecatirus grauitèr offensus, illi caput in eodem trunco securi præcidi confestim imperauit. Dum verò alij castra diripiunt, alij tormenta cum Camelo, quem diximus, in naues inferunt, alij stationem subiectis ignibus incendunt, apparuit repentè Saracenorum acies instructa. Hi erant quadringenti, cum tribus Elephantis ingentibus, quorum singuli castella singula portabāt. Viceni sagittarij in singulis castellis inerant. Georgius Botellius cū turma, quam ducebat, prior, eo quod propius fortè constiterat, in hoc agmen incurrit, suosq; admonuit, vt Elephantum, qui præcedebat, omitterent, rectorem tantum peterent. Hi cū viam Elephanto aperuissent, rectorem hastis undique sublatum interimunt. Elephātus rectore destitutus constitit. Cū verò quidā è capha Geor. Botlly q. tormētis præerat, Elephanti corula percussisset, Elephāntus repentè cōcidit. Hac ruina reliqui consternati diffugiunt, & Saraceni similiter in fugam versi sunt. Naues erant in fluuio mercibus onustæ, quæ direptæ continuò fuerunt. Nostri re benè gestā in urbē rediēre. Patecatirus inde digressus quatuor passuum millia, locum alium magis natura munitū maiore vallo sep̄sit, validioreq; præsidio munivit. Illum deinde locum Andradius aggressus est. Primā stationē (quatuor enim erant) cepit, & incēdit. Cū tamen reliquas inuasisset, tanta hostium multitudo ab eo, qui se Malacæ Regem nominabat, immissa fuit, vt nostros repelleret. In hac pugna duodecim è nostris desiderati sunt, inter quos Rodericus Arangius, & Christophorus Mascaregnas, & Georgius Garcesius, & Antonius Azenedius

L I B E R

exiit. Andradius & Petrus Faria cum multis alijs
vulnerati sunt. Hac victoria Patecatirus insolenter e-
latus, animum addidit Principi, qui ad regnum Ma-
laca, ut diximus, aspirabat. Is continuo Lasamanem
admonuit, ut cum classe, quam instructam habebat, se
cum classibus Regis Darguimensis (Regnum illud ad
Astrum pertinet, & est Malaca finitimum) qui illi
contra Lusitanos opem afferebat, coniungeret, & Ma-
laca portum obsideret. Andradius cum exploratū ha-
buisset, Lasamanem in ostio fluminis, quod Muar appel-
latur, classē constituisse eō inuēctus, classē est ag gres-
sus. Praliū fuit atrocissimum, & ab uno die in sequen-
tem ductum. Lusitani tamē victoriā consequuti fuerūt:
hostes partim cāsi, partim in fugam pulsī, permultae na-
ues incensae sunt. Sub id tempus tres naues cū praesidijs,
& munitionib. & fabris, ab Albuquerque missae Ma-
lacā venēre. Ciuitas tamen commeatus inopia labora-
bat. Andradius, ut ciues ea inopia leuaret, fretū Cin-
capura petiit (id aut Australem & ultimā regionis il-
lius partem a continente dirimit) & nauem Patecati-
ri in aximam commeatu onustam cepit: deinde Mala-
cam reuersus, Lupum Azuecium, & Georgium Ba-
tellium eodem iterum misit, qui inde tres alias Pateca-
tiri naues cibarijs oneratas similiter abduxerunt. Geor-
gius item Gomecius Cugna ē Peguēsi Regno (Rex e-
nim cum Albuquerque pacem firmārat) cum alia na-
ue cōmeatu similiter referta Malacā aduēctus est. Eo-
dem etiam tempore Antonius Miranda ē Siamensi re-
gno, in quo fuit a Rege multis honoribus magnisq. mu-
neribus affectus, Malacā venit. Rodericus Britius rei
benē gerendae occasionem omittendam minimē puta-
uit,

uit. Idcirco classem apparauit, qua nostri Patecatirum animo iam fractum, & inopia propter amissum com-
 meatum grauissimè laborantem opprimerent. Illamquæ
 Andradio tradidit. Is cum alijs Ducibus in hostes ira
 perrexit. Primū agmen Georgio Botello, & Petro Per-
 sone commisit. Is cum maximo impetu primam statio-
 nem aggressi fuissent, eā cum magna hostium cade trās-
 gressi sunt: alias deinde duas expugnârunt. Hostes tan-
 dem se fuga proripuerunt. In eo pratio Franciscus Ma-
 chiadus unum Elephantum occidit: alius captus, &
 Malacam adductus fuit: duo (quatuor enim erāt) fu-
 gerunt. Eo casu Patecatirus exanimatus, in Iauenses
 insulas cum opibus & familia confugit. Is, qui se Regem
 appellabat, in aliam insulam ad ortum Solis obiectam,
 Bintam appellat, se recepit. Lasamana similiter, ut no-
 strorum congressum vitaret, mare nostris liberum reli-
 quit. Andradius in urbem reuersus, ciues omni mole-
 stia & solitudine liberauit. Antonius Abreu sub idē
 tempus Malacā rediit. Nec enim potuit insulas, in quas
 Albuquerque iussu profectus fuerat, propter aduersam
 tempestatem, penitus explorare. In insulam tamen,
 Amboinum appellant, qua non procul a Malucis ab-
 est, delatus est: unde Garofy pondus aliquod aspor-
 tauit. Inde insulas Banda (quinque autem sunt ad
 Austrum sita) petiit. Ibi tellus arbores, qua nuces il-
 las, quas noscadas appellant, efferunt, passim profun-
 dit. Arbores dicuntur esse Lauris simillima: flores
 quos efferunt, aiunt florum, quos mali Persica ferunt,
 speciem atque similitudinem referre. Gens est agre-
 stis & fera: Regem se imperio, quoties eis lubet,
 abdicare compellunt, seniorumquæ consilium, quo

LIBER

regantur, instituūt. Et sic variè statum Reip. commu-
tant. Franciscus porro Serranus tempestate similiter
iactatus, in insula quadam, quæ una est ex Malucis, &
Ternates appellatur, naufragium fecit. Qui tamen ab
insula Rege comiter acceptus, multisquē muneribus
ornatus fuit. Hac in orientis Solis regionibus gereban-
tur. Cū verò Albuquerqueius bellum maxima vigilā-
tia comparasset, Garsia Norogna, qui Mozambiquē,
ut dictum est, hyemauerat, interuenit. Duo autem Du-
ces, quorum unus Georgius Melius Pereia, alter Gar-
sia Sousa nominabatur, qui eo anno profecti Olyssipponē
fuerāt secundis tempestatib. vsq. cū classe duodecim na-
uiū similiter appulerūt. Erant in his nauib. supra duo
millia Lusitanorū. Albuquerqueius classe sedecim naviū
instructa, Cochimo profectus est. Petrus Mascaregnus
quāuis iam fuisset in Cochimensis arcis præfectura con-
stitutus, asseruit tamē se nullo modo passurū, ut bellum
illud se absente cōficeretur. Arce interim aliq. cōmissa,
in eadē classe vectus fuit. Albuquerqueius in cursu Cana-
noris arcē Georgio Melio tradidit, & dissensiones inter
mercatores Saracenos eiusdem ciuitatis incolas & Lu-
sitanos summa æquitate sustulit: deinde Baticalā adue-
ctus, ad urbis præfētū misit, qui diceret, se compertum
habere nauem vnā Calecutio cum maximo numero pi-
peris aduectam, quæ ad ius Saraceni, qui emerat Simo-
nem Rangelum, pertinebat, eāquē, ut sibi confestim tra-
deret, imperabat. Quod sine recusatione factum est, &
nauis Cochimum continuo deducta. Ibi Iudeus quidam
litteras à Lusitanis illis q. ut dictū est, cū Georgio Qua-
dra nauarcho à classe Lemij aduersa tempestate segre-
gati, naufragiū fecerant, & à Saracenis captiui detine-
bantur,

pantur, attulit, quibus significabant, Sultanum in ostio,
sinus Arabici arcem fundare, & Aden expugnare con-
stituisse. Onorem deinde praterueto Iudæus alius eadem
nunciauit, adiecitque, nihil fore facilius Albuquerque,
quam ciuitatem illam capere, antè quàm Sultanus ad
eam copias suas adduceret gentè ab eo defecisse, & offen-
sionem illius extimescere. Idcirco facilius Lusitanorum
imperium, quod clementissimum fore confidebat, quàm
illius tyrannidem subituram. Melraus ibi Albuquer-
cium conuenit, illumque admonuit, Zabaimum xx.
hominum milia conscribere, ut Benastarinum copijs
amplificatis fortius communiret. Proinde si vellet Be-
nastarinum capere, properaret, antequam exercitus
ille posset cum reliquo, qui oppidum tenebat, coniun-
gi. Itaque nullam moram Albuquerque interposuit,
quin statim Goampeteres, & classe Benastarinum ob-
sideret. At quierant in oppido, classẽ tormentis acer-
rimè quatiebant, præcipuè verò Camelus quidam (sic e-
nim genus illud tormenti nominatur) plurimum damni
nauibz inferebat. Sed opera excellentis artificis, qui tor-
mentis præerat, cum globis tormento, quod Spheram
appellant, per os Cameli missus cum horrendo fragore
fussit, Camelus continuo dilaceratus & nostri illius me-
tu liberati fuere. Albuquerque urbem, ut inde cum co-
pijs Benastarinum veniret, & terra hostes inclusos gra-
uietiam obsidione continuo premeret, petijt. At Rozal-
cumus cum equitibus ducentis & quinquaginta, & ma-
ximo peditum numero ex oppido egressus, Goam versus
iter instituit. Illi verò Petrus Mascaregnas, & Garfia
Norogna, & Emmanuel Lacerda, & Lupus Vascius
de sancto Pelagio, & Ioannes Fidalgus, & Rodericus

LIBER

Quandissalvus Camigna, obuiam prodire. Prælium commissum fuit, hostes fusi sunt: nostri in oppidum eos insequenti tanto impetu ferebantur, ut hastis innixi in muros scandere conarentur. Qui tamen acrius eo die rem gesserunt, fuere Lupus Vascius de sancto Pelagio, & Petrus Mascaregnas. Qui oppidum tutabantur, omni telorum genere nostros detrudebant. Nonnulli cæsi, & quamplurimi vulnerati sunt. Emmanuel Lacerda saxo percussus, ex equo, quo vehebatur, in terram decidit, & occisus fuisset, ni Ioannes Decius illi opem confestim attulisset. Quod si Albuquerqueius, qui nostros rabie quadam furentes a muris abduxit, non accessisset, magnam ea die Lusitani cladem accepissent. Nemo enim eos impedire poterat, quò minus hastis in arcem euadere niterentur. Albuquerqueius in urbem regressus, post quos dies copias omnes eduxit, illis tantum relictis, quas ad urbis custodiam necessarias esse conspexit. Habebat autem tunc sub signis Lusitanorum tria millia, ad hac Indorum cohortes aliquot erant admixta. Exercitum tormēta inuecta curribus antecedeabant, testudines admouebantur, & omnia, quæ ad oppugnationem erant necessaria, summo studio fuerant ab Albuquerqueio comparata. Castris positis, nostri oppidum & arcem terra marique summis viribus oppugnare constituunt. Sederat ea oppugnatio difficillima. Oppidum namque erat muris latissimis cinctum: turres admodum frequentes, è quibus densa pile nocte atque die coniectæ, multis necem afferebant. Quò autem Lusitani vehementius rem gerebant, eò periculum grauius adibant, & omnes eorum conatus in nihilum recidebant. Vnum tantum genus erat oppugnationis acerrimum, nempe fames, quæ exercitus hostium erat in

gras in summas angustias inductus. In eo enim Albu-
quercius omnes nervos intenderat, ne quidquam cibi in-
tromitti in oppidum posset. Omnes namque aditus erant
nauibz obfessi, & commeatus, qui antea fuerant impor-
tati, propter hominum multitudinem consumpti. Rozal-
camus hac necessitate coactus, experiri voluit, an posset
eruptione facta se se ex obsidione, qua premebatur, exi-
mere. Nocte igitur de quarta vigilia, aliquot instructas
acies cum Ducibus sanè fortibus emisit: ipse ad portam
substitit, ut presidia submitteret. Qui exierant, nimis a-
criter in stationem, cui praeerat Emmanuel Sousa Ta-
naris, irruerunt, ipsum Sosam fortissimè dimicantem
conuulnerarunt, & copias, quibus erat praefectus, cedere
compulerunt, usque eò, dum in aliam stationem, cui pra-
fectus erat Garsia Norogna, qui subsidio occurrebat, si-
militer inuaderent. Ita cum & fames & rabies eos inci-
taret, Norognam etiam cedere coegerunt. Petrus Mas-
caregnas cum instructis cohortibus accedens, Lusitanos
dissipatos in ordinem recepit, & hostibus animo magno
repugnauit. Praelium tanta virique pertinacia, com-
missum fuit, ut res non tormentis, nec hastis, sed gladijs,
& pugionibus, & interdum etiam lacertis gereretur. Ho-
stes tamen cum ulterius progredi non possent, in oppidū
incolumes redierunt. Albuquerqueius, ne hostes possent de-
inceps erumpere, fossam latiore duxit, vallumque fir-
mius munivit. Hostes in extremum discrimen addu-
cti, pacem petierunt. Pax his conditionibus facta fuit.
Ut hostes traderent omnes Christianos, qui ad eos trans-
fugerāt, & CHRISTI religionē violarāt. Ut traderet
praeterea naues duas, quas, dum in insulam traiecerunt,
in aditu Noroënsi ceperāt, & oppidum, & arcē cū equis,
armis,

LIBER

armis, & tormentis, & omnem præterea classē, quæ in insula consistebat. Albuquerqueius verò fidem dedit, se eos cum bonis omnibus abire permissurum, & Lusitanis, qui religionem abiurauerant, necem haudquaquam illaturum. His rebus summa fide confectis, hostes in continentem traiecerunt: nostri in oppidum ingressi sunt. Albuquerqueius in urbē regressus est. Lusitani, qui apud Saracenos in Mahumetis nomen iurauerant, cæsi quidem minimè sunt, sed ne quisquam auderet eorum scelus imitari, illud ab Albuquerqueio exemplum editum fuit, quo non minus, quàm si capitali supplicio omnes affecisset, terrorem multis incussit. Omnibus enim nares, & aures, & dexteras manus, & sinistrarum pollices abscindi præcepit. In his fuit Fernandus Lupius, cuius mentio facta est, qui postea à classē, quæ in Lusitaniā nauigabat, in insula Sanctæ Helena derelictus, eam insulam admirabilis sagacitate & industria frugibus, & oleribus, & arboribus ita conseruit, ut cū ex India redeuntes nostri naues gratia aquationis appellunt, mirè reficiantur. Albuquerqueius his rebus gestis, Norognam Cochimum misit, ut classē, quæ erat in Lusitanā profectura, diligenter instrueret. Et deinde mare, quod ad Calecutij oram pertinet, obseruaret, ne vlla naus Arabia egredi è portu posset, quin statim caperetur. Aliam deinde classē Garfia Souza commisit, qua naues omnes, quæ cū equis è Perside veniebāt, Goa portum subire compelleret. Eos autem, qui portum intrabant, comiter excipiebat, & de portorijs aliquid diminuebant qua libertae commoti mercatores, eò cū equis & alijs mercibus libentissimè commeabant. Sic factum est, ut portus vectigalia multò maiore pretio conducerentur. Rex Vengapor

(est autem Vengapor Regio mediterranea, cum Zabaimi regione continens) legatum ad Albuquerqueiū de pace misit. Nomen enim illius per omnes illas terras cum hominum admiratione vagabatur, et multi ob eam causam, Regis Emmanuelis imperium sequi volebant, ut in illius tutela constituti, aliorum Principum tyrannidem declinarent. Legatus ephippia, frontalia, phaleras, & tegumenta, quibus equi insternuntur, & ornatur, Regis sui nomine ad Albuquerqueiū deferbat. Legatio verò nihil aliud continebat, quàm amicitie cupiditatem, qua princeps ille dicebat se vehementer incensum esse, & bellum cum Zabaimo, si opus esset, facturū, & Lusitanis cibaria suppeditarum nullumque officium hominis fidelissimi, quod ad Regis Emmanuelis obsequium pertineret, omisurum. Hoc autem postulabat, ut liceret sibi equos trecentos precio, ut alij faciebant, persoluto, ex urbe singulis annis educere. Fuit huic postulatio satisfactum, & legatus honorificè dimissus. Legatum deinde ad Narsingæ Regem cum muneribus instituit, qui ab illo Baticalam, quæ erat in ora Malabarensi sita, Emmanuelis Regis nomine postularet. Ora Malabarensis Cananore incipiens, Cori promontorio definitur. Ciuitas autem Baticala ad Narsingæ imperium pertinebat. Quamuis autem esset parum fructuosa, & multis periculis obiecta, Emmanuelis tamen rationibus valdè conducebat, eam presidio illius cinctam teneri. Legatus fuit Gaspar Chanosa, qui iam eò cum legatione missus extiterat. Sub idē tempus Zabaimus Dalcamus duos legatos ad Albuquerqueiū misit, & per eos pacem postulabat, & potestatem sibi dari petebat equos emendi, quibus in bellis contra finitimas gentes vteretur.

Id est.

L I B E R

Id etiā concessū fuit, & Iacobus Fernandus Faria ad eū
missus, qui pacis & amicitia fœdus sub certis cōditionib.
sanciret. Melichiazus legatum etiā cum naue com-
meatu & cibariis onusta ad Albuquerque misit, ut illi
de capta Malaca gratularetur, & ipsū Melichiazū
perpetuū in illius potestate futurum, multis verbis osten-
deret. Is Melichiazio gratias egit, & legatum muneri-
bus affectum dimisit, & commeatum muneribus alijs
Melichiazio donatis compensavit. Legatū præterea Cā-
baiensis Regis, qui Lusitanos captivos adduxerat, mu-
neribus similiter ornatum in patriam remisit. Eodem
tempore fuit certior factus Albuquerque, legatum ab
Æthiopia imperatore ad Regem Emmanuelem missū
à Dabulensi præfecto vinctum custodiri. Hoc cū
percepisset, misit continuo qui nomine illius à Dabulis
præfecto peteret, ut legatum missum repente faceret. Is
sine vlla recusatione paruit: & legatus Goam perductus
cum solenni pompa, & sacerdotum cantibus exceptus
fuit. Gerebat enim crucem ex ligno Crucis illius, in quā
CHRISTVS, generis humani conditor atque liberator,
sublatus fuerat, perfectam, quam Æthiopia Imperator
Regi Emmanueli dono mittebat. Omnes autem maxi-
mè letabantur, cū cerneret in illis regionibus, tam lon-
go intervallo ab Europa distantibus, legatum Christiani
Principis, cuius fiducia erecti confidebant futurum, ut
ubique CHRISTI nomen sanctè coleretur. Alium et-
iam legatum Regis Armuziensis cum literis & manda-
tis à se dimisit. Dum hæc fiunt, Garfæ Norogna impera-
ta conficit, & nauibus, quæ erant in Lusitaniam profe-
ctura, comparatis, Calecutiense mare diligenter obser-
uat. Interim Naubendarimus regni heres, qui, ut dixi-

mus,

vius, in Lusitanos voluntate propendebat, ad Norognā
 literas misit, quibus continebatur, se, si Albuquerqueius id
 non aspernaretur, inter illum & auunculum pacis in-
 terpreterem futurum, atque perfecturum, ut nostris in vr-
 bo Calecutiensis potestas arcis edificanda fieret, Hoc No-
 rognā Albuquerqueio significavit. Id fuit Albuquerqueio
 gratissimum. In mare enim Arabicum navigare statue-
 bat, & ea de causa cupiebat res Indicas omni belli motu
 liberatas, & optimè constitutas relinquere. Pax facta
 fuit, & arcis fundamenta in eo loco, ubi Regis ades, in
 quas Albuquerqueius primus inuaserat, extructæ fue-
 rant, iacta sunt. Is verò mense Martio, Anno salutis
 M. D. xiiij. cum classe, de qua suo loco memorabimus, ut
 in Arabicum sinum penetraret, Goa profectus est.
 Hoc anno Barraxa & Almandarinus in Mauritania
 earum ciuitatum, quas tuebantur, finibus egressi, in
 Mauro's Regis Emmanuelis stipendarios inuasere:
 agris & frugibus inflammationem intulere: in agrum
 Arzilensem excursionem facientes, eum populati sunt.
 Inde in Tingitanum agrum concessere. Odoardus Me-
 nesius, qui Tingitana ciuitati præerat, habito consilio,
 quid agendum sit, deliberat. At interim hostes excurrētes
 manipulos in areas congestos (nondum enim fruges ex-
 cussæ fuerant) incendunt. Flamma frequentibus in areis
 excitata, noctis tenebras dispulerat, ita, ut nostri hostiū
 multitudinem è mœnibus aspicerent. Nostris vigilare, &
 arma comparare, omnibusque rebus, quæ ad hostium
 imperum repellendum, siue quæ ad obsidionem toleran-
 dam usui esse possent, providere. Odoardus Mene-
 sius exploratum miserat, & cū primum diluxit, quid
 exploratores afferrent, ad portā armatus cū instructis
 copijs

LIBER

copijs expectabat. Renunciant illi, hostes post colles, in quibus specula erant constituta, consedissee: magnam equitum & peditum multitudinem videri. Cũ tam exiguis copijs non esse sapientis Ducis, velle in hostes multitudine feroces, & successibus elatos incurrere. Odoardus enim Menesius habebat tunc sub signis equites ducentos, & pedites trecentos. Odoardus nihilominus progredi cõstituit: & superato colle, hostes aspexit, & numerum oculis, ut potuit, designavit. Illi cedunt, ut nostros ab urbe longius extraherent. nostri sensim eos sequuntur. Vbi vero illi circiter duo passuum millia progressi sunt, consistere: deinde clamores ingentes edidere. Hic Barraxa, Non clamoribus, inquit, est, sed viribus agendum. Non sunt hi homines, qui vocibus exterreri soleant. In virtute igitur, non in ululatibus est spes victorie collocanda. Cupio nunc non eos, qui voces inanes fundant, sed qui hostem feriant, aspicere. Hac ubi dixit, instructos equites in nostros incitavit. Primum nostrorum agmen, quod Petrus Leitani ducebat, sexaginta equites continebat, & fuerat de nocte præmissum. Hoc primum hostium impetum sustinuit. Hostes multitudine nostros obruebant. Menesius tamen (Leitani namque virtuti multum confidebat, nec existimabat, esse sibi hominibus, tanquam in extremum discrimen inductis auxilium celerius, quam summa rei conveniret, asserendum) sensim ibat, ut ordines iam propter prælium commistum perturbatos aggredereetur. Itaque cũ tempus opportunum animadvertit, pedites iussit unum hostium latus inuadere, ipse in latus alterum impeditum acerrimè tulit. Plus una hora fuit utrinque fortissimè dimicatum. Tandem cum hostes ardorem illum pugnandi remitterent, & nostri

tunc

zuns multo vehementius impressionem facerent, illi fugam capeſſunt. Almandarinus (Is enim ante congreſſum Barraxam illuſerat, quod non vocibus, ſed virtute cum paucis illis Luſitanis rem gerendam eſſe prädixerat) vt Barraxa ſententiam comproba-
ret, primus cum equitibus centum ſe fuga proripuit. Illum Leitaniſ inſequutus eſt, aut cum vt vinum cepiſſet, aut ſaltem occidiſſet, niſe quites, quos ducebat, pedues hoſtium, cadendo fuiſſent, Leitano fruſtra eos reuocante, nimis impediti. Barraxa viri ſanè fortis officio functus ea die fuit. Cum tamen Almandarini fuga ſuos perterritos animaduerneret, ita ceſſit, vt ordinem, cadendo conſeruaret. Eum Menefius duodecim millibus paſſuum inſequutus fuit. Tandem, cum Barraxa copias in montem arcta via ſubduceret, Menefius ſuos ab hoſtium cedere reuocauit. Supra ſexcentos ex hoſtibus ea die caſi ſunt, capti ducenti & quadraginta, inter quos fuit Almandarini primi agminis ductor, & Barraxa ſignifer, & multi præterea viri nobiles: ſigna & tentoria capta, & præda ingens abducta. Ipſe Barraxa ſummum diſcrimen adiit: ex equo enim cecidit: ſed alius ei repente ab vno ipſius equite oblatus fuit, quo periculum vitaret. E noſtris quatuor cecidere: viginti tres vulnerati ſunt. Odoardus Menefius, re bene geſta, in urbem reuerſus, recta cū omnibus copiis in templum ingreſſus, ſummas gratias Deo egit. cuius numine & beneficio prælium illud pugnatum fuerat. Nec Saſini interim præſidia quieſcebant. Mauri namque vicini quanuis ex fœdere tributa deberent, ea tamen, ope Principum freti, qui illis animos faciebant, ſoluere recusabāt. Præterea illis, qui in

LIBER

fide permanebāt, reliqui bellū frequenter inferebant. Ita-
 que, necesse nostris erat, vel ut rebelles bello frangerent,
 vel ut subditos iniuria liberarēt, se penumero in hostium
 fines incurrere. Hoc igitur anno Nonius Fernādus A-
 taidius Lupū Barrigam, virū impigrum, & antesigna-
 norū ducē, Dabidam (Is locus Sasinis circiter quadra-
 ginta millib. passuū distat) misit, ut incolis contra Xiatimē-
 ses opem afferret. Dabida in edito colle Xiatimē-
 ses tamen tunc Dabidenses numero superabant, & plu-
 rimas illis iniurias inferebant, quas tunc Barriga per-
 sequutus est. Illo regresso, cū Xiatimenses exploratum
 habuissent, copias Iehabentufusi castella circūire, ut tri-
 buta, quae erant Regi Emmanueli persolvenda, a stipen-
 diarijs exigerēt, octingentos equites accersierunt, quibus
 eos se facile oppressuros esse confidebāt. Iehabentufusus,
 q̄ tūc in castello, quod appellant Mirabellā, se cum cen-
 tum & sexaginta equitibus continebat, ubi primum au-
 diuit Xiatimenses appropinquare, quāvis copijs esset in-
 ferior, cū nonnullos Dabidenses ascisisset, in hostes a-
 criter impetū dedit, & fusos insequutus est. Duos viros
 primarios cepit, & paucos occidit. Cū tamē Dabidē-
 sis quidam princeps, Acum nomine, hostes avidius in-
 sequeretur, & se à suis longissimē segregasset, ab Xiatimen-
 sib. captus fuit. Paucissimi eo praelio ceciderunt. Ara-
 bes enim, qui Mauritaniam incolūt, cū sint auarissi-
 mi, propter pecunie cupiditatem hostium vita parcant,
 ut ex red. mptione pecuniam comparent: & praeterea
 multos à se in bello captos esse maximē omnium gloriā-
 tur. Bellum tamen hoc & permutatione captiuorum,
 & veteris foederis instauratione finitum fuit, & stipē-
 dia

Aia Regi Emmanueli integrè persoluta. Rursus Atai-
dus eundem Barrigam cum I. habentafuso in paginā
Azeze nomine, ad radices montis, quem Ferrum ap-
pellat. situm, misit, ut illum propter rebellionem bello cō-
tunderent. Illi, ut imperata facerent, nocte prof. Et, pri-
ma luce in pagi munitiones irrumpunt, hostes nonnullos
interimunt. & aliquot etiā capium: reliqui se in montē
effusa fuga proripiunt. Nostri in urbem cum praeda in-
columes reuertuntur. Rursus cū in sola cuiusdā oppidi,
quod appellant Tazarot, cum Azezensibus fœdere cō-
iuncti, excursionem in Sasiniensem agnū facerēt, Atai-
dus cum copiis instructis egressus, eos fudit fugauitque:
nonnullos occidit, & exercitum incolumē reduxit. Lu-
dovicus interim Menesius, Ioannis Menesij Taraucen-
sis Dynasta filius, cum centū equitibus Sasinium peruen-
it. Aluarus etiam Norogna cum alijs centū equitibus
in urbem simul ingressus est. Uterq, missus à Rege Em-
manuele fuerat, ut urbi praesidio esset, ita tamen, ut nū-
quam Ataidij imperiū detractarent, sed omnia, quae is
iussisset, alacritate summa cōficere. Ataidius, ut adole-
scentes ea nobilitate praeditos exerceat, ut possent cum
nonnulla gloria in Lusitaniam reuerti, statuit Alme-
dinam eos deducere. Est autem Almedina urbs valdē
civibus frequens, & muris cincta. Homines sunt agri-
cultura, & rei pecuaria maximē dediti, & idcirco si-
gibus & pecoribus abundant: cultu tamen paulo lautio-
re, quā reliqui eiusdē regionis Arabes utuntur. civitas
erat in duas factiones diuisa. Quidā enim Regis Em-
manuelis partes sequebantur, quidā Fessensi Regi stude-
bant. Vtraq, aut pars factionis Principes habebat. O-
mnēs tamē tributū ex fœdere debebāt. Factio Fessensis

tūc praesidio Regis intra muros admissō multo potētiōr erat. Sic autē euenit, ut alij quidē volūtate, alij verō metu tenerētur, ne tributū imperatū soluerent. Ataidius cū equitib. quadringētis, & turma peditū ex vrbe pfectus, prima luce Almedina portis appropinquauit. Hostes de illius aduentu per exploratores facti certiores extiterant. Erāt in vrbe equites sexcenti, & pedites mille viri fortes, & animis & armis ad confugēdū parati. Ataidius eos inopinato aggredi cogitabat. Itaq; cū ad mœnia propius accessisset, duplicem aciem instruxit. Vnam Aluaro Norogna, ut portam, quæ Marochium respicit, oppugnaret, alteram sibi reseruauit, quā cum Ludouico Menesio per aduersam portam irrumperet. Hostes utrōq; portas aperiuunt, & pugnandi facultatē nostris offerunt. Prælium exortum est, quod fuit vtrinque singulari audacia cōmissum. Nostri primū cessāre. Deinde rursus animis acriter incensis, impetum in hostes iulere. Victoria neutram in partem inclinabat, cū pugnā in multū temporis spaciū protracta fuisset. Factum tandem est, ut vtrinque libenter se à prælio continerent. Ataidius copias suas reduxit, & hostes se intra mœnia receperunt. Ex hostibus tamen supra viginti ceciderunt: e nostris tres desiderati sunt: multi ex utraque parte vulnerati fuere. Rursus cū Ataidius quietem minimē pati posset, silentio noctis vsus in hostiū turmas, quæ propē Almedinam positis castris consistebant, inuadere statuit. Sed cū intellexisset, hostes esse iam de illius conatu per exploratores admonitos, quamuis iam esset multum in via progressus, copias retraxit. Porro Arabs quidam ei familiaris ad illū accessit, atq; nūciauit, Marochij Regē viam, per quā ille regredi parabat,

rabat, infedisse, ut illū interciperet. Eo nūcio Ataidius se valde latari dixit, & Arabi munus pro eo donauit. Deinde, abi quæso, inquit, Regi q. nuncia, me in campo per totam diem illum expectaturū. Rex tamē siue ut cōgressum illius vitaret, siue ut aliud, quod in rem magis esset, animo moliretur, siue Arabs falsum nunciārat, viā minimē insedit, sed in Dueccalam regionem recta contendit & fœdus cum Principe, qui montes ditione tenebat, fecit, ut coniunctis viribus Lusitanis repugnarent. Ataidius cū diu frustra expectaret, exercitum tandem media ferme nocte in urbē reduxit. Hoc ferme tēpore Nonius Mascaregnas cum equitibus centum Saffiniū peruenit, & Ludonicus Menesius, & Aluarus Norogna fuēre in Lusitaniam reuocati. Erant tunc in urbe supra septingentos equites, cū quibus Ataidius frēquenter excurrebat, & manum cum hostibus crebrō cōferebat, ita, ut nemo posset esse impedimento, quō minus tributa ab stipendiarijs exigeret. Cū verō Ataidius nosse cuperet, quid hostes agerent, quorū tū castra duodecim millib. passuū inde aberāt. Barriga se id exploraturum ostēdit. Itaq. Ataidij permissū, cū equitibus triginta de nocte profectus, castra propius, cū diluxisset, accessit: sex hostes occidit, quatuor viuos cepit, tātaq. celeritate rē gessit, ut prius, quā hostes se ad illū persequendū cōparare possent, ipse se in pacatum reciperet. Ataidius igitur à captiuis intellexit, quid hostes animis agerent, quo ordine castra posita essent, quibus copijs rem gerere statuerent. Sequenti igitur die, Lupū Barrigam cū equitibus centum & quinquaginta pramisit Nonius Mascaregnas cū equitibus centum illam sequebatur, ut locum opportunum insidijs cum copijs suis insideret. A-

L I B E R

Ataidius postremo, ut subsidio esset, cū reliquo agmine veniebat. Barriga iussus excurrere, cū in hostes incautos iruisset, quinque occidit, quatuordecim viros cepit, magnā vim pecoris abegit. In hostiū castris tumultuatum est, cū indignissimè ferrent, se ab homine illo impunè ludificari. Itaque equites quadringenti protinus egressi sunt, & in Barrigā inuadunt. Is sensim ordine minimè cōfuso cedebat, donec ad locū, in quo Mascaregnas in insidijs latebat, perueniret. Ibi rursus cū & ipse suos in hostes incitaret, & Mascaregnas ex insidijs proderet, praeliū tanta utrinque audacia commissum est, ut constet, nunquam post illam urbem captam, adeam diem in regione illi, pro numero militum, vel atrocius, vel pertinacius pugnatum fuisse. Hostes enim minimè perturbati, acerrimè decertabant: nostri quamuis essent de via fessi, eorum impetum egregiè sustinebant: nemo tergum vertebat. Multi vulnerati sunt, non pauci ex equis deiecti, nemo tamen occisus fuit. Nostri tandem cedere sensim incipiunt: quos Ataidius, qui iam appropinquarebat, excepit, & hostes substituere, Ataidius ulterius progredi noluit, eò quod cerneret eos, quos Barriga & Mascaregnas duxerant, labore nimio fractos: & vereretur, ne à castris hostium obsidia mitterentur, quae nostros lassitudine confectos obruerent. Itaque dimissa praeda, ut ordinem melius conseruaret, se in urbem recepit. Post dies octo cū Ataidius accepisset, eundem Regem Marochij motis castris in promontorio Cantimensi quod inde non procul aberat, concidisse, ad vesperum, cū Rex cœnaret, ex improviso duas turmas adortus, eas cepit, & castris terrorem & tumultum intulit, exercitumque properè reduxit. Ibi tunc hostes

stes accurrunt, sagittis, & glandibus, & missilibus acerrimè pugnant. Præcipuè verò tanta lapidatio è superiore loco (castra enim erant in clivo posita) facta est, ut locus lapidationis nomen obtineret. Nostri tamen se cum omni præda receperunt: hostes eos tota illa nocte ferociter insequuti sunt. Nihilominus Ataidius cum eorum impetum egregiè sustineret, exercitum prima luce incolumè cum magna præda reduxit. Captivos enim supra trecentos fuisse constat. Fuère præterea capti equi còplures, & Cameli. Rex alium deinde locum magis munum castris metandis cepit. Est mons editus, quem appellant Idenar. illi subiecta est campi planities, obiectus principio collibus præangusta, quæ deinceps latius panditur. In campi istius angustijs Rex castra posuit. Id cum Ataidius exploratum habuisset, una nocte cum equitibus quingentis, & multis etiam Saracenis auxiliariis, qui Duce Iehabentafuso se cum Ataidio coniunxerant, in hostiũ castra profectus, cum in illos inopinantes inuassset, castra tanto metu atque terrore compleuit, ut quamuis multi in ea trepidatione, correptis quæ cuique fors obtulerat armis, resistere pararent, omnes tamen metu nimio còturbati, se se ab eo tumultu effusa fuga proriperent. Ipse q̃ Rex non expectauit, dum equus insterneretur, sed in eum, quem primũ adipisci potuit, insiliens repenitè diffugit. In castris magna cades facta est, ingens præda capta, maxima virorum & mulierum multitudo in seruitutem abducta. Inter captiuas fuit una Regis ipsius concubina forma excellenti, quam is vchementè amabat. Lustani aliquot vulnerati fuerunt, inter quos Ataidius extitit, qui in facie vulnus accepit. Non multis post

LIBER

diebus Almedinenses ciues in agrum Safiniensem excursionem fecerunt, & in duobus locis insidias collocarunt. In eos tamen Ataidius explorato nostros eduxit. Prelium fuit acre, magnisque utrinque viribus pro hominum numero commissum. Sed tandem hostes fusi fugatique sunt: Octo & quadraginta cæsi: è nostris tres de siderati, ne maior cædes ederetur, & equorum hostilium pernicitas, & Ducis prudentia fuit impedimento. Nec enim permisit, ut nostri longius hostes insequerentur, ne in plures insidias cadendi cupiditate furætes irruerent. Alij deinde equites Arabes septingenti, cum per agros in urbis cõspectu discurrerent, & segetes incenderent, regressi continuo sunt. At Ataidius ubi vidit illos sine ulla suspitione futura dimicationis abcessisse, Lupum Barrigam cum centum & sexaginta delectis equitibus in eos immisit: alia deinde porta Nonium Cattum, impigrum virum similiter cum alia equitum turma iussit, ut diuersis ex partibus hostes adorirentur. Is primus in hostes inuectus est. Prelio commisso, Lusitani hostium multitudine & ferocitate vehementius oppressi, magnū discrimen adierunt. Barriga cum suis subsidium attulit, quo nostris animus redditus est, & impetus hostium repressus. Acerrima tandem nostrorum impressione hostes in fugam versi sunt: nostri quatuor millibus passuum eos insequuti, non mediocrem stragem ediderunt, & Barriga cum opimo spolio urbem subijt. Hostium namque supremum Ducem, virū militaris virtutis opinione præstantem manus sua interemit, ita tamen, ut ab eo congressu, quamuis victor, multis & periculosis admodum vulneribus sauciatus abiret. Sed facile victoria decus dolorem, vulnerum leuabat. Dux Iaho-

mazende appellabatur. Illius caput & equum Barriga in urbem intulit. Caput fuit haste mucrone praefixum, & in una urbis porta collocatum. Illud Saraceni maximo pretio redimere cupiebant, sed nunquam id Ataidius vlla conditione permisit. Tandem cum hostes, qui illam regionem, quam appellant Xerquiam, incolebant, fracti malis, & rebus suis diffidentes, pacē ab Ataidio petiissent, inter alias fœderis renouati conditiones una fuit, ut caput Ducis illius suis ad honorem sepultura redderetur: quod tunc fuit summa Ataidij voluntate concessum. Erat enim inter Saracenos, propter decora in bello parta, summis honoribus affectus, & singulari suorū predicatione celebratus. Pax facta continuo fuit. Reliqui Xerquienſiū exemplo prouocati, pacē similiter ab Ataidio postularūt. Pacis sequester & interpres Iehabentafusus extitit. Nullū grauius onus eo, quod iam antea subierant, fuit illis impositū. Ita ea parte bello profligato, omnis illa regio fuit sub imperiū & ditionē Emmanuelis iterum cū tributo aquabili subiuncta. Ex illis Ataidius plurimos delegit, quos stipendijs aleret, ut illis stipatus, facilius cū Marochij Rege & Xerifio (sic enim appellabant Ducē, qui sanctitatis & virtutis militaris opinione Arabibus, qui dispersi in agris vagabantur, imitabatur) bellum continenter gereret. Tantum autē terrorem principibus illis Ataidij nomen inferebat, ut nullis monumentis se tutos vnquam fore considerent. At Ataidius aliorum bellorū cura liberatus, bellum cōtra duos illos Principes maiore studio sibi administrandū putauit. Itaq; Lupo Barrigæ præcepit, ut cū centum & quinquaginta equitibus Lusitanis, & equitibus auxiliariis, ex Saracenis fœderatis, qui sub Iehabentafuso

militabant, accitis, in Marochij fines inuaderet. Is igitur cum Iehabentafuso, cum essent in loco, qui Duamus appellatur, et abest Sasinio passuum millib. quadraginta octo, accepit, ad radices Atlantis montis (nunc montes claros appellant) in cambo satis patente, quem appellant Alehanz, nouem hostium praefecturas castra posuisset. Hoc igitur cum Duces exploratū habuissent, incredibili celeritate eo se contulerunt, ita, ut inopinātes & incantos aggrederentur. Supra mille ex hostibus cæsi sunt, capti centū & quinquaginta, & prada ingens eo die parata. Vt prius autem progressi in regionem Xiatimensē impetum ferentes, non paucos hostes interfecerunt, & captiuos centum abduxerūt. Eo Xerifius, ut eandē regionem armis occuparet, inuasit. Ex illius castris equites permulti in nostros inuecti sunt. Barriga in copiarum supplementum equites centū in subsidium missos acceperat. Prælium satis acre commissum fuit, & diu ancipiti victoria dimicatum. E nostris tres equites Lusitani, & unus Saracenus cecidēre. ex hostibus viginti & quinque cæsi sunt, inter quos filius Reguli cuiusdā interfectus est. Hostes cum se frustra contendere cernerent, in castra reuersi sunt: quos nostri insequi in castra noluerunt, ne multitudine obruerentur. Post aliquot dies, Barriga in oppidum Xiatimensē, quod appellant Tanli, impetum similiter tulit. Hostes cum se in ultimum discrimen adductos cernerent, alucaria apum innumerabilia, quibus abundabant, incensa ē mœnibus demisere. Nostri & alucarium flammis ambusti, & apum aculeis stimulati, oppugnationem deserere coacti sunt. Multi etiam vulnera ab hostibus accepere, ne apibus tantum ea propugnatio ascribi posset. Ipse quoque Barriga grauer vulneratus abscissit.

cessit. Sub idem tempus, Nonius Cugna cum centum equitibus Safinium Regis Emmanuelis iussu pervenit, & Nonius Mascaregnas in Lusitaniam revocatus est. Aguz est oppidum in ea Mauritania parte, quæ ad fines Safinij urbis pertinet. Eum tunc locum Lusitanus quidam cū quinquaginta Lusitanis sagittarijs custodiebat. Eo autem se tunc Barriga & Iehabentafusus cum copijs suis contulerant, Ibi verò fuit eis nuncius allatus, Marochij Regem cū maximis copijs advenire. Quem nuncium Ataidius cum accepisset, Nonium Cugnam, eo cum equitibus ducentis, ut auxilium afferret, confestim misit. Ibi cum quidam ex hostibus postremum agmen nostrorum carpere voluissent, repressi sunt, & unus ex illis captus est, quem ad Ataidium Barriga misit. Ab eo cum Ataidius hostium consilia siscitaretur, is astu punico quasdam opiniones in Ataidij sensibus iniecit, quibus inductus, suspicatus est, Iehabentafusum de nostris prodendis cogitare. Itaque ad Barrigam scripsit, ut omnes Lusitanos confestim in urbem regredi iuberet, & ipse cum solis equitibus sexaginta remaneret, atque deinde aliquid causaretur, ut ratione ductus existimari posset, à Iehabentafuso discedere. Id Barriga, ut sibi imperatum fuerat, exequutus est: atque primum alios omnes dimisit, deinde altercationis cuiusdam minimè necessarie materiam præbuit, cuius indignitate se usque adeò commoueri sinxit, ut honestè videretur à Iehabentafusi societate seiungi. Solus Rodericus Castrensis cum tribus famulis ab eo discedere noluit. Iehabentafusus cū indignè pateretur, eo tempore à Lusitanis destitui: gravius tamē tulit, secus de sua fide, quam meritis esset, existimari, quàm in tanta discrimine

L I B E R

mine relinqui. Itaque per literas grauiter de tam insigni
inuria conquestus est. Sequē nihilominus eo die praelium
cum Marochij Rege cum copijs, quas habebat, initurus
affirmavit, ut vel illustri victoria, vel clara morte testa-
tum apud omnes relinqueret, quanta fide Regem Em-
manuele coleret & obseruaret. His literis Ataidius in-
ductus, ad illum rescripsit, se confestim ad illum equites
quingentos missurum. Sed cūm is nuncius cum duode-
cim equitibus interuenit, iam Iehabentafusus manum
cum maximo Regis exercitu conferebat. Praelium fuit
atrocissimum, in quo tamen Iehabentafusus cum suis
res memorabiles effecit: hostes suos fudit, maximam ho-
stium multitudinem cecidit, ipsumque Regem castris
exiit, & longius insequutus, maiorem exercitus partem
ferro concidit. Præda fuit ingens. Erant enim castra
multarum rerum copia referta. Ataidius ut pollicitus
fuerat, sequenti die Barrigam cum equitibus ducentis,
& Cugnam cum trecentis in illius auxilium misit. Sed
cūm illi aduenerunt, iam Iehabentafusus rem præcla-
re gesserat. Tulit Ataidius permolestè, se, aut saltem
Lusitanos Duces eo praelio non interfuisse: multique il-
lum reprehenderunt, quod tam facile hominis leuissimi
& fallacissimi sermonibus assensus fuisset, usque adeo, ut
neglecta fidei criminationem, quod socium in tanto dis-
crimine ope sua destitueret, minime pertimesceret. Non
multis post diebus Ataidius in aliam præfecturam Xia-
tinsensem Barrigam immisit. Praelium atrox exitit. E-
nostris duo viri nobiles cum nonnullis alijs cecidere: sed
tandem oppidum captum, & hostes partim caesi, partim
in fugam coniecti, & aliqui etiam capti sunt, Rex Fessen-
is. Anno salutis. M. D. xj. cum fuisset illi nuncius al-
latus.

latus, Tingim non esse valido presidio munitam, & prætereà negligenter custodiri, fore putauerat, ut si illam ex improviso adormiretur, facile caperet. Itaque maximas copias comparauerat, ut illam oppugnaret. Longe tamen aliter munitam reperit, quam suspicatus fuerat: Castra tamen posuerat, & obsessam diebus aliquot tenuerat, & quibus poterat viribus & machinis oppugnauerat. Sed semper fuerat à conatu cum graui damno atque dedecore repulsus. Anno igitur insequente, ut ignominia maculam dekeret, Arzilam exercitum adduxit, & propè urbem castra locauit. & cum inde hostes in vallum, quod urbem cingit, irrupissent, nostri intra vallum praelium inierunt, in quo Bernardus Contignus in hostium præfectum, Adel nomine, equum incitauit, & illi cuspidē oculum effodit. Iacobus Contignus frater Francisci Contigni Comitis Marialbensis fortissimè dimicans ab hostibus interfectus fuit. Pauci utrinque ceciderunt, & Rex cum cerneret frustra tempus ibi in obsidione conteri, domum re infecta discessit. Emmanuel interim quamuis Africani belli curam non intermitteret, aliud bellum sibi proponebat, ex quo non minorem gloriam assequeretur. Cum enim esset studio Christianæ religionis propagandæ vehementer incensus, id suscipiebat, ut armis diuinis omnes impietatis opes & munimenta conuelleret. Itaque in India, & in Ethiopia operam dabat, ut gentes à CHRISTI placitis alienæ, ad illius sanctissimum cultum sanctorum hominum monitis & disciplinis adducerentur. Et cum animaduerneret regnum illud Ethiopia, quod appellatur Congo, fuisse iam à tempore Ioannis Regis CHRISTI disciplinis illustratum,

in idem

L I B E R

in idem opus, ut perficeretur, incubuit. Idcirco ut dictum est, multos sacerdotes pietatis opinione præstante, in illam regionem miserat, ut eos, qui nondum erant lustralibus aquis expiati, ad CHRISTI fidem perducerent, & qui iam CHRISTO nomen dederant, clariore disciplina confirmarent. Sub hoc igitur tempus, hominè suis domesticis equestri dignitate præditum, ad eundem Congensem Regem, cum pluribus sacerdotibus, & sacris vestibus ad rem divinam sanctius peragendam misit, ut eum acrius studio Christiana pietatis incenderent. Rex hac Emmanuelis Regis benignitate provocatus, in Lusitaniam filium suum, Henricum nomine, cum fratre suo, & pueris nobilibus misit, ut linguam Lusitanam, & Latinas literas, & sanctarum rerum disciplinam perdiscerent. Cum is venit legatus quidam illius, Petrus nomine, non vulgari prudentia præditus, cum quo Rex Emmanuel sermonem libentissimè conferebat. Is ut diutius in Lusitania versaretur, uxorem secum duxit, quæ fuit à Regina Maria multis donis atque muneribus affecta. Emmanuel, cum omni comitate gentem illā uniuersam ad CHRISTVM allicere contenderet, Regis fratrem & filium cum reliquis pueris in disciplinam, viris religiosi & eruditi tradidit, qui eos Latinis literis, & religionis moribus & institutis imbuerent. Deinde Simonem Syluium hominem apprime nobilem, ad illum cum muneribus legauit. Munera vero erant equi pulchrè instrati et phalerati, & mula similiter ornata, vasa sacra, tabule pictæ, insule, & omnia, quæ ad religionis cultum rite conficiendum erant idonea. Fabros præterea, qui templa & regias ades edificarent. Id præterea Sylui commisit,

misit, ut ius regium ad Lusitanos, qui in ea Æthiopia parte versabantur, in officio continendos, & eorum flagitia puniendos, si opus esset, obtineret. Et præterea ut cum Rege simulius omnibus gentibus, quæ in Re-
gis imperium erant, administraret. Quod ut commodius fieret, secum hominem iurisperitum adducebat, ut ius publice disceret. Id enim ipse Rex Alfonso ab Emmanuele per legatum summis precibus efflagitavit. Id etiam Sylvio in mandatis dedit, ut si forte, dum is apud Alfonso versaretur, aliquis belli motus existeret, Regem opibus, & consilio, & manu etiam iuvaret. Illum præterea admoneret, ut quam primum posset, legatos Romam mitteret, per quos auctoritatem Pontificis Maximi, & Ecclesie sacrosanctæ ius & imperium omnibus rebus sacris agnosceret. Et quia Petri prudentia non vulgaris esse videbatur, suadebat, ut ipse Petrus aliquot viris nobilibus stipatus, ea potissimum legatione fungeretur. Se illum suis sumptibus Romam esse missurum. Regem præterea admonebat, ut aliquot pueros nobiles in Lusitaniam mitteret, qui cum reliquis erudirentur. Sylvius cum hac legatione profectus, secundis tempestatibus usus, in Congense regnum pervenit: cuius adventu Rex se mirum in modum letari significavit. Statimque misit virum quendam primum, illi sanguine valde coniunctum, qui Sylvium saluaret, & in urbem regiam, quæ à portu multum distabat, ubi commodum esset deduceret. Sylvius tamen febre correptus, antequam Regem videret, è vita discessit. Rex mortem illius admodum acerbe tulit. Alvarus Lupus, qui classis curam susceperat, in locum Sylvii, ut ab Emmanuele decretum fuerat, si casus aliquis Sylvium de
medio

LIBER

medio sustulisset, successit. Is ad Regem cum literis adijt. Literarum sententia, prater egregia cuiusdam pietatis argumentum, & prastantis voluntatis indicium, nihil aliud continebat, quàm ut fides Syluio in rebus omnibus, quas Rex Emmanuel illi praeceperat, ut Alfonso Regi diceret, haberetur. Literis lectis, Aluarus Lupius earum sententiam verbis subsequutus est, & dona, quae ferebat, in conspectu Regis explicuit. Rex verò res singulas in manus sumere, laudare, mirari, manus in calum tendere, gratias Deo summas agere, quòd per Reges virtutibus amplissimos, & numini caelesti charissimos, fuisset e tenebris impietatis emersus, ut caelestem lucem aspiceret. Regem verò Emmanuelem non satis habere, illum tam diuino beneficio constrictum tenere, nisi etiam prae terita beneficia recentibus donis magnificentissime cummlaret. Quia verò Emmanuel illi regia insignia, quibus deinceps vteretur, mittebat, quae pertinerent ad virtutis insite monimentum, & vniuersa posteritatis ornamentum, de ea re literas publice proposuit, quibus testatum omnibus esset, & memoria etiam sempiterna consecratum muneris illius institutum, & Regiae beneficentiae documentum. Literis autem his referebat, quo pacto Regis Ioannis opera fuisset illa regio lumine Christianae religionis illustrata, & e tyrannide infestissimi demonis erepta, et quanta malignitate fuisset opus illud tam praeclarum, opera antiquissimi serpentis, per quem primi parentes e sedibus beatissimis expulsi fuerant, impeditum. Quanta cura, studio, vigilantia Rex inuictissimus Emmanuel opus, quòd a Ioanne Rege clarissimo inchoatum, extiterat, perficiendum susceperat. Religionis verò Christiani disciplinam
in sum-

in summa referebat, & deinde commemorabat, qua ratione pater illius opera perditissimorum hominum à Christi fide, quam fuerat antea professus, impiè & nefariè descivisset, & ob eam rem in ipsum Alfonsum, maximum natu filium, quod impietate illius imitari nolisset, se teterrimum prabuisset. Commemorabat deinde exilium, in quod pulsus à patre fuerat, & molestias, quas in exilio pro Christi nomine cum summa iucunditate pertulerat: & qualiter moriente patre, cum fratre, qui regnum per summam iniuriam occupare conabatur, cum solis triginta sex hominibus, Christi numine sæpius inclamato, confixerat, cum frater illius exercitum maximum haberet: & quomodo non copijs humanis, sed diuinis, ut hostes ipsi fatebantur, bellum profligatum fuerat, & frater casu etiam diuino captus, in potestatem illius venerat, de cuius ille improbitate & pertinacia supplicium iure sumpserat. Exponebat deinde, quo consilio Petrum suum cognatum, qui vnus erat ex triginta sex hominibus, qui illi opem attulerant, ad Regem Emmanuelem legauerat: ex quo Petro intellexerat, in Lusitania Regis ipsius amplissimi iussu vota pro Congensis regni salute, & Alonsi ipsius fide persoluta fuisse: quo nullum clarius extare posset insignis caritatis indicium. Itaque se non solum pro Christi sanctissima religione, pro templorum sanctitate, pro Ecclesiæ sanctionibus necem & cruciatum, si opus ita fuisset, minime recusaturum, verum & pro Regis Emmanuelis amplitudine omne discrimen salutis aditurum. Adiciebat deinde: Ut autem magis nos Rex optimus, summisque laudibus in omni æternitate prædicandus, sibi deuinciret, misit ad nos virum nobilissimum cum muneribus & ornamentis, quæ satis, quàm propensa in nos esset voluntate, declarabant. Et quia est in more positum, ut Christiani Reges insignia gestent, ad

M m posterio-

LIBER

posteritatis memoriam propagandam, et maiestatem Regiæ insigniter illustrandam, voluit idem Rex in hoc etiam plurimum nobis suæ benignitatis impertire. Scutum enim nobis misit, primum quidem Cruce signatum, ut animo recolere-
mus victoriam, quam Constantinus Imperator, Cruce in caelo perspecta, de hostibus suis consequutus est; ne vnquam ab animis nostris memoria victoriæ, quam similiter adepti sumus, elaberetur. Et quia Iacobus Apostolus, cuius opem, ut Hispani faciunt, in eodē pralio frequēter implorauimus, in acie p̄spectus hostes exterruit, eiusdē Apostoli species voluit, ut in eiusdē insignib. insculperetur. Præterea ut amoris cōiunctio, quæ nobiscum cum illo est, illustri signo consignari possit, Regum Portugallensium insignia, quæ quinque scutis in Crucis formam dispositis continentur, reliquis signis admiscuit. His enim quinque scutis CHRISTI Opt. Max. vulnera designantur, quæ in Cruce p̄ generis humani salute ptulit. Cū enim Alfonsus primus Portugallia Rex cū quinq. regibus Saracenis maximo exercitu constipatis confligere in Lusitania voluisset, in caelo, vnde auxilium precib. efflagitabat, Christi speciem eisdem quinq. vulneribus illustratam oculis atq. mente conspexit, innumerabilemq. hostium multitudinē, Christi numine confirmatus, occidit, et ea de causa illa insignia ad memoriā posteritatis aſsumpsit. Itaq. modis omnib. Rex singulari pietate præditus, cū hac ad nos t̄a præclara Regiæ stirpis insignia misit, nostram posteritatē admonere voluit, ut in bellis nō humanis opib., sed diuino Christi præsidio niteretur. Pro hist̄atis beneficijs Emmanueli Regi fratri nostro carissimo gratias immortales agimus, neq. solum fratrē et patronum agnoscimus, sed oēs regni opes, atq. adeo vitam pro illius dignitate profundere parati sumus.

Qui

Qui tamen quamuis omnia, quæ possumus, illius gratia faciamus, nullam tamen partem illius erga nos meritorum officij nostris assequemur. Reliquū igitur erit, quando nos parē gratiā referre nō possumus, ut Rex ille sumus atq; sempiternus, in cuius honorem Emmanuel hac tam præclara opera molitur & efficit, illi præmium diuinum atq; sempiternū constituat. Nostros autem liberos, & cunctam posteritatem obtestamur, admonemus, & pro iure etiam nostro iubemus, hæc insignia gestare, illis scuta distinguere, lueras consignare, signa in bellis intertexta præferre, semper animo atq; mēte recolere, quæ per illa designantur, ut sic memoriam ad pietatis & iustitiæ recordationem excitantes, de hostibus suis victoriam, si eti Christi præsidio, consequantur. Sed quia more etiam receptum est, ut egregia facta nobilitentur, & homines, qui meritis suis in locum altiore ascendunt, posteritati suæ virtutis memoriam probant: idem Rex Emmanuel alia nobilitatis insignia nobis misit, quibus genus eorum, ex illis sex & triginta, qui valdè strenuè se gesserūt in eo pralio, quo Christi præsidio muniti, fratris impetum contudimus, illustrare possem: quod etiam impulsu monitis illius exequimur; ut hoc virtutis præmio multi ardentius in studium virtutis incitentur, ut ita non solum in hac vita contra hostiles impetus muniamur, sed etiam in futura bonis sempiternis frui possimus. His literis in publico propositis, & in totum regnum exemplis earum ad Principes missis, Alfonsus decreuit, quàm gratus esset in Emmanuelem, testificari. Petrum deinde, ut ab Emmanuele fuerat admonitus, ad Pontificem Maximum legauit. Petro autem duodecim viros nobiles comites adiunxit. Emmanueli verò magnam vim eboris, & munera, quibus illa Regio abundat, dono misit. Duodecim præterea

L I B E R

nobiles pueros cum Petro in Lusitaniam venire iussit, qui similitudine fuerunt literis & moribus instituti. Emmanuel postquam Petrus in Lusitaniam redijt, illi & Henrico Alfonsi Regis filio, & reliquis viris è nobilitate delectis, omnia, quæ ad iter erant necessaria, præbere largè atq; munificè iussit. Si fuerunt Romæ à Pontifice, & ab omnibus Ecclesiæ principibus benignè & comiter accepti. Literas deinde Pontifici Regis Alfonsi detulerunt. Illarum sententia hoc continebat, se primū Ioannis, hoc nomine secūdi, Portugallia Regis opera cū regno fuisse è potestate demonis, & è turbulentissimi erroris tenebris in libertatem & in lucem vindicatum. Deinde Regis Emmanuelis studio & sumptibus, in eiusdem sanctissimæ religionis disciplina progressum, clarius lepræ deformitatem, qua fuerat antea deformatus agnoscere, & pristinum errorem & amētiam vehementius detestari: & pro beneficio, quo mirabilibus signis à Deo perductus in pietatis splendorem extiterat, perpetuò se Deo gratias acturum, neq; tam diuini muneris memoriam vnquam deponiturum. Sed quoniā intellexisset, esse CHRISTI summū in terris vicariū, quē omnes Christiani Principes vnicū colerent, et ceteris iussa tanquam caelestia atq; diuina sequerentur, ne se à reliquorum Principum Christianorū cōmunionē segregaret, & aliqua in re à pietatis via defleceret. Romam filium suum Henricum, iam sanctis in Lusitania literis eruditum, & Petrum cognatum suum, virū, cuius prudentia atq; probitati valdè consideret, se mittere statuisse, ut ipsius Alfonsi nomine pedes illius oscularentur, et regnum vniuersum ipsius Pontificis voluntati & imperio dicarent. Nec enim se vnquam vllō tempore commissurum, ut obsequio et pietate erga sanctam Romanā Ecclesiā, ab vllō Christiano Principe vinceretur. Pauca deinde adijciebat, q̄ ad f.

dem

dem legatis habendā, & postulata quādā, ad religionis causam necessaria, facilius impetranda pertinebāt. Legatio benignè fuit accepta, & postulatis egregiè satisfactū. Considerabant enim & Pontifex et Cardinales, gentē barbarā, & ab omni cultu humanitatis abhorrentē, nō nisi celesti quadā beneficētia, et numinis presentissimi dono atq; munere in tantū pietatis studiū excitari potuisse: & idcirco illas Aethiopiae recētes post tā multa secula primitias, gratissimis animis accipiēdas esse decreuerūt. Hæc quidē Emmanuel ad Aethiopiae religionē firmitus sanciendā designauit, atq; cōstituit. Sub idē verò tempus, quo hæc gerebantur, Petrus Menesius Alcontinensis Dynasta, Fernandi Menesij filius, Villæ Regalis Princeps, Septā traiecit, vt illius vrbis imperiū teneret, & bellū, vt maiorū vestigia sequeretur, administraret. Interim verò Malacares, post Albuquerque ab ea ciuitate digressum nō fuerunt adeò tranquilla, vt non varijs bellorū tēpestatib, agerentur. De quibus vt cōmodius agere possimus, necesse erit, prius de insularū quarundā situ, quæ in illā bellū comparabāt, pauca dicere. Taprobane, quā Zamatram appellant, ita est Aureæ Chersoneso ad Austrum obiecta, vt lōgius tamen in ortū Solis protendatur. Ad Austrū verò, vltra Zamatram insulæ frequentes adiacent. Inter quas ab occasu Zunda magnam vim piperis passim fundit. Ea verò non admodum lato mari à Zamatra disiūgitur. Deinde ad ortum Solis progredientibus aliæ duæ insulæ se ostendunt, quarum prima Iaua maior, altera minor appellatur. Omnes hæ tres insulæ regum imperio continentur. Iauæ verò præcipuè sunt fertiles & opimæ, fruges multiplices, & fructus varios proferunt, & maximā vim pecorū et armentorū, & equorū nutriūt. Venatu & aucupio mirificè redundāt: piperis & aliorum aromatum copiam passim efferunt. Mediterranea lo-

LIBER

ea homines dediti simulacris incolunt: qui maritimas oras habitant, maxima ex parte Mahumetanis institutis viuunt. Homines nudi plerumque vmbilico tenus incedunt. Multi tamen lautiores vestibus bombycinis, aut gossipinis amictuntur. Barbas euellunt: anteriorem capitis partem radunt: reliquam studiosè crispant. Nullum integumentum in capite gerunt, indignum enim hominis præstantia censent, hominis principatum, quem in capite constituunt, al quo velamento quasi rem probrosam tegere. Si quis caput alicuius manu tangit, eam iniuriam armis acerrimè persequuntur. Sūt in bello feroces, & intrepidè se se in quoduis magnum discrimen injiciūt. Artibus fabrilibus dediti sunt: arma tormēta, variaq; telorū genera singulari opere pficiūt, as ad quoduis genus instrumēti egregiè furdūt. Naues ingentes adificāt, astra diligēter obseruāt, & magicas disciplinas incredibili studio colunt. Syluas venandi studio peragrant, neq; solum canibus, & venabulis ad apros atque ceruos eminus cōfigendos, verum & accipitribus ad volucres capiendas vtuntur. Omnes colorati sunt: mulieres neque deformem faciem, nec obtusum ingenium gerunt. Eleganter excoluntur. in saltationibus non mediocrem præ se venustatem ferunt. Curribus inuectæ, cum viris syluas & nemora lustrāt, & venatione oblectantur. Homines Sinarum moribus & institutis viuunt, à quibus se originem ducere iactant. In ea insula, quæ Iaua maior appellatur, erat quidam Saracenus, cui nomen erat Pateonuzius, ciuitatis cuiusdam princeps, quam Iaparam appellant. Ea est in ora maritima, quæ Zamatram spectat, sita. Is ante quam Albuquerqueius Malacam caperet, fœdus cum Vtetimutaraia de pernicio & interitu Regis inierat. Vtetimutaraia namq; se graues à Malaca Rege iniurias accepisse conquerebatur, quibus offensus, se illum

illum Pateonuzio proditurum per literas afferebat. Pateonuzius, regnandi cupiditate inductus, in eo neruos omnes intendit, vt tantam occasionem minimè prætermitteret. Itaque maximam classem adificare cœpit. Septem aut octo annos in hac classe comparanda consumpsit: in quem verò finem id faceret, tanto vtriusque silentio compressum fuit, vt ne suspitione quidem vlla quisquam id assequi potuerit. Interim verò multos Malacam cum mercibus submittebat, vt mercatorum habitu & specie laterent: & cum opus esset armis, imparatos adorirentur. Hos Vtetimutaraia in vicos suos admittebat: quorum eo tēpore, quo Albuquerqueius Vtetimutaraiam capitali supplicio affecit, erat in ciuitate nō mediocris multitudo. Ita latebat hæc in viscerib. reip. pestis, vt nemo in quanto periculo versaretur, cōiectura p̄spiceret. Vtetimutaraia de medio sublato, Pateonuzius nihilo secius in eadē mente perseuerabat. Classis erat maxima: is opes ingētes habebat: res Malacæ nō ita stabilitas esse iudicabat, vt conuelli nō possent. Itaq; cū trecentis nauibus, & hominū fortium multitudine, Iapara soluit. Fretum igitur, quod inter Iaoas et Zamatrā est interiectum, præteruectus, multis terrorem præbuit. Res ad Rodericum Britium Patalinum, qui, vt dictū est, Malacæ præerat, delata est. Is Andradiū in fretum illud continuò cum septē nauibus misit, vt exploraret, quē cursum clāsis illa teneret. At clāsis aliud ingressa fretū, quo celerius Malacam perueniret, iam se ex eo freto, quod appellant Sabam, abduxerat. Andradius cum nauarchis reliquis in urbem redire maturauit. Ibi clāsis cōspecta fuit, quæ multum terroris ciuib. vniuersis incussit. Britius tamē statuit per se cū vniuersa classe dimicare. Id Andradi⁹ idignè admodū tulit. Sibi nāq; dicebat maritima

LIBER

rerum curam, Brittio urbis custodiam fuisse commissam. Is igitur se arce teneret, & urbem tueretur: sibi maris tuendi curam relinqueret. Brittius contra differebat, imperiū terræ atque maris in oris illis ad se pertinere, & idcirco quidquid ille de rerum summa statueret, id esse Andradiū sine recusatione faciendum. Id cum Andradiū se minimè passurum affirmaret, ut dignitate spoliaretur, iurgio certatum est, & verborum aculeis animus utriusque non mediocriter exulceratus exitit, usque adeo, ut Brittius Andradiū in custodiam traderet. Sed cum primus ille motus animi confedisset, Brittius nocte illa consideravit, non esse eo tempore talem virum propter vllas verborum offensiones alienandum. Itaque misit ad Andradium, qui animum illius in se placaret, & admoneret, ut naucm conscenderet. Senamque iam illum in classe opperiri, ut victoria particeps fieret. Andradiū alienum à se in tali discrimine, iniuria memoriam conservare reputavit. Itaque imperata sine mora vlla confecit. Brittius arcis custodiam Ario Pereiræ commisit, ipse in triremem armis & munitionibus instructissimam ingressus est. Classis erat sedecim nauium, Ninachetusiensis præterea cum mille & quingentis militibus Malacensibus, in minoribus nauigijs, ut littus custodiret, non procul à terra concurabat. Orto iam sole, & hostes, ut in portum subirent, vela dederunt: & nostri, ut cum ijs in alto congredierentur, incitati sunt. Classis hostium non multitudine tantum nauium, verum ordine, quo instructa ferebatur, non mediocrè nostris admirationē comouebat. Nauis, cui Georgi Botellius præerat erat incredibili celeritate velis. Is cum clāse antecederet, in prætoriā hostiū nauē inuehitur. In illū continuò quindecim actuariæ naues inuadant. Is neque telo quidem vllō in hostiles naues immisso, in nauem, quam petebat, incurrit. Petrus

trus Faria, vt illi subsidio esset, triremem, cui praeerat, remis vehementer incitari praecepit. Ambo igitur praeoria nauem adoriuntur. Sed ea tanta erat magnitudine, vt puppis castellum, nauis, cui Botellius praeerat, carchesium altitudine superaret. Eminus igitur eam oppugnare constituunt. Sed tanto erat robore & crassitudine, vt omnes globos non minus, quam si esset e silice facta, repelleret. Cum igitur Botellius & Faria perspicerent, a se tempus frustra conterri, & hostes illos circumuenire pararent, se eadem celeritate, qua venerant, in classem receperunt. Tempus fuit in pugna a velitatione non dissimili eo die consumptum. Hostes enim non in alto pugnare volebant, sed ad urbem accedere contendebant, vt motus excirent, & urbem si possent integrus viribus occuparent. Nostri rursus, ne ab hostibus circumuenerentur, congressum in alto formidare coeperunt. Hostes tandem vt volebant, cum iam Sol occidisset, in urbis conspectu prope terram anchoras demisere. Nostri similiter ita classem in ora constituerunt, vt minimo interuallo a terra disiungeretur. Ea nocte Britius consilium habuit de ratione, qua praelium postridie esset ineundum. Omnes autem nauarchi illum obtestari coeperunt, ne praelio interesset. Si vincimur, inquit, & tu ex arce poteris hostibus repugnare, & acceptum incommodum resarcire. Praeterea fide tuebere: non enim vt mari periculum cum maxima pernicie ciuitatis adires, sed vt arcem ab hostium impugnatione defenderes, fidem tuam conceptis verbis astrinxisti. His coactus sermonibus in arcem rediit, & Andradius in administrandi belli curam vehementer incubuit. At Saraceni Iaoenses, qui in vrbe versabantur, eadem nocte ad Patonuzium venire, consiliumque dedere, ne cum classe nostra confligeret. Fieri namque posse, vt auxilio a Rege Binta-

LIBER

mi accessito, classem nostram sine villo periculo circūuen-
tam opprimeret, & tunc demum arcem obsideret, quam
fame facillimè intra paucos dies in deditionem acciperet.
Interim verò in Muaris fluent a classem subduceret. Con-
silium placuit. itaq; prima luce anchoras moliri, & vela
pandere iussit. Id Andradius cū animaduerneret, neque
tamen quorsum id pertineret suspicaretur, scapha inue-
ctus omnes classi naues circumiuit, & duces admonuit, vt
velis passis ordine minimè confuso in hostes inueherentur,
ita tamen, vt nemo cominus pugnam cum hoste capesseret,
sed eminus classem hostium crebris tormentorum ictibus
verberarent, & faces etiam in naues inijcerent. Id omnes
impigrè facessunt. Quod Pateonuzius conspicatus, omnia
sua naus vela continuo pandi iussit, & vt omnes idem fa-
cerent, imperauit. Id imperium strenui Ducis omnes exa-
nimauit. Existimāunt enim, illum rebus suis dissidentem,
non de praelio committendo, sed de fuga facienda cogita-
re. Itaq; se confestim in fugam dant, nostri eos insequuntur.
Naues multas tormentorum ictibus deprimunt, complures
etiam vulnerant, & ignem in naues alias conijciunt. Cū
verò incendium esset in multis locis incitatum, hostes se in
mare exterriti flammis demittunt: qui quidem partim
hausti fluctibus, partim concisi vulneribus interierūt. No-
stri enim minoribus nauibus inuecti, eos natātes interime-
bant. At Andradius cū cerneret hostes ita perturbatos,
vt si eo die, antequam illi à metu rescicerentur, in eis perse-
quendis insisteret, bellum profligari posset, & vereretur,
ne propter pilarum & munitionum penuriam incepto de-
sistere cogeretur, ad Bruttium misit, qui peteret, vt vim
tormentarij pulueris atque pilarum in classem conuehi
repentè iuberet. Quod quidem factum diligentissimè
fuit.

fuit. At Pateonuzius, cum classis sue magnam partem dissipatam cerneret, quatuor naues maximas ita cum sua coniunxit, ut cum binæ vtrinque consisterent, ipse medium locum tueretur. In eas, quod roboris erat exercitus, traduci iussit. Reliquas deinde, quæ integræ restabant, in ordinem cogi, & inter se coniungi præcepit, ut ita facilius nostrorum impetum à se reprimerent. Statuit deinde, ut reliquæ naues eas quinque, quæ in mari munitissimæ arcis instar habere videbantur, circumirent, & quoties vrgerentur, in illud firmissimum, ut existimabat, pugnae illius propugnaculum se reciperent, unde rursus possent in nostros erumpere. Hoc tamen, quod Pateonuzius existimauit sibi salutem allaturum, exitio fuit. Primum enim reliquæ naues fortium hominum robore nudatæ, periculum arcere minimè poterant. Præterea cum se arctissimè coniunxissent, necesse erat, ut nullum frustra telum in eas emissum accideret. Prælio commisso, naues hostiles partim depresso, partim vulneratæ & mutilatæ, partim in fugam conuersæ sunt. Eoque deuentum est, ut classe hostium diminuta, iam nostri audacius reliquis appropinquarent, ut cominus hostes aggredierentur. Nauarchus quidam nomine Martinus Guedius, postquam naues aliquot demersit, in nauem maiorem inuectus est, in eamque violenter ingressus, hostes partim cecidit, partim in mare præcipites exturbauit. Similiter Ioannes Lupius Albinus in aliam nauem irrupit, hostiūq; præsidio nudauit. Hæ duæ naues incensæ confestim fuere. Reliqui nauarchi, cum pro se quisq; quantum poterat, acerrimè decertaret, stragē maximā ediderūt. Solæ quinq; illæ naues restabant, q̄ secundū ventū nactæ, passis velis fugere properabāt. Andradius ut tutius posset in Pateonuzij nauem incurrere, ali-

LIBER

aliquot delectos milites ex nauibus alijs in suam traduxit. Deinde cum in pratoriam Pateonuzij nauem incitaretur, eam consequi non potuit. in quam igitur primum impetum ferre potuit, eam iniectis manibus ferreis alligauit. Ea vero naui vehebatur Temungamus, vir opibus, et virtutis estimatione clarus, qui secundum Pateonuzium in classe principatum obtinebat. In eius nauem Andradius per latus irrupit. Franciscus vero Melius per proram ingressus, in hostes similiter irruit. Temungamus filium sororis suae ducebat, virum valde strenuum, naui etiam altissima nauarchum, qui, ut auunculo opem afferret, in Andradij nauem incurrit, in eamque repente desiluit. Nemo enim illum aditu arcere potuit, eo quod Andradius iam in Temungami naue dimicabat. At iuuenis per Andradij nauem in nauem auunculi celeriter ingressus, suis subsidio fortiter occurrit. Praelium fuit atrocius, quam suspicari quisquam fore in re iam inclinata potuisset. Hostes erant plures numero, & desperatio animos illis faciebat, neque tam ut mortem fugerent, quam ut non inulti caderent, acerrime pugnabant. Georgius Botellius interim in nauem, cuius erat nauarchus Temungami nepos, inuehitur, in eamque conscendens, cum hostibus, qui eam tuebantur, periculosum certamen inijt. Verum hostes tandem vel cesi, vel in mare deiectioni sunt, & naui incensa. Similiter & naui, in quam Andradius & Franciscus Melius ingressi fuerant, hostibus cesis inflammata fuit. Ninachetuensis, & Tuamus Mahumetes, qui naui, quam Iuncum nominant, praeerat, eadem die hominum fortium decus adepti sunt. Reliqua erat Pateonuzij naui, cum duabus alijs: in eas Andradius inuectus, tormentis eminus eas quaterere instituit, Nam cum essent altissima, & homines, qui eam tuebantur, acerrimi,

non erat, cur sine causa cum obstinatis in ascensu difficilimo certamen iniretur. Cum autem nostri sine intermissione naues hostiles verberarent, armamenta dissiparunt, & castella disturbarunt: latera propter robur nauium integra permanserunt. Prælium cum à prima luce initium cepisset, ad noctem protractum fuit. Cum verò noctis caligo tam densa fuisset, ut omnem aspectum adimeret, Andrædrius anchoras iecit, ea mente, ut ubi primum dilucesceret, hostes rursus, qui propter tenebras inde moueri non poterant, aggrediretur. Sed tempestas subito coorta cum tonitruis & ingenti procella, classem disiecit, & naues summum discrimen adierunt. Parum enim absuit, quin inter se colliderentur, vel allisæ vadis frangerentur. Tempestate sedata, cum diluxisset, Botellius & Mahumetes animaduertunt se propè Pateonucium constitutos. Itaque prælium instaurant, duas hostium naues supprimunt: Pateonuzij tantum nauis illa restabat, quæ globos, ut diximus, à se repellebat. Botellius tamen tandiu in eo certamine perseuerauit, ut eum tormentarius puluis, atque pila deficerent. Nauis autem suæ celeritate fretus, urbem petijt, ut rursus cum munitionibus ad idem certamen rediret. Classem verò quassatam, & quasdam naues afflictas ex tempestate reperit. Nihilominus tamen rebus necessarijs instructus reuersus est. Sed Pateonuzius ventum secundum nactus, se fuga in Iaoam proripuerat. In hoc prælio Pateonuzius quinquaginta nouem naues maximas ex ijs, quas appellant Iuncos, amisit. Sexaginta in prælium adduxerat, vna tantum ex illis euaserat. Longarum verò nauium, & celocium, quæ vel incensæ, vel depressæ sunt, ingens multitudo fuit. Supra octo millia hominum vel cæsa, vel incendio consumpta sunt. E nostris

LIBER


stris triginta desiderati sunt, vulnerati quamplurimi. Andr-
 dradius & nauarchi reliqui cum maxima ciuium admi-
 ratione (fuerat enim praelium omnium, quæ viderant, aut
 audierant, acerrimum) in urbem ingressi sunt. Andra-
 dius hoc bello confecto, in citeriorem Indiam vela dedit.
 Post illius digressum parum absuit, quin vrbs ab hostibus
 caperetur. Saracenus enim quidam nomine Tuamus Ma-
 xelizius è Bengala oriundus, vir ad fraudes concinnandas
 aptissimus, à Mahumete Bintami Rege maximis præmijs
 inuitatus fuerat, vt quacunque arte posset, arcem Mala-
 censsem proderet. Is summam ob eam causam cum Petro
 Persona familiaritatem contraxerat. Petrus autem Per-
 sona regia negotia procurabat. Vectigalibus enim præerat.
 Maxelizius ad se alios Saracenos asciuerat, quibus nego-
 tium dedit, vt cùm Petrum Personam occisum cernerent,
 continuò arcem armati ingrederentur, vt eam arcis par-
 tem, in qua Persona morabatur, quæ erat munitissima, ar-
 mis occuparent, eamque tantisper tuerentur, dum subsidia
 Bintamensis Regis, quæ ad eam rem expedita in insidijs
 collocata fuerant, aduenirent. Nec enim dubitabat, quin
 in eo tumultu complures, qui Lusitanos oderant, se socios
 sceleris eiusdem præberet. Rebus ita comparatis, cùm Ma-
 xelizius à Persona fuisset, vt solebat, familiariter admis-
 sus, & Persona post colloquium scripturæ operam daret,
 Maxelizius in illum incautum inuasit, mortiferumque ei
 vulnus imposuit. Persona cùm se letali vulnere percussam
 cerneret, & prodicionem metueret, ad ostium repente cõ-
 fugit, vt id inducto vecte clauderet, ne reliqui hostes in eã
 partem ingredi possent: quod, Maxelizio repugnante,
 cùm extremum spiritum ederet, summa virtute confe-
 cit. Hostes accelerant, tumultus exoritur. Nostri re ino-
 pinatâ

pinata perturbati, festinanter accurrunt: hostes foribus
obductis exclusos animaduertunt, in eos impetum faciunt,
& acriter resistentes interimunt. Deinde foribus conuul-
sis in Maxelizium inuehuntur: qui antequam occidere-
tur, fortissimè sine vllò fructu dimicauit. Horum cade
fraus compressa est, & Bintami Rex pacem petijt: qua
conditionibus aequis (sic enim tempora ferebant)
illi concessa fuit. Ad hunc modum pax Ma-
lace constituta, aliquot annis inui-
olata permansit.

LIBER

HIERONYMI
OSORII SILVENSIS
ALGARBIORVM IN LV-
SITANIA EPI-
SCOPI,

DE REBVS EMMANUELIS, LVSITANORVM RE-
GIS INVICTISSIMI VIR;
tute & auspicio gestis,
LIBER NONVS.

**D**VM hac in vltiore India ge-
rebantur, Albuquerqueius in ci-
teriore magnam classem com-
parabat. Goa autem Petrū Ma-
scaregnam praposuit: maritima-
rum rerum curam Ioanni Ma-
chiado commisit: Rodericū Pe-
reirā castello Benastariensi præ-
esse iussit. Classis erat viginti nauium. Ducebat autem se-
cum mille & septingentos milites Lusitanos, & mille In-
dos. Xviij. die Februarij, Anno salutis. M. D. xiiij. Goa
soluit. Cum verò ab ora longissimè disiunctus esset, & ea
causa plures dies, quàm existimauerat, nauigando con-
sumpsisset, ad Zacotoram aquandi gratia classem appu-
lit. Inde in Arabia ciuitatem munitissimam, quæ Adena
appellatur, cursum instituit. Ea est in radicibus montis e-
diti, qui in mare lingua procurrit sita, & vtrique flu-
entibus

tibus in sinus reductis alluitur, ita, vt peninsula fiat. Mōs est
 adeo sterilis, vt nec arbores vllas, neque plantas efferat, nem-
 pe qui sit saxosus, & prae ruptis rupibus in altum promineat.
 Aquis caret, raro admodum pluuijs irrigatur. Ex lōginquo
 pago aqua per aqua ductum in locum, qui ab vrbe quatuor
 millibus passuum distat, deriuatur. Ea vrbis aquatio est. An-
 nona & cibarijs importatis vititur, quorum tamen est incre-
 dibilis copia. Est cinēta muris, munita turribus, exculta mœ-
 nibus, & ad aspectum pulcherrima. In illam mercatores è
 Perside, & India, & Aethiopia, & ex multis Arabia regio-
 nibus sēpē commeant. Incolæ Mahumetem colunt: colore
 candido, & specie liberali sunt. Homines nobiles armis ex-
 ercentur, & militaris gloria decus ardentem expetunt. Rex
 alias ciuitates in mediterranea regione possidet, & milites
 non paucos stipendijs alit: & è suis tantum subditis in præ-
 lium, cū opus est, duo millia equitum educit. Vrbi verò il-
 li moderatorem, cuius virtuti multum confidit, præponere so-
 let. Aethiops quidam, vir animi maximi, cui nomen erat
 Miramiriamus, hoc tum munus obibat, cū ad eam Albu-
 quercius classem applicuit. Eam verò ciuitatem Albuquer-
 cius capere cupiebat, vt inde Arabiam infestam redderet,
 & exitus clasium, quibus Aegyptij primū, nunc verò Tur-
 & India minitantur, intercluderet. Inde enim Arabici si-
 nus ostium centum & viginti millibus passuum distat, ita, vt
 sit intra diem vnum facillimum ipsas fauces, cū opus fue-
 rit, paucis nauibus occupare. Præterea non arduum munus
 esse videbatur, inde in ciuitatem Herōum, quam Suez nūc
 appellant, vbi classes edificari solent, minoribus nauigijs in-
 tehi, & naualia flammis exurere. Quo facto, putabat Albu-
 quercius, India Imperium, si ita de rebus humanis loqui li-
 cet, fore sempiternum. Verū eam oppugnationem infeli-

L I B E R

citer aggressus est. Primum enim, eam occasiōem, quam rē-
more omnium persuasus, sibi oblatam crediderat, minimē
naclus est. Ciuitatem enim valdē munitam, & à nomine Lu-
sitano satis alienam reperit. Deinde Lusitani solitæ discipli-
na prorsus immemores, causam odij acerbioris hostibus attu-
lerunt. Res autem ad hunc modum euenit. Classis anchoris
firmata, quamuis naues salo iactarentur, tandem constitit.
Miramiriamus vrbis præfectus cū primū tempestas se-
data fuit, ad Albuquerqueiū nuncium misit, qui de illo q̄reret
quo animo ad illius vrbis portū classem appulisset. Respondit
Albuquerqueius, se literis, & multorum sermonibus accepisse.
Sultani classem in Arabico sinu comparatam esse, vt Lusita-
nos oppugnaret. Se verò, vt homines tam longinquæ nauiga-
tionis labore leuaret, eo cūsum direxisse, vt cum ea classe in
Arabico mari cōgrederetur. Quod verò ad urbem eam ad-
tineret, se non bellum, sed pacem adferre, ea tamen legē, vt
imperium Regis Emmanuelis acciperent, sub cuius tutela
atque patrocinio multo felicius, quàm antea atatem dege-
re possent. Miramiriamus illi continuo munera satis large
misit, ea nempe, quæ ad classem commeatum pertinebant: &
significauit, se Emmanuelis Regis clarissimi imperium liben-
ter accepturum. In portu triginta naues in anchoris consiste-
bant. Mercatores & magistri cum vectoribus nostræ classem
metu se in urbem receperant. Ad hos Albuquerqueius misit,
qui diceret, vt nullum ab eo malum metuerent, & ad naues
suas redirent. Illi respondent, verba cum factis minimē con-
sentire. Lusitanos enim in eorum naues inuasisse, & nullo iu-
re, quod eis libitum fuisset, eripuisse, & abstulisse. Literas
deinde accepit à Miramiriano, quibus cum illo de iniuria
sibi illata grauiter exposulabat, quòd mercatores illos ad-
monuisset.

monuisset, vt ex vrbe discederent, vt eorum digressu, vrbs minore presidio muniretur. Illud enim non esse hominis, qui pacem dare vellet, sed qui bellum nefarium moliretur. His literis Albuquerque intellexit animum prefecti esse Lusitanis rebus infestum, quamuis id in principio dissimularet. Interim Aethiops Christianus, qui captiuus in ea vrbe detinebatur, aufugit, et nando in classem peruenit, qui nunciauit Albuquerque, prefectum auxilia conduxisse, magnoque studio omnia, quae ad vrbs defensionem necessaria videbatur, comparasse. Is cum hoc accepisset, in terram copias exposuit & castra locauit, vt urbem oppugnaret. Cum igitur nostri tormentis moenia propugnatoribus multis in partibus nudarent, scalas muris adiuuerunt. Eamque ea die cepissent, si ordine & disciplinares gesta fuisset. Sed cum quilibet in eo pugnaret, vt vel primus, vel cum primis in muros inuaderet, & multi simul per vnam scalam scandere properarent, tanta perturbatio ordinis extitit, vt nullius imperio contineri militaris insolentia posset. Itaque scala hominum pondere perfracta sunt. Eo tempore iam centum et quinquaginta Lusitani in muros ascenderant, in quibus multi viri nobiles extiterunt. Garzia Sousa, cuius etiam scala confracta fuerant, è pinna pendens, se in terram demiserat. Is vbi animaduertit eos, qui tam ferociter primum in muros inuaserant, casu perterritos nolle rursus alijs scalis ascendere, suos in vrbs quandam partem duxit, vbi murus erat humilior. In murum igitur subiit, & turrim, in qua tormenta locata fuerant, occupauit. Ed confestim Albuquerque se contulit, & muri partem antea pertusam, in qua tormenta fuerant disposita, subruere iussit. Signifer Emmanuelis Lacerda continuò per eundem locum in urbem penetrauit: illum sacerdos Crucis signum praeferebat, subsequutus est, & multi viri fortes cominuò

L I B E R

subiêre. Miramiriamus vt eorum impetum reprimeret, ad eam partem equo inuectus accelerauit. Georgius Sylueira in muro cum alijs acre pralium ciebat. Ea parte cum murus esset introrsus humilior, & Saracenus secundum murum, vt ijs, qui iam in urbem ingredi parabant, obsisteret, gradû inferret, hastam ex illius manibus extorsit. hoc tâtum dedecus minimè ferens Sylueira, ense districto è muro desiliuit, vt in hostem inuaderet. Ibi cum illi nemo opem afferret, interfectus repentè fuit. Miramiriamus autè eos, qui per muri partem pertusam ingressi fuerant, maxima contentione repellebat. Nostri ed se tunc receperunt, quò se Garsia Sousa contulerat. Eo iam tempore multi è nostris ceciderant: complures vulnerati grauissime fuerant; & desperatio iam omnium animos occuparat. Hostes ad turrin in eā partē, qua Garsia Sousa consistebat, impetū tulerunt. Res cominus hostis si ma partis vtriusq; ptinacia gerebatur. Albuquerque in littore, in quod turris illa prominebat, cum magno animi cruciatu periculum suorum, cui remedium asserre non poterat, spectabat. Sousa illum interrogauit, quid se facere vellet. Albuquerque funes ijs, qui in turri decertabant, præberi iussit, vt per illos se è turri demitteret. Ea parte murus erat altissimus, ita, vt necesse fuerit duarum hastarum longitudine, vt funes possent nostris exhiberi. Sousa indignū genere suo, & indignum rebus à se gestis esse dixit, per funes ex eo loco, in quem virtute conscenderat, vlla formidine demitti. Idem multi, qui cum eo tunc erant, arbitrati sunt. Itaque tanto animo repugnabant, vt hostes eorum congressum valdè formidarent. Sed cum alij lapidibus contusi, alij missilibus cōfixi cecidissent, Sousa sagitta secundum frontem vulneratus occubuit: reliqui per funes demissi periculum effugerunt. Qui verò in urbem fuerant ingressi, fortissimè dimicabant.

Sed

Sed cū viderent se frustra contendere, se rursus in muros receperunt, & per scalas, quas Emmanuel Lacerda, & Ioannes Decius muris eorum gratia applicari iusserant, descenderunt. Quidam cum se saltu deicerent, crura perfregēre. Albuquerqueius, postquam oēs, qui muros subierant, & euaserant, recepti sunt, in classem reuersus est. Erat parua quadā insula muris obiecta, inde classi turris imminebat, è qua crebro pile iaciebantur, quibus haud mediocre damnum nostris inferebatur. Albuquerqueius Duces in consilium euocauit, vt de ratione, qua turrim illam excinderet, deliberarent. Interim illius iniussu magister nauis, cui Lacerda praeerat, qui Aluarus Marreirus appellabatur, nautarum manu comparata, in terram desiliuit, turrim expugnauit, hostes cecidit, & viginti septem ferrea tormenta in classem transtulit, tanta celeritate, vt antequam consiliū explicaretur, haec omnia confecta fuerint. Albuquerqueius cū animaduerneret, urbē sine graui suorum damno expugnari nō posse, & suspicaretur sibi esse cum Sultani classe confligendum, & periculum arbitraretur, viribus in ea oppugnatione fractis & debilitatis praelium, quod instabat, inire: & praeterea metueret, ne nauigandi opportunitas, dum sine magno fructu in ea contentione tempus terit, efflueret, naues in altum deducere iubet. Prius tamen, quā id fieret, naues hostium, quae erant in portu, diripere, & incendere iussit. Inde digressus, per ostium sinus Arabici in intimum sinum penetrauit. In insulam deinde, nomine Camarā, delatus est, circiter quatuor passuum millia ab ora Arabiae disiectam. Insula multas atque perennes aquas habet: syluis densissimis vestita est, & multis pecorum gregibus abundat. Incolae classis metu perterriti, in continentem traiecerant. Ibi septem dies in quatione, & cibarijs vndique comparandis consumpti sunt.

LIBER

Ciuitatem deinde, quæ in Arabia ora sita est, nomine Iudæ, petijt: se d' aduersa tempestate iactatus, in Camarâ rursus redijt. Vbi gentibus iam benignitatis specie conciliatis, hyemare, & naues reficere cōstituit. Appetente vere, cū nullus clāsus rumor existeret, in Indiam redire maturauit. Adenam tamē inuectus, experiri voluit, an eam ciuitatem sine graui dāno expugnare posset. Sed ea erat tunc multo fortius contra oēs hostium impetus munita. E muris, & turribus, & ē montis etiā cliuo ingentes atq; densi globi iaciebantur. Nostri vicissim crebro muros et mœnia quatiebāt, & multos occidebant. Turris, quā Marreirus ceperat, fuit iterum capta, & milites, qui eā tuebātur, occisi. Post quindecim dies (antē namq; propter aduersam tēpestatem fieri non poterat) Albuquerqueius cum classe discessit. Sic factum est, vt nulla re memorabili in eo cursu gesta. Diū classem appelleret. Melichiazus illū multis muneribus ad se allicere tentauit. Non tamen ita, vt Albuquerqueius valdē confideret. Erat enim summa calliditate & industria pradius, & ex fraude & mendacio cōpositus: et cū ex ingenio suo reliquos omnes fingeret, tum verō Albuquerqueiū valdē suspectum habebat. Nouerat enim hominis ingeniū, & astutiam illius metuebat: neq; eū latebat, quanta cupiditate Albuquerqueius flagraret vrbi illius vel arte capiendæ, vel viribus expugnandæ. Albuquerqueius post sex dies inde soluit. Illum Melichiazus cum nauigijs octoginta benē instructis consequitur: in alto cū ad nauem pratoriā, accepta prius ab Albuquerqueio fide, propius accederet, fictis verbis oēs opes suas fuit Albuquerqueio pollicitus, qui tamē ne ea calliditate vinceretur, omnia se illius gratia facturū cōfirmavit. Quatuor praterea Arabes captiuos (quinq; enim naues Arabū in eo cursu ceperat) illi dono dedit. Fuit munus hoc Melichiazio

chiazio valdè gratum. Erāt namq; Arabes opibus & estimatione Principes. Melichiazus ob eam causam præclarum sibi ad laudem fore putabat, si homines ea dignitate præditi per illum libertatem recuperarent. Albuquerque ita deinde oram illam præteruectus est, ut omnes ciuitatū Principes summus illum honoribus prosequerentur, & ei tributa sine vlla recusatione persoluerent. Cum verò in Chaulensi portu constitisset, Tristanum Gaam, qui fuerat ad Cambazæ Regem missus, offendit. Is literas asserbat, quibus Rex potestatem Albuquerque faciebat in Diensi ciuitate arcis edificanda. Ut autem magis amicitiam firmaret, cum Tristano Gaa legatum ad Albuquerque miserat. Inde profectus Albuquerque, antè, quā Goam appelleret, aliam nauem multis aromatibus onustam cepit. Classis verò illa tantis opibus & industria comparata, quæ vel propter imperatoris nomē, vel propter virtutem militū, maximā sui expectationē cōcitārat, & multis nationibus ingentē terrore iniecerat hunc solū fructū tulit, ut animos successibus elatos sibiq; nimium p̄fidēs, ab ea temeritate et insolētia ad modestiæ studiū reuocaret. Tum enim demū se vinci posse intelligere potuerūt, et partas victorias non fuisse illorum viribus, sed clementiæ diuinæ tribuendas. Classis enim nulla re memorabili, ut diximus, gesta, cū non mediocri fortium hominum iactura Goam reuersa est. Albuquerque duas naues ex illis, quas ceperat, cum intelle xisset Regis Calecutiensis esse, cum quo fœdus egerat, sine mora restituit. Arcis tamen fundamenta, quæ ex fœdere erat in Calecutiensi portu edificanda, nondum iacta fuerant. Opus enim partim insita Regis malignitate, partim Lusitanorum quorundam inuidia, qui perpetuū querebantur, cum magna Lusitanorum pernicie

LIBER

tam multas arces ab homine temerario & insano fundari, fuerat impeditum. Hic à Fernando Petreio Andradio, qui tunc aduenit, de Malacensi statu, & de victoria parte certior factus est: ex quo nuncio plurimum voluptatis accepit. Sub id tempus Ioannes Sousa Limicus cum duabus nauibus Goam aduectus est. Cum tribus enim Olyssippone soluerat, sed vna ex illis, cuius nauarchus Franciscus Correa fuerat, naufragio perierat. Eò legatus Regis Narsingæ ad Albuquerque cum nouis postulatis aduenit, Petebat enim, vt omnes equi, qui Goam post eam diem adueherentur, illi certo & æquabili pretio venirent, & Zabaimo Idalcamo potestas aliquam eorum partem emendi minimè fieret. Hoc, ne fœdus cum Idalcamo factum violaretur, ab Albuquerque impetrari non potuit. Interim Rex Calecutij tempestiua morte sublatus est. Naubeadarimus autem, qui rebus Lusitanis studebat, illi successit. Pax igitur fuit tunc optima fide, & summa viriusque partis voluntate confirmata. Conditiones pacis fuerunt utilissimæ, & arx edificari cœpta est, duobus legati ad Regem Emmanuelem cum multis muneribus ab eodem Naubeadarimo missi. Rebus ad hunc modum constitutis, Albuquerqueius Cananorem contendit, vt remp. certorum hominum temeritate perturbatam constitueret, & incolarum voluntates alienatas insita benignitate & equitate recuperaret. Dum hæc Albuquerqueius gerebat, fuit illius animo viri cuiusdam malignitate non mediocre vulnus inflatum. Gaspari Pereira secretorum scriba magnam auctoritatem gratia muneris huius habebat. Is cum Albuquerque hostibus societatem inierat, perpetuoque illius laudibus obrectabat. Ad Regem verò Emmanuelem scripserat, Goam esse illi, si Indiam firmo prasidio tueri vellet, omnino deserendam. Non posse urbem illam sine maximis prasidijs defendi.

Maris

Maris interim imperium deserui, et homines Lusitanos vr-
 bis moenibus inclusos multis periculis exponi. Hæc inuidi
 siue sermone quotidiano cum multis, siue oratione compo-
 sita cum Rege in Lusitania perpetuò disputabant. Cum igi-
 tur Regis aures obtunderent, eò illum adduxerunt, vt
 literis iuberet in India consilium de ea re ab omnibus du-
 cibz & primarijs hominibus haberi: Et, si maiori parti
 videretur, urbem continuò præsidio nudarent, & in ho-
 stium potestate relinquerent. His literis Pereira incredi-
 biliter exultabat. Consilium habitum est: & cum in v-
 tramq; partem sententiæ dicerentur, vicit tandem ea sen-
 tentia, quam diuinum numen præsentia sua comprobauit.
 Nulla enim est Indiæ pars, vel quæ plures opes possideat,
 vel in qua Christi nomen clarius cum mira religionis am-
 plificatione celebretur. Dum hæc in India fiebant, Rex
 Emmanuel maximam classem belli renouandi gratia cõ-
 parauit. Quomodo Moleizeiami sermonibus inductus Em-
 manuel, Ioannem Menesium Azamorem cum exercitu
 misit, & Zeiamus ipse fidem, quam dederat, violauit, ita,
 vt vrbs eo tempore capi minimè posset, antè dictum est.
 Zeiamus deinde cum ciuitatis tyrannidem occuparet, &
 ciuibz infestus esset, vt opes suas Regis Emmanuelis præsi-
 dio firmaret, pacem cum illo postea iunxit illis conditioni-
 bus, quæ Lusitanis vtilis, & illi salutare esse videbantur.
 Is enim certum tributum se soluturum, & omnibus Lusi-
 tanis, qui in ea ciuitate negotiarentur, immunitatem da-
 turum, & quoties Rex bellum hostibus inferre vellet, au-
 xilium allaturum promittebat; & Rex vicissim eum in fi-
 dem & clientelam recipiebat, vt ab eo hostium vim, si bel-
 lum aliquod contra illum moueretur, viribus & potentia
 sua propulsaret. Eam tamen pacem Zeiamus minimè ser-
 uauit,

L I B E R

uauit, & Lusitani, qui in vrbe negociabantur, offensi illius
 persidia, inde continuo semigrarunt: & Rex vt in scelus ho-
 minis fallacissimi vindicaret, & urbem satis opulentam in-
 ditionem suam redigeret, classem eam instruxit, qua for-
 tasse nunquam in Lusitania maior visa fuerat. Ea namque
 quadringentas naues omnis generis continebat. Exercitus e-
 rat circiter viginti millia peditum, & duo millia & septin-
 genti equites, e quibus quingenti erant cataphracti. Hunc
 exercitum Iacobo Brigantino Duci, cuius prudentia multum
 confidebat, commisit. Ioannes Menesius vt secundam post il-
 lum auctoritatem haberet, imperauit. Maxima nobilitatis
 pars, & multi praterca viri Principes, vt Regis imperium se-
 querentur, & decus sibi pararent, nomina libentissime dede-
 runt. Ipse Dux suis sumptibus tria peditum millia, & quin-
 gentos equites, ex quibus centum erant cataphracti, duce-
 bat: cum quibus is numerus, quem diximus, efficiebatur, Mul-
 ti proprijs sumptibus milites educebant, inter quos Ioannes
 Gundissaluius Camara insula quam appellant Materia, p-
 fectus, viginti naues, & pedites sexcentos, & equites ducen-
 tos agebat. Rex Emmanuel Ducem admonuit, vt hostes vir-
 tute, nobiles comitate, reliquos disciplina sibi obedientes ef-
 se compelleret: & vt expectationi, quam de se concitaret, re-
 spondere rerum gestarum magnitudine niteretur: potissi-
 mamque victoriae spem in Christi numine propitio colloca-
 ret. Decimo & septimo tandem die mensis Augusti, Dux
 Olyssipone soluit. Cum tardè autem nauigaret (nec enim
 ventus erat valdè secundus) non tam citò, quam fore cre-
 diderat, sacrum promontorium superauit, & Algarbij re-
 gnum prateruectus, in Pharoensi portu, qui non multum
 ab Ossonoba antiqua ciuitate distat, classem constituit, vt co-
 piarum partem colligeret. Vigesimo autem Augusti die
 inde

inde soluit, & vigesimo octauo classem incolumē cum exercitu vniuerso in Azamoris ora collocauit. In flumiū verò, qui Azamorem præterfluit, eò quòd ventus aduersus esset, penetrare non potuit. Idcirco Mazaganum, quod oppidū Azamore duobus millibus passuum abest, petijt, & in eo loco copias omnes exposuit. Ibi tres dies in rebus omnibus, quæ ad obsidionē necessaria videbātur, parandis cōsumpsit. Hostes tamen incurfabāt, & tumultū in castris interdum faciebāt: & si quos extra ordinem ferri cōspexerant, interimebant. Ducesq; tādem eximij cum quinq; millibus equitum, & septē millibus peditū aduenēre, vt manū conferrerent. Cū tamen castrorum sitū, & exercitus magnitudinem, & militiæ disciplinā animaduernerent, in ciuitatem reuersi. ciues suos nō mediocri metu perturbārāt. Itaq; cōtinuò mulieres & paruulos, & omnem gētem imbellem, et opes, quas habebant, et preciosam suppellectilē ex vrbe deportārunt, et in locis tutissimis posuerūt, neq; quisquam in vrbe remansit, præter eos, qui erant urbem defensuri. Operæpretiū tamen erit, aliquid interim de vrbis huius situ, & de opibus & potētia dicere. In ea Africa parte, quæ ad occasum Solis, extra fretum Gaditanū, ad Austrum inflectitur, est prouincia valdè fertilis et opima, quam Arabes appellant Duecalam. Per eam regionem ingens fluuius illabitur, quem Arabes appellant Omirabih: multi Asiam esse credunt. Ad huius fluuij ripas non procul à mari vrbs hæc sita est: quæ quidem murorum ambitu supra quinque millia domorum continebat. Gens erat lauta, ades ample, & magnificè multis in locis exstructa. Fuit autem in quatuor partes distributa, quarum qualibet suum rectorē habebat, ita tamē, vt eò quòd omnes vnū summum imperiū agnoscerēt, nulla inter eos dissensio, aut tumultus existeret.

Ager

LIBER

Ager est latissimus, cuius maximam partem rustici Arabes colunt: qui propterea quod à luxu ciuium plurimū absunt, multò fortiores vrbani existimantur. Ij ædes nullas habent, sed in tentorijs latissimis vitam degunt. tenuissimo victu contenti sunt, & armis frequenter exercentur. Erat autem hæc prouincia in tres partes distributa. Quolibet autem nomen à certo genere Arabum, qui primi eam colonis eiectis, occupârunt, nomen traxisse ferūt. Vna Xerquia, altera Dabida, tertia Garabia nominabatur. Quolibet deinde in tribus erat diuisa: qualibet autem tribus pro gentis multitudine tentoria in distincto loco ponebat, & peculiarem ducem habebat: quo tamen omnes cū essent inter se fœdere consociati, mutuam sibi opem, cū opus erat, afferebant. Ex his rusticanorum turmis facillimum Azamorenſibus erat, maximam equitum & peditum multitudinem congregare. Sed vt ad bellum reuertamur, Iacobus kalendis Septembris Azamorem versus exercitum instructum mouit. Petrum verò Alfonsum Aquilarem (is rebus maritimis præerat) minoribus nauibus tormenta, & munitiones importare, fluuiumq; subire iussit. Et quia hostes moles maximas, & machinationes ingentes, pice & eiusmodi materia, qua flammarum incendium concitatur, oblitas, in fluuium detrudere parabant, vt fluuij ipsius impetu delatæ, Lusitanis nauibus ignem implicarent: eas primum, antequam deicerentur, in ipsa ripa fluminis disſici, & inflammari præcepit. Ad eam rem Garſia Melius simul cum Aquilari, & sagittarijs quamplurimis, quibus ille præerat, missus fuit. Ij cū urbem propius accessissent, imperata confecerunt, quamuis id hostes prohibere, & nostros tormentis propellere conarentur. Franciscus Pedrosa, qui equitibus antesignanis præerat, exer-

exercitum, vt iter explorat, antecesserat. In eum equitum turma sanè ferociter impetum dedit. nostri fortiter restiterunt. Sed cum hostes vndique prouolarent, & multitudine Lusitanos opprimerent, Ioannes Menesius, qui primum agmen ducebat, cum delectis equitibus auxilium afferre maturauit. Hostium tamen multitudo singulis propè momentis augebatur, & recentes multo vehementius irruebant, ita, vt fuerit necesse Borbenfi Comiti cum equitibus, vt eo periculo Menesium liberaret, accurrere. Ipse què tandem Dux cum instructa phalange, & paucis equitibus, vt per se subsidio occurreret, appropinquauit. Phalangis erat ductor Gaspar Vascius, vir valdè strenuus, qui se medium inter nostrorum aciem & hostium multitudinem interposuit. Hostes, vt ordinem perrumprent, enixè contendebant: sed tandem cum nihil proficerent, retro concesserunt. In eo congressu aliqui ex hostibus cecidere, inter quos fuit vir quidam fortissimus, cuius virtute Azamoreses ciues plurimum nitebantur. Itaque cum illum mortuum animaduertissent, repente cesserunt. Appellabatur ille Cidacó. Fuerat autem summè in Regem Emmanuelem studio & voluntate propensus, illiusq; gratia multa gesserat: sed postea ab eo desciebat. Lusitanorum exercitus eo ordine, quo profectus fuerat, urbem ea nocte propius accessit. Castra cum propter flumi- nū nō longe à nauibus abessent, continuò locata sunt. Postridie Dux ex classe tormenta, testudines, & munitiones ex- trahi iussit, omniq; ordine disponi, vt muri quaterentur, imperauit. Meridie autem tres hostium acies egressæ sunt, pugnandique facultatem nostris offerebant. Vascus Couti- gnus Comes Borbenfis à Duce postulauit, vt sibi permitte- ret, pralio cum illis in acie prima decertare: quod illi mini- mè concessum fuit. Non enim dignitatis esse statuit Dux.

excur-

LIBER

excursionibus, & velitationibus rē gerere, sed vno praelio, aut vr̄bis ipsius celeri expugnatione bellum conficere. Itaq; testudines muris applicare, tormentis mœnia verberare, scalas etiam admouere continuo precepit. His, quibus hoc prescriptum fuerat, praesidio Ioannes Meneſius erat, cuius consilio hac omnia gerebantur. Is tunc per Ludouicū Meneſium, & Georgium Barretum cum Algarbiensibus militibus, & per Ioannem Syluium cum copijs, quas Syluensis Episcopus miserat, vt non solum impigrē, sed ordine cūcta fierent, operam dabat. Oppugnatio fuit acerrima. Nostri testudinibus muris applicatis, muros subruere, & tormentis mœnia disturbare cœperunt. Hostes è muris, missilibus & pilis, & saxis, vt impetum à mœnibus repellerent, summa ope cōtendebant, multosq; grauissimē vulnerabāt. quinetiam & trullas ignitas, & aluearia cum apium innumerabili multitudine inflammata demittebāt, vt simul & operas incenderent, et nostros non igne tantū, sed crebris aculeis stimularent. Cide Manzor, qui magnum nomē in ducibus obtinebat, & multa & praeclara decora virtutis militaris obierat, & tunc, vt dictum est, curam vr̄bis tuenda suscep̄erat, per muros discurrebat, & vbi suos magis premi, et muros vehementius quassari viderat, eò opem celerius afferebat. Nec solum voce et imperio, verū & manibus suos ad certamen pro laribus atq; focis, pro religione & libertate, virtutis exemplo acriter incitabat. Quandiu igitur ille vixit, nemo erat, qui non acerrimē periculum à patria propulsare conaretur. Sed accidit, vt cū iam Sol in occasum precipitaret, globus è cāmpo in illius pectus emissus, illi & audacia simul atq; vita finem asferret. Hostes ingenti dolore perturbati, clamores ingentes cū ciuitatu miserabili sustulerunt, & sic hominis illius nece cōsternati

nati sunt, ut statim de vrbe deserenda cogitarent. Itaque nocte illa per diuersas vrbis portas effugerunt. Tanta autem in fuga trepidatio fuit, cum quilibet primus omnium exire cōtenderet, & alij alios prapedirent, ut supra homines octoginta multitudine suffocati, ad portas occuberent. Antequam dilucesceret, Iudeus quidam, nomine Iacobus Adibius, natione Lusitanus, qui cum reliquis Iudeis in exiliū pulsus fuerat, è muris Iacobū Berrium, virum egregie fortē, qui erat in classe, nominatim inclamauit (illo namq³ plurimum vsus fuerat) à Berrioq³ contendit, ut se ad Ducem sine vlla mora perduceret. Quo facto, Iudeus pro tam lato nuncio sibi & Iudeis, qui in vrbe relictī fuerant, vitam & securam bonorum possessionem à Duce petijt, & impetrauit. Dux flexis genibus, & manibus in calū intentis, summas gratias egit CHRISTO, celestium agminum imperatori, cuius numine & beneficio ciuitas illa magnitudine satis ampla, ciuium multitudine frequens, opibus summis, et valido militum presidio munita, intra diē vnum sine vllius cade, in Christianorum potestatem venerat, ut in eo loco, vbi dira Mahumetis superstitio miserorum hominum mentes infecerat, CHRISTI nomen sanctissimum predicatione sempiterna coleretur. Rebus deinde compositis, signa Regis Emmanuelis in moenibus constituta sunt, & ipse Dux in vrbem ingressus est. Sacraenorum templum expiatum continuò, & ritu solenni consecratum fuit, & altare festinanter exstructum, in quo res diuina sanctissimè fieret. Nostri milites ad prædā conuersi, præter maximam frumenti vim, nihil aliud, quod esset aliquo pretio dignum, reppererunt. Tite ciuitas non multis millibus passuum AZamore distans, hoc metu ciuibus omnibus nudata fuit: quam Dux occupari continuò iussit.

Simi-

LIBER

Similiter Almedinenses ciues urbem deseruere: cuius urbis occupanda, firmisque presidij vincienda curam Dux Nonio Fernādo Ataidio commisit: illius autem praefectura Iehabentafuso concessa fuit. Vtrisque autem mandauit, vt data fide omnes, qui aufugerant, euocarent, vt vrbes colerent, & imperium Regis Emmanuelis acciperent, solitumq; tributum penderent: & sic demum futurum, cum sub inuictissimi Principis tutela & presidio laterent, vt impune suis bonis omnibus fruerentur. Ad hunc modum vtraq; ciuitas coli & frequentari coepit, multoq; magis opibus & potentia floruit, quam ante floruerat. Urbis capta nuncius continuo Regi Emmanueli allatus fuit, qui letitia elatus, supplicationes decreuit, & vota rerum omnium Domino, cuius numine bellorum omnium momenta ponderantur, magnifice atq; religiosè persoluit. Id etiam cum Leo decimus Pontifex maximus ex literis Regis Emmanuelis accepisset, dies festos egit, supplicationes instituit, ipseque publicè rem diuinam solenni ritu atq; caeremonia confecit: & concionator egregius orationem de laudibus Regis Emmanuelis habuit, quod eo tempore, quo reliqui Principes Christiani odijs acerbissimis irritati, in mutuā perniciem ruebant, intestinisq; seditionibus hostium vires amplificabant, solus Emmanuel pro CHRISTI gloria bellum susciperet, & Christiani nominis hostes in India, & Mauritania profligaret. Az amore verò motus quidam nō apud multitudinem solum, verum & apud eos, qui Principes habebantur, concitari coepit. Cum viderent enim ciuitatem munitissimam sine ullius cade in manus Christianorum peruenisse, non dubitabāt, quin si Brigantinus Dux cum vniuerso exercitu in Marrochiense regnum inuaderet, illud totum, cum maxima nominis sui gloria, sub imperium

perium ditionemque Regis Emmanuelis subiungeret. Nam si cum parua admodum manu duces Lusitani Regem ipsū in fugam compellebant, quid esset expectandum, si cum iusto exercitu bellum fieret? Accedebat, quod eo tēpore Mauri neque tantis erant armis muniti, neque tam scienter acies instruebant, neque ciuitates ita muniabant, vt arduum minus esse videretur, vno impetu eas excindere. Reges verò neque magnas opes habebant, nec erant inter se fœdere consentientes, ita, vt faciliè alij in alios non magna mercede cōcitari possent. Fraus deinde punica, & insita in hominibus leuitas & inconstantia faciebat, vt cum neq³ fidem sanctè cōlerent, neque iurisiurandi religionem conseruarent, nullus eorum fidem socijs adiungeret: & cum ex suo ingenio quisque alios fingeret, reliquos suspectos haberet, & sibi perpetuò insidias ab illis intendi suspicaretur. Quod vbi fit, ibi nullum firmum vitæ atque salutis propugnaculum constitui potest. Quocirca necesse erat, si iustus exercitus in mediterraneas regiones moueretur, ab ijs, qui temporibus & successibus rerum seruebāt, suis insidias fieri, & dolos strui, & productionis metu quemlibet eorū perpetuò sollicitari. Nec enim dubium erat, quin multi, vt victorum gratiam captarent, principibus suis insidias machinarentur. Vt enim gentem amoris fœdere inter se mirifice consentientem, & constanti fide conglutinatam aggredi periculosum nimis est: ita homines odijs, & fraudibus, & perfidia disidentes, nullum fore negotium iudicabant, armis euertere. Præterea sic bellum administrari posse existimabant, vt nullis sumptibus duci posset. Agri namq³ sunt vberissimi, fruges latissimæ, pecorum & armetorum incredibilis multitudo, ita, vt commeatus affatim, si tempore bellum fieret, suppeditari facillimè posset. Ad hoc accedebat, quod cū in bello rerū opportunitas omnia

L I B E R

moderetur, nulla maior rei benè gerendæ facultas dari posse multis videbatur. Exercitus erat iustus, milites acres, duces acerrimi, hostes exanimati: quocirca nemo dubitabat, quin si nostri percussis instarent, bellum cum maxima Regis Emmanuelis utilitate, et Christiani nominis gloria intra breue tempus profligaretur. Hac & alia in hanc sententiam vulgò iactabantur: neque deerant, qui ipsius Ducis aures eiusmodi sermonibus obtunderēt. Quin etiam sacerdos quidam, qui diui Francisci institutum sequebatur, cui nomen erat Ioannes Chiauentis, qui postea Episcopus Vicensis creatus fuit, cum in templo sacram concionem habuisset, de hac materia copiose coram Duce ipso disseruit, et tam præclarâ occasionem amitti, acerbissimè conquestus est. Itaque cum Dux omnium sermonibus carperetur, coactus fuit in ipso templo, monacho, qui eum ad bellū stimulabat, publicè respondere. Non se ignorare dixit, nomen suum maledictis multorum passim consindi, sed se non rumoribus hominum, sed ratione & consilio moueri. Sibi fide & obedientia erga Regem nihil esse antiquius: Regem autem non vt in Marrochium signa inferret, sed vt Azamorem expugnaret, illam in Asiam misisse. Si quidpiam ultra moliretur, id se contra Regis sapientissimi imperium facturum. Si multis, inquit, mensibus urbem hanc obsidione premeremus, si maxima milium multitudo prius cæsa ab hostibus fuisset, quàm eam caperemus, tunc tam clara victoria putaretur, vt nemo quidpiam præterea desideraret. Nunc quia Dei beniginitate intra diem vnum, sine vllius cæde, eam cepimus, victoria contemnitur, quasi sit præclarius, hostem cadere, quàm ciues ab omni clade incolumes conseruare. Ego contra censeo, multo esse ad sempiternam laudem præstantius, ciuem vnum tueri, quàm hostium multitudinem trucidare. Bel-

lum non tam leue est, quàm multi predicant. Reges enim quamuis inter se dissideant, commune tamen, quod vniuersis impendebit, periculum, facile animos omnium ab intestinis seditionibus ad commune malum propulsandum auocabit. Si igitur Rex Marrochienſis, & Feſſenſis, & Xerifus, et montium Principes coniunctis viribus nobis obſtiterint, multi fortasse, qui nunc oratione feroces multitudinem tumultuari cogunt, in periculis constituti trepidabunt. Solet enim hoc accidere. Ut quisque in pace furentius & audacius de bello differit, ita magis in ipso belli discrimine tumultuatur, & à mente consilioque deducitur. Præterea non vident, maximum exercitum ex rapto diu sustentari non posse. Si igitur hostes voluerint, quo plures sumus, eò grauius periculum intercluso commeatu adibimus. Si enim fruges in agris existerent, tum facile fuisset, rei frumentariæ provide-re. Nunc verò cum iam messis præterierit, & frumentum in longinquas oras asportatum sit, si hostes voluerint nos fame necare, quis illos ab eo conatu depellet? Frumento, quod habemus, intra paucos menses absumpto, quomodo bellum, quod non paucis mensibus gerendum est, administrabimus? Præterea æſtas in exitu est, et hyems intra breue tempus in-ſtabit, quæ poterit esse impedimento, quo minus tanta bre-uitate bellum finiatur, quanta homines audaces & teme-rary suspicantur. Præterea bellum hoc maximum, quod su-ſpiciendū iniussu Regis arbitrantur, Rex ipse sibi designa-rit, & nos si desponsam illi laudem præripere conabimur, nõ nõdò imperium illius contemnemus, sed fidẽ illius maiestati lebitam nefariè violabimus. Ego quod ille imperauit, exe- cutus sum: si fuerit opus, me vitam pro illius dignitate pro- undere, mori minimè recusabo: & dum illius voluntati sa- tisfecero, quid homines de me iudicent, minimè laboro. Nec

L I B E R

enim intelligunt, quoties aliquis bellum sui Principis iniussu suscipi, offensionem esse pestiferam, & victoriam inuidia plenam, ita, vt necesse sit ei, qui aliquid absque Regis præscepto molitur, calumnijs innumerabilibus proximum fieri. Nunc verò nemo me calumniari iure potest. Meum officium erat, urbem istam capere, eam Dei clementia cepi: celeritate summa bellum conficere, intra diem vnum id non mediocri felicitate confeci: exercitum incolumem reducere, id Dei singulari benignitate perficiam. Quò negotium & facius, & celerius, & minore cum periculo transactum est, ed clariore numinis beneficio deuincti sumus. Quocirca satius esset, Deo gratias agere, quàm famam hominis officio suo praeclare functi maledico dente corrodere. Hæc cum dixisset, sermonem quidem hominum cōpresit, non ita tamen, vt non extent hodiè permulti, qui doleant, maximam fuisse tunc ab illo summi decoris opportunitatem prætermisam. Ille tamen rationibus, quas diximus, inductus, id sibi licere minimè putauit. Aliud etiam incommodum interuenit, quod illum cogeret in Lusitaniam redire. Tubere namque fœmur alterum illius ita laborabat, vt is equo vehi non posset. Exercitu igitur commisso Francisco Portugallēsi, cuius insignis nobilitas erat iam eo tempore cum non mediocri laude prudentiæ coniuncta, Mazaganum contendit. Balsam deinde Lusitania ciuitatem in Algarbio sitam traiecit, vnde Almeirinum, vbi Rex Emmanuel morabatur, se contulit: à quo fuit magnis honoribus, vt æquum erat, acceptus deinde magna pars redacta in Lusitaniam fuit. Rodericus Barretus, & Ioannes Menesius Azamore relicti, Barretus vt urbem tueretur, Menesius vt cum exercitu bellum finitimis gentibus inferret. Nonius Fernandus Ataidius Sasinium reuersus, institu-

rum suum persequutus, multis incommodis Mauros agitabat. Similiter Ioannes Menesius & Barretus suos otio torpere minimè permittebant. Itaque Menesius per exploratores certior factus, paganos, qui Xerquiam incolebant in locis, qui circiter triginta passuum millia ab vrbe aberant, sine vlllo metu vagari, initio Anni. M. D. xiiij. ad vesperum ex vrbe cum equitibus mille & ducentis, & mille peditibus, cum Barreto egressus, viginti & quatuor millia passuum ea nocte cōfecit. Inde Montem viridem (sic enim propter amœnitatem, & frequentium herbarum, & plantarum viriditatem appellare solent) petierunt. Prima luce in pagum Bencasizium inuasere. Pagus est in mōte situs, qui ab imo modice assurgens, in orbem desinit. Incole partim cæsi, partim capti, partim è rupe in fluuium, qui Azamorem præterfluit, præcipientes eiectiones sunt, & oppidum direptum & exustum, Similiter Bernardus Emmanuel, & Ioannes Syluius, qui ab eodem Menesio missi fuerant, in alium pagum, quem Tafufum appellant, inuecti sunt, & pagum omni præsidio nudatum aspiciunt. hostes enim diffugerāt. Nostri igitur, quod reliquū erat, vestigijs insequuti, fluuiio appropinquarent, vbi Mauri cōstitērāt. Multi fluuium nando traiecerant, alij natare parabāt, non pauci tamen conferti pugnam minimè detrectabant. Qui tamen dissipati, & in fugam coniecti, in fluuium se demiserunt: è quibus non pauci nantes missilibus confixi fuerūt. Bernardus inde cum præda profectus, se cum Menesio coniunxit, & ita cum magno captiuorū numero, & pecorum multitudine, oēs in urbem regressi sunt. Est in ea Mauritaniæ parte, quæ ad Austrum spectat, & cū finibus Sasinensibus continens est, prouincia, quæ Heam incolæ nominant. In ea Tednest ciuitas est, in cāpi latissimi & fertilissimi planicie sita,

L I B E R

in qua templum erat hominibus illis valdè sanctum & religiosum. Xerifus in hac vrbe ades amplas habebat, & hortos cultissimos & nitidissimos cum piscinis, et varijs aquarum deriuationibus, cum quibus se, cum otii erat, frequenter oblectabat. In hac ciuitatē Ataidius inuadere cōstituit. Per litteras tamen Menesiū admonuit, vt sibi opē afferret. rem namq; dignam esse, quam ambo viribus cōiunctis aggrederentur. Ataidius tamen illū minimè expectauit. Ex vrbe igitur quadringentos equites eduxit. sociūmq; Iehabentafusum asciuit, qui duo millia equitum, & septingentos pedites secum adducebat. Cū verò ciuitati, quā petebant, appropinquarent, Xerifus illis cum quatuor millibus equitum occurrit. Ataidius postremū agmen ducebat. Iehabentafusus, qui in primo agmine cum suis Xerifio obuiam prodierat, Ataidio spectante, sauiū & atrox praliū commisit. Xerifus tandem victus ab Iehabentafuso, se fugæ mandauit: multi ex hostibus cæsi sunt: præda verò tanta fuit, quāta nunquam antea fortasse ex vllo pralio, cum gentibus illis inuito capta fuerat. Nam supra ducenta millia pecudum, & boum, & tria millia camelorum, equorū similiter ingentē multitudinē fuisse cōstat. Ataidius in urbē ingressus conqueuit. Inde verò litteras ad Menesiū datis significauit, quomodo iam negotiū confectū esset. Abest autē Azamor ab ea ciuitate circiter centū & sexaginta passuum millibus, & ea de causa fieri nō poterat, vt tam cito se Menesius cum Ataidio coniungeret. Ducebat autē Menesius septingētos & quinquaginta equites, & pedites mille. Quacūq; autē iter faciebat, maximi honores illi ab omnibus Maurorū pfectis atq; principib. fœderatis habebātur. In oppidū autē exiguum tādē peruenit (Chiqueriū nomināt) tēpli Mahumetani gratia ab incolis incredibili religione celebratum. Id enim iussu Nahumetis fundatum extitisse.

vanissimi sacerdotes asserebant. Ea verò mente Menesius eò puenerat, vt inde Marochium peteret. Chiquerium autem Marochio nō plus triginta & sex millibus passuum aberat. Inde tamē Ataidiū p literas ad societate facinoris inuitauit. Is dixit se pacis legib scribingendis, & fœdere sanciendo ita distineri, vt nullo modo posset tūc ab ea vrbe discedere. Marochium verò maioribus esse viribus oppugnandum, neq; cōmittendum, vt sine vllo fructu ille flos nobilitatis in tantum discrimē induceretur. Menesium deinde orabat, & obtestabatur, vt tūc incepto desisteret. Menesius ad Ataidium venit. Venerat interim Ataidij gener Alsonsus Norogna cum Mauris equitibus octingētis, vt noctis filetio oppidum natura munitissimum in monte arduo situm oppugnarent. Quod factum est, & hostes, ante q̃ illi aduentarent, id fore suspicantes aufugerāt: pauci tamē capti sunt. Iterum cū iā copia essent multis partib. amplificatæ, Menesius institit, vt Marochiū tenderent, q̃ tunc expugnātū iri confidebat. Ac Ataidius verebatur, ne si id fieret, maxima gloriæ pars ad ipsum Menesiū pertineret. Hac ratione, vt opinio erat, impeditus Ataidius, nullo modo potuit adduci, vt itineris illius se sociū pberet. Id molestissimè Menesius, & oēs, q̃ cum illo venerant, passi sunt. Inde cum nonnulla offensione Menesius digressus, nuncium accepit, Regē Fessensem, & Regē Mequineziū cū maximis copijs aduentare, vt Azamorē obsidione cingerent. Idcirco qua potuit celeritate Azamorē cōtendit. In itinere verò literis Roderici Barreti, quib. idē confirmabat, vehementius incitatus est, vt ad institutā celeritatē aliqd addendum cogitaret. Attamē cū admoneretur, ne eū in itinere Reges interciperēt, Bernardū Emmanuelem, & alios viros nobiles, qui cum Ataidio manserant, per literas asciuit, & cōmeitū. &

L I B E R

tela, variasque munitiones importari fecit. Almedinam ingressus, ab Alemeimamo vrbs prefecto fuit cum summis honoribus acceptus. Is eum admonuit, vt sibi à ducibus Fessensis Regis caueret. Hos enim cum octingentis equitibus, & sex millibus peditum precedere, se compertum habere dicebat. Inde profectus, per ciuitates fœderatas ita iter faciebat, vt semper exercitum singulari ordine instructum duceret, quasi sibi esset cum hostibus certamen singulis horis in eundum. Attamen siue ea fama vanis auctoribus dissipata fuit, siue duces regis Fessensis parum diligētes extiterunt, is sine vilo impedimento Azamorem copias incolumes induxit. Ibi certior factus est, Fessa Regem duos duces cum maximis copijs in Duecalam misisse, vt eam regionem valido presidio tuerentur. Regem verò Mequinezum cum equitum & peditum multitudine expectari: qui Nase (est quidem illa Mequinezij ciuitas non ignobilis) se tenebat. In animo autem Rex Mequinezius habebat, cum ducibus Regis Fessensis Azamorem petere, vt Lusitanos obsidione vexaret. Menesius non expectandum esse putauit, dum hostes copias omnes cōiungerent. Cū igitur intellexisset, duces Fessenses in oppido satis munito, quod Balbam appellant, consistere, in eos antequam inde discederent, inuadere cōstituit. Ad Ataidium verò nuncium cum literis misit, quibus eum admonebat, vt vellet pralio interesse, quo sibi non mediocre decus parare, & opus Regi Emmanueli gratissimum efficere posset. Cū de loco inter eos, vbi erant copia coniungenda, parum in principio conuenisset, tandem statuerunt, vt Seam (is locus viginti quatuor millibus passuū Balba distat) copijs iungendis deligerent. Itaque Menesius duodecimo die Aprilis octingentos equites, & mille pedites eduxit: sequenti die propè lacus quosdam in planicie castra posuit.

Eo die Ataidius cum Iehabentafuso cum mille & quingentis equitibus, quorum maxima pars erant Mauri, aduenire. Consilio inter duces habito statutum fuit, vt de prima vigilia silenti agmine castra moueret, vt luce prima possent in hostes imparatos inuadere. Ex omnibus autem copijs quinque acies instruxerunt. Primam Menesius, alteram Rodericus Barretus, tertiam Ioannes Gundissaluus Camara ducebat. In acie tertia Aluarus Carualius, & Ioannes Syluius inerant, vt etiam, vbi opus esset, ducum officio fungerentur. Quartam aciem Ataidius cum Alfonso Norogna genero suo agebat. Quinta Iehabentafuso commissa fuit. Has quinque acies equitum Petrus Moralis, & Ioannes Rodericus cum instructis peditum copijs valido subsidio firmabant. In medio impedimenta cum tormētis aliquot curribus inuectis ducebantur. Menesius acies circumibat, & singulos duces de officio commonebat, & omnes ad decus vehementer excitabat. Orto iam sole, hostium castris appropinquarunt. Erāt autem castra in planicie posita, prope montem, qui campis imminebat. Menesius designauit oculis locum, in quo erat or alium faciendum, & ductores peditum admonuit, vt in eum locum, quā celerrimē possent, aciē dirigerent. In hostium castris erant supra quatuor millia equitum. Peditum verò numerus propter multitudinem iniri non potuit. A tergo torrens campum à monte dirimebat, qui quamuis tunc siccus esset, tamen propter alueum, quem torrens imbribus auctus in altitudinem deprefferat, erat hostibus impedimento, quo minus se in montem sine periculo reciperent. Hostes quatuor acies instruxerunt. In prima acie pedites cum fistulis ferreis, & scorpionibus locauerunt, vt sagittarum & gladium multitudine primam nostrarum aciem perturbarent. Menesius verò, cū tubis signum pugna dare iussisset, & om

LIBER

nes nomen Sancti Iacobi de more Hispania conclamarent, tanto impetu in hostes inuectus est, ut antequam qui in acie prima conlitterant, damnum aliquod (quod valde metendum esset) inferre possent, eos dissiparet, & cum praelium acriter iniret, tres illas equitum acies fudit, & usque in torrentis alveum hostes insequutus, multos occidit. At aidius, cui datum erat negotium, ut in unam equitum aciem impetum ferret, id exequi non potuit. Ea namque acies, quam petebat, a loco deflexerat, ut suis contra Menesium operam afferret. Itaque in pedites inuasit, quorum magnum numerum cecidit. Menesius cum ad torrentem peruenisset, suos continuit. Multi tamen illius imperium contemnentes, torrentem transgressi sunt. Erat autem Menesius reliquis quidem Imperatorijs laudibus excellens, sed propter insitam in natura mansuetudinem, in animaduertendo parum severus. Ob id igitur adolescentes nobiles animo quidem virili, sed mente parum sana pradi, tanti viri auctoritate contineri non potuerunt, quin se sine ullo fructu in discrimen salutis inijcerent. Menesius Garsiam Menesii fratris sui filium misit, qui eos redire compelleret. Is equo incitato se confestim illis opposuit, & ut se continuo reciperent, adhortatus est. Iam plerique obtemperabant, cum Arius Tellius iuuenis apprimè nobilis, & laudis præter modum cupidus, sed, ut fama erat, temerarius, exclamavit. Nō decet hoc tempore pedem referre: Mauros istos, o commilitones, usque Fessam ferro persequamur. Hac oratione qui iam redibant excitati, rursus in hostes incurrunt. Garsia Menesius cum eorum impetum cerneret, Si ita vultis, inquit, & ultra Fessam impetum feramus. Hac cum diceret, se illis admiscuit. Hanc temeritatem cum Menesius animaduerneret, torrentem transgredi statuit, ut fugientes (nec enim eum latebat, quod erat eis, qui temerè ruebant, even-

euenturum) exciperet. Peditum interim aciem vnā præ-
miserat, quæ hostium impetum sustineret. At auidius torren-
tem transgredi noluit, ne copiarum suarum ordinem per-
turbaret, sed in ripa constitit, vt inde hostes, si transire co-
narentur, repelleret. Iehabentafusus huic incommodo o-
pitulari nequiuit. Cùm enim Mauri, quos ducebat, hostes
fufos animaduenterent, prædandi cupiditate cæci, ducem
reliquerunt. At hostes, qui se in montem receperant, vbi
paucitatem eorum, qui illos persequabantur, animadu-
tere, in eos conuersi tanto impetu fuerunt, vt in effusam
fugam compellerent. Maxima eorum pars temeritatis pæ-
nas luit. nam ab hostibus cæsi sunt, inter quos Arius Tellius,
& Garfia Menesius extiterunt. Qui fugientes insequen-
tur, cùm animos iam à prima illa consternatione recepif-
sent, & illo successu, qui præter opinionem acciderat, elati
fuisent, tanto impetu in Menesium incurrerunt, vt cū co-
gerent in aduersam torrentis ripam copias reducere: quod
non sine multorum sanguine confici potuit. In hoc prælio
equites plus quinquaginta ceciderunt, & supra centum
vulnerati sunt. Ex hostibus, vt postea compertum fuit, duo
millia et sexcenti interfecti fuerunt, in quibus vnus ex du-
cibus illis summus fuit, quos Rex Fessensis cum imperio mi-
serat: alter ex equo decidit, & à suis, cùm esset iam in sum-
mo vitæ discrimine constitutus, ereptus est. Septem duces
alii ceciderunt: supra quatuor hominum millia vulnerati
sunt: captiui ducenti & octoginta fuerunt. In ijs fuerunt
uxores & filij eorum ducum Xerquiensium, qui prælio in-
terfuerunt. Victoria illustris & clara fuisset, nisi eam iuuen-
utis temeritas aliqua ex parte deformasset. Hostes postquàm
nostras acies cōiunctis animaduenterunt, eas non sunt au-
di laceffere. Nostri cum præda iam diuisa iustis itineribus
in es-

L I B E R

in sedes suas reuersi sunt. Reges Fessensis & Mequinezius nondum hanc suorum cladem acceperant, cum obsidionis consilium, qua Azamorem opprimere statuebant, inter-
mittendum minimè iudicarent. Itaq; Nazer Mequineziij Rex cum maximis copijs regni sui finibus egressus, Azamorem contendit. Mahumetes Rex Fessensis non medio-
crem equitum & peditum multitudinem illi in auxilium misit. Rex Mequinezius in flumine, quod Azamorem al-
luit, traſciendo septem dies, tanta erat hostium multitu-
do, cōsumpsit. Menesius Emmanuelem de obsidione, quam futuram credebat, per literas confestim admonuit: qui summa diligentia omnia, quæ erant ad urbem muniendā idonea, comparauit. Sed Nazer cū accepisset eorū cla-
dem, qui prælium cum Menesio inierant, consilium muta-
uit, & Almedina regionem populari constituit. Magnam itaq; vastitatem terris intulit, Almedinam cepit, eos qui in præsidijs inierant, qui Alemeimamum Safinium fugere properantem sequi noluerant, interimit. Iehabentafusus cū neque copias haberet, quibus tantæ multitudini resi-
steret, & ab Ataidio, à quo auxilium postulârat, minimè firmo subsidio adiutus fuisset (Ataidius enim obsidionem timebat, & ideo copias diminuere noluerat) Safinium se conferre statuit. Sed primū puteos obturauit, alios be-
stiarum cadaueribus inquinauit, & frugibus etiam corru-
ptis infecit, vt Regis exercitum siti conficeret. Dum in his operibus tempus conterit, Rex illum cōsequitur. Itaq; præ-
lium vitari non potuit. vtrinq; fuit acerrimè dimicatum. Equites aliquot Iehabentafusi ceciderunt, inter quos dux fuit quidam, Benamira nomine, vir insigni robore prædi-
tus. Ex acie Regis equites quinquaginta desiderati sunt, et in his dux insignis, quem Rex Fessensis copijs suis præfece-
rat.

At Iehabētafus in eo plio ea facinora virtutis militaris edidit, vt multos admiratione defigeret. Sic igitur è prælio discessit, vt illum hostes non admodū pertinaciter insequerentur. Mille tamem camelos amisit. At aidius illi locum muris coniunctum assignauit, in quo castra poneret. Rex interim aquarum penuria grauissimè laborabat, & puteos, vt sitim leuaret, de integro fodere iubebat, & ita tempus sine vlla re memorabili consumebat. Iehabētafus vna nocte castra illius oppugnare constituit. Rex ab indice monitus, castra in locum alium magis munitum repente mutauit. At Mauri, q̃ Xerquiā incolebant, cum animum illius abiectum & demissum factis agnoscerent, & simul fluxam fidem animaduernerent, illum contemptu & odio dignum statuerunt. In primis autem grauitè eos offendeat, quòd cum se Azamorem aut Sasnium obsessurum ostendisset, & tantis copijs abundaret, nihil horum tentare propter ingentem formidinem ausus fuisset. Seq̃, inani spe deceptos à Regis Emmanuelis fide descuisse molestissimè ferebant. Itaq̃, vt odium expromerent, & amissam Regis Emmanuelis gratiam aliquo insigni facto recuperarent, cum Mequinezius Rex prope oppidum, quod Tazartote nominant, castra haberet, contra fidem, cuius illi religionem minimè nōrunt, in castra ruunt, eadem faciunt, copias Regis in fugam vertunt: supra mille hominū in seruitutem abripiunt, octingentos equos capiunt. Rex castris exutus, cum maximo damno atq̃, dedecore in montes arduos primū se fuga proripuit, atque inde in regnum reuersus est. At Menesius interim in grauissimum morbum incidit. Cū verò decumberet, literas ab Emmanuele accepit, quibus illum miris laudibus efferebat, & pro meritis excellentibus præmia illi ingentia proponebat.

His

LIBER

His literis responsum nullum dedit. Nec enim iam eo tempore quidquam de hac misera & exigua vita sibi cogitandum statuebat, sed tota mēte ad sempiternam omnibus votis aspirabat. Itaque rebus omnibus, quæ ad animi expiationem necessaria videbantur, ritè procuratis, cū in sita religionis & pietatis egregia documenta dedisset, è corpore quasi ex ergastulo quodam expeditus, in calum, ut omnium opinio ferebat, immigrauit. Fuit enim vir ille non virtutis tantū militaris & imperatoria gloria præcellens, sed laudibus etiam mansuetudinis, & lenitatis, & clementiæ præstantissimus. Erat præterea in omni genere urbanitatis humanissimus. Et cū vitæ castimonia, & morum integritate multū omnibus, qui vitam in armis degerant, anteiret, tum amoribus sine vitæ petulantia, aut vlla verborum, obscœnitate deditus erat, ita tamen, ut in illis etiam non libidinis vllum vestigium extaret, sed ludus sine vlli pudoris intertrimento quæsitus apparet. Hostibus maximo terrori fuit, militibus autem carissimus, ciuitati vniuersæ maximum sui desiderium cum multis lacrymis & luctu diuturno reliquit. Quantum autem ingenio valeret, versus, quos patrio sermone componebat, apertè declarabant. Nec enim illis quidquam vel argutius, vel festiuus excogitari poterat. Augurijs tamen deditus erat, & atra interdum bile ad insaniam laborabat. Sed hanc tenuem vitiorum labem virtutis magnitudo tãto intervallo superabat, ut maiora etiam vitia in tanto viro toleranda viderentur. In locum illius Petrus Sousa successit, qui postea Comes Prædensis extitit, & Rodericus Barretus in Lusitaniam reuersus est. Hoc anno Petrus Menesius Alcoutinensis Dynasta cū crebras excursions faceret, quibus Mauros perpetuò fatigabat, tum mense Iulio in Tu-

tuani fines inuasit: multos cecidit, alios captiuos abduxit. Initio verò mensis Octobris nuncium accepit, duos Regis Fessensis fratres cum decem millibus equitum, & magno peditum numero, vt Septā oppugnarent, aduentare. Classē præterea misisse, vt terra simul & mari ciuitatem premerent. Hi duobus in locis syluestribus insidias posuerunt, in quibus ipsi consistere, deinde quinq; & viginti excussores emisere, vt nostros elicerent. Hi ad speculas vsq; perueniunt. Petrus Menesius equites quindecim in eos immisit, ipse cum centum et quindecim equitibus egressus est, vt illis subsidio esset, cum hostes ex insidijs, vt ille fore suspicabatur, erumperent. Nostri in equites hostium impetum dedere: illi repemē cesserunt vsq; eò, dum nostros in locum, quem ij, qui erant in insidijs, tenebant, extraherent. Nostri insidijs exploratis, ad Petrum Menesium se cursu recipiunt. Hos ducenti & quinquaginta equites insequuti sunt. Horum vestigijs alij permulti institerunt. Petrus Menesius intra vallum, quod urbem cingit, se continuo recepit. Hostes illi, qui prius ex insidijs emerferant, aditu valli, cum essent iam nostris admixti, prohiberi minime potuerunt. Petrus Menesius in eos conuersus, prælum iniuit, quod maxima vtriusq; partis vi pugnatum fuit. Ex hostibus circiter ducenti cæsi fuerunt, è nostris vnus tantum cecidit, sex & triginta vulnerati sunt. Regis interim fratres adueniunt, vt vallum disiciant, & nostris aditum in urbem intercludant: & classis etiam in terram copias exponit. Sed eo iam tempore Petrus Menesius suos in urbem reducerat, & foribus occlusis conatus eorum inanes reddiderat. Illi mortuos in naues cum lacrymis imponūt. Erāt enim plerique iuuentutis principes, & homines, in quibus seniores non mediocrem spem felicitis militia collocauerāt.

Hoc

LIBER

Hoc autem tempore maximo terrori nomen Regis Emmanuelis erat apud Mauros, simul clementia & aequitas illius in omnium ore atq; predicatione versabatur. Cum igitur se ab Emmanuelis ducibus bello fatigatos, & domi suorum tyrannide vexatos esse conspicerent, ultro ad Emmanuele veniebant, & enixe ab eo contendebant, ut eos in fidem acciperet, illisq; tributum, quod ei videretur, imperaret, & duces quos vellet, eis praeponeret. Se namq; usq; ad extremum vitae spiritum pro illius amplitudine pugnatuuros. Neque solum qui vrbes incolebant, libenter in deditionem veniebant, verum etiam pagani atque montani, cum vires suas infeliciter experti fuissent, voluntaria seruitutis pactione vitae suae & incolumitati consulebant. Itaque Xerquienses legati gentis principes ad Emmanuelem introducti sunt, qui se, suaq; omnia illius fidei atq; potestati committebant: & postulabant, ut Xerquia provincia à Dabida & Garabia distincta fieret, & illis Audaramen rectorem & ducem praeponeret. Ne autem in eo Iehabentafusum offendere viderentur, dicebant Aduecamenum regionem, quam diximus tribus illis praecipuis nationibus inter se distingui, tantam esse, ut nullo modo posset ab vno Iehabentafuso gubernari. Is igitur Dabidam & Garabiam imperio contineret, & Xerquiam ab alio rectore regi permitteret. Accedebat, quo id cum minore Iehabentafusi offensione fieret, quod Abderamen illius famulus, & in discipulis illius educatus extiterat, ita, ut nemo dubitaret, quin is perpetuo Iehabentafuso libenter obsequeretur. Hoc & ad ipsius provinciae pacem, & ad iuris administrandi facilitatem, & ad ipsius Regis fructum & emolumentum valde pertinere. Sic enim fore, ut eos, quorum tam aequo postulato satisfacisset, in officio promptiores contineret, &

tributum,

tributum, quod pendere volebant, facilius exigeret. Fuere legati comiter accepti, & quod postulabant, benignè à Rege concessum, ea tamen lege, ut quoties omnes illa tres Dueca- la partes vires suas coniungerent, Iehabenta fufum sum- mum ducem agnoscerent, imperiumque illius sine vlla recu- satione sequeretur. Sanxit etiam lege Rex, ne quispiam ab vna in aliam tribum transiret, ne perturbatio & confusio fie- ret, & aliquis ea de causa motus conciretur, qui bello ma- teriam subministraret. De ijs rebus ad Ataidium, & ad Pe- trum Sousam, qui AZamore tenebat, literas dedit: & Ie- habenta fufus eam prouincia distinctionem facile compro- bavit. Eodem anno Nonius Fernandius Ataidius Iacobum Lupium caduceatorem in Xerquiam misit, qui frumentum imperatum à colonis exigeret, & illud AZamore depor- tandum curaret. Id Lupius exequutus, cum Mauris, qui fru- mentum iumentis impositum ferebant, AZamore rectè cō- tendit. In itinere facti sunt illi obuiā equites sexaginta, qui AZamore veniebant. Mauri cum opinarentur eos hostili a- nimo prodijisse, arma repenti corripunt, & pralium animis obfirmatis offerunt. Lupius se medium interposuit, et cadu- ceatoris officio functus est. Vix tamen Mauros placare po- tuit. Dicebant enim se non Sousam, sed Ataidium agnosce- re: cum Ataidio namque, & non cum Sousa pactionem de frumento importando fecisse. Lupius tamen eos, quoad fieri potuit, ad lenitatem inflectere contendebat. Illi verò dice- bant, Petrum Sousam, postquam AZamoris curam suscep- rat, illis minimè ferendas iniurias intulisse. Idcirco equites illi sexaginta frumentum AZamore subuehendum cura- rent, se namque in eam ciuitatem minimè pedem illaturos. Cum tamen Lupius multa orationis lenitate vsus fuisset, nō modo eos mitigauit, verum ed perduxit, ut Marochium sub

L I B E R

illius ductu contenderent. quadringentos & vigint tres equites ex illis delegit, & cum viginti & septem Lusitanis equitibus inde profectus, postridie in turmas hostiles, quæ Marochio quatuor millia passuum aberant, inuasit, & aliquot occidit, tres & quinquaginta viuos cepit: ingens præda pecorum & camelorum abacta fuit. Marochium tandem accedunt, & ipsi Mauri, Regis Emmanuelis nomine sapius conclamato, hastis vrbis portas percutiunt. Marochij Rex re inopinata perturbatus, vt eorum impetum repelleret, egressus est. Illi fortissimè resistunt, & quatuor equites occidunt, & ita incolumes cum præda in locum, vnde profecti cum Lupio fuerant, reuertuntur. Ibi præda diuisa, Mauri cum gregibus in Xerquiam redièrunt. Lupius Safinium cum captiuis ingressus, admirationi quàm plurimis fuit. Facinus enim videbatur incredibile, hominem plebeium, & caduceatorem tantum audere, vt cum tam exiguis copijs, & ijs maxima ex parte suspectis, eò penetraret, quò Ataidius ipse dux fortissimus, cum à Menesio ad eiusdem facti societatem inuitaretur, peruenire dubitaret. In huius anni exitu Rex Emmanuel tres legatos ad Leonem decimum Pontificem Maximum, cum muneribus regia magnificentia dignis instituit. Princeps legationis Iristanus Cugna fuit. Collegæ duo iurisconsulti magnæ apud Lusitanos auctoritatis extitere. Vnus Iacobus Paciecus, alter Ioannes Faria nominabatur. Per illos Pontifici sacras vestes ex auro, cū multis gēmis opere excellēti perfectis donomisit. Vasa præterea ex auro, atq; monilia maximi ponderis et pretij vestib. adiecit. Opus erat eiusmodi, vt cū materia nihil preciosius excogitari posset, artificium tamen ipsam materiam multis partibus superaret. Misit præterea elephātū Indicū miræ magnitudinis, quod nō solū Romæ vbi homines, post inclinatam Romanæ maiestatem

statis amplitudinem, illud animal nunquam oculis aspexerant, sed quacunque gradum inferebat, nemo circumfluentem vndique turbam, admiratione obstupescit, submouere poterat. Panthera etiam venatica missa fuit, quod munus haud scio, an olim Romæ Aediles, cum ludos magnificentissimos apparabant, & præter alias immanes beluas, pantheras etiam in publicis spectaculis exhibebant, præstare potuerint. Ea namque mansuefacta, non in circo cum bestiarijs, sed in syluis cum apris atque ceruis prælum committebat, & principibus, qui venationibus oblectantur, plurimum voluptatis afferebat. Ea insidebat equi Persici tergo, integumentis auratis eleganter instrati. Equum regebat Persa venator eximius, qui ad id munus obeundum ab Armuzij Rege cum equo & Panthera missus fuerat. Tristanus Cugna cum esset vir & nobilitate, & auctoritate, & existimatione non vulgari præditus, tum proprijs sumptibus eam lectionem exornandam susceperat. Ducebat autem secum res filios et cognatorum copiam, amplamque familiam, quibus stipatus non abiecti Principis speciem præ se ferēbat. Lectionis scriba Garfia Resendius, vir non mediocris apud Regem auctoritatis erat. Nicolaus Faria, qui equis Regijs curandis præerat, agebat equum pulcherrimum, ephippijs aureis, & phaleris aureis, emblematis & gemmis maximis pretij distinctis instratum, & ornatum, qui etiam Pontifici donandus erat. Duodecimo tandem die mensis Martij, anno. M.D. xiiij. legati in urbem hoc ordine iter instituerunt. Familia vestibus admodum eleganter exculta præcedebant. Panthera tergo Persici equi, quæ Persa regebat, insidens, et elephantus cum rectore sequebantur. Nicolaus Faria equo, quem diximus, inuectus, post elephantum interuallo

LIBER

modico disſūctus, primum illud agmē coge-
bat. Nobiles de-
inde viri, qui comitatu ſuo legationi non parum dignita-
tis adiungerent, loco ſuo progrediebantur. Poſt illos cadu-
ceator Luſitanus cum inſignibus regijs legatos antecede-
bat. Deinde Triſtanus Cugna ſequebatur, cuius vtrunque
latus legati reliqui claudebant. Fuerunt à Cardinalium
domeſticis, deindè à Principū legatis, multisq; principibus,
antequam in urbem ingrederētur, omnibus honoribus ex-
cepti. Ad urbem cū accederent, urbis Præfectus cum Pon-
tificibus, & ipſius Pontificis Maximi domeſticis atque fa-
miliaribus obuiam prodijt, Pontificisq; nomine orationem
habuit, qua legatis de aduentu gratulatus eſt, omniaq; Re-
gis Emmanuelis clariſſimi Principis officia, qui pro Chriſti
nomine, & religionis ſanctitate perpetuò dimicabat, illi
gratiſſima, vt merita illius poſtulabant, perpetuò fore di-
xit. Reſpoſum pro dignitate redditum ab illis eſt. Romani
deinde designatores aduenēre, & ordinem pompæ illius in-
ſtruxēre. Omnia interim tubarum cantibus, & tibiaram
ſymphonia & concentu perſonabant. Nullus fuit princeps,
qui non ordine à designatoribus conſtituto legatos deduce-
ret. Eluctiorum etiā agmen inſtructum eos antecede-
bat. Turba vndique viſendi gratia confluens, omnes viarū adi-
tus obſtruebat, ita vt vix ſuſtibus coercita cedere, & locum
dare vellet. Cū ad molem Adriani ventum eſſet, tormen-
torum ingenti ſtrepitu ciuitas vniuerſa tremefaſta fuit.
Fumi tandem caligine diſpulſa, cū Pontifex è fenestra
ſpectaret, elephantus acceſſit, & ter genibus flexis, & de-
miſſo corporis habitu venerabundus illum ſalutauit: quod
non mediocre admirationem ſpectantibus incuſſit. Tum
proboſcide in dolium ingens aqua reſertum immiſſa, aquā
hausit, qua oēs, qui in fenestris altioribus inſidebāt, aſper-
geret.

Designa-
tores

geret. In plebem deinde conuersus, eam aqua, quasi ludum exhibere vellet, immodicè persudit. Cum hac pompa fuerunt ea die legati in hospitium deducti. Vigesimo, verò die mensis eiusdem, legati eadem hominum frequentia & celebritate in Pontificis ades deducti sunt. Pontifex in sublimi sede vestibus sacris cultus, vt sit, eos expectabat: Cardinales in sedibus suis confidebant. Legati primùm Pontificis pedes osculati sunt. Alij deinde ordine à designatoribus instituto idem officium præstiterunt. Tristanus deinde Cugna literas Pontifici Regis Emmanuelis obtulit, quæ publicè lectæ sunt. Eæ nihil aliud continebant, quàm postulatū, vt legatis fides haberetur. Tum Iacobus Paciecus egregiam orationem habuit, quam ita voce & actione luculenter expressit, vt non mediocrem ea die laudem eloquentissimi oratoris assequeretur. Pontifex responsum Latine, verbis luculentissimis, & eleganter, & grauius dedit, Emmanuelisq; nomen, & Lusitanæ gentis virtutem laudibus summis exornauit. Postridie legati in viridarium, quod post Pontificis ades in Vaticano monte confitum est, intromissi sunt. Eo in loco eos iam Pontifex expectabat. Ibi munera accepit, quorum fulgorem & artificium admiratus vehementer est. Inde in hortum, vt elephantum & pantheram videret (nō enim facile elephantum erat in superiorem adium partem, vnde in viridarium exitus patebat, scādere) continuò descendit. Ibi voluit spectare, qua ratione panthera venaretur. Fuerunt igitur ad illum bestia perductæ. Panthera repente à venatore, qui eam regebat, immissa, in illas insiluit, easq; celeritate incredibili iugulauit. Non multo post diebus legati postulata Regis Emmanuelis explicuerunt: quorum pars ad communem reip. Christianæ statum, pars ad ipsius Regis cōmodum & emolumentū pertinebat.

*Cedmus
Hind.*

Nota h.
nō

bella fr.
sta

Qua ad commune bonum spectabant, erant haec, Vt inditum concilium continuaretur, illiusq; decreta sancirentur: vt sacerdotes à vita luxu, morumq; licentia, ad continentia & sanctimonia disciplinam reuocarentur: vt opera daretur, qua Principes Christiani ab intestinis discordijs ad bellum contra Turcas consensione summa comparandum traducerentur. Hec omnia postulata, non enim temporis erant, repudiata sunt. Reliqua singulari benignitate concessa fuerunt, nempe vt tertia atq; decima partes vectigalium, quae alendis sacerdotibus, & sacris vsibus destinata sunt, in belli, quod in Mauritania gerebat, sumptus illi tribuerentur: vt bona pars ecclesiarum (sic enim trito iam sermone templorum bona nominare solemus) cum monachorum etiam quorundam vectigalibus, in vsus eorum, qui in Christiana militia ordinem cooptantur, conuerteretur: vt diplomata scribi iuberet, quibus ijs, qui vellent bellum Africanum pecunia iuuare, caelestia beneficia à Christiani thesauris depropta largè tribuerentur. Quae quidem largitas hominum reprehensione carere non potuit. Vt enim Rex hominum cupidorum importunitate victus, id à Pontifice contenderet, equum tamè esse dicebant, vt Pontifex esset in largiendo restrictior. Sacra enim vectigalia tanta religione nō solū apud hoīes diuinis legibus astrictos, sed etiā apud Gracos, & Romanos, & Aegyptios, & cōplures alias nationes munita fuerunt, vt qui ex illis partē aliquam attigisset, grauissimum in se scelus admisisse existimaret, vix vllis piaculis eluendum. Et verā religione dicebāt multò magis continendam esse hominum Christianorum cupiditatē: neq; committendum, vt propter immanem quorundam auaritiā, quae nullis finibus arceri potest, sacra profana fierent. Decime quidem atq; tertia sacrorum vectigaliū partes

res olim Alfonso nono, & post Alfonso vndecimo concessa
 definito tempore fuerunt. Verum sed illorum patrimonium
 fuerat à tutoribus dissipatum, & influentes barbarorum copia
 in Hispaniam irruentes, erant tunc templorum omnium
 sanctitatibus, & sacris etiam vasis, iure atq; merito repel-
 lenda. Rex Fernandus similiter & Isabela cum essent pro-
 pter Portugallense bellum sumptibus exhausti, & bellum eis
 iustum & religiosum contra Granatenses Saracenos insta-
 ret, merito videntur eadem Pontificis benignitate susten-
 tati. Id tamen Alfonsus primus Lusitania Rex, qui cum re-
 nues admodum opes possideret, Saracenos innumerabi-
 les, opibus & potentia feroces, maxima atque diuturna
 belli contentione è Lusitania finibus expulit, nunquam vt
 faceret, in animum induxit. Neque Sancius illius filius, qui
 cum bellum durissimum Saracenis Beticam incolentibus
 inferret, prope Hispalim, Betim fluuium eorum sanguine
 tinxit. Neque Ioannes hoc nomine primus, qui profligato,
 quod cum Castella Rege gesserat, bello, Septam urbem ex-
 pugnavit. Nec Alfonsus quintus, qui Tingim & Arzilam
 & Alcazzarem armis atque virtute cepit. Nec Ioannes se-
 cundus, cuius non solum in bello Hispaniensi contra Fernā-
 dum Regem inuidiosissimum admirabilis virtutis lumen e-
 luxit, sed etiam in Africano bello clarissimum specimē e-
 gregiae virtutis exhibuit. Si exemplis erat agendum, quan-
 do quod exemplo fit, iure etiam fieri pleriq; iudicant, mul-
 to magis erat exemplis domesticis, quàm alienis vestigijs
 insistendū. Deinde illi, q sacris rebus permissu Pōtificis ma-
 nus iniecerunt, excusationē egestatis habuere. At Emma-
 nuel tunc tantis opibus circumfluebat, vt omnes Principes,
 à quib. ortū ducebat, longissimo interuallo superaret. Quod
 si illi, quib. ea pecunia sacra summa donabatur, totā vitā,

*Alfonsus
 1. Lusitaniae
 Rex
 Sancius
 filius*

LIBER

vt olim in sacro bello, pro CHRISTI sanctissima religione consumerent, rectè videretur illud munus à Rege postulatum, & à Pontifice concessum. Sed illud incommodum accessit, quod in literis Pontificis, legatorum opera, qui sacra pecunia lucris inhiabant, adiectum fuit, vt illa vectigalia non modò pro CHRISTI religione militantibus, sed quacunque alia ratione benè meritis à Rege donari possent. Hoc introitu ad hominum cupiditatem patefacto, factum est, vt vectigalia sacra multis in locis hominibus lautissimis, qui non solùm nunquam hostis vultum aspexerunt, sed illata Africani belli mercede contremiscunt, donarentur. Postremò quod Rex hominum sermonibus inductus sibi proposuit, consequutus minimè fuit. Maritimas enim Mauritanie ciuitates facillimè tueri, & nobilitatem opibus amplioribus deuinctam tenere, et erarium demptis sumptibus amplificare cupiebat. At post illius muneris concessionem, nec Africa bellum eadem felicitate gestum fuit, & nobilitas maiore inopia conflictari, & pluribus querelis vti cœpit, & Regis erarium, quò plures vectigalium accessiones fiunt, eò sumptibus minus necessarijs, & casibus interdum acerbioribus exhauritur. Sumptus quidem sacra pecunia moderatos, & hominibus, qui non militie sacra nomen vsurpant, sed pro religione sanguinè profundunt, attributos, laudandos censeo: tantam largitionem ex sacris vectigalibus in luxum multorum hominum, qui nunquam gladium strinxere, fieri, minimè ferendum arbitror, Sed vt eò, vnde deflexit oratio, reuertamur, Legati, rebus ex animi sententia cōfectis, cum literas ipsius Pontificis, valdè propensæ in Emmanuelem voluntatis testimonium cōtinentibus, in Lusitaniã redierunt, Emmanuel tertias atq; decimas sacrorum vectigalium remisit, quod illi non medio-

eri laudi tributum fuit. Pontifices & sacerdotes illi pro tanta benignitate centum & quinquaginta nummorum aureorum millia tribus pensionibus obtulerunt, Litera, quibus animi eorum, qui certo pecunia numero bellum, Africanum iuuare vellent, expiarentur, & multis praeterea beneficijs, quae ad numinis offensas obliterandas valerent, afficerentur, ministrorum auaritia & improbitate grauissimas offensiones attulere. Fuit tamen Emmanuel iussu in ministros animaduersum, & omnes vel humano iudicio, vel diuina vindicta talem exitum vitae habuerunt, vt intelligi posset, numen diuinum fuisse hominum cupiditatis, qui ex hac functione non mediocrem sibi pecuniam comparabant, vehementer infensum. Summa pecuniae, quae ex sacerdotijs erat in vsum militiae conferenda, & CHRISTI, vt appellant, militibus assignanda, fuit viginti millium nummorum aureorum, qui circiter bis centum auri libras efficiunt. In ijs etiam Emmanuel moderationem adhibendam censuit. Primum enim Abbatis omnem praeter paucas, quae iam eiusdem militiae obtentu ab hominibus, qui nunquam militauerant, occupatae fuerant, ea tyrannide liberauit. In reliquis sacerdotijs aequos iudices adhibuit, & vt omnia cum moderatione fierent, operam dedit. Sed iniuria satellites atque ministri tantam industriam adhibuerunt, vt nihil ex aquo & bono fieret. Sic enim aestimatione sua annuos fructus, qui erant militibus addicendi, attenuabant, vt vix vllis fructibus summa expleri posset. Sacerdotibus vero non fructuum vllam partem, sed certam pecuniae summam relinquebant: & ita paulatim eos possessionibus exturbabant. Cū vero fructus annui venirent, & eorum pretium singulis annis augeretur, milites autem ditiores fierent, sacerdotes in eadem perpetuo egestate relinquebantur. Sub id tempus

L I B E R

alia quadam legatio ad Emmanuelem Regē peruenit, quæ fuit illi gratissima. Quomodo vir quidam Armenius, Matthæus nomine, ab Imperatore illius Aethiopiæ, quæ supra Aegyptum est, ad Emmanuelem missus fuerat, exposuimus Eū Albuquerqueius honorificè acceptum, & beneficij ornatum in Lusitaniam misit. Duces, quibus Matthæus commissus fuit, odio Albuquerqueij inducti (dicebant enim illum esse scurrā atque præstigiātorem, & Albuquerqueium insanum & temerarium, qui homini leuissimo fidem habuisset) eum multis iniurijs affecerunt, neque sicut legatum, sed tanquam vile mancipium acceperunt. ob quam rem fuere in custodiam dati, vt pro ratione maleficij pœnam debitam luerent. Qui tamen postea fuere legati eiusdem precibus è custodia liberati. Quæ autem fuerit huius legationis occasio, est paulò altius repetenda. Rex Ioannes secundus, vt dictum est, ardebat cupiditate incredibili Indicæ regionis penitus explorandæ. Cùm verò accepisset, esse quendam Christianum Imperatorem mira sanctimonia præditum, qui Indias imperio contineret, eumq; Presbyterum Ioannem appellari, & cerneret sæpenumerò sacerdotes Christianos Aethiopas, qui Romam venerant, & Galliam Hispaniamq; peragrabant, suspicari cœpit, eos ex ea Indiæ parte profectos esse, in qua Presbyter ille Ioannes (summum enim sacerdotium cum imperij regij maiestate obtinere dicebatur) regnum possideret. Ipsi- quæ sacerdotes cum interrogarentur, an Rex illorum sacerdotio summo præditus esset, & an Ioannes presbyter appellaretur, & an illorū patria terminis Indiæ contineretur, haud abnuebant. Putabant enim, si ea suspicio penitus in Christianorum animis insedisset, fore, vt ipsi multo humanius à nostris acciperentur. Nemo tunc erat ijs literis præditus, vt quātum inter vtramque regionem interesset, distinguere posset.

Ioannes

Præ

li

trij

Jo

Ioannes igitur cū de hoc presbytero Ioanne multa percipisset, existimauit sibi vel ad nominis decus, vel ad religionis fructum, vel ad India peruestiganda facilitatem, nihil optatius cadere posse, quā cum hoc Christiano principe fœdere coniungi. Idcirco varijs temporibus homines Arabica lingua peritissimos magnis præmijs inuitauit, ut eas regiones perlustrarent. Inter hos extitit quidam nomine Alfonso Paiua, & alter, cui nomen erat Ioannes Petreius. Hi profecti è Lusitania Anno salutis. M. CCCC. lxxx. vj. A Egyptum mercatorum habitu peragrârunt, atque inde Adenam peruenerunt. Ibi cū intellexissent, in ea A Ethiopia parte, quæ sub A Egypto est, esse summum quendam Principem Christianum, cuius imperium esset latissimum, & cui multi Principes obtemperarēt, suspicati sunt, illum eundem esse, cuius cognoscendi gratia missi à Ioanne fuerant. Sed eos India nomen interturbabat. Missi namq; fuerant, ut Christianum India Imperatorem, nomine Presbyterum Ioannem conuenirent. At nec imperium, neq; nomē, neq; sacerdotij dignitas, in Aethiopia Regem conueniebat. Cū igitur inter se quid optimū esset deliberarēt, visum est, ut Ioannes Petreius in Indiam nauigaret, & videret, numqua mentio in oris illis Presbyteri Ioannis existeret: Paiua in A Egypto Thebis Petreio præstolaretur. At verum fuerat, Christianū quendam Principem nominis eiusdem. secta Nestorianum, in mediterraneis India locis amplissimum imperium tenuisse: qui tamē fuerat Scytharū armis oppressus, & regnū illius occupatū, cuius iam nomen erat obliuione sepultum. Christiani tamen non pauci in locis illis resederant, Mestorij tace contaminati. Itaq; Ioannes Petreius cū sine fructu tēpus à se conteri videret, in A Egyptum redijt, ut cum Paiua, quid

vtrique

an

mis

max

xvi

regny

in

in

sti

fah.

L I B E R

virig, agendum esset, deliberaret. Ibi duos Iudæos Lusitanos reperit, cum Regis Ioannis literis ad illum atque Painam datis. Sed Paina, vt Iudæi asseruerunt, iam obierat. Iudæi Armuzium (sic enim Ioannes imperauerat) petiere, Petreius varijs regionibus peragratis, in montem Siai, vt sepulchrum virginis Caterina inuideret, se contulit: & inde Adenam reuersus, Zeilam, & Zeila ad AEthiopia imperatorem se tādē contulit. Nec enim dubitauit, cum non alium Christianum Principem in regionibus illis reperiret, quin is esset, ad quem missus à Ioanne fuerat. Rex Alexander appellabatur, qui Ioannis literis letitia incredibiliter elatus est, Petreiumque singulari humanitate tractauit. Sed accidit, vt is Rex tunc è vita discederet, antequam ad Ioannem rescriberet. Cum verò nullum filium suscepisset, frater quidam illius, Nau nomine, in regnū successit, à quo nunquam Petreius impetrare potuit, vt sibi in patriam redire liceret. Hoc Rege defuncto, filius illius, cui Dauid nomen erat, Rex creatus est: qui tamen in eo perseuerauit, vt nullo modo Petreium è regni sui finibus abire permitteret. Ingenio enim hominis, vt verisimile est, Reges inducti sunt, ne fructu prudentiæ & sagacitatis illius carere vellent. Is igitur cum reditum in patriam omnino desperaret, vxorem duxit, & filios ex ea suscepit, stabilemque sedem in illa regione necessariò collocauit. Sed progressu temporis cum Vascus Gama primū in Indiam iter aperiret, & regiones illas exploraret, cum deinde Lusitania classes, & Duces fortissimi in Indiam venirent, & insignes victorias adipiscerentur, fama nominis Lusitani per omnes illas oras cum hominum admiratione vagabatur: & cum ad Dauidis aures peruenisset, & ex Petreio intellexisset, gentem illam Lusitanam eandem esse, à cuius Re-

ge is

Alexan.
der rex

Nau.

Dauid

ge is missus extiterat, miro studio incitatus est, vt legatum ad illum mitteret. Erat autem Rex adhuc puer, & Helena illius auia, singulari prudentia foemina, regnum nomine illius administrabat. Consilio igitur cum ea communicato, decretum fuit, nihil fore vel ad nominis claritatem, vel ad religionis sanctitatem vtilius, quam Principi virtute clarissimo, & religione sanctissimo singulari amicitia foedere copulari. Ad eam autem legationem *Matheo Armenus*, quem diximus, natione Armenium, religione Christianum, virum non vulgari prudentia praditum, qui diutissime apud Reges illos versatus cum non mediocri probitatis & industriae laude fuerat, delegere, qui munus id obire pro dignitate posset. Cum illo veniebat Aethiops quidam adolescens summa nobilitate, vt mores nostros & instituta perdisceret. Hi fuerunt ab Albuquerque his honoribus accepti, quos supra retulimus, & a Ducibus ea immanitate tractati, quam exposuimus. Fuit Olysiptone legatus ab omni nobilitate, & a Pontificibus cum maxima significatione Christiana caritatis in Regiam deductus, & ab ipso Rege satis benigne & comiter acceptus. Post triduum fuit admissus, vt summam legationis exponeret. Is prudenter atq; disertè muneri sibi commissso satisfecit, & literas Helena Reginae quinq; bullis aureis consignatas Regi detulit, deinde crucem à ligno Crucis, qua Christus pro generis humani salute mactari sustinuit, Regi nomine Principis sui donauit. Hanc Emmanuel obortis lacrymis venerabundus accepit, summasq; gratias DEO egit, quod in lōginquis illis regionibus, hostium immanitate vastatis, Christiana religionis & pietatis semina conseruasset. Alteras deinde literas arundine aurea inclusas eduxit, quas David Rex ad Emmanuelem dederat. Omnes haec literae erant Arabica & Persica

LIBER

Persica lingua conscripta. Sententia illarum hac erat. Prin-
 cipio quidem Rex trium personarum distinctionem vna na-
 tura & diuinitate coniunctam debita veneratione prose-
 quutus. Regi Emmanueli salutem & felicitatem precaba-
 tur. Deinde gratias de epistolis ad Reges Aethiopia mis-
 sis agebat, & suam potentiam & opes exaggerabat, qui-
 bus confidebat futurum, si Rex Emmanuel mari, ille verò
 terra in Mahumetanam nationem inuaderent, vt impij &
 scelerati Mahumetis nomen ex omni memoria hominum
 euellerent, & CHRISTI sepulchrum in libertatem vin-
 dicarent. Matthaei legati auctoritatē constituebat, & Cru-
 cem, quam Rex ipse in amoris signu mittebat, è ligno Cru-
 cis, in quam generis humani liberator sublatus fuerat, per-
 fectam fuisse confirmabat: ad societate belli atq; pacis Em-
 manuelem inuitabat, & ius etiam connubij libeter offere-
 bat. Nihil enim sibi gratius fore dicebat, quam illā amo-
 ris coniunctionē, et religionis cōsensionem matrimonij et-
 iam fœdere sacrosancto inter vtriusq; Regis liberos icō cō-
 firmari. Laudabat postremò facinora, quæ in India Regis
 Emmanuelus Duces ediderant, eaq; dicebat non absque
 CHRISTI præsentiā gesta fuisse: & vt quod instituerat,
 ad exitum perduceret, hortabatur. Lectis literis Emma-
 nuel Matthaum in hospitium deduci, & illi omnia copiosè
 præberi iussit. Locus autem hic postulat, vt de huius Chri-
 stiani Principis imperio pauca dicamus. Regnū illius à Se-
 ptentrione Aegypti finibus, ab Austro montibus Luna ter-
 minatur, ab ortu, mari, quod per ostiū Arabici sinus influēs
 ad Heroum ciuitatē pertinet, definitur. In occasum verò
 latissimè protēditur, ita vt cum gentibus atro colore, et cri-
 spo & adusto capillo, quæ ad Aegesimbam regionem perti-
 nent, cōiungatur. Montes tamē multos in illius regno Sara-
 geni

cenitenēt, qui illi non obediūt. reliqui principes illi parēt,
 & multi tributi nomine ei non mediocrē auri vim singulis
 annis pendūt. A Lunæ mōtibus Nilus exoritur, qui inde va-
 rios lacus & insulas efficiēs, Aegyptū interfluit, vsq; eō, dū
 per Alexandria in nostrum mare influat. Regni totius am-
 bitum septingentis milliaribus patere dicūt. Multi in ea re-
 gione montes & diti & excelsi cōtineri dicuntur, vndiq; p-
 rupti, aditu per angusto, adeo, vt vnus tantum homo per o-
 stium penetrare possit. In summo autem fastigio sunt miræ
 planicies latē patentes, aqua perennes, pabula & fruges la-
 tissimæ, amnes pellucidi, pecorū, & boum multitudo, aluea-
 ria, è quibus vis ingens mellis exprimitur. Regio maxima
 ex parte est fertilis & opima, multisq; auri, argenti, & æ-
 ris metallis abūdat: equos nutrit, gossipij copiam ingentem
 profert: vino caret, sed incola potionē è melle & aqua cō-
 ficiunt potu iucundam, & corpori valdē salubrem. Medi-
 cis atq; pharmacis rarō admodum vtuntur. Gens tamē est
 supra modū ignaua, & propter ingentē desidiam, & arti-
 ficum penuriā, telluris bonitate frui nescit. Rex cum finiti-
 mis gentibus cōtinerenter bella gerit, & ideo vrbes non inco-
 lit, sed in castris perpetuū atatem degit. Tanta autem est
 hominum & tabernaculorum multitudo, vt castra circi-
 ter duodecim millibus passuum in longitudinem pateant,
 & totidem in latitudinem. Eo autem ordine locantur, vt
 quamuis crebrō mutantur, facillimum sit cuius, castro-
 rum vias oculis designare, & in hominum, quos conueni-
 re velit, tentoria sine vllo errore peruenire, & principes
 quos velit adire, & tanquam in vrbe notissima versari. In
 castris septem paræcia sunt, & singulis paræcijs sacerdo-
 tes præfecti, qui sacra peragunt, conciones habent, sub-
 ditos disciplinis instituunt, & rebelles pœnis à flagitio

deter-

LIBER

deterrent, & ad Christianam moderationem frequenter erudiunt. Vrbes regionis exiguae sunt, edes humiles, muri fragiles: templa tamen magnifica, & monasteria maximis sumptibus edificata. Rex se tanquam numen caelestis coli faciebat: vultum ne principibus quidem apertum nisi statis diebus ostendebat. Illis qui eum conuenire volebant, aliquando pedem tantum, aliquando verò manum demonstrabat: reliquam speciem regis intueri, nefas existimabatur. Cum verò respondere volebat, internuncijs utebatur, & è cortinnis, quasi ex aditu oraculum ederet, respoſa per interpretes edebat. Sed hæc ineptissima diuinitatis ementita fabula, postea quàm Lusitani gentibus illis in vltimum discrimen adductis opem attulere, & morem Christianorum Regum exposuere, derisa fuit. Iam nunc Reges intueri, iam illos alloqui, iam audire licet. Quod verò ad religionem attinet, multa ab Hebraeis desumpta conseruant. Mares octauo ab ortu die circunciduntur, & foeminis etiã aliquid amputatur, vt non omnind incircūcisa videantur. Quod dicunt se facere, non quòd in circuncisione vim aliquam ad salutem constituent, sed vt Abrahami, & aliorū sanctorum Patrum exemplum sibi ob oculos proponant, & illo monimento cōmoniti, acrius & ardentius in similis sanctitatis studium incitentur. Quadragesimo deinde à circuncisione die mares, octogesimo autē foeminae salutaribus aquis expiantur, & Eucharistiam eo die infantes initiati in mica panis assumunt. Singulis annis diem, quo CHRISTVS à Ioanne aquis Iordanis ablutus baptisimi sacramentum instituit, eiusdem lustrationis renouatione celebrant: & tamen asserunt, vnico tantum baptismo peccata deleri, reliquas lustrationes quotannis instauratas, corpus tantum tingere, animum verò non expiare: se tamen id facere, vt

CHRI-

Cultus
regis

Religio

Circum-
ciduntur
males
fœminis

Baptismus

males

a die 40

Circumcisi-
onis

in illa

ab 80

Eucharistia

in 40 die

baptismi

ex hâc

in mica panis
sacramentum

CHRISTI diuinum beneficium, qui, vt nostras sordes elueret, sanguinem & aquam è latere suo profudit, sæpius in memoriam redigant. Fœmina si mares ediderint, quadraginta diebus, si fœminas, octoginta à templorum liminibus arcentur. Sacerdotes vxores ducunt: si vxores decesserint, cœlibes permanent, & summa castimonia vitam peragunt: & si adulterio se contaminauerint, aut post vxorum mortem aliqua se libidine commaculauerint, sacerdotio priuantur. Ante quàm rem diuinam faciant, aliquot diebus ab vxoribus abstinent, vt libidinis impuritate dierũ numero sublata, sanctius CHRISTI sanctissimum corpus immolent, & attentius de rebus diuinis cogitent, et sic facilius perliuēt. Monachis vxorem ducere, nefas. Nemini, nisi nudis pedibus, ingredi in templum licet. In fanis flagitium est ridere, sermocinari, deambulare, aut aliquid denig, meditari, quod nō ad cœlestia atq; diuina referatur. Cũ ieiunant, vsq; ad Solis occasum nec edere quidquam, neque bibere solent. A cibis, quos antiqua lex vetabat, abstinent. Eliginia sacerdotibus sæpenuerò constituentur. Sub vtramque speciem Eucharistiam sumunt: Monachi Antonium Aegyptium auctorem religionis habent. Pontifices à Rege creantur. Patriarcha à monachis deligitur, & à patriarcha Alexandrino confirmatur. Multa sunt, in quibus Iudaicis ritibus atque caeremonijs adhaerescunt, quanquam affirmant se non illis, sed CHRISTI tantum virtute atque meritis inniti. Multos dies festos agunt. Sanctos homines hac vita perfunctos olunt, atque venerantur. Hi sunt Aethiopum Christianorum mores, quorum Imperator Dauid legatum, quem diximus, ad Regem Emmanuelem misit. At inuidi, & inimici Albuquercij, legati auctoritatem apud Emmanuelem infortunis sermonibus eleuabant, eumquē omnia finxisse con-

LIBER

tendebant, vt quantum de illius fide detraberent, tantum Albuquerqueius, qui eum ornat, de prudentia existimatione deperderet. Hoc anno Albuquerqueius Georgiū Albuquerqueium Malacam misit, vt eam cum imperio obtineret, & Rodericum Britium Patalinum, cui iam tempus eiusdem muneris illi commissi exactum fuerat, Goam reuocauit. Georgius Albuquerqueius Zamatram prateruectus, ad Pacemensem portum naues appulit, vbi intellexit, Regem contra principem regni sui, qui ab illo defecerat, bellum moliri. Lusitanis eò quod Rex foederatus esset, illi opem attulere, & hominis rebellis exercitum fudere. Inde Malacam profecti sunt. Post aliquot menses, Georgius Albuquerqueius ab Albuquerqueio Pratore literas accepit, quibus imperabat, vt Ninachetuense dignitate deiecto, Regem Camparensē Bendaram crearet. Regnum illius erat angustum, et ad Austrum pertinebat. In munere verò Bendara tanta dignitas mēse videbatur, vt Camparensis Rex, qui suum regnum eius muneris obtinendi gratia relinquebat, se non mediocri dignitatis accessione cumulatū putaret. Quid verò Albuquerqueius sequutus sit, vt Ninachetuensem honore priuaret, incertum est. Vel enim munus sibi creditum malè gesserat, vel homines illi subditi nouitatem illius contemnentes, ab Albuquerqueio petierant, vt alium sibi rectorem, qui sanguine regio esset, assignaret, vel quacunque alia de causa, sic statuit, vt Ninachetuensem amoto, Rex Camparensis, qui singulari studio Lusitanum nomen colebat, illud munus obtineret. Georgius Albuquerqueius Regem Camparensē arcessiuit. Georgius Botellius cum esset Regis amicus, vt illum deduceret, in regnum illius cum biremi concessit. Eo tempore Rex Bintamensis Camparensē obsidione premebat.

Botel-

Botellius à Georgio Albuquerque auxilium per literas postulauit, ut Regem amicum ob idicene liberaret. Is continud Franciscum Meliurum cum nauibus quatuor, & Lusitanis centum, & septingentis Malacensibus, auxilio misit. Botellius hoc auxilio fretus, per ostium fluminis, quod Camparensem regionem interluit, penetrare constituit. Cum verò suburbij appropinquaret, stationem munitissimam, quam Lingua Rex, est enim Lingua ciuitas illi regno finitima, excitarat (is enim eam à Bintamensi Rege prouinciam suscepit, ut Regem Camparensem euerteret) oppositam reperit. Quò autem nostri magis progrediebantur, eò flumen angustius, & alueus profundior, & ripa altiores apparebant. Erat igitur periculum, ne cum vndique ripæ nauibus imminerent, hostes saxis atque missilibus nostros opprimerent. Itaque Botellius belli genus mutandum censuit. Fauces namque, quibus in mare flumen erumpit, nauibus obseruandas esse putauit, ut vel intercluso comœatu, hostes fame vexaret, vel in locum commodiorem ad dimicandum eliceret. Conuersa igitur biremi retro concessit. Rex Linguae cum nauibus octoginta, & sex millibus hominum in nostros inuehitur. Botellius in naui, qua Rex ipse cum nobilitate ferebatur, pilis frequentibus emissis, eadem magnam facit, & ingentem terrorem præbet. Naui clauda atque mutilata cum se transversam suis opponeret (ita namque hæsit in imo, ut nullo modo remis agi posset) exitum nauibus reliquis interclusit. Botellius harpagone coniecto in illam insiluit: hostes acri animo restitère. Omnes tamen vel cæsi, vel exturbati sunt. Aestus decebat: hostiles naues nec progredi, eò quòd regia naues obstaret, nec regredi, quòd aestus esset impedimento, poterant. Erant igitur aded constipata, ut nullam in partem mouerentur.

LIBER

Franciscus Melius in ostio fluminis classem habebat, & Regis impetus non solum ob id, quod valde repentinus extiterat, sed etiam propter varios fluminis flexus, & riparum altitudinem, animaduerti non poterat. Cum tamen tormentorum fragorem, & armorum strepitum auribus accepisset, eò se contulit. In nauem quæ regiam transcendit. Inde nostri ex alijs in alias transgressi, cum primas hostibus nudassent, & in alias deinde eodem impetu peruasissent, hostium stragem ediderunt. Lingua Rex metu conturbatus aufugit. Rex Camparensis Ducibus ingentes gratias egit, & ex literis, quibus Bendara creabatur, magnam voluptatem cepit. Regia naui, quæ impeg erat, extracta atque resecta fuit. Eam Melius Camparensi regi concessit, qua Malacam veheretur. Ex reliquis hostium nauibus quasdam eduxit, reliquas incendit. At Ninachetuensis cum accepisset, Regem Camparensē accersiri, ut munere Bendara fungeretur, eam contumeliam minimè ferendam esse statuit. Itaque tabulatum editum & oblongum, columnis fulium extruxit, illudq; tapetibus et peristomatibus instrauit, multisq; floribus & odoramentis aspersit. Se vero vestibus auro fulgentibus, & gemmis clarissimis ornatum & cultum in hominum conspectum dedit, & per gradus in tabulatum ascendit. Erat in loco inferiore pyra ex odoratis lignis instructa & incensa. Cum Ninachetuensis hac tã insolita specie ora multitudinis vniuersa in se conuertisset, ignorantis quorsum illa omnia tenderent, orationem sanè lugubrem habuit. Commemorauit enim merita, quibus Lusitanam gentem, anè, quàm Malacam caperet, obligarat: quæ post urbem captam Regis Emmanuelis gratia gesserat: quanta constantia in fide data permanserat: quanta virtute, ne fidem falleret, maximum multis in locis

cis vitæ discrimen adierat. Eam verò sibi pro tantis meritis à Lusitana gente gratiam relatam, ut illius senectutem tanto dedecore deformaret, quantum nemo, qui decoris aliquo studio duceretur, pati vlla conditione posset. Spoliari namque se à Lusitanis dignitate, qua fuerat à Lusitanis ipsis affectus, & debitis honoribus priuari, dignumque iudicari, qui extremam vitæ partem in dedecore & ignominia, cum omnium mortalium derisione consumeret. Se nunquam honestati vitam prætulisse, imò vitam deserendam esse, depellendi dedecoris gratia, secum semper statuisse. Idcirco nunc libenter, ne in se tantum dedecus admitteret, mortem cum vitâ commutaturum. Hac cum diceret se in pyram præcipitem dedit. Omnibus genus illud mortis indignum & miserandum visum est, cum animis reputarent & hominis erga Lusitanos merita, & fidei in omni rerum statu constantiam, & calamitosum extrema senectutis exitum, qui multorum animos horrore perstrinxit. Dum hac Malacæ gerebantur, Albuquerqueius legatum ad Regem Cambaiæ mittere decreuit: de cuius regni situ, & telluris fertilitate, & moribus gentis in primis pauca dicenda sunt. Cambaiæ regnum, est prima Indiæ pars ad Solis occasum, quæ Arachosia terminis definitur. Eam fluuius Indus, unde India nomen duxit, interfluit. In eum ab Ortū & Occasū fluuij complures illabuntur. Sinus ingens, in quem Indus influit, Canticolpus à scriptoribus antiquis appellatur. Regionem tanta fertilitate præditam esse perhibent, ut paucis ingeribus incredibilis hominum multitudo ali atq; sustentari possit. Fruges varias, sacchari magnam vim, & fructus multiplices effundit. Pecora & armenta innumerabilia nutrit. Oram maritimam maxima ex parte Saraceni, mediterraneâ regionē homines dediti simulachris colunt.

L I B E R

Est gens quadam acris, quæ montes incolit: quæ postquæ reges Mahumetis disciplinis imbui coeperunt, ab illis desciuit. Homines Resbuti nominantur, & cum regibus sæpè bella gerunt. Mercatores sunt diuissimi, vclligalia Regis amplissima milites externi vberrimis à Rege congiarijs alliciebantur, & ita fiebat, vt Cambaia patria quadam communis existimaretur. Dū est ciuitas huius regni in insula quadam parua, exiguo sanè freto à continenti disiuncta, quæ propter portus bonitatē, multos vndiq; mercatores ad commercium alliciebat, ita, vt fieret emporium valdè celebre, opibusq; multis opulentum. Albuquerque in ea insula arcem edificare cupiebat, & vt ea sibi potestas fieret, multis officijs animum regis ad suam amicitiam pellicere contendebat: quibus Rex id, vt antè dictū est, cōcedere statuit. Verū Melichiazus, vrbs illius præfectus, in eo vertigentis libertatem, & salutem iudicabat, & idcirco erat impedimento, quo minus arx edificaretur. Melichigupius fuit vir quidam primarius, qui multū apud Regem gratia & auctoritate poterat. Hunc sibi beneficijs deuincire Albuquerque statuit, vt fauore illius id, qd cupiebat, multo facilius impetraret. Melichigupius literis spem ostēdit, illumq; admonuit, vt ad Regem legationem decerneret. Albuquerque Iacobum Fernandium Begiensem cum legationis administris, et viginti præterea Lusitanis hominibus, qui illius comites essent, legatū instituit. Surrate ciuitas est in portu sita, quæ intimo sinu, in quem Indus influit, desinitur. Ea verò ad Melichigupij ditionem pertinebat. In eam aduectus legatus, à ciuitatis rectore, & à primarijs ciuibus multis honoribus acceptus fuit. Cū verò intellexisset, animum Regis esse à Melichigupio disidentem, & tota legatio Melichigupio nixa fuisset, parū absuit, quin è vestigio reuerteretur. Fuit tamē, ne id faceret, à ciuitatis illius prin-

principibus impeditus. Multi namque Melichiazij odio negotium Lusitanorum benè confectum cernere cupiebāt. Itaque legatum ad spem meliorem erigunt, & illi tres & triginta equos attribuunt, & præterea currus assignant, quibus supellex veheretur. Milites præterea cum illo mittūt, ne eū quispiā violare auderet. Vnde quatrIduo Champānellū, q̄ ciuitas est regni illius ampla & egregiè munita, peruenit, vbi Melichigupiū offendit: à quo fuit satis honorificè & hospitaliter exceptus, & admonitus, vt diligētissimè Melichiazij viri scelestissimi dolos & insidias p̄caueret. Ibi tribus dieb. in cōuiuijs & hilaritate cōsumptis, fuit à Melichigupio cōmeatu & p̄sidijs instructus, et admonitus, ne vnq̄ diuerteret, nisi apud quē Dux, quē illi ad custodiā corporis dedit, ostenderet: vt sine periculo diuersari posset. Aliter enim eū maximū discrimen salutis aditurū. Inde Madauam (in ea tunc ciuitate Rex morabatur) modicis itineribus profectus, petijt. Rex in lecto decumbens, illum comiter excepit: is viciſſim Regē more Lusitano salutauit. Et idem reliq̄ Lusitani fecerūt. Omnesq̄ vestibus & pecunijs donati sunt, & in hospitia deducti, multisq̄ muneribus affecti. Quod aut̄ ad arcē adtinebat, sic erat iā Melichiazij oratione ab ea mente deductus, vt nullo modo id, q̄ iam cōcesserat, cōfirmare vellet. Se nāq̄ dicebat vel Surrate, vel Bōbaimo, vel Naimo, vel Doubezij, q̄ ciuitates in ora illius regni maritima sitae erāt, arcis adificādā potestātē facturū: in Diensi verò ciuitate quo minus id pmitteret, se iustissimis causis impediri. Begiēsis igitur ab illo, re infecta, discessit, ita tamen, vt nec se parū liberaliter acceptū, neq̄, medocrib. beneficij ornatū ille, aut q̄ cū illo missi fuerāt, queri merito posset. Rex ampla etiā munera ad Albuquercium deferri iussit. Begiēsis cum his donis & amplo

LIBER

commeatu è Cambaia profectus, Goam reuersus est. Albuquerqueus verò classē eo tempore summo studio comparabat, eamq; rumor erat in Arabiam instrui, cū re vera Armuziū petere cogitaret, Sed vī quod in animo habebat, maiore silentio premeret, & Armuzij Regem ab omni eiusmodi suspitione deduceret, Petrum Albuquerqueum fratris sui filium, cum classe quatuor nauium in Goardafumense promontorium misit, vt interim Arabas bello vexaret. ibi cū bonam partem æstatis consumeret, ingentes prædas egit, decemq; naues Arabum multis & pretiosis rebus onustas cepit. Inde, vt fuerat iussus, Armuzium contendit, & à Rege Terunxa, qui tunc regnabat (frater namq; illius Zeifadimus decesserat) tributum postulauit, & arcis adificandæ facultatem petijt, & vt fœdus cum illius fratre percussum confirmaret, enixè contendit. Rex ex tributo decem tantum millia numorum aureorum soluit, seq; difficultatibus implicatum, non plus soluere tunc posse confirmauit, sed operam daturum, vt intra certum tempus fidem suam liberaret. Arcē verò extrui minimè se permissurum asseruit. Quod verò ad fœdus adtineret, se libentiſsimè id confirmaturum. Rebus ad hunc modum constitutis, Petrus Albuquerqueus in insulam, quam Baharem appellant, quæ intra sinum Persicum Arabiæ adiacet, & à faucibus fluminis Eufратis iam cum Tigri coniuncti circiter quadringentis millibus passuum distat, nauigare constituit. Id enim à patruo in mandatis acceperat. Rex illum ab eo consilio deducere conatus est. Navigationē enim propter vada, & cacos scopulos, periculosam esse dicebat, & calum propter humores palustres corporibus humanis vehementer infestum. Nihilominus tamen ille navigationem instituit. Cum verò ab insula, quam petebat, nō procul abesset, tempestate iactatus, in aduersam regionem, quæ

Persidis

Perfidis imperio continetur, in Raxelis portu constitit. Ibi Ismaelis Persarum Imperatoris, quem Sophum appellabant, ducem nomine Mirbusacam reperit, qui viginti naues Regis Armuzij ceperat. Is nuncium ad Mirbusacam continuo misit, qui diceret, Armuzij regem esse Regis Ermanuelis stipendiarium, seq³ minimè permissurum, vt ei, qui in Ermanuelis praesidio lateret, iniuria vlla fieret. Idcirco illum amicè rogare (nec enim bello repetere aequum esse, quod verbis se impetraturum confideret) vt sibi omnes naues restitueret. Id Mirbusaca siue metu perterritus, siue natura lenitate ductus, repente concessit. Cum his nauibus Petrus Albuquerque Armuzium reuersus, naues regi donauit, & sic animum illius ab omni cogitatione sinistrae suspicionis abduxit, vt nihil minus suspicaretur, quàm malum aliquod sibi à Lusitana classe comparari. Petrus Armuzio profectus, Goam petijt, quo tempore patruus instruenda classi summis viribus intentus erat. Attamen antequam Goa solueret, Ioannem Gondissaluum Albicastroensem ad Zabaium Idalcamum legauit, à quo petebat, vt sibi in continente loca tribueret, quæ munitionibus firmaret, si vellet sibi potissimum tolerabili pretio equos addici. Legatum deinde alium ad Narsinga regem misit, Antonium Sousam, vt ab illo peteret, vt sibi in ora India, quæ ad Occasum pertinet, Baticalam urbem concederet. Legati à principibus humaniter accepti, multisquæ muneribus ornati sunt. Negotia verò, quorum causamissi fuerant, minimè confecerunt. Itaq³ Goam re infecta redière.

HIERONYMI
OSORII SILVENSIS
ALGARBIORVM IN LV-
SITANIA EPI-
SCOPI,

DE REBVS EMMAN-
VELIS, LVŠITANORVM RE-
GIS INVICTISSIMI VIR-
tute & auspicio gestis,

LIBER DECIMVS.



EODEM ANNO quinq; naues
Olyssipponē profectæ, Goam incol-
lumes peruenēre, in quibus lega-
tus, quem Armuzij Rex ad Em-
manuelem miserat, etiam venit.
Albuquerqueius Cochimum petijt,
vt classem, quæ erat in Lusitaniã
profectura, compararet. Inde
Goam reuersus, in exitu Februarij mensis, anno salutis. M.
D. xv. cum omnia, quæ ad Indiã statum firmandum perti-
nebant, singulari prudentia consecisset, Goa soluit, cum se-
ptem & viginti nauium classe: Aliquot præterea nauigia
cum Indis militibus ducebat. Cum ad Mascatis portum
naues applicuisset, intellexit res Armuzij non ita esse sta-
bilitas, vt non valdè de Regis animo, & de rectorum fide
dubitaret. Aquatione facta, & cibarijs comparatis, Ar-
muzium cõtendit. Rex re inopinata perculsus, vt animum
illius

illius ad benignitatem inflecteret, summo studio laborabat. Itaque per vnum è domesticis suis, qui Acem appellabatur, illum salutauit, eique de felici nauigatione gratulatus est: se, ciuitatem illam, vniuersaque regni sui opes Regis Emmanuelis esse dixit: & Albuquerqueium admonebat, vt perinde, atque si in Lusitania esset, omnibus illius regionis facultatibus vteretur. Albuquerqueius respondit, se Regem in loco filij habiturum, si verbis facta responderet. Aliar enim illi periculum denunciabat. Nuncio dimisso, Albuquerqueius minores naues insulam circumire iussit, & speculari, num quæ naues ad bellum instructæ Armuzium penetrare contenderent. Si verò in eis aliquid hostile perspicerent, milites, si se dedere recusarent, occiderent, deditos autem ad se viuos perducerent. In hoc negotio duo dies consumpti sunt, cū interim nuncij vltro citroque commearent, cū Rex Albuquerqueium verbis placare conaretur, Albuquerqueius verò Regi, si non imperata conficeret, excidium minaretur. Legatum tandem, quem Rex ad Emmanuelem miserat, & in ea classe veniebat, accepta fide dimisit. Is autem erat natione Siculus. Fuerat autem in pueritia à piratis captus, & Mahumetis disciplinis imbutus. In Lusitania verò religione tactus, sectam Mahumetis execratus, ad CHRISTI fidem conuersus fuerat. Nicolaus Ferreira deinceps appellari voluit. Huic ne fraudi esset apud impium regem CHRISTI nomen, priusquam Albuquerqueius à se dimitteret, effecit. Postulata, quæ Ferreira Armuziensis Regis nomine detulerat, hæc erant. Primum, vt Emmanuel tributum impositum Regi Armuziensi remitteret. Esse namque illum exhaustum, propterea quòd classes Lusitanæ metum mercatoribus inijce-

LIBER

inijcerent, ita, ut non auderent Amuzium merces, ut soliti erant, importare: & ea de causa portoria, in quibus maxima pars vectigalium consistebat, sublata funditus esse, neque sibi quidquam esse reliqui, unde facile summam illum conficeret. Petebat præterea suis subditis facultatem in Indiam nauigandi, & similiter omnibus nauibus, quæ ex India Amuzium peterent, eandem facultatem postulabat. Ne præterea naues Lusitanæ in Amuzium nauigarent, ne terrorem externis hominibus incuterent, & vectigalia ex portorijs tollerentur. Præterea, ut tanquam subdito (illum enim patronum & dominum libenter agnoscebat) æquitate, quæ à tam claro Rege expectanda erat, naues & merces sibi ereptas soluere iuberet. Postremò ut omnes Amuzienses, qui captiui detinebatur, libertate donaret. Responsum est, Regem Emmanuelē si Amuzij Rex in fide permaneret, & arcem in vrbe edificari permetteret, dimidiam tributi partem illi remissurum. Nauigandi verò facultatem Amuziensibus, & illis, qui in Amuzium nauigabant, liberam concedebat, dummodo merces legelata prohibitas non importarent, aut ne in illorum nauibus mercatores ex illis partibus, quæ bellum cum Lusitanis gerebant, aduenirent. Postulatū verò, quo petebatur, ne classes Lusitanæ in Amuzium nauigarent, repudiatum fuit. Id enim nihil aliud erat, quàm Emmanueli imperium ciuitatis illius adimere. Similiter quod petebat, ut id, quod ab illis, qui fidem violarent, belli iure captum fuerat, restitueretur, derisum fuit. Libertatem verò captiuis reddere iubebat. Albuquerque obsidem adolescentem primum, Raix Norandini nepotem, prius ad se perducere imperauit, quàm Ferreiram dimitteret. Rex Amuzij Ferreiram si licuisset, crudeliter accepiisset, quòd Mahumetan-

sectam

sectam fuisset execratione solenni detestatus. Literas tamē Emmanuelis cum veneratione debita in manus sumpsit, & cum Ferreira sermonem non libenter contulit. Sequenti die Albuquerqueius ad Regem misit, qui denunciaret, si pacē vellet, ut illi locum, in quo arcem extrueret, confestim assignaret: & præterea partem ciuitatis, in qua is cum suis habitare commodē posset, illi concederet. Sibi namq³ esse in animo, octo ad summum nouem menses in ea vrbe consumere. Rex metu eximio perculsus, omnia concessit. Dixitq³ se tantum Albuquerqueij probitati confidere, ut non dubitaret, quin illi patria pietate consuleret, Norandinumq³ cum fœderis solenni ritu sancienti potestate misit. Fœdus continuo factum, & iureiurando confirmatum fuit, & Rex aureo torque ab Albuquerque, & vexillo cum Regis Emmanuelis insignibus donatus: quod ille in adibus suis, in pacis & amicitia signum, & voluntariæ seruitutis auctora mentum, constitui iussit. Arx in eodem loco, vbi prius inchoata fuerat, edificari cœpit. Hoc tempore Ismael Persarum Rex cum armis plurimum posset, tum religionis specie multos mortales in sui admirationem traduxerat. Is originem suam ad Allem, & Mahumetem referebat. Alles, ut multi referunt, frater patruelis atque gener Mahumetis extiterat. Filiam namq³ illius nomine Fatimā vxorem duxerat. Porro autem post Mahumetis mortem, cum illi in principatu successisset, Mahumetis legem multis in locis immutauit. Quædam enim sustulit, non pauca etiam adiecit, alia nouis interpretationibus ita correxit, ut noua quædam lex gentibus illis videretur. Sic factum est, ut dū quidam Mahumetis, quidam verò Allis disciplinam sequerentur, Mahumetis secta in duas partes diuisa, gentes religione disidentes, odijs etiam, quod consequens erat, dis-
scinde-

L I B E R

scinderet. Persæ namq³, qui Allem sequuti fuerant, reli-
quos Mahumetis disciplinis infectos, vt homines impuros,
& diuinæ legis ignaros, à consortio suo repellebant. Ara-
bes contrà Persas vt desertores, atque legis diuinæ corrup-
tores, detestabantur. Alle verò è medio sublato, Hocem
illius filius & dignitatis atque nefariæ religionis hæres ex-
titit, & eundem exitum vitæ habuit: veneno namq³ perijt.
Alius deinde illius frater eodem nomine disciplinam ean-
dem vsq³ ad extremum spiritum vitæ retinuit. Huic duo-
decim filij fuere, quos Persæ viros diuinos, atque DEO,
propter egregiæ religionis & pietatis studium, valdè caros
arbitrantur. Vnus tamen, qui plurimum inter omnes ex-
celluisse putabatur, appellatus fuit Muzâ Caim. Post ho-
rum hominum memoriam, Allis nomen apud multas na-
tiones in obscuritate latuit: Homaris disciplina, qui Ma-
humetis religionem summo studio conseruauit, inuiolata
permansit, donec tandem Sophi Muzâ Caimi stirpe pro-
pagatus, cùm primùm sapientiæ & religionis ostentatione
multos ad sui studium allexisset, tum armis eam sectam,
quam sequebatur, esse verā Dei legem, demonstrare sum-
mo studio concupiuit. Cùm igitur illi nationes multæ no-
mina darent, euenit, vt Allis decus è tenebris emersum vi-
deretur, & nomen illius extinctum reuiuisceret. Is pro
linteis spiris, quibus Mahumetani caput intexerant, pileos
è lana constipata colore viridi confectos, & senis virinque
gradibus distinctos, eo artificio, vt vel protèdi, vel contra-
hi possint, ad tegendum caput instituit, quibus ij, qui Allis
disciplinis adherent, ab alijs Mahumetanis, qui Allis me-
moriæ odio persequuntur, internosci facillimè possent.
Hoc autem numero duodenario, quo pileos distinxit, me-
moriæ filiorum, quos Hocem susceperat, conseruare de-
creuit.

creuit. Huius tandem satu propagatus Ismael Aïdaimi filius, qui Sophi nepos extiterat, varijs casibus exercitus, & sapientia opinione, & eiusdem religionis, quam diximus, patrocinio tantum nomen fuit apud Persas consequutus, vt omnes libentissimè illius imperio subderentur. Fuit enim singulari animi magnitudine & liberalitate præditus, multasquæ victorias adeptus, imperij fines latissimè protulit, & cum Selymo Turcarum imperatore confligit, ad easquæ tandem opes peruenit, vt nec ipsi Selymo ceddendum arbitraretur. Is cum diuionis amplificanda curam susciperet, tum etiam religionis propaganda miro studio tenebatur, et partim precibus, partim minis, vt multi pilium illum gestarent, & Allis institutis & precationum formulis, quas idem in scriptis reliquerat, vterentur, operam enixè dabat. Ea autem de causa legatos ad Regem Cambaia, & ad Zabainum Idalcamum decreuerat, vt eos in sententiam suam traduceret, quod illi tamē facere noluerunt. Cum verò literis multorum, & rumore omnium intellexisset, quanta virtute & industria Albuquerqueius præditus esset, & quas res in India & Armuzio gessisset, & illius nomen hominum prædicatione & celebritate per omnes Persidis & Arabia regiones versaretur, quamuis Albuquerqueius Armuzium ab imperio illius auertisset, famam tamen illius fuit non mediocri studio prosequutus. Est enim hoc in Persis insitum, vt ex antiquissimis monumentis accepimus, vt in quocunque hominum genere virtutem elucere perspexerint, eam summo studio celebrent, vsque adeò, vt hostes etiam, quos armis acerrimè persequuntur, laudibus summis afficiant. Cum igitur Ismael legatum ad reges India, vt dictum est, misisset, in primis illi negotium dedit,

LIBER

vt Albuquerque nomina illius saluaret, seq̃ libentissimè omnia, quæ ad illius dignitatem pertinerent, facturū ostēderet. Legatus Coiealeamus appellabatur. Is post honorificæ salutationis officium ab Albuquerque postulauit, vt legatum ad Ismaelem mitteret. Esse namq̃ illum amicitia cum Lusitanis, quorum virtutem admirabatur, iungendæ cupi dissimum. Albuquerque ex salutatione & consilio voluptatem nō mediocrem accepit. Existimabat enim, eo fœdere Armuzij statū cōfirmari facillimè posse. Itaq̃, legatū, nomine Michaelē Ferreiram, ad illum misit. Legatus fuit ab Ismaele summis honoribus acceptus, & omnibus principum legatis, qui apud illum versabantur, antelatus. Ismael cum illo sermonem iucundissimè conferebat, et de moribus & institutis Lusitanorum, de gentis indole, de Regis Emmanuelis virtute multa percontabatur, & cum summa voluptate Ferreiram (erat enim vir prudens atque disertus) audiebat. Ferreiræ tandem sermonibus allectus, hominem primarium, Bairimbonatum nomine, ad Albuquerque legauit, qui cum Ferreira Armuzium venit eo tempore, quo Albuquerque arce potitus, illi perficiendæ intentus erat. Is cum eam legationē multū ad auctoritatem nominis Lusitani confirmandam, & imperium ciuitatis illius firmitus stabilizandū, pondus habituram arbitraretur, eam magnifico quodam apparatu audire constituit. Itaq̃, in foro prope regias aedes, vt Rex & regij omnes spectare possent, sublimem tabulationem institui, & eam peristromatis insterni, & in illa sellas collocari præcepit. Ibi splendido cultu ornatus, & nobilitatis turba circumfusus, legatum excepit: qui cum propter illius famam iam eum veneratione valde dignum arbitraretur, tum in illius conspectu, cum vultus grauitatem, & caniciem, & oculorum obtutum, quæ

omnia

omnia acrem animi vim denunciabant, oculis aspexisset, parumper, quasi attonitus quadam admiratione, cōticuit. Deinde legationem luculentis verbis exposuit, & literas, quas ad Regem Emmanuelem et Albuquerqueium cum muneribus afferebat, obtulit. Albuquerqueius munera, vt ab omnibus viderentur, explicari continuo præcepit, idq; responsum legato dedit, quo & Ismaeli debitum honorem dedisse, & propria dignitatis memoriam nō abiecisse videretur. In summa verò legatio nihil aliud, quàm virtutis et magnificentie laudes, & non vulgaris amoris officia continebat. Albuquerqueius intra paucos dies legatum liberaliter acceptum, & muneribus ornatum dimisit, & cum illo legatum alium virum nobilem, qui Fernandus Gomezius Lemius appellabatur, ad Ismaelem cum literis & muneribus vicissim misit: cui etiam mandata credidit, quæ valdè ad utilitatem nationis Lusitanæ conducebant. De qua legatione plura alio in loco dicemus. Dimissis legatis, Albuquerqueius in arce perficienda, & in vrbis statu constituendo summam industriam adhibebat. Et quamuis persentiret, multos in vrbe hostilia machinari, & consilijs eorum occurreret, ita tamen se gerebat, vt nemo facile suspicari posset, eū aliquid odorari. Verū qui moliebantur insidias, conscientia sceleris oppressi, sibi metuebant, et præsidia cōparabant. Sed hoc commodum erat, quod Zeifadimus Armuzij Rex, & Coieatarus, qui regis nomine regnum administrabat, et erant Albuquerqueio animis infesti, & inimici, mortem obierant. Raix Nordinus, qui Coieataro successerat, Zeifadimū veneno sustulerat, & Zeifadimi liberis exclusis, Torunxam illius fratrem regem creauit. Nec enim dubitabat, quin si Torunxa regnaret, nomen quidem regis penes ipsum Terūnam esset, regni verò potestatem & iurisdictionem ipse per-

LIBER

petuo retineret. Cum tamen Nordinus senio confectus esset, & molestissimis iam negotijs expediri cuperet, in nepotem quendam suum, Raixhamed nomine, quinque & triginta annos natum, virum acrem & animosum, munus & potestatem suam transtulit, ut ipse regni procuratione liberatus, regni opibus alieno labore frueretur. At Raixhamed locum illum apud regem tam firmis praesidijs obsessum tenuit, ut non modo regnum, sed Regem ipsum acerbo dominatu premeret. Omnia speculatoribus erant plena, ita, ut Rex hiscere non auderet, ne si quid, quod Raixhamedium offenderet, enunciaret, oculis aut vita priuaretur. Ausus tamen semel fuit, post foedus factum, tyrannum apud Albuquercium immanissimi sceleris accusare. Id Albuquercius secretum tenuit. Iterum deinde per Alexandrum Ataidium, qui propter linguarum notitiam interpretis munere & officioungebatur, Albuquercium admonuit, se vinctum teneri, & oculis multorum observari, ita, ut non auderet rebus Regis Emmanuelis, perinde atque cupiebat, inseruire. Hamedius interim clā Lusitanis adversari, opus modis omnibus impedire, multa machinari, quibus hostilem animam, quem verbis tegebat, factis indicaret. Præterea ut Regem à fide Emmanuelis auerteret, pileum cum Allis precationibus & institutis ab Ismaele missum sumere coegerat, ut eo signo se Ismaeli prorsus addictum ostenderet. Hæc omnia cum Albuquercius explorata penitus haberet, eum occidere decrevit. Sed id aperta vi fieri commodè non poterat, ne graue bellum & intestinum excitaretur: arte erat utendū. Itaque, se egregiè in illum animatū simutabat, & quibuscunque rebus poterat, illi satisfaciebat, ut eum metu liberaret. Tum per Alexandrum Ataidium interpretem, & Petrum Alpoem, qui tunc à secretis erat Regi, sibi illo

illo opus esse conuento nunciauit, vt arcana quadam, quæ erant è repu. & ad Regis Emmanuelis statum pertinebāt, cum illo & cum Hamedio communicaret. Locum ipse deligeret, vbi id colloquium fieri posset. Aedes amplæ arcis, quæ ædificabatur, coniunctæ, in quibus Simon Andradius habitabat, delectæ sunt. Constitutum ab vtraq; parte fuit, vt Albuquerque cum solis ducibus, sine vllis armis conueniret, & Rex similiter cum certo nobilium virorum inermium numero se in conuentum illum daret. Regi tantum & Albuquerque permiffum fuit, vt vterque armigerum cum gladio duceret. Reliquis Lusitanis atque Persis, qui in littore consistebant, nec erant in ædes ingressuri, licebat armis accingi. Albuquerque ea nocte, quæ diem cadi destinatā præceffit, secreto duces euocauit, quod in animo habebat, aperuit, & vt arma vestibus abderent, admonuit. Postridie ante lucem in terram descendit: perpetuū namquæ se in classe tenebat. in littore copias instruxit: aliquot duces cum exercitu reliquit. ipse cū reliquis ædes ingreditur. Nordinus regias copias in littore similiter instruxit, Regemq; in ædes leduxit. Ipse verò Hamedius tectus armis, Albuquerque quæ imparatū eò vêturū opinabatur, interficere cogitabat. itaq; intrepidè se se in Albuquerquei conspectum dedit. Albuquerque illum comiter accepit. Tum illud, quod in munuo amicorū congressu dici solet, Satis ne salua? & an Rex atim vêturus esset, interrogauit. At ille cū oculos in duces, Albuquerquei circūstitebāt, cōiecisset, quāuis arma vestibus abscondita minimè vidisset, suspicari cœpit, eos armatos esse. Aurio igitur diei funesti perturbatus pedē retulit, Regemq; in ædes ingredi paratē, ne vltra progrediretur, admonuit. Albuquerquei. n. cū armatis hominib. stare. Nihilominus rex ingressus, Hamediu antecedere more solito coegit. Garfia

LIBER

Norogna fores occludi iubet, ita, ut magna pars eorū, qui cum armis, ut Hamedio subsidio essent, veniebant, exclusa fuerit. Exclusi indignari, & tumultuari, ianuamq; cadere cœperunt. Constitutum fuisse querebantur, ut Prator Lusitanus, & Rex Armuziensis pari suorum numero constipati venirent. nunc verò Pratorem cum omnibus suis intra domum consistere, cum Rex quatuor tantum viris stipatus intrarit, & reliquis aditus interclusus fuerit. Albuquerque interim Hamedium accusare cœpit, quod arma gestaret, & ea ut deponeret, imperavit. is suorum auxilio fretus (nondum enim exclusos esse cognoverat) gladium strinxit. Albuquerque brachium illius arctè continuit. Petrus Albuquerque & Lupus Vascius de sancto Pelagio cum reliquis ducibus accurrunt, hominemq; multis vulneribus concidunt. Rex cum illum interfectum cerneret, metu propemodum exanimatus est. Albuquerque verò illum hilari sanè vultu complexus admonuit, ut timorem omitteret. Haftenus, inquit, tyranni huius scelere Regis tantum nomen obtinebas, cum re vera liber non esses, sed viri perditissimi dominatu vehementer oppressus. Posthac & liber & Rex eris, & tuo iure uti perpetuò poteris. Interim qui fores quatiebant, minimè cessabant. Cum verò accepissent Hamedium occisum, et per auersam adium partem in litus eiectum, idémque regi accidisse suspicarentur, ianuam perfringere parant. Nostri duces cum parte copiarum accurrunt. pars enim reliqua, ut Regis copias, si aliquid moliri vellent, impediret, relicta fuit. Eorum aduentu furor illorum, qui ianuam cadebant, repressus est. Instabant nihilominus & principes & reliqui ciues, ut sibi Regem suum incolumem redderent. Aliter enim se ades illas continuo inflammatturos minabantur. Rex ab Albuquerque in superio-

superiorem adium partem, vnde ab omnibus posset conspici, deductus, omnes bono animo esse iussit. Nullam sibi à Lusitanis iniuriam allatam, sed singulare beneficium tributum. Setunc & libertate donatum, & in regni possessionem missum, vt suos equitate & humanitate debita gubernaret. Fuit deinde capite sancitum, si quis ex illis, qui armati fuerant, aliquid hostile moliretur. Modafarius tamen interfecti tyranni frater clamoribus maximis in Lusitanos, & in Regem acriter inuectus, in ades regias se cum armatis hominibus contulit, quarum custodia Alli illius fratri commissa fuerat. Ibi se munire constituunt. Cum tamē Rex illis exitium cum atroci supplicio, ni continuò ex adibus excederent, constitueret, & Albuquerque, terror non mediocris, accederet, accepta prius fide, ne illis quod gesserant fraudi esset, ades vacuas reliquerunt, & intra certū tempus, quod illis pręstitutum fuit, cum eiusdem factionis hominibus, & cum cognatis, & clientibus, & non mediocri familia, & cū bonis omnibus ex insula, atque adeò è totius regni finibus emigrarunt. Ad huc modū pestifera & perniciosa sentina, quę vndique scelestissimi hominis arte confluxerat, ex vrbe exhausta fuit. Ipse namq; tyrannus corias paulatim in urbem adducebat. quibus Lusitanos vrhis possessione pelleret, & ciuitatem Ismaeli regi Persarum raderet. Albuquerque magna cura liberatus, ciuitatis statum constituit: à Rege, & à ciuibus fidem accepit, quam iureiurando confirmauit: illos perpetuò in Regis Emmanuelis potestate futuros. At interim in Africa res à ducibus Lusitanis laude dignę gerebātur. Iehabentafusus primum Ataidium admonuit, esse quasdam hostium turmas, quę non procul Marochio castra locauerant, quę facillimè capi possent. Ataidius Lupum Barrigameo cum cen-

LIBER

tum equitibus misit. Is cum Iehabentafuso copias iunxit: sed turma castra mouerant, & in oppido frequenti, prope Atlantem montem sito confederant. Barriga Ataidio per literas significauit, maioribus copijs opus esse. Is generum suū Alsonsum Norognam eō misit. Iehabentafusus equites mille ducebat. Hostium turmae erant quadraginta, in quibus praeter peditum multitudinem maximus erat equitum numerus. Turmae loco discesserāt. Nostri illas vestigijs persequuntur. Barriga primum agmen ducebat, in quo erant equites centum & quinquaginta: qui postremum agmen hostium consequutus, in eos inuasit. Hi quamuis acri animo principio resisterent, coacti sunt tandem se ad suos, qui antecesserant, recipere. Ibi rursus hostes multitudine feroces in nostros impetum talēre. Norogna & Iehabētafusus occurrunt. Prælium fuit atrox, & ita par, ut diu neutro victoria inclinari videretur. Hostes tamen postremo fusi fugatiq; sunt: ingens numerus casus, quingenti capti, ouium viginti millia, et mille boues cū camelis quadringētis abducti. Hostes ubi se ab illa fuga & trepidatiōe refecerūt, auctis aliquo supplemento copijs, rursus in nostros inuadunt, prælium redintegratum eundem exitum habuit. E nostris tamen tres Lusitani, & aliqui Mauri cecidēre. Reliqui cū praeda in urbem reuersi sunt. Arzila tunc Ioannes Coutignus, Vasci Coutigni Comitis Borbensis filius, loco patris tuebatur. Is fuit egregiē fortis, & in rebus gerendis industrius. Cum verō excursionem vsque in mōtem, quem Farrobū appellāt, facere decreuisset, centum & quadraginta equites eduxit. Cumq; à mōte nō procul abesset, speculatores illi renūciarunt, p̄fectos Larozi et Moleihamaris cū Barraxa quodā filio in campo cū equitib. octingentis versari. Hos ea mente p̄fectos, ut Arzila & Tingi agris va-

stutatem

stitem' inferrent. Cum his Contignus congredi statuit, & ob eam causam, ne sine pugna discederent, locum, quo erāt transaturi, cum suis insedit. Prælium atrox & sæuum fuit, & diu par. Erant enim hostes viri valde fortes, & gloria cupidi: nostris rursus tota spes salutis erat in virtute constituta. Hostes tamen postremo in fugam conuersi, supra bis centum cæsi, vnus & quadraginta capti sunt, in quibus fuere quidam & nobilitate, & existimatione principes. Spolia fuerunt equorum & ornamentorum, quæ nobilitatis illius erant. Sub idem tempus Mauri Xiatimenses (erant enim stipendiarij) à Nonio Fernandio Ataidio auxilium postularunt, quo Xerifum, à quo grauiā detrimenta diebus illis acceperant, à sinibus suis repellerent. Is Barrigam cum equitibus quinquaginta illis auxilio misit. Barriga cum Xiatimensibus Farrobij montis iuga superauit, quo in loco fuit illi nunciatum, Xerifum in tabernacula turmæ vnus inuasisse, eaque diripuisse, & nonnullos Xiatimenses interfecisse. Barriga, vt postremum eius agmen carperet, accelerauit: aliquot cecidit, vnum tantum cepit: reliqui se receperunt: quos Barriga propter suorum paucitatem insequi noluit. Ab Ataidio tamen per vnum equitem, qui vulneratus è pugna discesserat, supplementum postulauit. Ataidius alios equites quinquaginta subsidio misit. Dux eorum fuit Georgius Mendezius Ataidius. Xerifus cum mille & sexcētis equitibus, vt in nostros inuaderet, festinauit. Barriga duplicem aciem instruxit. Primam aciem Georgio Mendezio Ataidio, & Petro Barriga commisit, ipse sibi secundam aciem reseruauit. Idem Mauri fœderati fecerunt. Xerifus omnes copias hoc ordine distribuerat. Agmen medium cum equitibus septingentis Abedelquibirius, ipsius Xerifij patruelis, agebat: sinistrum latus

R r 4 ipse

LIBER

ipse tenuit: dextrum alij duci, cui multum confidebat, assignauit. Acies media se continere non potuit, quin in primam nostrorum aciem rueret, & cum multitudine superaret, eam circunuenit, ita, ut nostri in orbem pugnare cogerentur. Lupus Barriga in eos, qui nostros circumierant, impetum dedit. At Mauri foederati duplicem hostium aciem acri praelio sustinebant. Fuit magno temporis spatio acriter utrinque dimicatum. Petrus interim Barriga Abedelquibirum, medij agminis ductorem, equo vehementius incitato infesta cuspide transfixit. Illo mortuo, qui sub illius signo pugnabant, cedere incipiunt. Cum nostri acrius insisteret, eos fuderunt. Lupus Barriga cum illa acie fusam cerneret, in Xerisij agmen incurrit: ex quo Xerquius Bentagogimus, vir primarius, in Pelagium Rodericum fortiter dimicantem inuectus, eum ex equo deiecit: & cum illum stratum interficere conaretur, Lupus Barriga, ut ab imminente cade Rodericum eriperet, in Bentagogimum equum incitauit, & illum hasta confodit. Similiter cum Bentagogimi filius accurreret, ut patri subsidio esset, fuit ab eodem Barriga transfixus. Sic factum est, ut in eodem loco duobus hostibus occisis, ciuem vnum ab interitu vindicaret. Hostes postremo in fugam compulsi sunt. Nostri eos longo sane spatio insequuti, non magnam cadem ediderunt. Hostes enim eorum pernicitas eripuit. Supra centum tamen caesi fuerunt. At aidius hoc successu Barriga stimulatus, aliquod egregium facinus moliri cupiebat: & Iacobi etiam Lupij virtus, qua cum paruis admodum copijs ad Marochij portas excurrerat, eum sollicitabat, ut in Marochium inuaderet. Duces igitur Maurorum foederatos admonuit, ut certo die in armis essent: nam se daturum operam, ut magnum decus cum non mediocri prada sibi compararent.

Quod

Quod autem animo destinabat, nemini aperire voluit. Lupus Barriga Ataidij nomine duces Mauros, ut parati cum armis essent, excitabat. Cum verò intelligeret, Xerifium in castello, quod Amagorem appellant, se tenere, ab Ataidio auxilium poposcit, quo Xerifium imparatum opprimeret. Ataidius nepotem suum Aluarum Mendezium Ceruariam cum equitibus ducentis, & quinquaginta peditibus, qui erant ferreis fistulis atque scorpionibus armati, confestim expediuit. Ceruaria octo itineribus factis, se cum Barriga coniunxit, qui iam Maurorum copias coegerat. Castellum Amagor erat in arduo monte situm, & rupibus undique munitum, & duobus fluminibus, qui illum utrinque alluebant, inclusum. Agri castelli ipsius erant ad eò latè patentes, ut supra centum pagos ambitu suo continerent. Nostri prope castellum, cum iam Sol in occasum precipitaret, castra posuerunt. Equites è castello egressi, cum fœderatis Mauris manum conferunt, eosque loco pellunt. Nostri Mauris auxilium confestim afferunt, & hostes fugere cogunt. Postridie castellum obsidione cingere decernebant. Sed Barriga certior repenti factus, Xerifium profugisse, equum rursus ascendit, & idem reliquos facere iussit, atque primum vallum, quod castellum cingebat, oppugnant. Hostes, qui relictì praesidio fuerant, summa vi resistunt. Nostri bis intra vallum praelium commiserunt, et bis ab hostibus repulsi sunt. Postremò cum magnam impressionem facerent, irrumpunt, & hostes cadunt, qui metu se precipites è rupibus eiciebant: quorum multi lacerati, multi acutis arborum ramis confixi, fœdè perierunt. Tanta verò rabie quidam dimicabant, ut, cum sibi moriendū esse videret (nō enim se dedere volebāt) ne equi in manus nostrorū veniret, eos è præruptis rupibus exturbarent. Ferro bis centum casi

Rr 5 sunt,

LIBER

sunt, supra mille verò in ruina dilacerati: capti sunt quadringenti, inter quos Xerifj patruus extitit, & equi centum & quinquaginta. Præda tanta fuit, ut tres dies fuerint in ea ab oppido in castra deportanda consumpti. Victoria pro numero militum fuit insignis: pro qua Lusitani gratias Deo summas egerunt, & confessi publicè sunt eam non humanis viribus, sed CHRISTI numine atq; beneficio partâ fuisse. Non multis post diebus Barriga Iehabeta fusi opibus adiutus, castellum cepit, quod Algaballum appellabant, prædamq; non mediocrem fecit, & Ataidium literis admonuit, ut aliud castellum (Algelum nominabant) in quod se Xerifius post fugam contulerat, aggredere. Ataidius copias, quas potuit, eduxit, & cum à castello octo millibus passuum abesset, ultra progredi noluit, & in urbem cum copijs suis regressus est. qua ratione motus id fecerit, incertum est. Xerifius castellum deseruerat. Cum verò intellexisset, Ataidium pedem retulisse, et ipse in castellum rediit. Barriga deinde Ataidij iussu specus in arduo et excelsso loco inter rupes ingentes abditos, in quos hostium vis magna confluerat, aggressus fuit: sed ab hostibus cum damno repulsus est: aliquot enim è nostris cæsi, & quidam etiam præcipites è rupibus eiectioni sunt. Interim Barriga à Mauris fœderatis inuitatus, idem castellum oppugnare constituit. Sed cum in itinere tumultum auribus acciperet, multos ad se fugientes conspiciens. Ierant ex Mauris fœderatis, quos hostes cædebant. Barriga eos excepit & in hostes inuectus, illos in fugam compulit, & duodecim passuum millibus insequutus est. Non procul ab erat à castello, quod petebat, cum multi, illius ductu & imperio neglecto, extra ordinem furenter egressi in hostes ruunt. Hostes undique prouolant, & eos circumueniunt. Barriga subsidio occurrit: prælium fuit periculosum, in quo sedecim

cim equites Lusitani, & non pauci Arabes è socijs interfecti sunt: ipseq; Barriga ex equo detectus, & vulneratus in hostium manus peruenit. Suorum deinde prosidio, aut potius numinis diuini presentia (sic enim homines interpretantur) ex hostiū manibus euasit, & in equū hostis victoris, qui iam ceciderat, insiluit. Et sic ille cū suis malè ab hostibus acceptus, in castra reuertitur. Postridie quamuis ex vulnere laboraret, in castellū inuadere statuit: in via magnas prædas egit, propius castellū castra posuit. Ibi tres dies propter vulnere dolorē conquieuit. Illum ibi cōmorantem hostiū multitudo ex improviso adoriri constituit. Barriga certamen minimè detrectauit, hostesq; primo impetu in fugam coniecit: longius insidiarum metu insequi noluit. Postridie motis castris, tam prope castellū tabernacula locari fecit, vt modicus tantū collis & exiguum flumē inter castra & castellum interesset. Postridie acre prælum commissum fuit. At Mauri, qui sub Barriga militabant, montium Principem, qui castello opem afferebat, in iugo conspiciunt. Hoc metu perturbati, se confestim effusa fuga proripiunt: soli Lusitani relictī sunt. Barriga in angusto itinere hostium impetū acri animo sustinuit. Qui fugerant, cū hyems summa, & perfrigida tēpestas esset, et tabernacula, in qua imbris vitandi gratia succederent, non haberent, obriguerunt. Gens enim est frigoris impatiēs: & erant etiam labore & rerū penuria confecti, ita, vt supra quingentos homines cōstet ea nocte frigore mortuos fuisse. Sic autem factū est, vt dum metu mortis castra, qbus seruari potuissent, turpissimè deserunt, in mortē fœdam cum insigni dedecore timiditatis inciderent. Postridie Barriga ordine profectus, multos in agris palātes excepit, & cū vndiquē multis in locis hostes in illum impetum facerent,

LIBER

eos semper insigni virtute repulit. Sic copias in urbem, pau-
 cis hominibus, qui ordines deseruerant, amissis, incolumes
 reduxit. Ataidius interim eisdem curis anxius, Marochiū
 petere statuebat. Barriga Maurorum principes Ataidij
 iussu ad societate eiusdem facinoris incitaret. Petrus Sou-
 sa Azamoris praefectus fuit ab Ataidio similiter inuitatus,
 ut itineris, & laboris, & gloriae socius esse vellet. Is cum es-
 set vir egregie fortis, & laudis prater modum cupidus, se
 socium libenter ascripsit. In locum huic rei destinatum o-
 mnes conueniunt. Sousa ducentos equites, Ataidius trecen-
 tos eduxerat. Dabida praefectus cum sexcentis equitibus,
 Garabia dux cum equitibus mille, Xerquia vero dux cum
 octingentis aduenerant. Ab eo loco vigesimo secundo die
 mensis Aprilis, anno M.D.xv. profecti sunt. Itinera singu-
 lari ordine faciebant, & non nisi explorato castra moue-
 bant. Regio multis in locis est natura fertilis, & cultu ni-
 tida, & aquis irrigua, ita, ut oculos intuentium non medio-
 criter oblectaret. Tandem ad urbem accedunt. Consilio
 habito decretum fuit, ut urbem ea porta, quae Fessensis ap-
 pellatur, oppugnarent. Sed neque tormenta, neque machi-
 nas, neque munitiones, nec alia denique, quibus urbem maxi-
 mam, & hominum multitudine refertam oppugnarent,
 ferebant. Nec in alium finem eò copias adduxisse putaba-
 tur, quam ut gloriari possent, se usque ad Marochij portas
 sine villo impedimento copias adduxisse, ut ea audacia ho-
 stium animos frangerent, Mauritaniaeque debellandae faci-
 litatem principibus Lusitanis ostenderent. Hostes sane
 perturbati sunt. Credebant enim multo maiores copias
 subsequi. Ataidius copiarum suarum medium agmen du-
 cebat. Xerquienses & Dabidenses sinistrum illius latus,
 dexterum vero Garabienses claudebant. Sousa duas è
 suis

suīs copijs acies instruxerat. Tum ipsi primū Arabes in
urbis portas incurstant. Hostes ea porta, qua Fessensis ap-
pellatur, erumpunt. Illi multitudine, nostri virtute supe-
riores erant. Tamen cū hostes innumerabiles influerent,
& recentes fessis succederent, nostri in maximo periculo
versabantur, & agrē molem praelij sustinebant. Cidemei-
mamus grauit̃ vulneratus euasit. Lupus Barriga dum
inter hostes incautius versaretur, fuit ex equo deiectus, i-
biq; occisus fuisset, ni Petrus Barriga illi opem attulisset.
Aliqui vtrinq; ceciderunt. Prælium ita quatuor horis cō-
tinuatum fuit, vt victoria neutram in partem inclinaret.
Ataidius tamen atq; Sousa cū animaduernerent, hostiū
exercitum subsidijs identidem submissis amplificari, neq;
paucos lassitudine debilitatos posse infinita multitudini,
in proprio solo, pro mœnibus, pro salute patriæ, pro omnium
vita fortissimē dimicanti diu repugnare, copias sensim, &
ordine minimē confuso in fluminis, qui urbem præterfluit,
angustum vadum subducere incipiunt. Cū tamen vr-
gerentur, impetu sæpē in hostes conuersi, eos cedere coge-
bant: deinde eò, quò intenderant, exercitum paulatim de-
ducebant. Vadum erat ad eò angustum, vt non nisi bini, aut
ad summum terni transire possent. Hostes interim multò
acrius instare, & vehementius vrgerē, multò maiore im-
petu ferri cœperūt. Quod si à nostris in eo periculo tumultu-
atum fuisset, maxima profectò clades accepta fuisset.
Sed Ataidius à Sousa postulauit, vt ipse in agmine primo
curam eorum, qui vadum transibant, susciperet, & eos in
ripa rursus instrueret, ipse in postremo agmine hostes ma-
ximo cum labore sustinuit. Sic factum est, vt omnes copię
traducerentur, è nostris multi vulnerati discederent, ne-
mo tamen occideretur. Ex fœderatis Mauris ad duode-
cim

LIBER

cum ceciderunt. Vt enim in nostrorum conspectu sua virtutis specimen egregium darent, in hostium cuspides irruebant. Traductis copijs, cum nostri iam à fluuio duobus milibus passuum abessent, & hostes indignissimè paterentur, nostros ausos fuisse, cum tamen exigua manu ad vrbis opulentissima, in qua imperij domiciliū collocatum fuerat, muros accedere, vt insignis ignominia maculam delerent fluuium traiecere: quod facere non poterant, cum nostri in ripa instructi consisterent. Vbi igitur illos abesse conspexerunt, ipsi cum copiarū parte nostrorū vestigia persequuntur. Abidenses, & Garabienses, & Xerquienses cum nonnullis Lusitanis in eos impetum ferunt, & breui certamine fundunt, fugantq; & paucos occidunt: inter quos fuit Fessensis quidam dux, qui ferocius nostris minatus fuerat, & acrius praliū inierat. Nostri modicis itineribus ita viam faciebant, vt commodè in Arabum pagis, & oppidis, & ciuitatibus diuersarentur, & multi vndiq; ad eos cum muneribus cōmearent, & quasi maximam victoriā adepti fuissent, illis de tam felici reditu gratularentur: quamuis bellum maximo animo, non tamen sapiente consilio susceptū fuisse videretur. Mons Farrobis viginti passuum millibus Arzila distat. Est autem cum herbidus & amœnus, & arborum & nemorū varietate distinctus, tum arduus & excelsus, & multis in locis natura munitus. In cliuo montis, ea parte, qua in Arzila conspectū prominet, erat ingēs pagus, quem Aliubiliam appellabant, vnde frequentes excursions in agrū Arzilensem fiebant, quæ fruges & sata vastabant, & prædas etiam cum captiuis frequenter abigebant. Ioannes Coutignus pagū euertere cupiebat: sed cum non tantæ copias haberet, quantis erat opus, opẽ ab Odoardo Menesio, q̃ Tingi præerat, postulauit. Is se cū illo cōiunxit.

xit. Deinde cū prima luce ad radices montis accederet, hostes illos conspicati, minimè perturbati sunt: imò sine ullo tumultu per deuexum montis deducti, in nostros impetū fecerunt. Menesius vna ex parte, in quam se sub mōie abdiderat, Coutignus è ripa fluminis, quam occasione intentus infederat, in illos, qui iam in medium agmen inuaserāt, inuecti sunt. Illi cedunt, nostri montem subeunt. Hostes & multitudine, & locorum asperitate, & stationis valido sepimento freti, nostros in principio contemnebant. Qui tamen eos cadere non desistunt, & in pagi munitiones compellunt, & intra vallum irrumpunt, hostesq; per aduersam portam in fugam effusam conijciunt, oppidumq; diripiūt & inflammant. Montem deinde peruagati, vicos exurūt, pagos euertunt, templa disturbant, ades per antiquas & ædificia diruunt, totiꝫ monti vastitatem & inflammationem inferunt, & sic demum, re ex animi sententia gesta, reuertuntur. Hoc eodem anno Rex Emmanuel cum in animo haberet, Mauros hostes nominis Christiani sempiternos acriore bello vexare, multis arcibus oram maritimam obsessam tenere statuebat, vt vndiq; hostibus immineret, & Fessense regnum facilius armis oppugnaret. Hac cupiditate cū teneretur assiduè, de hominibus Africa peritis quærebat, quem locum magis opportunum arci ædificandæ iudicaret. Illi fluuium Mamoram (olim Subur appellatus est) latum atq; profundum, qui in Atlanticum mare per ostiū, quod Arzila circiter centū passuū milia distat, influit, eam opportunitatē habere cōfirmant. Nā fluuij faucibus montē imminere, in cuius fastigio posset arx edificari, cōmeatum & munitiones facillimè in eum locū subuehi, in fluuium propter aluei profunditatem, maiores naues intrare posse dicunt, portum esse tutissimum.

Locum

LIBER

Locum præterea ad inferendum bellum aptissimum: nam ab ostio fluminis Fessam nõ ita multis passuum milibus abesse. Rex misit, qui fundum fluminis explorarent. Illi, qui missi fuerāt, eorum sententiam, qui locum eximie laudarent, comprobant, & fluuium maiorum nauium capacem esse dicunt. Rex igitur classem ducentarū nauium instruendam curauit. Exercitus octo millia hominum, præter fabros & nautas, continebat. Classis præfecturam Antonio Norogna viro nobilissimo commisit, & successorem illi Noronium Mascaregnam, si is aliquo casu sublatus fuisset, instituit. Multi viri nobiles in ea classe fuerunt, quorum tamē pars magna luxu & lasciuiā diffluens, magis nobilitatis arrogantia tumebat, quā militaris disciplina patiebatur. Exercitus etiam erat tyronum. Soluit classis Olyssipponē. xliij. die mensis Iunij: vigesimo tertio mensis eius dem ad ostium fluminis appulsa fuit. Tum Norogna Berrium cum nauigio, cui præerat, misit, qui in fluuium intraret: ex latere vno Petrum Bentesium cum longa naue, ex altero alium ducem nomine Carinū cum altera longa naue constituit. Hos Antonius Saldania sequutus fuit. Reliqui deinde duces ordine vt iussi fuerant, subierunt. Vbi eò ventum est, vbi arx edificāda erat, locus rem acutius considerantibus minimē placuit. Habito igitur consilio, locum alium delegerunt non ita procul à fluminis ostio distūctum, quo naues facilius penetrare, & quæ erant necessaria conuehere possent, & vbi propter crebros fontes aquatio semper facilis esset. Nec enim semper aquatio propter astum maritimum, qui salsas aquas inducit, ex fluuiō fieri poterat. In loco igitur, qui omnium iudicio commodissimus visus fuit, arcem instituunt: atq; primū fossam altitudine decem pedum, & latitudine quindecim perducunt, quā

cūm

cū se astus incitaret, aquā admitterent, si vellent: & si rur-
sus vellent, eā eijcerent. Acies instructa locū prater ea mu-
niebant, & castra ita posita fuerunt, vt cōmodè impetum
hostiū propulsatura viderentur. Sed locus hoc incommodū
habebat, quod ei mōtis superciliū immineret. Nec enim fa-
stigiū montis occupari poterat, quod longius à fluuio, quā
oportebat abesset: & locus, quē delegerant, erat aliori loco
subiectus, vnde non missilibus tantum, verū & saxis ingē-
tibus deuolutis nō mediocris perniciēs afferri poterat. Præ-
terea, vt admoniti tunc à multis fuerunt, hyeme cū flu-
uius imbris auctus intumescit, super loca etiam, in quibus
arx extrui cœpit, effunditur: quod inuecti limi aque cœni
reliquiæ demonstrabant. Hostes loca superiora occuparāt,
atque valido sepimento munierant, tormenta sequeſtia
disposuerāt, omnique missiliū et pilarū genere decertabāt,
nostrisq; graues molestias inferebāt. Rex Mequinezus cū
tribus millibus equitum, & triginta millibus peditum adue-
nit. Rex deinde Fessensis cum multo maiore exercitu eō ve-
nire maturauit. Ducebat autem supra centum hominum
millia. Prælia interim non leuia fiebant. Sed cū hostes &
loco, et multitudine superarent, superiores semper è prælio
discedebant. Vno autē prælio è nostris mille atq; duceti ca-
si sunt. Naues tamen nostræ cū fluminis aditum liberum
haberent, & nostris subsidio erant, & castra hostium tor-
mentis infesta faciebant. Hostes, vt naues Lusitanas aditu
prohiberent, propè fluminis ostium stationem instituunt,
quam fossa & vallo muniunt, firmaque multorum homi-
um in ea præsidia disponunt, vndique tormētis naues, qua
intrare volebant, aut dissipant, aut ne ingredi auderent, im-
ediunt. Norogna vt hoc impedimentum vitaret, hoc ex-
ogitat. Nauem ingentem densis tignis corroborat, lana sac-

LIBER

cos infercit, quibus molibus obiectis hostiū globos exciperet. Hac naus in fluuio contra hostiū stationem opposita, tutū reliquis humilioribus nauibus transitum praebebat. Hostes tamen cū dies atque noctes sine intermissione nauē quaterent, eam dilacerarunt. Hac mole disiecta, nostri exanimari metu cœperunt. Exercitus erat imminutus, commeatus deficiebat, nullus erat dies, quin aliqui ab hostibus interficerentur: res erat in extremo discrimine constituta. Interim litera ab Emmanuele ad Norognam deferuntur, quibus literis, quas de ea re Norogna ad Emmanuelem dederat, respondebat. Literarū sententia hac erat, vt si ei, & reliquis ducibus arx illa inutilis videretur, eam deferrent, et exercitum, antequam maius incommodum acciperetur, in Lusitaniam deportarent. Id cū nō eo silentio fieret, quo conueniebat, & hostes id sentirent, nostris acriter instigare. Duæ acies in superiore loco, vt hostium impetū sustinerent, erant oppositæ. Vnam Rodericus Melius, alteram Christophorus Leitanius, vir acer, et in rebus bellicis enutritus, agebat. Acies, quam Melius ducebat, cū hostes eā valdè premerent, per loca præcipitia ruebat, & alij alios se se in fuga præpediebant: hostes maximam cadem ediderunt. Leitanius aciem per montis anfractum instructam duxit, donec ad fluuium perueniret. Sed tanta erat iam in castris trepidatio, tantusq; metus animos omnium occuparat, vt nemo posset vllius ducis imperio aut auctoritate ab effusa fuga cohiberi. Multique metu cū se in flumen deicerent, aquis & cœno demersi, honesta mortis metu turpem vitam finē subierunt. In nautis similiter tanta trepidatio fuit, vt eorum culpa centiū naues ad littus afflictæ perierint. Alia namq; alias impediebant, & inuicem collidebantur, & in littore tandē fractæ, hostiū crudelitati homines exponebant. Non defue-

defuere tamē quidam viri fortissimi, qui in eo tumultu facinora memorabilia ederēt: inter quos virtus Bernardi Emmanuelis longē reliquis antecelluit. Is hostibus se opposuit, eorumque impetum repressit, multos ab effusa fuga continuit, & in hostiū cade versatus est, & in causa fuit, ne multo grauior clades acciperetur. Nostri tandem in naues recepti sunt, quamuis quidam viri nobiles nauium aditu multos arcere niterētur, ne ipsi, nauibus pondere grauatis, discrimen adirent. Periculum enim in terra fuga, in nauibus immanitate vitarūt. Circiter quatuor hominum millia ab hostibus caesa dicuntur. Arce præterea cū tormentis, & munitionibus, & captiuis, hostes potiti sunt. Nostri tamen exitum, qui erant in statioe, intercludere nō potuerunt. Huius cladis & dedecoris Emmanueli nuncius allatus illi magnū dolorem inussit. Gratiās tamen Deo egit, quod ab eo debitas peccatorū pœnas in hac vita exigere voluisset. Is enim fuit, qui secundam & aduersam fortunam moderatē semper ferēdam arbitraretur, & omnia, vt Christianū Principē decebat, ad iudiciū numinis diuini, quod falli non potest, piē reuocaret. Hac tamen plaga nulla eius atate calamitosior accepta fuit: in qua multi dedecoris infamiam patientius fortasse, quā decebat, pertulerūt. Nunquam enim operā dederunt, vt eam notā claris factis eluerent: Hoc anno Rex Emmanuel multorum inuidorū calumnijs aures præbuit. Hac enim pestis, quæ plerunque apud reges magnas bonorum strages edit, Emmanuelē etiam in eā fraudem impu- nit, vt Albuquerquei suspectum haberet. Eo tempore Albuquerquei omnem fermē oram Indici maris, quæ Indo flu- io, & Cori promontorio desinitur, sub Emmanuelis impe- rium subiunxerat: Malacā etiā adiecerat, regnū Armu- j armis ceperat, & prudētia stabilierat, Emmanuelis no-

LIBER

men latissimè propagarat. Nec enim nationes illà credebant fieri posse, quin Rex, qui ducem tam insigni virtute pradium haberet, esset diuinis etiam virtutibus ornatisimus. Et quò status erat amplior, eò maiorem de illius amplitudine opinionem receperant. Et Rex ipse optimè erat in Albuquerque animatus. Sed inuidi perpetuo aures illius obtundebant, hominèmq; aliquando dementia et temeritatis, aliquando verò ambitionis minimè ferendæ, atque adeò proditiõis insimulabant. Postremò Regi persuaserunt, Albuquerque ad tyrannidè aspirare, vellè que Indiam vniuersam sibi subdere. Esse namque cognatis et clientibus innixum, principibus Indis propter virtutis opinionem carissimum, opes illius esse ampliores, quàm status hominis legibus astricti ferret. Animos enim in mediocribus opibus nutritos imperium pati posse, in summis verò insolentius, quàm ius & fas postulat, efferri. Quid si, inquiunt, vt est vir singulari astutia & calliditate subnixus, Zabaium Idalcamum ad suas rationes adiunxerit? Quid si cum Narsinga rege societatem inierit? Quid si reliquos India reges ad se aggregauerit? Non erit ei facillimum à fide deficere? Hoc saltem assequetur, vt Emmanuelis Regis nomen contemnatur, & Albuquerque imperium omnes libenter accipiant. Hi sermones cum essent valdè frequentes & importuni, maximaque vi & industria iacerentur, Albuquerque meritis & innocentia fretus, quamuis optimè sciret, nomen suum multorum inuidia lacerari, nunquam quomodo calumniam refutaret, excogitadum censuit. Improborum namque sermones factis egregijs facillimè retundi putabat. Se verò ea gessisse, & his operibus animi sui fidem confirmasse censebat, vt in India positus, non magno negotio inuidia flammã, quæ in Lusitania inuidorum

rum

rum ingenij excitabatur, virtutis explorata & cognita fama restingeret. Verū cū accusatores sine vllō defensore, qui eorum perditis conatibus occurreret, accusationē instituerent, eō rem deduxerunt, non quidem vt Rex illum nō satis magna laude dignū arbitraretur, sed vt saltem ab India reuocandum statueret. Itaque Lupium Suariū Aluarengam illi substituit. Cum eo Mattheum, Dauidis Aethiopiae Regis legatū, dimisit, & alium ad eundem regē legauit, vt pax & amicitia arctiore vinculo firmaretur. Legatus extitit Odoardus Galuanus, vir nobilis, & multis in rebus magni pōderis spectatus & cognitus. Aluarenga cum classe tredecim nauū, & mille & quingentis Lusitanis hominibus Olysippone soluit septimo die Aprilis, Goamquē peruenit secundo die Septembris. Inde rebus ordine constitutis, Cochimum petijt, vt classē, quā erat in Lusitaniam profectura, compararet. Hoc anno septimo die mensis Septembris Emmanuel filio auctus est, cui fuit Odoardi nomē impositum. Is natura mitis & clemens extitit, musicis & venationibus deditus, vniuersis propter benignitatē & humanitatem carus, atque periucundus: qui, si non immatura morte sublatus fuisset, multas vtilitates insita probitate & industria communibus rebus afferre potuisset. Hoc anno Malacā grauis casus atque valdē miserabilis Abedallam Camparis Regem, qui tunc, vt dictum est, Bendara munus obibat, de medio sustulit. Rex Bintami illius socer, eum vel ferro, vel veneno tollere cupiebat. Cū hoc ei minimē processisset (erat enim Abedalla propter aequitatē & mansuetudinem omnibus egregiē carus, & munere sibi cōmissō summa cum laude fungebatur) alia via illi pestē atq; perniciem inferre constituit. Itaque suis negotium dedit, vt aliquot Malacensiū naues caperent, et in Bintamum addu-

L I B E R

cerent. Illi impigrè quod imperatum fuerat exequuntur. Is tunc suos, qui iussa cōfecerāt, asseris verbis accipit, quod iniuriā ciuibus suis intulissent. An, inquit, ignoratis me regē esse Malacā, & hos, quos captiuos abduxistis, mihi subditos esse, neq; secus à me diligi, quā si eos omnes genuissē? Spero equidem Abedallam, quem ego non generū, sed filium arbitror, propediem in meā potestatem Malacā, ut constituit, redacturum, & tunc apparebit, quantum inter Lusitanorum tyrannidem, & mei imperij moderationem intersit. Hos enim ut filios omnes cum singulari humanitate tractabo, quos Lusitani dominatu durissimo oppressos tenent. Gener enim meus Abedalla, prudentia, qua valet plurimum, id, quod mihi promisit, cumulatè præstabit. Hæc ubi dixit, captos cibo & potu benè acceptos, & muneribus affectos missos fecit, omniāq; illis bona restituit, suisq; duobus atrociter minatus est, si quid simile in posterum contra ciues vr̄bis Malacæ designarent. Id homines verū esse crediderunt. Et ubi Malacā reuersi fuere, sermo primū oculis inter nonnullos haberi de eadem re cœpit. Deinde sparsolatius rumore, res ad Georgium Albuquerqueium vr̄bis profectum delata est. Bartholomæus autē Perestrellus, quæstor Regius, q̄ paucis illis diebus ex India citeriore Malacā aduenerat, cum Ninachetuen̄sis filijs erat vsu & familiaritate cōiunctus, multa q; illorū gratia faciebat. Illi patris mortem vl̄isci summopere cupiebāt, & ideo quod erat rumore dissipatū, oratione confirmabant, & asseriebant, id se multorum literis & argumentis clarissimis exploratum habere, Abedallam de vr̄be nefariè prodenda cogitare, & societate sceleris cū rege Bintami coiuisse. Perestrellus Georgiū Albuquerqueiū admonuit, ut impendens periculū præcaueret, et proditorē, ante q̄ id, quod animo destinabat, efficeret,

feceret, capite damnet. Is filios Ninachetuenſis accerſit. illi rem ſanè cōfidenter aſſerūt, nihil clariuſ eſſe confirmāt. Albuquerqueiſ quāuiſ eſſet vir p̄buſ, non ita tamen ſapiens erat, vt intelligeret, nō eſſe temerè in re capitali fidem inimicis habendā. Et ſiue q̄a valdè periculum metueret, ſiue quod facinuſ illud praeclarū fore putaret, hominē ſumma potentia pradiū, & nomine Regiſ, vt nihil aliud eſſet, ornatuſ occidere, non p̄craftinat. Abedallam accerſit, ſcleris inſimulat, teſtimonia, q̄ hoſtes in illum dixerant, exponit. Pereſtrelluſ vehemēſ accuſator inſtat, & vrget. Abedalla fidē Albuquerqueiſ implorat, et obteſtatur, ne ſe hominē innocentē, ſummè in Luſitanos officioſum, Regiſq̄, Emmanue- liſ ſtudio flagranteſ hoſtiū crudelitati dedat. Tempuſ ſibi dari poſtulat, dum regiſ Bintaſenſiſ fraudem, & inimicorum calumniā, & ſuam innocentiaſ teſtibuſ & argumētis aperitè demonſtret, ſe ex vinculiſ velle cauſam dicere. Ad haec obſecrabat, ne nomini Luſitano tātū dedecus ſupplicio hominiſ innocentis inureret, quo odium in ſe multorum hominum cōcitareret. Haec ne eſt, inquit, gratia, quā meiſ in Luſitanam gentem meritiſ referendā cenſeſ, vt ſupplicio meo crudelitatem regiſ Bintaſenſiſ, ſempiterni veſtri nominis hoſtiſ, expleā? & ij, qui propter meam in Regē Emmanuelem fidē me immani odio perſequuntur, latitia exultent? Quid aliud enim expetit Rex Bintaſi, niſi vt ego, quē ſuorum ferro, quem veneno, quem multis inſidijs occidere nequiuit, manibuſ Luſitanorum, propter quos meoſ deſerui, & odiū in me hominiſ malefici acerbiffimū concitauit interimar, & illi, in quorum me fidem cōtuli, doloriſ illiuſ, quē vir improbiſſimuſ cepit, ultoreſ exiſtant? Eadem namquē opera fieri cernit, vt illiuſ immanitatē ſatietis, et homineſ à ſtudio veſtri nominis auertatiſ, et apud multas nationeſ odio

LIBER

fitis. Quid enim dicent ij, qui me à regno meo per vos deductum conspexerunt, vt vestris beneficijs ornarer, & praedijs cōtra hostes meos munirer, cū viderint me tam subitō de statu meo concidere, & ipsoꝝ opera, quos hostes vestri nominis gratia desumpsi, ad supplicij detrudi? Quare te per fidem, per religionem, per humanitatem, per reliquas virtutes, quas vnice colis, oro & obtestor, vt mihi respōdendi facultatem tribuas. Et tum demum si proditionis cōuictus fuero, nullum supplicium recusabo. Hac quidem cū Abedalla diceret, & suppliciter postularet, non potuit hominem natura mansuetum ad aliquam humanitatis partem traducere. Itaque sine vlla cunctatione, homo innocēs, regio splendore praeclitus, in forum deductus, inspectante populo, cum multorum luctu & querimonia securi percussus fuit. Qui tamen dum ad supplicium ducebatur, manus in caelum tendebat, & numen implorabat, vt in eos, quorum calumpnijs ipse cōtra ius & fas interimebatur, animaduerteteret. Post decimum & septimum diem Perestellus celerimorte absumptus fuit: quod multi ad numinis vindictam retulēre. Abedalla verò supplicium tantam multis offensio- nem attulit, vt multi mercatores & ciues Malaca excederent, atq; passim, quacunque se conferebant, omnes homines à Lusitanorum commercio deterrerent. Nihil esse apud Lusitanos tutum, nullam fidem ab hominibus conseruari: illis ipsis, qui rebus illorum inservirent, esse tandem crudele supplicium indicta causa subeundum. Ninachetuensem, nulla offensione interposita, honore deiectum, & ea de causa post tam multa officia sibi mortem consciuisse. Regē Camparensem crudelem in modum contra ius necatū fuisse. Cum huiusmodi sermonibus omnia complerent, factum est, vt cū mercatores in urbem accedere non auderent, nō solum

solum vectigalia tollerentur, verum & Lusitani cum ciui-
 bus, qui relictī in ciuitate fuerant, summa rerum inopia,
 atque adeo fame vexarentur. Sed Georgius Botellius à
 Georgio Albuquerque missus cum duabus nauibus, omnes il-
 las circunquaque regiones peragravit, qui cū esset & pro-
 pter virtutem notus, & propter vsum Regum omnibus fa-
 miliaris, facile à multis Regibus & principib. impetrauit.
 vt mercatores rursus Malacam merces & cibaria conue-
 herent. Dū Botellius summam in cōmeatu comparando di-
 ligentiā adhiberet, Rex Bintami regem Siacæ (ea regio est
 ad Austrā in eadem ora sita, q̃ fluius eodem Siacæ nomine
 interfuit) per literas admonuit, vt sibi Botellij caput offer-
 ret. Quod si faceret, se ei filiā insigni specie magna cū dote
 collocaturū. Id Siacæ, Rex cū ad illū Botellius diuerteret,
 premio nuptiarum alleclus, facere constituit. Sed accidit,
 vt, cū illius quidam domesticus, qui fuerat à Botellio ca-
 ptus, & sine vilo pretio dimissus, prodicionem, quæ paraba-
 tur, intelligeret, vt Botellio gratiam referret, scelus indi-
 caret. Rex Bintami præterea duodecim naues instruxit, &
 ducibus imperavit, vt Botellium Malacam redeuntem, si
 vitaret insidias, interciperent. Georgius Albuquerque vbi
 id comperit, nōnem naues ornari iussit, & Francisco Me-
 lio precepit, vt Botellio opem afferret. Bintamensis rex cū
 id ex speculatoribus accepisset, alias quatuor & viginti na-
 ues instruxit, quæ cum Melio decertarent. Hæ naues cum
 duodecim, quæ præmissæ fuerant, acre cum Melio præliū
 commiserunt. Qui tamen classē hostium profligauit, ma-
 ximumque numerum hominum occidit, & cum insigni
 victoria Malacam reuersus est. Victoria tamen non in crue-
 ta fuit. Nā septē & triginta Lusitani mortui sunt, magnus

LIBER

etiam Malacensium numerus occisus fuit. Botellius similiter periculo liberatus, cum vario & multiplici comiteatu Malacam redijt. Sub idē tempus Georgius Britius Malacam venerat, ut urbi praeſſet. Succesor enim Georgio Albuquerque missus ab Emmanuele fuerat. At Prator Albuquerque Armuzij, post Hamedij mortem, reip. statum egregie collocat: ciues aequitate & mansuetudine sibi deuinxerat: ipsum regem multis ad se beneficijs allegerat: nationes exterarum ad commercium specie benignitatis inuitauerat. Multi Persidis & Arabia Reges ad illum legatos cum muneribus miserant, ut cum eo pacem firmarent. Neque defuere principes, qui solo uide di hominis studio, de quorū praeclarā famam multiplicis virtutis acceperant, Armuziū contenderent. Interim rumore dissipatum fuit, Sultanum ingentem classem instruere, qua Armuziū debellaret. Albuquerque, & si non valde rumori fidem habebat, id tamen consilio praeſtendit, ut sine Regis offensione arcē firmitus muniret, & ciuitatē praesidio, ne à fide deficere posset, omnino nudaret. Dixit enim, omnibus urbis tormentis sibi opus esse, ut facilius hostes, qui expectabantur, ab vniuersa urbe propelleret. Itaque tormenta & munitiones ex urbe & adibus regijs in arcem deportandas curauit. Reges autem cacos in Indiam, ne propter multiplicē Regum prolem, in urbe motus oriretur, misit. Quindecim enim Reges oculis orbatī à regni procuratoribus, in adibus regijs, cum vxoribus & liberis inclusi seruabantur, quibus omnia ad victū necessaria principes, qui Regis nomine regias opes pro libidine tractabant, largē praebebant. Hoc erat premium Regibus à maleficis hominibus constitutum, quoties tunc regio liberius, quam retores ipsi vellent, vterentur. Praefecti namque tyrannide constituta, ex hac regia stirpe puerum deligebant, cuius nomine

nomine regni in suam potestatem redigerent. Hic verò in regia sede locatus, si aliquid moliri cum regia libertate vellet, oculorum aspectu priuabatur, & alius in locum regis cæci eidē calamitati, si liber esse vellet, obnoxius, vt regium nomen obtineret, assumebatur. Hæc autem tyrannidis minimè ferendæ materia inter ipsos tyrannos dissensiones pestíferas excitabat, & causam ipsi ciuitati sæpenu-merò grauissimæ cladis afferebat. Hos reges cæcos, partim vt memoriam tam immanis sceleris extingueret, partim vt turbulentissimæ dissensionis materiam amputaret, Albuquerque Garfia Norogna cōmisit, vt eos in Indiam deportarent: vbi iubebat, vt eis omnia magnificè præberentur, quæ ad victū & elegātiā regiam pertinerent. Sed in hoc tam felici rerum omniū, vt homines iudicare poterant, statu, Albuquerque aut senectute, aut nimio labore confectus, in lentum morbum incidit, qui in dies ingrauescebat. Cum igitur sibi mortē appropinquare iudicaret, arcis præfecturam Petro Albuquerque, cuius virtutem & ingenium multis in locis perspexerat, & quem nouerat esse & Regi Armuziēsī, & ciuitati vniuersæ carissimū, præfecit, eumq; ad fidem, & vigilantiam, & æquitatem luculentissimis verbis excitauit. Res autem Armuzij eo ordine constituit, vt non facile perturbari, & à statu dimoueri possent. Multa etiam, quæ ad Indiæ statum firmandum vtilia videbantur, effecit. Animum verò suum sacris sanctissimis expiauit, & testamētum fecit, nec aliquid prætermisit, quod ad religionem procurandam, & rem suam constituendā aliqua ex parte pertineret. Mira deinde eum cepit cupiditas in India moriendi. Urbem præterea Goā, cuius ipse cōditor erat, aspicere, antequā è vita discederet, vehementer optabat, Regē deinde per Petrū Alpoē salutauit, fidemq; dedit, se illi

L I B E R

se illi loco parentis, quandiu in vita maneret, futurum. Petrum deinde Albuquerqueium, quem Armuzij in arcis & vrbis custodia relinquebat, illi vnice commendabat. Se tamen spem magnam habere dixit, fore, vt vbi primum ex eo morbo, si ita DEO visum esset, emergeret, Armuziū rediret, vt illi posset amorem, quo eum prosequeretur, officijs ostendere. Rex illius desiderio lacrymas profudit, respondit q̃, se illum perpetuò in loco patris obseruaturum, operamq̃ daturum, vt à nemine studio et pietate erga Regem Emmanuelem vinceretur. Ea tamen spe interim, quam illi Albuquerqueius ostendebat, Armuzij repetendi se mirifice sustentari. Hoc facto Albuquerqueius, vt salutationes deuotaret, omnia namq̃ humana officia fastidierat, nauem conscendit, & vela fieri iussit. Cum ab vrbe quatuor passuum millibus abesset, reliquos clas̃is nauarchos, qui non tam citò soluere potuerunt, biduò in anchoris expectauit. Ed Rex Armuzij rates cum multis fructibus, & commeatu, & muneribus ad illum misit. Ille legatos hilari fronte, et vultu, & cum humanitatis egregia signis accepit: officia Regis amantiissimi esse sibi gratissima confirmauit, & legatum, & nautas atq̃ remiges benè acceptos, & muneribus ornatos à se dimisit. Oram verò Indiæ præteruectus, nauis quadam parua ad nauem illius accessit. Illa vehebatur nuncius cum literis, quas Cide Alles, & quidam Ismaelis legatus Dio ad illum scripserāt, quibus nunciabāt, Lupum Suarium Aluarengam ab Emmanuele missum fuisse, qui illi succederet, & illum (quod eis facinus indignum videbatur) in Lusitaniam reuocaret. Quod si is parere nollit, regum suorum opes offerebant, quibus facillimè tantam à se iniuriam propulsaret. Is animum gratum habuit, officium aspernatus est. Et tamen non mediocri animi per-

tur-

turbatione commotus (intelligebat enim, eam successionem inuidorum opera constitutam fuisse) se continere non potuit, quin sublatis in calum manibus exclamaret. Prob
CHRISTE sancte, inquit: quo me pacto possum ijs molestijs, quæ me circumuallant, expedire? Si Regi satisfacio, in hominum odium incurro: si hominibus consulo, in Regis offensionem incido. Ad aras, ærumnose senex, ad aras, inquam, confugiendum. Hæc autem verba sæpè repetebat, ut appareret, eum grauib. esse curis exulceratum. Deinde sibi laborum omnium finem instare prænunciavit. Tãdem ubi ad se redijt, Certè, inquit, mecum statuo, Regem felicissimum diuinitus de multis rebus admoneri, & hanc successionem non nisi motu & instinctu numinis ab illo constitutam fuisse. Morior enim, & si hoc tempore successorem illius consilio delectum non haberem, potuisset India status periclitari. Hæc ille cùm dixisset, animo conquieuit. Quid verò magis progrediebatur, eò morbus erat infestior. Literas interim per breues ad Regem Emmanuelem in hæc sententiam dedit. Has postremas literas cum frequenti singultu, & reliquis mortis certissimæ signis scribo. Filium unicū habeo: quem peto pro meis in tuam maiestatem & amplitudinem præstantibus meritis, tua magnificentia & benignitate cõplectare. Quæ tua causa gesserim, opera ipsa testificabuntur. His literis vacillante manu cum magna difficultate conscriptis, omnem rerum humanarum memoriam prorsus abiicit, & totam mentem ad res diuinas animo recolendas, & veniam flagitiorum à diuina clementia postulandam conuertit. Cùm verò multa mente recoleret, tum verò locum Ioannis, quo CHRISTI cruciatus exponit, sibi crebrò legi faciebat, crebrisq; gemitibus, et alijs eiusmodi signis, se ea lectione mirum in modum recreari de-

ri demonstrabat. Cum oram Goæ legeret, famulum celeste celeriter inuehi præcepit, qui ex vrbe sacerdotem, quo plurimum fuerat in rebus diuinis vsus, euocaret. Is vbi venit, totam cum eo noctem in rebus, quæ ad sempiternam vitam pertinebāt, attentissima cogitatione pertractandis consumpsit: & sic ante lucem ex ergastulo corporis emigravit. Vbi fuit in vrbem de illius morte nuncius allatus, nō solum Lusitani se lamentis dediderūt, sed Saraceni etiam, & gentes reliquæ à nostris sacris alienæ, plangore & ciulatu vrbem compleuerunt. Tanta namq; erat humanitate præditus, vt vtrum magis multi illius virtutē metuerent, an bonitatem amarent, esset explicatu difficillimum. In primis autem ius æquabile colebat, & fidem violatam acerrimè puniebat, neminiq; iniuriam fieri patiebatur. Fuit insigni pudicitia. Vxorem nunquam duxit: filium vnicum ex ancilla suscepit. Erat in laboribus tolerandis acerrimus, ita, vt homines nimio interdum labore fatigaret: quos tamen magis exemplo, quàm propositis minis ad labores excipiēdos excitabat. Calumniatoribus erat infensus, adeo, vt nemo auderet alicuius nomen apud illum falsò deferre. Consilio plurimum valebat: incredibili celeritate quæ statuerat exequebatur. Erat veritatis amantiſſimus, vanitatem & mendacium odio acerbo perſequēbatur. Iniurias sibi illatas animo maximo ferebat. Iracundia interdum efferebatur, ita tamen, vt in medio iracundiæ ardore, dictum iaceret (erat enim acutiſſimus) quo omnes, qui vultum illius extimescebant, à nimia conturbatione ad hilaritatem & risum sæpè traduceret. Non erat alienus à literis: & cum otii erat, lectiōe sacrarū præcipuè literarū oblectabatur. Vtrum magis belli, an pacis artibus excelleret, incertū est. Sic enim bellū administravit, vt merito summus imperator ha-

haberetur. Sic remp. multis in locis constituit, vt summus etiam reip. moderator existimari iure posset. Itaq; omnes, qui tunc Goas tenebant, in illius morte se patre amātissimo orbatos esse querebantur. Fuit è naue cum incredibili pompa eductus, et exequiarum singulari magnificentia sepultus: quanquam fletus eorum spiritum, qui funus procurabant, sæpius intercluderet. Eius morte nunciata, luctus peroram Indicam peruasit: multos reges & principes mœrore afflixit. In primis Xuranda Armuzij Rex animi dolorem multis lacrymis & veste lugubri demonstrauit. Rex Emmanuel illius mortem acerbè tulit, filiumq; illius ad se continuò venire iussit. Appellabatur ille Blasius Albuquerqueus. Rex ne tanti viri nomen ex animis elaberetur, ei patris nomen indidit, & pro. Blasio Alphonsum vocari precepit. Eū verò, vt parentis merita postulabāt, multis muneribus affecit, & sp̄tēdidis etiam nuptijs ornauit. Sequēti anno alio funere principis inuictissimi vniuersa Hispania luctu deformata fuit. Rex enim Fernādus, cuius nomē est immortalitati propter egregia facta consecratū, in pago, quē Madrigaleium appellant, qui ad ciuitatem nomine Trogillium ptinet, graui morbo erat implicitus. Eum Emmanuel per Ioannem Rodericū Salam Menesium salutauit, & de valetudinis eius ratione certiore se fieri iussit. At Rex Fernandus die vigesimo tertio Ianuarij, anno salutis. M.D.xvj. mortem obiit. Vbi id Emmanuel per Menesii literas resciiuit, literas ad Reginā illius vxorem, quā Germanam appellabāt, & ad Fernandū Philippi filiū, Fernādi Regis nepotē, et ad reliquos Castella principes, quæ doloris indicium, & officij, & amoris argumentū continebāt, continuò misit: & Menesiū, vt verbis literarū sententiā vberius subsequeretur, admonuit, & quæ vellet, vt cum illis ageret, diligē-

LIBER

diligentiſſimè præſcripſit. Tum literas ad Rodericum Fernandium Almadam, virum ſumma prudentia præditum, qui tū Antuerpiæ Regis ipſius negotia gerebat dedit, quibus præcipiebat, vt eum de rebus omnibus, quæ vel in Gallia Belgica, vel in Germania fierent, admoneret, vt ad temporis conditionem conſilia regni dirigeret. Tum ad Maximilianum Imperatorem Caroli auum, cui Carolo Philippi filio Caſtella regnum iure hereditatis obuenerat, legatum decreuit. Is Petrus Correa fuit, qui prudentiæ nomine non mediocrem apud Regem locum obtinebat. Summa legationis erat, vt Carolus Iſabelam Regis Emmanuelis filiam vxorem duceret, & rurſus Leonoram cum Ioanne illius filio matrimonio copulari vellet. Legatus comiter acceptus eſt: literarum humanitas & officiũ fuit Imperatori gratiſſimum. Petrus tamẽ Correa, cùm nihil eo tempore trãſigi poſſet, Regis Emmanuelis permiſſu in Luſitaniã redijt. Hoc anno Leo decimus Alfonſum Emmanuelis filium in Cardinalium collegium cooptauit. Et Regi etiam conceſſit, vt Iſabela, Dionyſij Portugalliæ Regis vxor, ſceminæ ſanctiſſimæ, cuius diuina virtus fuerat admirandis ſignis à CHRISTI numine comprobata, honores in Luſitania publicè, vt reliquis diuīs, haberentur: & vt equitum Iacobenſium, & Cifterciensium magiſtratus, abſq; ipſius Pontificis maximi priuilegio, ei, cui Reges Portugalliæ vellent, aſſignarentur. Hæc omnia propenſa Pontificis ipſius in Emmanuelem volūtate, & opera, & induſtria Michaelis Syluij, qui tunc apud Pontificem Emmanuelis legatus erat, & ipſi Pontifici propter ingenij magnitudinẽ gratiſſimus, conceſſa ſunt. Dum hæc gerebantur, Lupus Suarius Aluarenga munus difficiſſimum adminiſtrabat. Albuquerque namq; ſucceſſerat, ad cuius virtutem aſpirare non poterat.

Atta-

Attamen non segniter rebus gerendis incubuit. In primis autem Coulamum legationem decreuit, quæ pacem cū Regina, quæ tunc regnum filij pueri nomine, qui in illius tutela erat, gubernabat, a quibus conditionibus firmaret. Conditiones autem fuerunt, vt illa templum nomine Dini Thomæ Apostoli dedicatum, quod Saraceni eo tēpore, quo Antonio Salanecem attulerant, disturbarant, suis sumptibus instauraret, & templi vectigalia restitueret, & octoginta millia pōdo piperis pro bonis, q̃ Lusitanis erepta fuerāt, persolueret: & vt, antequam cum Saracenis transigeret, Lusitanas naues expediret, & omnibus constituto precio piperis numerum, qui in eas posset imponi, sine vlla fraude venderet. Classem, quæ erat in Lusitaniā profectura, comparauit: pacem cum Calecutij Rege, quæ fuerat ab Albuquerque facta, confirmauit: Cananoris motus, qui fuerant excitati, compescuit. Dum Goam reuertitur, tempestas subito coorta eum Anchediuam petere compulit. Inde Alexium Menesium cum octo nauibus, vt oram Arabiæ perlustraret, & inde Armuzium classem in hyberna deduceret, misit. Goam reuersus, consilium iussu Regis Emmanuelis habuit, vtrum expediret urbem diruere, & insulam omni prasidio vacuam hostibus relinquere; an potius esset magis è repub. eam tueri. Non enim Albuquerque inuidi cessabant, illi non solum viuo, sed manibus etiam illius, atque adeo sepultis reliquijs dolorem inurere, & urbem illam esse communibus rebus inutilem oratione contendere. Nam multis post annis in eo perseuerabant, vt laudibus illius oblatrarent, & omnia quacunque gesserat, nullo consilio gesta fuisse conenderent. In consilio tamen decretum fuit, Goam esse firmiter prasidio confirmandam, & urbem omni ratione muniendam: quod ipse Suarius sententia sua confirmauit. Co-

LIBER

chinum deinde reuersus, classem, qua in sinum Arabicum penetraret, instruendam curauit. Fernandum Petreiu Andradium in Sinam (sic enim Emmanuel imperauerat) continuo misit. Is cum tribus nauibus Zamatram contendit, et ad Pacem naues appellens, Regem de suo aduentu per Ianimum Rabelotum, quem ibi reperit, certiore fecit. Ille Rabelotum & hospitaliter, et honorifice cum summis honoribus accepit. Pax fuit inter illum & Andradium Emmanuelis nomine constituta, locus in quo Lusitani arcem adificaret, assignatus: inde Malacā petijt. Cōmeatu, & rebus alijs comparatis, in Sinam nauigare instituit: sed tempestatis aduersa reflatu Malacā redire coactus fuit, vbi Raphaelem Perestrellum, qui è Sinarum regione veniebat, offendit: à quo de Sinarum moribus, de legib. & institutis, de mansuetudine in hominib. insita multa percepit. Georgius Brittius Malacae praefectus Henricum Lemium in Martabanū Peguensis regni portū misit, vt inde cōmeatum conueheret. Est autē Pegu latissima & fertilissima regio, in India vltiore vltra Gangē, ea parte quae ad Solis occasum spectat, sita, quae inde Malacā procurrit, et orientem Solem versus, mare quod ad Sinam ex quadam parte perinet, attingit. Is nauē quae ex Peguensi portu soluerat, vi cepit. In eodem verò portu cōsistentem Saraceni, quorū nauis capta fuerat, latrocinij & immanitatis insimulāt. Rex classem comparat, qua nauem dousinis reddere compellat. Lemius tribus diebus praelium sustinuit: naues non paucas depreßit: multos homines occidit, sed naufragium tandē fecit. Nauis enim erat peruetus, & tormentorum contensione conuulsa, & dissipata, vim aquae admisit: & ita demersa repente fuit. Ipse Lemius cum sexaginta Lusitanis scapha et lembo quodā Samatrā contendit. Sed scapha et lembo tempestate disiectis, et ad litus allisis,

alijs, octo & viginti Lusitani fluctibus hausti sunt: reliqui cum Lemio in Perense regnum se contulerunt, vbi fuerunt à Rege cū singulari humanitate tractati. Alexius aut Me-
nesius tempestatibus impeditus, quo minus diu Arabia orā peragraret, Armuzium se contulit, vbi omnia Suarij mā-
data summa diligentia confecit: & cū primū per anni tem-
pus licuit, in Indiā reuersus est. Dum hac in India gerūtur,
Emmanuel in Lusitania propaganda religionis studium
non intermittebat: & cū intelligeret, in Aethiopia Con-
gi regionem quotidie magis Christi disciplinis illustrari, vt
opus praeclare institutum, rectius absolui posset, sacerdotes
alios ad Regem Alfonso, cum libris et muneribus, quibus
hominem inultō acrius studio religiōis incēderet, misit. Rex
eo tempore, quo sacerdotes & Emmanuelis famuli, qui si-
mul missi fuerant, in Congi fluuium penetrarunt, aberat
bellis implicitus contra reges stipendiarios, qui ab illo defe-
cerant. Fuēre tamen inter eos nostri in oppido, quod Sonum
appellant, satis benignè à Regijs accepti. Rex bello ex ani-
mi sententia confecto rediens, sacerdotes cum amoris exi-
mij signis excepit, Emmanuelique pro tantis beneficijs im-
mortalem gloriam precatus est. Nostri sacerdotes virtutē
ipsius Alfonso Regis in cœlum laudibus efferebāt. Erat enim
in scelerib. vindicandis acer, et in egentium inopia subleuā-
da benignus, in regni opib. stabiliendis industrius, in morib.
atq; vita cōtinens, in religiōis studio sanctus, atq; tā insigni
pietate praeedit⁹, vt cœlū semp̄ intueri videretur. Siue enim
ius diceret siue cum populo ageret, siue belli consilium, siue
pacis iniret, semper Deū in oculis & conspectu proponebat,
omniaq; ad illius gloriam reuocabat. Literarum ludos a-
perire iubebat, magistros magna mercede conducebat, vt
pueros non literis tantū, sed multo etiam studio pie-

LIBER

satis imbuerent. Ipse verò tempus, quod illi à negotio publico vacabat, in literis consumebat. Euangeliorum sententias innumerabiles, & prophetarum oracula in ore semper habebat. Nam & lectione perpetua multum in sanctarum literarum studio profecerat, & quaecunque à sacerdotibus audierat, in illius memoria penitus infixæ permanebant. Frequentes ad populum conciones habebat, quibus illi ad pietatem, & religionem ardentem incitabat. Erat ingenio acri, & memoria firma præditus. Quinque libros Lusitanarum legum cum diligenter euolueret, legum quidem sapientiam, & ordinem atque disciplinam reip. laudauit: sed rebus etiam minutissimis leges certas inuentas esse, non facile probabat. Itaque hanc legum exactissimam diligentiam irridens, de Lusitanis quaesuit, quamnam poena esset ijs, qui in terra pedem ponerent statuta. Regem verò Emmanuelem tanta absens fide colebat, ut sæpe diceret, se nullam esse de rebus humanis voluptatē percepturum, antequam in Lusitaniā veniret, ut ad Emmanuelis pedes prouolutus, illi se totum addiceret. Quod enim caelesti luce frueretur, quod verum Deum coleret, quod ad immortalem vitam aspiraret, id totum esse Emmanueli Regi clarissimo atque sanctissimo in acceptis referendum. Eodem anno Franciscus Vallesius, Gallia Rex, legatū ad Emmanuelem misit, cum litteris officij plenissimis. Petebat autē ab illo, ut se societatis fœdere, quam tunc cum aliquot principibus in aliorum perniciem faciebat, alligari permetteret. Emmanuel respondit, sibi Regis potentissimi voluntatem semper fore gratissimā, & omnia, quæ salua fide, & Christiani Regis officio posset, causa illius libētissimè facturum. A bellis tamen, quæ Christiani principes inter se gerebant, vehemēter abhorre. Sibi namque, in animo esse, Saracenis, si posset, perniciem

nicie & interitum machinari. Christianis verò principib.
 bonam mentem, & animorum concordia, cum bonorū om-
 nium amplificatione precari. Sub id tēpus tres Sarmatæ,
 viri apprimè nobiles, in Lusitaniam Emmanuelis visendi
 gratia venerunt. Illius namq, fama illas regiones cum ho-
 minum admiratione peragrabat. Tempore enim, quo reli-
 qui principes Christiani, huius tanti nominis obliti, acer-
 biſſimis odijs stimulari, in mutuam perniciem ruebant, &
 furore caci, opes hostium, qui Christianis opibus immine-
 bant, in dies amplificabant, erat illius Regis laus illustrior,
 qui pacem cum Christianis principibus vnice ſolebat, nec
 ullis præmijs allici poterat, vt cum vlllo principe funeſtiſſimi
 belli ſocietate iniret, & tanto ſtudio bellū in Africa, et In-
 dia, contra Christiani nominis hoſtes compararet. Ad hac
 eddebant, iter in nationes vltimas apertū, Indiam ſubactā,
 multas Orientis nationes ſub imperium ſubiunctas, maxi-
 mas Arabum, & Perſarum, & Aegyptiorum claſſes deu-
 itas, neq, tam illuſtres victorias humanis viribus, aut vlla
 valde magna potentia cōſequuntur, ſed, vt conijci poterat,
 Chriſtum, cui ille tota mente ſeruiebat, pro illius amplitu-
 dine dimicare. Hac & alia multa in hanc ſentētiā cū
 ulgō iactarentur, apud Regem Sarmatiæ, qui eodem ſtu-
 dio bellū cōtinenter cum Turcis, & reliquis Chriſtiane re-
 gionis hoſtibus gerebat, & nobilitatem in armis, et optima
 diſciplina continebat, præcipuè laudabatur. Hoc tres illos
 doleſcentes nobiles incitauit, vt è tam longinquis terris in
 Luſitaniam illius videndi gratia venirent, & ſimul ab illo
 eterent, vt eos manibus ſuis equeſtris dignitatis inſignibus
 ornare vellet. Sibi namq, omnia in armis feliciter euentu-
 a cōſidebāt, ſi à Principe tam diuinis virtutib. ornato eam
 dignitatē adipiſceretur. Quod petebāt, impetrauerūt, ip-
 ſusq,

LIBER

susq³ regis manibus ornat, & instructi, multisq³ munerib.
 affecti in patriā rediere, & quacunq³ iter faciebant, Regis
 ipsius virtutē & magnificentiā summis laudibus efferebāt.
 Hoc anno cum Rex Fessensis crebras excursions in agrū
 Arzila fecisset, & multas pradas abegisset, ciuitas in ma-
 gnam carniū penuriam redacta fuerat. Ioannes Cou-
 tignus vt hoc incommodum resarciret, in opulentum pagū
 propē Alcazar quibiriū situm, qui propter itineris longin-
 quitatem, nihil sibi à Coutigno metuebat, cum ducentis &
 quinquaginta equitibus, cū tota nocte iter fecisset, ante
 exortum Solis inuasit: hostes nec opinantes oppressit: quin-
 que & quinquaginta tantū, reliqui enim diffugerant,
 captiuos abduxit: mille boues cum multis equis & pullis
 abegit, eaq³ omnia cum maxima difficultate, propter flu-
 uiorum altitudinem, qui ea nocte (imber enim maximus,
 & turbulenta tempestas extiterat) supra modum creue-
 rant, Arzilam duxit. Prefectus Alcazaris quibiriū repen-
 te cum trecētis equitibus illius vestigijs institit. Sed imbres
 praelium diremerunt. Vix Coutignus pontem quendū tran-
 sierat, cū aqua campos inundauerant, pontem operue-
 runt. Hostis verō metuens, ne si vltius pergeret, reditus
 sibi minimē pateret, reuersus est. Crebris eiusmodi excursio-
 nibus Coutignus hostes finitimos exterrebat, & agris popu-
 lationes inferebat, quibus irritatus Fessensis Rex, maximū
 exercitū cōparauit, vt Arzilam obsidione premeret. Tri-
 ginta equitum millia, & peditum supra septuaginta mil-
 lia coegit: cum ijs Armatorum copijs, & multis tormen-
 tis & munitionibus Arzilā contendit: eamq³ vallo & fossa
 cinxit: & crebras deinde torres excitauit, tormenta q³ di-
 sposuit, & urbem vehemētissimē quaterere cepit, & cunicu-
 los, huius muros subrueret, instituit: operamq³ enixē de-
 dit, vt antequam auxilium, obseſis afferrri posset, vrbe po-

tiretur. Coutignus tamen cū de illius aduentu certior factus esset, Nonium Riberium, qui Regis Emmanuelis negotia in Hispania BatICA procurabat, & tunc se Malaca tenebat, admouerat, vt sibi cōfestim multa, quæ ad obsidionē tollerandam necessaria videbantur, mitteret: Emmanuelemq; per literas de Regis Fessensis aduentu certiores fecerat, copias distribuerat stationes ducibus assignarat, eas partes, quibus maius periculum imminebat, praesidio firmiore munierat, suos ad propugnationē multis verbis incenderat. Omnes erant in vrbs defensionē acriter incitati. Riberius nihil cunctatus est, sed omnia, quæ Coutignus postularat, continuū misit. Ioannes Mascaregnas equitum leuis armaturæ Magister, duas repente naues instruxit, in quas centum & viginti equites, & pedites, qui nauibus vehi poterant, imposuit: eiq; se comitem Nonius Mascaregnas frater adiunxit. Alij duo fratres eorum, Emmanuel Mascaregnas, & Antonius Mascaregnas Arzila sub Coutigno militabant. Ii cū Arzilam peruenerunt, iam vrbs viribus summis oppugnabatur. Nonius Riberius milites ducentos Malaca misit: duces duo viri nobiles erant, qui propter sua in Regem Emmanuelem merita, ab eo beneficij summis ornati fuerant. Cū ijs alij veniebant eisdem rationibus astricti: quos omnes Coutignus singulari comitate, & multis honoribus excepit, & illis stationem assignauit, quam insita virtute tuerentur. Interim nec nocte neque die ab opere cessabat fossas transversas, quibus cuniculos exciperet, duci, muros quassatos refici, alios intra veteres muros excitari faciebat. Franciscus Doria Genuensis, frater patruelis Andrea Doria, cuius tantum nomen in rebus maritimis extitit, operibus præerat: huic Rodericus Sousa, cognomento Cide, socius adiun-

LIBER

Etus erat. Hi singulare in ea obsidione specimen virtutis &
 industria dederunt, ita, ut in oculis & sermone omnium ver-
 sarentur. Reliqui quantum poterant, officio suo fungeban-
 tur, & singularem audacia omnibus se periculis exponebant.
 Hostes nullum obsessis laxamentum dabat. Erat autem hoc
 in Regis Fessensis animo penitus insitum, ut si non intra pau-
 cos dies Arzilam expugnaret, obsidionem solueret, ne de-
 sidendo tempus frustra consumeret. Hoc illum stimulabat,
 ut oppugnationi perpetuo acriter & vehementer insisteret.
 Itaque alij sagittis & glandibus, ut mœnia propugnatorib.
 nudarent, contendebant: alij tormentis assidue muros qua-
 tiebant: alij perfectis iam cuniculis, muris vasa tormenta-
 rio pulvere referta subijciebant: fessis deinde recentes &
 integri succedebant, ita, ut res in ultimum discrimen ad-
 ducta videretur. Nostri tamen nec animus interim, nec in-
 dustria ad repugnandum deerat: nec ullis telis, aut obiectis
 terroribus, loca sibi assignata deserebant, & inde ut hostes
 summa contentione propellerent, laborabant. Multi tamē
 interim utrinque cadebant. In hoc statu urbs erat, cum Ro-
 dericus Barretus cum nauigijs duodecim ex Algarbio ad-
 uenit. Huius aduentu tantus obsessis animus additus est, ut
 considerent, se facillimē in murorum ruinis, si mœnia om-
 ninō corruerent, cum hostibus aperto Marte congregari, aut
 intra cuniculos manum conferre posse. In hac classe, ex eo-
 dem Algarbij regno Garsia Melius sexcentos viros acres
 eduxit, & alij præterea ex Algarbiensi nobilitate non me-
 diocria auxilia rebus communibus attulerunt. Quin etiam
 nauta ex eadē Lusitaniæ parte non tantum nauigandi lau-
 de præstantes, verum & bellandi artificio non mediocriter
 eruditi, in urbem obsessam nauibus ingressi, fortium homi-
 num officio functi sunt. Maurus interim quidam captiuus

ad hostes transfugit, & Fessæ Regi nunciauit, urbem esse
 validiore præsidio, quàm ille suspicari posset, firmatam. Is
 hoc nuncio perturbatus, obsidionem soluere voluit: sed fuit
 ab Rege Mequinezio fratre suo, ne id faceret, impeditus. Ia-
 cobus interim Lupius Siqueira cum nauibus triginta iussu
 Emmanuelis aduenit: et sic tandem Reges sublata obsidio-
 ne discesserunt. Coutignus eos equites, qui tunc Arzila in-
 ueni fuerant, eduxit, & hostium agmen postremum car-
 pfit, & nonnullos occidit, & aliquot etiam viuos cepit. Hoc
 tempore Ioannes Gondissaluius Camara, insulæ Materiæ
 præfectus, grauem sibi iniuriam à Rege Emanuele factã
 querebatur, quæ offensus, insulam, & domicilium, & opes,
 & vectigalia deserere, & alias sibi extra Lusitaniæ ditionẽ
 sedes deligere parabat. Iurisdictionẽ enim insulæ, quæ fue-
 rat maioribus suis attributa, sibi ereptam, aut, quod idem
 valebat, imminutam fuisse dicebat: quod minimè ferendũ
 esse iudicabat. Cũ verò ex insula profectus, in Algarbium
 aduersis tempestatibus iactatus esset, & Arsilam obsideri in-
 tellexisset, septingentos milites magna mercede conduxit,
 & summa celeritate Arzilam contendit. Sed eo iam tem-
 pore Reges castra mouerant: qui tamen redituri multis cũ
 maiore apparatu videbantur. Nobilitas quæ tunc Arzila
 morabatur, sumptibus exhausta, in Lusitaniã redire pro-
 perabat. Eos Coutignus retinere non poterat. Hoc Camara
 animaduertens, duplex militibus stipẽdium proposuit, se q̃
 tempus omne, quod Coutigno videretur, in ea vrbe mansu-
 rum asseruit: neque commissurum, vt vllò in loco quisquam
 suum erga Deum, & Regem officium desideraret. Hoc ex-
 emplo multos homines nobiles in vrbe retinuit. Hac nõ in-
 digna relatu esse statui, vt intelligi possit, quorũ sum Lusita-
 norũ querelæ erga Reges suos erũpere soleant. Vt enim de-

LIBER

delicati filij de parentum iniuria sæpè conqueruntur: ita Lusitana nobilitas leuibus interdum causis irritata, de Regibus, à quibus enutrita est, graues querimonias habet. At tamen in ipsa rei dignitate, cum id casus postulat, opes suas Regum causa libenter effundit, & vitam in discrimen salutis inijcit. Camara verò, postquam officio perfunctus cum dignitate fuit, Hispalim concessit vnde fuit ab Emmanuele literis benignè & amanter scriptis reuocatus. Sub idem tēpus, in morte Ataidij fortissimi viri iactura insignis facta est. Apud hunc nonnulli Arabes Oleidemenses in Marochiensis regni finibus constituti, qui tributum Emmanueli Regi pendebant, questi sunt, quòd Arabes quidam Xerquienses eorum agros vastarent, & grauissimas illis iniurias inferrent. Ataidius autem fœdere astrictus erat, ad vim, si quis eis inferre maleficiū vellet, omni contentiōe propulsandam. Ii verò Xerquienses, contra quos fœderati Ataidij opem implorabant, erant viri nobiles & animosi, & in rebus bellicis exerciti, qui stipendiarij Emmanuelis fuerant, & tamen ab eo defecerant, & vltra Marochium castra mouerant, & finitimos agros vastabant, multisq; iniurijs Mauros Regi Emmanueli subditos opprimebant. Ataidius qui eos explorarent, cōtinuò misit. Exploratores, illos ad radices montiū, qui Clari nominātur, castra posuisse referūt. Decimo igitur nono die Maij anni eiusdē. M.D.xvi. Ataidius cum equitib. quadringentis & triginta, & paucis peditib. ex vrbe profectus est, ita tamen, vt quo intenderet, nemo suspicari posset. Cū verò circiter triginta passuū millia progressus esset, ad Dubidenses Mauros peruenit: tunc Garabieneses etiā Mauri copias suas adduxerunt. Mauri qui cū Ataidio inde profecti sunt, ad quatuor equitū millia fuere. Inde in terrā, quā Alguz appellāt, peruenit. Est aut

ea tellus plana, & summa fertilitate prædita, & Marochiensis agros finitima, quam flumen, quod Alguz appellant, alluit. Ibi Arabum mulieres & imbellem turbam reliquit, primis quæ tenebris profectus, eò peruenit, ubi Rahus Benxamutius, qui erat vir fortissimus, magnumque in ducibus nomen apud Arabas obtinebat, castra fixerat. Ibiq; cum ex improviso hostes adoriretur, nemo fuit, qui resisteret. Cædes ingens edita fuit: solus Benxamutius cum paucis euasit. Ataidius cum maxima præda regredi cœpit. Primum agmen Lupus Barriga ducebat: Aluarus Ataidius Regium signum præferebat: ipse subsidys aciem postremam firmabat. Cum verò Marochio quatuor passuum millibus abesset, aliquot horis in loco satis amœno (æstus enim erat ardentissimus) cum exercitu conquieuit. Ibi Rahus Benxamutius cum septuaginta equitibus primum, deinde cum multis alijs, qui ad opem illius conuenerant, castris obequitauit. Tum Arabas cum Lusitanis fœderatos nominatim compellans, admonuit, ut occasione tam præclaram ne prætermitteret. Si Christianos istos, inquit, occiditis, Mahumeti rem gratam facietis, gentem vestram tyrânide liberabitis, religionem à vobis violatâ Lusitanorum sanguine expiabit, & nomē virtutis egregiū propter tam præclarum facinus obtinebitis. Agite fratres, agite cōmilitones, cras Safiniū recuperabimus: pendie Azamorē capiemus: Lusitanorū memoria ex Mauritania finibus exterminata, vestrū nomen ab obliuione vindicabit. Cū hac maximis vocibus diceret, nostri eo ordine, quo instructi fuerāt, progrediebantur. Fœderati nullū ei respōsum dabāt, imò cum præda ad primū agmē se conferebant, ut à periculo lōgius abesset. Vxor quædam illius, Hota nomine, singulari specie & pulchritudine fœmina, quā is prædā amabat, capta ferebatur.

L I B E R

tur, quæ illum nominatim inelamauit. Is continuo substitit. Illa à ducibus facultatem postulauit cum viro colloquendi. Cum id impetraret, Rahe, inquit, Benxamutie, quoties mihi dixisti, te, ne me captiuam duci conspiceres, maximum vitæ discrimen aditurum? Captiuam modò duci vides, & id tamen pateris? Vbi nunc est amor pristinus? Vbi data fides? Vbi virtus eximia, quam tibi frequenter arrogabas? Is ad hæc, Dies, inquit, longa est: victoria in numinis diuini beneficio, virtus in brachij mei robore consistit. Illa verò puluerem manu in altum proiecit: tum addidit, Verborum tuorum fidem aura dispellit. Abi igitur, & alia vxore, quam mihi longè, vt video, præponis, vt lubet fructu. Ego interim vel de tua perfidia, vel de timiditate, quorum vtrumuis turpius viro sit, non facile dixerim, perpetuam querimoniam habebō. Is sibi continuo calceum detraxit, eumq; in illam coniecit. Hoc autem signo, vt in more gētis positum erat, se fidem, quam dederat, minimè violaturum, confirmauit. Deinde ad equites suos conuersus, multa cum lacrymis & luctu differuit, vt eos ad misericordiam alliceret. Si, inquit, vos amor vnquam afflixit, si decus ad contemptum mortis incitauit, si vitam meam caram habuistis, opem vulnere, quod mihi amor inflixit, afferte: periculum à me dedecoris eximij propulsate: vitam meam ab imminente fato defendite. Hanc enim mulierem si captiuam duci videro, diu vitam cum tanto dolore atq; turpitudine retinere non potero. Cogitate præterea, quantis Mahumetem prophetam sanctissimum meritis obligabitis, si pro lege illius prælium inieritis. Hæc cum diceret, eos ad certamen acriter incitauit, & ipse in agmē postremum inuectus, prælium atrocissimū iniuit, ita, vt nostri illius impetum agrè sustinerent. Alfonsus Norogna tunc in postre-

nis hostem magna virtute repellere contendebat. Huic Ataidius subueniēs, Noli, inquit ridens, Mauros meos, quos multis laboribus alui, interne cione delere. Par enim est, vt aliquot in semen relinquamus. Abi igitur in primū agmē, ego postremam aciem tuebor. Gener inuitus atq; recusans, imperio tamen coactus, in agmen primum discessit. Ataidius equum alium (is enim, quo vehebatur, erat nimia lassitudine confectus) ascendit: tum sic hostes sustinebat, vt ordinem minimē perturbari permitteret: ita deinde agmen cogebat, vt interdum esset opus, acie conuersa in hostes impetum dare. Hoc cū non semel fieret, Rahu guttur illius nudatum conspicit: lorica namq; ea parte dissoluta fuerat. Itaq; pilo maxima vi coniecto guttur illius transfixit: & ita vir egregiē fortis, qui tam multas clades hostibus intulerat, vno ictu concidit, ruinaq; sua nostrorum aciem perturbauit. Incidit enim continuū tumultus, quo nostri miserandum in modum periēre. Quidam enim Alfonso Norognam, quidam Alfonso Ataidium ducem deposcebāt. Tantaq; partis vtriusq; contentione certatum fuit, vt quasi in tranquillo statu reip. cū ciues ambitione præcipientes, seditionem concitant, ita illi in tanto discrimine disiderent: vsq; aded, vt parū abesset, quin hostibus relictis, ipsi inter se funestissimum pralium cum insigni furore & amentia committerent. Hanc perturbationem Mauri foderati cū cernerent, cum hostibus se, vt Rahu admonuerat, coniunxerunt, vt tanta prada participes fierent. Sic autem Lusitani fermē omnes & insito furore, & sociorum scelere, aut casi, aut capti sunt: inter quos Alfonso Norogna extitit, qui cum alijs viris nobilibus occisus fuit. Hac victoria elati Mauri, plurimū rebus suis confidere cœperunt: & quidam ab Emmanuele descenderunt, alij verò suspensis

LIBER

spensis animis, quid casus deinde ferret, expectabant. Nec enim credebant, viri tam fortis interitu, alium inueniri facile posse, qui rem Lusitanam ea virtute defenderet. Rabus cum insigni victoria et decore, & maxima praeda, & quod ille rebus omnibus anteferebat, cum vxore carissima, discessit, ita, vt eum omnes admirarentur, & virtutem illius in calum laudibus efferrent. Vxor tamen illi amoris gratiā exemplo memorabili retulit. Nam post hanc victoriā, cum Xerifius cum Fessa Rege praelium cōmisset, Rabus ab hoste, quem fugientem persequabatur, occisus fuit. Hostis enim conuersus, equo concitato, Rabū hasta transfixit. Horta viri funus cum multis lacrymis & euulatu procurauit, & corpus illius in sepulchrum magnis sumptibus extractū intulit. Deinde nouem se diebus à cibo & potu continuit: et sic tandem spiritum edidit: & suis mandatum dedit, vt secum viro sepelirent. Indignum namq; statuit, à viro, quem vnicè amarat, & à quo ardentè amata fuerat, aut morte, aut sepultura diuelli. Emmanuel cum ei de morte Atadij, & de exercitus clade fuisset allatum, Nonium Mascaregnam virum impigrum illi successorem designauit. Eo tēpore, quo illa clades accepta fuit, Iehabentafusus in Lusitania versabatur, negotijs implicitus. Qui vbi casum mirabile resciauit, non mediocrē ex eo dolorē accepit. Id autē illum p̄cipuē angebat, quòd metuebat, ne Rex Emmanuel Maurorū scelere offensus, reliquis deinde nullā fidem habendam cēferet: quo factō cernebat, maximā rei benè gerenda facultatē funditus interiturā. Hoc cum metueret, Regem obtestatur, ne propter aliquorū perfidiam, de reliquis spem prorsus abiciat. Nullam esse gētem, ex qua non saepenumero homines cōscelerati atq; proditores existant. Quod si, inquit, improborum scelus aliorū hominum fidem susce-

suspectam fecerit, quo se conferent Reges? Cuius tandem operibus uti potuerunt? Quam rem hominum auxilio destituti, ex animi sententia gerent? Qui enim nemini fidem habet, nemini negotium vllum committet. Abdat se igitur in sylvas, & regni procurationē omnino deferat, opus est, qui vniuersos homines, propter nonnullorū perfidiam, auaritia & prodicionis insimulat. Ut igitur nihil esse potest nimia crudelitate demētius: ita nihil excogitare possum diffidentia miserabilius. Fateor equidem scelus immane eorum fuisse, q̄ socios prodiderunt, & auaritia obcecati, eis, quibus auxiliū afferebāt crudelissimam necem attulerūt. Verū non omnes sceleris eiusdē participes extitere. Duces enim cōstat innoxios fuisse, qui, quantum in illis fuit, suos à scelere infando cobibuerunt. Multi præterea, quāta fide amicitia Lusitanorū coluissent, in morte, qua nullum certius argumentum esse potest, apertē demonstrarunt. Nā cum Lusitanis ab hostibus occisi sunt: & ij, qui se scelere cōtaminarunt, nunquam id fecissent, nisi propter Lusitanorū in deligendo duce amentem & pestiferam dissensionem, merito rem perditam esse prospexissent. Itaq; cū salutis desperatio ex vna parte eorum animos occupāset, & ex altera spes ingētis vtilitatis ostensa fuisset, superauit species vtilitatis honestatis splendorem, ita, ut mālent cū lucro viuere, quā cum fide mortem oppetere. Nō purgo scelus, imò cenſeo, ut iure regio vtaris, & de sceleratis debitū supplicium sumas. Vtrunq; enim regium munus est, & virtutis merita debitis ornāmētis afficere, & seuerē in admissum scelus animaduertere. Sed hoc demonstrare volo, non omnes in scelere fuisse; & intēpestiuā seditionē improbis causam apertē sceleris attulisse. Quare spes est, si proborū opera uti volueris, et quod est nonnullorū temeritate cōtra-
ctum

LIBER

Etū, ſeueriora diſciplina correxeris, fore, vt quod eſt dam-
ni factum, cum ingenti lucro reſarcias. Fides mea multis
in rebus ſatis perſpecta & cognita fuit. Vt enim tue digni-
tati ſeruirem, meis inſenſus & inimicus extiti, & pro tua
amplitudine nullum vitæ periculum reſuſaui. Quare ſi
officia mea tibi grata ſunt, te ſuppliciter oro, vt mihi, cui
antequam meam in te fidem rebus exploratam habuiſſes,
multa credidiſti, nunc poſtquā meis laboribus atq; pericu-
lis, quanta religione fidem colerem, documentū dedi, mul-
tò maiora committas. Conſido enim futurū, vt opera mea
multò plures Mauri ad nomen tuum adiungantur, quā
fuerunt illi, quos metus ſimul atq; cupiditas ad breue tem-
pus à tui nominis ſtudio diſiunxit. Hæc cum ſapē, & ardē-
ti ſtudio dixiſſet, Emmanueli perſuaſit, vt vellet illius ope-
ra Maurorum voluntates, metu percuſas, ad ſpem rurius
Regiæ benignitatis excitare. Itaq; cum Petro Maſcare-
gna, qui tunc Saſnium proficiſcebatur, Iehabentafuſum
etiam miſit: qui in exitu menſis Iulij Saſnium naues cum
praſidio militum, cum armis & munitionibus appulerūt.
Iehabentafuſus literis continuò ſœderatorum ducibus ad-
uentum ſuum ſignificauit. Hi maximis lætitiæ ſignis, quā
gratus eſſet omnibus illius aduentus, paſſim demonſtrabant.
Erat enim ille egregiè fortis, & bellandi peritiſſimus, ita,
vt omnes, qui ſub illo militabant, quaſi ad exploratam vi-
ctoriam ducti fuiſſent, valdè confidenter in hoſtes impetū
facerent. Multi ex Mauris ſœderatis, accepta prius fide
(timebant enim, ne propter Ataidij cædem, aliorum ſcelus
ſibi fraudi eſſet) in urbem venerunt: quos omnes Nonius
Maſcaregnas ſcelere liberauit. Hi multis promiſſis fuerūt
in ſtadium Regis Emmanuelis multò acrius incitati. De
ſupplicio eorum, qui ſcelus immane ſuſceperant, dubitatū

in consilio fuit. Erat enim ingens multitudo. de omnib. supplicii sumere, erat difficillimū. In paucos commune omnium scelus vindicare, iniquum videbatur. Præterea timor erat, ne, si tunc aliquid acerbius in animaduertendo fieret, tumultus orirentur, & multorum animi à nomine Regis alienarentur. Quare visum fuit, supplicium in aliud tempus magis commodu reservari, & omnes sceleri affines interim dissimulanter notari, ut aliquo prætextu paulatim absumerentur. Hoc anno Regina Maria filium peperit, cui fuit Antonij nomē impositum. Sed puer mortem statim obiit, & Regina ex partu graviter & periculose laboravit. Sub idē tempus una navis ex his, quas Carauelas vocāt, quæ è Lusitania ex Algarbij regno Arzilam veniebat, fuit, antequam in Arzila portū intraret, à piratis Mauris capta. Lusitana classis, quæ in portū subducta fuerat, propterea quod estus decesserat, illi opem afferre non potuit. Franciscus Soueralis, vir fortissimus, qui ea vehebatur, antè quàm in pralio multis vulneribus confectus occumberet, res memorabiles effecit: octo & viginti viri atque mulieres capti sunt. Non multis post diebus Gundissaluus Vascius itinerum ductor, vir animi maximi, qui cū fuisset Maurus natione, & religione Mahumetanus, impiam superstitionē execratus, ad Christi se nomen & fidem adiunxerat, in Tingitanam urbem se contulit, ut opera summi cuiusdam Chirurgi crus, quod illi in bello contractū fuerat, sanari posset. Vix sanitatē recuperarat, cū nauē conscendit, ut Arzilam in qua vrbe domiciliū habebat (desiderio enim magno vidēdi vxorē & filios tenebatur) repeteret. Magister enim nauis dabat fidē, fore, ut intra tres horas nauē saluā in Arzilenſi portu cōstitueret. Sed cū ventus deficeret, duæ longæ Maurorū naues insidijs collocatæ, in illā inuehūtur. Is quāvis esset vir in ar-

LIBER

mis acerrimus, nō tamē arma tunc, neq; præfidiū vllū, quibus hostes repelleret, habebat: & cū sibi moriendū esse neces-
sario cerneret, si in manus hostiū perueniret, in scaphā desi-
luit, vt remis periculū declinaret. Captus tamen cū paruu-
lo filio fuit. In nauē similiter (nemo enim erat in ea, qui re-
sistere posset) hostes ingressi, viros & mulieres, qui ea vehe-
bantur, Tetuamum abduxerunt. Mulieres vim & libidinē
à corporibus suis lacrymis, & ingentis pecunie promissis co-
hibuerunt. Pretio autem persoluto, omnes cum viris, qui si-
mul capti fuerant, in libertatem restituti sunt. Solus Gun-
dissaluus Vascius, quamuis ingentem pecuniam pro redē-
ptione illius multi viri nobiles offerrent, & Mauri essent a-
uarissimi, non potuit in libertatem vindicari. Erant enim
hostes in illum, propter desertam Mahumetis nefariam &
impiā superstitionem, vehementer infensi. Itaq; cruciatus
in illum diros excogitant, & primum filium in in illius con-
spectu dilacerāt. quē ipse, vt suppliciū libēter pro CHRISTI
gloria subiret, verbis exhortatur. Illius deinde manus atq;
pedes duobus asseribus fibula coniunctis, atque disclusis al-
ligant, & illum verberibus concidunt, & ungulas euellunt,
atq; vt diutius torqueretur, ita corpus paulatim carpunt,
vt non celeri morte doloribus acerbissimis finis imponere-
tur. Is interim omnē à corpore dolorem nomine CHRISTI
sapius inuocato depellebat, & illi gratias agebat, quod se
tanto beneficio cumularet. Neq; enim sibi clarius in hac vi-
ta munus concedi potuisse dicebat, quā vt pro illius nomi-
ne, qui tantos in Cruce pro generis humani salute crucia-
tus pertulisset, vitā cum insigni cruciatu profunderet. Neq;
solum supplicijs oblectari videbatur, verū & supplicibus
verbis flagitiorum veniā postulabat. Hostes fidei cōstantia
perturbati, multò grauiora animis supplicia perferabant.

Non

Non poterant enim pati, omnes suos conatus, quos ad illius virtutē frangendam & debilitandam comparauerant, ad nihilum recidisse. Itaque flagrabant furore & amentia: et quod ille constantius in fide permanebat, & fortius cruciatus contemnebat, eod illi magis animis efferebantur, & vehementius illum nouis cruciatibus oppugnabant. Cū verò Christum in supplicijs laudari, & Mahumetis nomen lacerari perspicerent, linguam illius præciderunt: qui tamen ipso spiritu, qui è vultu & ex oculis eminebat, eorum immanitatem & impietatem refutabat, et clariorem triumphum tacitus ex eorum crudelitate victor agebat, quàm verbis dicere potuisset. Mente enim tunc cum Deo clarius euulsa lingua loquebatur, & magnificētius Christi numini vota persoluebat, quàm si summus humana eloquētia viribus hostes exterreret. Bidūd hęc cruciamēta inuidō animo pertulit, & sic tandem in calum ē corporis vinculis expeditus immigrauit. Is fratrem habebat, qui similiter sese ad Christi nomen applicuerat, & post aliquot annos ab hostibus captus, in acerbissimo cruciatu, pro Christi religione fortissimē tolerato, clarissimam mortem oppetiuit: & ita fratris vestigijs insistens, idem virtutis præmiū in cælo consequutus est. Dum hęc in Lusitania & Africa geruntur, Ferdinandus Gomecius Lemius, quem Alfonsus Albuquerque ad Ismaelem Persarum Imperatorem legauerat, cum suo comitatu quadraginta camelis, quem regij ad eam rem præparauerant, inuectus, quacunque iter faciebat, erat à principibus, qui Ismaeli parebant, hospitaliter acceptus. Eum autem deducebat quidam Ismaelis dux, Habraimus Bea nomine, qui cū Carmasam perueniret (ea fuerat olim ciuitas valdē frequens & opulenta, & propter rebellionem, Ismaelis iussu vastata, in cuius tamē arce militum præsidia

LIBER

collocata erunt) Ismaël eum prohibuit, ne ulterius ipsius in-
iussu progredieretur. Interim Ismaël equos, q̄ in alia ciui-
tate alebantur, ad se perducere imperauit. Postridie nostri
Ismaëlus permissu Carmam peruenere, quæ ciuitas est mu-
ris, & vallo, atque fossa munita. inde in templum magnis
sumptibus adificatum. prope fluiuium latissimum, qui tellu-
rem varijs aquarum deriuationibus valde fertilē & amœ-
nam reddit, deducti sunt. Quacunque autem iter faciebāt,
erāt à ducibus honorificè accepti, et omnib. rebus ad victū
necessarijs largè atque munificè donati. Cū verò Caixa-
mum peruenissent, quæ ciuitas est mœnibus egregiè munita
multiq̄ rebus opulenta, Mirabucaca, qui tunc Ismaelis
exercitum imperio continebat (is autem Goæ Albuquerque
cum Ismaelis nomine salutauerat) cum legatis Regis Da-
quemensis, atq̄ Zaimi Idalcami, qui apud Ismaëlem ver-
sabantur, & cum magno equitū & peditum comitatu il-
lis obuiam prodijt. Ibi decem dies cōmorati sunt. Inde cor-
poribus iam ab labore refectis profecti, decem iustis itineri-
bus ad Ismaëlis castra (in campo namq̄ versabatur) tan-
dem perducti sunt. Antè tamen, quā in castra peruenirent,
Regia præfectus, cuius status erat amplissimus, & opes im-
manes, eis obuius factus est, & tantisper illos sermone per-
iucundo & humano detinuit, dum illorum sarcina, quæ à
camelis ferebantur accederent. Tunc eorum tabernacula
prope sua figi præcepit, illisq̄ conuiuium instrui impera-
uit. Vix in sellis conserauerant, cū eis Ismaël munera satis
largè in in conuiuium misit. Cū ad eum locum peruene-
re, supra mille, vt arbitrabantur, milliaria cōfecerant. Re-
gia verò castra locata erant in cāpi planicie, montibus ex-
celsis et editis multa niue coopertis inclusa. Numerus ta-
bernaculorum quinq̄ & triginta millium fuisse diceba-
tur: Equites supra centum millia: magnus etiam mulie-

rum numerus, & famulorum innumerabilis turba illis castris continebatur. Postridie Ismael venatum profectus, octo milla equitum duxit: modico tamen omnes in intervallo ab eo distabant. Illi tantum, qui eum conuenire volebant, propius accedebant: explicatoque negotio, cuius causa venerant, abscedebant continuo, & in ordinem reducebantur. Præfectus Regiæ dimissus est, ut legatos laute acciperet. Is, ut ornatius esset conuiuium, aliorum etiam regum legatos inuitauit. Multis dapibus, & maxima vini copia, & cantibus, & symphonia celebratum conuiuium fuit: omnesque tandem, qui fuerant inuitati, vestibus bombycinis auro intertextis donati sunt. Conuiuium fuit à diei principio ad vesperum perductum. Ismael interim à venatione reuersus, præter tabernaculum, ubi conuiuium celebratur, transiit. Omnes egressi sunt, ut eum salutarent. Is Lusitanum legatum alijs vestibus atque muneribus ornauit. Non multis post diebus legatus intromissus est, ut legationem exponeret. Ismael illum in tabernaculo pulcherrime facta, quod auri miro fulgore splendebat, & in loco sublimi aureis vestibus instrato, Regibus & Principibus, qui illi parebant, stipatus expectauit. Literas hilari fronte accepit: legatum cum socijs sedere iussit: tum de valetudine Pontificis Maximi, de statu & amplitudine multa quæ fuit. Deinde de regis Emmanuelis moribus, ætate, consuetudine, de illius imperio, de filiorum numero percontatus est. Postremò de Alfonsi Albuquerquej moribus, atque virtute, de armorum studio, de pacis institutis non pauca etiam cum singulari significatione humanitatis interrogauit. Munera deinde, quæ legatus illi Albuquerquej nomine deferebat, accepit, & quàm grata illi essent, multis signis ostendit. Postquam verò iucundo sermone tempus aliquod cum legato

LIBER

comiter insumpsit, mēsam insterni, & dapes apponi iussit: aliam verò mensam conquistissimis epulis extructā. prope suam legatis & principibus, qui aderāt, similiter apparari praecepit. Celebratur omnium sermone conuiuium: Mahumetis interim vinum vetantis iussa contemnuntur: aquam vino admisceri summum nefas existimatur: maioribus inuicem poculis inuitantur. Dux quidam instat, & vrget, & per Ismaelis vitam cōuiuias obtestatur, vt totum vinū hauriant. Ismael maximū poculum vino plenū ostentabat, & nū satis oppletū esset, interrogabat: deinde totū, quasi praeclarū facinus ederet, ebibebat. Tum se iactabat, quod ille solus tantum vini hausisset, quantum illi oēs, qui aderant, bibere minimè potuissent. De mensa dapes & vinū, si quid esset quod suauius videretur, legatis mittebat. Multis interim iocis inter se ludebant, et omni ratione dabant operā, vt animos ab omni cura ad hilaritatē traducerent. Nullis caeremonijs, nullis mysterijs erat locus relictus. Conuiuiū cū duabus ante meridie horis institutū fuisset, sub occasum solis finitū fuit. Legati alijs vestibibus atq; muneribus ornati, & in tabernacula dimissi sunt. Castra interim frequenter mouebantur, sed idem semper cultus, & institutū vitæ permanebat. Legatis tandem responderi placuit. Summa legationis tria capita continebat. Primum erat, Regē Emmanuelem cupere cum illo societate coire, ita, vt eosdem amicos & inimicos haberent. Et quia nouerat, illi cum Turcarum Imperatore, & cum Sultano Aegypti bellū esse, se ad idem bellum opem, quam maximam posset, allaturum. Alterum caput erat, vt Ismael ad amicitiae fœdus confirmandum, legatos in Lusitaniam ad Emmanuelem mitteret. Albuquercium enim operam daturum, vt ij commodissime Armuzio in Lusitaniam nauigarent. Postremum erat,

rat, quo Albuquerque ab Ismaele postulabat, ut Persas, qui Zabaimo Idalcamo in bello contra Lusitanos operam nauabant, reuocaret: & deinceps eis, bellis, quæ contra Lusitanos mouerentur, interdiceret. Responsum est ad primum caput, verba cum factis minimè consentire. Si Rex Emmanuel amicitiam illius expetebat, cur Armuzium, quæ ciuitas Ismaelis imperio tenebatur, & illi tributum ex fœdere pendebat, Lusitanorum armis occupari, & presidij suis teneri permittebat? Quod verò ad legatos adtinebat, viâ esse longinquam & periculosam, multisq; difficultatibus impeditam. Sed se anno sequenti bellum Turcis illaturum, & famam belli, quam sperabat in Lusitaniam peruasuram, vice legatorum futurâ. Bello verò contra Selymum profligato, tum demum signa in Arabiâ se inferre cõstituisse: ad quod bellum nullius se Regis ope indigere. Si vellet Albuquerque amici officio fungi, auxiliũ quod in Arabicum bellum offerebat, in bellum, quod contra Catifam et Baharem, ciuitates in intimo sinu Persicisitas, quæ ab illo defecerant, moliri statuebat, reseruaret. Tũc enim opus sibi Albuquerque auxilio, propter Armuzij vicinitatem, fore. De militib; verò, qui sub Zabaimo militabãt, sibi liberũ nõ esse. Primũ enim, milites, qui passim extra imperij sui fines vagabantur, esse legibus solutos, imperioq; illius astringi non posse. Deinde sibi cum Zabaimo Idalcamo amicitie fœdus esse, quod sine scelere nefario violari non posset. Se tamẽ ad illum literas daturum, quibus hortaretur, ut Lusitanos bello minimè lacefferet. Postremò se ducib; suis, qui mare Persicum nauigabant, precepisse, ut Albuquerque vnice colerent, illiusq; voluntatem nunquam offenderet, sed omnia potius amicitie constantis officia illi præstarent. Reliqua verò se literis & sermone, quem cũ legato habiturus erat, vbe

L I B E R

rius explicaturum. Hac quidem tunc respondit, paucis autem post diebus castra mouit, & montes, qui in ambitum duodecim passuum millib. patebant, exercitu circumducto cinxit. Deinde cum paulatim undique bestiae pellerentur, in campi planiciem, quam montes omni ex parte claudebant, cōpulsa sunt. Tum legatum cum socijs, & paucos praeterea viros primarios accersit; deinde sagittis maximū earum numerum confixit. Postremo aduncum gladium distrinxit, quo multas in duas partes vno ictu dissecuit, & quandā secundum longitudinē vno tantum vulnere discidit. Erat enim summis viribus, & singulari in armis dexteritate praeditus. Tandem cadendi labore defatigatus, reliquis, ut bestiarum stragem ederent, permisit. Interim verò cum legato sermonem iucundissimè conferebat, & quomodo Emmanuel veniretur, & quo studio nemora et sylvas peragraret, interrogabat. Deinde quatuor millia passuum progressus, piscationi operam dedit; & ipse manib. suis retia iacebat, & nostris pisces humanissimè porrigebat, omniq; ratione pugnat, ut eos omnib. facilitatis signis ad sui studiū alliceret; quod quidē non erat simulatione aliqua fraudulenter elaboratum, sed in natura illius penitus insitum. Erat enim natura clemens, & à curijs tristissimis alienus, & in omni genere sermonis urbanus atq; iucundus. Inde motis castris, in loca amenissima, hortis atq; pomarijs ordine singulari constituta peruenit. Cupiebat enim, ut nostri regionis amenitatem oculis aspicerent, ut omnia laudibus in Lusitania celebrarent. Deinde cum legatus instaret, ut se missum faceret, ab illo petiuit, ut Taurisum concederet, & ibi eum opperiretur. Se namq; velle legatum ad Albuquerqueium cum illo mittere. Lusitanos pecunia & muneribus varijs affecit, eosq; Duci cuidam commisit, ut in urbem illam deduceret. Decē autem

autē itineribus Taurisum peruenēre. Ciuitas est adiū magnificētia, & ciuium frequentia, & diuitiarum abundantia, & telluris fertilitate, & amœnitate illustris & clara. Eam multi Christiani Armenij incolebant, qui Lusitanos Christiani nominis coniunctione frequenter inuisebāt, multisq; notis egregia cuiusdam voluntatis insitam in eos caritatem demonstrabant. Ciuitatis autem rectores & principes nullū in eos officiū pratermittebant. Post viginti dies (legatus enim, quem Ismael mittere decreuerat, in grauissimum morbū inciderat) iussi sunt inde discedere, et regionem natura fertilem, et cultura nitidam peragrarē, donec tandem Caixam ciuitatem opulentissimam peruenirent. Inde Zirazium quindecim itineribus deducti sunt. Hyems erat, & via niuibus oppleta iter impediēbat, ita, vt esset necesse, à multis viam, qua nostri progrediebātur, aperiri. Ex ea ciuitate Dux cum magna equitum multitudine, vt reliqui duces atq; prefecti in omnibus vrbibus, in quas legatus intenderat, facere solebant, obuiam illi prodijt. Fuēre ibi similiter benignè et satis hospitaliter accepti. Urbis princeps interuenit, cuius aduētū festi dies agitati sunt, et nostri multò lautius & magnificētius epulati. Legatus, quē Ismael ad Albuquercium cum literis ad Emmanuelem Regem destinauerat, eò tandē cum munerib. varijs aduenit. Inter alia munera, quinq; pulcherrimos equos ephippijs aureis & argenteis, cum emblematis admirabili fulgore collucentib., & vestibus bombycinis instratos ad Emmanuelem mittebat: & aureā galeam, & multa aurea & argentea vasa singulari opere perfecta. Inde Larē profecti sunt: è Lara Armuziū tandē traŷciunt eo tempore, quo iā Alfonso Albuquercius obierat, & Lupus Suarius Indiā regebat. Literæ, quas Emmanueli Ismaelis legatus ferebat, erant in hanc


L I B E R

sententiã scripta. Regi magno, sublimi corona prädito, maximo principum Christianorũ decori & ornamento, magnanimo, felicissimo Portugallia firmamẽto Salutem. Facinorata sunt cum rosis odoris suauissimi iucunditate conferenda. Has literas scribo, vt ex illis intelligas, me tibi felicitatem cum dignitatis amplificatione non minus, quàm si frater meus esses, optare. Velim scias, domesticum quendam meum in Indiam iuisse, vbi tuus magnus, et laudatus, & à te summo consilio ad tantum munus obeundum delectus imperator versabatur. Is famulum illum nostrum, & illius comites benignè complexus est, omniãq; illius officia in eos constitere: quod ego non mediocre amoris argumentum iudicaui. Id me mouit, vt virum è meis domesticis & familiaribus, Soleimanum nomine, ad illum legarem, vt institutam amicitiam fortius confirmaret. Cupio igitur, vt mutuis literis & officijs hoc amoris vinculo arctius illigemur. Deus omnipotens Regium tua personæ decus, & amplitudinem, & imperium, atq; familiam sempiterno præsidio tueatur. Albuquerqueiũ verò literis ad illum datis, Imperatorum columen, maris Leonem fortissimum, maximæ virtutis virum, & alijs eiusmodi titulis illustrabat. Addebat deinde: Vt cum sol exoritur, illius splendor est oculis iucundus, & vt odorum fragrantia nares suauitate perfundit: sic res à te gestæ me singulari voluptate permulcēt. Hoc eloquentiæ genere epistolam contexebat, voluntatẽq; in illius studium vehemẽter incitatam esse declarabat. Postremò ab illo petebat, vt aliquot artifices sibi mitteret, qui tormenta conflare, & expolire possent. Similiter & Mirabucaca literis ad Albuquerqueium datis, laudes illius exaggerabat, & animum suum illius amore vehementer incensum esse testificabatur.

HIERONYMI.
OSORII SILVENSIS
ALGARBIORVM IN LV-
SITANIA EPI-
SCOPI,

DE REBVS EMMAN-
VELIS, LVSITANORVM RE-
GIS INVICTISSIMI VIR-
tute & auspicio gestis,

LIBER VNDECIMVS.

VM hac gerebantur, Sultanus magnam classem cōparauerat, vt rursus Lusitanos, si posset, India possessione pelleret. Ad id autem fuerat ab omnibus ferimè regibus India literis stimulatus, qui omnes opes suas illi ad id bellum p̄stò futuras asserebāt. Is & spe, quam illi India principes asserebant, & dolore, quo illam vectigalium iactura conficiebat, inductus (opes enim magnas Lusitanorum armis amiserat) classem viginti septem nauium instruxit. In hac classe septingenti Mameluci, in quibus totum militiae robur consistebat, & trecenti Turcæ, mille Saraceni Tunetenses atque Granatenses inerant. Maximas præterea copias Indi Reges ei minimè defuturas ostenderant. Tormentorū & munitio-
num erat ingens numerus. Huic classi Soleimanū, natione Turcam,

LIBER

Turcam, rerum maritimarum peritissimum, qui longo tēpore sub Turcarum Imperatore stipendia fecerat, & ab eo ad Sultanum transfugerat, prafecit. Is ex Herōum ciuitate solutis anchoris in insulam Camaram contendit: in cursu tamen triremem vnā amisit. Mirhocemum verò, qui post amissam ad Diūm classē, duas naues, & vnā rostratam suis sumptibus edificārat, sibi socium adiunxit. In ea insula arcem instituunt, quam Sultanus Mirhocemo committi praeceperat. In arcis structura circiter annū cōsumunt. Indē, vt Adenam oppugnent, discedunt. Rex enim illius vr̄bis Mirhocemi iniurijs offensus, nē commeatus vllus in insulam importaretur, proposita capitali pœna vetuerat. Adenam verò Soleimanus & Mirhocemus diu atque vehementer oppugnārunť, & muri etiam partem tormentis diruerunt: sed tanta vi fuerunt à ciuibz repulsi, vt cogerentur re infecta in insulam redire. Inde Iudam, vt melius rei frumentariæ prouiderent, petiēre. Ibi hostili dissensione inter vtrunque ducem concitata, Mirhocemus Soleimani insidijs oppressus interiit. Emmanuel de classis huius apparatu certior per literas sibi Rhodo missas factus fuerat. Itaq; Lupo Suario praeceperat, vt non expectaret, dum ea in Indiam nauigaret, et se cum classe regum coniungeret, sed ipse in Arabicū sinum delatus, eam euerteret. Suarius, vt imperata conficeret, diligentiam adhibuit. Itaque tres & quadraginta naues celeriter instruxit. Cum hac classe, in quam mille & ducenti milites Lusitani, & mille Indi conscripti fuerunt, Goa soluit octauo die mensis Februarij, Anno salutis. M. D. xvij. Zacotoram verò aquā digratia petiit: Inde Adenam, vbi hostes consistere suspicabatur, inuectus est. At illi, vt dictum est, inde discesserant. Suarius naues in portu constituit, & in vr̄bem globos conie-

coniacit. Tres ciuitatis principes Mirhamiriami iussu, qui adhuc vr̄bis imperiũ tenebat, ad illum supplices cum clauibus accedunt, et petunt, vt vr̄bem Emmanuelis nomine, cui seruire deinceps summa fide & studio volebant, in deditionem acciperet. Is oblatam ciuitatem repudiavit. Id enim, vt dicebatur, in mandatis acceperat, ne Adenam oppugnaret, ne ve, si ea ciuitas in deditionem sponte sua veniret, possessionem illius occuparet. Verũ mandata certa non possunt casibus incertis, quos temporum varietas et inconstantia gubernat, accommodari. Quocirca maximo interdum animo opus est, ad consilium cum rerum varietate commutandum. Nam cũ animus nimis iram absentis principis extimescit, multæ occasiones elabuntur, quas amissas postea multi sine fructu lamentantur. Quocirca Epaminõda factum debitis laudibus ornatur, qui cũ tempus imperij legibus definitum, illi expletum fuisset, imperium tamen duobus mensibus contra leges, vt hostes bello frangeret, retinuit, cũ sciret, esse sibi capitale supplicium à ciuitate constitutum. Itaque maluit vitæ periculum adire, quàm nimia obedientia periculum non omni contentione à patria propulsare. Quod si suarius fecisset, ab eo principe, cuius offensionem metuebat, fuisset non mediocribus honoribus propter eam animi magnitudinem affectus. Interim verò, ne quod ciues offerebant, negligere videretur, dixit sibi esse in animo cum hoste confligere, propterea non posse ibi in facienda pace tẽpus conterere, nè, dum in conditionibus scribendis immoratur, hostes effugiant. Se breui, vt confidebat, rediturum, operamquẽ daturum, vt pax multò tunc commodius firmaretur. Commeatu sibi tatum, & magistris opus esse. Ciues hoc responso latitia incredibiliter elati sunt, eamquẽ voluptatem, quam ex inopinata libertate

LIBER

libertate perceperunt, multis signis indicârunt. Commeatum verò largè suppeditârūt, & quatuor magistros, qui mare illud Arabicum sæpiſimè peragrârāt, Suario tradiderunt. Inde proſectus vela dedit, & Aluarum Caſtrẽſem cum Iacobo Pereira præmiſit, vt aliquẽ exciperent, ex quo poſſent exploratè cognoscere, vbi hoſtium claſſis cõſiſteret. Pereira nauẽ vnã cepit: ex captiuis autẽ cognouit claſſem hoſtium in Iudæ portu conſtitutam eſſe. Soleimanũ verò in animo habere, rursus Adenam oppugnare, & arcem Camarẽſem perficere, deinde in Indiam, vt Luſitanos opprimeret, nauigare. Suarius cùm oſtiũ ſinus Arabici intrare vellet, tempeſtate ſubitò coorta iactatus eſt, parumq; abſuit, quin claſſis vniuerſa deprimeretur. Aluari Caſtrenſis nauis ingēti ſarcina grauata (tria namq; nauigia Caſtrẽſis ceperat, & omnem prædam in nauem impoſuerat) fluctibus hauſta fuit, & omnes, qui in illa vehebantur, interiẽre. Tempeſtate ſedata Suarius curſum tenuit, & antè, quàm Iudam perueniret, duodeuiginti Chriſtiani Veneti (hi erant fabri, qui hoſtium claſſem reſiciebant, & cum ſeptem Turcis profugerant) ad eũ deducti, narrāt Mirhocemum à Soleimano occiſum fuiſſe, propterea quòd eum Mirhocemus veneno tollere parabat. Claſſem verò in terram ſubductã ciuitatem immunitam eſſe, infirmãq; præſidia ad vr̄bis deſenſionem conſtituta. Hoc accepto nuncio, Suarius accelerauit. Sed alia tempeſtas valdè turbulenta illum à curſu tranſuerſum deduxit. Nauis vna cum omnibus, qui in illa erant, fluctibus obruta fuit. Tandẽ cùm claſſis ad introitum portus appulſa fuiſſet, noſtri vlterius progredi propter frequentia vada nō auſi ſunt. Ciuitas eſt in ora mediæ Arabiæ interioris poſt ſinus aditũ ſita. Solũ eſt mare et aridũ: cines nō cibarijs tātũ, ſed aquis etiã aliũdẽ im-

dē importatis vtūtur. Locus propter religionem frequētari
cœpit. Inde namq; vrbs, quā Mecam nomināt, vbi Mahu-
metis sepulchrū visitur, itinere diei vnius abest. Præterea alo-
cus, eò quòd in oræ medio situs sit, est idoneus ad aromata,
& reliquas Indiæ merces exponendas, quæ inde camelis in
Ægyptum deportari solebāt. Portus est propter breuiā, &
scopulos admodum frequētes, infestus. Vrbs nō erat ita mu-
nita, vt obsidionem sustineret. Domos tamē habebat subla-
tas cœnaculis, & nō minimis sumptibus edificatas. Suarius
Alfonsum Menesū, & Dionysium Fernandū Meliū por-
tus altitudinē explorare iussit. Illi semitā esse per angustā,
quā triremes possent intrare, renunciant: sed hoc incōmo-
dū habere, quod propter varios et ancipites flexus, esset ne-
cesse latera crebris tormentorum iclibus exponi. Ex vrbe
namq; & ex stationibus ad eam rem preparatis dēsa pilæ
iaciebātur. Habito consilio, statutū fuit, antequam tormē-
ta, quæ erāt in stationibus in littore cōstitutis, ad actūs clauis
impedirent, ne hostibus vsui esse possent, non esse cum tanto
periculo urbem oppugnandā. Vt autem id fieri posset, esse
commodissimū, naues duas onerarias, & vnam rostratam
nauem Mirhocemi, quæ in portu consistebant, incēdere, vt
dum hostes ab alia cura auersi, ignem restinguere cona-
rentur, nostri facilius id, quod cogitārant, efficerent. Ignis
quidem coniectus fuit, et naues incensæ: hostes nihilominus
à stationū & tormentorum præsidio minimè deducti sunt.
Itaq; nostri, qui in terram defilierant, stationes oppugna-
re non sunt ausi. Classis interim magnum damnum
ab hostibus accipiebat. Suarius igitur inde classē e-
duxit, & in Camaram cursū direxit. Sitis enim atque
fames multum nostros vexabat, & non paucos interi-
mebat: Insulam verò habitatoribus vacuam offendit.

Omnes

L I B E R

Omnes enim metu in continentem profugerant. Suarius in Aethiopiam Franciscum Gaam, & Laurentium Cosmium cum illorum nauibus misit. Qui tamen nullum ex ea regione commeatum importarunt, ita, ut ingrauescete fame multi perirent. Ibi Odoardus Galuanus, qui ab Emmanuele fuerat ad Aethiopiae Regem cum honorifica legatione missus, senio atque morbo confectus, è vita migravit. Suarius arce, quam hostes edificarant, eversa, ex insula discessit, & extra sinum egressus, Zeilam aduectus est. Ea urbs extra sinum Arabicum, prope ipsius sinus aditum in ora Aethiopiae sita, ciuibus frequens, & commercio locuples erat: aedes amplas & editas habebat. Gens erat è varijs nationibus eò confluentibus mixta. Et sic eueniebat, ut pars nigro, pars verò candido colore, multi medio inter nigrum et candidum distincti, in ea versarentur. Eam Suarius, ut inde ciuaria pararet, fame coactus petierat. Multitudo classis metu diffugit. Viri militares, ut aditu nostros arceret, urbis praesidio relictis sunt. Nostri cum cernerent, armis, non precibus, neque pretio famem sibi depellendam esse, communi consilio urbem debellare constituunt. Ea non erat cincta muris, aut turribus & stationibus ullis munita. Itaque in terram desiliunt. Primam aciem Garfia Coutignus, & Ioannes Sylueira ducebant. Postremam Suarius cum reliquis ducibus agebat. Qui primi exierant, instructi reliquas copias expectabant. Sed id cum lentius, quam res postulabat, à Suario fieret, ij qui in terram egressi fuerant, conuictis exagitati, moram ferre minimè potuere. Exprobrabant namque illis hostes ignominiam, in vrbe Iuda ab hostibus acceptam. Ibi non minus liberali hospicio eos accipere debere, quam à Soleimano accepti fuerant. Primi Gaspar Syluius, & Arius Syluius, & Antonius Ferreira Fogoza, homi-

homines dedecoris insolentes, qui laudis cupiditate mortem continebant, in hostes ruunt, reliqui omnes continuo sequuntur. Hostes undique confluant, & conferti impetum egregie sustinent. Nostros tamen & fames, & conuicium, & accepta ad Iudam macula acriter stimulabat. Itaque impressione facta hostes fundunt, multos cadunt, & reliquos in effusam fugam coniiciunt. Urbs ad hunc modum omni presidio nudata, nostris prae derelicta fuit. Simon Andradius misit, qui Suario diceret (is adhuc se in classe tenebat) illum iam tuto posse in urbem ingredi. Esse namque propugnatoribus vacuum. Id Suarius durius tulit, quam Andradius opinatus fuerat. Existimauit enim, eo quod prelio non interfuerat, sibi timiditatem & ignauiam obiectari. Itaque hominem ob eam causam asperis verbis accepit. Urbs direpta fuit. Erat autem plena commeatu: e quo pars tantum non valde magna in naues imposita fuit, & urbs coniectis undique flammis absumpta. Hic unus homo Lusitanus, qui remigio celoci praerat, cui celoci Georgius Quadra praefectus fuerat, & a classe Odoardi Lemj dissectus, in urbis huius litore captus extiterat, vinctus afferuabatur. Tum demum urbe direpta, in libertatem vindicatus est. Inde Suarius Adenam petijt. Ibi malo coactus intellexit, quod consilio prospicere rectius fuisset, non esse praesens emolumentum spe futuri, quod in aliena fide consistit, omitendum. Suarius enim, qui fiducia benignitatis, quam praese Mirhamiriamus tulerat, cibaria Zeila comburi iussit, eorum necessitate grauissimis se difficultatibus implicatum sensit. Cum enim Mirhamiriamus exploratum habuisset, illum in eo cursu nihil memorabile gessisse, & classem imminutam reducere, & magnam exercitus partem

LIBER

rem absumptam esse, & hominem etiam contemnere ex eo tempore cœpisset, quo clauēs urbis repudiārat, accepta libertatis immemor, illum commēatu inuare noluit, & aquam malignē & auarē praeuit. Hac inopia compulſus, rursus in Aethiopiam transmiſit, ut ex urbe, quam appellant Barbaram, quae Zeila octoginta passuum millibus abest, cibaria pararet, & in illis oris aquaretur. Inde cum hominum, & nauum iactura, & non mediocri dedecore Armuziū petijt. Nec enim Ardenam praesidio Lusitano munuit, neq; Sultani classem incendit, neq; Indam expugnauit, neq; Matihæum Regis Aethiopie legatū in loco Aethiopia tuto, ut fuerat iussus, exposuit: classem quassatam, & homines, qui tēpestatis vim, & hostiū crudelitatem, & mortem, quā famēs & sitis multis attulerat, euaserūt, multis in cōmodis vexatos adduxit. Antequam verò Armuzium perueniret, Alexium Menesium, qui classem, quae erat in Lusitaniam profectura, instrueret: & Lupū Villaluppiem celoce in Lusitaniam, ut quod in ea nauigatione parum feliciter gestum fuerat, enunciarēt, misit. Celocis magister erat Petrus Vascus Vera, nauigandi peritissimus. Huius celocis aduentus maximam in Lusitania admirationem cunctis incussit, cū cernerent adeo paruum nauigium tot maria emensum, eos fluctus & tēpestates superasse, quibus maxime naues, omnibusq; rebus instructissima succumbunt. Suarius Armuzij rebus ordine constitutis, in Indiam nauigauit. Ibi Antonium Saldagnam, qui eo anno Olysippone cum classe quinque nauium soluerat, offendit. Is, ut cum maiore classe mare Arabicum obseruaret, & regionibus illis acre bellum inferret, & Fernandus item Alcaſona, ut vectigalia tracta-

tractaret, & quæstoribus præesset, missi ab Emmanuele fuerant. At ipsius Suarij classis, præter alia incommoda, erat etiam dissipata. Quædam enim naues ad Melindem ventis delatæ sunt: quædam Mozambique petierunt: quidam verò nauarchus intra sinum Arabicum, in oppidum Ethiopia aduectus fuit, ubi ab Hieronymo Oliueria fuit occisus. Oliueria namque se ignominia ab illo fuisse affectum querebatur. Ad eam verò eadem, socium sibi quendam virum audacem, nomine Menendū Alfonso, ascuerat. At eques quidā fortissimus, nomine Ioannes Rodericus Pelagius, qui in eadem erat nauis, Menendū Alfonso in vindictā illius sceleris cōfestim occidit. Oliueriam autē, quod esset vir nobilis & gratioſus, vindictum Prætoris iudicio reſeruauit. Hic exiūs parū felix fuit classis illius, quæ tantā sui expectationem concitārat. Suarius autē cū iam, ut scriptū est, pacem cū Caulami regina cōfecisset, & cuperet, in ea urbe arcē edificare, Hectorem Rodericū, virū sanē fortem, antē, quam in Arabiam nauigaret, Conlamum miserat, illique in mandatis dederat, ut Regina diceret, sibi opus esse domo munita in qua Lusitani contra Saracenorū iniurias tuti esse possent: nè similem cladem illi, qua Antonius Sala absumptus fuerat, acciperent. Id Regina non grauātē concessit. At Rodericus, quamuis domum se edificare simularet, arcis fundamenta iaciebat. Saraceni cū id animaduernerent, ciues admonebant, ut principio tyrannidis obſisterent. Arcem illā eorum ceruicib. imminere, iugumq; principib. imponi, quod si vellēt postea à corpore repellere, futurū, ut in ea cōtentiōe operā frustra cōsumerēt. Principis obſistendū, malig. nascentes radices euellendas Aduitam

LIBER

enim pestem exsecari difficillimum. Artes Lusitanas
 notas esse: per speciem fœderis & amicitia, dominatio-
 nem quari: domus amplioris obtentu arces excitari: ho-
 mines nihil hostile suspicantes libertate spoliari, omnibus
 quæ tandè bonis eueriti. His sermonibus cives sollicitabāt
 & Regina ipsius aures s. pius obtundebant. Illa verò cū
 sciret Lusitanos & graues amicos & inimicos esse, maluit
 amicorū fidem experiri, quàm inimicorū odiū pericli-
 tati. Memoria repetebat, q̄ pœnam Rex Calecuti per-
 fidia & incōstantia pertulerat, & quantis presidys Rex
 Cochimi, propter egregiam in Lusitanos fidem, statum
 suum munierat. Itaque nullis sermonibus à fide semel
 data deduci potuit. Opus interim crescebat. Regina ve-
 rò cum filio, ut bellum, quod cū Rege Trauāzoris (quod
 regnum erat Coularo finitimum) motum fuerat, ad-
 ministraret, ex urbe discesserat. Saraceni tunc vigilan-
 tibus plebem in Lusitanum nomen incitabant, & discor-
 dias ferebant, ut tumultus oriretur, quo posset opus impe-
 diri. Sed Hectoris Roderici prudentia singularis exitit.
 Sic enim suos instituit, ut conuijs laceffiti, nullum ver-
 bum acerbius emitterent, sed omnia moderate ferrent.
 Eos præterea ita cōtinebat, ut in urbe minimè vagaren-
 tur. Cum rectoribus præterea ciuitatis familiaritatem
 contraxerat, ita ut (sic enim Regina imperauerat) illi
 opes suas ad presidium, ubi opus esset, obrulerint. Inte-
 rim Regina bello cōfecto in urbē regressa, omnes motus
 repressi sunt, & arx ad summum perducta. Dum Sua-
 rius Arabicum mare nauibus peragrabat, Goterrius
 Monroius, qui Goæ præfectus erat, Fernandum Mon-
 roium fratrem suum, ut Suarius statuerat, in Maldie-
 nenses insulas miserat, ut naues ex Arabia venientes
 excipe-

exciperet. Ioannes Gundissalvus Albicastrensis, qui irremicuidam præerat, cum illo profectus est. Hi duas naues Coiequy viri potentissimi multis opibus onustas ceperunt. Ioannes præterea Monroius cum nauibus quinque iussus ab eodem Goterrio fuit oram Chaulis speculari. Hi nauem vnā, quæ ex Arabia veniebat, in fluminis ostio, quod Maim appellant, cepere. Dux arcis in eo loco sita decem longas naues, vt in nostros inuaderent, summa celeritate comparauit. Prelium inter vtramq; classẽ dubia victoria commissum fuit. Hostes tamen cum graue damnum accepissent, reuersi sunt, quos nostri (pugna namq; periculosa & anceps extiterat) insequi noluerunt. Ioannes Monroius vltra processus, Chaulẽ petijt. Aluarius Madureira, vir Lusitanus, qui Goæ uxore & domiciliũ habebat, metu pœna (virum enim Lusitanum occiderat) in continente apud Saracenos exulabat. Is in eo cursu ad Ioannem Monroium se contulit. Monroius illi fidẽ dedit, se illi veniã, si Goã redire vellet, impetraturum. Is pro tanto beneficio ingētes illi gratias egit. Cum verò ostenderet se ob inopiã summis difficultatibus implicari, fuit, cum omnes de suo id beneficium cōtulissent, ducētis numis aureis subleuatus. Finxit tunc se in terram descendere velle, vt vestes, quibus indigebat, emeret. tantũ autem absuit, vt redire vellet, vt potius, quantum in illo fuit, nostris interitum moliretur. Monroius ostium fluminis, quod Chaulem alluit, præternectus, in quindecim naues lōgas, quas Melichiazus ornarat, incidit. Fuit utrinque magna contentione dimicatum. Sed cum Monroius vnā cepisset, & propugnatores in mare metu perterriti desiluissent, reliquæ hostium naues in fugā versa sunt. Madureira verò, vt

LIBER

pro beneficio gratiam referret, ad Mirhalum Zabaimi Idalcami ducem adiuit, illumque admonuit, ut in Monroium incurreret. Classē esse perexiguam, & facillimē expugnari posse. Septem ergo longas naues instruxit, quācū in Monroium inuherentur, eas ille inuasit, lenique praelio fudit fugauitque. Quae tamen tanta remorum concitatione à periculo seductae fuerunt, ut nullā Monroius capere, cū eas insequeretur, ullo modo potuerit. Sub id tempus Goa in summū discrimē adducta fuit: quod periculum ortum à libidine, conflatum odio & temeritate, crudelitate perfectum atque conclusum, magnam quidem pestem atque perniciem attulit: maiorem tamen inferre potuisset, nisi praesenti CHRISTI numine rebus propemodum euersis occursum fuisset. Fernandus Calderia in Albuquerquei familia educatus, Goae uxorem duxerat. Nomen eius ad Regem Emmanuelem delatum fuerat, quod piraticā faceret, & sine ullo discrimine socios Lusitani nominis & inimicos spoliaret. Emmanuel illum ad se perducere confestim imperauit. Is in Lusitania crimina diluit, & ita famam suam purgauit, ut Rex illum in Indiam liberum, & beneficijs auctum redire permitteret. Rediit verò in classē, qua Suarius in Indiā aduectus fuit. Navi autem, cuius nauarchus erat Gotterrius Monroius, uehebatur. Ibi quadam offensione non mediocri, ut Calderia videbatur, interposita, Calderia asperè in Monroium inuectus est, eaque in eū maledicta congeffit, quae grauitè animum illius stimularunt. Igitur cū Mozambiquem classis peruenisset, nauem subito conduxit, & Goam ea, qua potuit, celeritate contendit. Intellexerat autem Gotterrium, dum Goae uersabatur, uxori suae oculos adiecisse, & Henricum Tau-

rum amoris illius impuri se satellitem atque ministrum
præbuisse. Tauri igitur faciem ingenti vulnere deforma-
uit, & tibiam abscidit. hoc facto Pondam, quod oppidū
extra fluvium octo millia passuum Goa aberat, & An-
costami Zabaimi Idalcami ducis præsidio tenebatur,
cōfugit. Videbat enim in se Albuquerque patrocínio de-
stitutum, & in potestate invidorum relictū. Sciebat Go-
terrium urbi illi præpositum ab Emmanuele fuisse: ver-
borum contumeliam, Tauro imposita vulnera, & reli-
quas offensas animo reputabat, ita, ut salutis sue nul-
lum remedium adhiberi posse, quandiu in ea urbe
versaretur, consideret. Monroius cum illum ulcis-
ci cuperet, ab Ancostamo contendebat, ut illum ho-
minem, qui facinora indigna patrârat, sibi trade-
ret, ut in eum animadverteret. Ancostamus partim,
quia Calderiam esse virum fortem, & industrium, &
singulari sagacitate præditum noverat, & illius opera
in bellis uti statuebat: partim quia indignum boni vi-
ri præstantia indicabat, hominem supplicem, & in fi-
dem receptum inimici crudelitati dedere, postulatum,
constantissimè repudiavit. Monroius Calderiam, qua-
cunque ratione posset, occidere decrevit, ut & iniurias
sibi & Tauro illatâ vindicaret, & Calderie ipsius uxore
animo magis libero fruereetur. Itaque Ioannem
Gomecium scripturæ magistrum, hominem audacem,
multis promissis oneratum, ut Calderiam interficeret,
Pondam misit. Is rem sanè confidenter suscipit, at-
que Pondam continuò petit. Simulatque Monroius
hominis malefici & iniusti iniurijs & sceleribus offen-
sum, eò confugere, ut vitam suam Ancostami præsi-
dio tueatur. Fuit ergo ab Ancostamo benigne receptus,

LIBER

& à Calderia liberaliter inuitatus. Accidit interim,
 ut Ancostamus in campum animi relaxandi gratia pro-
 deret, & utrunque secum duceret. Ioannes Gomecius
 cum Calderiā ab Ancostamo, quasi aliquid arcani vel-
 let cum illo cōmunicare, seiungeret, Calderiam ex impro-
 uiso confixit, & admotis calcaribus equum incitauit.
 Ancostamus equites, qui illum circumstabant, immi-
 sit. grauiter enim tulit, in suo conspectu hominem in suo
 patrocinio latentem, per summum scelus interfici. E-
 quites hominē consequuntur, & ad Ancostamū perdu-
 cūt. Qui districto gladio manu sua caput illius abscidit.
 Id Monroius indignissimē tulit, & Ancostamū contra
 ius & fas occidere cogitauit. Itaq; ludos simulat, quorū
 causa Benastarinū contedit, & in pugna simulacris diē
 consumit. Primis tenebris ducēs admonet, ut Ancosta-
 mū interimant. Illi consiliū reprahendunt, & hominē
 à facinore deterrere nituntur. Ille autē Ancostami mor-
 te Emmanuelis Regis imperium firmari dixit. Cū pro-
 pter regis mentionē nemo diutius aduersari auderet, o-
 mnes ad facinus se cōparāt. Lembis igitur fluiū trai-
 ciunt, equos ephippys detractis in mare cōpellunt. Gote-
 rius Monroius equitatu Fernandū Monroiu praefecit, pe-
 ditū aciem Ioanni Machiado cōmisit. Machiadus cū
 primus transmitteret, homines duos ex incolis arripuit, ē
 quibus intellexit, Ancostamū, sine ulla fraudis aut ma-
 leficij suspicionē, incautum in oppido versari. Itaque
 Fernandum admonuit, ut sibi permitteret, agmine
 silenti Ancostamum opprimere. Fernandus id sibi i-
 gnominiosum fore ratus, nullo modo concessit. In hac
 altercatione noctis pars consumpta fuit, & ipse Fer-
 nandus non tanta celeritate Pondam, quantam
 nego-

negotium flagitabat, inuectus est. & simul equorum fremitus multos incolas excitauit. nostrorū aduentus fuit continuo Ancostamo nunciatus. Is sine ulla mora pontem (fluius enim ea parte in terram influit, & tellurē aliquo spatio discriminat) repente traiecit, & copias instruxit. Vbi Fernādus Monroius Pondam peruenit, neminem ibi reperit. Soliam tenebras dispulerat, & fraudes sparsa luce detexerat. Fernandus Monroius cum se frustra labore fatigatum cerneret, reuerti voluit, & Machiadum ut idem faceret, hortatus est. At Ancostamus ponte rursus transmissio, in Monroium tanto impetu inuasit, ut aciem impressione facta dissiparet, & multos interficeret. Qui fugiebant, pedum aciem perturbarunt, & fugere compulerunt. Ancostamus partē suorum premisit, qui angustias, quibus nostris iter patebat, occuparent. Sic tandem, cum ancipiti praelio nostri distinerentur, Ancostamus insigni victoria potitus est. Multi è nostris capti, sed multò plures occisi sunt. Machiadus antequam occūberet, facinora edidit immortalī memoria digna. Hoc facto, Ancostamus Zabaimo Idalcamo nunciauit, rem maximā gestam esse: illum, si adniti vellet, Goa potiturum. Lusitanos fœdus violasse, & perfidiæ pœnas dignas pependisse. Copijs opus esse, ut urbs presidio nudata, & cladis nūcio perterrita, uno impetu caperetur. Idalcamus Zufalarimum cum magno exercitu in insulam confestim ire iussit. Is vastitatē & populationem intulit, & ciuitatem inopinato malo percussam in maximas angustias adduxit: quā facile cepisset nisi Ioannes Sylueria, qui Quiloæ hyemauerat, præter spem interuenisset. Non multò post Raphaël Perestrellus, qui è Sina valdè diues aduenerat, cū esset vir egregiē

X x 3

fortis

L I B E R

fortis, & admodum liberalis, & multos sibi plurimis officijs deuinciret, cum nauigijs tribus & militum copia, qui illum libentissimè sequebantur, auxilium celeriter attulit. Itaque ducis unius incontinentia & temeritate ciuitas illa, quæ tanto labore capta, tanta sapientis ducis industria, tanta bonorum cõtentione defensa fuerat, extremi excidij maximum periculum subiuit. Zabaimus cum à spe urbis capienda decideret, rursum pacem à Goterrio Monroio postulauit, quam is sine recusatione concessit. Itaque fœdus renouatum fuit, & eadem fœderis conditiones literis & multorum testimonijs, ad posteritatis memoriã consignatæ. Hoc anno Regina Maria, cum grauissimè, postquam ultimum filium peperit, egrotaret, nunquam ex eodem morbo conualuit. Vlcus in intestinis, ut medicorum erat opinio, eam vehementer affligebat, & paulatim conficiebat. Septimo tandè die Martij, anno salutis, M. D. xvij. extremum spiritum edidit, cum annis quinque & triginta vixisset. Octo filios, quos recensuimus, superstites reliquit. Fuit scemina multis virtutibus admiranda. Erat enim moribus & vita grauis, facilitate & humanitate comis, & in omni sermonis genere moderata. Otium pati non poterat, neq; regias virgines & mulieres otio corrumpi sinebat. Itaq; manibus suis è lino, aut è bombycinis filis, opera muliebria faciebat, & mulieres ad eadem opera magis exemplo, quàm verbis excitabat. Negotijs publicis se nunquam admiscebat: summum mulieris decus in modestia & mansuetudine ponebat, vitæque perturbationem statuebat esse in confusione munerum constitutam. Regis imperium verebatur: nec illud unquam iniquis postulatis à recto deducere conata fuit. Filios & insita

caritate & disciplina seueritate in puerili officio contin-
nebat, nec permittebat, vt aliquid ludendo committeret
quod ab honestate abhorreret. Nullum quantumuis le-
ue, puerilis flagitij vestigiū in illis impunitum relinque-
bat. Erat in religionis cultu sancta, in egentium inopia
sustentanda benigna, in virginibus alendis, atque matri-
monio apud honestos viros collocandis, magnificentiam
& maternā caritatem adhibebat. Regem mirabiliter a-
mabat, & illi vicissim erat propter morum commodita-
tem, & vitæ sanctimoniam, carissima. Edes sacras ex-
truxit, multisq̃ue signis, et operibus præclaris, insitā pie-
tatem & humanitatem indicauit. Non igitur immerito
acerbum sui desiderium vniuersæ Lusitania reliquit. Ip-
seq̃, Rex in acerbissimo mœrore versatus est, è quo non de-
biti amoris obliuione, sed debiti officij necessitate, & insi-
ta in Deū pietate, vt negotia regni procuraret, & suis
exemplū patientiæ & moderationis proponeret, post ali-
quot dies emerfit. Hoc anno Selymus Turcarum impera-
tor in Syria cū Campsone & Egyptiorū imperatore, quē
Sultanū appellabant collatis signis conflixit, insignemq̃
victoriā adeptus, Syriā vniuersā, & Egyptū imperio
adiiecit. Emmanuel cū hostis immanis opes amplificari
& Christianos principes intestinis odijs certare, & opes
Christiane Reip. dilacerari perspiceret, rursus per Mi-
chaèle Syluiū à Pontifice Maximo contendit, quod sæ-
pius antè fecerat: vt omnib. alijs curis omissis, hanc vnā
susciperet, vt omnes principes Christianos à turbulentis
atq̃ pestiferis dissensionib. ad pacē traduceret, vt ita cō-
iunctis animis, hostis, qui Christianæ Reip. rebus immi-
nebat, superbitiā acri bello cōiunderent. Et ad eā rem o-
mnes opes suas libenter offerebat, secumq̃ præclarè actū
fore

LIBER

re dicebat, si in tam præclara causa vitâ in summum
 discrimen adduceret. Sed aures alijs negotijs à salutarî
 pace abhorrentibus occupate, locum eiusmodi postulatis
 minimè dabant, & principum furor eò rem deduxerat,
 ut si Pontifex summis in eam causam viribus incubuis-
 set, sine ullo fructu laborem suscepturus esse videretur.
 Est in ora Mauritania, quæ vergit in Austrum, ultra
 Dincem fluuium, promontorium, quod incolæ Guæ ap-
 pellant: antiqui scriptores Herculis promontorium no-
 minabant. Id Rex Emmanuel oppido & arce septum
 tenebat, & valido presidio munierat. Duces qui illi præ-
 erant, finitimos Mauros qui Emmanueli minimè pare-
 bant, assidujs prælijs agitabant. Præfectus erat hoc an-
 no Franciscus Castrensis, qui, cùm in Lusitaniam ve-
 nisset, & discessus illius Xeriso nunciatus esset, in Mau-
 ros, qui tributum Emmanueli pendebant inuasit, agros
 vastauit, segetes exussit, & graues multis clades intulit.
 Huic Zaide Boagazius, dux eiusdē regionis valdè stre-
 nuus, qui se ad Regis nomen adiunxerat, cum instru-
 ctis copijs occurrit. Prælium atrox commissum fuit, mul-
 ti utrinque ceciderunt. Victoria neutram in partem in-
 clinauit. Xerisus, quod non hostem perculisset, indigna-
 tus, fratrem quendam suum euocauit. Is cum maxima
 militum multitudine venit. Itaque fratres coniunctis vi-
 ribus, in Boagazium inuecti sunt, eūque magno prælio vi-
 ctum in fugam compulerunt, oppidumque Boagazij,
 quod Tuil appellabant, funditus euerterunt. Omnibus
 regionibus illis vastitas illata fuit. Targa ciuitas est in
 Mauritania, quæ ad Fessæ regnū pertinet, & Septuaginta
 passuum millia distat. Hæc Emmanuel capere, &
 vincire presidio statuebat, ut inde facilius Fessam oppu-
 gnaret.

gnaret. Itaque mense Iulio, Iacobum Lupiū Siqueiram cum sexaginta nauum classe in Gaditanū fretum misit: cui praecepit, ut ex Arzila, praeter eas copias, quas ducebat, quinquaginta equites, & alios Tingi quinquaginta similiter assumeret: deinde Septampeteret, & se cū Petro Menesio coniungeret, ac ambo simul Targam oppugnarent. Hoc Petrus Menesius agrè tulit. Erat enim vir animi maximi, & muneris illius socium & laudis, si res ex animi sententia succederet, participē sibi dari, cōtumeliosum existimabat. Attamen ne Regis imperiū recusare videretur, copias suas instruxit. Ambo igitur Targam petiēre. Sed cū inter illos minimè conueniret, Septā re infecta rediēre. Siqueira dimissis copijs, quas Tingi & Arzila desumpserat, cū Ioanne Contigno Arzila praefecto colloquitur. Sibiq; minimè ferendum esse dicit, cū ē Lusitania cum tam insigni classe, & tanta spē rei benè gerenda delectas copias eduxisset, sine vlla re memorabili a se gesta reuerti. Orare igitur & obsecrare Contignum, instituit, ut se duceret, ubi aliquid gereret, quo sine pudore posset in Lusitania se in hominum conspectum dare. Contignus illius precibus assensus est. Itaque ambo cum valida manu in regionem hostiū ingressi pagos quosdam euerterunt, captiuos abstraxerunt, praedas abegerunt. Sed cū nemo illis cum instis copijs occurrisset, Arzila rediēre: & post paucos dies Siqueira in Lusitaniā, sibi ipsi valdè displicēs, reuersus est. Post hac Odoardus Menesius & Ioannes Contignus, in agros Alcaffaris Quibirij coniunctis copijs ingressi sunt, & hominibus eadem, & agris populationem intulerunt, & ingentē praedam abduxerunt. Praefectus Alcaffaris Quibirij illis obuiam cū exercitu processit. At illi, ne ordo, quo se recipiebant

LIBER

piebant, confunderetur, maxima praeda parte dimissa, cum reliqua progressi sunt. Hostes ita illorum vestigijs institerunt, ut congredi minimè auderent. Et sic tandè nostri incolumem exercitū cum praeda domū adduxere. Ninius interim Mascaregnas, qui Safinio præerat, minimè quiescebat. Cum enim intelligeret Turmas Gancenses rebellasse, illas improniso adortus est, magnamq; stragem edidit, & reliquis iugum rursus imposuit. Deinde cum indicio Mauri cuiusdam, cuius frater apud illū captiuus detinebatur, percepisset, Dabidenses Tribus de communi omnium consilio rebellare statuisse, & liberam omnibus facultatem prædandi tribuisse, Mauri fratrem captiuū in indicij premium, liberū abire permisit. Petrus Mascaregnas frater eius tunc fortè sub illo militabat. Hunc extemplo cū Francisco Carnerio in Dabidenses, cum trecentis equitibus, & pari peditum numero misit. Primis profecti tenebris, viginti quatuor passuum milia confecerunt. Sequenti die prælum inierunt, hostibus partim cæsis, partim in fugam coniectis, victoria potiti, & cum praeda, & captiuis in urbem reuersi sunt. Interim rumore constanti delatum fuit, Regem Fesse ingentem exercitum comparare, ut Safinium obsidione cingeret, atque summis viribus oppugnaret. Rex Emmanuel cum hoc ab ipso Mascaregna percepisset, auxilium satis firmum misit, & homines acerrimos ad eam rem delegit. In primis verò Gundissalvus Mendezius Zacotus cuius in bello eximia virtus extiterat, maximam & Mascaregna & militibus vniuersis voluptatem attulit. Sed Rex Fesse sine curis alijs implicitus, sine nuncijs de ciuitatis auxilio retardatus, ab ea mente deductus est. Dum hæc in Africa & Lusitania sunt, Fernan-

Andræus Petreius Andræus, qui in Sinam nauigabat, fuit, ut dictum est, diuersa tempestate Malacam, unde conscenderat, relatus. Ibi ciuitatem offendit duorum hominum discordia perturbatam. Georgius Brittinus morbo oppressus obierat. Nonius Vascius Pereira cum Antonio Pacieco de urbis prefectura contendebat. Pereira dicebat, sibi fuisse urbis custodiam à Brittinio multis testibus presentibus traditam, quam non posset ulla ratione absque scelere nefario deserere. Paciecus contra disputabat, illud ab Albuquerque statutum fuisse, ut qui maris imperium teneret, ei, qui urbi praeesset, si casu aliquo vita priuatus fuisset, succederet. Sic enim statuerat, ut Andræus, cui maritimarum rerum cura commissa fuerat, in locum Praefecti, si mortuus fuisset, substitueretur. Se tunc maritimis rebus praesse. Et idcirco eodem exemplo ius successionis ad se pertinere dicebat. Andræus, ut eam contentionem dirimeret, summis viribus adnitebatur: sed proficere nulla ratione potuit. Hoc minime praeterire volui, ut intelligi posset, diuino presidio Oriëntis imperium, tantis locorum interuallis ab Hispania disiunctum, à Lusitanis hominibus, quos in rebus eiusmodi non ratio, sed praeceptus ambitio gubernat, cum tam exiguo militum numero teneri. Nam si intestina dissensione, in ipsis patriæ antiquæ sedibus excitata, maxima sæpè imperia de statu conuelluntur, atque funditus euertuntur: quid existimandum est, de statu in terris ultimis fundato, tantis, & tam immanibus hostibus circumfesso, & tam exiguo militum numero stabilito, cùm ea in animos ambitione oppressos inuasferit? Andræus mense Iunio, Anno salutis, M.D.xvij. cum classe

LIBER

classe nouem nauium Malaca soluit. Decimo autē quinto die mensis Augusti Tamanlabuam (ea insula Sinarū duodecim millibus passuum à continente disiuncta est) tandem peruenit. Eo tempore mare illud erat piratarū latrocinis infestum. Rex ut mare tutum nauigantibus exhiberet, classē non mediocrem instruxerat. Classis praefectus nauium nostrarum formam inusitatam vehementer admiratus est. Cū verò suspicaretur nostros piratas esse, ut cum illis praelium iniret, appropinquauit. Andradius nullum belli signum dedit, sed ad insulam, quam Tamam nominant, naues omni metu solutas applicuit. Cū verò in anchoris ibi constisset, Sinarum dux de illo per internuncios interrogauit, quis esset, unde veniret, cuius causa in eas oras delatus esset. Andradius se Lusitanum esse, Regis inuictissimi, qui in ultimis occidentis Solis regionibus imparabat, alumnū. Eundemque Regem, cū accepisset, Regem Sinarum esse opibus summis, atque singulari potentia prae ditum, multisque Regis ornamentis instructum, amicitiam illius vehementer expetuisse. Confidereque se, eam amicitiam utrique Regi vtilem & honestam futuram. Sibi opus esse magistris, qui naues sine naufragij periculo in Cantamensi portu cōstituerent, ut inde Lusitan Regis legatus posset in urbem regiam contendere: ut Sinarum Imperatorem nomine sui Regis alloqueretur, eique literas offerret, & quae in utriusque rem essent, cum illo praesens ageret. Dux se Nantum quod oppidum Cantamo sexaginta passuum millia distat, continuo profecturum dicit, ut de illius aduentu urbis Rectorem certiore faceret. Andradius interim multis diebus expectauit. Sed cū diuturnam illam expectandi molestiam

stiam ferre non posset, cum duobus nauigijs & aliquot
scaphis vela dedit, & in ciuitatem cursum instituit, &
in portu naues anchoris firmavit. Portus intimum si-
num substructio ex quadrato lapide facta terminabat,
ad cuius summam planiciem gradibus ascendebatur.
Insula parua portui adiacebat, in qua turris extructa
erat: in ea ciuitatis principes instructo & apparato cō-
uiuio hospites excipiebant. Tutamus, sic enim urbis mo-
derator appellatur, Andradium ad epulas in eam
insulam inuitauit. Andradius se morbi simulati ex-
cusatione defendit, ne insolitis & immodicis cibis vi-
cogeretur. Hic cum Tutamo, & reliquis urbis ma-
gistratibus, ea, quorum causa missus fuerat, egit: &
legatum, qui erat ad Sinarum Regem profecturus,
fidei Rectorem commisit, & ipse in Tamam reuersus
est: ubi menses quatuordecim constitit. In mandatis
enim habebat, ut regionis situm, gentis mores & insti-
tuta cognosceret, & singula diligenter inquirens, om-
nia penitus exploraret. Eo interim multi mercato-
res ex varijs nationibus, cum multis mercibus, & au-
ro precipue commeabant. Ab ijs autem multa inter-
rogando, multarum rerum cognitionem non iniuncun-
dam capiebat. Præterea Georgium Mascaregnam,
ut oram nauigando peragraret, cum magistris Sina-
rum peritissimis misit, ut & ipse, quæ oculis & fama
percepisset, exponeret. Mascaregna tandem reuoca-
to (nauigandi namque tempus instabat) Andradius
per præconem in urbe pronunciare iussit, ut si quis a-
liquod Lusitano alicui credidisset, aut si aliquid per
iniuriam sibi quisquam à Lusitanis creptum, aut
dolo sublatum quereretur, ad se veniret. Nec enim

L I B E R

se antè anchoras solutarum, quàm essent omnia per-
soluta. Id Sinis gratissimum accidit, non quòd de
iniurijs sibi graviter illatis queri quisquā merito pos-
set, sed quòd mos ille Lusitane gentis equitatē, & probi-
tatē, & prudentiā in aspectu proponeret. Quam probi-
tatis opinionē si omnes, qui in Sinam navigarant, tueri
voluissent, magna in illis regionib. imperij accessio fa-
cta fuisset. Nec enim imperiū tam viribus, quàm huma-
nitatis & fidei fama constitui plerunq. solet. Sinarū re-
gio est latissima: ab ortu namq. solis ultima terrarum
existimatur: ab Occasu, ultimis India terminis defini-
tur: ab Austro, Oceano alluitur: à Septentrione verò,
montibus altissimis multa nive & glacie concretis inclu-
ditur. Ea parte, quæ ad Septentriones spectat, ab Occa-
su cum Scythis, quos Tartaros appellant, qui ad Orien-
tem pertinent, cōtinens est: cum quibus continenter bel-
la gerunt. Scythæ viribus, Sine ingenio & artibus excel-
lunt. Sic fit, ut sæpè à Scythis virtute superentur, &
ipsi vicissim non rarò Scythas dolis & artificio vincāt.
Montes tamen, qui à Septentrione in Austrum procur-
runt, Scythas à Sinis dirimunt. Valles atque camporū
planicies interiectas Sine muris latissimis ita muniunt,
ut Scytharum impetū à se facile propulsent. Regio est
maximè omnium fertilis, & abundans rebus omnib. ad
vitæ cultum, & luxum, & elegantiam necessarijs. Ho-
mines, qui plagam Australem incolunt, colorati: qui
terras Septentrionibus subiectas habitant, candidissimi
sunt. Omnes laurissimè vivunt: conuiuīū sciēter instruūt:
vestibus gossypinis, & laneis, & bombycinis auro et-
iam intertextis, prout anni tempus postulat, amiciun-
tur: & cū hyems maxima est, præsertim in regioni-
bus

bus Aquiloni subiectis, varijs animantium pellibus ad vestes introrsum fulciendas utuntur. Equis eleganter instratis insidunt: vitam cultui Gallico & Germanico non absimili multis in rebus instituunt. ludis, & iocis, & vini copia frequenter oblectantur. Amoribus atque libidini nimium dediti sunt. Mulieres nobiles carpentis bycina veste, & auro pulcherrimè factò, & undique tectis, per urbem vehuntur. Cantibus, & symphonijs, & instrumentis musicis animorum curas incundissimè relaxant. Augurijs dediti sunt: sortibus euentura prædicere nituntur. Magos in honore habent: mathematicas disciplinas colunt, & astra diligenter observant. In libris describendis, & rerum memoria propaganda, ancis formis uti solent: quarum usus adeò antiquus apud illos est, ut qui primus eam artem excogitavit, ignoretur. Arte & structura non parum eleganter, magnisque sumptibus adificant. Tempia amplissima, multisq; statuis & picturis illustrata frequentant: & quamvis varia simulacra venerentur, unum tamen Deum rerum omnium opificem, & rectorem præcipuè colendum esse dicunt, eiq; potissimum supplices preces adhibendas. Unius mulieris imaginem, quam appellant Nammā, quam aiunt esse apud Deum summum humani generis aduocatam; honoribus summis afficiunt. Est aliud apud illos simulacrum virginis, quam tradunt fuisse Regis cuiusdam filiam, & rerum celestium cupiditate omnes opes humanas neglexisse, ut diuinarum contemplatione frueretur. In huius tutela Sinarum gentem esse credunt. Alius apud illos Deus sanè sanctus habetur. Hunc hominem fuisse narrant fortissimum, atque tantis virtutibus præditum, ut miracula multis in locis ediderit.

LIBER

Quorum illud potissimum fuisse dicunt, quod semel armatus ense nudo in fluvium proiecto, quasi quodam lebo innectus, ingentem fluvium traiecerit, ut suis, qui ab hostibus in praelio vehementissimè premebantur, auxiliū afferret. Hūc ob praeclaras virtutes, & egregium iustitiae splendore, in diuos relatum fuisse commemorant. Multos alios diuos habent, quibus statis diebus honores instituunt. Sunt excellentes artifices, & egregij pictores. Edes amplas adificāt, quibus homines religiosi, ut rebus diuinis vacent, includuntur. Similiter & virginum collegia, quae religionem sanctius observent, instituūt. Liberis operā dant: qui in illis maximos progressus habent, maximis honoribus afficiuntur. In studijs, genere antiquo sermonis utūtur, imperitis ignoto, quemadmodū apud nos, qui artium maximarū disciplinis studet, linguā Gracā aut Latinā perdiscunt. Qui iuri civili student, in magno honore sunt. Regem quasi quoddam celeste numē colunt: qui tamen raro admodum se cōspiciendum exhibet. Resp. in tres partes est distributa. Principatum ijs, qui in disciplinis, & iuris studio valdè profecerunt, obtinent. Secundus honoris gradus militibus assignatur. Postremi ordinis sunt, qui artes fabriles colunt. In studijs quantum quisque profecerit, iudicio eorum, qui maximis artibus praesunt, examinari solet. Sunt autem ordines horum iudiciorum gradatim instituit, ita, ut ei, qui infimi ordinis approbationem consequutus est, si velit ad altiorem locum dignitatis aspirare, sint grauiora doctiorum hominum iudicia subeunda. Qui plurimis & doctissimis probatus extiterit, is ampliores in rep. honores consequitur. Sunt in sceleribus vindicandis acres. Nemini sano, quamuis oculis orbatu sit, mendicare

dicare permittitur. Cæci molas trusatiles versando sibi victum parant. Homines externos difficillimè in urbes suas admittunt, ne morib. externis obliui, ab institutis suis paulatim deducantur. Comædijs plurimum delectantur, & ita sunt in Venerem propensi, ut varias libidinum formas excogitent. Demones consilere dicuntur. Hi mores & instituta Sinarum sunt, quæ perstrinximus. Hos Andradius ita sibi comitate deuinxit, ut arbitrarentur, nullam esse gentem officio, & fide, & prudentia cum Lusitana conferendam. Is verò Malacam rediens, Alexium Menesium reperit, quem Lupus Suarius cum potestate summa miserat, ut discordijs finem imponeret, & urbis statum constitueret: qui tunc ab Andradio classem recepit. Andradius in citeriorem Indiam, & inde in Lusitaniã nauigauit, & Emmanueli Regi Sinarum mores, & humanitatem, & docilitatem gentis exposuit, & picturas, & signa simul ostendit: quæ Emmanuelem in magnam spem induxerunt: fore, ut gens illa CHRISTI cognitionem & disciplinam caperet. Sed hanc omnem spem aliquot post annis temeritas Simonis Andradij, viri canè fortis, sed temerarij, & plurimum à mente fratris abhorrētis, incidit. Is enim cū classe ad Sinas aduectus, cum in principio opes in eo loco Lusitanas firmare statuisset, & locum etiam muniuisset, uti iure planè regio cepit, deinde in tyrannidem erupit: rapuit quæ voluit, intulit vim ingenuis virginibus, quibus voluit: multa præterea signa insiti furoris dedit, quibus Sinæ vehementius irritati, in Lusitanos inuasērunt: multos occiderunt, alios captiuos abduxerunt. Andradius tamen cum opib. suis euasit. Ea fama cū ad Regem Sinarum

LIBER

peruasisset, legatum eiecit: qui cū Cantamum rediret, fuit a ciuibus in vincula coniectus, in quibus exitu miserabili vitam conclusit. Ita plerunque fit, ut quod est prudentia constitutum, temeritate & amentia dissipetur. Hanc quidem de Sinis explicationē summatim hoc in loco perscribere coacti sumus, ne sapius esset necesse reliquarū rerum historiam interrumpi. Hoc quidem tempore Leonora Regis Emmanuelis soror, quæ Ioannis secundi uxor extiterat, magna virtutis fama florebat. Egentibus enim egregia benignitate consulebat, viduas alebat, religionem multis in locis instaurabat: Xenodochia partim à fundamentis edificabat, partim laborantia reficiebat. Erat præterea singulari animi magnitudine, & prudentia non mediocri prædita. Hæc cū memoriam Ursule virginis sanctissimæ, quæ cum reliquis virginibus, eiusdem voti atque sanctimonie socijs, pro CHRISTI nomine mortem pertulit, & Colonia Agrippinæ sepulta est, singulari studio coleret, à Maximiliano Imperatore postulauit, ut sibi reliquiarū eiusdem virginis partem aliquam concederet, quam in sacrario reseruaret. Is verò integras reliquias Autæ virginis, quæ inter reliquas Ursulæ socias princeps extiterat, illi dono misit. Fuit illius corpus Olyssipponem delatum, & cum maxima populi totius celebritate receptum, & in sepulchro in ara quadam templi, quæ Maria Regina in memoriā sanctæ Dei Matris edificarat, extructo, repositū, ubi meritis illius multi in reb. aduersis numē CHRISTI propitium signis admirandis experti sunt. In India porro Suarius cū regē Maldiuensū insularū, & Bengala etiam Regem ab Emmanuelis fide defecisse cognouisset (multa namq; illis à Lusitanis iniuria post obitū Albuquerque

Buquercij illate fuerant) Ioannem Sylueriam cum nauibus quatuor misit, ut alienatas Regum voluntates recolligeret. Sylueria in insulis Malduenis pacem cum Rege constituit: Cambaiam deinde petijt, & pacem cum Rege firmavit: inde Cochimum nauigans, ibi tantisper constitit, dum cōmeatum acciperet. Inde in regnum Bengala cursum instituit. Bengala est provincia latissima, quā Ganges fluius interfuit. Fluius est altissimus atque latissimus, qui citeriōrē Indiam ab ulteriore determinat, & duobus ostijs, inter se tercentum passuum millia distantibus, in Indicum Oceanum labitur. Aqua sunt salubres, & religionem possidere ab incolis existimatur, ita, ut multi vel ut morbos depellant, vel ut animos scelere pollutos expient, illis frequenter abluantur. Regio est incredibili fertilitate praeclita. Gens est colorata, neque deformis nec inuenusta: lautissimē uiuit: vestibulus eleganter excolitur: Venere, & ingluuie, multisque vitijs astricta est. Praeterea fidem minimē sanctā habet, dolis & fraudibus gloriatur. Ut plurimum simulacra colit. multi tamen in eo regno sunt Mahumetis disciplinis astricti. Sylueria in portum Chatingamensem inuectus (est autem Chatingamum Bengala ciuitas) de suo aduentu urbis Rectorem certiorem fecit. Rector sibi gratissimum esse illius aduentum simulauit, hominēque muneribus delinuiuit, seq̃ illius gratia, omnia quae vellet, facturum ostendit. Sed cum ludificari & mentiri perseveraret, praelium exortum fuit. quod cum incolarum graui damno finitum esset, & pax obsidibus datis firmata, tantum deinde humanitatis speciem praese Rector tulit, ut Sylueria insita probitate deceptus, obsides reddiderit. At Rector obsidibus receptis,

LIBER

insidias rursus struxit, ut Sylueriam opprimeret. Sed cum iterum fuisset praelio victus, veniam petiit, & pacem se velle finxit. Tandem Sylueriam Rector alius, qui ciuitati, quam Darracam appellant, à Rege Bengale praefectus erat, per literas inuitauit, ut ad ciuitatis illius portum naues appelleret. Rectorem Chantingamensem esse virum nefarium, & propter insidias, quas ille per summum scelus intenderat, Regi poenas grauissimas daturum. Ut autem magis Sylueriam ad se pelliceret, munera largè misit. Id autem erat Chantingamensis malicia confectum, ut facilius Sylueriam imparatum dolis opprimeret. Sylueria verum esse credidit, naues in eum portum, ad quem inuitabatur, induxit. Ibi cum in flumiū esset inuectus, Rex à suis admonitus, tam multas in eū naues immisit, ut parū abesset, quin funditus euerteretur. Sed fraus virtute repulsa fuit. Sic tandem hostibus repressis, Sylueria in insulam Zeilandam cum classe quassata & imminuta (Ioannes enim Fidalgus, vnius nauiis nauarchus, eum deseruerat) cursum tenuit. Antonius verò Saldagna, qui cum non mediocri classe mare Arabicum peragrabat, aliquot praedas egit: & cum hyems instaret, nulla rememorabili gesta, in Indiam reuersus est. Emmanuel Lacerda, qui similiter missus Diu fuerat, à Melichiazio summis honoribus acceptus, pacem cum illo fortiū astrinxit. Alexius Menesius, ut dictum est, similiter Malacam cum trecentis hominibus Lusitanis aduectus fuit: & Alfonsum Lupium Costam (sic enim ab Emmanuele statutum fuerat) in arcis possessione constituit, & Odoardum Melium rebus maritimis praefecit, & Antonium Paciecum e custodia libe-

rauit.

rauit. Nonius enim Pereira propter dissensiones, quæ se-
perius explicate sunt, eum in custodiam dederat. Mala-
ca eo tempore grauissimo bello premebatur. Rex Binta-
mi stationem, quæ fluuio Musari imminabat, tormentis
& firmo presidio muniuit, ut è propinquo frequentius
terra atque mari in nostros incurreret. Menesius Al-
fonsum Lupium Costam cum trecentis Lusitanis, tri-
bus millibus Malacensium, & multis nobilibus eò mi-
sit, ut arcem euerteret. Is cum æstus decessisset, & naues
alio sustineri non possent, æstus reciprocationem expe-
ctabat, ut cum rursus accederet, in fluuium inuhere-
tur. Interim tormentis eminus res gerebatur, & non
panci utrinque cadebant. Æstus verò paulatim redi-
bat, & prælium præclare geri potuisset, nisi temeritas cõ-
silium perturbasset. Nam inter Alfonso Lupium,
Costam, & Georgium Mascaregnam atrox iur-
gium extitit. Itaque nostri re infecta domum reuertun-
tur. Rex cum vi aperta nihil se facturum confideret,
dolos machinari cœpit. Itaque finxit se pacis esse cupidis-
simum, eamque ab Alexio postulauit. Is cum cerneret
ciuitatem annonæ grauissimè laborare, eam libenter cõ-
cessit. Rex multis humanitatis egregie signis omnes si-
nistras opiniones ex nostrorum animis euellebat. Nostri
rursus in Regem officia quæ poterant, summa fide con-
ferebant. Muneribus atque beneficijs inuicem certa-
batur, commercium rerum omnium erat cum partis
utriusque utilitate constitutum. Hac pacis & amicitie
simulatione, cum nostros cerneret esse omni metu vacuos
subito septuaginta naues, quas dissimulanter instruxe-
rat, ut mari arcem quaterent, & supra duo millia mi-
litum terra misit, ut eodem tempore in nostros impa-

LIBER

ratos innuaderent. Naues in insulam, quae urbi adiacet, inuehuntur, in nostros somno consopitos impetum faciunt, multos obtruncant, in naues ignem coniungunt. Ignis in nauibz (fuerat enim turbida tempestas, & imbres demissae eas madefecerant) implicari minime potuit. Fugientium clamor exoritur. Alexius excitatus duces in insulam mittit: praelium in meridiem perductum fuit, & hostes repressi sunt. Similiter & qui terra venerant, cum magno ciuium numero, qui sceleris participes erant, arcem acriter oppugnare institunt. Rex identidem subsidia cum elephantis submittebat, & res utrinque summa virium contentione gerebatur. Sed cum nostri meridiem ex insula redirent, hostes minus pertinaciter instare, deinde paulatim cedere, postremo fugere coeperunt. Multi ex illis caesi, complures etiam capti sunt. Nihil tamen secius Rex cum maiore exercitu arcem oppugnare institit. Septem continuos dies nostros graui bello premere contendit. Nostri rursus crebris eruptionibus illi frequentes plagas imponunt. Sed quod acrius nostros afflictabat, erat inopia atque fames, quae in dies ingrauescebat. Menesius tandem rationem iniuit, quemadmodum stationem illam Muarensem euerteret. Quod sine magno labore factum est. Iaoënsis quidam, vir nobilis & valde diues, cum uxore, & liberis, & amplissima familia Malacam petierat, ut in ea urbe domicilium collocaret. Fuerat autem, cum Malacae oram legeret, à ducibus Regis Bintamensis captus, ad illum quoque perductus. Rex illum perbenigne accepit, multisque precibus eò hominem perduxit, ut Bintamum Malaca praeferret. Interim Rex cum illius familiaritate delectari multis signis ostenderet, multo tamen magis uxore

ris illius specie (erat enim insigni pulchritudine) delectabatur. Et autem liberius ea frui posset, hominem à se per speciem honoris amandat, illiq³ præfecturam certarum navium attribuit. Is (erat enim valde strenuus) multum damni nostris inferebat. Sed cū Regis adulterium, insignemq³ perfidiam suorum indicio coperisset, in arcem nostram transfugit. Cum illo Menesius consilium quod animo versabat, communicavit. Is ad eam rem suis operam suam pollicitus. Itaque cum centum & viginti viris Lusitanis, & nonnullis Malacensibus parim terra, partim mari à Menesio missis, hostes inopinantes oppressit, in munitiones irrupit, propugnaculum ex templo capitur. Iacōensis unius tormenti ictu percussus, occubuit: aliqui è nostris occisi sunt. Emmanueli Falconi, qui terra copias agebat, crus perfractum fuit. Nostri tamē cum magna hostium cade propugnaculo potiti sunt. Supra septuaginta tormenta è munitionibus in arcem deportata fuerunt. Hoc pacto bellum ad tempus aliquod intermissum fuit, & Menesius Tristandum Menesium, ut Malucas insulas exploraret, dimisit, & ipse cum maxima Lusitanorum parte in Indiam citeriorem reuersus est. Post illius digressum, bellum rursus exarsit. Arc decem & septem dies obsessa, summisque viribus oppugnata fuit. Hostes in duas naues sociorum, & in vnam triremem Lusitanam faces iniecerunt. Nostri ut ignem exstinguerent, egressi sunt. Dum pugna committitur, ignis in tormentarium puluerem navis, cui Gabriel Gagus præerat, aduerso & infauito casu coniectus, naue subitis ignibus inflāmauit, & omnes, qui erant in naui, cū essent armis grauari, demersi sunt. Iacobus Mēdezius alterius navis præfectus tormenti unius ictu occisus fuit.

Nostri

LIBER

Nostri tamen ignem extinxerunt, & hostes repulerunt. Qui cum cernerent maximum damnum, quod illis nostri crebris eruptionibus inferebant, & quam fidelem operam ciues Bendara ductu nostris in bello nauabant, obsidionem soluerunt. Tunc Bintami Rex à bello desistendum censuit. In his praeliis duodeviginti Lusitani desiderati fuerunt. Ex hostibus supra quadringentos caesi, & complures etiam capti, in quibus Dynasta cuiusdam Siamenfis filius extitit: pro cuius redemptione pater nauem ingentem cibarijs onustam Malacam misit, quae plurimum nostros in illa ciborum penuria subleuauit. Hoc anno Rex Emmanuel Iacobum Lupium Siqueiram, ut Lupo Suario succederet, in Indiam cum decem nauium classe misit. Cum verò promontorium Bone spei praterueheretur, piscis ingentis magnitudinis in nauis latus, cui Ioannes Litmicus praeerat, incurrit, nauemque in alterum latus impulit, eamque tanta vi retinuit, ut progredi nequiret. Vectores & nauta se in saxum impigisse suspicabantur. Sed cum neque compages dissolui, nec aquam admitti conspicerent, animos à metu reuerunt, & piscis à naue diuulsus, liberum illis mare permisit. Goam octauo die mensis Septembris peruenit: quo tempore Lupus Suarius in insula Zeilanda arcem, ut fuerat ab Emmanuele iussus, edificabat. Id quidem, cum primum ad insulae portum, quae Columbū nomināt appulisset, à Rege, ut sibi per illum liceret, impetrauit. Sed cum Saraceni, ut facere solebant, Regem ab ea mente deduxissent, factum est, ut Rex non modo quod sponte sua concesserat, pernegaret, verum & acre bellum moliretur. Itaque nocte stationes instituit, praesidia disposuit, tormentis nostros arcere parauit. Suarius omnes copias

in ter-

in terram exposuit. Prælium repente commissum fuit, in quo Verissimus Paciecus, vir nobilis & strenuus, cum nonnullis Lusitanis cecidit, & multi vulnerati sunt. Hostes tamen à stationibus cum magna multorum cade pulsifuerunt, Rex veniam et pacem postulavit. Pax ea lege concessa fuit, ut non solū arcem edificari permetteret, sed etiam in pœnam illius inconsiderate rebellionis, tributum Regi Emmanueli singulis annis penderet. Tributum erat gemmarum, certus numerus, & maximum cinnamomi pondus. Suarius similiter Regi fidem dedit, ut semper auxilio Prætoris Lusitani tegeretur, nec unquam bellum cōtra illum fieret, quin Lusitani ab illius fimbis hostes arcerent. Fœdus factum, & iureiurando sancitum, & literis mandatū, Regisq; & Principum, & Suarii nominibus consignatum fuit. Arx deinde incolarū operis multò citius absoluta fuit, & Ioannem Sylveiræ commissa: maritimarum verò rerum cura Antonio Miranda credita. Inde Cochimum reversus, Siqueiram offendit, illiq; provinciam tradidit, & in Lusitaniam profectus est. Siqueira continuò muneri diligenter incubuit. Christophorum Sousam cum classe Dabulem misit, ut eam ciuitatem, quæ ab Emmanuele descuerat, bello domaret. Alfonso præterea Menezio præcepit, ut in Baticalam infesta signa similiter inferret. Tum Ioanni Gomecio iussit in insula Maldina arcem edificare, ubi fuit à Saracenis Cambaiensibus occisus. Deinde cum Goam peteret, in cursu arcibus Calecutij & Cananoris diligentissimè prospexit. Postquam Goam appulit, Antonium Saldagnam pluribus nauibus auctum, in Arabicum & Ethiopicum mare misit, ut plurimum damni Saracenis inferret.

L I B E R

ferret. Simonem Andradium in Sinam misit, qui ut scriptum est, temeritate & amentia Sinas Lusitanis infestos reddidit. Antonium Corream ad Regem Peguensem, ut cum illo pacem & amicitiam iungeret, legauit. Garsia Sala concessit, ut reigerenda causa Malacampeteret. Qui cum eo peruenisset, Alfonsum Lupium Costam morbo grauius impeditum reperit: qui cum in ceteriorem Indiam morbi depellendi gratia redire vehementer expeteret, arcem ipsi Garsie Sala tradidit: & non multis post diebus, quam Cochimum appulit, eodem morbo consumptus est. Dum hac in India gerebatur, Abrahamus Barraxa filius accepit, incolas montis Farrobij, & Benamarense, & reliquos eiusdem vicinitatis Mauros multas clades à Lusitanis accepisse. Id igitur vlciisci constituit. Itaque cum id, quod animo moliebatur, summo silentio compressum tenuisset, quingentos equites eduxit, & in pagis quibusdam Arzileni agro finitimis ea parte, quæ Tingim spectat, in insidijs delituit. Inde Aroazium itineris ductorem premisit, ut campum exploraret, & omnia usque ad speculas, quas Alfandiquimenses appellant, specularetur. Ioannes Coutignus hunc Aroazium, virum industrium & sagacem nouerat, & illius fraudes & insidias diligentissime precauebat. Ea autem de causa, nunquam speculatores ex urbe mittebat, quin illis equitum auxilium assignaret. Tunc igitur cum homines speculatum misisset, equites simul emissi sunt. Aroazius se continuit, dum eos in speculis constitutos animaduerneret. De eare Abrahamum confestim admonuit. Is silenti agmine è latebris egressus, nostris appropinquabat. Nostri cum primam aciem cernerent, ut se reciperent, consiliū interunt.

At Man-

At Mauri substituerunt. Fernādus Calacus primi ag-
 minis ductor, qui speculatoribus auxilium offerebat, cū
 eos substitisse conspiceret, in illos inuictus est: Hostes or-
 dine minimè confuso cedebant, donec nostros in postre-
 mum agmen, quod Calacus minimè conspexerat, ex-
 traherent. Ibi equites nostri decem & septem ceciderūt,
 reliqui fuga se mandarunt. Sed in lacus, qui iter impe-
 diebat, angustijs, quidam fortissimus eques, nomine Lu-
 donicus Valens, nostros cōfirmavit, & se armatum ho-
 stibus obiecit: nec ex eo loco demigravit, antè, quàm
 Lusitani lacus angustias pertransirent. Deinde nostros
 ordine instructos domum ita reduxit, ut inter hostes at-
 que nostros eximia virtute & dexteritate versaretur.
 Cū iam se Habrahemus reciperet, incidit in illum
 Antonius Mascaregnas adolescēs valdè strenuus, cum
 quatuor equitibus: qui omnes capti sunt. Mascare-
 gnas quamvis à Rege Fesse perbenignè tractaretur,
 mortem, quæ impendebat, vitare non potuit. Cū
 enim pestilentia apud Mauros defauiret, illum con-
 fecit. Sub id tempus prefecit Emmanuel Azamori
 (Petrum namquē Soufam renocauerat) Aluarū No-
 rognam, qui cum multis Maurorum principibus pacem
 firmavit, & illis æquabile tributum imperavit, Rebelles
 verò cladibus multis affecit, Præter alias excursions,
 xx. vj. die Aprilis Benemezum agrum popularius est,
 multos occidit, ducentos & quinquaginta captivos abdu-
 xit, nō mediocrē prædā abegit. Rursus mense Iunio Vas-
 cum Fernandiū Cesarē in alias Maurorū turmas immi-
 sit, qui cum incautos opprimeret, viros octoginta cepit,
 magnāq; præda potitus, copias in urbem incolumes redu-
 xit. Rursus Augusto mēse, Antoni Gūdiffalvus eiusdē
 Nore-

LIBER

Norogna iussu in Mauros pedutes inuasit: qui cum diu
 restitissent, victi tandem sunt, & aliqua eorum pars in
 seruitutem abstracta fuit. Hoc eodem mense quidam
 Maurorum foederatorum duces à Norogna auxilium
 petierunt, quo Enxeuienses Mauros aggredierentur, &
 magnam frumenti copiam inde asportarent. Sed cum
 ducenti hostes nostris imminerent, Mauri foederati su-
 spicati sunt, maximum hostium numerum in insidijs la-
 tere. hac suspitione perturbati se in primum agmen con-
 ferunt. Nostris in postrema acie hostium impetum sustine-
 bant. Nonnulli ab hostibus caesi sunt. Reliqui cum dede-
 core se in urbem receperunt, non culpa sua, sed eorum,
 qui eos deseruerant. Id tamen eis grauem diebus multis
 dolorem inussit. Hoc tempore Emmanuel varijs & mo-
 lestissimis curis agitabatur. Videbat enim se matrimo-
 nij vinculo liberatum, & cupiebat vltimum vitae actum
 in rebus praeclaris, memoriaq; sempiterna dignis consu-
 mere. Quocirca statuit in Algarbium se conferre, reg-
 niq; administrationem Ioanni filio, & consiliarijs reuer-
 quere, vt ipse omni reliqua cura solutus, bello Mauros
 vexaret, atque propagande religioni vehementer incu-
 beret. Sed ab hac cogitatione illum insidiae multorum ho-
 minum, quos ipse non mutatione consilij, sed acerbitate
 supplicij coërcere debuisset, abstraxerunt. Vt enim mos
 hominum est, qui omnia non fide sed cupiditate metun-
 tur, ab illo, quem non ita diu victurum sperabant, ad
 Ioannē filium, à quo sibi multo maiores, & diuturniores
 opes pollicebantur, paulatim deficiebant: & atate Prin-
 cipis, optima quidem natura praediti, sed fraudibus &
 dolis obnoxij, captabant. In primis verò plurimum de
 laudibus Emmanuelis detrahebant. Hominem esse di-
 cebant

cebant multum de adificijs, parum verò de regia dignitate cogitantē. Præterea grauitatis immemore esse criminabantur, quòd facilimos aditus haberet, quòd sui conueniēdi facultatem quibusuis hominibus daret, quòd equos frequenter agitaret, quòd insita facilitate nullius congressum aspernaretur. Præterea illi crimini dabant, quòd multum auri & argenti profunderet. Postremò multa regie virtutis ornamenta in illo requirebant, & Ioanni persuadebant, si vellet amplissimum in Regibus nomen obtinere, ut longissimè a patris instituto dycederet, neq; se peruiulgari & contemni permetteret. Erat autem Ioannes natura clemens atq; benignus, & ad pietatis studium valdè propensus. Sed tantas virès hominū perditorū sermo, cui aures assiduè præbebat, habuerat, non quidem ut patrē odio persequeretur, quem pietate summa colebat, sed ut minimè illius mores & instituta cōprobaret. Itaque statuebat, longè diuersam sibi vitæ rationem sequendam esse, ut ad summum decus aspiraret. Neque deerant interim, qui persuaderent, nihil esse magis regium, quàm, quidquid liberet, efficere. Voluntatem namq; refrenare, esse non regie dignitatis, sed miserrimæ seruitutis argumentum. Cùm multa eiusmodi Emmanuel accepisset, verius est, ne si res alias agere vellet, & filium in adulatorum potestate relinqueret, ab eo contemneretur, & regnum improborum consilijs gubernatum, ruine periculum adiret. Hic metus illū ab instituta cogitatione reuocauit. Præterea ut magis se a contemptu & solitudine vindicaret, se nouis affirmatibus stabilire decreuit. Idcirco à Carolo Imperatore petijt, ut Leonoram sororem suam, excellenti pulchritudine & probitate sceminam sibi desponderet.

LIBER

Atqui prius ille, ut Joanni filio collocaretur, enixè operam dederat, & ea de causa Petrum Goueanū in Germaniam ad Maximilianum Imperatorem legauerat. Tunc verò sic immutatus fuerat, ut eam uxorem ducere, quàm filio in matrimonium collocare mallet: quæ res apud multos in varias reprehensiones incurrit. Sic enim dicebant: Quam rem gerit Princeps hic, in quo ad hunc diem patrium in remp. animum semper agnouimus? At nunc multis rationibus remp. euerit. Primum enim, Rex annos quinquaginta natus, & viduus, octo filiis oneratus quoniam modo poterit virginem Caroli sororem, in maxima spe aliarum nuptiarum nutritam, ad nuptias parum etati accommodatas allicere, nisi regni opes prius effuderit? Filio namque dos magna confici potuisset. At is non modo uxorem indotatam accipiet, verum contra morem & consuetudinem, nomine dotis, regni patrimonium uxori largietur. Præterea necesse erit (aliter enim fortasse uxori adolescenti minimè satisfaciat) ut ad voluntatem illius regnum administret. Postremo, quid liberis faciet? octo filios habet. Totidem poterit ex noua nupta suscipere. Regnum est angustiis finibus terminatum. Quas igitur opes poterit tanta filiorum multitudini largiri? Quibus honoribus aut emolumentis Regia soboles statum suum tuebitur, ne sit ei necesse in turbam conijci, & reliquorum hominum institutis victum sibi comparare? Erit præterea ei necesse amori seruire, uxori blandiri, & non quomodo nomen suum immortalitati commendet, sed quomodi virginis pulcherrima morem gerat, excogitare. Hæc & hic similia vulgò iactabantur, ab his præcipue, qui domesticas illius offensiones ignorabant. Emma-
nuel

nuel tamē in ea mente perstitit. & cūm Carolus in Hi-
 spaniam, ut regni hereditatem cerneret, ē Gallia Bel-
 gica veniret, ad illum Aluarum Costam, qui regio cu-
 biculo praeerat, legatum misit. Legationis species, palati-
 tionis nomine instituta fuerat: legationis tamen prima
 eō pertinebat, ut nuptiae conficerentur. Alvarus Costa
 omnia, quae Emmanuel capiebat, ex animi sententia cō-
 ficit. Nuptiae pactae sunt, dos etiā a Ca. o. diebus, ab Em-
 manuele sponse munera ingentia constituta: festi dies a-
 diti, & matrimonij fœlus Cœsar auguste, ubi tunc Caro-
 lus consistebat, summa omnium latuit & gratulatione
 celebratum. Fuit tamen necesse, cūm esset cūm Carolo &
 Leonora, & sanguinis propinquitate, & affinitate mul-
 tis rationibus implicatus, & ea de causis per Pontificias
 sanctiones nuptiae coniungi minimē potuissent, ut i on-
 tificis Maximi benignitate legibus solueretur: q̄ factū
 fuit. Nūncius huius pactionis & fœderis ad Emmanue-
 lem perlatus, cum gaudio ingenti cumulavit. sed nobili-
 tatem & multitudinem non mediocri solitudine affe-
 cit. In primis verō Ioannem sollicitavit, non quod eas-
 dem nuptias expeteret, sed quod reip. mutiles arbitra-
 retur. Emmanuel regni Procures in consilium evocavit.
 Ibi luculentam orationem habuit, qua rationes, quae il-
 lum ad matrimonium invitarent, exposuit: quae qui-
 dem illi, qui aderant, aut moti sunt, aut semotos esse, ne
 Regis animum offenderent simularent. Itaque omnes
 ordine instituto illius manum de more osculati, &
 ut matrimonium felix atque faustum esset, precari
 sunt. Post has gratulationes, & omnium faustas
 acclamations, pestilentia Olyssipponem, vehemen-
 ter affluxit, & Regem varias sedes commutare illius

LIBER

metu coegit. Almeirinum deinde se contulit. Inde Cratum (est autem id oppidum celebre, quod ad Hospitalem suum equitum ordinem pertinet) profectus est, ut ibi Reginam operiretur. Illa verò multis Hispaniæ Proceribus stipata, in regnorum consinia peruenit. Eo multi Portugallia Proceres, ut eam exciperent, se contulerunt. ad exiguum fluvium, Severum nomine, qui Portugalliam à Castella discriminat, peruentum est. Martinus Albiacastrensis, Ville Nouæ Portimanensis, quod oppidum est in Algarbio situm, Comes, fluvium traiecit, & Regine manu suppliciter osculatus est. Illam Comes Teningalensis, & Episcopus Portugallensis, & Archiepiscopus Olyssipponensis ordine subsequuti, eodem officio perfuncti sunt. Alia deinde Lusitana nobilitas idem fecit. Regina fluvium transmisit: quam Dux Albanus, & Episcopus Cordubensis deducebāt. Dux Brigantinus citra fluvium constiterat: ad duo millia equitum Lusitanorum satis eleganti cultu conuenerant. Ubi Regina interminis Lusitaniæ constitit, Dux Brigantinus ex equo desiluit, ut Reginam nomine Regis exciperet. Quæsit ab Albano Duce, an facultatem ab Emmanuele Rege ad illud munus obeundū haberet, eam literis publicis inscriptam, & manu Regis ipsius cōsignatam ostendit. Litere publicè & alta voce recitatae sunt, & Albano Duci in officij sui ritè peracti testimonium tradita. Tunc idem princeps catenam auream, qua Regine brachio alligata erat, assumpsit, ut sic ipsam Reginā deduceret, quam Brigantino Duci tradidit, atque commisit. Hac traditione solenni ritu celebrata, Albanus Dux, & reliqui Castella principes abscesserunt. Episcopus tamē Cordubensis, & Dynasta Tregenienensis (hi legati erant)

pierant) & præterea Villa Franca princeps, & equitū
 Hospitalensium in Castella Magister, & Montis acuti
 Comes cum Regina Cratum usque peruenērunt. Post-
 quam in oppidum ventum est, & Regina cœnauit, Rex
 illam inuisit: à qua cum singulari significatione amoris
 exceptus fuit. Ioannes illius manum osculari voluit:
 quod, illa nullo modo induci potuit, ut pateretur.
 Georgium tamen, equitum Iacobensium & Cisterci-
 ensium Magistrum, Ioannis Regis filiū, ut Hispanie mo-
 rem conseruaret, ad osculū manus admisit. Deinde Ar-
 chiepiscopus Olyssipponensis Regem atque Reginam ri-
 tu ab ecclesia sancta recepto stabili matrimonio copula-
 uit. Symphonia deinde, & tibiarum concentus, & cho-
 ræ consequuta sunt. Inde modicis itineribus Almeiri-
 num profecti sunt. Filij Regis obuiā illis prodire. Prin-
 cipes Regij ex equis repente desiliunt, ut Regina manū
 osculentur. Id illa pati noluit: imò multis in illos volunta-
 tis egregie signis insitā benignitatem testificata est. Re-
 liqui regni principes, qui nōdum suum officium fecerāt,
 eam solito more salutāunt. Vbi Almeirinum perue-
 nēre, Isabela & Beatrix Emmanuelis filie ad scalarū
 gradus, quibus in Aulā ascensus patebat, aduenēre. &
 cū descendere pararēt, Regina, ne id facere possent, ac-
 celerauit, & ad genua pronolutas subleuauit, easque hu-
 manissimè complexa est. Reliquæ deinde virgines Regi-
 nam manus osculo salutant, quas omnes illa admodum
 benignè, cū debita tamen maiestatis ratione resalutat.
 Quibus cantibus, saltationibus, & tripudijs dies ille ce-
 lebratus extiterit, erit explicatu difficillimum. Sequen-
 ti die Rex peractis sacris, aurei velleris ordinem, à
 Philippo Burgundie Principe fundatum, à succes-

LIBER

foribus singulari religione relictum, cuius princeps atque Magister Carolus erat, ipsius Caroli iussu consequutus est. Hyems illa tota fuit Almerim in summa incunditate consumpta. Inde appetente vere Rex Eboram concessit. Hoc anno, qui fuit a CHRISTO nato M. D. XIX. misit Rex Emmanuel in Indiam sedecim navium classem, cuius Georgius Albuquerque praefectus extitit. Non omnes tamen institutum cursum tenere potuerunt. Navis enim, cui Iacobus Limicus praerat, Olyssipponem refatu delata est. Ludonicus Guzmanus cum navis, cui praerat, a fide descivit, piraticam fecit, multaque flagitia & scelera indigna genere suo designavit. Emmanuel Sousa, qui nauarchus erat rostratae navis, cum oram Aethiopie Melindem versus legeret, & portum Muniva (sic enim appellant) subiret, ut commeatum ab incolis emeret, fuit in terra a Saracenis cum quadraginta viris Lusitanis occisus. Navem verò, cum ad insulam, quae non procul Oziloa distat, turbida tempestate iactata, & vadis allisa fuisset, Saraceni diripuerunt & Lusitanos omnes, uno duntaxat puero, quem Rex Zambaris in fidem recepit, excepto, trucidarunt. Georgius Albuquerque cum novem navibus Mozambique hibernavit. Quatuor tantum naues in Indiam pelagus transfussit. Interim Iacobus Lupius Siqueira omnia, quae ad bellum Arabiae gentibus inferendum necessaria videbantur, summa ope comparabat. Et quia maioribus copiis indigebat, navigio, quod facile fluctus exciperet, Gundiffalum Loulensem Mozambique ad Georgium Albuquerque misit, cui mandabat, ut inde Arabicum sinum peteret, ut coniunctis viribus Indam expugnarèt. Cum verò Siqueira Melichiazij fraudes

des perciperet, cumque multis incommodis Lusitanos
 affecisse cognosceret, Christophorum Salam cum irre-
 mibus ibribus, qui oram Carbaia infestam redderet, ex-
 pediunt, quod is diligenter efficit. & cum non mediocri
 prada reuersus est Similiter & Antonius Saldigna, qui
 circa Gaudasumenſe promontorium oras illas pera-
 grabat, ingenti prada potius, se ad Siqueiram conuulit.
 Sub id tempus, lenis a Rege offusio ita grauer cuius-
 dam viri Lusitani animū exultauit, ut obliuſ fidei,
 pietatis, & religionis, Regē a quo educatus fuerat pa-
 triā, quae illam generat, prodere, cuiusq; suā in summū
 discrimen inducere properaret. Fernandus Alugallanus
 fuit vir nobilis, & magno animo praeſtitus, cuius antea
 mentio facta est. Is in India bellicis in rebus non medio-
 cre virtutis & industriae documētum dederat. In Afri-
 ca similiter viri valde strenui officio fundtus fuerat. O-
 lumerat apud Lusitanos in more positum, ut in Regia,
 qui Regi seruebant, ipsius Regis sumptibus alerentur.
 Cum verō multitudo domesticoꝝ tanta fuisset (eoꝝ
 namque filij, qui Regibus operam dabant, eundem lo-
 cum retinebant: & praeterea multi in regiam familiam
 meritis admitterentur) difficillimum videbatur, ci-
 bos tantae multitudinis preparare. Quocirca fuit à Por-
 tugallia Regibus statutum, ut sumpium, quem qui-
 libet erat in Regia factururus, ipse sibi ex regia pecunia
 faceret. Sic autem factum est, ut cuilibet certa pecu-
 niae summa singulis mēſibus assignaretur. Ea verō, cum
 summa tunc annona vilis esset, satis homines alabat
 Nunc autem cum & hominum multitudo cum-
 rerum, venalium pretijs multis accessionibus am-
 plificata sit, factum est, ut illa pecunia, quae olim

LIBER

quotidianis sumptibus faciendis latè sufficiens erat, nūc perexigua sit. Cum tamen omnis Lusitanorum dignitas à Rege pendeat, huius exiguae pecunie summa, quasi multo amplior esset, incredibili studio quaritur. Et cum in regiam familiam admitti, ut valde expetendum Lusitani iudicent, tum in stipendij huius incremento summū decus statuunt. Cum enim sint apud Reges variae famulorum classes, pro classium dignitate cuiuslibet Regis domestico pecunie numerus assignatur. Maxima classis est virorū nobilium. Sed cum nobilitatis etiam discriminē sit, non unum congiarium omnibus ex aequo tribuitur. Sic autem euenit, ut pro congiarij magnitudine, de nobilitate vniuscuiusque iudicium fiat, Et tanto quisque nobilior existimetur, quanto illius congiarium amplius extiterit. Hoc quidem iudicium, ut sunt res humanae, est saepe fallacissimum. Multi namque ambitione Et sedulitate consequuntur, quod est meritis atque germane nobilitati tribuendum. Attamen Lusitani cum sint praeter modum huius nobilitatis appetentes, Et paruae pecuniae accessione nobilitatem suam augeri putent, pro hac tam parua pecunia saepenumero, tanquam in ea salus omnis atque dignitas vertatur, sibi pugnandum arbitrantur. Magallanus autem pro meritis suis contendebat, ut congiarium illius dimidio numi aurei singulis mensibus augetur. Rex, ne aditum ambitionis aperiret, id denegauit. Magallanus offensione huius beneficij sibi eo tempore denegati commotus, à Rege desciiuit, fidem violauit, rempublicam in summum discrimen adduxit. Et cum reipublica iniuria nobis toleranda sint, Et Regum etiam, qui reip. parentes sunt, offensiones perferenda: Et cum vita, quam patriae debemus

debemus, pro ipsius patriæ salute ponenda sit, vir audacissimus tantum dolorem ex parte unius aurei dimidia, quæ quinque denarios conficit, sibi negata cepit, ut Rempubl. oppugnaret: Regem, à quo fuerat nutritus, violaret: & patriam, pro qua mori debuisset, in discrimen adduceret. Res enim eo perducta fuit, ut periculosi belli discrimen rebus communibus impenderet. Nescio autem, unde tam barbarus mos in Respubl. irrepfit. Cum enim proditoris nomen sit non modo odiosum & inuisum, sed etiam cuncta posteritati maculam sempiterni dedecoris inurat, homines, qui fidem violare, & Reges suos, aut Respublicas oppugnare statuunt, munera, quæ acceperant, literis consignatis abiciunt, fidem abiurant, se civitatis iure spoliant, Regem sibi suas res habere iubent, sibi nihil deinceps cum patria fore commune testificantur: & tum demum sibi moliri contra patriam bellum licere contendunt. Esto, aspernare munera, si lubet: contemne patriæ benignitatem: frume quantum voles, tibi non esse premium pro dignitate persolutum. Fidem verò datam prodere quæ potes? Gravem mihi iniuriam patria intulit. Intulerit etiam gravissimam. Sed iniuria nec in parentibus, nec in patria vindicanda est. Omnia, quæ à patria acceperam, inquit ille, reliqui. Numquid vitam, ingenium, disciplinam abiiecisti? Minimè. At hac omnia à Deo primum, à patriæ deinde legibus, & moribus, & institutis accepisti. Neque natura repugnare, neque patriam ledere, neque fidem frangere, quamvis omnibus iniurijs oneratus sis, unquam licebit. Imo vita tibi deferenda, & gravissima supplicia subeunda sunt potius, quàm fidem violes, aut officium prodas. Abiura fidem quantum voles: per-

Z Z s fidiam

L I B E R

fidiam tuam publicis literis contestare: insignem memoriam, sceleris infandi posteritati relinque: nullis tamen testimonijs numinis offensionem, & dedecoris sempiterni maculam vitare poteris. In eam tamen fraudem Magallanus impulsus fuit, ut arbitraretur, si publico testimonio fidem, & Regi, & patrie debitam ab iuraret, licere sibi fidem prodere. Id confestim exequi minimè dubitavit, & se continuo ad Carolum contulit, eumque admonuit, insulas, quas Malucas appellant, quae sunt ultra Auream Chersonesum constituta, ad limites Castelle pertinere, & ab Emmanuele Rege contra pactionem iam factam, usurpari. Ducebat autem secum Rodericum Falerium, qui se Astrologiae disciplinam tenere profitebatur, ut eandem opinionem in animo Caroli altius imprimeret. Anarus Costa, qui tunc legatus apud Carolum erat, Carolum adiit: necessitudines commemoravit, non esse illius amplitudine dignum, aures hominibus illius praeberet. Eadem namque vanitate & scelere, quo Regem optimum violarent, multa confingere. Proditorum nomen cum reliquis hominibus, tum praecipue Regibus esse detestabile & execrandum. Reges verò, qui illis fauerent, pestem alere, qua regium nomen ex hominum memoria deleatur. Carolus cum esset natura benignus ab hominibus illis audiendis deducebatur. Sed ab Hispaniae proceribus persuasus fuit, ne vilius affinitatis obtentu imperium amplificare negligeret. Itaque statuit naues Magallano, quibus aliam viam in Orientem aperiret, attribui. Foedere namque inter Regem Ioannem secundum, & Regem Fernandum facto, cum regiones, quas quilibet explorare, & debellare sine alterius

rius iniuria posset, definita sunt, statutum fuerat, ut Castellani non viam à Lusitanis factam, sed diuersam sequerentur: ut videlicet cùm Portugallenses ad Solis ortum, Castellani ad Occasum nauigarent, orbem marinum atque terrarum conficerent. Sic autē cuiuslibet parti liberum erat, cùm omnes maris atque terrarum tractus trecentis & sexaginta partibus definiti sint, centum & octoginta partes ad peruestigandum, atque debellandum sibi deponere. Limes erat Meridianus. Sic enim appellant lineam, à Septentrione ad Austrum in calo designatam: quæ a cùm Soleam attingit, meridiem hominibus sub ea regione consistens efficiat: quæ secundum longitudinem (sic enim spatium Orius & Occasu terminatum nominant) incutit sex & triginta gradibus Olyssipone distat. Error autem Magallani, & aliorum, qui vestigijs illius ingressi sunt, quo Malucas insulas adius Castella pertinere contendunt, à multis causis originem habuit. Primum quidem sic natura comparatum est, ut cùm primum aliquod iter incognitum habemus, quod non possumus certis montibus, aut anfractibus, & notissimis signis definire, multo longius nobis appareat: maxime verò cùm nauigamus, ubi neque montibus, neque vallibus, nec ullis certis notis possumus spatium finire. Deinde qui maria incognita nauigant, ut maius & admirabilius facinus se confecisse gloriantur, spatia multò ampliora faciunt, ut quasi ex alio mundo in hunc redierint ingentem admirationem efficiant. Accedit ut etiam ipsi vectores, cùm Astrologia imperiti sint, quamuis nullam vanitatem orationis adhibeant, fallantur, & cū varijs circumibus maria peragrent, rectum iter se tenere putent. Sic factum est,

LIBER

ut cum inter Indum fluvium & Gangem spatium decem graduum, qui circiter passuum millia septingenta conficiunt, interiectum sit, Ptolemaeus triginta gradibus spatium illud definierit. Vir enim doctissimus terras illas non lustraverat: quæ à viris fide dignis, imperitis tamen, acceperat, ea monimentis mandabat. Illi vero cum ab Indo ad Cori promontorium, quod in Austrum longissimo tractu procurrit, navigarent, & inde rursus in Gangem ad Septentriones cursum inflecterent, quasi recta via, aut paululum ad Austrum inflexa navigassent, itineris spatium metiebantur. Alia etiam erroris causa nostris obiecta est. Cum enim ultra promontorium Bonæ Spei, aliud promontorium, quod mitius in Austrum prominet, flectere secundis velis niterentur, se multo maius iter confecisse putabant, quàm propter maris impetum, naues in diversa iactantis, facere potuissent. Ea namque ora, quæ in illis regionibus ab Austro ad Septentriones pertinet, longissimo tractu protenditur. Venti autem, qui ab ortu Solis flant, sunt anniversarii, et statis temporibus valde vehementes. Æstus similiter, propter immensam maris altitudinem, Luna cursibus nimis obiectam, incitatissimi. Ergo cum fluctus ab ortu Solis ad oras maritimas Occidentis incredibili violentia contorti, & ab oppositis oris percussi, in Austrum, quæ facilior patet exitus, incitentur, & ex illo promontorio, quod diximus, in altum longius, quàm credi possit, excurrant, nostrorum in navigando cursum retardant. Quod nostri non intelligentes, existimabant, se multo maius spatium confecisse, quàm navigando transmiserant. Hec omnia nostris etiam eam erroris causam attulerunt, ut regionum terminos

minos satis imperitè designarent, & ad Ptolemai errata, alia etiam multa parum sapienter adiungerent. Hæc tamen controuersia inter Castellanos & Portugallenses hunc fructum Portugallensibus tulit, ut spætia multo diligentius explorarent. Hoc autem fieri commodè non potuit, nisi per Lunæ defectus. Cum enim Luna orbe pleno interiectu terræ, ut fieri necesse est, certis temporibus obscuratur, illa splendoris amissio non iisdem horis animaduerti potest: necesse namque est, cum citius in India, quam in Portugallia, quæ in occasum vergit, nocturna tenebræ sint, ut quamuis ille defectus uno tempore fiat, diuersis nobis horis appareat. Horarum igitur dimensione omnis controuersia tollitur. Qualibet enim hora quindecim gradus Sol progreditur. Obseruatum autem est ab hominibus peritissimis, qui à Petro Nonio Mathematicorum principe ad id diligenter instructi fuerant, sex horis ab Indi fluminis ostio, ad Olyssipponis urbis suum Solis cursum terminari. Horæ verò sex, gradus nonaginta conficiunt. Ab Indo autem fluuio ad ultimos Malacarum insularum terminos, qui ad orientem Solem spectant, duo & quadraginta gradus intersunt. Hos si nonaginta gradibus adieceris, centum & triginta duos efficies. Si verò sex & triginta gradus, qui Olyssipponæ ad Occasum secundum lineam illam meridianam, quam diximus inter Hispaniæ Reges fœdere definitam fuisse, ut Castellani contendunt, addideris, centum & sexaginta octo graduum summa fiet. Itaque secundum hanc computationem, adhuc Portugallensibus duodecim gradus explorandi restant qui possunt sine cuiusquam Christiani Regis iniuria à Portugallia Regibus occupari: tantum abest, ut Magellanus,

L I B E R

lanus, vel quisquam alius insulas illas iure atq; merito possit Castella Regibus adiudicare. Hac tamē controuersia non mediocres in Hispania tragœdias excitauit, usq; adeo, ut Reges optimos & cognatione, affinitate, & amore coniunctissimos, interdū at intestinam seditionem sollicitaret: quod totum ab improbissimi hominis scelere ortum habuit. Vt verò ad illum redeamus, cū Emma-nuel hominis scelus Coste literis accepisset, consilium habuit. Nihil tamē consilio conclusum fuit. Costa verò Magallanum ingentibus promissis onerabat, & interdum illum in sententia fluctuare cogebat. Cū tamen maiora sibi premia ex instituto scelere, quàm ex debita fide proponeret, aures Costæ promissis oclisit. Itaque negotijs cum Carolò ex animi sententia confectis, Magallanus & Falerius Hispaniam contendunt. At Falerium iam facinoris suscepti pœnitebat, & intra paucos dies mœstitia confectus, mortem obiit. Magallanus cū quinque nauium classe, & cum suprema necis atque vite in reliquos nauarchos potestate, x. die Augusti eiusdē anni soluit, ut terras atque regiones, quas neque viderat, neq; ab alijs exploratas audierat, sed suspitione tantū eas adiri posse consequutus fuerat, perlustraret. Sed nihil est tam arduum, quod non animus magnus desperationē stimulatus aggrediatur. Primum oram prouincie Brasiliæ præteruectus, ad Austrum ultra æquinoctialem plagam nauigauit. Cū verò mense Septembri, anno salutis, M. D. xx. tres & quinquaginta gradus, ab æquinoctiali regione ad Austrum nauigando, confecisset, frētū reperit, cui nomen Magallani impositum fuit, ut sempiternum monumentum facinoris extāret. Sed tantum frīgus Hispanos miseros excruciat, ut multi fœde perierint.

iderint. Fretum verò, ut fama est, quadraginta millia passuum in longitudinem patet. Fretum superato, rursus in aequinoctialem regionem, & in oceanum minus atque tepidius iter instituit. Varij interim casus hominem exagitarunt. Nam nauar, hic cum reliquis Hispanis ab illo deciscere voluerunt, & ei insidias intenderunt: & quidam ex illis capitali supplicio affecti sunt: & ipse tandem in insula, quam Matam appellant, cum opem Regulo, qui ab illo auxilium postulabat, attulisset, post bellum confectum, ab ipso Regulo occisus per insidias fuit, ut proditor proditori poenas eiusdem sceleris irrogaret. Due tantum ex illa classe naues (reliquae namque amissa fuerant) Tidorens, quae insula una ex Malucis est, peruenere. Una ex illis octavo de mensis Septembris, anno salutis. M. D. xxij. Hispaniam appulsa fuit. Alteram verò nauem, quia dissoluta compage aquam accipiebat, Hispani in insula subdita refecerunt. & onere accepto profecti, Septentriones versus iter susceperunt. Cum verò comitatus illos deficeret, & multi frigore interirent, retro cursum scelerare coacti sunt. Ad Malucas autem appulsi, intellexerunt Lusitanos in insula, quam Ternatem appellant, commorari. Itaque ad illos confestim mittunt, qui diceret, ut hominibus Hispanis, & eadem religione deuinctis opem in rebus desperatis afferrent. Nauem esse laceram, magnam partem hominum, qui ea vehabantur, absumptam, reliquos grauissimis morbis impeditos. Antonius Britius, qui iam insulis nomine Regis Emmanuelis imperabat, Garsiam Henricum cum nonnullis nauigijs extemplo misit. Ab his Magallani comites fuere continuo recepti, & singulari humanitate tractari. Nauis fracta fuit, & illi Lusitanis nautibus in Indiam, deinde

LIBER

deinde in Hispaniam rediēre. Hunc exitū classis illa pa-
rum felicem habuit. Sed ut ad ea, quae anno salutis. M.
D. xix. inciderunt, reuertamur, nono die mensis Fe-
briarij Aluarus Norogna, qui tunc Azamorae prae-
fectus erat, in eam Mauritania partem, quae Enxonia no-
minabatur, cum ducentis & triginta equitibus, & cen-
tum peditibus inuasit: hostes acriter prelio fudit, ducentos
atque decem captiuos abstraxit. Rursus vigesimo quin-
to die mensis eiusdem, octo & quadraginta passuum
millia progressus, in castra Nacerbenduma (is erat v-
nus ex Enxonia principibus) impetum dedit: duas illius
uxores, & duos filios, & unam filiam, & multos illius
cognatos, cum magna aliorum hominum multitudine
captiuos abduxit. Dum rediret, quidam Lusitanus e-
ques facinus inhumanum & barbarum edidit. Maura
quodam eleganti forma, quam Nacerbenduma filio suo
desponderat, armillis argenteis magni ponderis brachia
& suras ornarat. At Antonius Leitanius (sic enim eques
ille nominabatur) argenti cupiditate inductus, ut illud
facilius captivae detraheret, manus atque pedes misere
praecidit. Norogna illi multis male verbis accipit, argē-
to spoliatur, in custodiam tradit, & in Lusitaniam cum de-
decore redire compellit. Rursus vigesima die Martij, in
alias eiusdem provinciae turmas Norogna aciem eduxit.
In via camelorum turmam multis rebus onustam cepit,
deinde primis tenebris montis clium subiit, & itineris
ducem admonuit, ut eum aliqua via saxosa deduce-
ret, ne possent hostes illius iter ex equorum vestigijs a-
nimadvertere. Duabus deinde horis ad quietem da-
tis, postquam rursus omnes excitati sunt, triplicem aciem
instruxit, primam Antonio Lupio Siqueira, secundam

Iaco-

Iacobo Melio attribuit, tertiam, in qua erat maior militum numerus, sibi reseruauit. Ad hunc modum silenti agmine profecti, in turmas hostium ex improviso impetum fecerunt, easq; in effusam fugam compulerunt. Trecenti tamen & octoginta duo capti sunt, et praeda ingens abacta. Hostes sublato signo conueniunt, & auxilijs vndique influentibus exercitus non mediocris efficitur. Nostri ordine regrediuntur. Sed cum Maurus quidam ex foederatis, vir sanè fortis, nomine Zale Bembarqua, in nostrorum conspectu pulchrum aliquod facinus edere statuisset, solus in hostes impetum tulit. Norogna continuò, vt illi subuehires, aciem in hostem direxit. Primo impetu triginta ex hostibus cæsi sunt, et vnus vir primarius captus est. Reliqui eorū, qui cecidère, casu perculsi, substiterunt. Norogna eorum impedimento liberatus, Azamore exercitum ordine reducebat. Fluius erat vado trāseundus. Is vbi vado appropinquauit, nè pecorum multitudo ordinem perturbaret, & transitum impediret, magnā illius partem Mauro cuidam foederato donauit. Transmisso cum omni reliqua præda vado, duabus horis in hostium conspectu, qui citra vadū restiterant, cum exercitu conqueuit, & epulatus est. Expectabat autem, an hostes vellent vadum pugna capessenda gratia transire. Cum illi id facere noluisent, Azamore exercitum cum reliqua præda reduxit. Rursus xx.v. die mēsis Martij, cum alias turmas hostium adoriri statuisset, in Mauros palantes incidit: quinquaginta cepit: reliqui in fugam versi, illius aduentum per omnia compita & mapalia nunciarunt. Multi continuò confluerē: & Norogna, nè cum tanta multitudine manum conferere cogeretur, Azamore cum captiuis reuersus est. Vigesimo autem octauo eiusdem mensis die copias e-

L I B E R

duxit, quibus quasdam turmas hostiles inopinantes aggrederetur. Sed cum in via prater opinionem in magnum equitum numerum incidisset, Lansarotem Freitam cum equitibus sexaginta premisit, qui in hostes impetum ferret: ipse cum reliquis subsequutus est. Fit atrox pralium: ex hostibus multi cisi: sexaginta capti sunt. reliqui sese effusa fuga ab imminente clade proripuerunt. Inter captiuos fuit dux quidam eximius, Arhagus nomine, qui cum centum annos natus esset, omnia militia munera diligenter administrabat. Trigesimo die mensis eiusdem Norogna, cum otium ferre non posset, oppidum muris munitum, quod Sinner appellabant, improviso adortus est, illudque vi cepit: reliquam pradam Mauris foederatis concessit: ipse Azamorem trecentos & quinquaginta & octo captiuos abduxit. Nec ipse solum hostes crebris excursionibus fatigabat, sed duces reliquos otio torpere non sinebat. Itaque Vasum Fernandium Casarem, antesignanorum ductorem, cuius virtuti plurimum confidebat, in varias partes mittebat, ut hostibus quantam maximam posset perniciem inferret. Is eo tempore primum quidem cum indicio cuiusdam captiui percepisset, in loco, quem Fornignum appellant, equitum turmam, ut fruges incenderent, coactam esse, in eam inuasit: nonnullos occidit, reliquos in fugam coniecit, ducem viuum cepit. Cum vero Norogna accepisset, in agro oppidi Tilensis magnam hostium multitudinem versari, ut inde in segetes irruerent, & nostros, qui in campo vagabantur, inopinato aggrederentur, in eos eundem Casarem immisit. Is cum impigre imperata conficeret, equites non inuenit: cum peditibus acre certamen iniuit, qui fortissime restiterunt. Omnis enim eorum salus in virtute consistebat. Nec enim poterant pedibus equites insequentes effugere.

re. Cum tamē multi cecidissent, reliqui in templum quod-
dam quod prope eum locum situm erat, cōfugerunt. Ibi cō-
globati sese animo maximo tuebantur. Sed tandem Cēsar,
gradibus maxima contentione superatis, primus ascendit:
deinde Frāciscus Vascius speculator: teri^o fuit scriba qui-
dā, cui nomē erat Frāciscus Rodericus, Rēliquis animus ad-
ditus est, vt idem facerent. Itaque in supremam templi cō-
tignationem subeuntes, in hostes irruunt. Cēsar vnū ex ijs,
q̄ acrius resistebant, cōplexus, è summo precipitauit. Tanta
verò pertinacia decertatum est, vt nullus ex hostibus eua-
serit. Neque solum gladijs & pugionibus, verum & lacer-
tis cum multis arctissime vincirent, eos in terram è sum-
mo detrudere contendebant. Hoc pralium quamuis pro nu-
mero militum exiguum videretur, victoribus tamen in lau-
de non mediocri positum fuit. Erant enim hostes fortissimi,
& cum maxima pertinacia è loco superiore resistebant, &
in vltimo discrimine constituti, nullus eorum in deditionem
venit. Omnesq; tandem in vestigio mori, quam in seruitu-
tem abduci maluerunt. Cēsar paucis pōst diebus ab Em-
manuele accersitus fuit, vt cum classe Gaditanum fretum
tueretur. Vmbre oppidum est Enxoniense, in edito lo-
co situm, muris, & mœnibus, & propugnaculis munitum:
quod Azamore octo & viginti millia passuum distat. In-
mam vallem fluuius praterfluit, vnde collis in oppidum
valdè acclius assurgit. Hoc oppidum Norogna ex im-
prouiso capere summè concupiuit. Itaque decimo die
Aprilis eiusdem anni in oppidum inuadit: minoribus tor-
mentis propugnatores exturbat: scalas muris admouet,
mœniaque diu totis viribus oppugnat: oppidani summa
contentione resistunt. Cum autem Norogna se frustra
eo genere oppugnationis vtī conspiceret, aliud excogitauit,

LIBER

Viros acerrimos elegit, qui cum securibus, quamuis maximum periculū ē mœnibus immineret, in portas inuaderent. Hi neque saxis, neque misilibus impediri potuerunt, quominus fores cardinibus euulsas introrsum impellerent. Hoc enim Norogna praeceperat, ut cardines tantum, quo citius opus absoluerent, securibus excindere conarentur. Aditu in oppidum patefacto, nostri confestim irrumpere conati sunt. Hostes conglobati acriter et diu resistunt. Nostri cum magna hostium cade tandem ingrediuntur. Hostes verò se se per cliuum deiciunt, & fluuium petunt: multi cum per cliuum precipites ruerent, dilacerati sunt. Magnus hostiū numerus cæsus fuisse dicitur: ducenti quinquaginta & sex capti, ē nostris decem tantum vulnerati fuerunt. Norogna re benè gesta (nec enim oppidū prasidio munire, sed hostes exterrere decreuerat, ut intelligerent, nullum sibi locum, quantumuis egregiè munitum, periculo vacuum fore) copias in urbem integras reduxit. Rursus octauo die mensis Octobris, ut Allimaimonis (erat autem is insignis inter Mauros dux) turmas opprimeret, egressus est. Sed cū alios Mauros obuios haberet, quos captiuos duxit, & intelligeret, se hostes iam fallere nullo modo posse, regredi mature constituit. Rursus decimo quarto die speculatum misit, ubi duces quidam, qui camelorum turmam, quæ Sasinio Azamorem agebatur, ceperant, & quendam primarium virum ex Mauris fœderatis in seruitutem abduxerant, castra posuissent. Speculatores tres Mauros capiunt, quos ad Norognam perducunt. Illi nunciant, castra hostium quatuor & quadraginta passuum millibus abesse. Is nullam moram interposuit, quin ad illos de nocte contenderet. Sequenti die se in latebras coniecit, ne ab hostibus sentiri posset. Inde primis tenebris profectus, Tamarochium iter direxit.

rexit. Prope namque oppidum illud hostium castra posita audierat. Ibi triplicem aciem instruxit, & singulis ductibus, quid fieri ab vnoquoque vellet, imperauit. Deinde explorato cum incredibili celeritate in hostes inuectus est, & eos incautos oppressit, & illis partim caesis, partim in fugam compulsis, castrorum partem diripuit, praedamque pecorum, & armentorum, & camelorum, & equorum, cum ducentis & quinquaginta captiuis abduxit. Ne verò nostri nimia praedandi cupiditate dissiparentur, et interim ex omni vicinitate maxima subsidia, ut fieri solet, hostibus aduenirent, receptui signum dedit. Media nox erat, cum copias suas à castris hostium reuocauit. Hostes interim vndique prouolant, & quae cuique tela fors offerebat, festinanter arripiunt: atque primum fustes, lapides, atque missilia torquentur tanta vi, ut maximum nostris damnum inferrent. Duabus horis acerrimè dimicatum fuit. Interim prima luce nostri, quanta esset hostium multitudo, clarè cernunt. Tum Norogna suos rursus instruxit, & verbis ad certamen acrius ineundum excitauit. Et cum ex equo desilisset, quem lassitudine confectum esse sentiebat, in aliam conscendit. Res iam non lapidibus & missilibus, sed hastis & gladijs acerrimè gerebatur. Is autem sensim ordine minimè perturbato cedebat, & interdum aciem in hostes conuertebat, ut eos ab insequendo retardaret. Cum verò in hostem, nimis in laceffendo pertinacem, equum calcaribus admotis concitaret, illum hasta transfixit. Sed cum ex hostis strati corpore hastam extraberet, fuit secundum galeam tam graui plaga percussus, ut ex equo omni sensu prorsus amisso decideret. Vascus Fernādius Caesar, qui iam propter anni tempus ex classe redierat, subitò accurrit. Alius item vir fortissimus, nomine Marti-

LIBER

nus Egidius, cū alijs nonnullis opem festinanter attulit. Hi
tātiſper hoſtium impetū ſuſtinuerunt, dum Norogna ſuo-
rum auxilio recreatus, ſenſum paulatim reciperet, & in
aliū equū, quem ei famulus illius obtulerat, aſcēderet. De-
inde poſtremū agmen Ioanni Freita, & regio procuratori
commiſit: ipſe in primum agmen cum regio ſigno ſe contu-
lit. Erat enim viribus deſtitutus, qui ſus poſſet in agmine
poſtremo hoſtibus, qui noſtris acriter inſtabant, obſiſtere.
Qui erant in poſtremo agmine res memorabiles effecerūt.
Nec enim ſolū pralijs molem inuidto animo ſuſtinebant,
verū & multos interimebāt. Sole exorto, hoſtes grauius
noſtros premebāt, et noſtri viciſſim multo acrius repugna-
bant. Noſtri tamen ſine vlla perturbatione prædam inuitis
hoſtibus Azamorem perduxerunt. Ex hoſtibus ducēti caſi
ſunt. E noſtris nemo deſideratus fuit, quam uis multi vul-
nerati, & debilitati, & quidā etiam membrīs capti è præ-
lio diſceſſerint. Fuit hoc facinus memorabile, quod magnū
hoſtibus metum iniecit. Aluarus enim Norogna cum ducē-
tis & quinquaginta tantū equitibus, & triginta quinque
peditib. ex vrbe egreſſus fuerat. Mauri Enxouieſes quin-
gentos equites, & magnum peditum numerum contra no-
ſtros eduxerant. Et quia primū ab hoſtibus lapidibus cer-
tatum fuerat, euenit, vt nomine lapidum diu celebratum
factum illud extiterit. Lapide am namq; eam hoſtium in-
cuſionem milites appellabāt. Hoc factio multi ex hoſtibus
pacem petiēre, et ſe ſub Emmanuelis imperium ſubdidēre.
Ioannes Coutignus ſub id tempus cū in pagum maximū,
in quo fortiſſimi equites habitabant, inuadere ſtatuiſſet,
ab Odoardo Menefio auxilium poſtulauit. Is illi centum
equites miſit. Eorum dux Andreas Henricus extitit. Cou-
tignus primis tenebris egreſſus, ductoris inſcitia nequiu-
it in

in pagum, nisi clara luce, peruenire. Sed cum fama præ-
cessisset (non potuit enim tanto silentio acies educi, ut non ho-
stiles, quod intenderent nostri, ex his, qui in agro vagabantur,
explorato cognoscerent) Coutignus pagum prope desertum
reperit. Maxima enim pars incolarum diffugerat. Illi ta-
men qui restiterant, acriter repugnauerunt. Sedecim ta-
men cæsi sunt, quatuor & quadraginta capti. E nostris tres
ceciderunt. Coutignus inde cum præda commodiore via se
recipere maturauit. Illa autem via, quam reliquit, Pe-
trus Lupius Azenedius cum equitibus septem veniebat. Ho-
stes verò, auxilijs vndique subito accitis, in septem illos ir-
ruunt, & primum Aluarum Vascium Tauirenses occi-
dunt, deinde Azenedium illi subsidio celeriter occurren-
tem interimunt: & famulus quidam illius, dum patronum
tueri contendit, similiter occumbit. Gasparem quoque Cu-
gnam tribus iaculis hostes configunt. His cum opem ante-
signanorum ductor asferre voluisset, equus illius confossus
fuit, ipseque summum vitæ periculum adiuit: filius eius duo-
bus in se iaculis emissis grauissimè vulneratus fuit. Erat
locus angustus, quem hostes petebant, ut nostris exitum in-
tercluderent. Eum locum ut primus occuparet Coutignus,
ea via, qua iter faciebat, accelerauit. Ibi eos, qui ab ho-
stibus se recipiebant, excepit, & sagittarijs oppositis, ho-
stes aliquantulum ab insequendo retardauit. Angustia
fuerunt cum maximo labore, & ingenti periculo supe-
rata. Coutigno, postea quam ex eo loco egressus fuit, ex-
ploratores renunciant, incredibilem hostium multitudi-
nem aduentare, ut iter illius impedirent. Is cum hunc nun-
cium acceperisset, multò celerius copias cum præda non
magna domum reduxit. Multi quidem ex hostibus ce-
ciderunt: ita namque nostri eorum impetum sustinebant, ut

LIBER

multis necem afferrent: periculum tamen fuit grauissimum. Parum enim absuit, quin Coutignus ipse cum omnibus suis copijs interiret. Non multis post diebus Emmanuel Mascaregnas à Ioanne Coutigno sexaginta equites postulauit, quibus excursionem, quam animo destinarat, faceret. Cum his copijs egressus, in fluuium, quem Benamarensem appellant, iter instituit. Eo deinde transmissio, montem subijt: et cum Sol in occasum vergeret, cum non mediocri prada, & quinque tantum captiuis domum redibat. Cum verò ad pagum, quem Benamarensem appellant, in ipsius montis lingula situm accederet, hostium concursus vndique fit. Mascaregnas paulatim cessit, atque tandem substitit, vt eos, qui nondum se receperant, expectaret. Interim centum sagittarij cetrati cum nonnullis equitibus conferti constiterunt, et vim sagittarum in nostros im miserunt. Hic Petrus Menesius itineris dux Mascaregnam admonuit, vt boues, & pecorum greges cum praesidio in fluuium pramitteret. Hostes enim ripam molibus obiectis munire conari, vt transitum impedirent. Mascaregnas decem equites cum prada in fluuium misit, quibus curam dedit, vt hostes opere prohiberent. Id vbi hostes conspicati sunt, multo acrius insistere. Tum Menesius, praelium, inquit, vitari non potest. Hic enim, aut in fluminis ripa necessario committendum est. Quocirca censeo, vt hic potius in loco liberiori, quam in fluminis transitu praelium ineas. Sententia, inquit Mascaregnas, placet. Agite commilitones: instate. & cadite. Hac vbi dixit, equum incitauit. Cum verò equus esset summa pernicitate, factum est, vt solus, antequam eum quisquam consequi posset, in hostes irrueret, et vnum equitem ex equo deturbaret. Hostes in illum repente in festis hastis inuecti sunt. Arma fuerunt impedimento, quominus

occum-

occumberet. Equus tamen occisus fuit. Petrus Menesius, et Antonius Coutignus, & Ludouicus Valès, primi, ut Mascaregnam ex circumfufis hostibus eriperent, equos incitârunt. Tum reliqui tanto impetu in hostes inuaserunt, ut aciem continuò dissiparent. Sex & septuaginta occisi sunt, & quadraginta duo capti. E nostris nemo desideratus est: multi tamen vulnerati sunt. Paucis pòst diebus Rex Fessensis cum tribus equitum millibus in Arzilensem agrum inuasit. Nihil eo die memoria dignum, vel ab illis, vel à nostris gestum est, nisi mors Arroazij, viri fortissimi, cum quo Emmanuel Mascaregnas congregi cupiebat. Is tunc Habrahemi latus claudebat, cū vnus ictu pila plumbea, quam sutor quidam, qui cum fistula ferrea ex equo depugnabat, emiserat, concisus occubuit. Similiter & sutor alia pila ab hostibus percussus, non sutoris, sed egregij militis mortem obiit. Hostem enim strenuum, qui multis Christianis necē attulerat, interemit. DVM hæc fiunt, Nonius Mascaregnas, Sasinienfis vrbs præfectus, pace, quam cum Garabiensibus Mauris fecerat, valdè fretus, nihil in illos hostile moliebatur. Cùm verò accepisset eos à fide descivisse, id minimè ferendum esse decreuit, Duo verò Mauri Garabienses illi fidem dederunt, se Ducem Fessensis Regis, qui Garabienses ad defectionem sollicitârat, occisuros. Eos non magnis muneribus Mascaregnas (gens enim est natura venalis, & ad facinus scelestum propensa: et ita fit, ut mediocri mercede operam suam locare solita sit) ut in promissis manerent, confirmavit. Itaque & sponte sua, & muneribus allekti, Ducem interfecerunt. Garabienses sedes commutabant, & sibi valdè metuebant. Occiso verò duce, cuius virtute & consilio nitebantur, pacem à Mascaregna postulârunt, & tamen illius obedientie pretium aliquod

LIBER

petierunt. Respondit Mascaregnas, nō mediocre officij præ-
tium esse, liberam agrorum colendorum facultatem. Hoc
responso minimè cōtenti, cum Mauro, Oleidambramo no-
mine, fœdus percutiunt. Deinde cū prope salinas castra
ponerent, Dabidenses, qui tunc in fide permanebant, acri
bello vexabant. Dabidenses Mascaregna nunciant, hostes
in eos die præstituta cum magnis copiis impetū facturos. Is
ducem antesignanorū cum equitibus septuaginta, & Zai-
dem cum Maurorum acie illis subsidio misit. Hostes cū
Lusitanos aduenisse cognoscerent, & suspicarentur Mas-
caregnam adesse, congressum illius formidantes se rece-
perunt. Dabidenses in illos inuecti sunt. Hostes cū valdè
premerentur, acie in Dabidenses conuertunt, quatuor in-
terimunt, reliquos cedere cōpellunt. Sed cū aliquot è no-
stris subsidio venirent, hostes repressi sunt. Sic tūc non ma-
gno vtriusq; partis incommodo præliū dirēptum fuit. At
Mascaregnas, cū post hoc prælium per exploratores cer-
tior factus esset, omnes copias Garabieneses ad salinas ca-
stra locauisse, neq; procul inde Oleidambramensem exer-
citum constituisse, ducētos & quinquaginta equites, & cē-
tum & viginti pedites cum scorpionibus & ferreis fistulis
eduxit: & septem equites Dabidenses voluit secū ducere,
ut testes essent pœnarum, quas à Garabienensibus expetere
statuebat. Quarto die Nouemb. huius anni, qui fuit. M. D.
xix. post meridiem Safinio profectus est. Cū verò viginti
quatuor millia passuū progressus esset, conqueiuit. Castra
duodecim passuū millia aberant. Noctis igitur silentio pro-
fectus, cū primum diluxit, acies duas instruxit: primam
antesignanorum ductori assignauit, secundam ipse duxit.
Itaq; duabus partibus castra tanto impetu est adortus, ut
omnia terrore, & trepidatione, atq; cade compleret. supra
trecent-

trecentos hostes caesi sunt: capti centum & septuaginta & sex. Hoc metu coacti plerique sunt pacem rursus petere, & tributum, ut antea soliti erant, persolvere. Cum tamen non omnes ad Emmanuelis nomen adiungi vellent, sed Xerifi perfidio freti, agros colerent, qui quadraginta quatuor millia passuum Sasinio aberant, eos Mascaregnas etiam domare constituit. Locus, quem sibi ad habitandum delegerat, Mizquella nominatur. Ne autem foederati, qui in Sasinienfi agro castra fixerant, fidem frangere, & cum hostibus coniungi possent, expectavit diem, in quo mercatus more solito erat constituendus, in quem multi foederati conveniebant. Cum primus mercatus dies advenisset, is Maurorum principes, tamquam obsides, domi per speciem humanitatis, quasi aliud ageret, sine offensione retinuit. Et ne indicia rei vilius fieret, portas occludi iubet. Itaque primis tenebris cum equitibus ducens, & sexaginta peditibus profectus est. Cum vero octo millia passuum processisset, quatuor equites speculatum misit, & locum in quo eum convenire cum indicio essent, illis assignavit. Aliquot autem horis ad quietem datis, milites excitavit, & montes, & inuia peragravit, ne vestigiis posset quispiam, quo ille intendebat, conjectura prospicere. In nemus autem densum prope fluvium, Iolgum nomine, abditus, iterum cum exercitu conquevit. Vbi vero Sol occidit, rursus iter institutum tenuit, donec ad templum Mahumetanis institutis dedicatum pervenit, quod iusserat, ut speculatores convenirent. Ibi nemini propter metum leonum, quorum maxima copia in illis locis erat, dormire licuit. Septima ferme noctis hora, speculatores venerunt, atque renunciaverunt, hostium castra inde passuum viginti millibus abesse. Mascaregnas viginti pedites, qui lassitudine confecti, gradum facere nequibant, & equites decem, qui-

LIBER

quibus nō valdè confidebat, in illo tēplo reliquit: reliquos pedites iussit post ephippia, equorum tergis insidere. Iam tenebras aurora dispellebat, cū ad locum, in quo castra hostium posita fuerāt, peruentum fuit. Blasius Syluius, qui primum agmen ducebat, cum centum equitibus, vt fuerat à Mascaregna iussus, in vallem descendit. At cū illi, qui cum Syluiō ibant, agmine simplici, gradum celerius, quā par erat, inferrent, & vnus ex postremis ex equo decidisset, quindecim, vt illi opem afferrent, substiterūt. Deinde cū Syluium sequi vellent, & is iam se se longius ab eorū conspectu remouisset, viam, quā in collem ferebat, tenuerunt. At Mascaregnas eorum vestigijs institit. Existimabat enim Syluium, ed fortasse, quod audisset hostes locum mutasse, in eam viam ingressum fuisse. Qui in collem primi ascenderant, ingentem clamorem atq; tumultum in valle sublatum auribus acceperunt. Quidnam autem sibi faciendum esset, explicare non poterant. Vnus ex eis à reliquis ad Mascaregnam missus, & errorem aperit, & quid illis faciendum esset, interrogat. Mascaregnas accelerauit, & Syluium iam pralium cum ijs, qui erant in valle, commississe, clarissimis argumentis accepit. Tres maximæ turmae in colle castra posuerant, & duæ similiter in valle tabernacula collocarant. Mascaregnas cū ed iam peruenisset, veritus, ne si opem Syluiō inferre vellet, hostes à tergo vehementius instarēt, nihil existimauit cōmodius fore, quā proximis hostes aggredi, vt his deuictis, tutius posset Syluiō opitulari. Itaque pralium acriter iniuit: multos occidit, viuos septuaginta cepit. Pecora & armenta, quæ iter impediebant, ferro concidere iussit, ne quid obstaret, quo minus subsidio suis occurreret. Hostibus ad hunc modum eaparte deuictis, Mascaregnas in vallem descendere festina-

stinabat. Sed qua parte nostrorum vestigia ferrent, ignorabat, & hostes è fugare deuntes, qui postremum illius agmen carpere contende bant, illos impediabant, ne regiones agnoscerēt. Sed cū clamores in calum sublatis ad aures hostium. qui nostros in sequebantur, perucnirent, illi, vñ suis opem ferrent, accurrunt. Mascaregnas id, quod erat, suspicatus, iter illud idem suscepit. Syluius rem præclare gesserat, multos occiderat, prædam ingentem è castris eduxerat. Sed hostes à timore refecti, cum multis equitibus valde strenuis, qui eò clamoribus excitati confluxerant, cum acriter vexabant. Mascaregnas viginti equitibus, & quinque præterea militibus cum scorpionibus, & alijs quinque cum ferreis fistulis (hi homines ex equis sagittas et glādes iacebant) & fœderatorum Maurorū subsidijs, vt gradum celerius inferrent, imperauerat. At hi Syluium, & omnes, qui eum sequuti fuerant, hostibus circumuentos inueniunt. Sexaginta tantum equites Syluiū stipabant. Reliqui enim abire cum præda iussi fuerant. Eo tempore iam Syluius tribus magnis vulneribus sauciatus erat. Garsias Decius totidē vulnera acceperat, & equus etiam illius vulneratus fuerat. Aliquot viri nobiles, quorum equi fuerāt occisi, pedibus magno cum periculo decertabant. Quidam Ioannis Magallani filius pedem hasta transfixum trahēbat. Franciscus Nouius letali vulnere percussus erat. Antesignanorum ductor non leuiter sauciatus in prælio versabatur. Quidam Mascaregna famulus Maurum fortissimū aggressus est, qui certamen minimè recusauit. Sed cū libenter alter alteri coniungeretur, ita copulati sunt, vt nec hastis, neq; gladijs vti possent. Lacertis acerrimè decertarunt: Vterq; enim eorum hostem ex ephippio detrudere conabatur. Ambo tandem in terram brachijs artissimè colligati

LIBER

ligati conciderunt. Alij multis erant vulneribus concisi, & res in vltimum discrimen adducta. Nostri tamen, nè inulti morerentur, operam strenuè nauabāt. In hoc stature erat, cū subsidia venerunt. Quibus nostris animus additus est, & hostes illis aliquid laxamenti dederunt. Itaq, liberius cāpo magis aperto depugnabant. Mascaregnas cū periculum, in quo nostri erant, animaduertisset, accelerauit. Mauri cū illum agnoscerent, multo plus, quā antea fecerant, de pugnandi contentione remisērunt. Mascaregnas cū iam liberum iter asspiceret, ordine suos reduxit. Hostes à tergo ferociter instabant. Sed cū ordo minimè turbaretur, & quoties nostri in illos equos conuerterent, graue damnum acciperent, nihil minis et ferocitate iuuabantur. Locus erat syluestris, & aditus per angustus, & loci frequentes, arcti, & confragosi semitis imminebant. Has angustias hostes vt occuparent, summam celeritatem suscepērunt. At Mascaregnas cū ad illas angustias ventū fuit, aciem ex vtraq, parte scorpionibus et fistulis muniuit. Cū aliqui ad hunc modum sagittis & pilis icti concidissent, reliqui nostros insequi destiterūt. Hoc facto, vt vulnerati curarentur, diligentia summam Mascaregnas adhibuit. Deinde paulatim, nè vulnerati grauius affligerētur, ad Diucem fluuiū peruenit. Sequenti die Sasnium cum captiuis & ingenti prada, cū sol in occasum precipitaret, ingressus est. Ex hostibus centum & quinquaginta ceciderunt. Cū enim non liceret propter itineris longinquitatem eos insequi, factū est, vt nō multo plures occūberent. E nostris Franciscus Nouius in itinere è vulnere, quod acceperat, mortem obiit. Sex dies Mascaregnas in hoc facto consumpsit, quod ingentem hostibus terrorem praeiuit. Iam neq, munita propugnacula dicebāt, neq, itineris magnitudinem

dinem eos ab imminemibus dies atq; noctes cladibus tutari posse. Nihil enim esse, quod hominē audacia summa praeditum, & in rebus gerendis industrium, & admirabili sagacitate & astutia confirmatum, ab hostibus perpetuò vexandis retardaret. Itaq; pacem petunt, imperiū accipiunt, obsides dant, & tributū sine recusatione persolūt. Hæc in Aphricagerebātur. In india verò anno insequente Iacobus Lupius Siqueira, qui Suario successit, magnā classē, ut in Arabicum sinum penetraret, instruxit. Classis erat nauū viginti sex. Milites Lusitani duo mille, & Indi mille. mense Februario Goa soluit. Alexium Menesum, qui Indiam interim gubernaret, Goa reliquit. Antonium autem Saldagnam cum quinq; nauibus antè pramiserat, ut in Zacotora, quid in rubro mari gereretur, exquireret. Eundē verò Saldagnam non procul à Guardafumensi promontorio offendit. Quo in loco Petrus Vascius Vera, quem Snarius inde ad Emmanuelem miserat, ad illum venit. Ab Emmanuele namq; in eum locum redire iussus fuerat, in quē sperabat Siqueiram ea opportunitate temporis adfuturum: quod eum minimè sefellit. Vera literas ab Emmanuele ad Siqueiram deferebat, quibus illum, ut Arabicum mare teneret, stimulabat. Aquatione in Metensi portu, qui est in Aethiopiæ littore, facta, in Arabicum mare cursum direxit. Navis illius in cursu fracta fuit. Omnia, quæ illa vehebantur, præter homines, hausta sunt. Siqueira in nauē, cuius præfectus erat Petrus Faria, transcēdit. Cū in ostium sinus Arabici penetraret, aduersis tēpestatibus impeditus, Iudā, quod intendebat, deferri nō potuit. In insulā, Mazuā nomine, de cōmuni omnium sententia subuectus est. Ea insula Aethiopiæ intimis littoribus adiacet, & ad ditionem Regis Aethiopiæ, qui Matthæum legatum ad Emmanue-

LIBER

nuelem miserat, pertinebat. Incola classis formidine perterriti, in continentem traiecerant. Est in continente oppidum, Archiquum nomine, quod se contulerat. Siqueira insulam petierat, ut inquireret, utrum Matthaeus verus legatus Regis extiterat, an, ut Alfonsi Albuquerque inuidi confirmabant, vaniloquus, & prestigiator esset. Archiqui Praefectus cum accepisset classem Lusitanam esse, Siqueira per literas humanissime salutauit. Sequens gratias ingentes DEO agere testificatus est, quod antiqua prophetarum oracula euentu felicissimo comprobaret. Hoc enim à viris olim diuinis, qui in regionibus illis maximum admiranda virtutis specimen dederant, praedictum fuisse, fore, ut eo tempore Christiani, terrarum & marium interuallis disiectissimi, in eas oras classe peruenirent. Siqueira nuncios benigne accepit, & bombycinis vestibus ornauit: ad Praefectum verò misit vexillum sericum pulchre factum, in quo rubra crux erat intertexta. Praefectus cum signum praeferi accepisset, in littus accurrit. Supra duo hominum millia cum illo venerunt: qui omnes cum signum Crucis in vexillo vidissent, in terram se proiccerunt, & CHRISTI nomen cum admirabili pietatis studio saepius inclamauerunt, ita, ut Lusitani, qui aderant, lacrymas tenere non possent. Praefectus tandem in littus peruenit, & eo Siqueira se contulit, & Matthaeus simul aderat, qui fuit ab omnibus cum eximia gratulatione & honoribus summis acceptus. Post colloquiū Siqueira cum Matthaeo in classem redijt. Inde Petrus Gomezius Teixeira, qui iuridicundo cum non mediocri integritatis laude praeerat, Siqueira permissu aliquot passuum millia progressus, ad monasterium magnum peruenit: & à monachis cum admirabili significatione caritatis exceptus fuit. Is mira de illorum religione & abstinencia me-

mora-

morabat. à quibus tamen sciscitatus est, cur non Ecclesiam Romanam, quæ summum in vniuersa Repub. Christiana principatum tenebat, agnoscerent. Respondent illi Pontificis maximi nomē, vt par erat, debita pietate venerari: sed quò minus Romā liberè commearēt, Saracenorum et Turcarum armis impediri. eo tempore, quo Siqueira in insula commoratus est, insulā perlustrauit, & cisternas aquationis faciendæ gratia diuisit, & locum, in quo arx commodè adificari posset, designauit. Sed nec vllus locus erat satis idoneus, & munitiones, quas naue sua ad arcē muniendā deportabat, naufragio perierāt. Portus est optimus: sed solum macrum & sterile, & aquæ summa penuria. Ambitus verò insulæ octo millia passuum non continet. Archiqui Præfectus ad Barnagasium (sic enim Principē, qui regionē illam nomine Regis moderatur, & ab hostium incursione defendit, appellant) literas statim dedit, quibus nostrorum aduentum nunciabat. Is sine vlla mora magna equitū & peditum multitudine constipatus aduenit. Siqueira in terrā descendit, & suos instruxit, & paululum à littore digressus, Barnagasium expectauit. Is vicissim ducentos equites, & duo millia peditū ad ictum sagittæ ordine constitui iussit. Ibi prope litrus alter alterum humanissimè cōplexus est. Multis deinde verbis vtrò citrog³ habitis, dum quilibet eorum alterum amoris insiti testificatione superare nititur, & nomine Regis sui omnes regni pollicetur, bona diei pars consumpta fuit. Pace solenni ritu confirmata, Barnagasius in oppidum, Siqueira in classem se continuò recepit. Muneribus deinde vtrò citrog³ missis certatum est. Siqueira tandem à Barnagasio postulauit, vt legatum, quem Rex Emmanuel ad Regem Aethiopiæ mittebat, deducendum curaret. Barnagasius id Archiqui Præfecto commisit. Le-

L I B E R

gatus in Odoardi Galuani locum susceptus Rodericus Lini-
cus fuit: cui adiunctus erat sacerdos, nomine Franciscus Al-
uarius, qui librum huius legationis edidit. Matthaeus, cuius
iam fides erat vniuersa propemodum Athiopia testimonio
comprobata, cum illis simul ibat. Qui tamen cum circiter
septuaginta passuum millia progressi fuissent, in ceno-
bio, quod Bisam appellabant, mortuus est. Rebus ita consti-
tutis, Siqueira insulam Dalazam, quae à Saracenis cole-
batur, exussit: inde vela dedit, & Armuzium petijt, & in
Calaiatensi portu Georgium Albuquerqueium offendit: qui
cum veniret, vt fuerat iussus, in Guardafumense promon-
torium, & ibi Siqueiram minimè reperiret, Armuzium
versus cursum direxerat. Qua ratione motus Sequeira Iu-
dam non oppugnarit, incertum est. Siue enim semper ad-
uersa tempestas exitit, siue inutilem urbem illam Regibus
Lusitaniae fore statuit, siue quid aliud obstiterit, hoc certè
constat, classem illam tantis sumptibus instructam & orna-
tam hoc vnum tantum opus effecisse, vt Matthaei fidem
exploraret, & Lusitanum legatum in Aethiopia finibus, vt
ad Regem deduci posset à Christianis, exponeret. In Augu-
sti mensis exitu Siqueira in Indiā nauigauit: in cursu duas
Arabum naues cepit, classem ad Diu applicuit: & cum
intellexisset, urbem esse militum praesidio, & armorum, &
tormentorum multitudine egregiè munitam, et ipse clas-
sem quassatam, & copias imminutas duceret (magnam e-
nim illarum partem morbi consumpserant) quamuis in mā-
datis haberet, vt eam urbem oppugnaret, id nullo modo tūc
tentandum existimauit. Melichiazus aberat. Siqueira fi-
lium Melichiesagam per nuncios salutauit, & ab eo simili-
ter salutatus, & muneribus affectus fuit. Cochimum tandē
peruenit, vbi Georgium Brittiū offendit, qui hoc eodem an-
no

no Olyssipponē cum classe nouem nauium profectus fuerat. Ex classe Siqueira duæ tantum naues amisse sunt. Prima fuit prætoria, quæ ipse Siqueira vehebatur. Altera fuit triremis, cuius erat nauarchus Hieronymus Sousa: quæ cū demersa fuisset, vndecim tantum homines euaserunt, in quibus ipse Sousa fuit. Qui cū per orā Arabiæ pedibus quadraginta passuum millia confecissent, in oppidum tandem, quod ad ditionem Regis Armuzij pertinebat, maximo cū labore peruenerunt. Ibi ab oppidi Præfecto hospitaliter accepti, & vestitu culti, et pecunijs adiuti, et Calaiatem perducti sunt. Hoc anno res parua, si numerus militum censeatur, satis verò magna, si magnitudo animi, quæ perfecta fuit, pōderetur, apud Septā euenit. Duo pirata fratres, quæ Tetuanum incolebant, duabus longis nauibus quatuor iam annis Gaditanum fretum, & oram, quæ extra fretū in Austrum inflectitur infestam reddiderant. Septæ præerat Gomecius Syluius Vasconcelius. Vnus ex piratis inter insulas obiectas occultari voluit, vt inde in naues aliquot impa-tas inuaderet. Frater interim mare speculabatur, vt fratrē cū opus esset admoneret. Hoc cū Præfectus per speculatores exploratum habuisset, duas confestim celoces instruxit. Vni Andream Vasconcelium, alteri Michaelē Syluiū præfecit. Ambo erant illius filij. Locus, in qua Septa sita est, in mare procurrit, ita, vt ab ortu Solis sinum efficiat. Lingua igitur, quæ longius in altum excurrit, duos vrbis ipsius portus disiungit. Vnus enim ad Occasum, alter ad Ortum pertinet. Præfectus cū in eo portu, qui spectat ad Solis occasū, celoces cōparari iussisset, filijs præcepit, vt circuitu linguā superarēt, et hostes inopinātes aggredērētur. Michaeli verò, q̃ iunior erat, p̃cepit, vt prior in hostes incurreret. Dū verò vterq; se supra modū dicto parētis audientē

LIBER

præbet, ambo à parentis consilio deflexerunt. Iunior enim tanta celeritate celocem incitari præcepit, vt grandiores natu fratrem minimè expectandum arbitraretur: grandior autem frater lentius, quàm res postulabat, celocè remis impelli faciebat. Itaq; Michael Syluius in hostiū nauē magno animo inuasit. At hostes cū essent numero plures, & ex maiore naue cum minore decertarent, & dux acer, & animosus, & rerum maritimarum peritus esset, & milites exercitatos in nauem imposuisset, celocis congressum facile contemnebant. Hostes autem in celocè insiliunt: fit atrox prælum. Nostri tandem metu perturbati, sese in sentinam celocis abdunt. Præfectus cum certo equitum numero per oram, vt congressum cerneret, discurrebat. Cū verò celocem ab hostibus occupari conspiceret, alterum filium clamoribus & signis admonuit, vt fratri confestim opem afferret. Sed antequam is adueniret, Syluius hostes è celoce armis expulerat, & se ab hostili naue retinaculis sublatis disunxerat. Deinde eos, qui se occultarant, increpitos è latibus eduxit, & à metu refecit. Tum rursus in hostes inuasit. Nauibus autem arctissime colligatis, intermissa pugna recrudit. Celocis magister hasta confossus occubuit: quidā illius filius similiter occisus est, & item alius etiam magistro sanguine coniunctus. Alius, Petrus Vieira nomine, grauius sauciatus decidit. Quatuor hostes deinde in Celocis prorā repentè defiliunt. Michael Syluius hastam in eos magna vi coniecit. & vnum ex piratis natu maximum occidit. Ita namq̃ue Dei præsentis auxilio hasta directā fuit, vt guttur illius irāsuerberaret. Syluius deinde aliam hastam corripit, & in tres illos, qui adhuc Celocis prorā tenebāt, impetum tulit, eosq̃ue è celoce præcipites eiecit, & rursus se ab hostili naue seunxit. Tum in puppim excurrit, & de magi-

magistro quaesuit, quid faciendū censeret. Ignorabat enim magistrum esse extinctum. Tum ad Petrum Vieiram conuersus, horribilem speciem oculis vsurpauit. Iacebat enim Vieira concisus vulneribus, & ilia ventre discisso se effuderant: & tamen Syluius vt iunior natu maiorem, & in bellis exercitum interrogauit, quid optimum factū iudicaret. At ille, Abi, inquit, & eos, qui se rursus abdiderunt, è latibulis expelle, & remorum vehementi concitatione te, quando solus relictus es, ab imminente clade subtrahere. Is continuo rursus homines metu turpiter exanimatos è tenebris eduxit. At hostes cū cernerent alios interemptos, alios verò timore necis occultatos, alios postremò vulneribus impeditos, in celocem impetum fecerunt. Interim Andreas Vasconcelius apparuit. Hostes cū essent pugnando defessi, et ducem amisissent, & nostros integros aduentare conspicerēt, retro cesserunt. At Michael Syluius Vieiram rursus interrogat, num hostium nauem insequeretur. Vieira eum admonuit, vt ex alto in terram cursum dirigeret, vt hostilem nauem in vadum compelleret. Is consilio paruit. Hostes exterriti, nauem maxima remorum vi in aduersum littus impellunt. Et cū in mare desilirent, maxima eorū pars fluctibus hausta fuit: octo in terrā enatarunt, qui cū in Praefectum inciderent, ab illo capti sunt. Itaq; antequam Andreas Vasconcelius accederet, iā frater illius iunior rē totā confecerat. In quo nescio quid magis laudandum sit: virtus ne, qua vel solus, vel cū paucissimis, qui vulnerib. debilitati illum sequi minimè potuerunt, tam praesenti animo hostib. ferocissimis repugnauit: an modestia, qua in ea trepidatione nihil sine maiorum consilio moliri voluit. Non multis post diebus hostes se in vrbs conspectum dederunt. Gomecius Syluius in eos impetum dedit. Illi se fugæ mandarunt.

LIBER

Gomecius illos lōgo spatio insequutus est, donec ad fluuium
peruenit, quem hostes partim vado, partim nando trāsire.
Aliquot tamen ex illis cāsi sunt. Sed cūm Antonius Perei-
ra, vir apprimè nobilis, cum equo cecidisset, hostes (non-
dum enim omnes traiecerant) aciem in eum conuerte-
runt. Michael Syluius cum equitibus quinque subsidio cō-
festim occurrit. Hostes fœmur illius hastā transfixe-
runt. Sed cūm frater illius, & Petrus Men-
dexius, cum alijs nonnullis aduenis-
sent, hostes in fluuium se
demisere.

HIE-

HIERONYMI
OSORII SILVENSIS
ALGARBIORVM IN LV-
SITANIA EPI-
SCOPI,

DE REBVS EMMAN-
VELIS, LVSTANORVM RE-
GIS INVICTISSIMI VIR-
tute & auspicio gestis,

LIBER DVODECIMVS.



ACCIDIT hoc anno res, quæ cū
à non mediocri belli apparatu or-
tū habuisset, in risū cōuersa fuit.
Rex Fessensis cū esset vir bellico-
sus & impiger, & suos in armis
cōtinere statueret, crebras in no-
stros excursiones faciebat. Itaq;
hoc anno agrū Tingitanū popula-
tus est, & prædas non valdè magnas abegit. Et cū nemo illi
obuiā prodiret, Arzila contendit. Erat Arzila quidā ple-
beius homo, qui lento atq; diuturno morbo paulatim inta-
bescebat. Medici præceperant, vt testudinib. vesceretur. Is
propter probitatē erat carus vniuersis. Cū verò testudines
non haberet, cōquestus est, quòd vnico illo morbi remedio ca-
reret. Tū equites viginti operā suā ad eam rē polliciti sunt,
modò exeundi potestas illis à Ioanne Coutigno vrbis præse-
cto fieret. Coutignus eā facultatē nō grauātē concessit. Illi

Bbb 4

prodeunt,

LIBER

prodeunt, & in proximū fluuiū se conferunt: equis frena & ephippia detrahunt, eosq; capistris ad arbusa deligant, & hastas in terra defigunt. Tū omni metu soluti arma depōnūt, & omnes vestes exuunt, & toto corpore nudi in fluuiū se dimittunt. Erat autem aestus, & illi cum essent natandi studio dediti, tum vt calorem depellerent, multo libentius atq; iucundius natabant, & magnam interim vim aquatiliū teſtudinū manib. capiebant. Speculator quidā hoſtium, cum illos equites viginti egressos animaduerteteret, multo maiores esse copias arbitratus est, quā silēti agmine, vt fieri solebat, exirent, vt montes et syluas insiderēt, vt ex insidijs in hoſtes incautos impetum facerent; illos viginti, primum tantū agminis partē esse credidit. Id igitur ad Regē continuō detulit. Rex ducentis equitib. Hamelicē itinerum ductorē, eundē ipsum, qui nostros speculatus fuerat praefecit, eumq; iussit fluminis transitū, quā eos transmissuros opinabatur, obsidere. Alios ducentos equites Martino Abrahami auūculo, qui religionē Christianā abiurauerat (erat. n. Abrahami mulieris Christianae filius) assignauit, cū quib. eum alium fluminis aditū custodire praecipit. Hamelix omnes vias, quibus illos ingressuros sperauit, oculis perlustrauit: et cum nulla vestigia reperiret, in fluuiū Dulcē (sic. n. fluuius ille nominatur) se cōtulit. Nō potuit Hamelix tanto silēti acie ducere, quin ab Arzila speculatoribus cōspiceretur. Itaq; ingentis tormēti ictu, qui foras exierāt, admonētur, et qui in vrbe se tenebant, aris sonitu ad arma vocātur. At natatores egregij cum tanta animi relaxatiōe atq; iucunditate ludebant, vt vix poſſent vllō tormentorū strepitu de periculo, in quo verfabātur, admoneri. Piscatio n. felicissimē pcedebat, et alij in alios conuicia iaciebant: oīa clamorib., & risu immodico psonabāt, cū repētē hoſtes

appa-

apparent. Nostri hastas euellunt, & nudi in equos rudos insiliunt, et in urbem confugiunt. Hostes illos insequuntur. Nostri interdum ita nudi ut erant, in hostes equos conuertebant, & eorum impetum, ut poterant, repellebant. Vnus tamen ex equo decidit, Antonius Coutignus (is fuerat Sarracenus, & se ad Christi nomen & religionem aggregarat) ut equiti, qui deciderat, auxilium afferret, in hostem, qui reliquos antecesserat, impetum dedit, eumque ex equo deturbauit, sociumque iacentem manibus iuuat, ut facilius post se e qui eiusdem tergo supersederet. Ioannes Coutignus, ut fugientes exciperet, ex urbe cum instructis copijs egressus fuerat. Cum igitur agmen nudum cerneret, risu propemodum corruit. Deinde (erat enim urbanissimus) tam multa dicta dixit, & tam facetè in omnes ludit, ut omnes cachinnos tollerent. Factum verò Antonij Coutigni multis laudibus celebravit. Postremò autem adiecit, Ne commilitones nostri hoc cultu virginibus, quibus inseruiunt, offensionem inferant, par est, ut eos, antequam in urbem inuehantur, contegamus. Tum quilibet partem sibi vestium detraxit, qua sociorum corpora contegerent: & sic demum in urbem cum omnium incidentium iocis ingressi sunt. Hamelix cum casum illum Regi Fessensi nunciaret, magni illius & omnium qui aderant, risus consequuti sunt. Spolia deinde legit, nempe vestes, & parmas, & retia, frena, & ephippia, & vnum equum: & sic demum Rex ille Mauritania potentissimus, cum tam opulentis manubijs domum reuersus est. At Coutignus nudis vestem sumptibus suis praeuit, praecipue verò Antonium Coutignum munere donauit, & factum hominis publicè collaudauit, ut alios ad eiusdem virtutis exemplum acrius incenderet. Hamelix paucis post diebus Regis iussu, ut consilia nostrorum exquireret, Arzilam

LIBER

redijt, & fuit cum damno repulsus. Cùm rursus alia die excurreret, vnum speculatore cepit, ad Regemq; perduxit. Is cùm illū de oppidi statu percōtaretur, captiuus vrbe esse dixit armis & commeatu munitam, & militum acerrimorum virtute defensam, & ducis vigilantissimi custodia confirmatam. Tunc Rex vrbe se potiri diffidens, exercitum dimisit: & speculator intra paucos dies ipsius Præfecti pecunia redemptus fuit. Hoc anno Rex Emmanuel arcem in ostio fluminis, quod Tetuanū præterfluit, edificare constituit. Carolus Rex cùm hoc accepisset, Emmanuelem per literas, vt tam egregium opus efficeret, adhortatus est. Est enim oppidum illud piratarum receptaculum, qui inde prodeuntes, maria crebris latrocinij infesta faciunt. Ad arcis situm contemplandum, Petrus Mascaregnas missus fuit, qui altitudinem portus explorauit, situm diligentissimè perspexit, aquationis commoditatem, & facillimā arcis excitandæ atq; muniendæ rationem fore vidit. Sed Emmanuel nè id, quod vehementer cupiebat exequeretur, negotijs innumerabilibus impeditus fuit, & ob id aliud tempus opus differendum iudicauit. Ioannes interim Coutignus cum Petro Mascaregna aliam excursionē maximo cum periculo fecit, qua arduis mōtib; & dēsis nemoribus, & arctissimis angustijs sine vlla hostium suspitione superatis, in hostes inopinantes inuectus est. Eos autem primo impetū fudit, fugauitq;: & ita domum victor cum captiuis & præda reuersus est. Non multis post diebus Antonia Azeuedia, quæ nupta fuerat Iacobo Soueralio, nauē vnā ex ijs, quas Carauelas appellant, cōduxit, vt Tingi Arzilam peteret. Eā duo illius fratres patruales deducebant. Vni Ioannes Coelius, alteri Arius Coelius nomē erat. In ea naui vehebatur piscator quidam, nomine Antonius Gri-

Grimaldus, qui cū ab hostibus, qui vna naue lōga piraticam faciebāt, cum alijs piscatoribus captus esset, è nauis e demiserat, atq; nādo Tingim puenerat: & Odoardo Menesio nunciārat, piraticā nauem iter Tetuanū suscepisse. Sic enim opinatus fuerat. Hac autem fiducia nostri citius, quā tēporis occasio ferebat, è portu soluerant. Non multū progressi fuerant, cū in eos eadem hostium nauis incurrit. Ex hostibus octo in nauē nostram insiliūt. Coelij cum Grimaldo festinanter accurrūt, & cum hostibus, qui ingressi fuerant, acre certamen ineunt: quatuor interficiūt, quatuor reliquos expellunt. Nautæ interim ita cursū dirigunt, vt hostilem nauem post se relinquerent. At hostes, cū ex ijs, qui pulsi fuerant, intellexissent, solos tres viros esse apud nostros, qui pugarēt, reliquam turbam esse mulierum, atq; nautarum, nauem suam remis, quantum possunt, impellunt, & in nostros rursus impetum dant, & ferreas manus injciūt. Tum sedecim armati per prorā in nostram nauē ingrediūtur. Duo Coelij fratres eis acri animo repugnant. Grimaldus inermis, cū hasta & gausapina veste qua complicata sinistrū brachium armauerat, cum fratribus animo magno coniūgitur. Fit acrius praliū, quā si magna vtrinq; multitudo manū cōseruisset. Maior tamē pars hostium cadit, reliqui se rursus in nauem suā recipiūt. Dū hoc geritur, alij hostes per puppim insiliunt, qui à nautis repulsi sunt. Grimaldus focum nostræ nauis arripuit, & in hostilem nauem coniecit: & hostibus partim inflammationem intulit, partim multo cinere conspersis aspectum ademit. Hostes igitur se se à nostris abstraxerunt. Sagittis tamen & pilis eminus decertabant. Duæ naues Cantabræ cursū illum tenebant. Cantabri cū, prælium illud spectarent, in scaphas desiliunt, vt opem celeri-

LIBER

celeriter afferrent. Naues enim eò propter magnitudinem appropinquare non poterant. Sed cùm illi ad nostros accesserunt, iam hostes abscesserant. Cantabri nostram nauē ad suas naues remulco traxerunt, & saucios curauerunt, nec vllum humanitatis officium fuit ab illis prætermisum. Saucij deinde fuerunt Odoardi Menesii iussu Tingim deportati: nauis autem Cantabrorum præsidio munita Arzilam peruenit. Grimaldi verò hominis infimi, sed animo maximo præditi virtus inter omnes excelluit: qui quidem multis, & valdè periculosis vulneribus laborauit. Sub id tempus, Franciscus Castrensis, oppidi, quod promontorium Guerenſe nominant, præfectus, qui in Lusitania suæ rei gerendæ gratia apud Emmanuelem versabatur, in Africam redierat. Turoquum oppidū erat tunc valdè opulentū, & multorum mercatorū celebritate, & cōmercio frequentatum. Turoquenses tam Lusitanis, qui promontoriū Guerenſe tuebantur, quàm Mauris fœderatis nō mediocrem dānum inferebant. Itaq; Franciscus Castrensis copias eduxit, & Xequium Melchium, qui semper in Regis Emmanuelis fide permanserat, acciuit. Nocte profectus, prima luce hostes inopinantes aggreditur, oppidum capit, oppidanorum stragem edit: Christianos, qui captiui erant, liberat, magnam hostium multitudinem in seruitutem abducit. Et quanquam nostri multos occidissent, multo tamen plures à Xequij Melichij militibus occisi sunt. Quibus enim dānis affecti fuerant, valdè meminerant, & idcirco, vt dolorē animis iniustum acri vindicta sanarent, operam enixè dederunt. Hæc quidem in Africa gerebantur. In India, vt dictum est, Malaca fuerat à Bintami Rege obsidione vexata, & magnis viribus oppugnata, & in summum discrimen adducta, & Antonij Corree (quem Siqueira Pegum miserat,

ferat, & cui in mādatis dederat, ut si opus esset, Malace auxilium afferret) aduentu liberata. Correa cū vrbe hostium metu liberam, & vario cōmeatu refertam cerneret, Pegum iter instituit, & Martabaum, maritimam regni illius ciuitatem secunda tempestate peruenit. Regio est latissima, & maxima fertilitate prædita. Gemmis præterea varijs, & auri & argenti metallis abundat. Homines sunt colorati, & lautissimè viuūt: ritijs valdè dediti sunt, quibus effeminentur. Maxima ex parte numina cōmentitia colunt, & simulacris immolant. Sacerdotes in summo honore sunt: adibus amplis multi religiosi homines includuntur, qui se excellentius in studio pietatis gerere cupiūt. Similiter & virgines alijs eiusmodi septis inclusæ pudicitiam se perpetuò colere profitentur. Multis in rebus sunt Sinis vitæ cultu simillimi. Correa cū primū classē in vrbis portu collocauit, Antonium Pazagnam ad Regem, qui tunc Pegu se tenebat, legatum instituit. Is cum socijs fuit à Rege satis benignè & hospitaliter acceptus. Illis autē responsum breui reddidit, & cum illis sacerdotem summæ auctoritatis hominem (hos Rolines appellant) & alium virum primarium, qui magnum apud illum nomen tenebat, Martabaum misit. Illis autem potestatem dederat pacis iusto & equabili fœdere faciendæ. Pax firmata, & monumentis consignata fuit. Correa publicū fœderis testimoniū nostro more conscriptum, Peguensibus obtulit. Illi nomine Regis, eiusdem fœderis testimonium in aurea pagina, ut Regibus illis mos est, cū fœdus sanciant, inciderunt: quod Correa similiter detulerunt. Interim illis vsus & consuetudo tanta cum hominibus nostris intercesserat, ut Lusitani quasi in patria communi versarentur, ita sine vllō metu per vrbe incederent. Cū verò secundus ventus à Septē-

LIBER

trione flaret, Correa cum nauibus quinq³, cibarijs onustis Malacam redijt. Dum Correa apud Peguēses negotia gerit, in Zamatra apud Pacemenses ingens tumultus exoritur. Vir enim quidam regnādi cupidus, in Regem insidias comparauit, & illo occiso, regnū occupauit, & quinq³ & viginti Lusitanis, qui ibi versabantur, necem intulit, opesque illorum abstulit, & quibus signis potuit, quanto odio nominis Lusitani teneretur, ostēdit. Garsia Sala qui tūc Malaca preerat, nauem vnā armis, & munitionibus, & valido militum prasidio diligenter instruxit, illiq³ Emma-nuelem Paciecum prefecit: cui praecepit, vt oram, quae inter Pacemensem & Axemensem portum interest, summa vigilantia specularetur, nē commeatum vllum in urbē importari, nēve cuiquam in altum piscandi gratia euehi liceret. Hoc autem belli genus acerrimum erat. Gens enim cibis importatis vititur, et piscatu plurimū alitur. Vtriusque igitur rei vsu prorsus impedito, necesse erat, urbē inopia atq³ fame cruciari. Id Paciecus non segniter exequutus est. Verū cū aqua recētis desiderio teneretur, scapham in terram propius urbem misit. Ea autem, praeter remiges, viri quinq³ vehebantur, qui in fluuium subuecti, aquationem fecerūt. Deinde secūdo fluuio nauē repetebāt, cū ex improviso hostes innumerabiles vtrāq³ fluuij ripam occuparunt. Tum lapidū atq³ sagittarum multitudo, gradinis instar, in nostros decidit, ita, vt maximū vitae discrimen adirēt: q³ tamen parmis tecti, cū totis viribus scapham incitarēt, eripis emersi, in altū vecti sunt. Sed cū aestus esset aduersus, & vētus eos deficeret, tres naues humiles quidem, sed valdē lōga, multorū militum capaces, quae remis impelluntur (incolae Lancharas appellant) armis, & valido militum prasidio munita, quibus multi nobiles homines

mines vehebantur, scapham consequuta sunt. Nauibus per-
rat Iaoensis vir egregie fortis, qui Zudamecius appellaba-
tur. Nostri obstinatis animis decreuere mori potius, quam
seruitute pati. Deinde cum omnem suam spem in CHRI-
STI numine collocassent, ad pugnam se comparant. Vnus ex
quinque viris Lusitanis tonsor erat. Is cum esset viribus sum-
mis, & animi singulari alacritate preditus, nauis pratoria,
qua reliquas antecesserat, & in scapham inuaserat, pror-
a manibus arripuit. Quatuor reliqui in nauem conscende-
re: quos ipse consequutus fuit. Tantoque impetu in hostes ir-
ruere, ut multi se metu in mare deicerent. Dux suis a ter-
go ense districto ferociter instabat, & mortem illis, nisi for-
tissime pugnarent, minabatur. Et cum nihil neque exhortan-
do, neque minitendo proficeret, quatuor occidit. Erant ad-
huc hostes ancipiti metu districti. Qui enim Lusitanorum
impetum sustinebant, ab illis cadebantur: illis, qui fugie-
bant, erat manibus ducis sui mors necessariò subeunda. Tandem
postquam aliquo spatio fuit viringum dimicatum, om-
nes hostes aut ferro concisi, aut fluctibus demersi sunt. Tan-
tus enim illis terror iniectus est, ut se in mare demitterent.
Ipseque dux multis prius vulneribus acceptis se in mare
precipitem dedit. Erant autem supra centum & quin-
quaginta, qui naue illa vehebantur. Reliquae duae naues cum
prima casum oculis aspexissent, metu perterritae constite-
runt. Sed eo tempore nostri erant ita labore debilitati, et vul-
neribus confecti, ut nullas ad resistendum vires haberent.
Sed eodem numine, quo fuerunt in praelio confirmati, ut
tam admirandum facinus ederent, hostes exterriti sunt ita,
ut eos aggredi non auderent. Nauis hostium capta remul-
co ad nauem primum, deinde Malacam perducta, & in
terram subducta, & integumento contexta fuit, ut
diutissi-

LIBER

diutissimè permaneret miraculi stupendi monumentum. Hostes enim à CHRISTI sanctissimis sacris alieni p-
spexerunt, id nullo modo viribus humanis, sed DEI pra-
sentis auxilio gestum fuisse. In quo multa valdè miranda
contigere. Primum fuit, ardor & alacritas animorū, qua
quinq; viri mori maluerunt, quàm hostibus in deditionem
venire. Deinde pralium ipsum tam felici successu conse-
ctum, vt centum et quinquaginta hostes ferocissimi, quinq;
virorum manibus vel caderentur, vel metu aded turbare-
tur, vt se in mare precipitarent. Postremum fuit, ille me-
tus duabus nauibus integris incussus, quæ non ausa sunt in
homines quinq;, vulneratos, atq; grauisimo labore defa-
tigatos, inuadere. Verùm eo casu dux edoceri potuit, non
esse suorum sanguine ludendum. Multò namq; illi hone-
stius fuisset, aqua putrida sitim depellere, quàm propria vo-
luptatis causa suos in tantum discrimen inducere. Attamē
Rex Pacemensis huius admirandi facti terrore perculsus,
pacem continuò petijt: quæ fuit, accepta prius satisfactio-
ne, confirmata. Nomina quatuor hominum, per quos hoc
facinus editum fuit, hæc erant. Ioannes Almeida, Anto-
nius Pazagna, Antonius Vera, Franciscus Gramaxus. Tõ-
soris artificium nomen viri ipsius, qui tonsor erat, occuluit.
Rex autem Bintami bellum interim summo studio renoua-
bat. Antonius Correa contra stationem aliam, quæ in ripa
Muaris fluminis à Rege munita fuerat, copias educere, &
simul oppidū Padum, quod Rex ipse munierat, expugnare
cupiebat. Itaq; cōsilio cum Garsia Sala arcis & vrbis præ-
fecto communicato, ab eo triremem cum celoce, & trigin-
ta minora nauigia precibus impetrauit. Centum & quin-
quaginta viros Lusitanos, & quadringentos Malacenses
in ea classe ducebat. Cum his copijs & nauibus in Mauris
fluuium

fluuium inuebitur. Ripæ sunt viridissimæ, quas vtrinq³ densissimæ sylvæ vestiebant, aded multis in locis fluuium opacantes, vt cali aspectum adimant. Viginti autem passuū milia progressis æstuarium occurrebat. Hoc in loco Rex Bintami stationem duplici vallo munierat, firmaq³ in ea militum præsidia collocarat, ne Lusitani possent Padum, quo in loco ipse belli commodius gerendi gratia consistebat, inuadere. Ea statio fluminis alueo profudo, sed per angusto, quò erat necessario nauigandum, imminebat, & æstuarij latitudinem transuersis molibus occupabat. In medio porta inerat, qua ijs, qui pado veniebant, aditus in fluuium patebat. Nocte verò foribus obductis claudebatur. Intra huius stationis claustra Rex naues continebat, vt facilius subitas, & improuisas Lusitanorum incursiones, quas aperto Marte non poterat, claustrorum ope repelleret. stationis autem huius custodiam impigro viro cõmiserat. Correa lembo virum nomine Georgium Mesuradum exploratum misit. Is renunciat, in statione magnam vim militum à Rege dispositam fuisse, ipsumq³ ducẽ suos admonuisse, vt se ad certamen animis præpararent. Sibi namq³ compertum esse, Lusitanos propediẽ adfuturos. Correa nihil secius vltra progreditur, & prima luce stationem acriter oppugnat, et tandem cum reliquis ducibus irrumpit. Fit magna cades, maxima tamen hostium pars ad Regem effusa fuga se contulit. Correa, ne hostes se possent spatio sumpto à repentino pauore rescicere, in æstuarij ipsius introitu Odoardum Meliũ cum aliquot nauigijs reliquit, & ipse claustris reuulsis in æstuarium ingreditur. Sed Rex ne id fieri facile posset, consilio multò antè prouiderat. Arboribus enim succisis, atque in fluuium vtrinque deiectis, nauium cursum impedierat. Fuit hæc res maximi laboris. Prius enim, quàm nauigia

Ccc progre-

LIBER

progreſſi ultra poſſent, erant arbores tranſuerſæ, quæ tranſitum impediabant, extrahendæ. Sed tandem Correa in oppidum, diſſectis omnino molibus peruenit. Rex inſtructa acie cum elephantis obuiam proceſſit. Noſtri hoſtibus inuitis terram occuparunt. Prælium deinde commiſſum fuit. Hoſtes fuſi fugatiq; ſunt. Correa cum Luſitanos auidius inſequi cerneret, receptui ſignum dedit. Nec enim regiones illas nouerat, & timuit, ne luſtris incognitis impediti, ab hoſtibus rurſus conglobatis damnum acciperent. Oppidum direptum continuò fuit, & incenſum: naues ſupra centum coniectis ignibus abſumptæ. Eorū, qui mortui in utroq; prælio ſunt, certus numerus iri non potuit. Coſtat tamē non mediocrē multitudinem fuiſſe. Ad hunc modum Correa, rebus ex animi ſententiæ geſtis, cum præda & multis captiuis Malacam rediit, & fuit ab omnibus cum honoribus ſummis, perinde atq; meritis erat, exceptus. Inde in citeriorem Indiam nauigauit. Rex uero Bintani, cum ſe militum & nauium penuria cerneret in maximas anguſtias inductum, in Bintanum cum graui damno & inſigni dedecore reuerſus eſt, et à bello tunc ceſſandum ſtatuit. Neq; Coulamires quietæ in citeriore India fuerant. Luſitani enim à Regina petebant, ut fidem ſuam liberaret, & ea, quæ fuerant, cum Antonius Sala interfectus eſt, ablata reſtitueret, & pondus piperis, quod ex fœdere debebat, ſine recusatione ſolueret. Regina quamuis in principio fidem tueri ſtatuiſſet, Saracenum tamen crebris ſermonibus inducta, non modo fidem violare, ſed etiam arcem capere, & exitium Luſitanis moliri conſtituit. Et primū id inſidijs tentare uoluit. Cū doli minimè ſucceſſiſſent, apertam vim intentare decreuit. Eam Indiæ partem, quæ Coulamo finitima eſt, & ad Auſtrum Cori promontorio deſinitur, quam Comorim appellant, quædam Regina

tunc

tunc imperio tenebat, cum qua Coulam Regina de Lusitanorum excidio coniurauit. Itaque Regina vtriusque copijs, trium fratrum, qui plurimum inter Naires opinione virtutis excellebant, opera comunctis, mense iunio, quo mense hyemis maxima vis in regionibus illis est, bellum excitari cœpit. Supra viginti hominum millia coacta sunt. Venenū fuit in puteis sparsum, vt aquatio impediretur, & arx circumfessa, & magnis viribus oppugnata. & aliqui ex Christianis Indis, qui urbem incolebant, occisi. Arcem triginta tantum viri Lusitani tuebantur. Ex illis quinque erant morbis oppressi: hyems erat impedimento, quo minus facile Cochimo auxilium mitteretur. Commeatus erat, perexiguus, præterea a pulueris tormentarij summa penuria. Hector Rodericus per hominem impigrum, qui se fluctibus committere minimè dubitauit, Alexium Menesium, qui se tunc Cochimi tenebat, de statu, in quo res erant admonuit. Is confestim Alonsum Menesium fratris sui filium, cum quinq; & viginti viris Lusitanis, & munitionibus, & commeatu Coulamum misit. Alonsus Menesius longa naue vectus, in arcem cum exiguis illis copijs ingressus est. Arcem interim hostes acriter oppugnabant, eosque nostri singulari virtute repellebant: & crebris eruptionibus sæpè decertabant: nec tormentis tantum eminus vtrinque pugnabatur, verum hastis & gladijs sæpenumerò praliū fiebat. E nostris aliqui cæsi sunt, multi grauissimè sauciati: ex hostibus magnus numerus interemptus fuit. Tandem cum Regina cernerent, arcem capi intra duos menses minimè potuisse, & accepissent, Alexium Menesium magna auxilia comparare, bello finem imponendum esse statuerunt. Itaque pacem postulârunt, & debitam violati fœderis pœnam, quæ illis fuit imposita, persoluerunt, & pax iterum conditionibus æquis

LIBER

confirmata fuit. Hoc anno percepit Rex Emmanuel ab homine curioso & diligente multa, quae animum illius ad rerum magnarum studium multò acrius incitauerunt. Expositum est superius, quemadmodum, dum classis Odoardi Lemij promontorium Guardafumense peragrabat, celox, cui Georgius Quadra praerat, à reliqua classe disiecta ad Zeila portum appulsa fuerit. Lusitani, qui illa vehebantur, capti, & ad Regem Adenensem abducti sunt: qui eos in ergastulum detrudi iussit, in quo diutissimè vitam in extrema inopia & mendicitate traduxerunt. Quidam interim Rex Arabiae huic tyranno finitimus, illi bellum intulit, multisq; illum praelijs deuicit, maximaque regni parte spoliavit, & victos, qui ergastulo inclusi fuerant, liberos abire permisit. Ad hunc modum Quadra cum quinq; Lusitanis (reliqui enim laboribus attriti & fame consumpti perierant) è vinculis emissus, & in libertatem restitutus est. Is verò, ut facilius eas terras, quas lustrare cupiebat, minore cum periculo peragraret, & Arabicam linguam probè teneret (eo namq; tempore, quo victus fuerat, illi summam operam dederat) se Saracenum esse simulauit, egregiamq; in Mahumetis disciplina sanctitatem praese tulit. Illa igitur ficta specie religionis, quam ementiebatur, & singulari calliditate simulabat, omnium oculos in se conuertit, atque tandem ea opinione sese in familiaritatem Regis insinuauit. Erat enim Rex humanus, & religioni illi de ditus. Qui deinde hominis ingenio delectatus, eum à se dimittere volebat. Cum verò sepulchrum Mahumetis inuiseret, Quadrà secum duxit. Ibi cum accepisset Quadra, camelorum turmam ante duos dies, quam Rex in eam urbem venisset, Damasum perfectam fuisse, finxit se miro desiderio teneri sepulchra nepotum Mahumetis, quae erant in Perside, visendi.

di. Damasco namq³ faciliorem, & minus periculosam esse in Persidem viam. A Rege igitur contendit, vt sibi faceret potestatem turmæ illius vestigijs insistendi, vt eam sequeretur. Rex illum ab eo consilio deterrere conatus fuit, tum quia non libenter illius cōsuetudine carebat, tum quia illum turmam consequi posse omnino desperabat. Sed cū Quadra illum precibus vrgeret, illi non modò facultatem, quam petebat, verū & pecuniam, et commeatum, quantum ipse portare posset, attribuit. à Rege digressus, in regiones vastas & incultas, ipsiq³ prorsus ignotas penetravit, camelos minimè consequi potuit; & quò se conferret, penitus ignorabat. Commeatum intra dies paucos consumpsit: Solles ardentissimi illum vehementer excruciabant: vestigia ex arenarum ingentibus molibus vix præ nimia lassitudine corporis euellebat. Cum se in tantas angustias adductum animaduerneret, oculis in calum sublaris, maximam vim lachrymarum profudit, & flagitiorum veniam suppliciter implorauit. Inde ope diuina ad locum, vnde arenæ collis assurgebat, delatus est. Cū verò collem superaret, camelum & hominem conspexit. Eò igitur latus gradum intulit, & turmam interim aliam camelorum ad eum locum (ibi enim aquatio erat) properantem animaduertit. Ad homines accedit: miseriam, in qua versabatur, exponit: opem ab illis efflagitat. Illi et misericordia commoti, & specie religionis, quam is habitu simulabat, inflexi, hominem non cibo tantum & potu, verū & rebus omnibus necessarijs abundè reserunt. Illorum autem ductu, quādiu deserta loca peragrandæ fuerunt, & postquam ex vastitate solitudinis illius emer sus est, religionis a simulata cultu, varias regiones perlustrauit, & oculis atq³ mente multa percepit, & tandem Arabiam, atq³ Persidem peruagatus, Ar-

LIBER

muzium à Saracenis mercatoribus deductus est: ubi cultum & personam Saraceni deposuit, & Christiani hominis cultum, quem mente semper gestauerat, assumpsit. Vbi tamen flagitium, quod admiserat religionis impura simulatione, debitis lachrymis expiauit. Garsia Coutignus, qui tunc Armuzio praeerat, illum vestibus, & pecunijs, atque muneribus affecit. Qui deinde in Indiam, ex India in Lusitaniam veniens. Anno. M. D. xx. ad Emmanuelem intromissus, omnia, quae lustrauerat, & prudenter animaduertenterat, luculētus sanè verbis explicuit. In primis autem quomodo Aethiopiam vniuersam, quae supra Aegyptum est, explorauisset, & quomodo in lacum ingentem, vnde Nilus in Aegyptum influit, peruenisset: quibus moribus, legibus, et institutis Aethiopes illi Christiani viuerent: qui situs Aegypti, qui Arabum mores, qui Persarum victus esset, exposuit. Emmanuel ex illius oratione voluptatem nō mediocrem cepit. Ad ea enim, quae in Arabia & Aethiopia facere designabat, illa Quadra oratio nimis appositae videbatur. Et quia suspicari cepit, à regno Congensi facilem in eum lacum, vnde Nilus erumpit, transitum fore, hominem iam sponte sua satis incitatum, ad illud explorandum promissis inuitat. Illum igitur in Congum cum literis mittit, vt inde in Nili fontes iter faciat, atque inde ad Dauidem Regem Aethiopia tandem perueniat. Qui cū ad Congi portum delatus, deinde ad Regem perductus fuisset, exceptus benignè fuit. Itineris tamen illius explorandi facultatem, malignitate Lusitanorū, qui plurimum apud illum Regem poterant, non impetrauit. Itaq; reuersus est, & cū iam Emmanuelē mortuum reperisset, Diui Frācisii institutum sequi decreuit, in quo vitam sanctissimè ad extremum perduxit. Hac expedita sunt, vt animaduerti possit,

ani-

animum Regis Emmanuelis, quamuis illius corpus in Lusitania terminis versaretur, orbem terrarum peragraré, & magna semper & nimis ardua moliri. Ea verò ratione fiebat, vt suorum opera regiones incognitas, & terras vltimas indagaret. Sed omnes humanae cogitationes momento temporis obruuntur. Sub id tempus, Maximilianus Imperator è vita discessit. De successione imperij erat apud Germanos disceptatio. Multi namque ad Franciscum Valesium Galliae Regem inclinabant, multò tamen plures animis in Carolum propendebant. Galliae Rex donis atq; ingentib. promissis non paucos ad sui studium vehementer allexerat. Carolum tamè absentem & educatio (fuerat enim apud Germanos enutritus) et superioris Pannoniae principatus, & p-specta indoles, et multorum etiam Principum affinitas aduersus Galli munera tuebatur. Fuit autem Carolus in Germaniam, quasi ad imperium minimè dubium, multorum literis euocatus. Is antequam ex Hispania discederet, omnium Ordinū concilium indixit, & consilio Guilielmi Decreui Xebrensis Dynastæ, qui illius aetatem regebat, præter pecunias, quibus illum Hispani iuuerant, immania tributa populis imperauit. In quo quidem non merito possum Carolum cupiditatis, aut potius inconsideratæ temeritatis insimulare, cum aetatis excusationem habuerit. Pedagogū verò summa vituperatione dignissimū iudico. Rex enim non est in altissimo illo gradu dignitatis locatus, vt acerbissimis exactionibus ciuitates sibi commissas exhauriat, sed vt earum saluti & incolumitati prospiciat. Si rectè enim Regis nomen usurpat, pater patriæ est, & pro reip. salute debet, si opus ita fuerit, caput in quoduis magnum discrimen iniicere, non remp. ipsam immodicis sumptibus euertere. Fateor equidem Regem esse subditorum opibus adiuuandum,

LIBER

vt rempub. tueri possit. Nēgotia enim infinita sustinet : equabile ius omnibus administrat : periculum à rep. cū necessitas postulat, armis atque virtute propulsat : bonis premia pro dignitate cōstituit : improbos suppliciorū acerbitate coercet : patriā deniq; vniuersam & ab externis hostib., & ab intestinis fraudibus tutam vigilātia sua praestat. Hac quidem munera aut opere tuetur, aut quoties opus fuerit, tuenda suscipit. Qui autem existimat, hac tam multa munera sine maximis sumptibus sustineri posse, mentis expertus est, atq; vita cōmunis ignarus. Et idcirco hoc, quod est cōmuni more receptū, vt Reges populi sumptib. alantur, non est humano tantū iure, sed etiam diuino vallatū. Is tamen modus adhibendus est, ne, vel vt immodicis sumptib. sine villo reip. fructu vti possit, vel vt ad auarissimos homines, quorum cupiditas nullis opibus expleri potest, opes reip. transferat, pecuniam cum reipu. gemitu et querimonia coaceruet, et dum potentium domos immanibus diuitijs cumulare studet, tenues domos exinanire contendat : vt ita, dum falsum nomen liberalis, atque magnifici obtinere nititur, verum iusti atq; clementis nomen amittat. Alia deinde causa in Carolo inerat, qua consiliū illud magis odiosum & iniustum efficeret. Quamuis enim ad illum regni patrimoniū legitimo et hereditario iure veniret, erat tamen educatione & institutis à morib. Hispanis alienus. Quocirca erat illi in principio Hispania specie humanitatis & benignitatis alliciēda, donec se penitus in omnium animos insinuaret. Idcirco magis erat illi tūc aliquid de tributis diminuendū, q̃ nouū onus populis imponendū. Sed adolescens, qui insita modestia padagogi monitis obtemperabat, et Hispania mores nō tenebat, defendi merito potest. Hominis senis auaritia, qui illū in eā fraudē impulit, est merito detestāda. Multi populi nobili-

nobilitatis praesidio confirmati, Caroli postulatis constanti animo resisterunt. Et hoc quidem actionis principium, si cum debita moderatione susceptum fuisset, haud vituperandum omnino videretur. Sed cum in multitudine neque, modus neque consilium, neque ratio, cum immodica libertatis studio ducitur, vlla sit: & multi viri nobiles se multitudini, nescio quo mentis errore ducti, duces & auctores praeuissent, factum est, ut multa Castellae ciuitatis à Carolo descuerint, Carolus in initio tumultus in Galliam Belgicam se contulerat. In ciuitatibus, quae à Principe suo defecerant, intestinae seditiones excitabantur. Maxima namque nobilitatis pars in fide permanebat: nonnulli aera populari non mediocriter inflati, populis assentabantur. Populis, qui coniurauerant, erat decretum non Carolum tantum regno spoliare, sed cunctos etiam Hispaniae principes omnibus bonis euertere, ut libertate summa Heluetiorum more fruerentur. Nec enim intelligebant id, quod apud Heluetios, ex antiquissimo tempore legibus patrijs assuefactos, cum omnium admiratione sit, apud gentem insita natura fastu tumentem conseruari non posse. Itaque cum plebs insita natura temeritate modum seruare nequeat, tum multitudo, quae in Hispania in Caroli perniciem coniurauerat, tanto furore & amentia flagrabat, ut quasi iam omnia illis essent ex animi sententia constituta, ferro & flamma omnibus, quae Principum partibus studebant, acerrime minarentur. Interim rapina, caedes, incendia, horribiles armorum fremitus terrorem passim incutiebant. Antonius Fonseca Mentinam Campensem, urbem opulentissimam, quae Caroli partibus aduersabatur, inflamauit, & miserabili illo incendio maximas opes absumpsit. Nemini tunc in populis sapienter & liberè loqui licebat. Si enim aliquis diceret, verum esse, li-

LIBER

bertatem modicè tueri, non cum legitimo principe ad inter-
 necionem dimicare, scelus illud erat continuò morte a-
 cerbissima luendum. Multis in locis vbi causa libertatis a-
 gebatur, neq; gemitus quidem ciuis vllius liber erat. Prin-
 cipes còmunì consilio cum ciuitatibus, quæ minimè rebel-
 lârunt, cùm discordiam sedare frustra vellent, bellum sum-
 mo studio comparauerunt. Hi ad Regem Emmanuelè le-
 gatos miserunt, vt auxilium aduersus rebelles ab eo postu-
 larent. Simul & Hispania populi, qui à Carolo desciuerât
 cùm se viderent in extremo discrimine constitutos, ad eū-
 dem Regem legatos misère. Summa legationis hæc erat,
 se tantis iniurijs vexatos extitisse, vt non potuerint vllò mo-
 do tam indignas còtumelias perferre. Se ciuitates, & mœ-
 nia, & arces, atq; deniq; rerum suarum omnium potestati
 illi tradituros. Orare deinde & obsecrare, vt regnum illud
 opulentum, ipsius Emmanuelis studio vehemèter incensum,
 suscipere vellet, et iniurias immeritis illatas vindicare. Em-
 manuel munus oblatum repudiavit, & legatos admonuit,
 vt discerent fidem erga Reges conseruare, & modum cu-
 piditati statuere. Illam controuersiam Caroli benignitate
 tolli facillimè potuisse, si populorum rectores non ita fero-
 citer populorū causam suscepissent. Et præterea grauitèr
 illos accusauit, quòd cùm in principio furori causam pu-
 blicæ libertatis obtenderent, postea publicè de dominatione
 populari dimicaret. Si vellent errorem agnoscere, & ve-
 niam à Carolo postulare, se ad eam compositionem liben-
 ter operam suam polliceri. Quod verò ad oblatū regnum
 adtinebat, se nunquam vllum imperij additamentum fide
 & officio antiquius habiturum. Principum autem legatis
 operibus magis, quàm verbis respondendum existimauit.
 Itaque eos tormentis, & munitionibus, & pecunia inuit.

Prælio

Pralio tādē commissō, populī rebelles armis principū superati, & rebellionis auctores capti sunt. Ioannes Padillia, Antonius Zamorēsis Episcopus, Petrus Pimintellus, et Frāciscus Maldonadus, & alij quidam viri nobiles, & quidam etiam, quos ex infima plebe ad honores popularis furor euexerat, qui principes cōiurationis extiterant, capitali postea supplicio affecti sunt: multitudinī verō venia tributa.

Hoc anno cū Iehabēta fusus in offensionem Nonij Mascaregnæ opera multorū, qui Iehabētafusum oderant, incidisset, & id Mauris, qui sub illo militabant, notum esset, multi Mauri Dabidenses & Garabienses ab illo defecerunt, & quidam etiam illum spoliārūt. Mascaregnas præterea nomen illius apud Emmanuclē proditiōis insimulauit. Ille verō per literas atq; legatos à Rege postulauit, vt quāta fide in officio debito versaretur, examinare vellet. Se si aliquid, postquā ad nomen illius adiunctus fuerat, secūs designasse cōpertum fuisset, quā fides postularet, nullum suppliciū recusaturum. Rex postulato illius equitatis plenissimo satisfecit, & Mascaregnæ praecepit, vt hominē fauore & auxilio cōplecteretur. Cū igitur is à Mascaregnæ opem cōtra eos, q; defecerāt, postularet, Mascaregnas illi equites sexaginta & pedites nonnullos auxilio misit. Hoc auxilio fretus (id enim testatum esse apud omnes volebat, se Regis Emmanuelis auxilio minimè destitutum esse) copias suas eduxit, cum hostibus manum conseruit, & parta victoria, eos sibi rursus dicto audientes esse compulit, & omnes tumultus, qui orti fuerant, virtute & equitate compressit. Eodem fermè tempore Vascus Fernandius Cæsar cum naue vna fretū Gaditanum Regis Emmanuelis iussu peragrabat, & hostes multis incōmodis afficiebat. Duæ verō longæ naues hostium rerum successibus elatæ

LIBER

elata (magnas enim pradas egerant) & militum & tormentorum copijs, multisq; munitionibus instructa, in Casarem inuehuntur. Is naus proram in eas confestim dirigere iussit . Dux vnus naus cum animaduerneret, quam alacri & confidenti animo Caesar in praliū iret, illius congressum formidauit, & mutata velificatione ab instituto cursu deflexit. Alterius autem naus praefectus, cum se a socio desertum cerneret, simile consilium sequi statuerat, sed id per Casarem minimè licitum fuit . Eum enim tormentis quocunq; voluerat impellebat, et pertinaciter, quauis mare turbidum ingētes fluctus eijceret, insequutus est, vsq; eò, dum nauem in littus compelleret. Tum in lembum, quem ad similes casus è puppi colligatum ducebat, insiluit, & ijs, quos in naui relinquebat, imperauit, vt antequam illum cum hostibus commisceri cernerent, à pilis in hostes emittēdis minimè cessarent. Hostes in terram euadere nituntur, Caesar eos insequitur. Atrox praliū initur. Multi ex hostibus cadunt. Cum reliqui fugam capefferent, & in manus Petri Aluari Caruallij viri fortissimi, qui Alcastaris Seguelij Regis Emmanuelis iussu Praefectus erat, & tormentis excitus occurrerat, inciderent, omnes capti sunt, Caesar parte praeda capta, rursus in nauem se recepit. Non multis post diebus cum in ipso fretu versaretur, sex in illū biremes inuecta sunt. Hostes Casarē capere vehemēter optabāt, & cum illū euadere posse minimè crederēt, praetitia clamores ingentes ediderunt. Deinde sagittis, & glādiis, & globis ingentibus eum obruere conati sunt. Atque primum Caesar eos, ne ad suam nauem accederent, tormentis acerrimè propellebat : & varijs velificationibus eorum conatus eludebat, & interim multos inierimebat : quo factum fuit, vt illi multum de animorum alacritate remitterent.

terent. Quod cum is animaduertisset, in tres naues, quae iunctae consistebant (aliae namque ventis exclusae, non ita facile accedere potuerant) inuasit. Hostes in illum similiter impetum dederunt. At is cum ingenti tormento ignem applicari praecepisset. vni ex biremibus, maximo globosâ prorâ in puppim secundum latus emissio, remos deterfit. Hostes biremem claudam & mutilam intra se recipiunt, & quanta celeritate possunt in ea trepidatione reparant. Tunc omnes simul iunctae Casarem circumueniunt. Is cum animo maximo nunc ad proram, nunc ad puppim, nunc in vtrunque latus accurreret, & praesidia magnis vocibus excitaret, & crebris tormentorum ictibus maximum damnum inferret, multo difficilius certamen, quam hostes suspicati fuerant, effecit. Tandem tormenti vnius ictu magna pars remigum in vna biremi dilacerata fuit. Hostes cum cernerent multos casos esse, & duas biremes dissipatas, Casaremque nullo modo, nisi cum grauissimo damno capi posse, certamen omiserunt. Caesar cum esset ea natura, ut nullo labore frangi posset, eas insequutus est. Verum cum naui illius velis, naues hostiles remis impellerentur, & ventus illum deficeret, eas consequi minimè potuit, & ita voti compositos Malacam petijt, ut mortuos sepeliret, & saucios curaret. At Axamore periculum non mediocre fuit Lusitanis opera cuiusdam Mauri valde potētis intētum. Benaduxera fuit in Mauritania virtutis opinione, & potentia clarus & opibus, & existimatione princeps. Is sub signis habebat supra mille & quingentos equites, & peditum non mediocre multitudinem, Fessensisque Regis imperium detrectabat: ea de causa bellum cum illo gerebat. Cum verò magno praelio victus fuisset, literas ad Norognam Azamoris Praefectum dedit, quibus dicebat, se velle sub imperio Re-

gis Emmanuelis contra ipsius Emmanuelis hostes perpetuò militare. Norogna voluntatem minimè aspernatus, hominem ducentis equitibus stipatum in urbē admisit, & quibus potuit honoribus affecit, & aliquot ducibus Xerquiensibus eorum voluntate praposuit. Is vt magis animum suū apud omnes testaretur, Ferem fratrem suū in Lusitaniā cum multis muneribus ad Emmanuelem misit. Emmanuel illū per benignè in fidem recepit, & muneribus affecit, & fratrem etiam beneficijs ornauit, hominemq; promissus ornatum in Africā dimisit. Iacobo autem Melio precepit, vt duobus illis fratribus opem, cū opus esset, afferret, vt coniunctis viribus acrius bellum molirentur. Itaq; Melius cum Fere Azamore continuo profectus est: neque multos post dies cum equitibus septuaginta quinque, & nonnullis pedibus se cum Benaduxera coniunxit: qui cū mille & cētum & viginti equites eduxisset, in locum, vnde fons Diucis fluminis erumpit, qui Azamore centum & viginti passuum millia distat, tandem peruenit. Ibi turmas hostium duas & triginta aggressi, magnam hominum cadem faciunt, quadringentos & octoginta duos abducunt, & cum ingenti prada post mensem Azamore reuertuntur, & incredibilem letitiam cunctis attulerunt, qui propter diuturnam moram illos perijisse crediderant. At Benaduxera cū se in gratiam Fessensis Regis restitui vehementer expeteret, clām per amicos suos id quod cupiebat assequutus est, ea lege, vt quos posset Christianos, ad ipsum Regem dolo perduceret. Id autem Aluarus Norogna suspitione consequutus est. Itaque cū Benaduxera ab illo sapē & importunè postularet, vt Iacobum Melium secum mitteret (fore namq; si id fieret, vt præclarum facinus ederet) id nunquam impetrauit. Id tamen Norogna tacitum tenebat,

nebat, & antè, quàm rem exploratè cognosceret, in hominem non esse animaduertendum statuebat: non tamen illi, quem signis inconstantem atq; perfidiosum opinabatur, esse quidquam temerè credendum iudicabat. Et interim, ne animum illius offenderet, honestis excusationibus utebatur. Benaduxera hac spe deiectus, & simul metuens, ne aliquid emanaret, Mazaganum se contulit, & Antonium Lactèu, qui oppidi præfectus erat, alloquutus, petijt, vt ei aliquot equites concederet: se pulchrum facinus moliri. Aluarum Norognam ad eam rem equitum bonam partem esse missurum. Sed bellum quod instabat, maioribus esse copijs gerendum, vt citius, & minore cum periculo conficeretur. At Antonius Lacteus cum doli fuisset ignarus, & propter rem, quam Benaduxera gesserat, ei fidem habendam iudicasset, illi quindecim equites, & nonnullos pedites attribuit. Benaduxera cum circiter septuaginta passuum millia cum suis copijs & Christianis militibus confecisset, fratri mentem suam aperuit: dixitq; se Regis Fessensis gratiam recuperasse, malleq; principi, cui erat natura & religione coniunctus, quàm Regi à moribus & institutis illius abhorrenti seruire. Vt verò illius animum sibi arctius deuinciret, illos ei Christianos, quos per dolum abduxerat, esse traditurum. Sperare namq; se, futurum, vt pristinas offensiones eo munere prorsus obliteraret. At Feres, si vultum, inquit, Regis optini aspexisses, nunquam certè animum induxisses, vt tam sceleratū facinus obires. Vbi fides? Vbi fœderis sacramentū? Vbi tam singularis humanitatis & magnificentiæ memoria? Idè te Princeps ille clemētissimus eiectum recepit, & tam multis muneribus auxit, vt illū nulla offensione interposita proderes? Nō refert, quā parū illi noceas, sed quā propesum ad nocendum animum geras. Paruis e-

nim

LIBER

nim rebus malitia summa despicitur. Qui enim quindecim equites Lusitanos fidei tua commissos per summam perfidiam in miseram seruitutem abducis, certè si vires haberes, ipsum Lusitania Regem contra fidem & iusiurandum omnibus fortunis euerteres. Deinde quàm parum gratus tuus aduentus Regi Fessensi futurus sit, parùm sapienter animaduertis. Tu ab illius fide desciiuisti: tu bellum illi diuturnum intulisti: victus, spoliatus, eiectus te ad Regem Emmanuelem, tanquam ad miseriae extremae per fugium contulisti. Nunc rursus ab Emmanuele desicis. Quomodo igitur is tibi credet, à quo toties fidem nefariè violatam esse comperit? Vetus dictum est, Regibus gratam esse proditorem in suam vtilitatem commissam, proditoris tamen nomen inuisum. Sed esto. Regem Emmanuelem contra fidem deseris. Ad Regem Fessensem, qui te odio immani persequitur, & fidem sanctā non habet, transfugis: perfidia saltem insigne monimētum detestare. Regis Emmanuelis vexillum geris, vt quoties homines in vexillum, quod erat amoris et beneficentia signum, aspexerint, toties illis tui sceleris in mentem veniat? Tabernaculum pulcherrimè factū ab Emmanuele donatū fers, vt quoties illud collocari iusseris, toties homines perfidia tua recordarentur? Captiuos per insignem perfidiam abductos geris: vt nunquam, quādiu hi nobiscum versati fuerint, homines sceleris tui capiat obliuio? Fac igitur, quod à Christianis fieri audio. Cum enim à Rege discedunt, ne ingrati animi crimē publicè suscipiant, omnia bona, quæ ab illo acceperunt, illi remittunt, ne secum perfidia monumenta circumferant. Omitte signū istud, ne scelus in apertum proferat. Tabernaculum deferre, quod perfidiam oculere nequit. Christianos liberos abire permitte, ne à cælo atque terra prodicionis testimonium

nūm sumant. Hæc cūm Feres liberè & animosè diceret, fratris animum nō mediocriter irritauit: parumq; absuit, quin manus confererent. Sed cūm Benaduxera multò potentior esset, iunior frater illi repugnare non potuit. Cum illo tamen egit, vt signum, & tabernaculum Emmanueli referri iuberet, & Christianos saluos redire permetteret. Ac cūm fratres ad Regē Fessæ peruenirent, Rex eos non admodum hospitaliter accepit. Vtriq; enim caput abscindi iussit. Illos enim, quòd multum nobilitate & opibus excellerent, et metueret, ne defectione rursus illi molestiam exhiberēt, de medio tollendos esse statuit. Et interim eam causam obtendit, quòd Benaduxera Lusitanos cum vexillo & tabernaculo abire permisit, & quòd Feres à fratre, vt id faceret, enixè contenderit. Dum hæc in Africa geruntur, in India Siqueira classem magnam instruxit, qua Diūm oppugnaret. Melichius Saca Melichiazij filius, quāuis Siqueira quorsum illam classem ornaret, summo silētio tegeret, eam contra Diūm comparari suspicatus est. Tum partim vt Siqueiram ea specie moderationis emolliret, & à studio bellandi deduceret, partim vt animum illius explorare posset, familiarem quendā suū, nomine Camallum, ad illum cū literis officij plenissimis, & cum munerib. satis amplis legauit. Siqueira, gratum sibi esse aduentum legati, vultu atq; verbis ostendit, seq; Melichij Sacæ, & patris illius valde studiosum esse finxit. Camallus tamen cū esset acutus & calidus, in quem finem classis illa parata fuisset, sagaciter odoratus est: & Melichium Sacam, & Hagamahamedium, cuius cōsilio ciuitas innitebatur, admonuit, vt urbem firmo presidio munirent. Quod illi diligentissimè fecerunt. Siqueira classe, quæ erat in Lusitaniam profectura, rebus omnibus instructa & expedita, consilium cum ducibus, quos

secum erat ducturus, habuit: quibus animum, quo classem illam instruxerat, ut Emmanueli satisfaceret, aperuit, illosque ad tam præclari facinoris societatem adhortatus est. Illi consilium laudant, sequens ad bellum illud satis promptos atque paratos esse demonstrat. Is supra octoginta naues ornat, tria Lusitanorum millia, & mille Naires conscripserat, duces egregie fortes elegerat, ita, ut ea classe nunquam ad illum diem neque maior, neque rebus omnibus instructior ab ullo India Prætoris comparata fuerit. Initio Februarii mensis, Anno. M. D. xxi. Siqueira ad ora classem Diem appulit. Melichius Saca illum continuo per legatos honorifice salutavit, & largis muneribus affecit. Et tamen quasi aliud ageret, Fernandum Martinium Euangelium cum nonnullis Lusitanis, qui in vrbe negocia gerebant, tanquam obsides in custodiam dedit. Siqueira se Armuzium petere simulavit, ut quosdam motus sedaret: sibi quoque Euangelio, et reliquis Lusitanis opus esse dixit, qui Regis Emmanuelis negotia procurarent. Melichius Saca & Hagamahamedius eos nec alibi rem melius gerere, neque lautius diuersari dicebant. Sequens libenter hominibus Lusitanis obsequi, ut illo saltem signo constare posset, nullam urbem fore magis imperio Regis Emmanuelis addictam. Siqueira Melichium Sacam ad colloquium inuitavit. Is cum Hagamahamedio in locum ad eum sermonem delectum cum presidio venit. Oratio Siqueiræ eò pertinebat, ut ostenderet, se Reip. constituendæ gratia Armuzium nauigare, & interim eò classem applicuisse, ut urbem sociam & amicam inuiseret, & à Melichiazio peteret, ut sibi arcis ædificandæ facultatem concederet, ut Lusitani, qui in ea versabantur, tutius negotiari possent. Melichius Saca respondit, Lusitanos non minus secure in ea vrbe, quam in patria versari. Quod verò ad arcem attineret, se id pa-

rentis iniussu nullo modo permissurum. Siqueira tum Sacam admonuit, ut sibi Lusitanos redderet. Saca verò respondit, eā insignē contumeliā fore, si homines Lusitani, qui cōmodē in vrbe fœderata, multisq; rebus ad fidē cōseruandā astricta negociabantur, ab illo, quasi ab homine perfidioso & inimico, maximē cū clas̃is instructissima in portu cōsisteret, peteretur. Id. n. posse videri ex altera parte, diffidētia, ex altera, timiditatis argumētū. Si Siqueira nō crederet, Lusitanos posse sine vllō piculo in vrbe amicissima vagari, sinistrā suspiciōē de amicis reciperet, qua nulla maior contumeliā hominib; amicis imponi posset. Se verò, si illi Siqueira postulato, quandiu clas̃is esset in portu, satisfacere, turpissimi timoris significationem daturum. Itaq; sine vllō effectū sermo habuit. Siqueira consilium cum ducib; habuit. Cū varia sententiā dicerentur, tandem constitutum fuit, non esse illo tempore vr̃bis oppugnationem tentandam. Esse namq; situ & artificio munitissimam, & maximo militū numero firmatā. Rem esse in aliud tēpus differendā: nec esse eorū salutē, qui in custodia tenebātur, temerē negligendam. Cū sententia in vulgus emanaret, milites fremere, vociferari, Prætorem & duces liberius accusare minimē destiterunt. Iam robur illud Lusitanæ virtutis extinctum, Duces plurimum de quæstu & cōpendio, parum de dignitate et officio cogitare. Iam Lusitanis militibus insitæ virtutis declarādæ à ducibus locum minimē dari. Prætoris flagitio fieri, ut qui antea cunctis Orientis nationib; terrore fuerant, eo tempore despicerentur. Multi, inquit, in vrbe milites sunt. Quando id præclari duces cōpertū habuerunt? Posteaquam pugna tempus appropinquauit? An id nō multò antè exploratum esse oportuit? Postquam tanta clas̃is, cum tam fortium militū numero, et tantis sumptib; huc

LIBER

aduecta est, & oppugnationis tempus instare videtur, nunc ignavia & timiditati sapientiae nomen obtenditur. Factum igitur est, ut consilij tempus audacia & temeritas occuparet, virtutis locum timiditas nomine prudentiae occultata septum teneret. At inquiunt, Lusitanorum saluti, qui in vrbe versantur, est consulendum: quasi verò non multo pluribus Lusitanis erat in vrbis munitissimae oppugnatione moriendum. Et tamen eo metu duces contineri minimè poterunt, quin ad urbem oppugnandam accederent. Et non intelligunt, etiam eorum, qui in custodiam traditi sunt, salutem virtute nostra & non timiditate contineri. Nam si hostes arma nostra timuerint, eis minimè nocebunt: si nos contemnere coeperint, eos iniurijs omnibus lacerabunt. Haec & alia eiusmodi conuicia milites, ut est hominum genus liberum, & audax, & ad maledicentiam propensum, vulgò iactabant. Accessit alia suspicionis occasio, quae grauius animos eorum irritaret. Euangelio, obsidibus primò datis, permissum erat, in classem venire. Is cum periculum rebus suis imminens mente prospiceret, quoties in classem se conferebat, pecunias quas fecerat, & variam supellectilem importabat. Idem reliqui Lusitani faciebant. Rumor confestim emanauit, Siqueiram pecunia corruptum belli consilium omisisse. Eam namq; pecuniam belli redimendi gratia à Sacca missam fuisse criminabantur. Siqueira cum se frustra tempus in eo loco terere videret, Armuzium petijt, & aliū interim locum non procul ab vrbe arci adificandae designauit. Inde tamen prius Alexium Menesium Cochimum misit, qui, dum ille abesset, imperium administraret. Georgium Albuquerqueum Malacam, Georgium Britium in Malucas insulas, Raphaelem Perestrellum in Sinarum regiōem misit: Iacobum verò Fernandium Begiensem, & Nonium Fernandium Macedum, & Emmanuelem Macedum in

ea ora reliquit, vt per speciem comparandi commeatus, quē Cochimum subueherent, amicitiam simularent, dum Lusitanos, qui erant in vrbe, cum opibus, quas parauerant, in naues reciperēt, & tum demum ciuitati aperte bellum indicerent. Vtrumque facillimum fuit. Vrbis enim rectores, postquam classis e portu soluit, sine recusatione Lusitanos, quocunque illis libuisset, abire permiserunt, & illis, qui in alto sine vllius classis metu versabantur, non erat difficile bellum denunciare. Fuit tamen consilium reprehendendū. Quorsum enim adtinebat, cū omnis Lusitaniæ gentis robur erat procū amotum, & cū non maximum damnum hostibus inferri poterat, bellum indicare? An vt hostes interrim maiora præsidia compararent, & fortius statum vrbis stabilirent? Sic autem fieri necesse erat, vt qui urbem minus munitam cum tanta classe se expugnaturum minimè sperārat, eam multò maiore præsidio firmatam, cum classe aliqua ex parte diminuta, oppugnare multò minus auderet. Deinde cū eo tempore bellum denūciatum fuit, dari sermo potuit illis, qui dicerent, vrbis oppugnationē noui consilio, sed metu prorsus omisam fuisse. Postremò tunc nō admodum speciosa causa potuit obtendi, quæ Lusitanos iniuriæ suspiciōe liberaret. At postquam Siqueira Armuzio rediret, vt se rediturū affirmauerat, & urbem nihil omnino certum & exploratum de bello suspicantem offenderet, causam facilius reperiret, qua honestius atq; prudētius bellum cum opibus summo studio collectis inferret. Goa sub id tempus erat in summo periculo constituta. Cum enim Siqueira maximam classem instruere et ornare constituisset, fuit necesse, vt vrbis præsidia diminueret. Id Zabaimum Idalcamum minimè fallebat. Tempus igitur aduenisse ratus, quo Goam recuperaret, maximum exercitum compa-

ravit. Attamen Crisnara Narfinga Rex, cū illum odio acerbo & immani persequeretur, & timeret, ne si is Goam occuparet, amplificatis viribus aliquid hostile moliretur, illū acerrimo bello à conatu deterrendum esse constituit. Aliam deinde mouēdi belli causam habuit. Timuit enim, ne si Zabaimus Idalcamus Goa potiretur, omnes equi ex Perside et Arabia illius potestate continerentur. Vt igitur bellum acrius & attentius geri posset, ipse per se illius ratiōem administrare, & pralijs inesse decreuit. Fuit ab utroq; in terris Goa finitimis exercitu maximo, summis viribus, acerrima contentione, euentu vario dimicatum. Narfinga tamē Rex insigni victoria potius, multas Idalcami ciuitates expugnauit, & praefecturas varias sub imperium subiunxit, in quibus praefectura Balagatenses extitēre, quibus erat grande vectigal impositum. Sed cum esset Rex opulentissimus, earum praefectarum possessionem non tanti faciendā existimauit, vt eam cū equorū commercio conferendā censeret. Vt igitur ad se Lusitanos alliceret, legatum ad Rodericum Meliū, qui tunc Goa praefectus erat, misit, qui diceret, se libenter praefectarū Bagalatensium possessione Regi Emmanueli, quē in loco fratris habebat, cessurū. Se enim nihil malle, quā fœdus cū Emmanuele ferire, & amicitia firmare, vt intelligi posset, nihil copulatus in vita futurū. De eadem autē re, se, cū primū Siqueira Armuzio rediret, legatos missurū, qui fœdus illud solenni ritu sancirent. Interim vero ipsum Meliū admonebat, ne cunctaretur, sed statim mitteret, qui praefecturas illas occuparet, et firmo praesidio tueretur. Hoc nuncio Melius valdē letatus est. Eadem namq; opera imminentis belli metū labore alieno depulsum, & vectigalia Regis Emmanuelis amplificata cernebat. Regi vero gratias egit, & munera largē misit, & ipse cū Lusitanis equi-

equitib. ducentis, & cū Indis peditib. septingentis in praefectura Salsetensem profectus est, quā desertam reperit. Ibi cū paucis diebus gentē ad cōmerciū alle xisset, & statū aliquē constituisset, & praesidia necessaria disposuisset, praefectura atq; portorio Rodericū Iusartē Meliū sui fratris filiū praposuit. Similiter cū praefecturas Pondensem atq; Bar densē derelictas esse cognouisset, Iusartē iussit eas occupare. Post duos verò menses cū Iusartes accepisset, duos Idalcami duces cum valida manu, vt illum opprimerēt, aduentare, de ea re patruū admonuit, qui confestim per se auxiliū attulit, & hostes praelio inito psligauit. Deinde cū quaesitionem habuisset de his, qui cum hoste consenserant, centū & triginta viros primarios Goam abduxit. His autem tanquam obsidibus retentis, pax aliquo tempore rata fuit. Per id tēpus in insula Zeilanden si tumultus contra nostros eorū culpa & importunitate concitatus fuit. Lupus Suarius, vt scriptū est superius, ad Colūbi portum, qui eadē insula continetur, arcē instituit. Lupus Brittius, qui post Ioannē Sylueriā illius arcis praefectus extitit, eam tandē denuō à fundamētis excitauit. Primū. n. adificiū propter nimiam festinationē, eò quòd graue periculū immineret, & calx nulla reperiretur, è luto et lapidib. temerē cōgestis extructū fuerat. Itaq; ad eā rē Brittius quadringētos fabros, & materiam multiplicē aduehi iusserat. Arce ad summū pducta, nostri insolētius efferrī, incolas iniurijs afficere, magnū decus in illis vexādīs reponere cœperūt. Illi vicissim cōtumelijs irritati, cōmeatū subtrahere, malignē oīa p̄bere, & oēs, quos solos inueniebāt, plagis afficere, & in reb. omnib. hostilia machinari. Brittius iniurias ab incolis illatas dissimulabat, & suos, ne quidq̃ in eos hostile molirētur, cōtinebat. Interi verò rectores p̄ nūcios admonebat, vt suos à maleficio deterrerēt

LIBER

Milites autem fremebant, & Britium ignauia et timidi-
tatis insimulabant, quod tam indignas contumelias patere
tur; & ei frequenter instabant, ut malo cogeret homines suū
officium facere, & quotidiano conuitio ab eo contendebat,
ut incolas acri bello contunderet. At Britius cum cerneret,
si bellum moueret, ruinam fore funestissimam, victoriam
valde periculosam: futurum namque erat, ut cibarijs omni-
no subtractis, is cum Lusitanis, qui sub illo merebant, in ex-
tremam inopiam adduceretur, & mortis tristissima pericu-
lum subiret; militum tamen importunitate victus, maluit
illorum temeritati satisfacere, quam recta ratione munus
sibi commissum moderari. In quo sane perspicitur, quanto
sit difficilius & illustrius, falsam decoris opinionem contem-
nere, quam in hostium mucrones irruere. Multi namque, qui fa-
cillime corpora sua pro patriae salute hostium telis obijciunt,
falsa infamia metu, quantum in illis est, patrias euerterunt.
Vnde concludi potest, illum verè magnanimum esse, qui non
modo mortem minimè formidat, verum et inanes multitu-
dinis opiniones pro nihilo putat. Britius igitur ne in homi-
num imperitorum vituperationem veniret, in veram re-
prehensionem temeritatis incurrit. Nam post meridiem, tē-
pore quo incolae sine vlla formidine propter astum grauissi-
mum, qui terras illas adurebat, in domibus suis quiescebant,
ex arce ceterum & quinquaginta milites Lusitanos eduxit,
in homines imparatos inuasit, oppidum cade & terrore cō-
pleuit, & incolas in fugam compulit. Illi postquam in cam-
po conglobati, & à repentino pauore refectioni sunt, cogitare
coeperunt, se uxores & filios in oppido omni presidio nuda-
tos reliquisse. Itaque rursus in oppidū reuersi sunt, & cōfer-
ti in nostros impetum fecerunt. Nostri multitudine oppressi,
pedem retulere, triginta vulnerati sunt. Reliqui magnam
fortasse

fortasse cladem accepissent, nisi hostes fuissent flammis impediti. Britius namq³, vt eorum impetū retardaret, viā, qua in arcem ferebat, incendere iussit. Cū autem rumore dissipatum fuisset, tantam esse hominum Lusitanorum insolentiam, & feritatem, vt pauci numero in alienis terris constituti, nullius iniuria prouocati, pernitiē illis, apud quos hospites erant, inferre conati fuissent, omnes ad facinoris illius vindictam acriter stimulati sunt. Supra viginti hominum millia ad arcis excidium conuenēre. Illam igitur obsidione cingunt, ingentes fossas perducunt, aggres excitant, tormenta disponunt, dies atq³ noctes arcem oppugnant. Nullum genus erat belli, quo non, vt arcem caperent, atq³ diruerent, contentione incredibili, & magnis viribus vterentur. Nostros interim non tam pilarum frequentia, quā commeatus inopia cruciabat. Quinq³ mensibus obfessi sunt, antequam auxilium afferri posset. Tum verò milites feroces furoris insiti pœnitebat, & frustra intelligebant, militis officium non esse, pugnandi leges ducibus suis imponere, sed strenuē tantum imperata conficere. Britius Cochimum nuncium misit, qui nunciaret, rem esse in extremum discrimen inductam. Siqueira cuilibet arci, vt cum maiore classe nauigaret, praesidia infirma reliquerat. Alexius tamen Menesius quinquaginta Lusitanos milites in vna trireme, cui Antonius Lemius praerat, illis auxilio misit. Qui cū propter aduersas tēpestates (hyēs enim erat) tardissimē nauigarent, nimis serò in arcē peruenēre. Ibi cū Lemius Brittio diceret, non esse, cur aliud auxilium expectaret, antē, quā Siqueira reuerteretur: & si diutius expectaret, intelligebat esse omnibus fame pereundum, omnem spem salutis in virtute collocandam statuit. Antonio igitur Lemio praecepit, vt per totam noctem

L I B E R

è irireme hostiū munitiones & turres vehementissimè verberaret. Manè verò, cū hostes in iriremem essent intenti, & nihil minus opinarentur, quā fieri posse, vt qui erant in arce inclusi, egredi auderent, Brittius cum trecentis militibus Lusitanis erumpit, in hostes imparatos inuadit, primo impetu stationes & turres expugnat: hostes repentino pauore perculsi, diffugiunt. Sed cū esset eorum magna multitudo, postquam se in urbem contulere, verbis eorum, qui etatem in armis egerāt, increpiti, rursus instructi in nostros inuehūtur. In agmine primo, p̄ter magnum peditum numerum, erāt equites centum & quinquaginta, & elephantum cum turribus quinq; & viginti. Aliqui eorū dentibus enses alligatos gestabāt, quibus admirabili dexteritate obuios cadebāt. Quidam è Lusitanis & multitudine territi, & elephantorū metu perturbati, cedere volebāt. Sed Brittius iam munitionibus post tergū relictis, in urbē gradum intulerat. Is autē illis, qui ferreis fistulis armati erāt, imperauit, vt omnes simul glādes plūbeas in elephātos emitterent. Elephāti non solum strepitu, sed multò etiā magis vulneribus exterriti fugiūt, in suos irruūt, equites impetu immani p̄terunt, peditū aciem proculcāt, & in effusam fugā conijciunt. Nostris nulla iā pugna restabat. Hoc igitur tantū operis habuerāt, vt hostes insequerentur. Magnam hominū multitudinē cadunt, urbē omni presidio nudant, & vsq; in dēsum palmetū progrediūtur. Brittius longius insequi minimè tutum arbitratus est. Timuit enim, ne propter palmarū dēsitatē ordo perturbaretur, et sic nostri ab hostib; nō mediocre dānum acciperēt. Itaq; signū receptui dedit. Rex verò cū cerneret magnam nobilitatis partem eo pralio casam fuisse, et Saracenos, qui precipuè belli auctores fuerant, primos omnīū se in fugam dedisse, et
suspica-

suspicaretur sibi adhuc bellum integrum restare, quod quò
 magis esset diuturnum, eò maius periculum rebus suis intē-
 deretur: & animo simul reputaret, sibi fore paulo post cum
 classe maxima, si obsidio extraheretur, dimicandum: inui-
 tis Saracenis pacē petijt, quæ (sic enim rerū conditio postu-
 labat) libentissimè cōcessa fuit. Fœdere igitur iustaurato
 atq; renouato, Lusitani maiore cum modestia inier Zeilā-
 denses versati sunt: & illi vicissim multum se Lusitanis cō-
 muniis, vel ex animo, vel simulatè, quibuscunq; rebus po-
 terant, benignos exhibebant. Dum hæc apud Zeilandēses
 geruntur, Armuzij contra nostros insidiæ parabantur.
 Quod quidē à Regis Emmanuelis benignitate sumpsit ini-
 tium. Cum enim intellexisset, Reges Armuzienses suorum
 tyrannide oppressos extitisse, & postquam vrbe capta fue-
 runt Albuquerque opera liberati, nihilominus per eiusmodi
 regios ministros ve cūgalia sic exerceri, vt maxima eorum
 pars ad eosdem, qui ea tractabant, verteretur, ne ea dein-
 de fraus admitti posset, sibi prouidendum existimauit. Ea
 autem de causa scripturæ magistros, & quæstores Lusita-
 nos instituit, qui regiā pecuniam tractarēt: quam tamē o-
 mnem sine diminutione in Regis ipsius vsus conuerti præ-
 cipiebat: et hoc tantisper dum Rex ipse, cuius erat pecunia,
 posset animaduertere, quantum pecuniæ sibi detractū an-
 nis singulis fuisset, & clarius perspiceret, omnem suæ salu-
 tis rationem tutela atq; patrocinio ipsius Emmanuelis cō-
 tineri. Id Raix Xeraphius, & reliqui eiusdem flagitij atq;
 sceleris administri indignissimè tulerunt, tanto se pecuniæ
 fructu, quantum domum quotannis auertebant, Lusitano-
 rum industria & fidelitate priuari. Itaque Regi demon-
 strare conantur, illum Regis tantum nomen retinere, iure
 autē regio, atq; patrimonio spoliari. Iam apertā tyrannidē
 specio

L I B E R

specie benignitatis institui: omnem illā pecuniam in vsum
 auaritiæ Lusitanæ cessuram. præstare millies mori, quā
 tam indignam contumeliam pati. Hac cū frequenter in-
 gererent, & Regis aures assiduis querelis obtunderent, il-
 lius animum, qui erat in Lusitanum nomen valdè propen-
 sus, prorsus immutârunt. Re autem cum Regis socero, qui e-
 rat nomini Christiano vehementer infensus, communica-
 ta, decretum fuit, vt postquam Siqueira Armuzio disce-
 deret, per insidias, Lusitanorum præsidia trucidarent, &
 arcem præsidij vincirent. Sed obstabat ille metus, ne, si cō-
 iuratio parū procederet, &, quod secum agitabant, pa-
 lām sferet, Mochrim aduersarium haberent, qui Lusitanis
 adiunctus, hostis sanè grauis atq; metuendus Armuziensis
 ensibus esse posset. Insula, quam appellant Baharem (quæ,
 haud scio an illa sit, quam olim Icharam nominabant) est
 angusto freto ab Arabia disiuncta. Hac ad Armuziensis
 Regis imperium pertinebat: quam tamen Mochris gener
 principis, qui Mecam urbem summo imperio regebat, ar-
 mis occuparat. Is autem non insulam tantū dominatu op-
 pressam tenebat, verū & classem centum & viginti na-
 uium edificarat, cum quibus bellū Armuzij Regi frequen-
 ter inferebat. Hunc igitur, antequam meditatū scelus e-
 derent, de medio tollendum esse statuerunt. Quod vt face-
 rent, singularem fraudem excogitant. Nam per eos ipsos,
 quos crudelissimè necare parabant, hostem, à quo sibi val-
 dè timebant, euertere decreuerunt. Habent hoc eorū ple-
 riq; qui dira Mahumetis superstitione infecti sunt, vt in
 summa fraude summum decus situm arbitrentur. Itaq; ad
 Siqueiram adeunt, Regemq; Emmanuelem Armuzij do-
 minum esse prædicant, illiusq; officium esse, omnes, qui Ar-
 muzium bello vexant, armis opprimere. Mochri non satis
 esse

esse, Regis Emmanuelis opes bello vastare, verum & naues omnes, quæ erant Armuzium peruētura, ab eo in portu illius insula, quam oppressam dominatu tenebat, partim vi, partim etiam humanitatis specie compelli. Sic autem sublato portorio maximam vectigalium diminutionem fieri. Neq; iam Regem in summas pecuniæ angustias adductum posse Regi Emmanueli tributum pendere. Consularet igitur Regis Emmanuelis nomini & dignitati: firmaret illius imperium: tyranni illius arrogantiam virtute comprimeret, & Regis socij & stipendiarij, qui se toti Regi Emmanueli cum omnibus suis opibus addixerat, salutis prospiceret: vt intelligi posset, omnibus, qui clarissimo Regi seruirent, esse firmissimum praesidium in illius tutela atq; patrocinio constitutum. Dicebant præterea, consilio diuino factum fuisse, vt is eo tempore cum tam magna classe ad eas regiones accederet. Nec enim tempus magis idoneum, neq; commodiorem facultatem, ad rem ex animi sententia gerendam, excogitari potuisse. Et his quidē sermonibus Siqueiram impulerunt, vt Mochrim bello premendum esse iudicaret. Consilium tamen habuit. omnibus visum est, bellum esse suscipiendum. Classē igitur Siqueira Septem nauium Antonio Correæ, qui singulari laude Regem Bintamensem Malacæ deuiceret, cum quadringentis Lusitanis, maxima ex parte nobilibus, assignauit, qua bellum hostibus illis inferret. Huic classi Regia classis, quæ centum & quinquaginta naues actuarias continebat, adiuncta fuit. Illi autē Xeraphius præerat. In Regia classe erant militum Saracenorum tria millia. homines partim cetrati, & hastati, partim scorpionibus & minoribus tormētis armati in prælium ibant. Naues erant etiā maioribus tormentis, & munitionibus instructæ. In cursu sua tempestas subito coorta, classē

classem disiecit. Tempestate autem sedata, Correa, et Ioā-
 nes Pereira cum nauibus suis in insulam peruenēre, partē
 eam versus, in qua ciuitas, quæ insula nomē obtinet, sita est.
 Vrbs est ampla satis, & adificiorum magnificentia, & ho-
 minum frequentia celebris. Eo mercatores vndiq; propter
 opportunitatem cōmercij libentissimè commeabant. Mo-
 chris urbem crebris stationibus, atq; multis tormentis (fue-
 rat enim de classis aduentu certior factus) egregiè munie-
 rat, & propter ipsius urbis presidia duodecim millia Ara-
 bum mercede conduxerat. Correa classem ab vrbe disun-
 ctus in anchoris expectabat. Quæ post sex dies aduenit. Duæ
 tantū naues Lusitana deerant, quarū vna Armuziū vi tē-
 pestatis delata, altera post bellū confectum ad Baharē ap-
 pulsa fuit. Correa copias in terrā exposuit, acies diligenter
 instruxit, urbē totis viribus oppugnauit: atq; primū nostri
 fuere ab hostibus summa vi repulsi. Correa rursus cū mul-
 to maiore impetu in duas vrbs stationes inuectus esset, præ-
 lium multò acrius initum, & longo spatio tēporis extractū
 fuit. Nostri tandem irruerunt, & hostes in fugā versi sunt.
 Ex hostibus trecenti & triginta milites cæsi sunt, in quibus
 equites triginta fuere. E nostris quinq; desiderati sunt,
 quo in numero Georgius Pereira fuit: septuaginta vulne-
 rati. Antonius Correa graue vulnus accepit. Arius Correa
 frater illius, qui vexillum præferabat, cū multū sangui-
 nis è vulneribus illius emanaret, cōcidit, & ab hostibus in-
 terfectus fuisset, nisi Alexius Sousa, & Rodericus Correa,
 viri egregiè fortes, illi cōfestim opem attulissent. Qui qui-
 dem, dum Ario subuenire conabantur, multa vulnera ab
 hostibus acceperūt. Xeraphius in hoc pralio ducis sapientis
 officio functus est. Pralio enim non interfuit, & ex præda
 sanè frugaliter, quantum licuit, in naues deportauit: qui
 si

si hostes cum integris copijs insequi voluisset, magna ea die cædes hostium fieri potuisset. Correa tyranni ades occupauit, vrbs possessionem nomine Regis Emmanuelis cepit, milites collaudauit, & quosdam etiam, qui se excellentius in pugna gesserant, equestribus ornamentis affecit. Accepta deinde à Xeraphio fide, urbem illi (Regis enim vicem gerebat) moderandam tradidit, ea conditione, vt perpetuò Emmanuelis imperium agnoscerent, Raix Xeraphius cum accepisset, Mochrim è vulneribus post tres dies, quàm praliū commissum fuerat, mortuum fuisse, eo, quò extremum spiritum ediderat, Correa permissu se contulit, & cadaueris caput abscidit, vt illud gratissimum munus Regi suo deferret. Naues, quæ erant in statione nauali, succensa fuerunt. Hametus Mochris sororis filius, qui Catifam, alteram insula urbem tuebatur, illius possessione cessit, & fide Correa in continentem res omnes suas transmisit. Et sic demum insula in Armuzij possessionem venit. Correa Armuzium petijt, vbi fuit à Siquerra, vt meritis erat, collaudatus, & à Rege multis muneribus affectus. Scelus autem in aliud tempus dilatum. Hoc anno in Africa Iehabentafusus, dum facinus ingens aggredi studet, per insidias interfectus fuit. Xerisum enim bello vexare, & Marochium oppugnare parauerat. Ad eam rem auxilium à Nonio Mascaregna petierat. Is triginta equites tantum, & viginti pedites illi auxilio miserat. Et huic exiguo militum numero Rodericum Norognam præfecerat. Franciscus tamen Melius, Alfonsus Gomecius, Ioannes Fernandus Pretius, Ignatius Nonius, à Mascaregna, vt sibi cum Iehabentafuso proficisci in hostem liceret, importunis precibus impetrarunt. Cum his viginti equites praterea, et quinq; pedites egressi sunt. Ne plures autē exirent,

LIBER

rent, Mascaregnas vrbs portas occludi iussit. Iehabentafusus Dabidenses & Garabienses Mauros acciuit. Leidehambrenses, cum quibus ille conuenerat, similiter euocauerat. li cum essent infirma fide, & iter illud periculi plenum arbitrarentur, venire nolebāt, & si imperium detrectarent, ipsum Iehabentafusum, ne in eos arma conuerteret, metuebant. Verum cum Iehabentafusum dolis occidere in animum induxissent, se prastō ad illius imperium futuros esse simulārunt. Atq; tādem vt cogitatum scelus exequerentur, aduenerunt. Nacer Mequinezius Rex per id tempus ad Iehabentafusum literas dedit, quibus significabat, se pacem cum Hameto Fessensi Rege fratre suo de integro fecisse, & vtriusq; viribus coniunctis obsisti minimē posse. illos verō statuisse eum euertere, nisi facinus aliquod insigne susciperet, quo in Regis Fessensis gratiam restitui, & veterum offensionum memoriam delere posset. Proinde si saperet, omnes Christianos, quos posset, arte aliqua delusos Regi Fessensi traderet. Aliter enim crederet exitium sibi protinus afferendum. Is literas responso minimē dignas arbitratus est. Interim fuit illi nuncius allatus, montiū principem, ducem quendam, quem equitum turma praeceperat, inuasisse, & ipsum ducē, & equites quinquaginta captiuos abduxisse, & Abrahamum interemisse. Erat autem Abrahamus Azumi frater, qui multum inter suos opibus & opinione virtutis excellebat. Id cum accepisset Iehabentafusus, Azumum inuisit, vt eum consolaretur, & epulo fubnebri, quod Azumus, vt gentis mos est, fratris nomine daturus erat, interesset, & reliqua hominis amantissimi munera praesens obiret. Christianos omnes, & vniuersam familiam suam in castris reliquerat, & in Dabidensium castra, quae non procul aberant, tribus tantum ducibus comitatus

tatus se contulerat. Dum verò absq; vlla periculi suspitione
 epulis accumbit, tres principes coniurationis à tergo virum
 adoriuntur, eumq; multis vulneribus concidunt. Tres du-
 ces, quos ille secum attulerat, dum ei subuenire parant, &
 fortium hominum officium in re tam inopinata faciunt, à
 reliquis coniuratis interimuntur. Oleidehabramus in Ieha-
 bentafusi castra confestim inuasit. At Rodericus Norogna,
 & Christiani reliqui se cum Garabiensibus Mauris repen-
 tè coniungunt, & in urbē proficiscuntur. At multi ex Mau-
 ris illis, ut est hominū ingenū fallax, & subdoli, & ad euen-
 tum fortune mutabile, statuerūt Christianos, ut armis &
 equis potirentur, occidere: sed suerunt per duces suos à sce-
 lere reuocati. Interim Allebembeques, vir primarius, qui
 Iehabentafusi odio ductus, Oleidehabrami partes, dum illi
 inter se apertè disidebāt, sequutus fuerat, eò, ubi nostri ca-
 stra fixerant, peruenit, & Rodericum Norognam ad collo-
 quium euocauit. Dum à reliquis semoti sermocinantur, re-
 liqui in nostros imparatos impetum fecerunt. Multi caesi
 sunt, maxima pars cum Roderico Norogna in seruitutem
 abducta fuit: pauci autem euaserunt. Maurus quidam, Bo-
 gima nomine, cuius vxor atq; filij in vrbe morabātur, ut ca-
 lamitosum exitum nunciaret, in urbem cucurrit. Mascare-
 gnas cum incredibili celeritate centum & quinquaginta
 equites eduxit, & in castra eorum, qui scelus conflauerāt,
 inuectus est, quae inde circiter decem millia passuum abe-
 rant. Centum & quinquaginta occidit: supra sexcentos &
 quinquaginta captiuos abduxit: ingentem bouum & peco-
 rum gregem abegit, & eo ipso die victor hostium & vindex
 facinoris scelestissimi in urbem reuersus est. Eo die sex equi-
 tes, qui euaserant, Francisco Melio duce in urbem rediē-
 re. Postridie pedites sedecim, & equites duo pedibus simi-

Ecc

liter

LIBER

liter effugerūt. Hic fuit finis Mauri fortissimi, et, quod exemplum probitatis apud illos raro perspicitur, fidelissimi, qui ad extremum vite spiritum pro Emmanuelis Regis dignitate & imperio maxima cum laude decertauit. Hoc anno Rex Emmanuel Odoardum Menesium Indiæ præfecit: qui quinto Aprilis die cum classe nauium quindecim Olysiptone soluit, et vniuersam incolumem in Baticalensi portu constituit, et continuū imperij sibi commissi possessionem cepit. Eodem anno iam Georgius Albuquerque Malacam, Georgius Britius in Malucas insulas profecti fuerāt: quorum nauigatio exitus valde dissimiles habuit. Vt aut primū quid Albuquerque acciderit referamus, is Principem regno pulsum, & opibus euersum, cuius patrem tyrannus per sumum scelus occiderat, secum ducebat, vt in Pacemensi regno collocaret. Cum verò primum ad Pacemensem portum appulisset, & rumore dissipatum fuisset, Regis occisi filium ea classe aduectum esse, multi clam in classem se contulere, Regiumque iuuenem Regem salutauere. Tyrannus Guenial, hoc enim illi nomen erat, urbem fossa & vallo munierrat, magna militum præsidia suis locis disposuerat, tormenta varia collocauerat, vigilias diligenter agi præceperat. Audierat enim Indiæ Prætozem eò classem esse missurum, vt illum regni possessione depelleret. Georgius Albuquerque ad illum misit, qui diceret, vt regno, quod contra ius & fas usurpauerat, vero regni successori cederet. Quod si faceret, se operam daturū, vt meliore esset conditione, ea, quæ fuerat antè, quàm regnum illud occuparet. At tyrannus respondit, se regnum, quod ei iure aduenerat, & ab homine malefico contra ius usurpatum fuerat, virtute cepisse. Se verò libenter Emmanuelem dominum agnoscere, & summa fide tributum, quod imperatum esset, soluturum. Proinde

orare

orare & obtestari, ne Regē, qui optimo iure in regni possessionem venerat, & qui se, totiusq; regni opes Emmanueli Regi libenter addicebat, vellet vllius gratia contra iura omnia violare. Orationib. & obtestationib. huiusmodi vltro citroq; sine vllō fructu missis, decretum ab omnibus est, vt vrbs oppugnaretur. Opportunē aut Emmanuel Gama Malaca, cū nauē rebus omnib. instructissimā, ad eundē se portū cōtulerat. Rex quidā erat Pacemēsi finitimus: regnū Daru appellabatur. Is erat Principi pulso sāguine propinquus, & illius gratia bellū assiduē cū tyranno gerebat. Is cū audisset nostros urbem oppugnare constituisse, exercitū, in quo supra tria hominū millia fuere, repētē coegit, et ad Albuquerque cū continuō venit, & operā, & opes suas oēs pollicitus fuit. Albuquerque animū gratum habuit, opera verō illius ad id bellū se minimē indigere respondit. Rogauit tantū, vt spectator adesset, vt videret, quo animo Lusitani hostem ferire didicissent. Ne aut post victoriam, quā se propitio Deī numine adepturum confidebat, illius copiae cum hostibus commistae periculū adirent, eum admonuit, vt iuberet oēs suos capitāramis viridibus ornare, vt eo discrimine ab hostibus internoſci poſſet. Deinde aciem triplicē instruxit, primam Sancio Henrico, alteram Alfonso Menesio attribuit, tertiā verō sibi reſeruauit. In acie illius erant Emmanuel Gama, Antonius Miranda Azcuedius, Garſia Chaignus, Hector Valladares, Frāciſcus Bocarrus, & alij quidam viri nobiles, quorum virtus spectata multis in locis extiterat. Sancio primam stationem acriter oppugnare instituit. Menesius ne vlli laudem concederet, in locum sibi assignatum festinanter inuasit. Albuquerque postremō cum suis omnes ad certamen alacrius ineundum incendit. Fuit longo spatio varijs tormentis, & vasis fictilibus tormen-

LIBER

tatio puluere completis, atq; missilibus acerrimè pugnatū. Cum propugnaculum immineret, vnde nostri non medio-cre damnum accipiebant, Dionysius Mēlus, Emmanuel Gama, Hēctor Valladares, & Franciscus Boccarrus ad portā accurrunt, fores effringunt, et repagula conuellunt. & aditu patefacto, cum reliquis, qui illos sequebantur, irrumpunt. Ad hunc modum prima statio expugnata fuit. Altera statio multò munitior integra permanebat. Quæ fuit cum multo maiore periculo ab ijs, quos Albuquerque secum ducebat, & multo atrociorè pralio superata. Certamen enim multò maius opinione, quam nostri susceperant, extitit, adeò, vt omnes faterentur Christi præsentis numine profligatum fuisse. Quadringenti Gueinalis tyrāni domestici atq; familiares, et duo millia militum ex illis, quos mercede conduxerat, cæsi sunt: ipse Gueinal similiter interfectus fuit: vxores & filij capti. Ducentos & octoginta tantum Lusitanos Albuquerque in aciem eduxerat: quatuor solum desiderati sunt. Albuquerque in regni possessionem principem heredem misit. Regem fœdere ad fidem erga Emmanuelem conseruandam obligauit, & tributū, quod singulis annis penderet, imposuit, arcem deinde multorum operis edificauit. Sancium Hēricum arci præfecit, & ei cētum Lusitanorum præsidium attribuit, ita tandem Malacā cum incolumi classe peruenit. At Georgius Brittius cum sex nauium classe in Zamatræ portum aduectus est, ad ciuitatem, quā Dachem appellāt. Rex illius ciuitatis hostili odio à Lusitanis dissidebat iam ex eo tempore, quo Alfonsus Albuquerque Malacā expugnauerat. Idcirco Lusitanos, qui casu naues ad eum portum appulerant, omnibus bonis expoliarat. Brittius eū id exploratū habuisset, misit ad illum, qui dicerent, se vehementer admirari, cum omnes

omnes Zamatra Reges essent Lusitanis amici, illum solum eorum amicitiam aspernari, & Lusitanos, qui ad oras illas appellebant, omnibus fortunis euertere. Se illum hortari & admonere, vt vellet secum, & cum Lusitanis omnibus pacem & amicitiam firmare, & in amoris instituti signum, omnia bona, quae Lusitanis ablata fuerant, restituere. Ad haec Rex sibi curae fore dixit, vt in eum, penes quem illius iniuriae culpa resideret, diligenter inquireret, & postulato satisfaceret. Interim vero tantum absuit, vt officium debitum praestaret, vt potius urbem multo validiore praesidio muniret. Georgio Britius cum se deludi cerneret, illas exiguas copias, quas habebat, in terram exposuit. Deinde in stationem, quae portum munebat, inuasit, eamque pugnando cepit. Praelii principium non fuit telis, sed hastis, atque gladiis acerrime commissum. Qui enim cum scorpionibus, & fistulis ferreis veniebant, & erant in fronte pugnaturi, vt Britius constituerat, nondum propter aduersum ventum in terram accesserant. Hic cum hostes fugerent, Rex, vt suis opem afferret, supra mille nobiles homines, armis egregie tectos, & sex elephantos eduxit. At Britius reliquas suas copias in statione expectabat. Ioannes vero Serranus, qui vexillum praeferebat, sine ullo ad ducis imperium respectu, in hostes, qui clium subibant, signum intulit. Et cum eum Britius magnis vocibus reuocaret, voces nullo modo ad aures admisit, sed in instituta temeritate & amentia fortissime perseueravit. Idem multi eadem insania flagrantess fecerunt. Britius cum eos continere non posset, inuitus hominum furentium audaciam sequutus est. Et cum nostri ingentem impetum tulissent, tantam impressionem fecerunt, vt hostes in urbem compellerent. Ita cum iam debellatum esse considerent, in urbem ingressi sunt, ne hostes ab illo metu rescis, & recrea-

LIBER

vi permitterent. At longè secùs, quã suspicati fuerant, eue-
nit. Nam cùm in via lata in copias, quæ Regem circumsiste-
bant, incidissent, pauci à multis circumuerti sunt. Qui cùm
sibi moriendum esse cernerent, res admirabiles efficiebāt.
Primus, qui mortem appetijt, Ioannes Serranus fuit. Qui-
dam autem, Gaspar Fernandus nomine, vir egregiè fortis,
cùm in elephantum, vt eum hasta transuerberaret, impe-
tum ferret, ab elephāto proboscide in altum sublatus atq;
ad terram allisus, & pedibus ipsius elephāti conculcatus in-
terijt. Georgius Brittius deinde cecidit, Christophorus Pin-
ctus, Ioānes Pereira, Franciscus Godizius, & alij multi si-
militer occisi fuere. Qui euadere potuerunt, fuga se man-
dārunť. Quidam ex nauarchis, Laurentius Godinius no-
mine, copias suas, vt se cum Brittio coniungeret, educebat:
cùm nostros fugientes animaduerneret, non expectauit,
dum illos exciperet, & hostium insequētium impetum ab
illis reprimere conaretur, imò fœdisima fuga sibi cōsuluit:
quo factum est, vt hostes vsq; ad littus nostros insequeren-
tur. Nondū oēs sciebant, Ducē intra urbē cecidisse. Ludoui-
cus Raposus, & Petrus Villosus, viri, qui multa decora vir-
tutis militaris obierant, cū in ipso littore percepissent, Brit-
tium occisum fuisse, dixerunt, sibi nullo modo tantam tur-
pitudinem subeundam esse, vt ex pralio, in quo Dux occu-
buisset, euaderent. Itaq; in hostes ruunt, neq; cadendi finem
faciunt, donec vulneribus concisi, & debilitati cōciderent.
Gaspar Gallus, cui prima acies, in qua multi minoribus tor-
mentis instructi veniebāt, assignata fuerat, cū fluctib. et ad-
uerso vëto pugnauerat. Cùm verò strepitū tormētōrū, qui-
bus hostes, qui erant in statione, nostros repellere niteban-
tur, audiret, nauem longam, cui præerat, remis quantum
hominū viribus, & summa animorū cōtentione fieri potuit,
im-

impelli & incitari praecepit. Quo facto naui impetu ipso. quo ferebatur, in arena molem, quae sub aquis latebat, impacta sic inhaesit, ut nec remis neque cōis nec vlla nautarū industria inde prius euelli potuerit, quā rediēs aestus, aquas, quibus sustineri naui ipsa possit, auferret. Omnes igitur nauarchi cāsi sunt, praeter duos, Gallum nempe & Godinium, qui praelio nō interfuerunt: vnus, quia non potuit, alter quia fugae turpitudinem subire minimē dubitauit. In quo praelio supra septuaginta viri Lusitani ceciderunt, & ex ijs qui euadere potuerunt, nullus extitit, qui non multis inde vulneribus sauciatus abiret. Anchoris autem solutis, ē portu profecti sunt, & in portum Pedirensē se contulerunt: vbi inuenerunt Antonium Brittium, Georgij Brittij fratrem, qui communi omnium suffragio delectus fuit, ut in fratris demortui locū succederet. Sic autē fuerat ab Emmanuele decretum, ut si Georgiū aliquis casus de medio sustulisset, Antonius Malucis insulis praesesset. Antonius Brittius nauarchos reliquis nauib. praefecit, deinde in oram Pacemensem delatus, Georgium Albuquerqueium reperit. Itaque omnes simul Malacā profecti sunt, vbi fuerunt à Garfia Sala cū humanitate summa recepti. Quī arcis confestim possessionē Georgio Albuquerqueio concessit. Hoc anno Leonora Regina Olyssipone, mense Iunio peperit filiam, cui fuit Maria nomen impositum: quae postea ingenio, & animi magnitudine & opib. summis excelluit, quamuis varijs casibus inupta in hunc vsq; diē permanserit. Ut autē quid interim in India Iacobo Fernandio Begiensi acciderit, oratione perstringamus, is eo tēpore, quo Antonius Correa in Baharē missus à Siqueira fuit, in indiā cum nauib. quatuor eiusdē Siqueirae iussu nauigauit. In ora Cābaia duas naues cibarijs onustas, & vnā onerariā nauē satis opulentā pugnando cepit. Melichia-

LIBER

zlius, cum praelium non procul à Diensi portu fieret, Hagamahamedum cum longis nauibus duodeuiginti misit, ut opem suis afferret. Sed eo tempore, quo is nauibus appropinquauit, iam praelium erat finitum, & hostiū maxima pars occisa. Hagamahamedus tamen acre praelium de integro cum victoribus iniuit: nauem vnā, cuius nauarchus nominabatur Gaspar Doutelus, depresit: maxima eorum pars, quae eadē naue vehebantur, fluctibus demersa fuit: nauis ipsius Begiensis parum absuit, quin mergeretur. Similiter & Nonius Fernandus Macedus summum periculum adiuit, & quatuordecim in praelio viros amisit. Cum essent nostri in extremo periculo constituti, imbres immodici, & tonitrua, & fulgura, sublatiq; subita tempestate fluctus praeliū diremerunt. Begiensis ut aquationem faceret, et rei frumentariae consuleret, & naues iactatas reficeret, Chaulē petijt: eō Siqueira peruenit, à spe arcis prope Diūm adificāda deiectus. Locum enim, quem is delegerat, Melichiazus munierat. Præterea nauis ingens, quae materiā subuehebat, incensa fuerat. In ea namq; vincti Turcae vehebantur, qui facinus incredibile susceperunt. Cum enim mortem seruituti longè prætulissent, clauorum attritu scintillas excusserūt, quibus in tormentarium puluerem deiectis, flamma nauē & ipsos captiuos cū omnib. Lusitanis absumpsit. Alias dein de cogitationes Siqueira cum suscepisset, Odoardi Menesij aduētū, ab illis omnib. depulsus fuit. Interim Petrus Syluius, quē Siqueira Armuzij reliquerat, ut quadā negotia cōficeret, in Chaulensem orā peruenit, Hagamahamedus cum sua classe eō se cōtulit, Petriq; Syluij nauē multis tormētorū ictibus vulneratā depresit. Syluius cum maxima hominum, quos ducebat, parte fluctibus haustus fuit. qui nando seruari potuerunt, capti, Diūmq; perducti sunt. Sub idem

tempus matrimonium Beatricis, Regis Emmanuelis filiae, cum Carolo Allobrogum duce Olyssipone celebratum est. Carolus eas nuptias aliquot antè annis ambierat, quòd ad suam dignitatem valdè pertinere arbitraretur, cum Emmanuele affinitatem contrahere, & quòd de Beatricis forma & pulchritudine, & de indole singulari multa percipisset: & de eadem re ad Emmanuelem legatos miserat. Sed nihil fuerat ab Emmanuele constitutum. Legationem tamen benignè acceperat, & filia etatè parum matrimonio aptam excusauerat: & interim multa de statu & imperio Caroli, de regionis, quam iure possidebat, amplitudine, de illius moribus & vita clàm per homines industrios inquirendo, eò deductus est, vt minimè eam affinitatè contemnendam arbitraretur. Quod vbi Carolus sensit, legatos iterum in Lusitaniā misit. Nuptiae pactae sunt, & matrimonij conditiones scriptae, & classis, qua Beatrix Nicæā veheretur (sic enim fœdere cautum fuerat) summis sumptibus, et singulari studio comparata. Classis erat duodeviginti nauium, in quibus erant aliquae tantae magnitudinis, quanta nūquam in Lusitania naues ullae perspectae fuerāt: erant etiam aliquot rostratae, & triremes praeterea, & longa naues. Nauarchus, qui vniuersae classi praesset, Martinus Albicastrensis, Villa Noua Portimanensis Comes, vir singulari prudentia, ab Emmanuele delectus fuit. Martinus Costa Archiepiscopus Olyssipponensis aliam nauē summis sumptibus instruxit, qua Beatricem sequeretur. Ex omni nobilitate fuerunt multi ab Emmanuele delecti: qui omnes gemmis, & auro, & vestibus atq; monilibus tam insignem speciem elegantiae & magnificentiae praese ferebāt, vt omnibus admirationem non mediocrē mouerent. Naues erant interius multo auro & varijs coloribus illustratae.

L I B E R

Festi dies, antè, quàm classis solueret, ludis quamplurimis agitati, & nobilitatis frequentia, & omnium gratulatione celebrati. Neq; solum elegàtia vestium cura Lusitanis fuit, sed multò etiam magis armorum, & tormentorū ratio ab omnibus habita. Classis nono die Augusti vela dedit, in exitu mensis Septemb. ad portū Nicæe appulsa, & Beatrix cū maxima pompa celebritate, & amoris insignis argumentis excepta à Carolo & ab illius proceribus, & vniuersa nobilitate & multitudine fuit. Dum hæc geratur, in India Lusitani, qui arcem Chaulis edificabant (nondum enim erat absoluta, sed tantum ad primam contignationem peruenerat) magnis laboribus & periculis afflictati sunt. Hagamahamedus enim sæpenumerò in Franciscum Mendozam, et Georgium Menesum qui singulis triremibus præerant, incurabat, & non paucos interimebat: & hæc in Siqueira & Menesi conspectu faciebat, qui nullo modo propter æstus accedentis impetum suis opem asserre poterant. Tempus enim hostis acer & infestus obseruabat, quo naues, quæ remis non agebantur, ei nocere minimè possent. Siqueira cū illi iter instaret, vt Cochimo in Lusitaniam tenderet, Henricum Menesum arci Chaulensi proposuit, maritimarum rerum curam Iacobo Fernandio Begiensi dedit. Ei verò, vt mare illud tueretur, duas naues magnas, tres triemes, vnam nauem longam, & vnam præterea minorem nauē reliquit: deinde vela dare iussit. Cū verò Malacia summa nauigationem illius impediret, in ora naues suas prope Begiensis classē instituit. At Hagamahamedus cū nullam rei benè gerendæ occasionem amittendam existimaret, cū triginta longis nauibus classē Lusitanam circumibat, eamq; multis tormentorum ictibus assidue verberabat, & illius conatus nauium suarum celeritate, & vehementi re-

morum

morum impulsu, & concitatione frequenter eludebat. Si-
 queira cum se loco mouere non posset, angebatur. Begien-
 sis Andreæ Sousa, qui triremis cuiusdam praefectus erat,
 imperauit vt trirēm suam in ostiū fluminis, quod Chau-
 lem alluit, impelleret, ne hostes per fluiuium inuēti, arcem
 oppugnarent. Sed Hagamahamedus in Sousa inuēctus,
 trirēm nocte crebris ictibus oppugnavit, septem Lusita-
 nos occidit, vulnera graua & periculosa multis imposuit.
 Alexius Sousa, Andreæ Sousa frater, non leue vulnus ac-
 cepit. Ad trirēm tandem, vt eam retineret, suam nauē
 applicuit. Georgius Menesius, vt opem Sousa ferret, acce-
 lerauit. Nihilō tamen secius Hagamahamedus, vt vtramq;
 alligaret, summa opo contendebat. Sed Begiensis cum trirē-
 me, cuius praefectus erat, & Frācisus Mendoza cum qua-
 tuor lembis subsidio occurrit: & cum trirēm Sousa la-
 ceram & dissipatam animaduertēret, eam submoueri ius-
 sit. Deinde in trirēm Georgij Menesij transcendit. Na-
 ues interim nostrae eō, quod ventus omninō defecerat, im-
 mobiles permanebant. Pralium verō exarsit. Qui erant in
 lembis, cum non possent, aut non auderēt hostium impetum
 sustinere, lembos subduxerunt, vt trirēis puppi se defen-
 derent. Itaque omne certamen erat contra duas trirēmes
 institutum. Malus trirēis, in quam Begiensis se contule-
 rat, erat iam pertusus, latera multis in locis perfossa. Be-
 giensis cum acerrimē dimicaret, & omnibus locis occur-
 reret, optimiq; ducis, & strenui militis munus simul obiret,
 exemplo suo multos ad rem strenuē gerendam excitabat.
 Cum verō lembos non aspiceret, in puppim recurrit. Er-
 go, inquit, homines perditissimi, quos nec pudor, neq; reli-
 gio ad officium impellit, mauultis turpiter fugiendo, ab ho-
 ste crudelissimo necari, q̃ fortiter & animosē dimicando,

LIBER

vitam tuori. Dum hac diceret, tormenti vnus ingentis pilula latus illius percussit, lorica per fregit, & ipsius loricae fragmenta intra lacerum corpus immisit. Cum Georgius Menesius illum cecidisse conspiceret, corpus illius integumentum inuolutum à militum conspectu subtraxit, ne multi caderent illius exanimati, à pugna desisterent. Eos autem, quos mors illius fallere non poterat, adhortatus est, ne vnus viri casu animos demitterent, imò virtutis illius exemplo ad simile decus aspirarent. Tum ducis officio egregie functus, multa pertulit. At multi ex illis, qui tormentis praeerant, occisi iam fuerant. Tum quilibet pro usu quem habebat, eorum vice munus illud administrabat. Remiges, cum essent à CHRISTI sacris alieni, lingua nostris ignota hostem magnis vocibus admonent, ut triremem alligent. Neminem esse iam, qui eam tueri posset, cum omnes aut mortui, aut vulneribus debilitati fuissent. Menesius cum hoc animaduertisset, septem aut octo remiges vulnerauit, reliquos formidine perterritos in officio continuit. Hagamahamedus tamen, cum magnam suorum partem interfectam, multas naues laceras animaduerneret, praelium, ne gravior aliquod damnum pateretur, omisit. Menesius, ut ijs, qui erant in litore, & praelium spectabant, victoria speciem praeberet, illud per aliquod spatium insequutus est. Deinde triremem, quae omnem propemodum praelij impetum sustinuerat, multis vexillis ornauit, & tormentorum omnium fragore latitiae significationem dedit, quod illius ciuitatis incolis maximum terrorem incussit. Deinde ut magis victoriae confessionem cunctis exprimeret, ad vesperum in anchoris constitit. Postremo sublati anchoris ad nauem pratoriam accessit, laceramque triremem, & numerum eorum, qui pugnando ceciderant, ostendit. Si que ira noluit inde discedere, an-

te, antequàm classẽ reficeret, & ad Odoardum Menesiiũ literas dedit, quibus rei statum significauit. Classe autẽ refecta, maritimarum rerum præfecturam Antonio Correa commisit, tãtisper dum Ludouicus Menesius Odoardi Menesii frater, veniret, qui fuerat ab Emmanuele mari præfectus. Rebus ad hunc modum constitutis, Siqueira Cochimum profectus est, vt se ad iter, quod erat ei in Lusitaniã faciendum, compararet. At Hagamahamedus sex & triginta longas naues rursus instruxit, & ita in Chaulis portum inuectus, classẽ in loco constituit, quo illam tutam à nostris facillimè conseruabat. Hagamahamedus cùm Corream nihil mouere cerneret, ad classẽ illius accessit, & postquam ad ictum tormenti constitit, multis tormentis prælium instituit. At Correa tormentarij pulueris inopia laborabat, et ided, ne totum sine magno fructu cõsumeret, summa vigilantia prouidebat. Nostri duas turres excitãrant, atque munierant, vnã ad orã, qua flumen in mare cadit, in qua specula erat, alterã propius vrbe. Hagamahamedus cominus decertare, non satis tutum arbitrabatur. Turrẽ verò, quæ erat ad fluminis ostium, oppugnare constituit. Eam triginta tantum viri Lusitani tuebantur. Ducem igitur, Chilum nomine, cum quindecim nauibus ad eã oppugnandã misit. Is ducentos viros in terrã exposuit, in loco, quem rupes excelsa tegebat: qui inde in editũ collem subierunt, qui turri imminebat. Hi turrẽ à terra acriter oppugnare, naues è mari quater tormentis instituunt. Nostri ancipiti prælio districti, nulli tamen loco desunt. Turris Præfectus, cui nomen erat Petrus Vascius Furmanus, dum periculum à turri forti animo propulsat, tormenti vnus ictu percussus occubuit. Simon Ferreira, & tormentorum magister, & nonnulli eiusdem muneris artifices

LIBER

fices occisi sunt. Correa interim, quamuis praelium cum Hagamahamedo tunc iniret, Rodericum Vascium Pereiram cum septuaginta viris Lusitanis duobus lembis immisit, ut ijs, qui arcem tuebantur, subueniret. It cum in terram desilirent, in hostes, qui collem occupant, inuadunt, eosque locopellunt, & in fugam conijciunt, & ferociter in littus insequuntur, & multos interimunt. Hagamahamedus verò post praelium longo spatio protractum, cum è suis maximum numerum interfectum aspiceret, receptui signum dedit. Porro autem Correa praelij cōtentione liberatus, in turrim iuit. Ibi eos mortuos, qui dicti sunt, aduersis vulneribus inuenit. Multos praterea vulneratos offendit. Parma vnus, cui Petrus Queirosius nomen erat, septem & viginti sagittis transfixa fuerat: & alius nomine Emmanuel Cugna, similiter quinque & viginti sagittas parma infixas gerebat. Alij similiter multa signa virtutis indicabant. Dum hostes ab arcis ingressu repelluntur, triginta ex illis cæsi sunt, & alij præterea, sexaginta in littore ceciderunt, præter eos, quos Pereira ceciderat. Omnes ferme, qui hoc praelio cæsi sunt, nobiles erant, quos cultus elegantior et armorum vsus indicabat. Inter eos Chilus, qui ad arcem oppugnandam missus fuerat, & Aethiops quidam agminū ductor, vir fortissimus, iacebant. Mortuorū capita Correa præcidi iussit, ut ea ad Magamahamedū muneris parū grati loco mitteret. Turrim verò refecit, & firmiore præsidio muniuit, illiq; Aluarum Brittū præfecit. Interim Ludonicus Menesius interuenit, cui Correa classem continuò tradidit, & inde Cochimum profectus est. At Melichiazus pacē ab Odoardo Menesio postulauit, & culpam belli in Siqueirā transtulit. Hagamahamedo verò, ut se cum classe reciperet, imperauit. Dum hæc in India citeriore geruntur, Georgius Albuquerque

cuius Bintami urbem egregiè munitam oppugnare cōstituit. Itaq; classe magna cōparata, in eam insulā traiecit, ad urbē castra posuit, & stationes ppugnatoribus nudare instituit. Sed scalas non attulerat. Dictum enim illi fuerat, stationes et propugnacula propter humilitatem trāscendi facillimè posse: quod longè secus esse reperit. Itaque fuit ab oppugnatione cum damno repulsus. Multi namq; telis hostium ceciderūt, inter quos Georgius Melius extitit, qui cū Antonio Brittio in Malucas insulas nauigabat. Multi vulnerati sunt. Ita deinde se receperunt, ut hostes eos insequerentur, neq; cadendi finem facerent, vsq; eò, dum in scaphas & lembos, deinde in naues cum periculo non mediocri conscēderent. Laquei ximena maritarum rerū præfectus, ut magis victoria confessionem exprimeret, cum nauibus viginti classem Lusitanam persequutus est, Egidiumq; Simonem celocis præfectū cum omnibus, q̄ sub illo militabant, interfecit. Exitus igitur rem temerè susceptā, ut fieri plerunque solet, infelix admodum consequutus est. At Antonius Brittius ex eadem insula profectus, ut Malucas insulas peteret, ad lauas in eo cursu delatus classem in Agaciamensi portu constituit. Erat enim ea ciuitas fœderata. Aberat inde non procul insula nomine Maduram, cuius aqua laudabatur. Itaque magistrum nauis suæ eò misit, ut aquaretur. Incolæ in nostros impetum fecerunt, & lembum ceperunt, & captiuos, eò quòd insita quadā temeritate & insolētia primi iniurias intulerāt, nullo modo, nisi pretio prædeptione psoluto, reddiderūt. Brittius ppter ea, quòd hyems erat, nō potuit eodem anno in Malucas nauigare: & apud Hagacimenses hybernauit. Et hæc quidem in vltiore India gesta sunt. Sub id verò tēpus, Armuzij Xeramus operam dedit, ut scelus meditatū in actum

tan-

LIBER

tandem erumperet. Postquā enim opera & industria Cor-
rea Baharensi insula potius fuit, tantos ad scelestum il-
lud facinus perficiendum spiritus assumpsit, ut oblitus fidei
atque recentis illius beneficij, conatus omnes ad exitium
nominis Lusitani comparauerit. Obstabat tamen Regis ip-
sius voluntas in Lusitanos propensa, qui etsi soceri crebris
sermonibus alienatus à nostris extiterat, noui tamen mune-
ris & beneficij recordatio eum rursus ad fidem, ut antea fa-
ciebat, obseruandam alexerat. Hominis tamen scelestissi-
mi importunitate victus, & soceri auctoritate commotus,
quamuis pestem sibi comparari eo scelere perspiceret, ho-
minibus p̄ditissimis assensus est. Die igitur ad facinus prae-
stituta, in ades, in quibus Lusitani habitabant, irruerunt,
inopinantes oppresserunt, & domos aliquas incenderunt.
Supra sexaginta ea nocte Lusitani cæsi sunt. Huius coniur-
rationis indicium ad arcis Praefectū delatum fuerat. Sed
tanta fuit hominis in tanto periculo propulsando negligē-
tia, tantaq; suscepti muneris obliuio, ut ne cōmeatum qui-
dem vllum ad obsidionem tolerandam in arcem importā-
dum curauerit. Ea tamē nocte, ut in re trepida fieri potuit,
Garsia Cottignius, hoc enim praefecti nomen erat, ut dixi-
mus, turres ducibus assignauit, & tormenta aptè collocari
praecepit, & aciem instruxit, quae Lusitanos in arcem con-
fugientes exciperet, & impetum hostium ab arce repelle-
ret. Nostrī cū ex arce egressi fuissent, in Saracenorū tur-
bam impetum dederunt, multosq; ex illis occiderunt, &
non paucos Lusitanos, qui nondum interfecti fuerant, cō-
seruauerunt. Cū verò in arcem redirent, in hostes, qui vias
obsederant, inciderunt. Fit atrox praelium. Hostes odium
acerbum & immane, nostros desperatio & indignatio sti-
mulabat. Illi multitudine furenter elati, nostri virtute fre-
ti di-

ri dimicabant. Tandem cum nostris via ferro aperienda
esset (aliter enim nulla spes salutis erat) tantam impressio-
nem fecerunt, ut hostium aciem perrumperent, & multos
interficerent, atque tandem in arcem euaderent. Omnes ta-
men, qui quadraginta tantum erant, vulnerati fuerunt.
Cottignus ea nocte nuncium de rebellionem illa, et periculo,
in quo versabatur, ad Praetorem in Indiam misit. Et quia
materia ad excitanda propugnacula deerat, nauem one-
ratam, quae in anchoris consistebat, exonerari, & dissolui,
& omnem materiam in arcem comportari iussit: quod non
sine maxima armorum contentione, & sine multo sangui-
ne, & aliquorum caede fieri potuit. Multi namque Sarace-
ni, qui opus impedire nitebantur, occisi sunt, & aliqui etiam
Lusitani ceciderunt: inter quos vir egregie fortis, Vascus
Vieira nomine, cuius in ea pugna praecleara virtus fuerat,
occisus est. Eo vero tempore Emmanuel Sousa Tauares, qui
cum classe mare Persicum et Arabicum peragrabat, vi tempe-
statis in Mascate delatus fuerat. Eo Tristanus Vascius Ve-
ga nauem, Calaiate profectus, appulerat. Urbis praefectus
illis Armuzij rebellionem, & scelus in Lusitanos commissum
nunciauit. Significauit praeterea, se literas ab Armuzij Rege
accepisse, quibus imperabat, ut omnes Lusitanos, qui in eadem
vrbe versarentur, confestim occideret. Quod etiam Calai-
atensi praefecto, post Veiga ab illa vrbe digressum, praescri-
pserat. Omnes enim illius ora ciuitates ad Armuzij ditio-
nem & imperium pertinebant. Calaiatensis autem praefe-
ctus continuò paruit, omnes Lusitanos, quos potuit, inter-
emit. At Mascarenensis, cum esset vir senex, longoque rerum
usu peritus, & coniectura prouideret, facinus illud non es-
se feliciter casurum, se à caede continuit. Veiga fuit vir ne-
que moderatus, neque moribus & vita rectè constitutus,

tantatamen animi magnitudine præditus, ut nullum vni-
 quam periculum formidaret, ita, ut multi illum insaniam, et
 præcipitis cuiusdam temeritatis insimularent. Is tunc, cum
 inter illum & Sousam iurgium extitisset, solus cum triginta
 Lusitanis Armuzium profectus est, & per mediam ho-
 stium classem, in densos tormentorum globos, & in flammæ,
 & tela, & in sagittarum multitudinem irruit, tantæque
 virtute dimicauit. ut omnium iudicio vires humanas supe-
 raret. Atque tandem cum hostium classem perrumperet, in
 arcem penetravit. Præbuit facinoris illius audacia hostibus
 maximum terrorem, & obsessos ad spem certissimæ salutis
 erexit. Emmanuel Sousa ad insulam Queixumem, quæ in
 arcis conspectu posita est, naues appulit. Cottignius cum à
 Veiga percepisset, Sousa classem esse exiguam, & hominum
 præsidio non satis munitam, illum rogauit, ut simultatem
 deponeret, & se rursus cum Sousa coniungeret. Is, etsi vul-
 neratus erat, Cottignii precibus obsequutus est. Iterum igitur
 non cum minore periculo classem hostium perrupit, &
 Sousam de statu, in quo arx tunc esset, admonuit. Cum igitur
 æstus accederet, in hostes inuecti sunt. Prælium fuit utrin-
 que magna virium & armorum contentione commissum.
 Decem hostium naues depresso, multi interfecti atque vul-
 nerati fuerunt. E nostris vnus cecidit, octoginta vulnera-
 ti sunt: classis verò Lusitana ad arcis portas, hostibus fru-
 stra repugnantibus, accessit. Xerafus cum cerneret arcem
 mari, propter Lusitanam classem, oppugnari minimè posse,
 omnes vires ad oppugnationem, quæ ex vrbe fiebat, conuer-
 tit. Consilio autem Turcæ cuiusdam, nomine Mirabelic,
 viri in bellicis rebus exerciti, statim in regis adibus ere-
 xit, & alteram similiter in Xenodochio Lusitano, quod in-
 ter Re-

ter Regias ades & arcem interiectum erat, excitauit. Unde, ed quod propius abesset, hostes plurimum damni crebris tormentorum ictibus nostris inferebant. Garsia Cottignius Emmanuelem Vetulum, & Rodericum Varellam cum hominibus quadraginta in eam stationem immisit. Hi stationem acriter oppugnant, parietem disturbant, violenter irrumpunt, magnamq; cadem faciunt: duo tamen in eo praelio cadunt, & omnes ferme vulnerantur. Statione ad hunc modum capta, Cottignius tormenta omnia, qua in ea disposita fuerant, in arcem deportari praecepit. Xeraphus ingens tormentum in infima regiarum adium parte collocari iussit: illius ictibus, arcis portae confractae atq; dilaceratae sunt. Aditum tamen illud Cottignius obiectis molibus obstruxit, & multa tellure conpleuit. Tu est templi turre, quae erat regis adibus aduersa, tormentum excellenti artifice commisit, qui ita collineauit, ut hostium tormentum, quo fores effregerat, ictu primo dilaceraret. Hostes exterriti quidem eo casu sunt, in instituto tamen perseuerabant. Nostros cum multum fames, tum multo vehementius sitis afflictabat. Homines quidam obscuri ex arce ad hostes transfugerunt, quorum indicio Xeraphus accepit, nostros non posse diutius sitim perferre. Eo nuncio fretus statuit, arcem ad motis scalis oppugnare. non credebat enim, ullas vires in Lusitanis ad resistendum propter aquae penuriam residere. Hoc fuit Cottignio Saraceni cuiusdam indicio, qui ad illum transfugit, continuo delatum. At Cottignius vasa tormentario puluere completa, & trabes transversas cum saxis ingentibus, ex trabibus aptissime colligatis, in pinnis statuit. Hostes ad oppugnationem satis confidentes accedunt, plurimis simul scalis, ad motis, in arcem scandere nituntur quantum quisque potest, ut primus, vel inter primos, ad summum euadat, enititur: cum

L I B E R

Lusitani trabibus demissis scalas perfringūt, vasa deijciūt, multos saxis interimunt, multo plures flammis absumunt: interim pilæ in confertos emissæ, maximā stragem faciunt. Xeræsus receptui signum dedit, & scalis omiſſis, arcem tormentis quaterere sine intermissione parauit. Catapultam deinde in adibus regijs disponi iussit, quæ plurimum damni nostris inferre potuisset, si aliquis inter hostes esset, qui ea vti sciret. Sed hostium imperitia frustra fuit omnis opera in ea statuenda consumpta. Tandem Xeræsus murum edificauit, ea mente, vt ad tantam altitudinem perduceret, vt arci immineret, & tela atq; dẽsas pilas in nostros emitteret, arcẽquẽ propugnatoribus nudaret. At nostri Cottignij iussu crebris duorum tormentorum ictibus murum quatunt, eumq; lata rima findunt, multisq; locis pertundūt. Deinde galeas fustibus sublatas inter pinnas statuunt, vt armatorum speciem prabeant, & choreas ducunt, maximamq; recentis lætitiæ significationem dant, vt hostes opinarentur recens auxilium aduenisse. Ea verò nocte, quæ sequuta est, Cottignius Emmanuelem Vetulum, et Rodericum Varellam, cum vasis puluere tormentario refertis in murum immisit. Hi magno silentio ad murum accedunt, & per rimas atq; foramina vasa intra murum collocant: deinde sparsum puluerem tenui quodam limite ab aduerso muro ad arcẽ continuant. Deinde postquam in arcem recepti sunt, ignem deijciunt. Flāma repentē in muri ruinas temporis momento discurret, vasa corripuit, incendium cum horrendo quodam strepitu concitauit, quod stationem, quæ intra murum erat, absumpsit: in ades deinde regias impetu peruasit. Ventus erat ea nocte vebemēs, et ita euenit, vt cū omnes accederent, nemo posset incendium restinguere. Neq; solum ades regia, sed magna etiā ciuitatis pars incendio illo consumpta fuit.

Hoc

Hoc facto Xerasi atq; Regis spes incise fuerunt. Viderunt namq; suos conatus ad nihilum recidisse: & existimabant nostros nouis presidijs confirmatos esse: & idcirco ciuitatē deserunt, & in aduersam insulam cum trepidatione traiciunt. Nostrinē incendium vltra serperet, operam dederūt, & varium ex vrbe commeatum, & aquam præcipuē in arcem importarunt. Rex postquam in Queixumensi insula cōstitit, literas ad Cottignium dedit, quibus significauit se valdē suscepti facinoris pœnitere, cuius omnem culpam in Xeratum transferebat, et à Cottignio pacem suppliciter atq; demissē postulabat. Interim Gondissalvus Cottignius, Garsie Cottignij frater, ab India cum valido presidio iussu Ordoardi Menesij Armuzium venit, cuius aduentu metus à nostris omninō depulsus, & omnis hostium spes prorsus abiecta fuit, & nostri, quasi iam pax instaurata esset, hostibus mansuefactis familiariter vti cœperunt. Xeratus tamen, vt susceptum scelus alio scelere cumlaret, cū intelligeret Regem literas ad Garsiam Cottignium clam misisse, Xamiro homini primario quo plurimum utebatur, negotium dedit, vt ipsum Regem strangularet: quod ille diligenter effecit. Illo mortuo, Xeratus Patxam, Mahametxam Zafardimi Regis filium, qui Zafardimus eo tempore, quo primū Albuquerque Armuzium venit, regnabat, Regem creauit. Quo beneficio illum sibi vehemēter obstrinxit, vt multo liberius tyrannidem constitueret, & per omnium facinorum genera vagaretur. Hoc anno in Africa Ioannes Cottignius ducentos equites eduxit, & rursus Alcaffarem Quibirium profectus, iter ita fecit, vt prius omnes vias diligenter explorari iuberet. Tintanes tandem peruenit, qui locus Alcaffare Quibirio quatuor millia passuum abest. ibi in hostes inopinantes inuasit, multos occidit, captiuos quinquaginta

LIBER

ginta duxit, & supra duo millia bouum abegit. Praefectus Al-
 cassaris Quebirij cum trecentis equitibus, & ducentis pedi-
 tibus, vestigijs illius institit. Ioannes Cottignius pedetentim,
 & cautè copias agebat: & ita postremum agmen munie-
 bat, vt hostes illi parum nocerent. Transmisso autem fluuio
 constitit, & hostibus pugnandi potestatem fecit: & cum illi
 fluuium transire metuerent, in eorum conspectu conquieuit
 & cibum sibi, & militibus apponi iussit. Inde Arzila cum
 omni praeda ingressus, maximam latitiam cunctis attulit.
 Fames enim tunc grauissima Hispaniam & Africam vexa-
 bat. At Hamet Larozius, qui summam Alcaissaris Quebirij
 potestatem habebat, cum se magnam ignominiam accepis-
 se iudicaret, quod Cottignius cum tam exiguis copijs, tam
 procul Arzila, & prope Alcaissarem Quebirium Mauros
 tam multos occidisset, & tantam pradam abduxisset, macu-
 lam delere cōstituit. Itaque equites quadringentos Arzilā
 duxit. Dies erat caliginosus, & pluuius, & ideo factum est,
 vt à speculatoribus minimè sentiretur. Multi lignandi gra-
 tia ex vrbe sine metu exierant, qui vbi primū hostes con-
 spicati sunt, in iumenta confestim insiliunt, & in urbem in-
 uehūtur, & sublati clamoribus hostium aduentum signifi-
 cant. Multi, qui dispersi vagabantur, in urbem se recipiunt.
 Cottignius signo dato ex vrbe cum copijs egressus est. Adole-
 scens quidam, Aluarus Nonius appellabatur, cuius pater
 regia suppellectili praeerat, in agmine primo, quod Fernan-
 dus Mascaregnas antesignanorum ductor agebat, exierat.
 Eum, cum esset animosus & liberalis, adulatores multi se-
 ctabantur. Tum quidam ex illis, Age inquiunt, facultatem
 tibi diuinitus oblatam ne praeermittas: nemo tibi diei hu-
 ius egregium decus vllō modo praeipiat. In hostes irrue, nos
 te sequemur. Adolescens iuuenta & audacia fur ens, & a-
 dulatorum

dulatorum sermonibus inflatus, equum incitauit. Mascaregnas illum reuocare conatus fuit. Sed is, cum inuidia illud fieri putaret, multò vehementius accelerauit, vt ante omnes manum cum hoste confereret. Quinque & viginti illum sequuti sunt, qui tanto impetu in primum agmen hostium inuaserunt, vt eos retro cedere compellerent. Sed cum à Laroziò subsidia repenti mitterentur, ipse circumuentus, atque prius, quàm auxilium afferri potuit, casus est: cum illo quatuor alij ceciderunt. Hostes deinde eos, qui fugiebant, ferociter insequuti, cum in Ioānem Cottignium incidissent, terga verterunt. At Ioannes Cottignius Aluarum Nonium adhuc viuum offendit, & vt solatio, quod adhiberi poterat, dolorem illius leniret, elaborauit, illum quē in urbem inferri continuò iussit. Qui tamen antè, quàm ad urbem accederet, expirauit. Cottignius verò Mascaregnam cum equitib. quadraginta, vt agmē postremum carperet, pramisit. Qui cum aliquos primo impetu deturbasset, & vnum viuum cepisset, ex eo sciscitatus est, an Larozius ipse interesset. Cum Larozius adesse intelligeret, Cottignium admonuit: qui eo nuncio valdè lætatus est. valdè enim cum Laroziò congregari, propter viri famam, cupiebat. Et ipse Larozius id se vehemēter expetere sapius asserebat. Verum cum animum Cottignij ad dimicandum paratum cerneret, consilium mutauit. At Cottignius cum iam Sol occidisset, illum fugientem insequi noluit, sed quinque captiuos homines primarios abduxit, & casorum spolia legit, & ita victor exercitum incolumem reduxit. Nemo enim cecidit, præter illos quinque, quos temeritas in illum casum præcipitauit. Eodem fermè tempore, Henricus Menesius, Odoardi Menesij frater, vir multus disciplinis eruditus, Tingi præerat, q

L I B E R

multas cum non mediocri laude excursiones fecit: & cum per exploratores intellexisset, Tetuani Praefectum in agrum Tingitanum copias educiturum, ut vastitatem inferret, & Henrico pugnandi potestatem faceret, Henricus obuiam illi processit, et in loco, quo Praefectus erat venturus, tres dies expectauit. Quarto tandem die in urbem reuersus est. Iam omnes ex equis descenderant, cum repente Praefectus apparuit. Pugna signo dato, Henricus Menesius in hostes inuectus est, illos fudit, fugauitque, & usque ad noctem insequutus, multos occidit, & nonnullos captiuos abduxit, maiusque multo damnum hostibus intulisset, nisi tenebrae noctis hostes seruassent. Duabus autem de causis victoria fuit insignis. Prima, quia praefectus Tetuani vir egregie fortis habebatur, et magnas copias adducebat, & Menesius cum multo minore numero militum illi confidenter occurrerat. Altera, quia fieri non crediderant, ut homo, qui magnam vitae partem in disciplinis varijs, & in Pontificio iure consumpserat, tam acer in armis esset. At Vascus Fernandius Caesar fretum interim Gaditanum non magno quidem militum numero, sed magna virtute tuebatur. Cum vero ad illum biremis accederet, nauarchus illum admonuit, quatuor naues unam nauem Lusitanam cepisse, quam secum è pratoria nauis puppe colligatam trahebant. Caesar sine cunctatione vlla in eas cursum instituit, quas post Calpurnii motem conspexit: & cum nauem pratoriam ab alijs disiunctam cerneret, in eam nauem suam incitauit, cumque prope constisset, eos, qui ea vehebantur, interrogauit, unde essent. Illi (erant autem Britanni) responsum non dederunt, sed exitum minitati sunt, nisi protinus vela demitteret. Caesar cum minime solitus esset eiusmodi mandatis obsequi, non obtemperauit, sed ad certamen ineundum, satis se promptum atque

atque paratum exhibuit. Tormentis acriter vtring³ de certatur. Interim verò, qui erant in naui Lusitana, funē, quo erat alligata, præcidunt, quod Britanni, eò quòd essent pugna acrius intenti, minimè perspexerunt. In hoc prælio Cæsar septem ex suis amisit, & multi præterea frægmētis scutorum, quæ hostium tormenta dissipabant, erant grauissimè sauciati. Germanus quidam procero corpore, et animo satis acri ad moriendum, si opus esset, præparatus, quindecim vulnera acceperat, è quibus plurimum sanguinis emanabat: quem Cæsar admonuit, ut è pugna tantisper abscederet, dum vulnera obligaret. Ego, inquit, non prius hinc discedam, quàm aut moriar, aut hostes importunos vela demittere compellam. Deinde tormētum humero sustinet, & socium ignem applicare iubet: quo factò naus arma-menta ea parte, qua antēna malo alligatur, dissipauit, maliq³ partem perfregit: & cùm hoc iterum atq³ tertio fecisset, magnum Britānis terrorē iniecit. Alius deinde Germanus, globo à prora in puppim immisso, multos interemit, & puppis partem dilacerauit. Britāni iam eo tempore viginti ex suis amiserant, & multi vulnerati discesserant. Itaq³ vela continuò demiserunt. Quod etiā naues alia, quæ propter aduersum ventum prælio interesse nequiuerant, effecerunt. Hoc factò Cæsar scapham demitti iussit, & Anglos accersiuit, & causam scire voluit, cur Lusitanam nauem cepissent. Illi respondent, se, ut eam à Maurorum incursione, qui cum longis nauibus mare peragrabant, tueretur, secum trahere voluisse. Illos deinde dimisit, qui, ut se reficerent, Gades aduecti sunt. Cæsar Septam se contulit. Emmanuel verò ut fratrū securius à piratis redderet, classem instruendam curauit, cui Simonem Cugnam, Tristāni Cugna filiū, præfecit. Hoc anno propter nimiam in Mau-

LIBER

*ritania Tingitana siccitatem fuit ingens sterilitas agrorū,
 & inopia frugum, famesq; multos mortales absumpsit. Eo
 malo coacti Maurorum incredibilis multitudo, ad Regem
 Emmanuelem misit, qui dicerent, se velle ad CHRISTI
 sanctissimum nomen adiūgi, & quibusuis hominibus Chri-
 stianis, qui eos salutaribus disciplinis erudirent, in seruitu-
 tem addici. Concessit hoc Rex libentissimè. Tantum stu-
 dium in illo religionis extitit, vt eo solum nomine posset fa-
 cillimè in fraudem impelli. Constabat tamen, eos simulatè
 religionem inopiæ subleuandæ gratia profiteri, quam erāt,
 vbi primū facultas aliqua daretur, indignissimis factis
 violaturi. Præterea hostes immanes in intimas Lusitaniæ
 sedes admittere, minimè tutū videbatur. Accedebat, quod
 erat opinio, eos pestilentiæ contagione corruptos, posse facil-
 limè Lusitaniā pestiferis morbis inficere. Quin & vniuersa
 Lusitania eadē agrorū sterilitate laborabat. Siccitas enim
 primū segetes multas absumpsit, postremò imbres immodi-
 ci, q̃ mense Maio & Aprili deciderāt, fruges enatas corru-
 perunt. Itaq; cū magna Maurorū multitudo se omnibus,
 qui eos alere vellent, in seruitutē traderet, vix erat quis-
 quam, qui eorū opera vti vellet. Sic factū est, vt multi ege-
 state & fame cōfecti, fœdè perirent. Hoc anno Veneti cum
 quinq; magnis triremibus Olysiipponis portū subierunt. Na-
 uarchus erat Alexāder Pisaurēsis, vir patricius, qui in rep.
 plurimū auctoritatis habebat. Is à Venetis legatus ad Em-
 manuelem missus fuit, vt cum illo pactionē faceret de Indicis
 aromatibus, quæ volebāt illis certo pretio cum emolumento
 Regis addici. Rex legatū honorificè admodū recepit, mul-
 tisq; muneribus, & ornamenti affecit, et reliqua omnia, quæ
 postulabat, benignè præstitit. De aromatum verò pactione
 nihil transigi potuit. In anni huius exitu Rex Emmanuel
 eo tem-*

eo tempore, quo magis opibus, & imperio, summaq; nominis gloria, & celebritate florebat, & optima, vt videbatur valetudine, & corporis robore, & incolumitate vigeat, in morbum subito incidit, ex quo post dies nouem, decima tertia die mēsis Decemb. ex hac vita migravit. Quinquaginta duobus annis & sex mensibus vixerat: è quibus viginti sex annis, & mense cū dimidio regnavit. In ipso vitæ fine, maxima quadam insitæ religionis & pietatis documenta dedit. Testamētum cum singulari prudētia fecit, animum sacris sanctissimis expiauit, mortis certissima nūcium ægissimo animo tulit: sacerdotes, qui illum circumstitebant, & hymnis atque precibus ad Deum adhibitis, vota pro illius salute sempiterna faciebant, adiuuabat, & versus sacrorum carminum multis in locis memoriter pronunciabat. Fuit in Betlehemitico templo, quod fundarat, cum multis lacrymis, quas desiderium illius excitabat, cum regio funere, omniumq; fermè Principum, & nobilitatis vniuersæ celebritate, in sepulchro conditus. Si verò cursum vitæ illius consideremus, hominem certè felicissimum, si felicitas vlla in rebus humanis extare potest, iudicabimus. Cū esset Regia stirpe procreatus, nulla tamē in spe regie dignitatis & amplitudinis enutritus extiterat. Omnes, qui illum iure propinquitatis, & antiquitatis antecedeabant, varijs casibus extincti sunt. Regni verò patrimonium miris accessionibus amplificauit. Armuzium, Arabiæ partem, Indiam Indo & Gange definitam, eam etiā, quæ ultra Gangem est, extremasq; Orientis Solis regiones imperio adiecit: terras incognitas perlustrauit. Omnia namq;, quæ Lusitani illius imperio faciebant, ad illius laudē & gloriā referenda sunt. Nec enim Regis officiū in vlla re clarius perspicitur, quàm in excellētium hominum, qui res praeclaras

cum

L I B E R

cum maxima laude moliuntur, multitudine. Rex enim est, si verè hoc nomen vsurpat, qui spiritus affert, qui animos ad laudem excitat, qui pericula subire compellit, qui deniq; honoribus, & premijs virtuti propositis, multos homines sibi subditos cupiditate veriſima laudis inflamat. Vt igitur militum fortitudo imperatorum industrie, quæ illos exercuit, & militaribus disciplinis instruxit, & promptos, & alacres ad rem gerendam exhibuit, ascribenda est, ita clarorum hominum laudes ad Reges optimos, qui claritatem illam honoribus debitis excitârunt, videntur esse optimo iure reuocanda. Duplici igitur ratione Reges suorum laudem sibi vendicare possunt, quod & primu homines ingenio excellenti maximarum rerum cupiditate inflammarent, & quod eorum opera, quos singulari virtute præditos animaduertunt, vti sciant. Vt igitur nobilitatis effœminata languor & ignauia summâ Regi dedecus inurit: ita nobilium virtus & industria illius nomen illustrat. A Regibus enim virtutes & vitia in vniuersam plerunque rempub. tanquam à perenni fonte redundnat. Si igitur Vascus Gama tam admirabili virtute & industria viam in Orientem aperuit: si Odoardus Paciecus Regis temporibus illis potentissimi impetum & arrogantia compressit: si Franciscus Almeida tam illustres victorias adeptus cum insigni gloria fuit: si Alfonsus Albuquerque is imperator extitit, vt sit cum summis imperatoribus, quorum nomen est immortalitati commendatum, meritò comparandus, id est maxima ex parte Ioannis secundi, & Emmanuelis, huius nominis primi, è quorum disciplinis tam præclari homines prodire, virtutibus ascribendum. Id etiam de Ioanne Menesio, de Nonio Fernandio Ataidio, de Mascaregna & Cottignio, & alijs præstantibus ad laudem viris existimandum

dum est, ea omnia, quæ geßere, Emmanuelis virtute gesta fuisse. Quare minimè dubito, quin si ille per se signa in Africâ intulisset, omnem Mauritaniam Tingitanam facillimè fuisset sub imperium subditurus. Sed ab eo cõsilio partim temporibus, partim quorundam hominum timidorum consilijs sæpè reuocatus fuit. Quanto tamen studio Mahumetis nomen extinguere conaretur, vrbes, quæ illius imperio & industria capte sunt, & arces similiter adificata atque munita declarant. Itaq; felicitas illius, quæ fuit incredibilis, nõ est fortuna, vt hominum vulgus loquitur, sed diuino beneficio, quod virtutibus illius fauebat, attribuenda. Fuit enim vita continens, natura benignus, religione pius, præterea mitis atq; mansuetus, & in summa grauitate comis & perhumanus. Aditus facillimos habebat, in administrando iure, & negotijs impigrè gerendis summam diligentiam adhibebat. Manè, & sæpenumerò ante lucẽ surgebat, & rebus diuinis operam dabat: tum in supplicũ postulatis audiendis, & negotijs reip. transigendis tempus omne consumebat. Erat in sermone iucundus, & non mediocri urbanitate præditus, & admodum liberalis. Domesticorum necessitatibus summa benignitate consulebat. Milites alebat, res præclare gestas non solum laudibus, sed multis etiam muneribus, & beneficijs prosequabatur. Egentium inopiam opibus suis egregiè sustentabat. Viris religiosis, & virginibus sacris non solum ea, quæ ad cultũ religionis, verum quæ ad domesticum vsum pertinebãt, largè & munificè suppeditabat. Erat in sceleribus vindicandis, & erratis suorum coercendis seuerus, quamuis esset natura magis ad lenitatem, quàm ad seueritatem propensius. Musica multum delectabatur sed non ita, vt Musica studium illũ à negotijs auocaret. In eadem domo multi fidibus pulsabãt, &

ad cy-

LIBER

cytharam canebant, & non pauci Quaestores, & Iurisconsulti, & reliqui varijs muneribus praefecti, ad illum multa regni negotia deferrebant, ita, vt simul cū honestissima oblectatione multa negotia conficeret. Erat ille quidem cultu vitae lautissimus mensaq; illius conquisitis epulis exstructa, verū admodum temperatē cibis utebatur. A vino semper abstinuit, & diebus solenni ieiunio cōsecratis, ciborum abstinentiam summa religine conseruabat. Fauebat plurimum literis: de moribus externis multa percontari solebat, historias libenter audiebat, quoties cibum publicē sumebat, erāt epulae magis iucūdo & viili sermone, quā coquorum artificio conditae. Nam cum hominibus eruditis, & cum ijs, qui varias regiones peragrauerant, sermonem libentissimē conferebat. Honestissimis ludis operam dabat: pila, & frequenti venatione, cū a negotijs erat otium, et ludis equestribus exercebatur. Sed hoc fuit in illo mirabile, quod vix vnquā tantum eiusmodi ludis indulgit, vt nō aliquid ea die, qua animū a negotijs relaxabat, quod ad regium munus pertineret, cum ministris suis trāsigeret. Vel enim in syluis versaretur, in syluis praesto aderat, q̄ ei supplicem libellū offerret, & aliquid cū illo ageret, in quo salus reip. verteretur. Siue celoce in mari vagaretur, in ipsa celoce ministri vehebantur, q̄ cū illo multa de publ. rebus cū vtilitate cōmuni trāsigerent. Illius aetate, inopia in exilium pulsa videbatur: mœstia locus nō erat: querimonia silebāt: omnia choreis & cātibus personabant. Eiusmodi ludis aula Regia frequēter oblectabatur. Nobiles adolescētes cū virginib. Regijs in aula, sine vlla libidinis significatiōe saltabāt, et quāuis honestissimis amoribus indulgeret, virginibus erat insitum, neminem ad familiaritatem admittere, nisi illum, qui aliquid fortiter & animosē bellicis in rebus effecisset.

Pueris

Pueris enim nobilibus, qui in aula Regia versabantur, non erat licitum pallium virile sumere, antequam in Africam traicerent, & aliquod inde decus egregium reportarēt. Et his quidem moribus erat illius tempore nobilitas instituta, vt multi ex illius domo viri omni laude cumulati prodiret. Ecclesia sanctionibus alacritate singulari parebat: mores & ritus ab ecclesia constitutos summa sanctitate & cerimonia tuebatur. Tempore, quo memoria suppliciorum, quæ CHRISTVS pro nobis in Cruce pertulit, ritu solenni consecratur, à templo minimè discedebat: & tribus diebus, quibus sanctissimum Euchariſtiæ Sacramentum erat in sepulchri quadam similitudine conditum, vt nobis memoriam nostræ salutis repræsentaret, neque vestes exuebat, nec ab eo loco, nisi ad aliquod breue tempus abscedebat: & cum somnus illum complectebatur, ibi sine vllò vitæ delicatioris instrumento parumper accubabat. Multas sanctorum hominum religiones instaurauit, fluxosquæ mores ad pristinam seueritatem & sanctimoniam reduxit. A Edes sacras quamplurimas vel à fundamentis extruxit, vel collapsas refecit. Odio acerbo Mahumetis sectam persequabatur, & ea de causa tanto studio bellum in Africa & Asia comparabat, vt quantum in illo esset, memoriam erroris pestiferi deleteret. Sic autem religionem colebat, vt nunquam studium publici iuris, & reipub. rationem intermitteret. Sic reipubl. constituenda, & moribus atque legibus inuigilabat, vt bellicarum rerum curam nullo modo deponeret. Sic se cum musicis, aut venatoribus oblectabat, vt in medijs voluptatibus, salutis publicæ memoriam retineret. Itaque eodem tempore classes in Mauritaniam et Aethiopiam, in Oriētis Solis regiones instruebat, præsidia in varias partes summittebat, iuridicūdo operam da-

LIBER

ram dabat, hominum querelis aures assidue præbebat, commissa facinora vindicabat. Tanta tamen lenitate præditus erat, ut non facile hominum cupidorum, & omnia pericula metuentium, postulatis importunis obfisteret. Id autem effecit, ut manus multorum immodicè sacris rebus afferri permitteret, & transmissionem in Africam, cuius studio tantoperè flagrabat, ita differret, ut mors improuisa posset omnes illius cogitationes impedire. Attamen quamuis, ut res humana sunt, aliquid eiusmodi, quod reprehensione aliqua dignum videatur, in se admitteret, fuit
is Princeps multis Regijs virtutibus ornatissimus, & immortalis memoria

consecrandus.

FINIS.

INDEX RER VM

ET VERBORVM MEMORABILIVM IN DVODECIM

libros Hieronymi Oforij Lusitani, Siluensis Episcopi, de rebus Emmanuelis, Lusitanorum Regis inuictissimi virtute & auspicio gestis, in quo numerus paginam: litera A. priorem paginæ columnam, B posteriorem indicat.

A.

- A** Bdearus Rhamanus patruo suo Hameduxi vitam flagitiosè eripuit. 154. a
Abedallæ oratio. 324. b
Abedalla proditor accusatus innocēs securi pcutitur. 324. b
eius supplicium quantam offensionem attulerit mercatoribus, & ciuibus Malacensibus. 324. b
Abrahamus adolescens. 164. a. eius gesta. ibid. & sequen.
Abrahamus Sarracen⁹ exponit Albuquerque insidias Coicatarum. 183. b
Abrantes 159. a. in eo oppido natus est Fernandus. ibid. is ingenio valuit plurimum. ibid. immatura morte in iuuenili ætate sublatus est. ibid.
Acus naucularia quid. 27. b
Adena vltro ac sua spōte in deditionem venit Lupo Suario. 343. a. ciuitatis situs. 280. b
Aegesimba ab æquinoctiali plaga quàm lōgè distet. 27. a. b. eius incolæ quales, ibid. domos quales extruant. ibid. palmas quo nomine appellent. 27. a
Aegyptus Selymi Turcarum Imperatoris imperio quo anno adiecta. 350. a
Æquinoctium quando fiat. 16. a
Æstus maris salas inducit aquas. 320. b
Aethiopia, iam inde ab Homeri tēporibus, in quot partes distincta

INDEX.

distincta. 142. a. b. partim est fertilis, partim deserta & inculta. 142. b. in illa quanta linguarum & morum dissimilitudo. ibid. in illa quantus elephatorum numerus. ibidem.

Aethiopiae occidentalis longitudo. 142. b

Aethiopiae orientalis longitudo. ibid.

Aethiopes Christiani passionis Christi saepius in memoriam reuocare consueuerunt. 303. a. Foeminae eorum a partu & templis arcentur ad certum tempus. ibid. circunciduntur, & foeminis etiam aliquid abscinditur: die, quo Christus in Iordane est baptizatus, pro festo habent. 304. b

Aethiopum Christianorum sacerdotes uxores ducunt. 303. a. quomodo ad rem diuinam celebrandam se praeparant. ibid. coelibes permanent, si uxores discesserint. ibid. Si libidine postea aliqua contaminati reperiatur, sacerdotio priuantur. ibidem. Monachis uxorem ducere nefas. 303. a

Aguz. 270. a

Albuquerqueius homo effrenata mente praeditus, & praeter modum laudis appetens. 183. a. sagax & callidus. 183. b. ferculum legatis Emmanuelis globis ferreis, sagittis & ferreis fistulis praeparari iussit. 182. b. lapide coniecto contuditur, ut vocem diu mittere nequeat. 163. a. vitae periculum patitur. 203. a. Hostes versari intra muros periculosius existimabat, quam cum omnibus in campo configere. 217. b. ob neglectum imperium de non adeundis virginibus Rodericum Diazium suspendere iussit. 221. b. eodem tempore duas res difficillimas suscipere dixit esse periculosum. 238. a. Benastarinum obsidet, & expugnat. 261. a. b. improborum sermones factis egregijs retundi facillime putabat. 322. b. in morbum incidit. 326. a. quae in morbo sit loquutus. 326. b. quid dixerit, cum ab officio aemulorum opera se depositum audiret. 327. a. literas ad Emmanuelem regem quales scripserit. 327. a. quid in extremis egerit. ibid. & 327. b. moritur. ibid. mores & facta illius recitantur. ibidem. quid ex morte illius secutum. 328. a. eius responsio ad Almeida de literis regis Emmanuelis, quibus iuebatur Almeida in Lusitaniam redire. 193. b. cum rege Armuziensis colloquia.

INDEX.

- colloquia. 310.a. facinus inhumanum & indignum in
hauitis & sagittarijs. 189.b.
- Alexāder Pisauensis à Venetis ad Emmanuelem missus,
vt cum illo pactiōem faceret de Indicis aromatibus.
410.b. ab Emmanuele rege quomodo receptus. ibid.
- Alexander Pont. Max. vita quando functus. 84.a
- Alexij Menesij classis à Rege Bintamēsi quomodo oppres-
sa. 356.b
- Alfonſus primus Portugalliae rex Christi speciem quinque
vulneribus illustratam conspiciens, triumphauit de Sa-
racenis. 373.b (tur. 328.b
- Alfonſus Emmanuelis regis filius in Cardinalem coopta-
Alfonſus, filius Iacobi fratris ipsius Emmanuelis, magister
equitum efficitur. 46.a. quando è vita migrarit. 95.b.
eius filia cui postea nupta. ibid.
- Alfonſi, hoc nomine vndecimi, concilium de controuer-
sia, quæ fuerat inter Burgenſem & Toletanā ciuitatem,
tollenda. 21.a
- Alfonſus Lupius Costa quo morbo consumptus. 358.b
- Alfonſus Albuquerqueius qualis imperator extiterit. 411.b
- Alfonſus Eboræ ex Maria regina regi Emmanueli nascitur.
202.a
- Alfonſus Norogna impetum in Abrahamum dat. 164.b
- Alfonſus Congenſis Christianam religionem quanto stu-
dio coluerit. 88.a. illius filius natu maximus in pristinū
honoris gradum reſtitutus, quæ sanxerit. 87.a
- Almedina. 266.a. illius incolæ cui rei dediti. 266. a. quo
cultu vtantur. ibid. sub imperium & ditionem Emma-
nuelis regis quomodo subiuncta. 266.a
- Almeida Cananorem se confert, indeque Tristanum Cu-
gnam cum quinque nauibus onustis in Lusitaniam di-
mittit. 167.a. terrestri irruptione facta urbem Dabulim
inuadit. 194.b. equestribus ornamentis affecit eos, qui
excellētius se in prælio geſſerant. 195.a. filium per lite-
ras admonet, vt hostibus occurrat. 168.a. Calecutiēſes
aliquot naues incendi iussit. 194.a. cum Albuquer-
ciō reconciliatur. 201.b. cum Mirhocemo dimicare in
classe constituit. 195.b. eius responsio ad literas Meli-
chiazij de pace 200.a. ad Melium responsio. 207.a

INDEX.

- Aluarus Vascius Tauirensis occiditur.** 370. b
Aluarus Fernandi ducis Brigantini frater, integris rebus & Lusitaniæ finibus cur excesserit. 4. a. in honores amissos restituitur. 9. a
Aluarus Madureira apud Sarracenos in continēte cur exulabatur. 347. a. eius ingratitudo erga Ioannem Monroium. ibid.
Aluarus Norogna vulneratur. 369. b
Aluarus Nonius cæditur. 408. b
Amoris scedere conglutinati quid valeant & possint. 289. a
Andradiatorum fratrum virtus quanta. 222. b (11. a)
Animorum ardor in plerisque hominibus quantus fuerit.
Antonius Leitanus in custodiam traditur. 367. a
Antonius Mascaregnas ab Abrahamo Barraxæ filio capitur. 359. a
Antonius Zamorensis Episcopus capitali supplicio cur affectus. 388. a
Aquæ in Lusitania quæ præstantissimæ. 1. a
Aquatio. S. Blasij. 66. b
Arabes bello vexantur. 308. b. eorum auaritia, 265. b
Aragoniæ regnum quo iure sit. 21. b
Arbor radice excisa facile arefcit. 185. a
Arcem multo labore fundatam prorsus omittere, summū est dedecus, & minimè sapiens consilium: contrà verò, in arce non satis munita præsidium relinquere, est suos hosti prodere, non hostes coercere. 189. a
Archiqui portus. 375. b. solum, ibidem. ambitus quot millia passuum contineat. 375. b
Arius Tellius iuuenis qualis fuerit. 293. b
Armuzium quid sit, & vnde nomen habeat. 180. a. eius descriptio. ibid. & seq. eius munera missa ad Albuquerqueiū quæ. 181. a.
Arx tantæ altitudinis, vt citra præsidium etiam defendi posset. 182. b
Arx S. Angeli. 138. b
Astrologis circulus æquinoctialis quid dicatur. 16. a
Auaritia nullis finibus arceri potest. 299. b. quantas habeat vires. 145. a
Audaciæ finis, interitus. 287. b

INDEX.

Austria, olim superior Pannonia dicta. 18. b
 Autæ virginis, quæ inter reliquas Vrsulæ socias princeps
 extiterat, corpus quanta cum celebritate Olysiptone
 receptum sit, & in sepulchro in memoriam Dei Matris
 à Maria Regina extructo, repositum. 325. a
 cum Azamorenſibus prælium adornatur. 286. b. cõmitti-
 tur. 287. a. quomodo oppugnata sit eorum vrbs. 287. b
 Azambugius suasit Haliaduci, vt Ichabēta fufum obtrun-
 cat. 136. b

B.

BAhar. 396. b
 Bandæ insulæ. 260. illarum hominum mores. ibid.
 Baneanes, quale genus hominum. 136. b. vxores in vi-
 ra quoties ducant. ibid. ferias quo die agitent. 136. b. a-
 moribus quantoperè sint dediti. ibid.

Barbora. 345. b

Barraxa & Almandarinus in Mauros Regis Emmanuelis
 stipendiarios quando inuaserint. 264. a

Barretus hostes inopinātes & semisomnes opprimit. 190. a

Bataglia vnde nomen habeat. 44. b. quid significet. ibid.

Beatricis, Regis Emmanuelis filiæ, cum Carolo Allobro-
 gum duce matrimonium contractū, vbi & quando ce-
 lebratū. 401. b. illa quanta pompæ celebritate à Carolo
 fuerit excepta. 402. b.

Bellum moliri perditorum hominum causa cum salutis
 certo periculo, non est sapientis ducis. 183. b

Bellum maritimum à Garſia Sala contra Regem Pacemen
 sem gestum. 381. b, 382. a. quæ in eo bello contigerint.
 382. b. aliud ab Antonio Correa contra Regem Bintami
 gestum. 382. b. 384. a. b. aliud à Regina Coulami contra
 Lusitanos gestum. 384. a. aliud à Ioanne Nouio contra
 Calecutienses gestum. 67. b. aliud inter duos fratres pa-
 trueles Ioannē Coelium, ac Antonium Grimaldum pi-
 scatorem. 380. a. aliud à Gama contra Calecutienses ge-
 stum. 74. b. aliud inter Lusitanos & Britannos gestum.
 409. b. aliud à Menesio cõtra Mauritanos gestum. 96. b.
 aliud à Hagamahamedo contra Lusitanos gestum. 402.
 b. & 403. a. b. & 404. a. aliud inter Ioannem Monroium,
 & Melichiazium. 347. a. aliud à Barraxa & Almandarino

INDEX.

- contra Odoardum Menesum Tingitanæ præfectū bellum gestum. 264. a. b. 265. a. aliud inter regem Bintamensem & Alfonsum Lupium Costam. 356. a. aliud à Laurentio Francisci Almeidae filio contra Calecutienses gestum. 145. b. 146. a. b. aliud ab Albuquerque contra Reperlinenses gestum. 90. b. aliud à Francisco Almeida contra Mombazenses gestum. 131. b. 132. a. b. plura de bellis maritimis vide 105. a. b. 113. a. 114. b. 118. b. 356. b.
- Bellum terrestre à Georgio Britio contra Regem Dachis ciuitatis gestum. 400. b. aliud à rege Calecutiensi contra Lusitanos gestum. 148. b. 149. a. b. cum sequen. aliud ab Abrahemo Barraxe filio contra Ioannem Coutignum gestum. 359. a. aliud à Mochri & Antonio Correa gestum. 397. a. b. cum sequen. aliud inter Monroium & Ancoftamum. 348. b. aliud inter Vascum Fernandium Cæsarem & Mauros Dabidenses & Garabieneses gestum. 388. a. aliud à Rege Cochimenfi contra Calecutiensem regem gestum. 81. b. 82. a. aliud à Georgio Albuquerque contra Tyrannum Gueinalem gestū. 400. a. aliud inter Franciscum Castrensem & Zaidem Boagazium. 350. a. aliud inter Mauros & Aluarum Norognam gestum. 362. a. & 369. b. aliud inter Mauros & Vascum Fernandium Cæsarem. ibid. aliud inter Lupum Britium & Zeilandenſis insulæ incolas. 395. a. aliud inter Mauros Garabiensis & Mascaregnam. 372. a. b. & 373. b. aliud ab Henrico Menesio cōtra Mauros gestum. 409. a. plura de bellis terrestribus vide 48. b. 49. a. 50. a. 76. a. 102. b. 106. b. 110. a. 111. a. b. cum seq. 118. b. 370. a. & seq. 376. b. & 377. a.
- Bellum, quod Paciecus cōtra Calecutiensem gerebat, Christi numine confectum fuit. 111. b.
- Bellum cum hoste qua de causa suscipiendum. 117. b. non temerè cum fera gente gerendum. 206. a.
- Belli feliciter administrandi caput qua in re cōsistat. 7. a.
- Bella quæ diros exitus habere soleant, quæ sint. 79. a.
- in Bello administrando omnia rerum opportunitas & occasio gubernāt. 177. a.
- Benaduxera cum Fessensi Rege bellum cur gesserit. 389. a. c. ius perfidia. 389. b.

INDEX.

- Benáduxera & Feres fratres à rege Fessæ capitali supplicio affecti. 391. a Bengala. 355. a
- Bengalensium species. 355. b. victus ibid. vestitus. ibi. Bengalenses in Venerē quam proni. 355. b. quā fidem habeāt. ibid. cuius sectam sequantur. ibid.
- Benignitatis & fidei nomen excellēs omnium mortalium animos ad beneuolentiam allicit. 142. b
- Benomotapa. 143. a. est auro ditissima. 143. a
- Benomotapenses quam habeant religionem. 143. a. quo vestitu amiciantur. ibid. regem quanta superstitione venerētur. ibid. illorum Rex duo regiae maiestatis insignia gestat. ibid. ligone subditos ad terræ culturam adhortatur. ibid.
- Bernardus Emmanuel. 234. a (ualis. 325. a. b
- Bintamensis regis adulterium. 357. cum Botellio pugna Bipurum. 102. b (neat. 137. a
- Bisnaga. 136. b. illius ambitus quot millia passuum continet. 137. a. quanta veneracione à suis colatur. 137. a. eo mortuo, quomodo tradatur sepulturæ. ibi.
- S. Blasij aquatio. 25. a. 66. b
- Blasius Soderinus fluctibus obrutus interijt. 83. a
- Brasilia. 53. a. eius fines cum qua regione coniuncti. 53. a. telluris fertilitas & salubritas. ibi. fontes quos habeat. ibi. portus quales habeat. 53. b. arbores in ea quales sint. ibi. illius tellus quas herbas fundat. ibid.
- Brasilienses cuius sint coloris. 53. b. cur imberbes. ibid. cuius Regis imperio subijciantur. ibid. in bello quem ducē eligant. ibid. & 55. a. quibus vestibus vtātur. ibi. in bellis quib⁹ armis vtantur. 54. a. & 58. a. quo ciborū genere alantur. ibid. quō piscentur. ibid. panē vnde conficiant. 54. a. maleficos quanto honore prosequantur. 54. a. & b. tempore pacis tempus quomodo transigant. 54. b. in cantibus carmina quomodo modulētur. 54. a. domos quomodo ædificent. ibid. bella quamobrē suscipiāt. ibi. tempore belli in consilium quos adhibeāt. 55. a. cum ijs, quos in bello capiunt, quomodo agant. 55. b
- Braua vrbs muris & mœnibus egregie munita celebre habet emporium. 162. b. quomodo capta. 95. b

INDEX.

C

- C**æsaraugustani quanta cum pōpa Fernandum regē
& vxorem, & generum atque filiam exceperint. 21.
a. Emmanueli & Isabelæ fidem verbis conceptis
obligare detrectarunt. 21. a qua conditione fidē astrin-
xerint. 21. b
- Calecutium** vbi situm. 38. b. eius descriptio. ibid.
- Calecutij** rex quibus ratiōibus perniciem Lusitanis com-
parare instituerat. 73. b. pacem cum Lusitanis, Arabibus
ignorātibus, facit. 92. b. pacis conditiones, quæ fuerint
92. b. regno cur se abdicārat. 116. a. ædes religione con-
secratas ingressus, in Regia sede quem constituerit, ibi-
dem. post multas clades acceptas, quibus persuasioni-
bus inductus, vt bellum repeteret. 116. a. in vltimo præ-
lio quot hominum millia, & quantam nauium multi-
tudinem amiserit. ibid.
- Calecutij** Regis perfidia & immanitas. 67. a. fides quanta.
82. b. castella, quæ ad Lusitanos opprimendos ædificā-
rat, ad quem modum extructa. 113. b
- Calumnia** quid faciat. 322. a. b
- Calumnijs** multis proximus fieri solet, qui citra regis præ-
scriptum aliquid molitur. 290. b
- Cambaix** regni situs, fertilitas, mores 307. a. b
- Cambalamus**. 100. b
- Cantabrorum** humanitas erga Lusitanos. 380. b
- Carolus** Allobrogum dux Beatricem, Regis Emmanuelis
filiam, in matrimonium cur receperit. 401. a
- Caerbiquirium**. 75. a. à quo ædificatū. 75. a. quod studij ge-
nus in ea floreat. ibid. quos hortos habeat. 75. ibid. hanc
urbem Rex Fessensis quando munierit. ibid.
- Castrensis** hastæ coniectu in facie vulneratur. 49. b
- Catharinæ** virginis sepulchrū in monte Siai in Aegypto
Petreius inuisere conatur. 302. b
- Cathingamum**. 155. b
- Chaulis** ciuitas opulenta, regno Cambaix finitima. 167. b
- Christi** numen summa fide colendum. 88. a
- Christi** ope à paucissimis hominibus facilè maximi exerci-
tus profligantur. 87. b

INDEX.

- Christus in qua ciuitate natus. 45. a
 Christiani à Rege cùm discedant, quid faciant. 390. b
 Cidacó Azamorensum fortissimus occubuit. 287. a
 Cide Manzor cohortatur suos ad fortiter pugnandum,
 pro patria. 287. b
 Circulus æquinoctialis Astrologis quid dicatur. 16. a
 Ciuem vnum tueri, quàm hostium multitudinem trucidare,
 multò est ad sempiternam laudem præstantius.
 289. b
 Clementia in Imperatore quantoperè laudetur. 158. a
 Clemētia & æquitas Emmanuelis regis omnium ore præ-
 dicabatur. 296. b
 Cochimēsis Rex in pugnam descensurus, quem regni sui
 successorem constituerit. 81. a. Regi Emmanueli quæ
 munera miserit. 72. b. Paciecum quantis laudibus affe-
 cerit. 115. b. è regno cuius viribus eiectus. 89. b
 Cogitationes humanæ momento temporis obruuntur.
 386. a
 Cohortationes & incitamenta imperatorum ad pugnam
 properantium elegantes. 196. a. b
 Coieatari oratio ad Albuquerqueium. 183. a
 Commeatus, belli neruum. 290. a
 Comoris. 36. b
 Conceptionis insula. 66. b
 Confidentia nimia in terra aliena vituperatur, 209. b
 Congo vbi sita. 84. a. à plaga æquinoctiali ad Austrũ quot
 gradibus distet. ibid. ad Christi fidem quomodo con-
 uersa. 84. a
 Congensis Rex Emmanuelis regis benignitate prouoca-
 tus filium suum, Henricum nomine, cum fratre suo
 in Lusitaniam quam ob causam miserit. 271. b.
 illius mortem Emmanuel rex quo animo tulerit. ibi-
 dem. Idē Rex Congensis Canum quàm honorificè ac-
 ceperit. 85. a. à Christianæ religionis studio quomodo
 descuerit. 86. b. 87. a. filium suum Alfonsum in vltimos
 regni fines cur relegauerit. 87. a. Ioānes appellari cur vo-
 luerit, Regina verò Leonora. 86. a. b
 Congenses, quos Canus secum in Lusitaniam duxerat,
 quantis muneribus Ioannes Rex affecerit. 84. b. Ioan.

INDEX.

- nis Regis magnificentiam apud Regem suum quantoperè prædicauerint. 85. a. Legatum & tres pueros ab eorum in rege Lusitaniā ad Ioannē Regem missos è Lusitania redeūtes quanta lætitia fuerint accepti. 85. b
 Concilium Emmanuelis Regis de obliganda fide sacramento Ioanni suo legitimo hæredi. 69. a
 Conscientiæ vis. 313. a
 Consilia quando immutanda. 78. b
 Consilium Emmanuelis Regis de matrimonio, quod cum Leonora, Carolo Imperatoris sorore contrahere expecterat, 361. a
 Consilium Siqueiræ de bello suscipiendo cōtra Mochrim. 307. a. de oppugnatione vrbis Dij. 392. a
 Consilium hostis anteuertere, nihil ad salutem prouidentius, vel ad dignitatem præclarius excogitari potest. 213. a
 Consilium temeritatis & amentię plenum cum paucis hominibus, ijsque fame cōfectis, arcem multiplici tormentorum genere & multorum hominum robore defensam capere conari. 220. b
 Constantinus Imperator, cruce in cælo perspecta, de hostibus suis victoriam consequutus est. 373. b
 Consultatio Emmanuelis, vtrum Iudæi, qui fuerant à Castellæ Regibus expulsi, & in Portugallia morabantur, essent expellendi, an potius, vt in sedibus, in quibus in hoc regno considebant, habitarent, benignitate regia permittendi. 12. b
 Corteregalium tellus. 69. a
 Coragamum. 102. b
 Coulamum. 92. a. Cochimo quam longè distet. ibidem. à quibus Christianis colatur. 92. b
 Coulamsium mores, ædes, religio, instituta. 92. a
 Coulamsis Rex maximam temporis partē in quibus rebus consumat 92. a. Coulamum regendum quibus hominibus committat. ibid.
 Coulami Reginæ constantia. 346. b
 Coutignus qualis fuerit. 202. b. Viros non credidit, qui subito vinci se sinunt. 203. b. in cruce maximo vulnere accepto concidit. 205. a

INDEX.

Cranganor Cochimo ad Septentriones quàm longè distet. 119. a. quibus magistratibus regatur. ibidem. in cuius Regis patrocinio latuerit. ibidem. à Calcutiensis Regis fide quando defecerit. 119. a. quæ gentes eam incolant. ibidem. eam primus ad Christi notitiam quis instruxerit. 120. a

Christianorum, Cranganorem incolentium, mores. 119. a. summus eorum antistes sedem ubi habeat. 119. b. facer. dotes quomodo tonsi, & quo vino in sacrificijs vtantur. ibid. mortuos quo ritu sepeliant. 119. b. quam anni computationem retineant. 120. a. pudicitiam apud eos monachi & sacræ virgines quanto abstinentiæ & religionis studio conseruent. ibid.

Crudelitatis infamia odium incendit, & ad vindictam stimulat. 149. b

Cugna Hoiam urbem cepit, diripuit, incendit, & multos Saracenos occidit. 162. b

Cucurcanum. 102. b

Cupiditas in plerisque insita quid efficiat. 4. a

Curiga. 102. b

D

DAbida Safinio quàm longè distet. 265. b

Dabulis ciuitatis situs. 194. a

Dauidis regis literæ ad Emmanuelem. 303. b

Dei potentia nullis terminis definiri potest. 107. b

Diffidentia est comes animi pusilli. 17. a

Disciplina militaris quando negligitur, discrimen ferè aliquod impendere solet. 195. a

Diffensiones turbulentissimæ, & offensiones grauissimæ ex sermonibus concitari facillè possunt. 237. a

Diffidentes inter se sunt infirmi. 289. b

Dium ciuitas. 307. b

Ducis strenui munus quod. 48. b. & 209. b

E

ECclesia Romana summum in vniuersa Repub. Christiana principatum tenet. 375. a

Ele-

INDEX.

Elephantus Indicus miræ magnitudinis Romam Leoni
mittitur. 297. b.

Emmanuel Ioannis regis mortē quomodo tulerit. 2. b. rex
declaratur. 2. b. regnum quomodo administrauerit. ibi.
quibus rationibus impeditus, quò minus Mauris bellū
intulerit. 6. a. Fernandi & Isabelæ Regum filiam, Mariā
nomine, vxorem habere cur noluerit. 7. b. ad benigni-
tatem quomodo inuitatus. 9. b. Iudeos ad Christianam
religionem perducere qua ratione cōnatus. 13. b. de nu-
ptijs, quas appetebat, quando agere cōperit. 14. b. Isa-
belæ, quæ fuerat Alfonso Ioannis filio nupta, matrimo-
nio coniungi cur expetierit. ibidem. legatum Venerum
quomodo acceperit. 10. b. quibus donis ab Alexandro
Pontifice Maximo affectus. 23. a. qua mente ea sit prose-
quutus. ibid. primum nuncium de rebus Indicis suo au-
spicio exploratis quando acceperit. 23. b. quem locū sue
sepulturæ elegerit. 45. b. sepulchrum Alfonsi regis parū
magnificè extructum demoliri, atque aliud magnificē-
tius ædificare iussit. 68. b. Compostellæ templum D.
Iacobi quibus donis auxerit. ibid. post obitum Mariæ
Reginæ se nouis affinitatibus stabilire cur decreuerit.
360. b. matrimonij scēdus vbi celebratum. 391. a. quibus
rationibus impeditus, quò minus Mauris bellum ipse
intulerit. 359. & 360. a. Azamoram Mauritanix ciuita-
tem expugnare cupit. 171. a. & b. longinqua bella religio-
nis causa suscepit. 179. a. Arzilam milites, fabros mul-
tos, qui ædes dirutas, & mœnia collapsa reficerent, mi-
sit. ibi. In Aethiopiam viros religionis & sanctimonix
fama præstantes mittit, vt gentibus illis Christi disci-
plinam tradāt. 179. b. arcem in ostio fluminis, quod Te-
tuanum præterfluit, ædificare quo anno constituerit.
379. b. ne arcē eandē ædificare pergeret, quibus negotijs
impeditus. ibid. vota persoluit Domino pro victoria ob-
tenta, supplicationesq; decreuit. 238. b. legatos ad Leo-
nem decimum Pont. Max. mittit cum varijs munerib.
297. b. Azambugium in Africam remittit. 155. a. sedecim
naues in Indiam comparat. 159. a. quatuor ex illis Iaco-
bus Siqueira præficitur. ibid. duodecim alijs Georgius
Aquilaris. ibid. quā diu vixerit. 410. b. quot annis im-
perârit.

I N D E X.

- perârît. *ibid.* mortis nuncium quo animo tulerit. *ibid.*
 testamentum quanta prudentia fecerit. *ibid.* vbinam, &
 quanta cum celebritate sepultus. *ibid.* regni patrimo-
 nium quantis accessionibus amplificârît. 411. a. Mahu-
 metis nomen extinguere quanto studio conatus. 411. b.
 quibus ludis operam dederit. 412. a
- Emmanuelis** munificentia 131. a. 412. a. seueritas. 5. a. & 412.
 a. victus abſtinentia. *ibid.* pietas. 412. b. lenitas. 412. b. li-
 beralitas in quos maximè illustris fuerit. 9. b. pædago-
 gus quis extiterit. 10. a. religionis studium. 6. a. & b. 410.
 a. 411. b. 17. 2. 65. b. 271. a. postulata quæ fuerint ad Leonē
 Pontif. 299. b. ad Norognam epistola 321. b. studium re-
 gni administrandi. 19. a. laudes è suggestu Romæ per
 concionatorem decantantur. 288. b. legatio ad Iulium
 Pontificem maximum. 147. b. responsio ad legatōs Re-
 gis Fernandi & Isabelæ de bello gerendo contra Caro-
 lum Galliæ Regem. 13. b. responsio ad Iulium I I. Pont.
 Max. 123. a. b. obitus. 410. b. felicitas cui adscribenda. 411.
 b. ad ducem admonitio. 285. b. Legati quanto trium-
 pho Rômæ excepti, & tractati. 297. b. 298. a
- Emmanuel Pazagna**, & cum eo multi alij prius, quàm spi-
 ritum ederent, in genibus in terra nixi, hostes vulnera-
 bant, multosq; interemerunt. 205. a
- Emmanuel Sousa** ubi & à quibus occisus. 362. b
- Epaminondæ** factum. 343. a
- Eucharistiam** etiam infantes initiati in mica panis assu-
 munt in Aegypto. 304. b
- Exemplo** quod fit, iure etiam fieri plerique iudicant. 300. a
- Exercitus** maximus, facillimè à paucissimis hominib. Chri-
 sti ope defensis profligantur. 87. b. diu ex raptu susten-
 tari non possunt. 290.
- Exitu rerum** non esse, sed consilio, quo res instituuntur,
 de ducis sapientia, aut temeritate iudicandum. 200. b

F.

- F**Acinus hominis plebei incredibile. 297. b
- Fames** & sitis magna in castris Albuquerquej. 220. a
- Fames** in Lusitania quanta. 69. a

Fames

INDEX.

- Fames & desperatio quid faciant. 220. b
 Fames, oppugnationis genus acerrimum. 262. a
 Farrobis mons. 319. b
 Factis, non verbis credendum. 210. a
 Facultatem prætermittam qui serò lamententur. 210. a
 Feres Benaduxeræ frater, Benaduxeram repræhēdit, quòd
 ab Emmanuele Rege, cuius fidei, victus à Fessensi Rege,
 se commiserat, deficeret. 390. a.
 Fernandi Magallani error, & aliorum, qui vestigijs illius
 ingressierant, quo Malucas insulas ad ius Castellæ per-
 tinere contendebant, à quibus causis originem habue-
 rit. 364. b. & 365. a
 Fernandus & Isabela Castellæ reges Iudæos in Portugallia
 morantes, in exilium cur & quando eiecerint. 5. b.
 Fernandus rex Emmanuelem regem & Isabelam reginam
 Tolerit quàm amanter acceperit. 19. b. nuptijs regis Em-
 manuelis cur non interfuerit. 18. a. vbi mortuus. 328. a
 Fernandus Calderia à Ioanne Gomecio interficitur.
 348. a
 Fernandus Dux Brigantini capitali supplicio cur affe-
 ctus. 4. a
 Fernandus Gnaia quo morbo sublatus. 142. a
 Fernandus Magallanus qua morte perierit. 366. b
 Ferreira legatus quis & qualis. 300.
 Fessensis rex Tingim oppugnat. 271. a.
 Fidel stabilitate nihil magis regium. 74. a
 Fide nullum vitæ præsidium firmitus. 149. b. nullum impe-
 rij additamentum antiquius habendum. 387. b
 Fides non temerè inimicis habenda. 324. a. nunquam vio-
 landa. 364. a. erga reges conseruanda. 387. b. si sanctè nō
 colitur, neque iurisiurandi religio cōseruatur, nullum
 firmum erit salutis vitæque propugnaculum. 289. a
 Fidei & officio nullæ opes præferendæ. 130. b
 Fluuius Bonorum signorum. 26. a
 Fluuius Lixus. 75. a
 Formarum ænearū vsus apud Sinas quàm antiquus. 353. b
 Fortis viri officium. 79. b. 91. b
 Fortunæ varios euētus absque vlla necessitate experiri, bo-
 ni imperatoris non est. 48. b.

INDEX.

Franciscus Albuquerqueius quomodo perierit. 94. a (388. a)
 Franciscus Maldonadus capitali supplicio cur affectus.
 Franciscus Almeida Quiloam oppugnat. 129. b
 Francisci Nouij obitus. 374. a (126. b)
 Franciscus Pereira Pessana à Iacobo Viega veniam petit.
 Francorum nomen quando cognitum sit. 168. a
 Fraus Punica quid faciat. 289. a
 Frétum Magallani. 366. a
 Fruges cum sunt adhuc in agris, & nondum varias in o-
 ras disportatæ, facilius rei frumentariæ prouideri so-
 let. 290. a

° G.

G Anges fluuius. 355. a
 Garabieneses natura venales. 371. b
 Gaspar Corteregalis quanta gloriæ cupiditate in-
 census. 69. a
 Gaspar Cugna iaculis configitur. 370. b
 Gasparis Diazij vexilliferis manus dextera vno ictu præ-
 cisa. 184. b
 Gasparis Fernandij obitus. 401. a
 Gaza regia, fons est regiæ benignitatis. 5. a
 Georgij Brittij obitus. 351. b
 Georgius Albuquerqueius ab oppugnatione vrbs Bintami
 quanto cum damno repulsus. 403. b
 Georgius Aquilaris naufragio perit. 159. b
 Georgius Botellus. 325. a. Illi parantur insidiæ. ibid.
 Georgius Costa Lusitanus ad summum dignitatis fastigiũ
 quomodo euectus. 10. a. in Caterinæ, Odoardi regis fi-
 liz familiam quomodo ascitus. ibid. ab Emmanuele re-
 gē ad Alexandrum Pontificem Magnum mittitur, vt il-
 lius nomine ei fidem obliget. 4. b. Ioannes, hoc nomi-
 ne secundus, Portugalliæ Rex illi in principio regni cur
 fuerit infestus. 10. b (rit. 1. b)
 Georgius Ioannis filius regni hæres esse quare nō potue-
 rit. 207. a
 Gloria fide comparatur. 74. a
 Goa vrbs oppugnatur. 227. & sequentib. eius ambitus, mu-
 nitio, celi tēperies, & regionis amœnitas & studia. 213. b
 Gomecius

INDEX.

Gomecius Abraus incidit in fluuium insulæ Mataranæ. 161. a

Gouzalus Sousa quo morbo perierit. 85. b

Goterrius Monroius, Goæ præfectus. 346. b

Gradum Astrologi Latini quid appellent. 16. a

Gratias agere Deo satius est, quàm famam hominis officio suo præclare functi maledico dente corrodere. 290. b.

Gratitudo cuiusdam domestici erga Botellium. 325. a

Gueinalis tyranni obitus. 400. a

Guer promontorium vbi situm. 350. a. ab antiquis scriptoribus quo nomine appelletur. ibid.

Gundissaluus Coelius ex sex nauibus, quibus Brasiliã perlustraret, duas tantùm plenas psittacis atque simijs in patriam reduxit.

Gundissaluus Mendesiuss Zacotus quatuor nauibus præficitur. 156. a

Gundissaluus Vascius Goes honore priuatur. 194. b. illius facinus inhumanum. 149. a

H.

HAbrahamus Quiloensis rex aurũ, quod tributum nomine Regi Emmanueli quotannis penderet, dissoluere cur noluerit. 71. a. eiusque Regis perfidia. ibidem.

Habraemus tyrannus cuius opera regno spoliatus. 133. b

Haliadux ab Azambugio admonitus, vt fidem colat, & cęlestē numen reueretur. 157. b. digitum momordit. ibid.

Hamedius tyrannus occiditur. 314. b

Hannibalis portus. 1. b

Hectoris Roderici prudentia. 346.

S. Helenæ sinus. 24. b. insula. 68. a

Heluetij quanta libertate fruuntur. 387. a

Henricus Machiadus nauali certamine occubuit. 198. a

Henrici, Ioānis Regis filij, religionis studiũ. 15. b. mors. ibi.

Herba Sancta. 53. b

de Hercule traditio quædam. 195. b

Hieronymus Oliueria à Ioanne Roderico vinctus, cur reseruatus. 346. a

INDEX.

- Hispani opem Apostoli Iacobi in bellis implorant. 87. b
 Homaris disciplina inuiolatata mansit. 311. b
 Homeal oppidum capitur. 191. a
 Homines literis & humanitate destituti in quantam errorum colluionem incurrant. 56. a. & b
 Homines in fidem receptos prodere, quam turpe sit. 93. a
 Hominis maximi est, in summa felicitate imbecillitatis humanæ memoriam retinere, & hominibus in summa calamitate constitutis agnoscere. 185. a
 Horæ sex, quot gradus conficiant. 365. b
 Hospitalensium ordo cum Templariorum ordine in quo conueniebat. 11. a
 In hostibus nihil est simplex, nihil non mendacio, & scelere, & calliditate subnixum. 189. a
 Humanitatis, & misericordiæ laus. 185. a
 Humanæ vitæ spatium breuissimum, virtutis præmium sempiternum. 171. a
 Hyeme nullam opem propter aduersas tempestates adferri posse. 215. b

I

- I**acobus Azambugius castello præfuit, quod iussu regis Emmanuelis extruxit. 154. b. leges pacis scripsit. 154. b. à quatuor viris nobilibus Saracenis persecutus, & horum princeps Haliadux. 155. a. in Lusitaniam redit Azambugius. ibid.
 B. Iacobus Apostolus in acie perspectus, hostes exterruit. 373. b. illius opem Hispani implorant. ibid.
 Iacobus Coutignus ab hostibus interficitur. 271. a
 Iacobus Fernandus Correa Calecutiensis Regis nauigiū pipere onustum, iniussu Francisci Albuquerqueij, oppugnat. 92. a
 Iacobus Fernādi filius in honores amissos restituitur. 9. a
 Iacobus Miranda vitam à Rege Emmanuele impetrat. 157. a. præfectus equitum efficitur. ibid.
 Iacobus Melius in Lara insula cum nouem Lusitanis interficitur. 193. a
 Iacobus Paciecus vir iuris ciuilis scientia, & dicēdi facultate non vulgari præditus. 122. a. b

INDEX.

- Iacobus Syluius Emmanuelis Regis pædagogus fuit. 10. a
 Iacobi Almeidae oratio ad Regem Emmanuelẽ pro Georgio Ioannis Regis filio. 3. a
 Iacobi Mendezij obitus. 357. b
 Iacobi Fernandio Begiensis quæ acciderint. 401. a
 Iacobus Viegas quanta virtute cum Mauris dimicauit. 126. b
 Iapara. 275. b
 Iaua maior & minor. 263. a. earundem fertilitas. ibidem. earum incolæ quam religionis sectam sequantur. 273. b. quibus vestibus vtantur. ibid. hominis principatum in qua corporis parte constituent. ibid.
 Iehabentafusus in offensionem Nonij Mascaregnæ quorum opera inciderit. 388. a. vbi, quando, quomodo, & a quo interfectus. 398. a
 Imaus mons, pars Caucaſi est. 36. a
 Imbecillitatis humanæ exemplum. 207. b
 Immanitatis exemplum Albuquerqueius perpetrat. 192. b
 Imperiti rebus suis quando consulant. 117. a
 Imperium quibus rebus constituatur. 353. a. sine salutari disciplina odiosum. 182. b
 Incõmoda, quæ in vrbis alicuius obsidione accidere possint, quædam recensentur. 213. b
 Incredulitas regnis quàm infesta. 40. a
 India qualis regio. 36. a. ab accolis quomodo appelletur. ibid. in longitudinem quàm longè pateat. 36. b. in latitudinem quàm longè pateat. ibid. eius imperium quomodo sempiternum. 281. a
 Indi iumenta ita assuefaciunt, vt eorū molibus moueantur, aut subsistant, aut eò properent, quò illi iubent. 26. b
 in Indico mari nauigantes quo sint iure. 149. a
 ab Indo fluuio ad vltimos Malucarum insularum terminos, qui ad orientem Solem spectant, quot gradus intersint. 365. b. inter eundem fluuium & Gangem quantum spatij interiectum. 365. a
 Indorum regum insolentia. 90. a
 ex Ingenio suo alios quisque fingit. 289. a
 Iniurcis in re capitali non temerè fides habenda. 233. a

I N D E X.

- Iniuria in quibus non sit vindicanda. 364. a
 Institutio belli ducis elegans. 183. a
 Insula Conceptionis. 66. b
 Insula S. Laurentij. 40. b
 Insula S. Thomæ. 94. b
 Insula S. Helenæ. 68. a
 Insula S. Iacobi. 23. b
 Insulæ S. Laurentij sinus ob amœnitatem pulcher appellatur. 160. b
 Inuidia quid faciat. 201. a
 Ioannis Portugalliæ Regis, hoc nomine primi, sepulturæ locus. 45. a
 Ioannes hoc nomine secundus, Portugalliæ rex qua morte perierit. 1. a. testamentum vbinâm fecerit. 1. b. hæredem sui regni quem instituerit. ibi. fortes viros quanto amore persecutus, & contrà, ignauos quanto odio. 2. a. apud populum quanto in amore fuerit. 2. a. quot annos natus, cum mortem obiret. 4. a. Emmanuelem summo amore cur persecutus. 1. b
 Ioannis Regis obitus. 1. b. eius animi magnitudo quanta. 2. a. ingenium. ibid. religionis studium. 2. b. probitas. 3. b. ossa in Batagliam quando translata. 4. 4. b
 Ioannis, regis Fernandi filij, mors, toti Hispaniæ quantam mœstitiam attulerit. 18. b
 Ioannes Chiauensis Episcopus Visensis. 289. b
 Ioannes Gomecio capitis supplicio cur & à quo affectus. 348. a
 Ioannes Gomecius vbi, & à quibus occisus. 358. b
 Ioannes Homo Saracenos velis & gubernaculis spoliatur. 234. b. naus præfectura ab Almeida priuatur. 139. a
 Ioannes Lacteus dum hamato relo piscē transfigere, vellet, in mare demergitur. 140. b
 Ioannes Menesius de Mauris victoriā quomodo & quando consecutus. 7. b. 9. a
 Ioannes Nouius. Calecutiensem nauem armis expugnatā incendit. 67. a. & 68. a. à Cananoris Rege certior fit, Regem Calecutij aliquot parones instruxisse qui portus aditum obsiderent, vt illum interclusum armis opprimerent.

INDEX.

- merent. 67. a. à Cananoris Rege quomodo exceptus.
66. b
- Ioannes Padillia capitali supplicio cur affctus. 388. a
- Ioanes Saucius Christianæ religionis sacris initiatus fer-
tur. 162. b
- Ioannes Sylueira Darcacæ ciuitatis rectoris fraudes quo-
modo eluserit. 356. a
- Ioannis Coutigni vbanitas & facetia. 379. a
- Ioannis Limici fratris iam morientis verba. 228. a. b
- Ira excæcatus, quid faciat. 203. b
- Iracundia flagrans & dolore, quid faciat. 203. a
- Isabela Emmanuelis Regis filia in lucem quando edita.
83. b. cui nupta. 83. b. quanta fuerit pulchritudine. ibid.
- Emmanueli Regi nubere cur noluerat. 15. a
- Isabela Castellæ regina quādo è vita discesserit. 95. b. quā-
tis virtutibus fuerit ornata. ibid.
- Isabelæ Iunioris partus. 22. a. virtutes, quibus eluxerat.
ibid.
- Isabelæ reginæ Portugalliæ honores vt diuis haberi iu-
bentur. 328. b
- Ismael Aidaimi filius. 312. a. Persarum rex. 311. a
- Iuda, vbi sita. 343. b. Iudæ ciues quibus aquis vrantur. 344.
a. ab ea Meca quam longè distet. ibidem. quales domos
habeat. ibid.
- Iudæi in Portugallia morantes libertatem amissam quo-
modo recuperârint. 14. a. in Portugallia, tempore Ioan-
nis hoc nomine secundi regis Portugalliæ, qua ratione
seruitute oppressi fuerint. 5. b. eorum in Portugallia
morantium conditio quæ fuerit, cū Emmanuel re-
gnare cœpit. 6. b
- Iurisiurandi neglecti vindex Deus. 210. b
- Iusiurandum negligentibus Deus infensus est. 183. b

L

- L** Acerdæ vulnerati fortitudo & factum. 228. b
- Laudes clarorum hominum quod reuocandæ.
411. a
- Larachæ. 96. b

Largi-

INDEX.

- Largitas hominū repræhensione carere non potuit. 299. b
 S. Laurentij insula. 140. b
 Laurentius Almeida in prælio contra Sultani duces inito
 tormentis dilaceratus occubuit. 193. a
 Legatio Emmanuelis regis ad Alexandrum de prospicien-
 dis rebus Ecclesiæ. 22. a
 Legatio Fernandi & Isabelæ Castellæ regum ad Emma-
 nuelem de gratulando ei de regni hæreditate. 7. a
 Leo decimus Pont. Max. quanta concesserit Emmanueli.
 328. b. dies festos egit, supplicationes instituit, ipseque
 rem diuinam solēni ritu confecit, ob partam victoriam
 de incredulis. 288. b
 Leonora, Caroli Imperatoris soror quo ritu Emmanueli
 Regi tradita. 361. b
 Leonoræ, Regis Emmanuelis sororis, in egentes benigni-
 tas. 355. a. pietatis studium. ibid. animi magnitudo. ibid.
 prudentia. ibid. partus. 401. a.
 Leges Brasiliensium. 54. b
 Lex lata fuit, ne quispiam ab vna in aliam tribum iret: &
 quare. 297. a
 Liberis non tam amplum patrimonium, quàm fidei & ho-
 nestatis exemplum relinquendum. 130. b
 Licentia militaris, seu iore disciplina non coercita, quàm
 periculosa. 51. a
 Linea à Septentrione ad Austrum in cælo designata, quo-
 modo appelletur. 364. b
 Lingua aliena vti semper apud Barbaros regiū est. 189. b
 Literæ passionis inter regem Armuzij & Albuquerqueij in
 aureis laminis fuerunt inscriptæ. 183. b
 Lixus fluuius. 75. a
 Lodouicus, Regis Emmanuelis ex Maria Regina filius, vbi
 & quando natus. 127. a. illius ardētissimum pietatis stu-
 dium. 127. a
 Lupi Martini magnanimitas. 49. b
 Lupus Suarius Olyssipponem reuersus, quanta cum gratu-
 latione, tam à Rege, quàm ab omni nobilitate fuerit ac-
 ceptus. 125. a. in Indiam quo tempore peruenerit, 116. b.
 de rebus à Pacieco gestis vbi & à quibus certior factus.
 117. a. Adenę possessionē occupare cur noluerit. 343. a. va-
 ria cibo.

INDEX.

ria ciborū genera sibi à Calecutij Principib. missa cur
repudiārit. 117. b. fluctib. oppressus, interijt. 133. b. ad Al-
buquercij antecessoris virtutē aspirare nō potuit. 128. b.
in Lusitania quibus nā religiosorū militum vxores ducere
licuerit. 11. b. anno M. D. IV. vltimo die Decembr. quan-
ti terræ motus extriterint. 96. a

Lusitani nobilitatis appetentes. 363. quā sanctē fidē co-
lant. 95. a. ab hostibus missilibus & saxis è turribus vul-
nerati. 165. a. Coicitari naues ignibus coniectis in flam-
mant. 189. b. duce potissimū Almeida tantum hostiū
numērum interficiunt, vt fluctus in sanguinis colorem
verterentur. 198. b. eorum dignitas à quo pēdeat. 363. a.
oppugnatio infelix. 281. b. cupiditas, auaritia, & crudeli-
tas quanta. 210. b

M.

MAdagascari insula. 140. a. b. vbi sita. ibid.
Magallani fretum quot passuum millia in longitu-
dinem pateat. 366. a

Magnanimus verē quis habendus. 394. b.

Magnetis natura. 27. b

Mahumetes vbi sepultus. 344. a. 124. a

apud Mahumetanos non licet malo quenquam cogere, vt
eam fidem detesteretur, in qua fuit ab incunabulis enu-
tritus. 122. b

Maimames cum filijs occiditur. 118. b

Malabares. 36. b. eorum cultus. 36. b. sacerdotes quo nomi-
ne appellent. 37. a. sacerdotes quanto honore prosequā-
tur. 37. a. quas artes colant. ibid. annum à quo mense in-
choent. ibid. anni principium qua hora auspicentur,
ibid. quibus interdicta matrimonia. 37. b. testamento fi-
lios hæredes cur nō instituant; & quos eorū loco. ibid.
nobiles cuius stipendio nutriantur. ibid. nobilium ve-
stitus. ibid. artificum genera apud eos quomodo distin-
cta. 38. a.

Malaca vbi sita, quæ item eius latitudo & longitudo, &c.
208. b

Malacenses quales sint. 209. b

Maldiux insulæ quā longè distent Cochimo. 143. b

Malipur

I N D E X.

Malipur. 120. a

Malo quenquam cogere, vt eam religionem detestetur, in qua ab incunabulis fuit enutritus, apud Mahumeta- nos. non licet. 122. b

Maria Regina filiū primogenitū quādo pepererit. 66. a. in eius partu q̄ contigerint. ibid. infans sacro fonte quādo ablutus. 66. a. quod nomē obtinuerit. ibid. filiā quando pepererit. 96. a. filiæ quod nomen impositum. ibid. Lo- douicum vbi & quando pepererit. 127. a. è vita quando discesserit. 349. a. quot annos nata, cū è vita discede- ret. ibid. quot filios superstites reliquerit. 349. b. filios in officio quomodo continuerit. 349. b. Eius religionis stu- dium. 349. b. in egentium inopia sustentāda benignitas. ibid. in virginibus alendis magnificentia. ibid.

Maris atque terrarū tractus quot partibus definiti. 364. b

in Mauritania Tingitana quanta fuerit fames. 410. a

Mauri è Lusitanix finibus cuius virtute expulsi. 68. b. ino- pia coacti Christianam religionem profitentur. 410. a. quale genus hominum. 398. b. 156. a. frigoris impatien- tes. 318. a

à Mahumeris secta discedere nolentibus nullum incōmo- dum ab Emmanuele cur illatum. 14. b (296. b

Mauri & Pagani in deditionem Emmanuelis vltro veniū.

Maximilianus Imperator è vita quando discesserit. 386. a de imperij successione quæ fuerit contentio. 386. a

Mazagani oppidi situs, opes, & potentia. 286. a

Mazalquibiriū vbi situm. 50. b. à Lusitanis expugnatur. ib.

Mazua 374. b. ad cuius Regis ditionem pertineat. ibid.

Meca quā longè Iuda distet. 344. a

Melichiazus pacem ab Almeida per literas petit, errati sui veniam suppliciter implorans, & explicans quid cōmo- di allaturus sit Lusitanis, quantoque vsui esse possit, si in amicitiam firmam suscipiatur. 199. b. eius responsio ad Almeidam. 200. a

Melichigupius hospitio suscipit, & oratione admonet lega- tum Iacobum Fernandium Begiensem. 308. a

Melinde vbi sita. 31. b

Melindenses domos quales extruāt. 31. b. eorū cultus. ibid. arma, quibus tēpore belli vtuntur. ibid.

INDEX.

- Melindensis rex Gamam** quibus muneribus affecerit. 32.a
Menendi Alfonsi obitus. 346.a
Menefius à Sardinia insulae pratore quomodo exceptus. 51.a. **Castresii** quomodo significauerit Fessensem regem **Tingim** contendere ad eam expugnanda. 49.a. **vulnus** accipit. 450.a. eius obitus: item laus à rebus gestis. 295.b
Mentem, qua victoria paratur, quis donet. 7.a
Mercatura cessante, rerum inopiam prouenire, testes sunt **Malacenses & Lusitani.** 324. b. 325.a
Michael princeps, Emmanuelis & Isabelae filius, vitam cum morte quando commutauerit. 46. a
Militaris licentia, seu iore disciplina non coercita, quam periculosa. 51.a
Milites audaces, & ad maledicentiam propensi. 392. b. eorum fortitudo Imperatorum industriae adscribenda. 411.a. officium quod sit. 395.a
Miraculum de cruce in nigrum colorem mutata. 120. b
Miracula, quae Apostolus Thomas edidit. 92. b
Mirhocemus à Soleimano cur occisus. 343. b
Mirhocemus quo ordine classẽ suam instruxerit. 197. a. illius nauis vnus tormenti ictu perforata submergitur. 147. b. obitus. 342. b
Mombaza vbi sita. 30. a. eiusdem tellus qualis. 30. a. eius homines quales domos extruant. 30. a
Mons maior vbi situs. 2. b. **Ebora** quàm longè distet. ibid.
Mores varij & instituta Aethiopum Christianorum. 304. b 305. a
Mores Bantanum. 136. b
Mores Bengalenſium. 355. b
Mores regis Bishagensis. 137. a
Mores Brasiliensium. 53. b
Mores Coulamensium. 92. a
Mores regis Emmanuelis. 412. a. b
Mores incolarum Iauae maioris, & minoris. 275. a. b
Mores Malabarum. 37. a. cum seq.
Mores Narſinguenſium. 136. a
Mores Sinarum. 353. a. cum seq.
Motus confusio & perturbatio materiam bello subministrant. 297. a

INDEX.

Mozzambique. 27.a. sub cuius sit imperio. ibid. à quibus hominibus habitetur. ibid.

Mozzambiqueus vestitus. 28. b. a.

Multitudo immodicæ libertatis studio ducitur. 38. 7. a. in multitudine neque modus, neque consilium, neque ratio est. ibidem.

N.

Nantum Cantamo quàm longè distet. 352. b
Narahumimus sagittis confixus occumbit. 82. a
Narsingua vbi sita. 136. a. quibus regionibus finitima. 136. a. cum hominibus illis, qui eas incolunt, continenter bella gerit. ibid. eius regionis fertilitas. 136. a

Narsinguenfes quam habeant religionem. 136. a. templa quomodo ædificent. ibid. Brachmanas quanto honore prosequantur. 136. b. illorum regis opulentia, luxus, magnificentia. 137. a. b

Nauigatio periculosa. 308. b

Navis corijs crudis obducta vestigia insilientium labare facere putatur. 199. a

Nicolaus Coelius quomodo perierit. 94. a

Ninechetuens oratio funebris. 306. b. se in pyram incensam præcipitem dedit. 307. a

Nobiles luxu & lasciuiæ ferè diffluunt. 320. b. illorum virtus Regis nomen illustrat. 411. a

Nonius Cugna filius Tristani Cugnæ. 166. a. sequitur Barretum, & strenuè pugnât. 166. b. ignem nauibus implicat, quo decem & octo conflagrantur. ibid.

Nonius Pereira Antonium Paciecum in custodiam cur dedit. 356. a

O.

Odij seminarium perditorum hominum opera adollescere solet. 200. b

Odoardus filius Emmanuelis nascitur. 323. a. studia & vita eiusdem. ibid.

Odoardi Galuani obitus. 344. b

Odoardus Lemius Mozambique sem portum appulit. 159. b. in Zacocoram venit. 160. a

INDEX.

- Odoardus Menesius Comitis Taraucensis filius in facie
vulnus accipit. 76.a
- Odoardus Paciecus in quantum periculum sese coniece-
rit. 91.b
- Offensio communis animos dissidentes coniungit. 124.a
- Olyssipone quanta lætitia affecta fuerit è Principis ortu.
66.a
- Olyssipone anno M.D.vj multitudinis furore & amentia
quantus tumultus excitatus. 127.a.b. 128.a. idem furor
quorum aduentu repressus. 192.a. istius tumultus aucto-
res quibus supplicijs affecti. ibid.
- Onor. 134.a
- Onorenses fœdera non religione, sed vtilitatis præsentis
imagine metiuntur. 135.a
- Opes Regiæ quorum præsidio evertantur. 112.a
- Opportunitas rerum in bello omnia moderatur, neq; vlla
maior rei benè gerendæ facultas dari potest. 289.a.b
- Oratio Alfonsi Congensis regis filij ad illius regni Proce-
res, qua ius hæreditatis, quod obtinebat, & humanita-
tem, qua suis cōsulebat, & fidē, qua erant illi omnes ob-
ligati, exponit: & ad fidē & officium cohortatur. 87.b
- Oratio Brigantini ducis ad monachum. 289.b
- Oratio regis Cochimēsis ad Paciecum ne se in summo dis-
crimine versantē deserat. 198.b
- Oratio duorum quorundam ad Albuquerqueium. 238.b
- Oratio Iacobi Almeidae ad regē Emmanuelem pro Geor-
gio Ioannis filio. 3.a. eiusdem oratio ad Nambeadaram
regem. 139.b
- Oratio Iacobi Ortisij Vifensis Episcopi de egregijs & ad-
mirandis facinoribus Pacieci. 125.a.b
- Oratio Naubeadarimi, sororis regis Calecutiēsis filij apud
auunculum, ne bellum contra Trimumparam gerat.
79.a.
- Oratio Pacieci ad Deum. 115.a
- Oratio Saraceni cuiusdam ad Calecutij regem, vt Gamam
aliosq; Lusitanos extingueret. 39.a
- Oratio Vasce Gamæ ad Calecutiensē regem pro Emma-
nuele Portugalliæ rege. 35.b (retus. 291.a)
- Otio torpere suos nō permittebant Ioānes Mincsius & Bar
Pelagius

INDEX.

P.

Pelagius Sousa quòd imperatoris iniussu in terrā absq;
vlla graui causa descēdisset, temeritatis pœnas luit.
194.a

Penuria aquarum magna. 295.a

Pereftrellus vindicta diuina, quod falsò accusasset Abedel-
lam prodicionis, percutitur. 324.b

Perfidia à regijs moribus quàm sit aliena. 74.a (lat. 149.b

Perfidiae infamia odium incendit, & ad vindictam stimu-

Periculum ab amicis propulsare, quàm sit honestum. 47.a.

quod nam maximè tuendū. 112.a. nullum grauius inten-

ditur eo, quod ex violata fide cōmunibus rebus immi-

net. 210.b. illud depellendi remediū quod nam sit. 410.a

Persis quid sit à natura insitum. 312.a

Petrus Ataideus mortem vbi obierit. 94.b

Petrus Barretus dux. 166.a

Petrus Lupius Azeuedius occiditur. 370.b

Petrus Nauarrus de belli gerendi ratione cum Menesio de-
liberat. 177.a

Petrus Nonius, Mathematicorum princeps. 365.b

Petrus Pascalius Venetus legatus, qui fuerat ad Emmanue-

lem missus, vt ei Reipubl. nomine summas gratias age-

ret pro classe, quam in auxilium illius miserat, ab Em-

manuele quantis muneribus affectus. 66.a

Petrus Pimintellus capitali supplicio cur affectus. 388.a

Petrus Vascius Veiga quo morbo absumptus. 89.b

Petri Vascij Furmani obitus. 404.a

Philippus Maximiliani imperatoris filius cū vxore in Hi-

spaniā quādo venerit, vt regni hæreditatē adiret. 147.a

Pius Pontifex Maximus è vita quando excesserit. 84.a. in

eius locum quis substitutus. ibid. (387.a

Plebs insita naturæ temeritate modū seruare non potest.

Pontifex Maximus Christi summus vicarius. 274.b

Portugallia à Castella quo fluuio distinguatur. 361.b. illorū

regum quinque scutis, Christi vulnera designantur,

373.b. illorum insignia quinq; scutis in formam crucis

dominicæ disponuntur. ibid. illorum Reges quamobrè

de quinque scutis sua insignia sumpserint. 373.b

Prælium inijt Petrus Menesius. 296.a

Prælium

I N D E X.

Prælium committitur. 294. b
 Prælium nauale à meridie in noctem protrahitur cum Al-
 meida & Mirhocemo. 199. a.
 Presbyter Ioannes. 301. b
 Principijs obstandum. 346. a
 Principis prudentis officium quod sit. 210. a
 Proditoris nomen quàm sit inuisum. 363. b. in quos cõue-
 niat. 78. b. quibus præcipuè exécrandum. 364. b
 Promontorium Bonæ spei. 16. b
 Promontorium Tormentosum. 16. b
 Pugna naualis Botellij & regis Lingux. 306. a

Q.

Q Viloæ Rex quanta formidine perterritus Gamæ ad-
 uentu. 70. b. vinculis à Gama cur alligatus. ibid.
 quo fœdere è vinculis emissus. 71. a. eam præterue-
 ctus Gama Mombazam se cur contulerit. 30. a.
 Quod est opera maleuolorum hominum optimorum Re-
 gum auribus inculcatum, quantum sæpenumerò va-
 leat. 125. b

R.

R Aiphamed. 313. b
 Raix Xerephius Mochris hostis sui cadaueris caput
 cur abscederit. 398. a
 S. Raphaelis terra. 26. b
 Rhamanus ab Haliaduce & Iehabentafuso, & alijs in tem-
 plo confossus. 154. a
 Reipublicæ parentes qui sint. 363. b
 Regis nomen virtute nobilium illustratur. 411. a. Regis
 pecunia salutis instrumentum est. 5. b. eius gloria qua
 re contineatur. 46. b. officium qua in re prospiciatur.
 411. a
 Reges quid efficiat. 74. a. cuius sumptibus alantur. 386. b.
 reipubl. parentes sunt. 363. b. quot & quibus rationibus
 suorum laudem sibi vendicare possint. 411. a
 Religionis violatæ vindex Deus futurus. 210. b
 Repelinensis quas fraudes excogitârit, quibus Lusitanos
 demec.

INDEX.

- de medio tolleret. 112. b. illius insidijs, quas Lusitanis
struxerat, à Pacieco quomodo occursum. 112. b
Repelinum Cochimo quàm longè distet. 81. a
Rerum humanarum instabilitas. 22. a. earum euentus va-
rij. 78. b
Res mirabiles in Persico sinu Alfonso Albuquerqueius gef-
sit. 168. a
Respublica in periculis quomodo gerenda. 100. a
Rex, si rectè Regis nomē vsurpet, quid sit, & quid facere de-
beat. 386. a. subditorum opibus adiuuandus est. ibid.
Roderici Coutini obitus. 7. b
Rodericus Falerius quo morbo consumptus. 366. a
Rodericus Pereira occiditur. 168. b

S.

- S**acerdotes à vitæ luxu, morumque licentia, ad continē-
tiæ & sanctimonix disciplinam reuocandos vult Em-
manuel rex. 299. b
Sacrificium quale exigit Christus ab hominibus. 14. a
Safin. 153. b. ad hanc mercatores quæstus gratia confluunt.
ibid. frugibus & pecoribus abundat. ibid.
Sagacitate nullum propugnaculum ad pericula propellen-
da munitus. 40. a
Sagres à promontorio sacro quàm longè distet. 15. b
Saldagnæ aquatio. 94. b
Salutis publicæ instrumentum, regis pecunia est. 5. b
Sancius Alfonsi Faronensis Dynastæ filius in honores a-
missos restituitur. 9. a. pro Faronensis comitatus titulo,
comes Demirensis appellatus. ibid.
Sanctarena olim quomodo appellata. 1. b
Sapientis non est, hostem à tergo potentem impunitum re-
linquere. 212. b
Saraceni quousque fidem seruent. 209. b. Lusitanos ado-
riuntur. 158. a. arcem circundant. ibid. triginta capitibus
& mentis abasis in Petrum Barretum impetum faciūt.
166. a. & b
Saracenorum crudelitas. 145. a. hospitalitas erga Lusita-
nos. 83. a. odium in Lusitanos. 40. b
Selymus Turcarum imperator Syriam & Aegyptum im-
perio suo quo anno adiecerit. 350. a

INDEX.

- Septa à quo Rege primū oppugnata. 6. b. vbi sita. 15. a. 354. b
 Simonis Andradij temeritas. 354. b
 Sinarū Respubl. in quot partes distributa. 354. a. primus ho-
 noris gradus apud eos quibus assignetur. 354. a. quibus
 secundus. ibid. quibus postremus. ibid. cæci apud eos
 victū quo pacto sibi comparent. 354. a. corū libido. ibid.
 Sinarum descriptio. 363. a. Sinæ cum quibus bella continē-
 ter gerant. ibid. Sinæ ingenium. 353. a. victus. ibid. vesti-
 tus. ibid. quas disciplinas colant. 353. b. in describendis
 libris quibus formis vtantur. ibid. religio. 353. b. quos di-
 uos habeant. 353. b. in studijs quo sermone vtantur. 354.
 a. Regem quomodo colant. 354. a
 Sol qualibet hora quot gradus progrediatur. 365. b. illius
 cursus ab Indi fluminis ostio, ad Olyssipponis vrbs sitū,
 quot horis terminetur. 365. b
 Surrate vrbs. 307. b (106. a
 Syluas concidere apud Calecutienses, victoriæ signum est.
 Syria Selymi Turcarum imperatoris imperio quo anno
 adiecta. 350. a

T.

- T** Aprobana insula quæ sit. 143. b. Auræ Cherson-
 so quomodo obiecta. 275. a
 Targa. 350. b. ad cuius Regis regnum pertineat. 350. b.
 Septa quàm longè distet. ibid.
 Tednest ciuitatis situs & templum. 291. b.
 Temeritas iuuentutis victoriā claram futuram deforma-
 uir. 294. a (68. b
 Terra viridis. 68. b. mores hominū in ea terra habitantiū.
 Terra S. Crucis. 53. a
 Theseus ciues Atticos è pagis in urbem compulit. 231. b
 Thomas Apostolus in Malipurem à quo, & quamobrem
 missus. 120. b. quo mortis genere perierit. ibid. eius mor-
 nimēta apud Indos Christianos quàm sint clara. 120. b.
 121. a. b. vbi & à quibus interfectus. 120. b
 Thomæ Apostoli corpus vbi sepultum. 92. b. 120. a. quantis
 miraculis celebratum. ibid. cum seq.
 Toletani ciues Emmanuelis regis & Isabelæ reginæ man-
 osculari in templo cur noluerint. 20. b. & vbi illud offi-
 cium obierint. 21. a

I N D E X.

Trimumpara Cochimum traductus, regis Eminentissimis nomine in urbis & regni possessione constituitur. 90.
fanum apud illos sanctum, ut sacris vacaret, ingressus,
regnum cui reliquerit. 139. b. illius in fide conseruanda
constantia. 78. b

Tristanus Cugna quæ gesserit. 160. & seq.

Tristani Vascij Veigæ animi magnitudo. 406. a

V.

VAscus Gama, ubi primû Olysiptone soluiſſet, ad quas
insulas cursû direxerit. 23. b. in pede vuln⁹ accipit. 24.
a. insidias sibi à socijs suis instructas quomodo declinâ-
rit. 25. a. à Calecutiensî rege quàm honorificè fuerit ex-
ceptus. 34. a. b. 35. a. Catualis fraudes, qui illum remora-
ri conabatur, quomodo eluserit. 41. a. Calecutij Regis
naues cur expugnârit. 41. b. à Melindensî rege quomo-
do fuerit exceptus. 44. a. insidias Regis Mozzambique-
sis quomodo declinârit. 31. a. Melindensis regis filium
quàm honorificè exceperit. 32. a

Vasci Gamæ institutum in explorandis rebus Indicis quod
fuerit. 23. b. eius religionis studium. ibid.

Vengapor. 263. a

Venti qui anniuersarij. 365. a

Victoria qua re contineatur. 99. b. plerunque fortunæ, tui-
na autem temeritati tribuitur hominum iudicio. 183. b.
homines insolentes & disciplinæ prorsus immemores
ferè facit. 229. b. non moderatè vsi, successibusq; prospe-
ris elati, pœnas diuino iudicio perferunt. 207. b. 208. a

Victoriæ spes non in vlulatibus, sed in virtute collocanda.
264. b. in Christi numine propitio collocanda. 285. b

Vincentius Soderius à Zofalæ rege quomodo acceptus.
70. a. b. fluctibus obruitur. 53. a

Virtute ad voluntates conglutinandas nihil efficacius 35.
b. eius magnitudo tenuem vitiorû labem superat. 295. b

Virtutes & vitia in Rempubl. à quo redundant. 411. a

Vitæ humanæ breuitas. 78. b

Vmbre oppidum ubi situm. 368. b. Aramore quàm lôgè di-
ſtet. 368. a. ab Aluaro Norogna oppugnatur. ibid.

Vrsula virgo pro cuius nomine mortem pertulerit. 355. a.
ubi sepulta. ibid.

Xerquien-

INDEX.

X.

Xerquienfes pacem ab Ataidio petunt. 269. a. & pax quibus conditionibus facta. ibid.

Z.

Zacoeia à Gama quàm humaniter exceptus. 28. b. 29. a.

Zacoeiæ amicitia cum Gama constituta in odium cur cō- uersa. 29. b.

Zaide Boagazius à Xerifio in fugam compulfus. 350. b.

Zamatræ insulæ situs, latitudo, fertilitas, mores & institu- ta. 208. a. quales item incolæ. 208. b.

Zamzibaris regio qualis. 44. a.

Zanzibarenfis Princeps bellum cōtra Rauasum gerit. 95. a. filio orbatus, multisque incommodis affectus pacem cum Rauasco qua conditione constituerit. ibid.

Zeila ubi sita. 344. quales homines in ea versantur. ibidem. quomodo capta. 345. a. coniectis flammis absumpta. ibidem.


Zeilanda in longitudinem & latitudinem quot passuum millia pateat. 144. a. quàm sit fertilis. 144. a. quot regnis distincta. ibid.

Zofala. 27. a. Aegeſimbæ pars. 140. eā Frācisus Gnaia im- perio Emmanuelis quomodo subiecerit. 141. a. b.

Zufere rex Zofalæ Gnaiam quomodo suscepit. 141. a. ab Emmanuele Fernando occiditur. 141. b.

Zunda. 275. a.

FINIS INDICIS.





C574
O83h

574

1/2

